

28

#

1-1



12
INSTITUTIONES THEOLOGICÆ

AD USUM STUDIOSÆ JUVENTUTIS

AUCTORE

CAJETANO DE FULGURE

AVERSANÆ

CATHEDRALIS ECCLESIAE CANONICO

OLIM

IN AVERSANO CLERICORUM SEMINARIO
S. THEOLOGIAE PRÆCEPTORE

TOMUS I.



NEAPOLI 1806.

EX TYPOGRAPHIA VINCENTII DESINI

Superiorum Facultatis



Quodcumque in hac Ecclesia agricultura fide Patrum
 satum est, hoc idem filiorum industria decet exco-
 latur; & observetur, hoc idem floreat; & matu-
 rescat, hoc idem proficiat, & perficiatur. Fas est
 etenim, ut prisca illa celestis Philosophia dogmata
 processu temporis exturberentur, liméntur, poliantur;
 sed nefas est, ut commutentur, nefas ut detruncen-
 tur, ut mutilentur.

Vincentius Lirinensis Commonit. i. Cap. 30.

Πισιν ὑμῖς ὅτι παρ' ἄλλων γραφομένην ὅμην νεώτεραν
 παραδεχομεθα, ὅτι αὐτῇ τῇ τῆς νεώτερας διαβολῆς
 γέννηματα παραδίδονται τοῖς ἡμεῖς, ἵνα μὴ ἀνδραγαθὰ
 λογιζώμεται τὰ τῆς εὐσεβείας ῥημάτων, ἀλλ' ἀπὲρ τα-
 ρα των ἁγίων πατέρων διδασκαλίας, ταῦτα τοῖς
 ἀρχαῖοις ὑμῶν διαγέγραμμεν.

Basiliius Epist. ad Antioch. Eccles.

P R Æ F A T I O.

QUAM doctrinam non in Academiæ, aut Lycei spatiiis natam, sed ab ipso æterni Patris mente haustam, unus totius humani generis magister Christus dominus tradidit, eam quantum mediocri ingenio assequi, ac rudi eloquio explicare posero, tyronebus enucleare proposui, ut sacris litteris eruditi, & suis ipsorum mores ad pietatem, & religionem componere, & aliorum, cum tempus feret, emendare vitia, excolere virtutes valeant; donec omnes ad summum rerum omnium principium, ac finem Deum, unde hæc disciplina profecta est, Deo ipso operante, atque adjuvante, perveniamus. Qua in re utrum operæ pretium simi facturus, ignorare me fateor: illud tamen certo affirmare possum, nihil esse a me laboris, ac diligentie prætermissum; ut adolescentium commodo, atque utilitati hæc in parte defererem.

Atque eum quidem laborem non eo consilio suscepi, quo eos omnes, qui hucusque a viris doctissimis editi sunt de hoc eodem argumento, libros aut contemnerem, aut reprehenderem, quod utramque, cum me ex illis profecisse sciam, aut superbi esset animi, aut certe ingrati. Verum illud semper, nec immerito, persuasum habui, idque etiam negaturum esse arbitror neminem, veterum labores non eam legem imposuisse posteris, ut ceterum inertes semper, atque otiosos esse nos oportere, neque ita palmam omnibus præripuisse, nullum ut reliquerint industrie locum: imo potius nostram excitasse, atque exornasse diligentiam, ut ipsorum laudabile studium in sacris disciplinis excolendis, quas limari semper, atque exposcili fas est, si non amulari, ac saltem quantum præ ingenio possumus, imitari conaremur.

Jam vero illud in plerisque dissimulari non poterat incommodum, quod nonnulli nimia rerum copia prolixiores xironum opprimebant animos; alii contra majori quam par erat, brevitate jejuni, atque obscuri, nec ab omnibus intelligi facile poterant, nec intellecti satis eruditos adolescentes educebant. Mito peculiarios auctorum opiniones, veterisque philosophiæ scholæ præjudicia, quæ uno in tractatu posita per omnes ferme Theologia partes veluti principia vagabantur. Quæstiones vero post eorum aetatem exortas, sed hoc tempore scitu maxime necessarias, omnino insatias reliquere veteres. Quibus, aliisque de causis, jam a multis novum aliquod Theologicarum Institutionum corpus nostrorum ingenii accommodatum desiderari intellexeram, præsertim postquam nonnullæ magno studio elaborata, vel ipse Scholarum non receperat, aut antiquaverat usus, vel Romani Pontificis judicium improbaverat.

Cæterum ut ea, quæ commemoravi, nulla essent, ipsa me compulit ad scribendum optimi olim Aristoteli nostri FRANCISCI DE TUFO auctoritas, qui id sibi esse vehementer in optatis affirmavit, ut hanc provinciam susciperem, in eaque adornanda curam, & industriam collocarem. Cumque opere jam affecto, & pene ad umbilicum perducto, in turbulentiſſima illa tempora inciderimus sæculo superiore exeunte, quibus temporibus inter ingruentium undique bollarum strepitus, perturbationesque populorum, de vita potius fuit, quam de litteris cogitandum, ipse Presul amantissimus supremo jam fato proximus non aliud mihi commendavit, nisi ut ea quæ scripsissem, in publicum (ut pro sua in me benevolentia existimabat) edere commodum non omitterem. Cujus voti etsi me satis fecisse tantum abest, ut affirmem, quin potius multos in hoc ipso opere navos a viris doctis deprehensum iri, facile mihi persuadeam; erit tamen hæc mea qualiscumque temeritatis purgatio, atque hic aliis
for-

fortasse stimulus, ut quod ego frustra conatus sum, ipsi meliore ingenio, diligentia maiore perficiant.

Habes igitur instituti mei rationem. Nunc de Theologia ipsius nobilitate, ac dignitate satis unicuique perspecta, non est, cur longiori praefatione differant, ejus orationis difficilior esset exitum, quam principium invenire. Nam si eo nobiliorem, atque illustriorem existimari scientiam oportet, quo praestantiores ei quasi materia subiecta est, quenam est, quae cum Theologia ullo pacto comparari possit, quae circa id versatur, quo nihil non solum esse, sed ne cogitari quidem majus potest? Si magistri nobilitas, si scientia ipsius utilitas, si jucunditas, si explorata veritas, si denique necessitas in ullius umquam disciplinae commendatione, ac laude commemorari possunt; quid ista praestantius, quae ab ipsa Dei Sapientia hominibus tradita, neque ad inanem gloriam aucupandam; aut ad interitura vitae hujus commoda comparanda, sed ad beatam vitam capeffendam instituta, ad ipsum aeternae veritatis fontem erigit animum, atque attollit, illumque veritatis ipsius sui perpetuo anhelantem, quantum in hac vita optari fas est, reficit interim, ac recreat; donec eum pleno divinitatis lumine circumfusus, Deique consortem uberrimo caelestis voluptatis torrente satiet penitus, & inebriet, ac beatitudine repleat sempiterna.

Unum est, quod hic praetermitti non oportet, ut scilicet Graculis quibusdam ora obstruamus, qui ut sunt homines ad despicienda ea, quae nesciunt, procliviores, ita dicunt: prostratas hodie, atque extinctas esse haereses, nihil ut jam opus sit Theologorum disputationibus, qui cum Arianos, Macedonianos, Manichaeos tanto molimine oppugnant, veluti cum umbris conficiantur, frustra quoque tempus serunt, quod utilius in moralibus disciplinis, quae sola usui esse possunt, excolendis collocarent. Qua quidem in oratione stultitia plenissima nihil aliud, nisi suam ipsi in-

scitiam, atque imprudentiam produnt. Primum quidem extinctas hodie esse haereses, minam verum esset. Nam ut omittam Nestorianorum, Eutychianorum, aliorumque adhuc in Oriente spirantem factionem, nonne hodie Sabellianorum, Arianorum, aliorumque veterum haereticorum somnia, atque portentosa Sociniani ambabus ulnis amplexi, incredibili subtilitate, ac pari pertinacia defendunt? Nonne fratres olim nostri, nunc autem inimici, Lutherani, & Calvinista longe, lateque per universam Ectopam pervagati, magnam cum matris Ecclesia luctu ab ejus sinu recedentes, antiquas plerasque haereses renovarunt? Ipsi omnium venustissimi, atque impurissimi Simoniani, Marcioniste, Manichaei in Libris Petri Baëlii revixerunt, quos libros avidissime legentes inoraduli, non unum aut alterum religionis caput, ut alii olim haeretici, sed totum Christiana doctrina corpus irrident, & oppugnant. Quos quidem omnes saepe numero redargui oportet, vel ad ipsorum mentes, si fieri potest, sanandas, vel ad aliorum avertendam perniciem. Sed fac, bellum esse hac tempestate nullum adversus Christianae religionis dogmata: quis ignorat in pace parari arma, eruditi milites consuevisse, ne improvise ingruente bello suis ipsi eladibus rem militarem ediscant? Accedit, quod adolescentes, qui populi doctores futuri sunt, summa diligentia aliorum perspecta habere oportet errata, quae variis temporibus catholicam doctrinam temerant, ne forte & ipsi errore lapsi pro veritate errantium haereticorum somnia obtrudant, quae si admoniti retractare nolint, jam vetera illa monstra, quae extincta isti dicunt, reviviscunt. Quod vero de moralibus disciplinis absque Theologia excolendis addunt, adeo putidum est, & ineptum, ut refutatione non indigeat. Qui enim illas sine Theologia principiis velit addiscere, ne minimum quidem ab eo abluat, qui edificium sine ullo fundamento extruere moliretur. Neque vero per tot absurda opi-

nionum portenta postremis hisce temporibus, tanta facta esset disciplinae moralis ruina, si illi qui Cassilla vocantur, ejus scientia molem solidis Theologiae fundamentis constituere studuissent. Sed jam vereor, ne aut nimium molestus sim lectoribus, aut eorum ingenio injuriam inferre videar, si eos de rebus tam perspicuis longius differendo fatigem.

His igitur omissis, quid in hoc opere praestiterim, paucis in antecessum monere lectores necesse est. Primum inter varias, quae in Theologorum Scholis agitari solent controversias, eas selegi, quae adolecentibus scitu maxime necessaria videbantur, in eisquae quid ad fidei dogmata pertineret adnotavi, ne aut zirones in hareseos nota contrariis opinionibus innrenda, quod valde periculosum est, essent procliviores, aut pari contentione pro fidei dogmate, ac pro Theologicis conclusionibus decertarent. Scholasticam vero disputandi rationem, non horridam illam quidem, atque hispidam, sed paulo liberaliorem sectatus sum, utpote quam infigendis profundius adolecentium animo Theologicis disciplinis optiorem esse, multorum annorum experientia sum edoctus. In proponendis vero adversariorum objectis saepe fui parcior, tum quia zirones magis de argumentis, quibus nostra probantur, oportet esse sollicitos, quae si rite teneant, facile omnia quae in contrarium opponi poterunt, argumenta dissolvent, tum ut assuescerent etiam ipsi per se, ac Marte suo novas extegitare, aut invenire rationes, quas in publicis, privatisque disputationibus exercitationis gratia proponerent, quod quidem ad exacuendum eorum ingenium, ac diligentiam excitandam plurimum valet. Deinde ea, quae a se mutuo sejuncta esse videbantur, per scholia, & corollaria ad unum idemque principium revocare studui. Nihil vero habui antiquius, quam ut res omnes quanta maxima fieri potuit brevitate, ac perspicuitate explicarem. Sed ne iis, qui promtiori essent ingenia, deessem, in unoquoque ser-

ut capite libros indicavi alios, in quibus rem eandem plenius, ac fufius pertractatam invenire poffint. Quod non ideo feci, ut vironibus auctor effem plures libros cum elementis addifeendis dant operam evolvendi: diftrahit enim potius hoc eorum animos, redditque inftabiles; fed ut emenfo harum institutionum curfu, cum maturo jam iudicio pollebunt, fi quando occasio fe obtulerit, feirent fontes, unde uberoiorem verum copiam haurire poffint; neque ut omnes nullo difcrimine libros perlegant, fed ut fi quos Ecclefia improbat, eos tunc tantum, cum per Ecclefiam ipfam liceat, cautè confulant. Denique ne in recitandis Patrum testimoniis effem longior, quod adolefcenrium memoriam fruftra prae gravare, atque opprimere potuiffet, contentus paucis, reliquos in ima pagina ora indicavi, ut effent duo, vel tres ejus dogmatis, quod proponitur, testes, & adftipulatores, nec deeffent alii, qui veluti fubfenturiati pro re nata produci poffent.

Erit fortaffe aliquis, qui optaffet, ut in tanta litterarum luce a vocibus nonnullis minime latinis ufurpandis abftinuiffem, atque elegantiori ufus effem fermone, ac ftyle. Verum is fi inftituti mei rationem perfpexerit, facile mihi indulgendum hac in parte exiftimabit. Nam praterquamquod habet unaquæque fcientia peculiare sibi voces, quas fi Latinorum vocabulis commutare voles, longo tibi verborum circuitu utendum effe animadvertes, funt nonnullæ a Patribus, atque ab Scholasticis Theologis ufurpata voces, quibus nihil significantius, & expreffius apud Latinos invenimus. Quapropter fi Romani ipfi Scriptores hanc sibi veniam dandam effe exiftimarunt, ut nova etiam aliquando vocabula fingerent, quando aliter ea, quæ a Grecis in Philofophia fuerant tractata, latinis litteris explicare non poterant, ut a Cicerone, Lucretio, aliisque factum effe fcimus, quanto magis exiftimabimus licuiffe femper, ac licere Theologo res divinas, Latinis pro-

prorsus ignotas; novis, ac propriis vocibus exponere. Accedit quod si quis omnia vitare velis Scholæ vocabula, is in volutandis veterum Theologorum libris, velut hœspes, ac peregrinus inter homines aliena, atque ignota lingua nihil prorsus intelliget. Quapropter ita mihi rem componendam, ac temperandam putavi, ut neque nimis sollicitè dicendi ornamenta persequeretur, nec tamen adeo putide, ac barbarte scriberem, ut singulis fere verbis honor præfandus esset, quorum alterum minus perspicuam orationem effecisset, alterum maximo fuisset fastidio lectoribus. Ceterum juxta Augustini monitum non simul ferulas Grammaticorum, dum tamen ad veritatem solidam, & certiorē perventim; magisque spectavi, quid adolescentium exposceret utilitas; quam quid humaniorum litterarum studiosis placeret, eorumque delectare oculos, aut aures mulcere posset.

In omnibus autem questionibus, in illud maxime omnes ingenii mei nervos intendere, atque omnem adhibere sollicitudinem; ac diligentiam curavi, ut ne latum quidem unguem a Catholice Ecclesiæ doctrinā, atque a Sedis Apostolica sententiā recederem, ejus judicio hæc omnia, si quid fortasse humana imbecillitatis vitio sit erratum, tamquam filius obediens eo quò par est obsequio, reverentiā, ac veneratione subjecio.

M O N I T U M.

Quamquam in Institutionibus hisce concinnandis summam, ut in Præfatione professus sum, diligentiam adhibuerim, ut ne quid ab Ecclesiæ Catholice doctrinā discreparet; tamen cum ipse Paulus Apostolus, magnis a Christo revelationibus illustratus, Ierosolymam venerit, ut Evangelium, quod prædicabat, cum Apostolis aliis confertet, ne forte in vacuum curreret, aut cucurrisset, Galat. II. 2. tali utique exemplo tremefactus, meoque judicio diffusus, maximos rogavi Theologos, quorum co-

Strinz, ac pietatis fama longe, lateque vagata est, ne hoc, qualecunque esset, lucubrationum mearum, at-
tentis oculis, atque animis perlegerent, ac si quid in
iis fortasse offenderent, quod veritati ullo pacto vel le-
viter nocere posset, aut pietati, id severiori censura
notarent, et Christiana libertate patefacerent. Quorum
judicia, ac testimonia hic invitus inferere coactus sum,
non ut libros meos tantorum virorum facerem com-
mendatione celebriores, sed quia nulla mihi nunc pa-
tebat via, ac ratio, qua lectores certiores facerem, ni-
hil hic contineri religioni, bonisque moribus adversum,
nihil quod Theologica censura castigandum esse vide-
retur.

*Responsum Illustris. ac Reverendiss. Domini Aloysii
Elefanti, Metropolitana Neapolitana Ecclesie Cano-
nici, Examinatoris Synodalis, Clerique
Studii Deputati.*

Cum me rogaveris, ut de tuis institutionibus theo-
logicis Ecclesiasticæ juventuti in primis excolen-
dæ accommodatis, tibi quid sentiam, sine ulla assenta-
tione aperirem: id non mediocriter, ut vere dicam,
animum meum commovit. Tanti enim me ipse non
facio, ut hac super re, me aliquod judicium quantu-
lucumque id sit, proferre posse existimem, et mea-
rum virium tenuitatem, et sentio, et fateor libentissi-
me. At ne qua in re tibi deessem, operamq. homini
amicissimo denegarem, summa, quoad ejus fieri pote-
rat, diligentia opus tuum perlegi, animumq. induxi
tui obsequi voluntati. Dicam igitur quod sentio.
Opere tuo nihil gravius, nihil splendidius, nihil casti-
gatius legi unquam posse censeo: Omnia enim ex divi-
nis eloquiis, traditionibus sacris, ac SS. Patrum libris
deprompta, sunt uberrime disputata, et quod magna
in laude ponendum, abstrusa quæque ita inoffenso pede
exfolata, ut nemo unus ea delibabit, quin velit statim
avidissime exhaurire, quasi sit diurnam sitim exple-
rurus. Plerumque sunt, qui ita vagantur, nullis, ut
coercuantur capillis, et vicissim sunt, qui jejuna exi-
lita.

litare ita tabescunt, ut quæ in rem dicenda essent, non sine magno juvenum dispendio, sæpe prætermittant. Tu ea, quæ longe omnium excellis, ingenii felicitate ab utroque vitio abhorres; eam enim docendi rationem es persecutus, quæ non jejuna statim a mente delaberetur, nec latius diffusa, legentium stomachum facesset. Ratio vero scribendi ornata, polita, elegans, mirum in modum animos pervadit, tantaque suavitate permulcet, ut ventri prono alveo effluere videatur. Quod admirari satis, vix possum. Hæreticorum dehinc deliramenta, qui ex composito quaquaversus arcem Sion invadunt, ut iteratis ictibus, si id fieri posset, labem claram corruat, tam acriter frangis, ut nihil magis desiderari queat. Quapropter cave, credas, hocce opus tuum inter ipsum *Institutiones Theologicæ ad usum studentis juventutis* etc. tantum adolescentibus, quorum commodis studes, et usui futurum, et adjuvamento mea quidem sententia vel in tanta sæculi luce se se viris et ingenii libertate, et doctrinæ copia præstantibus, nullo negotio commineabit; habebunt enim opus theologicum numeris omnibus absolutum, in quo illis deinceps licebit conquiescere. Quare te etiam atque etiam rogo, ut illud quamprimum t. pis in lucem publicam edas. Est igitur quod tibi gratuler hoc potissimum, quod nihil habes antiquius quam ut curas, studia, labores ad christianæ Religionis præsidium impendas quam qui maxime. Utinam Ecclesia haberet multos tui similes! Sed de hoc fortasse plura quam constitueram.

Interea te rogo, valetudini inservias, tibi que persuadeas, te a me ita observari, et coli insigniter, ut paucos admodum invenias tui, quam ego sum, studiosiores. Vale.

Neapoli an. 1806.

Aloysius Canonicus Elefante.

Re

*Responsum Illustris. ac Reverendiss. Domini Cajetani
Gaglione, Metropolitanae Neapolitanae Ecclesiae Ca-
nonici Penitentiarii, & Examinatoris Synodalis.*

Quod me constitutum volueris, vir clarissime, tua-
rum dogmaticæ Theologiæ Institutionum quasi
censorem, & judicem, undenam oriri potuerit
quamquam exploratum non habeo, tamen benignitati
tuz, ac modestiæ adscribere, ac referre non dubito.
Nam obscuri nominis hominem ad hujusmodi materias
examinandas destinare, tot doctissimis viris prætermittis,
quid aliud esse existimandum est, quam certo naufragii
periculo rem totam exponere? nisi dicere velimus, Te
in hoc negotio ad vanam hæriolandi artem contigisse,
qua nihil levius, & infirmius ab homine sanæ mentis
haberi potest. Sed dicam melius. Quod Benignitas, &
modestia tua, ut me præ ceteris electum velles in ope-
re discutiendo, fuerit causa, certissime sentio, & fir-
missime teneo, utpote auditor neque recens, neque ra-
rus non magis sanæ nominis tui, et tuæ doctrinæ,
quàm morum, et virtutis. Ut vero voluntati tuæ ob-
sequer; quid de tuis Theologicis Institutionibus opiner,
imo judicem, brevissime dico, Opus illud omnibus esse
omnino numeris absolutum. Et quidem Te verbis oris
tui ego judico. Tu enim sapientissime statuisti, Tracta-
torem rerum Theologicarum in tribus dotibus excellere
oportere, in sanitate scilicet doctrinæ, in ordine, in
proprietas, et castitate sermonis. Quæ tria cum Te
exactissime servasse vidissem, non possum quin Te pro-
missis stantem, non solum fide liberarem, verum etiam
opus ex omni parte beatum consecisse pronunciem. Do-
ctrina enim libri tui eadem est ac Ecclesiæ Catholice
doctrina; ordo perspicuus, stilus proprius, et castus.
Quid reliqui ergo est, si opinionem meam ratam habe-
re velis, nisi ut publici juris facias lucubrationem tuam,
quam non modo Tibi privatus homo familiariter ap-
probo, sed quantocius fieri potest edendam in lucem,
publice sententiam meam flagitantibus declarando, di-
cere non formido; et quotquot in sacra scientia vel de-
le-

lecturi, vel proficere intacta, et tota conscientia cupiant, ut legant et versent sedula et perpetua manu; hortor, et exoro. Denique, Te, Vir sapientissime, ut sincerissimum hunc animi mei sensum benignissime accipias, demississime precor.

Neapoli . . . an. 1806.

Cajetanus Canonicus Gaglione.

Responsum Illustris ac Reverendiss. Domini Joachimi Lavitrano, Metropolitanae Neapolitanae Ecclesiae Canonici Theologi, & Examinatoris Synodalis.

Liberrissime accepi Institutiones theologicas te auctore conscripseras, et pro tua in me benevolentia mihi transmissas. Quod enim in re theologica potissimum exoprandum est, ut Catholicae Ecclesiae doctrina fideliter exponatur, et ab Adversariorum objectionibus liberetur, id in tuis Institutionibus reperiri gratulatus sum. Accedit, quod methodo etiam, atque ordine digestae sint, ita ut veritatem suo in lumine collocatam, et veluti per gradus quosdam procedentem habeant in hisdem perlegendis Adolescentes Ecclesiae mancipari. Postremo certam dicendi mensuram, qua nec superfluis locus sit, nec necessaria desiderentur, servatam agnovi; quod scientiam sacram faciliorem reddit, atque amoeniorem. Si quid igitur meum hac de re amico prolatum valeat iudicium, id opto, ut quam citissime in publicum bonum typis vulgentur. Vale.

Neapoli . . . an. 1806.

Joachim Canonicus Lavitrano.

Responsum Admod. Reverendi Patris Domini Philippi Carfora, Congregationis Piorum Operariorum Presbyteri, & Metropolitanae Neapolitanae Ecclesiae Examinatoris Synodalis.

LEgi tuas litteras, quas proxime ad me cum Theologicis Institutionibus tuis miseras, ex quibus intellexi te de illis quid sentirem, scire velle. Valde miror,

cur


cur in animum tuum hoc induxeris, quasi aliquid tibi
 hoc in genere sapere videret. Eas tamen diligenter, ut
 par erat, cum perlegissem, facere non potui, quin ad-
 mirationem tibi meam, letitiamque qua affectus sum,
 patefacerem. Nihil enim Tironum ætati, eorum ca-
 pui, temporique studiis præhærito accommodatius per te
 fieri poterat. Neque tamen maiori fraudari subsidio il-
 los voluisti, qui acrioribus in Theologiam stimulis in-
 citati, uberiprem illius cognitionem optarent. Hac face
 prælucente quam facile Ss. Pp. Scriptorumque Ecclesia-
 sticorum opera verabunt, ex quibus quasi fontibus sec-
 undis ampliore Divinæ huius scientiæ haurient ple-
 nitudinem. Quanto hec in lumine mirari licet sanam
 Orthodoxamque Doctrinam! Quam firmis argumentis
 munitam! Quam facili via ducimur ad argumenta ad-
 versariorum fallaciasque refellendas! Quapropter gratu-
 lor summopere adolescentibus, qui in Ecclesiæ ipem
 succrescunt; quibus plana, facilis, ac munita satis per
 te parata est ad Theologiam via. Quid vero de scri-
 bendi genere loquor? Nec obscuro, aut ingulco; nec
 exquisito ac nimis concinno sermone usum te suspexit:
 illud enim adolescentes offendisset; hoc autem minime
 dignum Cælesti illa se præbisset doctrina. Ita mediam
 ingressus viam, et illorum capui, et sacra scientiæ
 Majestati consultum iri providisti. Cum vero Scholasti-
 cam methodum persequaris, nihil tamen asperum, aut
 fastidiosum offendere ibi quis poterit, omni illius avi
 barbarie penitus ablegata. In Polemicis aptem, ac Dog-
 maticis quæstionibus mirum est, quanto ingenio, quan-
 taque sollertia et Novatorum tenebras expellis, simul
 et Divini Verbi ejusque Interpretum Sacram veneran-
 damque Auctoritatem à calumpniantium calumniis vin-
 dicas; Vite Critices præceptis inherens, atque Evan-
 gelicæ Caritatis flammis incensus errores detegis, quin
 immo quemvis accipias. At quis ego, aut quid ego?
 Manum de tabula. Quare ignoscas rogo, qui me co-
 geris. Cui enim omni officio satisfacere semper opta-
 vi, hac in re morem tibi gerere, mei immemor, in-
 dignum duxi. Quod unum tamen à te peto: ut quam-
 primum hæc in lucem, aspectumque proferas, quæ ado-

(xv)

lescentibus plurimo erunt emolumento , usui , delectationi , ornamento , ut Cælesti illa divinaque Scientia per te locupletati , ad animarum salutem proferant de thesauris suis nova , et vetera .

Neapoli ex ædibus D Georgii an, 1806.

Philippus Carsora Piorum Operariorum .



DISSERTATIO PRODROMA

De Theologia ipsa, ejusque proprietatibus.



E Theologiæ natura multâ Scholastici disputant, quæ nos breviter, & sobrie attingemus, ad solidiora properantes. Theologia itaque Græcum nomen, Latine *sermo*, sive *ratio de divinitate* dicitur ab *Augustino Lib. VIII. de Civ. Dei cap. 1.* Sermone autem de divinitate institui possumus vel sola ratione naturali, vel ex ipsius Dei revelatione. Hinc duplex est Theologia, naturalis, & Christiana, sive *supernaturalis*. Prior illa ad Philosophiam pertinet, unde idem *Augustinus* Theologiam vocat eam Philosophiæ partem, quæ *Plato* disserit de Deo, quem Gentiles ex creatorum testimonio cognoverunt, sed non sicut Deum glorificaverunt, ut inquit *Apostolus Rom. 1, 21.* De posteriori tantum Theologia hic agimus, quæ longe sublimior, & certior est. Cavendum tamen, & enixe orandum, ne postquam Deum cognoverimus, non sicut Deum glorificemus, aut gratias agamus.

C A P. I.

Theologia definitio, atque divisio.

§. I.

Theologiæ definitio.

NOstra igitur Theologia definiri potest: *Scientia, & Sapientia, quæ ex principiis divinitus revelatis de Deo, rebusque divinis certas conclusiones elicit* (a). Quæ
Tom. I. A una

(a) Patres Græci pressius loquentes eam solum sacræ doctrinæ partem *Θεολογία* appellant, quæ tractat de natura divina, ejusque proprietatibus; unde differentes de Christo eam partem, quæ de ejus divinitate tractatur *Θεολογία*, ubi vero de humanitate *Χριστολογία* dicunt. *V. Petavi. in Proleg.* Nos amplius significatione hoc nomen usurpamus.

2 *Theologicarum Institutionum*

una definitione probe explicata, multae solvuntur, quae in Scholis agitari solent controversiae.

Eit igitur Theologia 1^o. *scientia*. Nam scientia est cognitio certa, evidenti ratiocinatione, ex certis principiis educta. At Theologia talis est. Ex principiis enim certissimis, quia a Deo revelatis, evidenti ratiocinatione suas deducit theses.

Nec quemquam moveat *Aristoteles*, a quo scientia definitur: *cognitio certa, & evidens per demonstrationem acquisita*, cum e contratio nostra Theologia utut certa, non tamen evidens sit, quippe quae principiis fidei certis quidem, sed tamen obcuris innitatur. Erenim ad rationem scientiae sufficit explorata veritas, sive *certitudo* principii, & evidentiæ consequentiæ. Cum autem in naturalibus scientiis, de quibus loquebatur *Aristoteles*, non possit esse certitudo principii, nisi innitatur evidentiæ, quæ veritatis naturalis *criterium* est; merito ille scientiam definivit cognitionem certam, & *evidentem*. Sed eam certitudinem, quam principia naturalium scientiarum habent ex evidentiæ, principia Theologiae habent, & quidem longe maiorem, ex auctoritate, & veritate Dei.

2^o. Theologia est etiam *sapientia*. Cognitio enim rerum per altissimas causas *sapientia* est. At Theologia, est cognitio divinarum rerum, per altissimam causam, Dei scilicet revelationem. Merito igitur sibi vindicat etiam sapientiæ nomen.

3^o. Verba illa *que ex principiis divinitus revelatis*, indignant tum differentiam Theologiae a quacunque alia naturali scientia, tum etiam fontes, unde Theologus haurire certa argumenta debeat. Quod enim sunt axiomata Geometris, id sunt Theologis propositiones a Deo revelatae.

4^o. *De Deo rebusque divinis* Theologia differit. Deus ergo est eius *objectum* quod vocant *materiale primum*, & *attributions*: Reliqua vero, quæ ad Deum quoquo modo referuntur, quatenus divinae revelationi subsunt, *objectum secundarium*. Unde Deus ipse, & omnia quæ ad Deum referri possunt, *objectum* sunt Theologiae *adæquatum*.

5^o. Ex principiis revelatis, *certas conclusiones* Theologia

gia

Dissertatio Prodroma:

3

gia deducit, qua in re Theologiæ habitus a fide differt; fidelis enim rebus a Deo revelatis sine ratiocinatione simpliciter adhæret propter summam ejus veritatem, ut suo loco fusius explicabimus; at Theologus conclusionibus suis assentitur propter earum nexum cum propositionibus revelatis; unde *objectum formale*, ut ajunt, seu *motivum fidei auctoris*, sive *immediate* est Dei veritas; *motivum* vero Theologiæ *immediate* est nexus cum propositionibus revelatis, qui naturali lumine conspicitur, *mediate* vero est Dei veritas.

Ex hac porro Theologiæ definitione varia consequuntur. Ac I. quidem cum Theologia sit scientia simul, & sapientia; sapientis autem sit de rebus omnibus judicare, urpote qui res omnes in altioribus principiis consideret; consequens est, ut Theologia de rebus omnibus, imo & de principiis aliarum scientiarum judicet; ita ut, si quæ in iis sint, quæ rebus a Deo revelatis repugnent, ea tamquam falsa rejiciat.

II. Cum sacra hæc doctrina ex principiis a Deo revelatis pendeat, sequitur, ut humana ratio, non ut domina, sed tantum ut ancilla in ea versari debeat. *Quid enim magis contra rationem est*, inquit Bernardus Tract. De error. Petri Abael. *quam ratione rationem conari transcendere*, & ea, quæ supra naturam, supra rationem a Deo revelata sunt, ad humanæ rationis regulam exigere? Accedit, quod humana ratio, omnino cæca in rebus supernaturalibus, facta est etiam in naturalibus infirmior ex peccato, ex quo tamen exarsit simul cupiditas, quæ judicium rationis, etiam in rebus facilioribus, sæpenumero pervertit, & impotens libido omnia curiosius investigandi, vagandique ultra eos fines, quos humanæ scientiæ fixit Deus. Unde fit, ut ipse *scientiarum Dominus*, qui superbis constantissime resistit, confundat aliquando humanæ mentis intemperantem curiositatem, & audaciam, eamque, ultra suos fines vagantem, in gravissimos errores labi permittat. Quæ in re terre nos debent magnorum sive vererum, sive recentiorum exempla Scriptorum, qui, dum intemperantius divinorum mysteriorum majestatem scrutari voluerunt, ab eorum gloria oppressi sunt.

III. Inde etiam sequitur, neminem exitium fore

4 *Theologicarum Institutionum :*

Theologum, qui dogmata divinitus revelata non calleat; ea enim principia Theologiæ sunt; ac proinde parum in hac sacra facultate proficiet, qui non fuerit in Scripturarum, Patrum, & Conciliorum lectione versatus; iis enim libris, ut suo loco dicemus, divina revelatio continetur.

IV. Quidquid ergo contrarium est vel Scripturæ, vel Patrum auctoritati, id a Theologo rejiciendum est, non secus ac in Geometria rejicitur ut absurdum quidquid contra axiomata ipsa pugnat. Hinc illa *Tertulliani* regula *Lib. De Præscript. cap. 31. Verum, quod prius traditum: falsum, quod posterius immixtum:* Quod & *Lyrinensis* in *Commonitorio* egregie confirmat. Qua quidem una regula omnia facile errata detegi, caverique possunt. *Dignum est*, inquit *Fulgentius Lib. De verit. predest. Cap. 14, ut in singulis quibusque sententiis, in quibus nubo cuiusdam obscuritatis ambigimus, Sanctorum Patrum definitionibus hæreamus.*

V. Hinc etiam prono alveo fluit, eadem animi dispositiones in Theologo requiri, quæ ad contemplandam veritatem a Deo revelatam requiruntur. Sunt autem 1º cordis mundities; in *malivolam* enim animam non introibit sapientia *Sap. I, 4.* Hinc *Apostolus Ephes. III, 17.* rerum divinarum scientiam in cordis munditie, veluti fundamento, inædificatam esse docet: *In charitate, inquit radicati, & fundati, ut possitis comprehendere cum omnibus sanctis, quæ sit latitudo, & longitudo, & sublimitas, & profundum; scire etiam supereminentem scientiæ charitatem Christi. Et Rom. XV, 14. Et ipsi pleni estis dilectione, repleti omni scientia. 2º. Recta intentio, scilicet, ut non inflemur a scientia, sed ut scientia prælucente, ædificemur a charitate, atque alios ædificemus. 3º. Humilitas & summa erga Dei verbum reverentia. Ad quem enim respiciam inquit ipse Deus apud *Isaiam Cap. LXVI. 2. nisi ad pauperculum, & contritum spiritu, & tremementem sermones meos?* 4º. Amor veritatis; sic enim Spiritus S. nos admonet: *Eccli. VI. 19. Quasi is, qui arat, & seminat, accede ad eam, hoc est magno labore, & flagranti desiderio. Unde Augustinus, qui tanto veritatis amore incensus erat, ut diceret. O æterna veritas. . . . tu es Deus meus,*
ubi*

Dissertatio Prodroma.

5

ubi suspiro die, ac nocte, Lib. VII. Confess. Cap. 10. sic præcipit Lib. 1. De morib. Eccl. cap. 17. n. 31. Si veritas non totis animi viribus concupiscatur, inveniri nullo pacto potest; at si ita queratur, ut dignum est, subtrahere sese, atq. abscondere a suis dilectioribus non potest. Et Tract. XCVI. in Job. n. 4. Non diligitur quod penitus ignoratur, sed cum diligitur quod ex quantulacumque parte cognoscitur, ipsa efficitur dilectione, ut melius, & plenius cognoscatur. Hinc generalis sententia ejus est: Non intratur ad veritatem nisi per charitatem, Lib. XXX. cont. Faust. cap. 18. Qui quidem veritatis amor in omnibus aliis scientiis necessarius est, maxime vero in Theologia, cujus objectum est, qui est summa veritas, Deus.

VI. Consequens est etiam, ut quæstiones illæ, quæ ex revelatis principiis definiri non possunt, cujusmodi sunt plurimæ a plurimis Scholasticis agitatæ controversiæ, censeari non debeant Theologicæ, sed humanæ Philosophiæ fœtus, imo a Theologia exterminandæ, iis tantummodo exceptis, quæ ad revincendos hæreticos, & incredulos homines necessariæ sunt. Non enim ad charitatis ædificium, sed ad contentionem, & æmulationem valent, & frustra occupantes tempus, quod utilius Scripturarum, & Patrum lectioni daretur, ad liquidam veritatem pervenire non possunt, ut ex ipso Scholarum æterno diffidio patet.

VII. Rursus sequitur, ut non solum ea, quæ Scriptoris, & Patribus aperte contraria sunt, sed etiam quæ omnino nova, atque ignota Patribus, ut falsitatis suspacta, rejici debeant. Christus enim ipse doctrinam suam ex eo commendat, quod non esset sua, sed a Patre accepta Job. VII., 16. *Mea doctrina non est mea, sed ejus qui misit me.* Apostoli non aliud se docere professi sunt, quam quod a Christo acceperant I. Job. I. *Quod vidimus, & audivimus, annunciamus vobis.* Patres omnes non alia ratione suas confirmarunt sententias, quam quod illas a majoribus acceperunt: *Responsionum formas*, ut inquit Leo. M. *Epist. XXXVII., vel ex Sanctorum Scripturarum disciplina, vel ex Patrum regulis colligentes.* Quisquis igitur umquam in rebus Theologicis errore lapsus est, ex hujus regulæ transgressione

sione peccavit. In hanc insipientiam cadunt, inquit idem Leo. M. Epist. X. ad Flav., qui ad cognoscendam veritatem, cum aliquo impediuntur obscuro, non ad propheticas voces, non ad Apostolicas litteras, non ad Evangelicas auctoritates, sed ad se recurrunt; & ideo magistri erroris existunt, qui veritatis discipuli non fuerunt. Quibus novitates suas effluentibus dicendum cum Propheta Ezech. XIII. 24. Dices prophetantibus de corde suo: hec dicit Dominus: Vae prophetis insipientibus, qui sequuntur spiritum suum.

VIII. Etiam sequitur, humanam rationem non esse a Theologia penitus ablegandam; imò maximo usui esse posse, si intra præsinitos sibi cancellos coercetur. Primo enim humana ratio ad id valet; ut contra incredulos demonstremus; principia Theologiæ non esse humanæ rationis figmenta, sed divinitus revelata. Deinde; ut hæreticorum, & incredulorum topismata detegamus, & exussilemus. Denique; ut ex principiis revelatis recta ratiocinatione Theologicas conclusiones deducamus. Christum ipsum naturalibus quibusdam argumentis esse usum, ex Evangelio constat, ut cum exemplo volatilium, ac liliorum nos ad fiduciam in Deum cohortatur; Matth. VI. 26. Apostolus etiam exemplo seminis, veritatem futuræ resurrectionis insinuat. I. Cor. XV. Patres vero quam frequenter, atque utiliter ratione usi sint, nemo, qui vel leviter eorum opera attigerit, ignorat.

IX. Cum principia Theologiæ sint divinitus revelata, inferebant passim veteres, Theologiam quoad se esse certiorē qualibet naturali scientia, quia certiori, ac firmitiori principio, scilicet auctoritate Dei revelantis innititur; quamvis quoad nos, hoc est, ex infirmitate nostra accidat, ut mens firmitus adhæreat aliquando demonstrationi Geometricæ ex. gr. quam Theologiæ, quia scilicet principia, lumine naturali nota, movent mentem modo magis naturæ consentaneo, ita ut intellectum satient, & quietent. At recentiores nonnulli, inter quos Holdenus Lib. 1. Cap. 3. De Resolut. Fidei concedunt, Theologiæ certitudinem esse alioris ordinis, sed negant esse majorem certitudine scientiarum naturalium, & primorum axiomatum, quia, inquit, quando certitudo summa est, non potest altera fingi major, ac proinde

docent , æqualem esse Theologiæ , aliarumque scientiarum certitudinem . Nos veterum sententiam sequimur , ut fufius explicabimus , ubi agemus de certitudine fidei .

X. Ex eo quod Theologici assensus ratio , sive *motivum* est nexus propositionis Theologicæ cum veritate revelata , ex qua Theologus conclusionem deducit ; hic autem nexus lumine naturali conspicitur ; sequitur , Theologiam esse scientiam intrinsecus naturalem , extrinsecus vero *supernaturalem* .

§. II.

Theologiae partitio .

Dividitur Theologia 1º. in *Dogmaticam* , & *moralem* . Prior in probandis , illustrandis , & vindicandis fidei dogmatis occupatur : posterior in moribus , juxta Dei legem , & fidei regulam dirigendis .

Quapropter , cum Theologia generalim nonnisi principiis divinitus revelatis innitatur , patet , non solum dogmaticam , verum etiam moralem Theologiam ex Scripturarum , & Patrum fontibus hauriendam esse ; ideoque illam propositionem , nuper a quibusdam Casuistis vulgatam , *Theologia moralis nova est* , non solum esse falsam , sed etiam contradictionem involvere ; si enim nova est , Theologia non est .

Dividitur 2º. in *Positivam* , & *scholasticam* . Prima ex iis , quæ posita , & definita sunt in scripturis , & Traditione , differit stylo fufiori , atque oratorio , cujusmodi est SS. Patrum Theologia ; Altera vero addit etiam dialecticam , stylum pressiore , & certam methodum , cujusmodi est illa , quæ ducibus *Petro Lombardo* , (qui *sententiarum Magister* dicitur) , *Johanne Damasceno* , aliisque , jam obtinet in Scholis .

Celebris etiam 3º. est divisio Theologiæ in *speculativam* & *practicam* . Eam tamen divisionem S. Thomas 1. P. Q. 1. art. 4. merito rejicit ; quia sicut ea , quæ Deus revelavit , omnia ad charitatem nutriendam , atque roborandam , & cupiditatem vincendam , atque extinguendam valent , ut ait Augustinus Lib. III. de Doctr. Christi.

cap. 102 ita quidquid Theologia disputat, etsi in sola veritatis contemplatione sistere videatur; tamen ad inflammandam charitatem, moreque nostros dirigendos aptari potest; cuius rei specimen eximium dedit *Vincentius Contensonius* in sua *Mentis, & cordis Theologia*. Idem ergo habitus Theologicus *eminenter* est *speculativus, & practicus*.

C A P U T II.

Ostenditur, Theologiam positivam non singulis fidelibus, sed Ecclesie necessariam esse; Scholasticam non necessariam, sed maxime utilem.

Adverte. **N**ecessitas multiplex est, ut suo loco explicabimus. Quod tamen attinet ad rem presentem, illud dicitur absolute, & simpliciter necessarium ad finem, sine quo ex ordinaria Dei lege finis attingi nullo pacto potest. Quapropter, cum varias Theologiæ species supra descripserimus *Cap. 1. §. 2.* quænam ex illis, & cui necessaria sit, aperiemus subjectis thesibus.

P R O P O S I T I O I.

Nulla Theologiæ species est singulis fidelibus absolute necessaria ad salutem.

Prob. Fides enim, quæ per charitatem operatur, sufficit singulis ad salutem. *Habacuc II. 4* *Iustus in fide sua vivet*; quod repetit *Apostolus Rom. I. 17. Marci XVI. 16. Qui crediderit, & baptizatus fuerit, salvus erit, & 1. Cor. XII. 29. Numquid omnes doctores?* Patrum loca prætermittimus, ne tempore abutatur in re clarissima.

Quod ergo *Petrus Epist. I. Cap. II. 15.* singulis fidelibus præcipit, his verbis: *Parati semper ad satisfactionem omni poscenti vos rationem de ea, quæ in vobis est, spe*, non eum habet sensum, ut quilibet fidelis more Theologorum fidem exquisitè defendat, sed tantum, ut simpliciter exponere sciat, eamque, si oporteat,

Dissertatio Pródroma.

teat, generalibus quibusdam rationibus, captui imperitum accomodat, defendere; ex. gr. quia Ecclesia tot miraculis fundata falli non potest in fidei articulis proponendis; quia nihil apud Deum est impossibile, quamvis humanam rationem superet &c. Vide *Essai Commentaria* in hunc Petri locum.

P R O P O S I T I O II.

*Theologia positiva est simpliciter necessaria
toti Ecclesie.*

Prob. I. Apostolus *Ephes. IV. 11.* de Christo ait: *Et ipse dedit quosdam quidem Apostolos, quosdam autem prophetas, alios vero Evangelistas, alios autem pastores, & doctores ad consummationem Sanctorum, in opus ministerii, in edificationem corporis Christi ut jam non simus parvuli fluctuantes, & circumferamur omni vento doctrine in nequitia hominum, in astutia ad circumventionem erroris. Et ad Tit. I. 9. Oportet, Episcopum sine crimine esse amplectentem eum, qui secundum doctrinam est, fidelem sermonem, ut possit se exhortari in doctrina sana, & eos, qui contradicunt, arguere. Sunt enim multi etiam inobedientes, vaniloqui, & seductores quos oportet redargui, qui universas domos subvertunt, docentes quæ non oportet, turpis lucri gratia: Sunt ergo ex ipsa Christi institutione necessarii in Ecclesia Doctores, qui sacram hanc scientiam doceant, atque defendant.*

Prob. II. *Augustinus* Theologiæ quatuor munera esse docet. *Lib. XIV. de Trin. cap. 1.* Est scientia, inquit, quæ fides saluberrima, quæ ad veram beatitudinem ducit, gignitur, nutritur, defenditur, roboratur. Atqui quatuor ista sunt Ecclesiæ absolute necessaria. Licet enim prædixerit Deus apud *Isaiam Cap. LIV. 13.* seipsum fore fidelium doctorem: *Ponam universos filios suos doctos a Domino; & apud Jeremiam Cap. XXXI. 33.* Dabo legem meam in visceribus eorum, & in corde eorum scribam eam, tamen non exclusit ministerium Pastorum, & doctorum, quos ipse Deus se daturum promissit apud *Jeremiam Cap. III. 15.* Dabo vobis pasto-

ves juxta cor meum, & pascunt vos scientia, & doctrina: Sed id tantum sibi voluit, nempe, pastoribus extrinsecus loquentibus, ipsum Deum per gratiam Spiritus Sancti docturum, & moturum intrinsecus corda hominum; sicut etiam Apostolus ait *I. Cor. III. 6. Ego plantavi, Apollo rigavit, sed Deus incrementum dedit; Itaque neque qui plantat est aliquid, neque qui rigat, sed qui incrementum dat Deus.* Sed de his uberius, ubi de Gratia disputabimus. Necessaria est igitur Ecclesie sacra Theologiae doctrina.

PROPOSITIO III.

Theologia Scholastica non est Ecclesie simpliciter necessaria.

Prob. Ecclesie enim fides, & doctrina per plura secula stetit absque ope scholasticae Theologiae, scilicet apud Græcos usque ad VIII. sæculum, quo floruit S. *Johannes Damascenus*, & apud Latinos usque ad Sæculum XII. quo *Petrus Lombardus*, alique Scholasticam methodum adhibere in Scholis cœperunt. Ergo illa methodus absolute necessaria non est.

PROPOSITIO IV.

Scholastica Theologia Ecclesie adprime est utilis.

Hæc propositio maximi momenti est; in eam enim hæretici vesano impetu debacchantur non amore, sed odio veritatis; quippe Scholasticam Theologiam experti sunt sibi maxime infestam, suisque cavillationibus, et sophismatis exufflandis aptissimam. Eis autem arma supeditaverant *Rhenanus* in suis *ad Tertullianum Commentariis*, & *Erasmus* in *I. ad Timot. I.* aliisque in locis.

Prob. autem *I. Judicio*, atque usu ipsius Ecclesie, quæ non solum Theologicas Scholas privi egit, et honoribus exivit, princepsque Scholasticorum in sanctorum album relictos semper ob doctrinam commendavit; verum etiam in Concilio Constantienſi *Seſſ. XVIII.* inter

Wi-

Wicleffi errores damnavit eum, quo asseruerat *Unversitates*, *Studia*; & *Collegia* vana garrullitate introdu-
cta esse.

II. Theologia Scholastica tria tantum addit positivæ, stylum, methodum & dialecticæ usum. Atqui tria hæc, recte adhibita, utilissima sunt. 1º enim stylo simplici-
iori; & pressiori; quo utitur Scholastica, status quæstionis rectius intelligitur, ambiguitates explicantur, & hæreticorum fallaciæ deprehenduntur. 2º Methodus, qua Scholæ utuntur, utilitatem simul, & jucunditatem ha-
bet, imo & laboris compendium, dum res singulæ ad pro-
pria capita revocantur. 3º Sobriam dialecticam ipsi lau-
darunt, & usurparunt SS. Patres. *Basilius ad Cap. I. Isaie: Vis dialectices*; inquit, *dogmatum est murus, que ea a quibuscumque, qui vellent, facile interverti, aut facile expugnari non sinit.* Tom. I. Edit. *Garnerii Paris: 1721.* Et *Augustinus Lib. II. de doctr. Cris.* Cap. 31. *Disputationis disciplina ad omnia genera quæstionum, que in sacris literis sunt, penetranda, & dissolvenda plurimum valet: tantum ibi cavenda est li-
bido rixandi, & puerilis quedam ostentatio decipiendi adversarium.* Et *Lib. I. contra Crescenium Cap. 13. 14., & 15. probat, dialecticam esse laudabilem, eaque usum esse Apostolum Paulum, imo ipsum Christum Dominum.* Cumque hæreticus ille dialecticam in scri-
ptis Augustini reprehenderet, & tamen ipse eadem ute-
retur, respondet S. Doctor Cap. 13. *si noxia sunt, quare hoc facis? si non sunt, cur arguis?* Quod in adver-
sarios nostros aptissime quadrat; qui in Scholasticis dia-
lecticam arguunt, & tamen ipsi innumeris dialecticis, & cavillationibus pugnant. Vide de hoc argumen-
to Petavium in *Prolegomenis: Canum Lib. VIII. De loc. Theol.* Hieronymum: *Angeſtum Lib. de Academiis cont. Luther.*

Solvuntur Objecta.

*Objic. 1. Apostolus ad Coloss. II. 8. Videte, inquit, ne quis vos decipiat per philosophiam, & inanem sal-
laciæ. Ergo dialectica a Theologia prorsus ableganda est, atque adeo rejicienda Scholastica.*

R. Diss.

R. *Diff. ant.* Per philosophiam captiosam, qua hæretici abutebantur ad destruendam fidem, *conc.* per philosophiam rectam, & fidei pedissequam, quam solam admittimus, & laudamus in Scholastica, *neg.*

Objic. II. Plerique Patres adversus philosophiæ, & præsertim dialecticæ usum declamant, tamquam Religioni inimicum. *Tertullianus* enim *Lib. De anima Cap. 3.* vocat Philosophos *Patriarchas hæreticorum*, & *Cap. 18.* argumenta philosophica ait esse tormenta cruciande simplicitatis, & *suspendende veritatis*. Et *Lib. De Præscript. Cap. 7.* *Miserum*, inquit, *Aristotelem*, qui illis (hæreticis) *dialecticam instituit artificem struendi, & destruendi versipellem*. *Gregorius Nazianzenus Orat. XXVI.* artificium Aristotelicæ artis, & alia hujus generis quasi *Ægyptiacas quasdam plagas in Ecclesiam incubuisse* conqueritur. Similia docent *Augustinus Serm. LXXXVII. de Tempore*, *Ambrosius in Psalm. CXVIII.* De Scholastica vero Theologia Catholici ipsi, & quidem viri doctissimi, multa conquesti sunt, ut *Mabillonius De Stud. monast. Part. 2. Cap. 6.* *Harlayus Lib. De myst. Eucharist. etc.* Ergo.

R. *Diff. ant.* Declamant adversus philosophiæ usum sive abusum impium quidem, atque perversum, qualis erat in Gentilibus, & hæreticis, qui Religionem Christianam, & Catholicam Philosophorum, & præsertim *Platonis*, & *Aristotelis* auctoritate, & captiosis sophismatis impugnabant; *conc.* Adversus usum rectum philosophiæ, quam ipsi Patres contra inimicos Religionis adhibebant, *neg.* Idem esto responsum ad catholicorum illorum auctoritatem, qui de Scholastica queruntur. Philosophia ergo, modo non ut domina, sed ut samula in Scholis Theologicis versetur, utilis, & laudabilis est. Vide *Cap. 1. §. 1.*

Inst. Scholasticis hoc vitium est, ut primas dent dialecticæ, et *Aristoteli*; rarissima sint apud eos testimonia Scripturarum, & SS. Patrum; de ipsis fidei articulis excitent controversiam, eosque ex philosophiæ regulis explicare conentur, quod Religionem incredulorum ludibrio posset exponere; innumeras cieant quæstiones partim frivolas, & ridiculas, partim gravissimas quidem, sed inutiles, et quæ humano ingenio solvi non pos-

possunt: denique lingua utuntur barbara, et vocabulis insuetis. Quanto præstabilior est igitur positiva Theologia, *que*, ut inquit Petavius Tom. 1. Cap. 1. *ad eruditæ vetustatis expressa speciem, hoc est a Dialecticorum dumetis liberioris ad campi revocata spatia, solam ad ornatum, cultumque sui, nativam & domesticam copiam ostendat?* Ergo.

R. *Dist. ant.* Et hoc vitium est omnibus, *neg.* Non, nullis, *subdist.*: & hoc vitium est ipsius doctrinæ, *neg.*: ipsorum docentium, & sæculi durioris, in quo scribebant, *conc.* Itaque dum Scholasticam doctrinam commendamus, vitia doctorum non defendimus, sed cavenda præcipimus. Dialecticorum dumeta vitamus, & nativam, ac domesticam Theologiæ copiam, quantum necesse est, non ad eloquentiæ ostentationem, sed ad adolescentium utilitatem, non respicimus. *Quem verò intelligimus Scholasticum Theologum*, inquit Melch. Canus. *Lib. VIII. Cap. 1. aut hoc verbum in quo homine ponemus?* Opinor in eo, qui de Deo, rebusque divinis apte, prudenter, doctè & litteris, institutisque sacris ratiocinetur. De vocabulis vero Theologiæ peculiaribus non est cur adversarii litem moveant; nam, preterquam quod unaquæque disciplina habet peculiare voces, ut observat ipse Tullius *Lib. 1. Academ.* Theologia cum disputet de rebus, quæ priscis Latinis ignotæ erant, novas etiam debuit usurpare voces. Ridiculus vero esset, qui hæc latinis vocabulis explicare conaretur, ut observat ipse Heinnecius Lutheranus in *Fundamentis styli cultioris Part. 1. Cap. 2. §. 12.* *Mundanis Scriptoribus tota cura de verbis est; nostris, de rebus*, inquit Augustinus *Lib. cont. Adimant. Cap. 2.*, qui & alibi ait *Non timeamus seculas Grammaticorum, dum tamen ad veritatem solidam, & certiozem perveniamus.* *Tract. II. in Job. Et Lib. IV. De doct. Christi. Capit. II.* *Quid prodest clavis aurea, si aperire quod volumus non potest, aut quid obest lignea, si hoc potest?* *Quando nihil querimus, nisi patere quod clausum est?* Unde Melchior Canus elegantissimus utique Scriptor *Lib. XII. Cap. 3.* *Puto*, inquit, *nobis concedi oportere, ut Sibola verbis utamur, si quando minus occurrent latina. Quin latina etiam interdum relinquenda sunt, ne in Scholastica*

disputatione non tam explicasse res, sed verba affectasse videamus.

Objic. III. Si adeo utilis esset Scholastica methodus, profecto recentiores Theologi essent doctiores veteribus, qui ante inventam istam methodum floruerunt. Atqui hoc manifeste falsum est; quis enim est Scholasticus, qui cum Athanasio, Nazianzeno, Augustino sit ullo pacto comparandus? Ergo.

R. Neg. maj. Non enim ad hoc dicimus valere Scholasticam methodum, ut recentiores efficiat veteribus Ecclesię Patribus doctiores; quod quidem egregie absurdum esset, cum ex illis ad nos sacrę hujus disciplinę traditio manaverit; sed ut ea, quę Patres docuerunt, & tradantur clarius, et ediscantur facilius (a).

C A P U T III.

Partitio totius operis.

Quoniam ergo scientia Theologica ex principiis divinitus revelatis differit de Deo, rebusque divinis; hæc erit totius operis nostri partitio, & series. Libro primo demonstrabimus, revera a Deo revelata fuisse principia theologię, hoc est, veram esse Religionem Christianam, quę ea divinitus revelata credit. Quamquam enim unaquęque scientia non probet principia sua, sed habeat ut certa; tamen, quoniam in tempora incidimus periculosa, quibus homines impii non minus Religionis inimici, quam rectę rationis impotes insipientiam suam jactare non cessant; non oportet Theologum nostrum eorum telis, & cavillationibus imparatum, atque inermem objicere. Altero deinde Libro de Locis Theologicis disputabimus. Tertius erit de Deo. Quartus de Trinitate. Quintus de rerum creatione, & peccato originali. Sextus de Incarnatione. Septimus de Gratia. Octavus de Sa-

(a) Vide *Petavium in Prolegomen.* Cap. 7. ubi multa erudite differit de elocutione Theologica.

Sacramentis . Nonus, de Actibus humanis, eorumque regula, & de Virtutibus, præsertim Theologicis . Quæ vero ad morales virtutes pertinent , quoniam usus invaluit, ut non eodem tempore tradantur tyronibus, quo Theologiæ dogmaticæ dant operam , ea duobus seorsim libris explicare , si Deus dederit , est animus ; quos libros si quis huic operi adjiciendos putaverit , ut unum veluti corpus Theologiæ dogmaticæ , ac moralis efficiant ; nihil erit per nos impediementi .

LIBER PRIMUS

S E U

TRACTATUS

De veritate Religionis Christianæ (a),

CAPUT I.

Recensentur hujus Religionis hostes.

I. **N**E in ambiguo laboremus, nomine *Religionis* hic intelligimus complexionem omnium dogmatum, & præceptorum, quæ ad veram Dei cognitionem, & legitimum cultum pertinent, ideoque partes duas habet *theoreticam*, & *practicam*, quarum una ad alteram ducit.

II. Religionem Christianam oppugnant 1º. Athei, Polytheistæ, Pantheistæ, seu Spinozistæ, & Epicurei.

2º. Deistæ, qui naturalem quandam sibi fingentes religionem, negant necessariam esse religionem revelatam. Deistæ autem dividuntur in partes duas; alii enim Religionem illam naturalem in præciendis actibus solum internis constituunt; alii admittunt etiam externum aliquem Dei cultum naturali ratione definitum.

3º. *Indifferentistæ*, qui quamlibet religionem utcumque monstruosam, bonam esse, & homini ad salutem sufficere effatiunt.

4º. Judæi, qui solam Judaicam religionem a Deo revelatam esse concedunt, negant vero Christianam.

5º. Denique Mahumerani, & cujuscumque alterius reli-

(a) *Monitum*: Poterit totus iste liber, si Præceptorum videbitur, in insequentem aliquem annum reservari, quo, cunctis aliis tractatuum cursu, vacui aliquid supererit temporis.

religionis homines, qui divinas jactant revelationes Christianæ religioni contrarias.

III. Porro adversus Atheos, Polytheistas, Pantheistas, & Epicureos in Metaphysicis Institutionibus disputatum est. Restant ergo hic refutandi Deistæ, indifferentistæ, alique, & adversus eos Religionis Christianæ veritas stabilienda est. Igitur demonstravimus 1º, necessariam homini esse religionem non solum internam, & occultam, verum etiam externam: 2º, naturalem religionem non sufficere: 3º, possibilem esse, imò & necessariam revelationem: 4º, Religionem Christianam revera a Deo esse revelatam: 5º, denique *indifferentissimum* in religionis negotio esse abiurdistissimum, atque iucirco, si Religio Christiana a Deo revelata, atque undata est, quancumque aliam religionem non solum falsam esse, verum etiam noxiam.

C A P U T II.

Ostenditur, necessariam esse homini religionem & cultum Dei tum internum, tum externum.

P R O P O S I T I O I.

Necessaria est homini religio, & cultus Dei, cumque ipse Deus ab homine exigat.

Prob. 1a pars I. **N**ecessarium enim est, & ab ipsa lege naturali præceptum, ut creatura conditorem suum, a quo ex nihiloeducta est, agnoscat, revereatur, adoret, diligat, ei que gratias agat, & obediat. Sed hæc est religionis totius summa. Ergo etc.

II. Homo natura duce necessario beatitudinem appetit. Est autem beatitudo summa felicitas, quam neque amittere, neque in melius commutare possis; timor enim amittendi bonum, quod habes, aut desiderium boni melioris, quod non habes, in beatitudine esse non potest. Atqui beatitudo isthæc, seu summa felicitas in nullius boni creati possessione sita esse potest; quidquid enim creatum est, & amitti, & in melius mutari potest. Appetit igitur homo, natura duce, summum bonum, quod non est, nisi Deus. Atqui homo in Deo requiescere non

B

po-

potest, nisi eum agnoscat, diligat, revereatur, adoret etc., qui actus ad religionem pertinent. Ergo necessaria est homini religio erga Deum.

Prob. 2^a pars. Deus iustissimus, ac rectissimus non potest non exigere id, quod postulat necessarius ordo inter creaturam, & creatorem. Ergo etc.

Hanc propositionem mirifice confirmat omnium populorum consensus, qui *Lex naturæ putandus est*, ut observat Cicero *Lib. I. Tuscul. Cap. 13*. Nulla enim extitit, nec modo extat gens adeo efferrata, quæ non aliquam habeat religionem. De priscis gentibus id testantur Cicero *Lib. 1. de Leg. Cap. 8.*, Plutarchus *contra Colosem*, alique, quos vide apud Huetium *Lib. II. Quæst. Alnet.* Vossium *de Idololatria*, & Cudworthum *Tom. I. System. Intellect.* Gentes vero recens detestas, quarum aliquas (ut *Casros*, *Hortentottos*, *Canarienses*) Bælius, & Lokius falso atheismi accusaverant, suam etiam habere religionem, eruditissime demonstrant Vincentius Patuzzi *Lib. De futuro impiorum fratu Cap. 9.*, & Vincentius Monilia *Lib. contra Fatalistas, in Prefat.*

Dices. Deus nullius rei indiget. Ergo non exigit ab homine cultum.

R. Nego conf. Non enim ideo Deus ab homine cultum exigit, quia illo indiget, sed quia id postulat rectus ordo, & bonum ipsius creaturæ. Nam sicut mundum condidit non quia creaturis indigebat, sed quia bonus erat, & bonitatis suæ divitias in creaturas voluit effundere; ita etiam exigit ab homine cultum, quia id postulat rectus ordo, quem Deus iustissimus non potest non diligere, & quia aliter creatura rationalis ad beatitudinem pervenire non potest.

PROPOSITIO II.

Necessarius est homini cultus Dei non solum internus, sed etiam externus.

Prob. 1^a pars. Primo enim cultus internus in actibus amoris, reverentiæ, obedientiæ, gratitudinis situs est. Atqui Deo hujusmodi officia ab homine debentur. Deinde

debet homo Deum colere ex animo, nempe ex ea parte quæ in homine nobilior est. Præterea externus actus hominis signum est actus interni. Si ergo religio solis exterioribus actibus exerceretur, non posset placere Deo, qui cum sit Spiritus, et veritas, in spiritu, & veritate colendus est.

Prob. 2^a. pars. I. Ex cultu interno, dummodo sincerus sit, non potest non prodire externus; ita enim a natura comparati sumus, ut quem vere diligimus, & reveremur, in eum dilectionis, & reverentiae nostrae signa expromamus.

II. Ideo cultus internus Deo debetur, quia ipse animus nostrum ex nihilo creavit. At hæc ratio cultum etiam externum adstruit; non solum enim animus, verum etiam corpus a Deo creatum est, ac proinde utrumque Deo famulari pro modo suo debet.

III. Exigit recta ratio, ut cultum internum, quantum possumus, augeamus, & confirmemus. Atqui noster animus ita est corpori, sensibusque illigatus, ut actus externi internos excitent, foveant, reddantque vividiores, alioquin ipsi actus interni languescunt, & extinguuntur.

IV. Amor erga Deum, & proximum exigit, ut sicut ipsi Deum diligimus, & reveremur, ita etiam, quantum in nobis est, efficiamus, ut ceteri quoque homines quibuscum vivimus, eum diligant & revereantur. Hoc autem fit per externos religionis actus. Ergo debetur Deo cultus exterior (a).

Solvuntur Objecla.

Obje. I. Ex iis, quæ supra dicta sunt in 1^a parte Deus in spiritu, & veritate colendus est. Rejiciendus est ergo cultus externus.

R. Neg. conf. Imo contrarium potius inferri debet; tum quia si cultus internus, & spiritualis est in veri-

B 2

(a) Vide hæc fusius apud Ignatium & Crucem in vindictis Religionis revelatae Discept. II. Cap. 2. §. 20. Nonnotæ Didionis Philoſophici, &c. Tom. I. verbo Culte de Religion, &c.

tate, h. e. verus, & sincerus, non potest in exteriores actus non prodire; tum quia ipsi externi actus internos excitant, redduntque vividiores; tum denique ex aliis, quas supra posuimus, rationibus. Ex eo igitur, quod Deus in spirita, & veritate colendus est, evincitur tantummodo, externos actus, si cum internis conjuncti non sint, Deo placere non posse.

Objic. II. Deus intimos cordis nostri recessus intuetur, nec ei opus est, ut interiores mentis nostræ sensus exterius explicemus. Ergo.

R. *Neg. conf. & suppositum.* Non enim ideo cultus externus exigitur, ut Deo mentis nostræ sensus aperiamus, sed alias ob rationes, quas supra explicavimus.

Corollarium.

Ergo vel solo rationis lumine cognosci potest, quantum a vero aberraverint nuperi quidam Theologi, qui docuerunt, solos externos actus sufficere ad obeunda religionis officia, ut recitare preces, adesse sacrificio absque ulla mentis attentione, ac interiori religionis affectu.

C A P U T III.

Ostenditur, Religionem naturalem humano generi non sufficere, siue rationem naturalem generi humano non satis esse ad veram religionem cognoscendam, atque exercendam, qua possit ad beatam vitam pervenire.

Adv. I. **D**Eistæ, siue Naturalistæ religionem quamdam sibi fingunt naturalem; asserunt nimirum, rationem hominis naturalem posse integrum quoddam religionis *systema* invenire, quod humano generi absque ulla Dei revelatione, & supernaturali adjutorio sufficiat ad beatam vitam capessendam.

II. Nos autem *religionem* non agnoscimus *naturalem* a revelata distinctam; sed cum Deus revelaverit non solum ea, quæ humanam rationem *superant*, verum etiam nonnulla, quæ ratione naturali cognoscuntur, hinc

hinc dogmata ista compendii gratia appellabimus *religionem naturalem*.

PROPOSITIO I.

Ad ea dogmata religionis cognoscenda, quæ naturalem mentis humanæ vim non excedunt, sola humana ratio, ut nunc est, non erat moraliter humano generi sufficiens.

Prob. I. Religio ad beatam vitam sufficiens singulis hominibus necessaria est, & quidem a teneris annis, ex quo ratione uti incipiunt. Atqui non omnes homines eo sunt ingenio, ut valeant proprio Marte dogmata illa cognoscere: sed pauci hujusmodi sunt.

II. Etiam ii, qui ingenio sunt acriori, non possunt statim a teneris errores, quos veluti cum lacte hausserunt, agnoscere, & dogmata religionis a sensibus remota invenire; præsertim in tanta primæ illius ætatis infirmitate, & veluti dementia, qua rebus sensibilibus, & ineptis occupata, in seria studia non incumbit. Requiritur ergo præter ingenium maturæ ætas, longum studium, & meditatio, atque animus ab omnibus vitiis alienus, imo ab omni vitiorum cupiditate liber; aliter enim, prout est affectus, ita judicabit. Quis autem Philosophorum ad eum justitiæ apicem pervenit?

III. Denique etiam ii, qui ingenio sunt sublimiori, maturaque ætate, licet ad ultimum usque spiritum in studia rerum divinarum incumbant, non tamen veritatem de rebus altissimis ita detegunt, ut falsa aliqua veris non admisceant. Falsa autem Deo placere non possunt, multoque minus ad beatam vitam perducere. Ergo ec: Hinc S. Thomas I. P. Q. I. art. 2. ad 1. hæc tria paucis complexus, *Veritas*, inquit, *de Deo per rationem investigata paucis*, & *post longum tempus*, & *cum admixtione multorum errorum perveniret*, a *cujus tamen veritatis cognitione dependet tota hominis salus, quæ in Deo est*. Vide etiam *lib. 1. cont. Gent. cap. 4.*

IV. Id confirmat experientia tot sæculorum, quæ Evangelii prædicationem præcesserunt. Excepta enim Abrahami

hami familia, in qua divina revelatio leryabatur, universum genus humanum; etiam in politioribus Civitatibus, densissimis, ac turpissimis idololatriæ tenebris obvolurum creaturas, etiam scelestissimas, pto creatore adorabat, & quidem cæremoniis flagitiosissimis, & insandis. Ipsæ et philosophi in religionis negotio cæcutiebant. Nam, ut omitiamus Epicureos apertos religionis hostes; illi ipsi, qui inter ceteros excellebant; Platonici, Peripatetici; Stoici, licet pauca quædam vera de Deo, de mente humana; legeque naturali scripserint, quæ etiam ab Hebræis accepisse constans, est veterum Patrum doctrina; ut erudite ostendit *Natalis Alexander*; tamen ea tot absurdis scedant; ut nullus eorum potuerit integrum, & verum religionis *ovruxa*; sive corpus efformare. Ut cetera eorum errata prætermittam; quæ commemorare non sinit harum institutionum brevitates, sed legi possunt apud *Clementem Alexandrinum Lib. V. Strom.*; & *Ciceronem* in Libris *De natura Deorum*; hoc eorum erat commune præceptum, unumquemque sequi debere religionem populi, licet falsam, scelestamque. Huc redibat philosophicæ religionis summa; quo quid absurdius; & scelestius? & tamen ipse *Tullius Lib. II. de Leg. cap. 10.* & *Epictetus cap. 38.* hoc præcipiunt. De lege etiam naturali agentes in quot errorum portenta impègerint, erudite demonstravit *P. Baltus (a)*. Præterea etiam in iis, quæ vera scripserunt, inter se non consensiebant; sed perpetuo digladiabantur; & licet unanimi consensu ea docuissent; homines tamen erant; fallique poterant; ac proinde, ut observat ipse *Lokius*, non ignobilis apud incredulos auctor (b), generi humano persuadere non poterant quæ docebant, sicut revera numquam persuaserunt. Porro quantum humana ratio, qualis nunc est, valeat; non potest melius æstimari, quam ex tot sæculorum experientia. Ergo:

Sol-

(a) *P. Baltus Parallele de la philosophie Chrétienne avec celle des Payens.*

(b) *Christianisme raisonnable tom. I. cap. 14.*

Solvuntur Objectiones.

Obje. I. Veteres Patres, ut *Justinus*, *Clement Alexandrinus*, *Eusebius Casariensis* ex testimonio Philosophorum revincunt infideles, Christianam religionem oppugnantes. Præterea *Grotius de Verit. Relig. Christ.* *Huetius in Quest. Alnet.* *Plannerus in System. Theologicæ Gentilis purior.* innumeras colligunt veterum philosophorum sententias, ex quibus patet, eos omnia religionis, legisque naturalis dogmata cognovisse. Ergo.

R. Neg. conf. 1º enim Patres illi docent, Gentiles Philosophos, quidquid veri de religione scripserint, ab Hebræis accepisse; & re vera credibile non est, eos, qui tot regiones peragrabant, ut rerum notitiam adipiscerentur, ignorasse religionem Hebræorum, quam Græcis, & Romanis non fuisse ignotam patet ex *Tacito*, *Diodoro Siculo*, aliisque. *Vide Nat. Alexandr. Hist. IV. Mundi ætatis cap. 7. art. 1. 2º.* numquam docent Patres, nec docere poterant, singulos Philosophos omnes simul religionis naturalis veritates unanimi consensu tradidisse; sed tantum sparsas esse in variis eorum libris veritatis scintillas, ita ut unus unam, alius aliam cognoverit: 3º has ipsas veritatis scintillas innumeris erroribus eos obscurasse, & veluti extinxisse: 4º inter se non consensisse, ac proinde populo persuadere non potuisse quod docebant.

Obje. II. Recentiores Deistæ, imo ipsi religionis Christianæ acerrimi defensores ex ratione demonstrant veritatem omnium dogmatum religionis naturalis. Ergo.

R. Dist. ant. Ex ratione illustrata per revelationem, quam ipsi cum lacte hauserunt, *conc.* Ex ratione sola, *neg.* Postquam enim humana ratio divinæ revelationis lumine illustrata est, facile demonstrat, dogmata naturalis religionis esse rationi naturali consentanea, sed id efficere non potuit humana ratio per tot sæcula, quæ Evangelii prædicationem præcesserunt, neque modo efficere potest iis in regionibus, in quibus Evangelium non est prædicatum. Imo, quod animadversione dignum est, ipsi Deistæ, etiam in tanta luce Evangelii cæcutiunt, multaque docent rationi naturali contraria, ita ut si

inter idololatrias nati essent, non modo religionem illam coluissent, & defendissent, verum & multo turpius; quam Gentiles Philosophi errassent.

Obje. III. Ratio naturalis id eo homini a Deo indita est, ut religionis, legisque naturalis dogmata cognosceret. Absurdum igitur est, homini ad isthuc cognoscenda rationem naturalem non sufficere.

R. Neg. conf. Hoc enim est unum ex his arcanis, ad quæ explicanda naturalem rationem non sufficere, sed necessariam esse Dei revelationem, inferius dicemus. Certum est, rationem ad hoc homini fuisse a Deo inditam, ut naturalem saltem cognosceret veritatem. Et tamen exploratum est ex tot sæculorum experientia, rationem naturalem, qualis nunc est, ad id non posse pervenire. Unde hoc? Certe hoc arcanum ratione naturali explicari non potest, confugiendumque ad divinam revelationem, quæ nos edocet, rationem naturalem non esse talem, qualem Deus homini indiderat, sed originali peccato obscuratam, & corruptam.

PROPOSITIO II.

Sunt nonnulla scitu maxime necessaria ad veram religionem cognoscendam, beatamque vitam obtinendam, quæ homo ratione naturali intelligere non potest.

Probatnr earum rerum enumeratione. I. Si quis hominem attente consideret, admirabilem in eo partium discordiam deprehendet. Nam, ut prætermittam dolores, infirmitates, ipsamque mortem, quas misérias non potest intelligi solo naturæ lumine, cur Deus sapientissimus tam nobili, atque excellæ creaturæ suæ intulerit; quis non videt, quantus sit in intellectu erga veritatem impetus, & tamen quantæ in rebus etiam naturalibus tenebræ, ita ut hominis intellectus perpetuum erroris ludibrium sit? Quis non experitur, quantus in voluntate summi boni, et iustitiæ amor, et quanta simul abjectio, & cupido rerum pessimarum, ita ut semper nitatur in vetitum, & licet meliora videat, proberque, deteriora tamen sequatur: uno verbo quis non experitur,

tur, carnem contra spiritum, rectamque rationem perpe-
tuo concupiscere, præliari, & vincere (a). Atqui ra-
tio naturalis ista explicare non potest, ut patet ex ve-
teribus philosophis, qui ad hæc enodanda vel se im-
pares esse fassi sunt, unde ait Plinius *Lib. VII. Hist. nat.*
Non satis æstimari, parensne homini natura, an tristior
noverca fueris, vel tot monitrosas fixerunt opinio-
nes, inter quas illa absurdissima, & simul maximo plau-
su excepta, duo scilicet esse rerum principia, unum bo-
num, & alterum malum, & utrumque in hominis crea-
tione suam contulisse symbolam. Et tamen necessarium
est hominibus tot malorum causam, & remedium co-
gnoscere. Ergo.

II. Ratio naturalis præcipit, cultum externum Deo
deberi. Atqui ratio naturalis eum cultum, qui summo
numini sit gratus, definire non potest, ut patet ex tot
sæculorum experientia. Gentiles enim sola ratione ducti
flagitiosis, obscænis, ridiculis cæremoniis numina colue-
runt, quas cæremonias, licet sacrilegas, ipsimet Philo-
sophi servandas docebant. Hinc Plato in *Epinomide*,
& in *Secundo Alcibiade* hanc definitionem ab ipso Deo
expectandam clare pronuntiat, omnesque ii, qui falsos reli-
gionis ritus invexerunt, eos a Diis se didicisse fixerunt,
adeo omnium animis opinio insederat, externum religio-
nis cultum nonnisi ab ipso Deo dictari posse. Ergo.

III. Nullus hominum a peccato immunis est, licet
ad solam legis naturalis regulam attendat. At ratio na-
turalis cognoscit, Deum esse malorum vindicem. Ergo
post peccatum aut desperandum est, aut videndum,
utrum, & qua ratione Deo reconciliari, æternasque
pœnas vitare possimus. Atqui hic omnino deficit ratio
naturalis. Quis enim sola ratione definiat, Deum pec-
catoris poenitentia ad misericordiam flecti, nec justitiæ,
quæ in eo summa est, dare locum; imo toties miserari
Deum, quoties homo in peccata relabitur? Certe hoc in
homine iudice videretur reprehendendum, imo innume-
ris sceleribus aperire viam. Placarine Deus sacrificiis po-
terit? At ipse nulla re indiget, nec venalis, corruptus-
que

(a) Vide *Pascal Pensées Chap. 3. §. 21.*

que iudex est, ut muneribus flectatur. Certe hic humana ratio, quocumque se vertat, omnino hæret, & tamen hoc est scitu maxime necessarium. Ergo. Vido de hoc argumento *Jacobum Qde Theolog. naturalis. Prop. 66. 67. & 68.*

Corollarium.

Ergo necessaria erat homini divina revelatio, qua ediceret ea, quæ scitu necessaria erant ad religionem exercendam, siue illa rationi essent impervia *ex prop. II.*, siue non essent *ex prop. I.*

C A P U T IV.

Ostenditur, Divinam bonitatem, & misericordiam maxime decuisse, ut humano generi in iis ignorantie tenebris, de quibus dictum est Capite superiori, succurreret, veramque religionem revelaret.

Adv. **N**ecessariam fuisse homini revelationem veræ religionis, satis ostendimus. Nunc inspicendum est, utrum decuerit, Deum ad hoc suam demittere maiestatem, ut in re tot, tantisque tenebris implicata, hominum præceptor factus, eos veritatem edoceret.

P R O P O S I T I O.

Divinam bonitatem maxime decebat, ut humano generi maximis ignorantie tenebris obruto succurreret, veramque religionem revelaret.

Prob. Deus ab homine cultum exigebat, nec aliter homo poterat ad beatam vitam pervenire, ut *Cap. II.* demonstratum est; nemo tamen sola naturali ratione veram religionem, qua & Deo placeret, & ad beatam vitam perveniret, cognoscere poterat; ut *Cap. III.* ostendimus. Atqui divinam bonitatem, & misericordiam non decebat, ut hominem, quem ipse cre-

creaverat, omnino in peccato, & aeterna miseria delinqueret. Ergo.

Dices. Vel homo ratione naturali veram religionem cognoscere poterat, vel non. Si primum, frustra a Deo revelationem expectabat. Sin alterum; jam ei error non vertebatur culpæ; ac proinde nec Deo displicuisset, nec excidisset a vita beata; si in negotio religionis errasset. Ergo.

R. Dist. 1^a prop. Nonnulla dogmata absolute cognoscere non poterat, de quibus dictum est *Cap. III. prop. II.* alia vero absolute quidem poterat; sed ob naturæ humanæ corruptionem, passiones, aliæque impedimenta moraliter non poterat cognoscere, ut diximus supra *Cap. III. prop. I.* Nec inde sequitur, errorem ei non fore vertendum culpæ, tum quia plerumque ex suis cupiditatibus manasset error, tum quia pro veritate, quam ignorabat, scelestissimam sibi innoxisset religionem, ut revera fecerunt Gentiles, quæ religio horrendum est dicere, quod aut Deo placuerit, aut ad beatam vitam perduxerit.

Cum ergo docuerimus, & homini divinam revelationem fuisse necessariam, & Deum maxime decuisse, ut hominem divino magisterio instrueret in negotio religionis; videamus nunc, quales esse oportebat divinæ revelationis dotes, & characteres, si Deus homini veram religionem patefacere voluisset, ne forte falsam revelationem cum vera confundamus, nec alteram ab altera valeamus discernere.

C A P U T V.

Si Deus homini veram religionem revelare voluisset, demonstratur, cum sicut nihil proponere poterat humane rationi contrarium, sic multa proponere potuisse dogmata, quæ rationem humanam exsuperant.

Adv. **D**Ocet Baelius variis in locis suorum operum, quæ Scepticismi, & impietatis prompua dicitur dici possunt, Deum multa posse revelare, imo revera revelasse rationi naturali contraria. Ex adverso *Deistæ* passim

Theologicarum Institutionum
passim contendunt, nihil Deum revelare posse supra
humanam rationem. Utrumque falsum est.

PROPOSITIO I.

Nihil Deus revelare potest rationi contrarium.

Non possumus id evidentius demonstrare, quam
verbis S. Thomæ *Lib. I. cons. Gens. Cap. 7.* Ea, quæ
naturaliter rationi sunt insita (adde & quæ ex iis evi-
denter sequuntur), verissima esse constat, in tantum, ut
nec ea esse falsa sit possibile cogitare . . . Quia igitur
solum falsum vero contrarium est, ut ex eorum de-
finitionibus inspectis manifeste apparet, impossibile est,
illis principiis, quæ ratio naturaliter cognoscit, verita-
tem fidei (h. e. a Deo revelatam) contrariam esse.

Item . . . Principiorum naturaliter notorum cog-
nitio nobis divinitus est indita, cum ipse Deus sit auctor
nostræ naturæ. Hæc ergo principia etiam divina sa-
pientia continet. Quidquid igitur principiis huiusmodi
contrarium est, est divine sapientiæ contrarium. Non
igitur a Deo esse potest. Ea igitur, quæ ex revelatione
divina per fidem tenentur, non possunt naturali cogniti-
oni esse contraria. Bælium autem fute confutavit Leib-
nitius in *Præloquio Theodiceæ*, aliique.

Hinc infert S. Thomas, quæcumque argumenta con-
tra fidei dogma ponantur; hæc a principiis primis na-
turæ inditis non recte procedere; unde nec demonstra-
tionis vim habent, sed vel sunt rationes probabiles,
vel sophisticæ. Quod est animadversione dignissimum.
Ex quo etiam sequitur, falsam esse illam Pomponatii do-
ctrinam, scilicet posse aliquid esse verum ex philoso-
phia, & ratione naturali, & falsum ex fide; cui doctri-
næ innituntur Philosophi nonnulli, qui, dum aliqua con-
tra fidem effutunt, satis se putant a censura tutos, dum
ajunt, se loqui ut philosophos.

Hinc etiam patet, si quæ religio aliqua doceat ratio-
ni naturali evidenter contraria, eam non posse a Deo
esse revelatam.

PROPOSITIO II.

*Potest Deus nonnulla homini revelare mysteria ,
quorum modus , & ratio humane mentis
captum longe superans .*

Prob. I. Deus in rerum corporearum creatione multa nobis ostendit, quorum naturam, modum, & rationem intelligere non possumus, licet certo sciamus, ea existere. Ergo pariter in revelatione rerum, a sensibus nostris remotarum, multa potest nobis arcana patefacere, quorum modum, & rationem investigare intellectus noster non valeat.

II. Inter ipsos homines, licet ejusdem sint naturæ, tanta est ingeniorum inæqualitas, ut alter clare intelligat, quæ alter intelligere, & explicare non possit. Ergo Deus, qui humanæ mentis aciem infirmam, atque hebetem infinite superat, multo magis infinita intelligit, & comprehendit, quorum rationem homines percipere non valeant. Porro, si stultus esset rusticus fidem abnuens iis, quæ a doctiore proponuntur, ea tantum ratione, quod illa intelligere, et explicare non potest; multo stultior esset homo, qui fidem habere detrectaret Deo proponenti mysteria humanæ rationi impervia.

Ergo non ideo putandum est, religionem non fuisse a Deo revelatam, quod multa contineat dogmata, quorum rationem intelligere non possumus.

Solvuntur objectiones.

Objeç. I. Divinam sapientiam maxime decet, ut si homines alloqui velit, humanæ mentis imbecillitati sese accommodet. Ergo non decet, Deum revelare homini mysteria.

R. Dist. ant. Ut se se ita accommodet, ut nihil proponat, quod homo intelligere non possit *quoad substantiam, conc.* Quoad modum, & rationem; *Neg.* Sicut ergo non dedecet Dei sapientiam, quod multa creaverit, quæ licet certo sciamus existere, tamen explicare nesciamus; ita non dedecet, quod aliquid revelet, quod licet sciamus, esse verum, & intelligamus quoad substantiam.

stantiam, nesciamus tamen ejus explicare modum, & rationem.

Objic. II. Inutilis est homini mysteriorum notitia. Ergo.

R. Neg. ant. Sicut enim non ad discipulum, sed ad magistrum pertinet videre quid ipsi discipulo scire sit utile, quid non; ita Dei est definire quid expediat scire hominem in religionis negotio cæcutientem, hominis vero est Deo agere gratias, quod occulta sapientiæ suæ ei revelaverit; & subjiciendo intellectu n in obsequium Dei, luminam illius sapientiæ venerari, & agnoscere dominatum, quem ille habet in ipsum creaturæ intellectum. Præterea mysteria scire nedum utile, sed necessarium est, ut ex. gr. humanæ naturæ corruptionem per peccatum, reparationem per Christum, adjutorium per Dei gratiam &c.

Objic. III. Deus homini rationem indidit. Absurdum igitur est, ut ei rationis usum impediat per revelationem mysteriorum.

R. Dist. ant. Ut cognosceret ea, quæ scire expedit, *conc.* Ut omnium rerum intelligat causas, modum, & rationem, *neg.* Multarum enim rerum, etiam naturalium scire sufficit existentiam, licet causam, & rationem ignoremus. *Ad conf. vero nego suppositum;* non enim revelatio mysteriorum impedit rationis usum; imo hoc est rationi maxime consentaneum, ut fidem habeamus ei, quem, plus quam nos intelligere, certo scimus.

Objic. IV. Mysteria sunt supra rationem. Atqui quod est supra rationem, est etiam contra rationem; nam 1º eorum, quæ sunt supra rationem non apparet convenientia cum ratione; deinde quæ supra rationem sunt, talibus argumentis oppugnari possunt, quæ humana ratio dissolvere non valet. Ergo. Ita *Belius*.

R. Neg. ant. Illud enim supra rationem esse dicitur, cujus humana mens nequit explicare causam, rationem, atque modum: illud vero contra rationem, quod mens cognoscit repugnare rationi; quæ duo maxime discrepant. *Ad 1. confirm. resp.* aliud est non videre alicujus dogmatis congruentiam cum naturali ratione, aliud est videre ejus discrepantiam, & repugnantiam. *Ad 2. dist.* Non potest argumenta illa dissolvere, explicando mysteria.

teriorum rationem , *conc.* non potest dissolvere. demonstrando, ipsa argumenta non recte procedere ex principiis naturalibus , *neg.*

C A P V T VI.

Si Deus homini aliquid revelare voluisset , expenditur quibus signis revelationem confirmare pro sua sapientia debuerit .

JAm videamus , utrum Deus veram religionem homini patefecerit , & quibus signis ea internosci queat , cum omnes ferme religionem suam a Deo revelatam esse jactent .

P R O P O S I T I O I.

Deus ex sua sapientia revelationem talibus confirmare debebat signis , quæ nonnisi ab ipso Deo patrari poterant .

Prob. Deus enim nihil frustra molitur . At frustra homini religionem revelasset , nisi eam talibus confirmasset signis ; adhuc enim homines dubitare potuissent , utrum Deus locutus esset ; atque ita adhuc inter opinionum ambages fluctuare , præcipue si revelatio contineret mysteria humanæ rationi impervia . Ergo ,

P R O P O S I T I O II.

Prophetia , & miracula proprie dicta sunt signa , quæ nonnisi ab ipso Deo patrari possunt , ac proinde ea sunt signa , quibus revelationem a Deo confirmari oportebat .

Prob. I. de Prophetiis . Prophetia enim est prædictio futuri , quod a libera hominis , aut etiam ipsius Dei voluntate pendeat . At id. nequit efficere ulla creata mens , etiam Angelica ; licet enim homines , aut Angeli prædicere possint ea , quæ a naturalibus causis oriuntur , in quibus etiam falli possunt , si Deus causarum

na.

naturaliam vim impediat; tamen quæ pendent ab hominis, aut etiam Dei libera voluntate, nemo, nisi Deus prævidere, & prædicere certo valet. Unde *Isaias*, falsa esse numina a genibus culta ex eo demonstrat, quod futura prædicere non possunt. *Annuntiate quæ veniura sunt in futurum, & sciemus quia dii estis vos. Is. XLI. 23.* & *Tertullianus Apolog. 20.* Idoneum, inquit, testimonium divinitatis est veritas divinationis. Hinc Idololatæ divinationem attrinxerunt numinibus suis, quorum tamen oracula erant vel falsa, vel ambigua, & si non semper (ut contendit *Antonius Van Dale* in *Historia Oraculorum*), plerumque saltem a sacerdotum vafritie concinnata.

Prob. II. de Miraculis. Miraculi enim nomine intelligimus opus rarum, quod vel ratione substantiæ, vel ratione modi sit præter ordinem, & vires totius naturæ creatæ, corporeæ scilicet, & spiritalis. Unde ad veri miraculi rationem requirimus, ut sit opus non modo rarum, & extraordinarium, cuiusmodi esse queunt multa vel naturæ, vel Angelorum sive bonorum, sive malorum opera; verum etiam totius creatæ naturæ vires superans. Ergo verum miraculum nonnisi ab ipso Deo patiari potest.

Corollaria.

I. Hinc sequitur, divinam revelationem prophetiis, & miraculis confirmari debuisse; alia enim signa etiam ab creaturis fieri poterant.

II. Religionem prophetiis, & miraculis firmatam, falsam esse non posse. Prophetiæ enim, & miracula edi non possunt, nisi a Deo, qui non potest esse falsi auctor, aut adstipulator, licet ad verum confirmandum uti possit ministerio hominum malorum *Matth. VII. 22.* imo etiam brutorum, ut de asina *Balaam* legimus *Num. XXII. 30.*

III. Religionem docentem evidenter falsa, non posse veras habere prophetias, aut miracula; atque ideo postquam in aliqua religione demonstraverimus contineri dogmata rationi contraria, ut in Mahumetana, & Idol-

solatrix, frustra nos in ejus miraculis consutandis tempus terere.

Solvuntur objectiones.

Obje. I. Cum Spinoza, & Boulenger. Verum miraculum a Deo fieri non potest. Miraculum enim derogaret naturæ legibus, atqui Deus naturæ legibus quæ ipse statuit, derogare non potest, cum sit immutabilis. Ergo inepte ad divinam revelationem firmandam miracula exiguntur.

R. Neg. ant. Ad confirm. resp. Data maj. quæ negari posset, cum miraculum potius sit supra, quam contra naturæ leges, *Neg. min.* Non enim mutatur Deus miracula faciens, qui ita ab æterno sanxit naturæ leges, ut etiam ab æterno exceperit certos effectus, quos sibi reservavit patrandos ad majorem sui gloriam, & hominum utilitatem. *Vide S. Thom. De Potent. Q. VI. art. 1. ad 6.* Dubitare igitur, utrum Deus miracula patrare possit, hominis est insani, ut *Roussojus*, ipseque *Baelius* fatentur, atque hac in re *Spinozistas* irritant.

Obje. II. Miraculum est opus rarum supra naturæ vires. Atqui nemo novit omnes etiam occultas naturæ vires. Ergo nemo scire potest, utrum opus aliquod verum sit miraculum, ac proinde frustra ad probandum revelationem adhibetur.

R. Dist. min. Et tamen omnes compertas habent ex experientia constantissima quædam naturæ leges, & vires, quæ sufficiunt ad miraculum agnoscendum, *conc.* Secus, *neg.* Igitur ad miraculum agnoscendum necesse non est omnes occultas naturæ vires habere perspectas, sed satis est ex longa, & constanti experientia cognovisse aliquas. Sic *ex. gr.* ex constanti experientia scimus, hominem vere mortuum reviviscere non posse; (iis enim, qui falso mortui putantur, ut sunt laqueo, vel aquis præfocati, vel epilepsia correpti, humana arte succurri potest). Si enim essent aliquæ in natura vires, quæ id efficere valerent, id aliquando effecissent.

Atque hac ratione omnes *Roussoji* argutæ & cavillationes facile solvuntur.

Ins. Homines, aut saltem angeli mali multa patrare
C
pos.

possunt mira præter constantissimas naturæ leges. Sic Magi Pharaonis *Exod. VII. & VIII* Simon Magus *Act. VIII*, Apollonius Thyanæus teste Philostrato, & Jerocle, Hæretici apud Augustinum *Lib. de Unit. Eccl. cap. 16.*, & Gentiles apud eundem *Lib. X. de Civ. Dei cap. 16.* Sic etiam Vespasianus, testibus Suetonio, & Tacito, cæcum sputo curavit, & Antichristus multa creditur prodigia patraturus, ut inducantur in errorem, si fieri potest, etiam electi. Ergo non sufficit aliquid esse præter constantes naturæ leges, ut judicetur miraculum, hoc est opus ipsius Dei.

R. Diss. ant. Semper tamen aliqua patet ratio, qua istæ prædigiæ a veris miraculis dignosci queant, *cove.* Nulla patet, *neg.* Nam 1º. demones, qui, ut dicemus suo loco, utendo naturalibus causis, quarum exquisitam habent notitiam, multa mira patrare possunt, nihil valent, nisi ex Dei permissione. Non est autem putandum, infinitam Dei bonitatem, & sapientiam ita ista permittere, ut nulla hominibus ratio suppetat cavendi errorem, scilicet vel ex fine evidenter pravo, vel saltem inutili, ac proinde sapientia Dei indigno, vel ex alia circumstantia, ex qua pateat, opus non a Deo, sed a naturalibus causis per demones adhibitis esse profectum. Et talia sunt Magorum Pharaonis, Simonis Magi, & Antichristi prodigia. 2º. Hominum veteratorum fraudes sicut humana industria concinnari, sic humana diligentia detegi possunt. Ceterum quæ de Hæreticorum, Gentilium, & Apollonii Thyanæi præstigiis narrantur ab auctoribus minus probatæ fidei, non coveis, & causæ suæ servientibus, sicut gratis asseri videntur, ita & gratis negari possunt. In Vespasiano vero nimis aperta fuit fraudulantium aulicorum, ut principem illum recens a militibus electum, necdum satis in imperio firmatum, angustiorum redderent apud vulgus.

Inst. 2. Potest Deus in peccati vindictam spargere pœnalem cœcitatē super illicitas hominum cupiditates, & ira permittere demonum prodigia, ut nulla pateat ratio ea discernendi a veris miraculis. Ergo.

R. Neg. ant. Si enim id Deus faceret, sibi ipse auferret modum, quo hominibus voluntatem suam certo posset patefacere; semper enim homines dubitare possent,

sent, ne forte in peccari vindictam Deus dæmonibus permisisset maxima patrandi prodigia.

Objic. III. Non eadem est inter ipsos religionis revelatæ defensores miraculi definitio. Clarkius enim, miraculum esse ait operationem cujuscunque Entis intelligentis, homine superioris, consueto naturæ ordini contrariam; Abbas *de Houteville* effectum rarum, & stupendum ex incognita, sed naturali causarum naturalium harmonia, & temperatione: alii aliter definiunt. Ergo.

R. *Neg. conf.* Illas enim definitiones merito rejicimus; ad confirmandam enim Dei revelationem non sufficit, nisi opus, quod ab ipso Deo patrari solum potest.

Objic. IV. Cum profano Auctore Cogitationum Philosophicarum (a). Turius est fidere judicio rationis, quam sensibus, qui sæpe nos fallunt. Satiùs est igitur in Religionis negotiò incedere via demonstrationis, quam miraculorum.

R. 1. *Diff. ant.* In iis rebus, ad quæ ratio sufficit, *conc.* in ceteris, *neg.* Porro si ad ipsam religionem naturalem recte constituendam sola ratio non sufficit, ut Cap. II. demonstravimus, multo minus ad religionem revelatam, præsertim si mysteria contineat.

R. 2. *Neg. conf.* Qui enim miraculis nititur, etiam judicio rationis, & demonstratione utitur. Sicut enim ex effectibus, nempe ex creaturis demonstramus, esse creatorem Deum, ita etiam ex operibus divinis demonstramus, ipsum Deum locutum esse; unde Auctoris istius non minus despicienda est stupiditas, & insania, quam detestanda impietas.

(a) *Pensées Philosophiques.*

CAPUT VII.

Demonstratur, Religionem Christianam veris confirmatam esse prophetiis, & miraculis.

Adv. Jam videamus, utrum Religio Christiana iis firmetur signis, quibus diximus *Cap.* superiori confirmandam esse divinam revelationem. Sed si cur Geometrarum nonnulla præstentur postulata, seu nonnulla ponunt ab omnibus concedenda; ita etiam nos ea, quæ sequuntur, ponimus concedenda ab omnibus, qui Sceptici, hoc est fatui non sunt.

I. Quæstio hæc: *utrum ad confirmandam hanc religionem miracula, & prophetiæ edite sint*, historica est, seu ut ajunt *questio facti*, non juris; ac proinde solvi debet testibus, & monumentis, de quorum fide infanum sit dubitare.

II. Potest aliqua historia eadem ferme certitudine teneri, qua mathematicæ theses, licet objectum, et probationes diversæ sint, et ideo prima dicatur *certitudo moralis*, altera *mathematica*. Sed ne ad inutilem dilabimur quæstionem de æqualitate utriusque certitudinis, sufficit hic statuere, quod possit aliqua historia tantam habere apud homines certitudinem, quæ mentem omnino quietam, ac securam reddat, ita ut infani hominis sit de illa dubitare. Sic certo scimus fuisse *Alexandrum, Cæsarem, &c.*

III. Libri Novi Testamenti, quibus continentur historica religionis Christianæ primordia, et quos hic nondum assumimus ut divinos, genuini sunt, hoc est scripti eo tempore, et ab iis auctoribus, quorum nomina præse erunt: nempe ab Apostolis, primisque religionis Christianæ Fundatoribus. Si enim non dubitamus, quin genuini sint libri Ciceronis, Cæsaris, Livii, quia omnibus sæculis iis auctoribus attributi sunt, ridemusque Harduinum, contraria effutientem; multo minus dubitare possumus, quin genuini sint libri Novi Testamenti. 1º. Enim omnibus sæculis laudati sunt ut genuini, idque non solum a catholicis, ut Clemente Romano, *epist.* 1. & 2. Ignatio *epist. ad Ephes. ad Smyrn.* & ad Polycarp.

carp. Polycarpo, Papia, Justino, Clemente Alexandrino. aliisque, quorum testimonia vide apud Valsecchium, et Bergerum (a), verum etiã ab hæreticis, qui ex ipsius Libris argumenta ad suam hæresim stabilendam misere detorquebant, ut observant *Irenæus* auditor *Polycarpi* discipuli *S. Johannis Lib. III. contr. hæres. Cap. 2. n. 7.* imo et a Paganis, ut *Celfo* apud *Originem*, et *Juliano* Apostata apud *S. Cyrillum*. 2^o. Quod non accidit aliis Scriptoribus, religiose servati sunt ab universa Ecclesia, hoc est a societate per universum orbem diffusa, quæ libros illos semper venerata est ut divinos, eorumque autographa in Ecclesiis Apostolicis diu servata sunt, ut testatur *Tertullianus Lib. de Præscript.* Hinc libri illi nec omnino de integro supposititii, nec in rebus ad religionem pertinentibus corrupti esse potuerunt. Statim enim ab uno homine, vel una ecclesia concinnata fraus a ceteris agnita, atque rejecta esset; esto in quibusdam levioribus variantes lectiones inciderint propter tot myriades exemplarium; quidquid enim humanis manibus teritur, humanam infirmitatem experiri debet, ut patet ex prophanorum scriptorum variantibus lectionibus longe pluribus, licet in minori copia exemplarium: quam varietatem non necesse erat, Deum per miraculum impedire, cum ad summam religionis non pertineret.

Dices. Primis Ecclesiæ sæculis nonnulli apocrypha Evangelia, et Scripta Apostolorum concinnarunt, ut videte est apud *Jo. Alb. Fabricium in Codice Pseudepigrapho*, cujus eruditione, tamquam corvus pavonum plumis ornatus, *Freretus* insert, potuisse etiam Libros Novi Testamenti, tamquam genuina Apostolorum opera, falso venditari.

R. Neg. conf. Nam illa ipsa religiosa cura, quæ Ecclesia servabat genuina Apostolorum opera, demonstrabat esse supposititia quæ non erant eadem traditionis setie probata. Unde ex historia scriptorum apocryphorum magis elucet veritas eorum, quæ genuina erant; hinc enim patet, Ecclesiam non cæca credulitate suscepisse ut

(a) Valsecchi *La Religione Vincitrice. Tom. II. Bergier La certitude des preuves du Christianisme.*

Apostolicos omnes libros, qui Apostolis tribuebantur, sed eos tantum, quos ab iis conscriptos esse perpetua traditione constabat. Adde his, quod ipsa apocrypha Evangelia nostris consentiebant quoad substantiam (ut ita dicam) gestorum Christi, ejusque miraculorum, licet nonnulla adjungerent vel fabulosa, vel narrata ab Apostolis, quorum nomina praeferbant, non tamen scripta in nostris Evangeliiis, ut videre est in paucis illis Apocryphis, quae supersunt apud Fabricium. Hinc si hodie apocrypha illa superessent, majori numero testium firmaretur veritas Evangelicæ historiz. His itaque positis sit.

§. I.

PROPOSITIO.

Christiana religio veris confirmata est prophetiis:

Prob Prophetiæ, quæ Christianam religionem præbant, partim editæ sunt ante Christi adventum, quas tamen Gentiles suspicari non possunt cum Porphyrio apud Hieronim. *Proem. in Daniel.* a Christianis confectas, cum ante Christi adventum servatæ fuerint, & modo servantur religiosissime a Judæis Christianæ religionis hostibus, ut observat Augustinus in *Psalm. LVIII.* partim ab ipso Christo, ejusque discipulis. Adeo autem luculentæ sunt prophetiæ, quæ Christum præcesserunt, ut S. Justinus in *Dialogo cum Triphone* fateatur, se hoc uno argumento ex philosopho Gentili factum esse Christianum, & Origenes *Lib. 1. contra Cels.* asserat, hoc esse argumentum omnium validissimum, unde Huetius ex solis ferme prophetiis, quæ Christum præcesserunt, Demonstrationem Evangelicam concinnavit.

Porro prophetias ante Christum editas in Libro VI. de Incarnatione proferemus contra Judæos, ne eadem iterum cogamur reperere. Sufficit hic unam, aut alteram commemorare. I. Daniel *Cap. IX.* prædicit, post annos 483; ex quo Judæis facta fuisset potestas ædificandæ Hierusalem, occidendum esse Christum, & post eus mortem Urbem Hierusalem, & templum, (quæ nondum erant tempore Danielis ædificata) funditus evertenda, & abolenda sacrificia. Hæc autem, quæ nemo tot ante sæculis suspicari potuisset, adamptissimè comple-

pleta nemo non videt. II. David in *Psalmo XXI.*, & in *Psalmo LXXXV.* & *Isaias Cap. II.*, & *Cap. XVII.*, & *LXVI.* prædicunt, abolendam esse idololatriam, & omnes gentes adoraturas esse Deum Israël. Hoc autem quis vel cogitare potuisset, cum Idololatria longe, lateque per univversum esset orbem statuta; Israelitarum vero & gens, & religio omnibus Gentibus odio esset? Et tamen ex quo Christiana religio prædicari cæpit, idololatria paulatim concidit, donec tandem extincta est. III. *Malachias Cap. I.* vaticinatus est, Judæos a Deo rejiciendos, Gentiles vero in Ecclesiam adsciscendos, quod & factum conspicimus.

Jam ad ipsas Christi prophetias veniamus. I. Christus *Matth. XX. 17.*, & seq. omnes passionis, & mortis, suæ circumstantias minutissime prædixit. *Ascendens Jesus Jerosolymam, assumpsit duodecim discipulos secreto, & ait illis: ecce ascendimus Jerosolymam, & Filius hominis tradetur principibus sacerdotum, & scribis, & condemnabunt eum morte, & tradent eum gentibus ad illudendum, & flagellandum, & crucifigendum, & tertia die resurget: addidit etiam Matth. XXVII. omnes alias circumstantias, loci, diei, horæ, discipuli a quo tradendus erat &c. Hæc autem omnia Christus nonnisi divinitus prævidere poterat. Nam populus univversus tanto eum prosequabatur amore, ut potius temperandus fuerit ejus ardor, ne eum Regem constitueret. Et licet dicere velimus, Christum pertinuisset invidiam Sacerdotum, non tamen præscire potuit, se ab illis quidem dampnandum morte, sed tamen a Gentilibus flagellandum, illudendum, & crucifigendum. Nam si Sacerdotum perfidia usque ad necem Christi exarsisset, pronius erat ut eum lapidibus appeterent, quod & alias facere conati erant, quam ut apud Judicem Gentilem eorum invidiæ non participem accusarent, apud quem nullius criminis reum peragere potuissent.*

Neque dicas, post Christi passionem *Matthæum* hanc prophetiam commentum esse; nam præter consensum aliorum Evangelistarum, si *Matthæus* fingere voluisset, non utique addidisset prophetiæ illa verba & *tertia die resurget*; nam si isthæc prædictio resurrectionis fuisset im-

pleta, jam opus non erat prædictionem mortis fingere, sin minus, & tunc falsitas unius prædictionis etiam aliis verbis, & factis ejus fidem abstulisset. Ceterum objectiones contra veritatem Evangelistarum solvemus inferius.

II. Idem Christus *Matth. XXIV*, & *Marci XIII*, & *Luc. XIX*, & *XXI*. cum omnia apud Judæos essent tranquilla, prædicit Urbem Hierosolymorum paulo post, idest vivente adhuc generatione illa, evertendam, templum diruendum, ita ut non remaneret lapis super lapidem, Judæos magna ex parte internecione delendos, reliquos captivos abducendos, idque tam clare, tamque minute, ut si conseras Christi verba cum eventu, quem *Iosephus* Historicus memoriæ prodidit, putes Christum historiam potius descripsisse, quam propherasse.

III. Præterea prædicit Christus, Judæos rejciendos, Gentiles vero ad cultum veri Dei adsciscendos; imo Evangelium longe, lateque per universum orbem prædicandum, atque credendum; ita ut ex ovibus, hoc est hominibus omnium Gentium fieret unum ovile, & unus pastor, hoc est una Ecclesia sub uno Pastore collecta, ut in variis Evangelii locis videre est. Hoc autem, quod naturaliter fieri omnino non poterat, ut infra ostendemus, videmus peractum, imo ostendimus peractum paulo post Christi mortem.

IV. Præmittimus innumeras alias Christi prophetias, ut de prodicione Judæ, de negatione Petri &c. & manifestationes secretorum humani cordis, quæ, non minus quam prophetiæ, opus divinum sunt.

Addi possent etiam prophetiæ discipulorum Christi, qui post ejus mortem Christianam religionem propagarunt. Nam 1. Lucas *Act. XI. 27*. refert prophetiam Agabi de fame universo orbi imminente; quæ & accidit Claudio Imperante, & *Act. XIII. 1*. donum prophetiæ in multis discipulis Antiochenæ Ecclesiæ eluxisse scribit, & ite dem aliis in locis alias refert discipulorum Christi prophetias, quod utique si falsum fuisset, non esset ausus scribere viventibus iis, a quibus falsi revinci poterat. Paulus vero in Epistola I. ad Cor. *Cap. XII*. inter cetera Dei dona, quibus nascenti Ecclesiæ illustrabatur, proph-

phetiam recenſet, & Cap. XIII. præſcribit modum, quo prophetia, aliique donis uterentur, ut omnia beneſe, & ſecundum ordinem fierent. Quomodo autem potuiſſet aliquis, niſi omnino effrons, & ſatpſus Corinthiis præcipere modum, quo prophetia uerentur, niſi manifeſte hoc Dei donum apud illos fuiſſet? Denique inſignis prophetia eſt Johannis Apocalypſis, in qua licet nonnulla ſint adhuc in fine ſæculorum implenda, tamen quæ de Romani Imperii & idololatriæ ruina clare prædicta, atque impleta ſunt, etiam iis, quæ implenda remanent, fidem aſtruunt. Vide Boſſuet, & D. de la Cherardie in Comment. Atque hæc de prophetiis: nunc ad aliam partem veniamus, nempe ad miracula.

§. II.

P R O P O S I T I O.

Certiſſimum eſt, Chriſtum innumera præſtaſſe miracula, & quod omnium eſt maximum, poſt mortem reſurrexiſſe, & in cælos aſcendiſſe.

Prob. I. De omnibus generatim Chriſti miraculis. Novi teſtamenti Scriptores unanimi conſenſu referunt, Chriſtum Dominum mortuos ſuſcitariſſe multos; nam licet tres tantum commemorent Evangeliſtæ, et inter eos Lazarum a ſepulchro quadriduo poſt mortem excitatum, tamen alios etiam prætermiſſe eruitur ex Cap. XI. Matth., & Job. Cap. XXI. Præterea cæcos, ſurdos, claudos, paraliticos, leproſos vel uno vocis imperio curaviſſe, tempeſtates ſedaviſſe, imo et per maris undas nudis pedibus ambulaviſſe, aquas in vina vertiſſe, paucis panibus multa hominum millia ſaturaviſſe, ſuperantibus etiam pluribus fragmentorum cophinis; tandem prædixiſſe, ſe triduo poſt mortem reſurrecturum, et reſurrexiſſe, et redivivum cum Apoſtoliſ conſertatum, et collocutum eſſe, tandemque in cælos, videntibus omnibus diſcipulis, aſcendiſſe.

Hæc ſi vera ſunt, quis, niſi amens dubitaverit, vera fuiſſe miracula? Atqui ea certiſſima ſunt. Nam illa hiſtoria certiſſima eſt, quæ refertur unanimi conſenſu a plu-

pluribus Scriptoribus cœvis, viris probis, qui facta suis oculis conspexerunt, quique nec falli, nec fallere poterant, aut volebant, imo miraculis, et sanguine suo rem confirmarunt: præsertim si ejus historiz adhuc remanent manifesta omnibus monumenta, nec ab ipsis inimicis negetur, sed admittatur ut vera. Atqui talis est historia miraculorum, et resurrectionis Christi. Nam 1.^o Scriptores, qui eam describunt unanimi consensu, multi sunt, *Marcus, Lucas, Johannes, Paulus, Jacobus, Judas, Petrus*, 2.^o Omnes cœvi, qui res gestas vel suis oculis conspexerunt, ut *Mattheus, Johannes, Petrus, Judas, Jacobus*, vel a multis, qui conspexerant, audiverunt. 3.^o Viri probi, quibus nemo adhuc obicere ausus est vassitiam, aut simulationem, a qua ipsa eorum vivendi, et scribendi ratio, ipsaque religio, quam prædicabant, demonstrat eos fuisse valde alienos. 4.^o Falli non poterant; tes enim, quas describunt, sensibus subjectæ erant, in quibus deceptio non poterat habere locum. 5.^o Multo minus fallere alios poterant; narrant enim facta publica, omnium oculis exposita, designant tempus, locum, nomina adstantium, ita ut facillime potuissent falsitatis redargui, maxime ab inimicis. 6.^o Eam historiam sanguine suo confirmarunt, imo et miraculis, de quibus infra dicemus, qua in re historia Evangelica omnes alias historias, de quibus minime dubitamus, antecellit; quando enim testes narrationem suam sanguine confirmant, non potest major optari, aut fingi cœtitudo. 7.^o Adhuc remanent manifesta ejus historiz monumenta, ipsa scilicet Christi Ecclesia, quæ nequaquam in Christum tam sublimia, et ardua, cupiditæque contraria præcipientem credidisset, nisi manifesta ejus signa vidisset, quorum signorum memoriam quotannis celebrat. 8.^o Denique ipsi Christianæ religionis inimici historiam miraculorum Christi nunquam negare ausi sunt; sed ea tantum infelici conatu explicare tentarunt. *Celsus* enim apud *Origenem Lib. 1. Jerocles* apud *Euseb. cont. Jerocl. Julianus* apostata, et *Porphyrus* apud *Cyrillum Lib. VI. cont. Jul.* ipsique *Judæi Thalmodistæ* Christi prodigia non inficiantur, sed ea magis tribuunt; qua in re miranda est eorum insulitas. Vide *Bulles*

in

in Historia Christianismi ex auctoribus Judæis, & Gentilibus.

Prob. II. Speciatim de Christi resurrectione, quæ maximum miraculum est: illud factum certissimum est, cujus testes nec falli potuerunt, nec fallere alios voluerunt, nec potuerunt. Atqui talis est Christi resurrectio. Ergo.

Tres sunt minoris partes. I. Testes falli non potuerunt, fuerunt enim 1^o. testes plurimi, & ut ait Apostolus. 1. Cor. XV. 4. *plusquam quingenti*: 2^o. increduli, qui *tamquam deliramentum* existimabant testimonium eorum, qui primi Christum resurrexisse nuntiaverant; Luc. XXIV. 11: nec prius crediderunt, quam palpa- verint, viderint, audiverint, ipsa scilicet plurimum len- suum evidentia victi: 3^o. non semel, aut iterum, nec seorsim singuli, sed omnes simul multoties per dies qua- draginta Christum secum conversantem, comedentem vi- derunt, & contrectarunt, colloquentem audiverunt. Falli ergo non potuerunt.

II. Nec fallere voluerunt. Non solum enim homines erant rudes, simplices, probi, religionemque prædica- bant omnis mendacii inimicam, verum etiam si ipsi certo scivissent, Christum non resurrexisse, sicut prædixe- rāt ad suam divinitatem probandam, jam certo cognovis- sent, illum fuisse impostorem mendacissimum. Ergo, si ante mortem illum, a quo tam magna expectabant, præ timore deseruerunt, ut Petrus etiam cum jura- mento negaverit; quanto magis post mortem, detecta fraude, cum jam nihil ab eo expectare poterant, & e contrario ab adversariis innumera mala; ipsaq. mors immineret; a fingendo tam inaudito mendacio abstinuis- sent? Inter flagella, tormenta, odia, irrationes, deni- que, in ipso acerbæ mortis apparatu, quidnam sibi utili- tatis ex tam insigni, & incredibili impostura polliceri potuissent? Ergo.

III. Denique nec fallere potuerunt. Nam nullo nego- tio fraus detegi poterat: extrahendo scilicet e sepulchro Christi cadaver, illudque omnium oculis exponendo, jam fraus, & mendacium patuisset. Et tamen cum fre- merent primores civitatis videntes subita, & stupenda in- crementa nascentis Ecclesiæ; carceribus quidem, verbe-

rius, morte Apostolos coërcere tentarunt, ne Christi prædicarent resurrectionem; at nunquam Christi cadaver invenire potuerunt, quod facillimum, et certissimum fuisset mendacii argumentum; præsertim cum ipsi sepulchrum custodibus munierint, ne quis fraudi esset locus. Dicere autem Apostolos meticulosos, infirmos, egenos, qui Christum vivum turpiter deseruerant, aut vi propulsaſſe milites sepulchri custodes, aut corruptiſſe muneribus, aut ipsis dormientibus sepulchrum, neque ine sentiente, aperuisse, et cadaver abſtulisse, tam putida fabella est; ut eam refutare ineptissimum sit. Ergo fallere non potuerunt; Vide *D. Dutton in Religione Christiana demonstratâ per Christi Resurrectionem* (a) et Daguerum De Christi sepultura.

Solvuntur objectiones :

Obje. I. Miracula Christi solo discipulorum ejus testimonio firmanur. Ergo dubia sunt.

R. Transeat ant. Gentiles enim, et Judæi, ut supra diximus, ea inficiati numquam ausi sunt, et *neg. conf.* Si enim Romanas, Græcasque historias credimus, licet a paucis auctoribus, indigenis, patriæ gloriæ cupidissimis, non coævis conscriptas; multo magis de Evangelica historia certi esse debemus, quæ refertur a multis historicis, coævis, probis, humanæ gloriæ contemptoribus, qui in factis, quæ narrant, coram omnibus, etiam inimicis patrata, nec falli, nec fallere potuerunt; imo et in testimonii sui confirmationem sanguinem forriter effuderunt: qui veritatis characteres in nulla historia, præterquam Evangelica, inveniuntur.

Obje. II. Si vera fuissent Christi miracula, Judæi omnes in Christum credidissent. Atqui plurimi non crediderunt. Ergo.

R. Dist. maj. Si ut par erat attendere voluissent, *concl.* Si invidia, aut præjudiciis, et cupiditatibus obcæcati attendere noluisse, *neg.* Judæi itaque partim odio, atque

(a) *La Religion prouvée par la Resurrection de J. C. par Dutton.*

que invidia excorari, ut Pharisei, et Sacerdotes, partim etiam præjudiciis; et cupiditatibus addicti erant. Quippe Messiam expectabant, ut potentissimum Regem, qui temporalia ipsis commoda procuraret; ideoque non attendebant, uti par erat, Christi miraculis, cum præsertim viderent, illum aliquando curare infirmos Sabaro, quod ipsi falso putabant esse illicitum. Maluerunt itaque per summam stultitiam ejus prodigia, quæ negare non poterant, tribuere Satanz, cum e contrario illa non solum superarent omnes creatas vires, verum etiam ad destruendum Satanz imperium tenderent. Porro unus Judæus in Christum credens magis probat veritatem miraculorum Ejus, quam mille increduli. Isti enim ad permanendum in veteri religione non indigent novis argumentis; at ille vetera præjudicia nunquam retractabit, nisi rei evidentia victus, quod patet præsertim in conversione S. Pauli Apostoli (a). Et tamen ante Christi mortem tot fuerunt qui in eum credebant, ut potuerint dicere Pharisei: *Ecce mundus totus post Eum abiit Job. XII. 19*: post resurrectionem vero tot millia Judæorum, etiam Sacerdotum, crediderunt in Christum, ut principio ex solis ferme Judæis constaret Ecclesia. Cit autem non sufficiat videre miraculum, ut quis credat, dicemus in Libro VII. ubi de Gratia disputabimus.

Inst. Apostoli, & alii, qui in Christum a principio crediderunt, homines erant rudiores. Ergo non poterant judicare, utrum miracula Christi naturalibus causis tribui possent, hoc enim judicium hominum est doctorum, qui tamen in Christum non credebant, quod argumento est, eos non agnovisse Christi prodigia ut vera miracula.

Resp. *Transcat ant.* quod negari posset de multis, qui in Christum crediderunt, qualis erat Nicodemus Job. III. *Princeps Judæorum, Magister in Israël*, qui ingenue fassus est: *Rabbi, scimus quia a Deo venisti magister, nemo enim potest hæc signa facere, quæ tu facis, nisi*

(a) Vid. *La Religion prouvée par la conversion de S. Paul par Lissleton.*

nisi fuerit Deus cum eo: sed huiusmodi homines metu continebantur, ne se palam Christo adjungerent. Ceterum *neg. conf.* Non enim requiritur profundior doctrina ad dijudicandum, utrum cadaver quatrIduanum possit uno vocis imperio ad vitam naturaliter revocari. Idem dicas de ceteris Christi miraculis, quæ fuerunt supra notissimas, & constantissimas nature leges, quæ nemo vel imperitissimus ignorat. Ex eo autem, quod plures docti, & principes in incredulitate manserunt, non sequitur, eos melius judicasse de miraculis Christi, sed majori superbia fuisse tumidos, & cupiditate præpeditos. Quod patuit tum in dialogo illo, quem describit Johannes Cap. IX. inter cæcum à Christo illuminatum, & Phariseos; tum in concilio Sacerdotum; Job. XI. in quo cum illi disputarent: *quid facimus, quia hic homo multa signa facit?* etc., statutum est: *expedit, ut moriatur.*

Inst. 2. Scimus, Christianos nonnullos multa falsa narrasse miracula, vel ex falso, & insipienti zelo religionis, vel etiam ex simplicitate, & imperitia. Ergo idem Scriptoribus historiae Evangelicæ contingere potuit.

2. Nego conf. Ex eo enim, quod historia aliqua fabulosa sit, non sequitur, rejiciendas esse ut falsas omnes historias; sed illas tantum, quæ falsitatis characteres præferunt; ejusmodi non est historia Evangelica, quæ numero, gravitate, & certitudine testimoniorum omnes alias historias vincit, ut supra diximus; ita ut certius sit, Christum innumera, veraque patrasse miracula, quam Cæsarem extitisse.

Objic. III. contra Christi resurrectionem, quæ si falsa fuisset, nutaret veritas omnium factorum, atque dictorum Christi, qui se resurrecturum prædixit. Illud factum censeretur debet saltem dubium, quod pauci affirmant, sed plures negant. Sed resurrectionem Christi affirmabant ejus discipuli, qui paucissimi erant, si comparerentur cum reliquis Judæis, qui negabant. Ergo.

2. Diss. maj. Si illi, qui negant, nullis nitantur testibus, qui asserant, se vidisse contrarium, *neg.* Si nitantur contrariis testibus, *subdiss.* Si testes negantes æqualis sint probitatis, gravitatis, etc. *conc.* Secus, *neg.* Itaque Judæi quamplurimi negarunt Christi resurrectionem.

rectionem, non quia nitebantur ullis testibus, qui assererent, se contrarium vidisse, scilicet Christi cadaver adhuc in sepulchro, vel alibi jacens; sed quia credere volebant veritatem firmam tot testibus spectatissimæ probitatis, qui non solum testabantur, se vidisse, & manibus contrectasse Christum redivivum, cum eo colloquutos esse, comedisse &c. verum etiam testimonium suum, ex quo nihil terrenæ felicitatis sperare poterant, sanguine confirmabant, quo argumento nihil potest fingi validius ad factum aliquod probandum.

Obje. IV. Possunt phantasmata sensibus hominum ita illudere, ut videre, & audire sibi videantur quod revera nihil est. Multa hujus rei exempla refert *Muratorius* in auro libello de *vi phantasiæ*. Ergo potuerunt Discipulis phantasmata illudere, ut Christum redivivum se videre, & audire crederent.

2. Diss. ant. Si sint plures homines simul collecti, & eodem tempore, & pluribus simul sensibus, scilicet visu, auditu, tactu rem percipiant, & quidem pluribus diebus, *neg.* aliter dubitare possemus etiam, utrum Sol luceat. Si sit aliquis homo seorsum, & uno, vel altero sensu rem apprehendat, & sic etiam *subdist.* Si sensus sit perfecte sanus, & sensatio clara, vivida, distincta *neg.* Secus, *conc.*

Inst. Christus post mortem non semper Apostolis erat conspicuus, sed modo apparebat, modo evanescebat ab oculis eorum, ut contigit discipulis Emmauna petentibus *Luc. XXIV. 31.* imo in cubiculum clausis januis ingredi videbatur. *Job. XX. 19. 26.* Atqui ista vero corpori non conveniunt. Erat igitur phantasma.

2. Diss. min. Si habeatur ratio tantum virium naturæ, *conc.* Si habeatur ratio omnipotentiae divinæ, & peculiarium proprietatum, quibus corpus gloriosum ornatum est, *neg.* Itaque Christum redivivum verum habuisse corpus, illud ipsum scilicet, quod cruci fuerat affixum, patet ex eo, quod non solum conspiciebatur oculis, verum etiam attrectabatur manibus, loquebatur, manducabat, & reliquias discipulis tradebat: *Luc. XXIV. 43.* Quod autem a conspectu discipulorum se aliquando subducebat (id enim significat *evanescere ab oculis eorum*), id omnipotentiae divinæ tribuendum est, & agilitati corporis gloriosi.

Inst.

Inst. 2. Fuerunt vel a primo Ecclesiæ sæculo hæretici, qui sectam profitebantur nostris Evangelii contrariam, ut Simoniani, Cerinthiani, Ebionitæ &c. Ergo illi historiam evangelicam non agnoscebant, ut veram.

¶. Dist. ant. Profitebantur sectam Evangelii contrariam quoad dogmata, *con.* Quoad historiam miraculorum Christi, *neg.* Simili ratione *Dist. conf.* Non agnoscebant ut veram historiam Evangelicam quoad aliqua dogmata, quæ asserebant inserta Evangeliiis, *con.* quoad substantiam gestorum, & miraculorum Christi, *neg.* Itaque hæretici illi exorti post Apostolos, ut ipsis exprobrat *Tertullianus*, non negabant, Evangelii historiam veram esse, & ab Apostolis scriptam, sed quia in Evangelio quædam loca erant adeo ipsis adversa, ut non possent ea in alienos sensus detorquere, affirmabant contra fidem omnium codicum, qui toto orbe sparsi erant, loca illa fuisse Evangeliiis superaddita post Apostolos, imo & nonnulli ex quatuor Evangeliiis aliqua integra rejiciebant, aliqua suo ingenio vitiata retinebant: quæ in re suam probebant impudentiam. Nobis ergo satis est, veritatem miraculorum Christi ab ipsis hæreticis fuisse agnitam, quamvis unum Evangelii librum retinissent. Quod enim spectat ad eorum prava dogmata, alia questio est. Vide hoc argumentum fuisse pertractatum apud Bergerum (a);

Inst. 3. Refert *Johannes Cap. XX. 17.* Christum prohibuisse Magdalenam, ne eum tangeret, *Noli inquit, me tangere.* Ergo spiritus erat.

¶. Neg. conf. Eo enim consilio prohibuit Christus Magdalenam, eum tangere, ne longas ibi moras neciteret, sed cito volaret ad discipulos, eisque resurrectionem ejus nunciaret. *Noli, inquit, me tangere; nondum enim ascendi ad Patrem meum, sed vade ad fratres meos &c.*

Objic. V. Si Christus vere resurrexisset, ostendisset se Synagogæ, ceterisque Judæis, quibus publice suam resurrectionem.

(a) La certitude des preuves du Christianisme, ou Refutation de l'Examen Critique des Apologistes de la Religion Chrétienne.

resurrectionem prædixerat, & coram quibus publice mortuus erat. Atqui non fecit, sed tantum discipulis suis apparuit. Ergo.

§. Neg. maj. Cum enim Christus tot testes suæ resurrectionis adhibuisset, qui eam postea coram Judæis & Gentilibus miraculis, & sanguine confirmarunt, necesse non erat, ut Judæis, præsertim tanto beneficio ob infandum delictum indignis, sese ostenderet; si enim nihil credi deberet, nisi quod suis quisque oculis videret, ad hunc esset de morali certitudine: debuisset enim Christus sibi se etiam Gentilibus, imo & singulis hominibus, etiam sequentium sæculorum, quod est absurdissimum. Quibus ergo, & quando oportuerit apparere Christum redivivum, disposuit ipse pro sua infinita sapientia, non pro ineptis hominum judiciis. Ceterum non solis discipulis apparuit Christus, sed etiam Paulo inimico omnium furentissimo, quem repente in Apostolum convertit, ut infra dicemus. Vide *D. Dixon* in libro supra citato. Porro veritas resurrectionis Christi magis patebit ex §. sequenti, quo probabimus, discipulos Christi ad eam confirmandam innumera edidisse miracula.

§. III.

PROPOSITIO,

Discipuli Christi, qui post eum Religionem Christianam prædicarunt, & propagarunt, innumera viderunt miracula.

Prob. **L**ucas in *Actis Apostolorum* refert, discipulos Christi, die decima postquam Christum in caelos ascendentem viderant, cum antea metu pavidum se contraxissent, repente Spiritu S. plenos exiisse, resurrectionem Christi prædicasse, variis linguis, quas nunquam antea didicerant, locuros esse, infirmos uno vocis imperio, imo & sola corporis umbra curasse, mortuos suscitasse, & quod magis stupendum est, contulisse virtutem miracula patrandi iis, quibus baptizatis manum imponebant: quæ omnia uno verbo complexus est *Marcus Cap. XVI. 29.* dicens: *Illi autem profecti præ-*
dicæ.

dicaverunt ubique, Domino cooperante, & sermonem confirmante sequentibus signis. Hæc si vera sunt, quis negaverit, discipulos Christi miracula patrassse? Atqui sunt certissima.

1. Etenim facta illa erant sensibus subiecta, & publica, ita ut nec discipuli in illis decipi, nec alios decipere potuissent, præsertim inimicos impugnande eorum doctrinæ cupidissimos, a quibus facillime mendacii redargui potuissent.

2. Marcus Cap. XVI. refert, Christum promississe, eos, qui in ipsum credituri essent, miracula patraturus: *Signa autem eos, qui crediderint, hæc sequentur &c. v. 17.* Atqui, si Christi discipuli miracula ista non edidissent, stultissime hanc prædictionem Christi retulisset, cujus salûtas universam doctrinam ejus labefactasset.

3. Apostolus Paulus II. Cor. XII. 12. ut probet missionis suæ divinitatem, in memoriam revocat Corinthiis miracula, quæ apud ipsos operatus erat: *Signa Apostolatus mei facta sunt super vos in omni patientia, in signis, & prodigiis, & virtutibus*, imo in Epist. I. Cap. XII, XIII, & XIV. docet, ipsos Corinthios ornatos esse donis varia prodigia patrandi, iisque modum præscribit, quo hujusmodi donis uterentur, ne perturbaretur ordo Ecclesiæ. Quis autem, non dicam perfrictæ frontis, sed omnino amens, ista scribere ausus esset, si fuissent falsa? Ergo &c.

§. IV.

PROPOSITIO

Post mortem discipulorum Christi, usque ad nostram ætatem, non defuerunt in Ecclesia Christi miracula; licet, stabilita jam Ecclesia, non tam frequentia, quàm non tam necessaria.

Prob. Irenæus Sæc. II. probat adversus hæreticos, Ecclesiam Catholicam esse veram, hæreticorum autem falsam, præter alia argumenta, etiam ex eo, quod in Ecclesia catholica frequentia essent miracula, nulla vero in societate hæreticorum. In fraternitate, inquit lib. II

Cap.

Cap. 57., & 58. sapissime reversus est spiritus mortuo, & donatus est homo orationibus sanctorum . . . Alii demones excludunt: alii autem & prescientiam habent futurorum: alii laborantes aliqua infirmitate per manus impositionem curant, & sanos restitunt. Jam etiam, ut diximus, & mortui resurrexerunt, & perseveraverunt nobiscum annis multis. Quid autem? Non est numerum dicere gratiarum, quas per universum mundum Ecclesia a Deo accipiens, in nomine Jesu Christi crucifixi sub Pontio Pilato, in opitulationem Gentium perficit. De hæreticis vero subdit: hæretici non possunt hæcis donare vitium . . ., neque omnes demones effugare, præter eos, qui ab ipsis immittuntur. Insignis est ille locus, quem laudat etiam Eusebius Lib. V. Hist. cap. 7., & magnam vim habet. Quomodo enim Irenæus facta ista tam publica, ut frequentes mortuorum resurrectiones, obicere aulus esset hæreticis, si falsa fuissent?

Præterea Tertullianus Sæc. III. *Apolog. XXI.* hac sponsione provocat Gentiles: Edatur hic aliquis sub tribunalibus vestris, quem demone agi constet. Jussus a quolibet Christiano Spiritus ille, tam se demonem confitebitur de vero, quam alibi Deum de falso Ista ipsa virgo celestis pluviarum pollicitatrix, iste ipse Æsculapius medicinarum demonstrator, nisi se demones esse confessi fuerint, ibidem illius Christiani procacissimi sanguinem fundite. Vide etiam librum ad Scapulam. Similia habet Cyprianus ad Demetrianum. Quis autem tanta confidencia Gentiles provocasset, si hæc non fuissent certissima? Igitur tertio sæculo non desunt miracula, quamvis non tam frequentia, quia minus necessaria. IV. vero sæculo, longe, lateque propagata Christiana religione, prostrata idololatria, non fuere amplius miracula necessaria; quæ enim prioribus sæculis edita erant, & tot testibus confirmata, omnibus sæculis sufficebant. Nihilominus non omnino cessarunt, ut patet ex historia Ecclesiastica Eusebii, Socratis, &c. ex scriptis SS. Patrum, ut S. Augustini, lib. XXII. de Civ. Dei Cap. 8. de Reliquiis S. Stephani. Denique nullum est sæculum, quo non floruerint viri sanctitate, & miraculis illustres. Legant increduli egregium opus Benedicti XIV. de Canonizatione Sanctorum: prospicient profecto tam rigide, & accura-

te perpendi in Ecclesia catholica veritatem miraculorum, quæ per viros Sanctos eduntur, ut ne Scepticus quidem severius examen postulare auderet. Ergo &c. Ceterum veritatem miraculorum, quæ Apostoli, eorumque discipuli patrarunt, magis probat ipsa Christianæ Religionis propagatio, quæ si nullis miraculis facta est; ipsa maximum est miraculum.

§. V.

P R O P O S I T I O

Christiana religionis propagatio maximum miraculum est, præsertim si nullis miraculis facta est.

Prob. Certum est, religionem Christianam ab Apostolis prædicatam, incredibili celeritate longe, lateque fuisse per orbem propagatam. Testatur hoc non solum *Paulus* qui ad Romanos Cap. I. & ad Colossenses I. 6. scribit, fidem jam in universo Orbe prædicari, & fructificari, & crescere, verum etiam ex ethnicis 1º. *Seneca* Ethnicus Scriptor apud *Augustinum* lib. VI. de Civ. Dei Cap. 11. hæc scribens: *Usque eo sceleratissima gentis Christianæ consuetudo convulsus, ut per omnes jam terras recepta sit: victi victoribus leges dederunt.* 2º. *Plinius* junior Asiæ Proconsul Lib. I. Ep. 97. *Non civitates tantum, sed vicos etiam, atque agros Christianæ religionis contagio pervagata est: prope jam desolata templa, & solemnia diu intermissa.* 3º. Ipse *Tacitus* lib. V. Annal. c. 44. scribit, sub Nerone ingentem multitudinem Christianorum Romæ deprehensam. Hæc ad I. Sæculum pertinent, hoc est ad ipsa religionis Christianæ initia. 4º. *Tertullianus* II. Sæculo Apologes. Cap. XXXVII. *Hesterni, inquit, sumus, & vestra omnia implevimus, urbes, insulas, castella, municipia, concubula, castra ipsa, tribus, decurias, Palatium, Senatum, Forum.* Fremunt Imperatores, totisque Romani Imperii viribus Christianos opprimere conantur, eosque partim more pecudum jugulant, partim exquisitissimis tormentis, & cruciatibus absumunt. Sed sanguis martyrum semen erat Christianorum; ita ut magis in dies

diēs creſceret eorum numerus, donec tot o fere Orbe ad ſi-
dem converſo, Principes Chriſto nomen dederunt, et cru-
cem, quam probro habuerant, adorarunt, & honoris lo-
co in diademate geſtarunt, ſicque quarto ineunte ſæcu-
lo per totum orbem Chriſtiana religio ſtatuta eſt. Atqui
hoc maximum miraculum eſt. Ergo &c.

Prøb. min. Miraculum eſt opus rarum ſupra naturæ
vires; atqui tanta, tamque celeris religionis Chriſtianæ
propagatio talis eſt. Quod enim ſi opus rarum, certiſſi-
mum eſt; non enim conſuetum eſt, ut homines religio-
nem, in qua nati, atque innutriti ſunt, ſine ulla cau-
ſa deſerant, ut novam priori contrariam amplectantur.
Quod autem ſit ſupra naturæ vires, probatur. Tunc ef-
fectum aliquod eſt ſupra naturæ vires, quando ipſum per
ſe eſt difficiliſſimum, instrumenta vero aſſumuntur ineptiſ-
ſima: ut ſi quis ad movendum montem unum digitum
adhibeat. Atqui utrumque hic habemus.

1. Opus ipſum per ſe difficiliſſimum, imo impoſſibile
erat duplici ex capite; *b. e.* tum ob veterem religio-
nem, quæ deſtruenda erat, tum ob novam ſtabiliendam.
yo. Ad veterem religionem abolendam perſuadendum erat
Judæis, legem Moſaicam tot ſtupendis confirmatam pro-
digiis, quamque ipſi putabant, ex Dei promiſſione ſecun-
dum litteram male intellecta, in æternum eſſe duratu-
ram, jam eſſe abolitam in morte Chriſti, quem ipſi
tamquam impium occiderunt. Gentilibus vero perſua-
dendum erat, Jovem, alioſque deos, quos univerſum ge-
nus fere humanum a tot ſæculis venerabatur, & quorum
etiam ſalfa miracula, & prophetiæ circumſerebantur,
abjiciendos; & conculcandos. Et tamen ex ea religione,
quam populi cum lacte hauſerant, & quæ carnis cupi-
ditatibus omnino favebat, putabant pendere ſalutem Rei-
publicæ; ita ut ipſi Philoſophi eam ſervandam edice-
rent, & Principes eam totis imperii viribus tuerentur;
Quapropter ad deſtruendam idololatriam, deſtruenda erant
præjudicia tot ſæculis firmata, domandæ carnis cupidita-
tes, & ſuperanda Romanorum potentia, quam nulla gens
eo uſque ſuperaverat. Porro quam difficile, imo impoſ-
ſibile fuerit Gentilibus hæc perſuadere, expertus eſt *Soera-
tes*, qui licet, ut viliffimus hypocrita, religionem populi
coleret, & colendam doceret, tamen, quia aliqua de va-
nita-

nitare deorum dixerat, ad cicutam ebibendam damnatus est. Quam vero impossibile fuerit persuadere Judæis, videre possunt ipsi increduli. Judæi enim adhuc vivunt per omnes regiones dispersi. Eant ergo, experiantur, utrum possint unum eorum e sententia dimovere, licet hodie non sint, ut tunc erant, florentes opibus, sed extorres, sine ullo externo religionis apparatu, & manifeste videant impleta in ipsis vaticinia Prophetarum, & ipsius Christi.

2^o Multo magis difficile erat opus propter novam religionem stabiliendam. Persuadendum enim erat Judæis, atque Gentilibus, Deum esse unum in tribus Personis: secundam vero Personam, nempe Filium incarnatum esse, & natum ex Virgine, ipsumque esse, quem Judæi tamquam impium, & blasphemum morre damnaverant, & Romani crucifixerant, supplicio scilicet omnium ignominiosissimo. Persuadenda erant etiam cetera religionis Christianæ mysteria: rationi humanæ impervia; et quod non minus difficile erat, statuenda erat lex cunctis cupiditatibus inimica, et ex vita laboribus, jejuniis, cruciatibus carnis aspera nihil expectandum mercedis præter oria, persecutiones, & mortem: plenam vero felicitatem servaram esse in resurrectione mortuorum, cujus resurrectionis ipsum nomen risum movebat infidelibus. Quis igitur hæc tam incredibilia persuasisset? Ergo opus erat ipsum per se difficillimum, imo et impossibile; etsi omnes Philosophi, Oratores, et Principes sæculi conjunctis viribus illud adgressi essent.

11. At contra ad opus hoc tam impossibile instrumenta adhibita sunt, quæ videbantur omnium ineptissima. Nam 1^o Christus ipse non solum erat e gente Judæorum, qui omnibus aliis Gentibus odio erant, verum etiam ignobilis, *fabri filius*, ab ipsis concivibus suis odio habitus, et mortis dampnatus. 2^o Apostoli, quos ipse legit tanto operi perficiendo, homines erant illiterati, rudes, piscatores, nullis muniti opibus, in o^mnium rerum egeni. Et tamen Christus confidentissime prædicat, eos religionem suam per omnem terram propagaturos, uti revera propagaverunt; Philosophos et Principes persuaserunt; et in ea etiam regna, ad quæ Romani pervenire non poterant, Christi nomen, et religionem invexerunt. Ergo propa-
tio

sio religionis Christianæ opus fuit ipsum per se impossibile, et ad illud perficiendum instrumenta per se ineptissima erant. Aliunde opus fuit insuetum. Ergo maximum fuit miraculum, præsertim si ad illud perficiendum nulla patrata fuissent miracula. Unde egregie, *b. e.* pro more suo scribit *Augustinus Lib. XXII. de Civ. Dei C. 5. Si miracula facta esse non credunt, hoc nobis unum grande miraculum sufficit, quod terrarum orbis sine ulla miraculis credidit (a).*

Refutantur Objectiones.

Obje. 1. Mahumetana religio summa celeritate per magnam Asiæ, atque Africæ partem propagata est, imo et tractu temporis in Thraciam, & Macedoniam, et Epirum, vicinasque insulas inuenta. Idem accidit in Lutheranz, et Calvinianæ sectæ propagatione. Ergo celeris Christianæ religionis propagatio miraculum non fuit.

R. Dist. ant. Diverso modo, *conc.* Eodem, *neg.* Propagata enim est vi, et armis, unde in ea loca, quæ Mahumetanorum arma subigere non potuerunt, Mahumetana religio pervenire non potuit. Præterea cupiditatibus carnis faver illa religio. At contra accidit in Christiana religione, quæ cupiditatibus inimica, prædicans etiam mysteria, quæ humanam rationem longe superant, contra vim, et arma, nullis humanis administris per totum orbem diffusa est (b). Idem dicas de Lutheranz, et Calvinianæ sectæ propagatione, quam viri principes libenter amplectebantur, et tuebantur, ut ditarentur Ecclesiasticorum spoliis: ceteri vero, ut liberati a votorum, & aliarum legum observatione liberius viverent.

Inst. Etiam religio Christiana Edictis, vel saltem exemplo Christianorum Principum maximum debet incrementum. Notæ sunt Constantini leges contra idololatriam. Ergo &c. Ita ratiocinatur *Freret. Exam. crit.*

R. Neg. ant. Non enim alia de causa id asserunt in-

D 4

cre-

(a) Vide P. Lamy *L'incredule amené à la religion.*

(b) Vide præter Auctores supra citatos contra Mahumetanor, etiam Nat. Alexandrum in *Hist. Eccl. Sec. VI.*

creduli, nisi quia gratis illis constant mendacia. Vidimus, Plinium juniorem annis circiter ducentis ante Constantinum asserere *templa deorum esse desolata* propter religionem Christianam longe, lateque propagatam. Ante Constantinum per annos quasi trecentos Principes, totis Imperii viribus pro Idololatria certantes, sanguine Christianorum universum Orbem resperierunt; et tamen eo magis crevit hæc Religio, quo major effundebatur Christiani sanguinis copia, ut observat non solum Tertullianus in *Apolog.* verum etiam ipse Libanius ethnicus *Orat. funebri pro Juliano*: itaque quando Imperatores ad Christum conversi sunt (utique non aliorum Imperatorum lege, sed sponte sua) Religio jam fuerat stabilita, etiam ultra fines Romani imperii apud barbaros. Ipsæ Christianorum Principum leges (quæ tamen non seviebant in Idololatrias, ut illi in Christianos sævierant) demonstrant, jam exiguum remansisse numerum ethnicorum; alioquin non ausi essent Imperatores eos legibus coercere, et ita ad seditionem provocare. Qui quidem exiguus numerus ipse per se evanisset brevi tempore, sicut reversa evanuit, quamvis Julianus Apostata post Constantium omnia conatus esset ad idololatriam restituendam. Vide *Bergerum Confut. exam. Criticæ Frezet.*

Obje. II. Tempore Apostolorum jam Orbis erat literis excultus. Potuit ergo facile agnoscere Idololatriæ vanitatem, et Christianam amplecti religionem. *R. Neg. conf.* 1º, Enim aliud est agnoscere Idololatriæ vanitatem, aliud amplecti Religionem voluptariis inimicam, et mysteria doctentem, quæ prima fronte rationi contraria videbantur. 2º, Litterati ethnici magis obstabant, quam proderant augendæ Religioni, non solum quia propter superbiam difficillime subiciebantur humilitati crucis, quæ *Gentibus erat stultitia*, verum etiam quia totis ingenti sui viribus et voce, et scriptis Religionem oppugnarunt. Unde conversio hujusmodi hominum, quibus non poterat illudi falsis miraculis, ingens est veritatis argumentum; non enim credidissent, nisi eorum doctrinam, et superbiam evidentiâ miraculorum fregisset. 3º, Talis hominum, atque ingentiorum cultura non impedit, quominus Imperatores totis viribus Religio-

nem

Christianam oppugnarent, eorumque orbem sanguine martyrum respergerent. 4^o. Multo cultior literis erat Græcia tempore *Platonis*, *Aristotelis*, *Demosthenis*, nec tamen Idololatriam ejuravit. 5^o. Denique qui erant inter Ethnicos litterati docebant, sequendam esse, et colendam religionem populi, qui quanto rudior, tanto est veteris religionis tenacior.

Objeç. III. Principio, Religioni Christianæ nomen dedit tantum ignobile vulgus, rudis, et indocta plebs. Ergo mira non est tanta religionis propagatio.

R. Transeat ant. Neg. conf. Imo populus ignobilis quanto rudior, tanto tenacior est veteris Religionis, in qua a teneris fuit enutritus, et cujus falsitatem deprehendere non valet; unde mirabilior est ejus conversio, præsertim si vetus Religio carnales populi voluptates, et desideria foveat. Dixi autem *transeat antecedens*; quia falsissimum est. Christo enim ante ejus mortem credidit *Nicodemus Princeps Judæorum* Joh. III. 1. *Joseph ab Arimathea nobilis Decurio* Marc. XV. 43. *Jairus Princeps Synagoge* Luc. VIII. 41. Multi denique ex principibus Joh. XXII. 42. Post mortem vero Paulus erat utrique omnium Hebræorum sui temporis doctissimus; qui tamen ad fidem conversus est, dum iret Damascum ad Christianos insectandos (quod stupendum prodigium est) Multa quoque turba Sacerdotum obediebat fidei *Act. VI. 7.* Primi Diaconi viri erant pleni sapientia, inter quos utique Stephanus erat in Lege doctissimus. Præterea Proconsul *Sergius Paulus Act. XIII. 12.* *Dionysius Areopagita Act. XVII. 34.* *Crispus princeps Synagoge Act. XVIII. 8.* et *Apollo vir eloquentissimus, et in Scripturis versatus Act. XVIII. 24.* Bene vero Primores ad fidem conversi, Scripturas evoluebant attente, ut veritatem agnoscerent eorum, quæ a Paulo dicta erant, *Act. XVII. 11.* Quod certe facere non potuisset illitterata plebecula. Ephesi vero viri ignumeri, litteris exculti, ad fidem conversi sunt, et *consultant libros suos*, quibus antea studuerant, & *combusserunt coram omnibus, & computatis pretiis illorum, invenerunt pecuniam denariorum quinquaginta millium Act. XIX. 19.* Principes etiam *Asie inter Pauli amicos commemorantur Act. XIX. 31.* Imo et in ipsa Imperato-

rum domo erant fideles *Philip. IV. 22.* Quid si aliorum Apostolorum gesta, et omnium primorum fidelium nomina haberemus? Scribit quidem *Paulus 1. Cor. I. 26.* : *Videte vocationem vestram, fratres, quia non multi sapientes secundum carnem, non multi potentes, non multi nobiles;* sed id referendum ad ingentem fidelium multitudinem, inter quos semper indocti, et ignobiles plures numero sunt, sed non dixit, nullos esse sapientes, nullos nobiles. In hoc igitur Sapientia Dei mirabilior est; fuerunt enim inter primos Christianos viri nobilitate, et scientia illustres, ne quis putaret talis miraculis deceptum fuisse vulgus; sed tamen viri illi nobiles, et sapientes magno in numero non fuerunt, ne forte sapientiæ, et potentiæ humanæ tribui posset Religionis propagatio.

Inst. Saltem pauperes illici potuerunt eleemosynis divitum: divites vero amore novitatis. Ergo.

R. Neg. ant. Neque enim eleemosynarum cupido, nec novarum rerum studium persuadere possunt hominibus, ut veterem religionem abjiciant, novamque amplectantur cum fortunarum omnium, ipsiusque vitæ præsentissimo periculo.

S. VI.

PROPOSITIO

*Ipsa Christianæ Religionis diuturnitas,
& stabilitas miraculum est.*

Prob. Prædixit Christus, Religionem suam non solum propagandam per omnes Gentes, verum etiam usque ad finem mundi duraturam. Hoc videmus ad hanc usque diem implerum: Licet enim ingens Christianorum numerus a fide defecerit in Asia, Africa, ipsaque Europa; non omnino tamen ibi veri fideles defecerunt; imo cum magna aliqua Ecclesiæ pars defecit, statim in alias regiones religio invecita est. Manet enim adhuc in Ecclesia vivificus ille ardor dilatandæ Religionis, qui a principio Apostolos incitavit. Atqui hæc Religionis Christianæ diuturnitas naturalibus causis tribui non potest. Ergo miraculum est.

Prob.

Prob. min. 10. Ea est conditio rerum humanarum, ut paullatim, etiam nemine impellente, pereant, licet validissima sint. Sic Assyriorum, Medorum, Græcorum, et Romanorum imperia, quæ nulla humana vi atteri posse videbantur, evanuerunt. Ergo si Christiana Religio non fuisset divinitus servata, jamdiu periisset. 20. Ad eam abolendam omnia adhibita sunt instrumenta. Principes enim Ethnici per plura sæcula eam ubique locorum infectati sunt: Christianos, quot quot deprehendere potuerunt, morte atrocissima necarunt. Et tamen tunc Ecclesia magis floruit, et crevit. Huic persecutioni successit quidem pax sub Constantino, sed amarissima. Schismatici enim, et Hæretici Arianæ, Eutychiani, Iconomachi, denique Novatores bellum atrox Ecclesiæ intulerunt: præcipue Principum potentia freti, qui cunctis Imperii viribus hæreses statuere conabantur. Cum legimus incursiones barbarorum, qui Romanum Imperium in Occidente primum, deinde in Oriente occuparunt, interrogare subit, ubinam gentium tunc esset, aut esse posset Ecclesia Christi? Denique malorum Christianorum prævi mores longe, lateque pervagati, incredulorum libelli, et sophismata extinguere paullatim Religionem debuissent. Et tamen Ecclesia contra ista omnia jam per vñdecim sæcula dimicat, novæque vires exerit, in novas dilatatur regiones, et ubique in suis firmissimis membris eninet. Hoc autem ex nulla oriri potest naturali causa. Ergo.

Objecla refutantur.

Obje. I. Etiam religio Mahumetana a tredecim citius sæculis perdurat. Ergo &c.

R. Dist. ant. Vi, et armis, et ignorantia populorum, quibus religionem illam examinare vetitum est, carnalibus denique voluptatibus, quas fovet, *conc.* Virtute sua, *neg.* At contra Religio Christiana, licet humanis cupiditatibus inimica nihil promittat fidelibus, nisi spiritualia præmia, et quidem in altera vita, licet omnibus artificiis, et viribus impugnata, non modo non cessit, verum etiam crevit.

Obje. II. Religio Judaica diutius duravit, et durat, quam

quam Christiana, quia pluribus sæculis ante Christum fundata est: Ergo.

¶ Neg. conf. Religio enim Judaica ante Christum vera erat, et a Deo instituta, atque recta, ut usque ad Christum staret. Sed prædixit Deus, multos Judæorum fore incredulos; ideoque per omnem terram dispergendos; ita tamen ut a ceteris Gentibus distincti in fine sæculorum convertantur; et interim inviti interserviant ad probandam veritatem tum prophetiæ, tum librorum prophetarum, quos increduli suspicari potuissent a Christianis confictos. Itaque diuturnitas Judaicæ Religionis ante Christum, et Judaicæ Gentis post Christum firmat potius, quam labefactat argumentum nostrum.

§. VII.

Constantia martyrum evidenter demonstrat veritatem miraculorum Christianæ Religionis.

Adv. I. Martyr Græce, Latine testis dicitur. Testes autem adhibentur ad tacti alicujus veritatem probandam, ad speculativa vero dogmata confirmanda nulli esse possunt, nec adhiberi testes: Hinc illi, qui occisi sunt propterea quod a sua opinione aut dogmate recedere noluerunt; quales fuerunt Anabaptistæ; aliique hæretici, martyres, seu testes dici non poterant. Quid enim se vidisse, aut audisse testabantur? Erant ergo testes opinionis, et pertinaciæ suæ.

*II. At contra Christiana Religio veròs martyres habet innumerabiles; hoc est homines innumeros, qui usque ad sanguinem, et mortem, inter exquisitissima, et atrocissima tormenta testati sunt, se vidisse vel ipsius Christi miracula, et resurrectionem, quales erant Apostoli, primique discipuli, quorum ea vox, erat: Non possumus nos quæ vidimus, & audivimus, non loqui; vel miracula Apostolorum, aliorumque discipulorum; quæ tribus prioribus sæculis, ut supra diximus, frequentia erant. Christiani enim non nascebantur, sed fiebant; ut loquitur Tertullianus *Apol. Cap. XVIII.*; h. e. evidentiæ miraculorum convertebantur; ideoque ii, qui pro*

Re-

Religione sanguinem fundebant, facto ipso testabantur, se certo scire veritatem miraculorum, quibus ad fidem amplectendam permoti fuerant. Esti vero nonnulli martyres propriis oculis signa illa non vidissent, non propterea tamen martyrum nomen illis est negandum; poterant enim certo scire facta illa, licet ex propriis oculis non adspexissent, sicut nos certo scimus, vixisse Cæsarem, quem non vidimus. Nunc hoc martyrum testimonium quanti sit roboris videamus.

PROPOSITIO I.

Martyrum testimonium ineluctabile argumentum est veritatis miraculorum Rel. Christianæ.

Prob. Quando factum aliquod testantur duo, vel tres homines inter tormenta, tantam parit certitudinem hoc testimonium, ut nulla major in rebus humanis expectari possit. Videmus enim, ubique terrarum iudices propter tale testimonium reos damnare, ut certo convictos, licet testes illi ex odio, simultate, aut utilitate alia permoveri potuerint. Ergo testimonium non duorum, aut trium, sed multorum millium hominum, ex omni ætate, sexu, conditione qui, nulla utilitate apparente, inter tormenta crudelissima mortui sunt, argumentum est ineluctabile veritatis miraculorum. Quocumque se increduli vertant, cavillationes, et sophismata effugiant; scopulum certe hunc numquam vitabunt; quando enim multi factum aliquod, in quo falli non poterant, quia oculis, aliisque sensibus erat obvium, testantur in ipso tormentorum, et mortis apparatu; res ad eam certitudinis gradum venit, qua major fingi non potest.

Solvuntur objectiones.

Objic. I. Henricus Dodwellus *Dissert. XI. inter Cyprianas* contendit, non tantum esse numerum martyrum, quantum passim fertur. Ergo.

Res. I. Dist. ant. Et in eo egregie falsus est, *conc.* Et vere id asseruit homo hæreticus, qui hoc decus catholice

licæ Ecclesiæ invadebat, *neg.* Itaque immensum fuisse martyrum numerum sive in Romano Imperio, sive extra Imperium sub barbaris Principibus, demonstrat *Ruimartus Præf. ad Acta Martyr. Sincer.* et unusquisque colligere potest ex sola *Eusebii, Lactantii, Tertulliani,* aliorumque veterum lectione. Ceterum et si daremus varissimam illam *Dodwelli* hypothesin; certe numerus martyrum, quem ille concedit, plusquam satis esset ad rem nostram.

Objic. II. Martyres non torquebantur, ut faterentur veritatem, aut falsitatem miraculorum, sed quia accusati fuerant, ut Christiani, vel ut homines criminosi, et Reipublicæ inimici. Ergo eorum testimonium non probat veritatem factorum.

R. *Transseat aut.* quod manifeste falsum est in Apostolis, qui ob id ipsum flagris, carceribus, et morte afficiebantur, ne prædicarent Resurrectionem Christi, ut ex *Actis Apost.* patet. *N.g. conf.* Cum enim martyres tormenta vitare potuissent, si uno verbo Religionem Christi ejurassent, idem erat mori pro religione illa, ac pro tuenda veritate signorum, quibus peripoti eam amplexi fuerant, et constanter retinebant.

Atque hinc evidenter ostendit *Tertullianus*, Christianos nullius criminis peractos esse reos. In aliis enim judiciis tormenta adhibentur, ut reus fateatur, non ut neget, se crimen admisisse. At contra Christiani torquebantur, ut se Christianos esse negarent,

PROPOSITIO II.

Ipsa per se martyrum Christianorum fortitudo, atque constantia, inspectis omnibus circumstantiis, non humanum, sed divinum opus fuit.

Prob. Tres sunt præcipuæ in Christianis martyribus circumstantiæ. 1^o Numerus immensus omnis ætatis, omnis sexus, omnis conditionis, scilicet senes, adolescentes, pueri, mulieres, puellæ, docti, indoctique, nobiles, et ignobiles. In sola enim Saporis Regis Persarum persecutione, quæ contigit post pacem Ecclesiæ datam a
Con.

Constantino, sexdecim millia martyrum numerat *Sozomenus Lib. II. Hist. Cap. 14.*, quorum servata erant nomina, præter eos, quorum nomina perierant. Quot ergo centena millia Christianorum caesa esse oportuit in Imperio Romano per tria ferme sæcula sub Imperatoribus, et magistratibus crudelissimis? 2^o. Varia, et acerbissima tormenta, quibus excruciabantur jussu magistratum, qui gloriæ sibi ducebant fore, si martyrum constantiam expugnassent. Alii enim teris obiciebantur, alii ad mortis facibus, vel prunis subjectis, vel ignitis ferri laminis in membris singulis paulatim lento igne torquebantur. Aliis in equuleo suspensis omnis ossium, & viscerum compages solvebatur; & ungulis ferreis totum corpus excarnificabatur, ut nullus adhuc plagis superesset locus, tuncque acetum, & sal superfundebatur; & qui omnia enumeret tormenta, quæ ingeniosa crudelitas excogitavit? *V. Mamach. Antiqu. Christi.* 3^o. Animus pacarus, & tranquillus, quo & ante tyrannos stabant impavidi, & inter ipsa tormenta, quasi omnis sensus expertes essent, durabant immobiles.

Atqui hæc tria non humanæ virtuti tribui possunt, sed divinæ. Nam 1^o. si rationem habeamus multitudinis martyrum, & variz conditionis, utique si qua virtus in uno valuisset, non valuisset in alio, propter ætatem, sexum, conditionem imbecilliori. 2^o. Si inspiciamus varia, eaque atrocissima, & longa tormenta, experiri possunt ipsi increduli, utrum humanæ virtuti tribui possint. Prodeant enim ipsi in publicum; & ut probent, nullius roboris esse argumentum a martyrum constantia petitum, admoveant saltem flammæ extremum digitum, & videant, si per unum horæ quadrantem in eo cruciatu durare possint. Quid dicent igitur de membris singulis lento igne ustulatis? quid de laceratione totius corporis? quid de ossium fractura, & luxatione? quid de aliis tormentis fortasse majoribus, quibus martyres diu torquebantur donec animam efflarent? 3^o. Denique animus ante truci tyranni vultum impavidus, & inter tormenta longam mortem inferentia pacarus, imo & lætus, humanæ virtutis non est; hæc enim omnia animum naturaliter concutiunt, & perturbant. Ergo.

Diluantur objecta.

Objc. 1. Suos unaquæque Religio habuit martyres, Habuerunt enim Donatistæ, Priscillianistæ, Montanistæ, Manichæi, Hussitæ, Anabaptistæ, Calviniani; denique ipsi Athei martyrem suum jactant *Cesarem Vaninum* qui Tolosæ combustus est.

R. *Dist. ant.* Habuit martyres veros, *neg.* Falsos *subdist.* non iisdem ornatos characteribus & circumstantiis, quibus martyres Christiani, *conc.* Iisdem, *neg.* Veri itaque martyres, ut supra diximus, sunt qui testantur factum aliquod sensibus obvium, quod vel ipsi viderunt, vel aliunde certo scire potuerunt. Hujusmodi testes sola habuit Christiana Religio, ut observat *Ab. de Honteville (a)* Reliqui vero alterius cujuscunque Religionis homines nullum omnino testari poterant se vidisse, aut audivisse factum, propter quod Religionem illam amplexi erant. Erant ergo martyres opinionis, & pertinaciæ suæ. Przterea non fuerunt iis characteribus ornati, quibus Christiani martyres. Fuerunt pauci, hoc est unus, aut alter; non fuerunt longis tentati cruciatibus, sed citra mortem interempti; denique non fuerunt ejusdem probitatis, neque animum habuerunt in tormentis adeo pacatum, & sui compotem, ut martyres Christiani. De *Cesare Vaning* ex *gr.* constat, illum omnia tentasse, etiam hypocrisis, ut mortem vitaret. Cum tamen frustra omnia expertus esset, morte damnatus, vultu truci, animo perturbato, furis agitatus, ad supplicium tractus est, *V. Bart. Gramond Hist. Gallie Lib. III.*

Inst. Nota est *Augustini* sententia *Serm. 1. in Pf. XXXIV. n. 13.* quæ & in proloquium transit: *martyrem fuit non pœna, sed causa.* Ergo potius ex veritate Religionis probari debent veri martyres, quam ex martyribus veritas Religionis.

R. 1^o. *Neg. conf.* Laudata enim *Augustini* sententia confirmat quod paulo ante diximus, non sufficere sanguinis effusionem, ipsamque mortem, ut quis martyr

ve.

(a) *Versé de la Religion Chrétienne prononcé par les faiss.*

vere censeatur, sed præterea requiri, ut mortem oppetiar in testimonium factorum, seu miraculorum quibus probatur veritas Religionis; Si ergo aliquis in alia secta occidatur, quæ hujusmodi miraculis non probatur, is non vere martyr est.

R. 2^o. *Dist. ant.* Si loquamur de uno, aut altero martyre, quales erant falsi martyres hæreticorum; quos refutat *Augustinus, cons.* Si loquamur de universis martyribus, qui pro religione Christiana sanguinem fuderunt, *neg.* Stabilita enim veritate Religionis, non solum tot millium martyrum testimonio, verum etiam tot aliis sine ulla dubitatione firmissimis argumentis; si quem videamus pro alia religione sanguinem fundere, eum certissimo præjudicio falsum martyrem judicabimus.

Objic. II. Martyres reddere potuit ad perferenda supplicia promptiores vel stupiditas, vel inanis gloriæ cupido, vel denique fanaticus quidam furor. Ergo.

R. *Neg. ant.* 1^o. Stupiditas martyribus nostris obijci non potest. Numquid enim stupidi homines erant *Justinus, Irenæus, Cyprianus*; ad altiora ascendamus, *Stephanus, Paulus, Petrus*? Denique utcumque stupidos fingas homines, ii nec mortis horrorem, nec vitæ conservandæ desiderium possunt exuere.

2^o. Nec inanis gloriæ cupido. Gentilibus enim Christianorum nomen probro erat, Christianis autem non semper nota erant nomina, nec semper servabatur memoria eorum, qui pro Christo mortem oppetierant. Demum quinam post mortem gloriolæ hujus sensus superesse poterat, qui martyres allicere posset ad mortem appetendam?

3^o. Nec fanaticus furor; Impavidus enim ille animus, pacatus, atque inter ipsa tormenta tranquillus, fanaticorum hominum non est. Adde, furorem hunc, licet in uno, aut altero homine, vel in pluribus quidem, sed brevi tempore, & in eadem regione esse possit; non tamen universum orbem pervadere posse, totque homines invadere diversæ ætatis, sexus, conditionis, & tamdiu perdurare. Uno verbo; aliud est scribere, martyrium esse facile, aliud est martyrium pati.

§. VIII.

PROPOSITIO.

*Ipsa doctrina Christiane puritas, sanctitas Auctoris,
ejusque discipulorum, humane virtutis
opus non est.*

Prob. I^a pars. Humanum non est in nullo errare. Ipsi enim Philosophi *Plato, Aristoteles, Zeno*, (ut omittamus *Epicurum*) ipsique legesatores *Lycurgus*, & *Romani* in gravissimos errores lapsi sunt. Quanto magis igitur si aliqui homines rudes, & illiterati catholicam ascendunt, docturi totum Genus humanum, monstrata, et absurda errorum portenta fundere necesse est? Atqui tamen Christus, qui numquam litteras didicerat, ejusque discipuli rudes, illiterati piscatores, doctrinam docuerunt, in qua ab XVIII. sæculis ejus inimici nullum deprehendere potuerunt errorem, licet eam subtilissime examinaverint. Nam si spectes Christianæ religionis ethicam, quæ officia hominis erga Deum, erga seipsum, erga proximum, erga rempublicam statuit; adeo certa illa est, iusta, et omnibus numeris absoluta, ut ipsi ejus hostes sateri coacti sint, eam ad perficiendum hominem, et civem adprime idoneam esse. Si vero spectes *theoretica* dogmata; certe quæ rationem naturalem non excedunt, ea evidenter vera sunt; quæ vero rationem excedunt, ut mysteria, numquam adhuc demonstrari potuerunt falsa; imo ipsa eorum sublimitas ostendit, ea non esse ab hominibus excogitata, et inventa. Homines enim, si suo cerebro aliqua dogmata cudere voluissent, aptassent se potius humano ingenio, et rationi, ut ea facilius auditoribus persuaderent. Ergo.

Prob. II^a pars. Christi sanctitas ex tota vitæ ejus serie elucet, quæ non minus supra humanam virtutem fuit, quam ipsa miracula, ut fatetur ipse *Roussojus in Emilio*. Quam quidem sanctitatem nemo diu affectare, et simulare potest, præsertim coram inimicis. At cum ipse Christus inimicos suos confidenter provocaverit: *Quis ex vobis arguet me de peccato? Job. VIII. 46.* nemo hincere ausus

ausus est; et in tribunalibus coram Iudæorum principibus, et ipso ethnico iudice Pilato sola ejus sanctitas, ipso tacente, calumnias omnes dispulit, nec ullus umquam vel levissimam maculam hujusque ipsi potuit adspargere. Id confirmari etiam posset celeberrimo *Josephi* Iudæi testimonio *Lib. XVIII. Antiq. Cap. 4.* Fuit, inquit, hoc tempore Jesus vir sapiens, si tamen virum illum oportet dicere, erat enim mirabilium operum effector, magister hominum, qui vera libenter amplectantur, & plurimos ex Judæis, plurimos etiam ex gentibus ad se pertraxit. Cumque a primoribus gentis suæ ad crucem damnatus esset, ab eo diligendo non abstinuerunt qui primum dilexerant eum. Post tertium diem rediit ipse apparuit, cum divini Vates hec, & alia plurima admiranda prædixissent. Citant hunc locum non solum *Isidorus Pelusiota Lib. IV., epist. 225.*, *Sozomenus Lib. I. Hist. cap. 1.* *Hegesippus Lib. II. de Excidio Jud. cap. 12.*, *Nicephorus*, *Zonaras*, aliique; verum etiam *Hieronymus Lib. de Script. Eccl.* *Eusebius Lib. IV. Demonstr. Evang.* viri utique emundæ naris, quos credibile non est aut vitiatos habuisse codices, aut fraudem non advertisse; nec deest in vernaculis Latinis, aut Græcis codicibus. Unde credibile est, ab ipsis Judæis fuisse abrasum e nonnullis exemplaribus, in quæ forte inciderunt *Justinus*, *Clement Alexandrinus*, aliique, qui ejus loci non meminere. Nec verosimile est, *Josephum*, qui in Gentis suæ historia recenset alia multo minora ex. gr. de *Jo. Bapt. sta*, de *Jacobo* fratre Domini, siluisse multo graviora de Christo, præsertim cum ejus ætate Christianorum nomen longe, lateque esset etiam apud Gentiles pervagatum. Falsum autem est quod dicunt nonnulli, eum locum, aut stylum habere diversum, aut filum orationis interrompere; aut *Josephum*, utique alienum, a religione Christiana, non potuisse illa scribere de Christo, quia ipsi Judæi ea dissimulare, et negare non poterant. *Hubertus Gifanius*, et *Lucas Osiander* primi de veritate hujus loci dubitarunt, quos secuti sunt *Salmasius*, *Blondellus*, et alii: Etsi autem facile esset eos refellere, tamen quia nobis necessarium non est hoc *Josephi* testimonium; consuli possunt *Huetus*, *Nat.*

Theologicarum Institutionum
Alexander, Bellarminus, Sixtus Senensis, Laur. Ber-
si, et qui omnium eruditissime scripsit Carolus Dau-
buzius.

Denique addi potest etiam sanctitas discipulorum Christi, et miranda morum conversio, quæ in orbe tunc corruptissimo, et infandis vitiis immerso, facta est per prædicationem Evangelii, quam morum reformationem Philosophi numquam efficere potuerunt non solum in populo, sed nec in seipsis. Sed jam ad alia progrediendum est (a).

CAPUT VIII.

*Confessaria precedentis Capitis, ac præsertim de veritate
 ac divinitate librorum Sacra Scriptura.*

PROPOSITIO I.

*Christiana Religio divinitus revelata,
 & instituta est.*

Prob. Religio prophetis, et miraculis confirmata non-
nisi a Deo institui potuit. Talis est Christiana Religio,
ut Cap. superiori ostendimus. Ergo.

PRO.

(a) Demonstrationem veritatis Christianæ Religionis videre potes inter veteres apud *Clementem Alex., Athenagoram, Iustinum, Origenem, Irenæum, Eusebium in Præp. & Dem. Evang. Chrysostomum Hom.* quod Christus sit Deus, *Augustinum variis lib. Theodoretum de Græc. affect. S. Thomam. cont. Gent. Inter recentiores Grotium, Paschalem, Hookium, Clarkium, D. de Houserville, D. Le François, Addisonum, Vaissetium, Bergærum, Abbatis &c.* quorum tamen nonnulli caute legendi sunt.

PROPOSITIO II.

Dogmata Religionis Christiane etiam ea, quorum causas, rationes, modumque ignoramus, vera sunt.

Prob. Quæ a Deo sunt revelata, ea licet ratione assequi non possimus, vera sunt, ut supra ostendimus. At dogmata religionis Christianæ a Deo revelata sunt, quia idem est revelaram esse Religionem, ac revelata esse ejus dogmata. Sunt igitur vera, licet ratione assequi non possimus eorum rationes.

PROPOSITIO III.

Sacra Scriptura libri tum veteris, tum novi Testamenti divinitus inspirati sunt.

Prob. Dogmata enim Christianæ religionis vera sunt, ut paulo ante ostendimus. At Christiana Religio docet, libros utriusque Testamenti divinitus inspiratos esse; licet enim nonnulli, qui Christiano nomine gloriantur, aliquot libros non admittant in canonem librorum aut veteris, aut novi Testamenti; omnes tamen Christiani uno ore docent, libros, qui in eo canone sunt, divinitus esse inspiratos. Ergo etc. Quinam autem libri in canone Scripturarum recenseri debeant, sequenti Libro dicemus. Sed contra hanc prop. multa increduli obijciunt, quæ solvenda sunt.

Solvuntur objectiones.

Obje. I. Non potuerunt divina inspiratione scribi quæ falsa sunt. Sed in Scripturis tum veteris, tum novi fœderis nonnulla falsa sunt. Nam Mundi chronologia in Pentateucho descripta multo recentior est ea, quam Scriptores vetustissimi tradunt: ex. gr. Manetho in Historia Ægyptiorum varia enumerat populi illius Dynastias, seu principatus, qui conficiunt annos 53535.

Berosus ait, Chaldaeos habere Astronomicas observationes annorum 480000. et denique annales Sinenſium reſtantur, Gentem illam longe, vetuſtiſſimam, et diluvio antiquiorem habuiſſe originem. Ergo.

R. Neg. min. 1^o ratione generali, quia quaecumque chronologia contraria eſt libris, quos demonſtravimus veros, et divinitus inſpiratos, falſa eſt. 2^o quia Scriptores illi, qui in Gentis ſuae adulationem tantam ſuſceperunt antiquitatem, longe poſteriores ſunt Moyle; ipſa autem ratio dictat, ut in rerum hiſtoriis præferamus auctores vetuſtiores, et vicinioreſ rebus, quas enarrant. 3^o quia Scriptores iſti, quorum chronologia Moſaica contraria eſt, innumeris ſcitant fabulis, quas increduli libenter deglutiunt. 4^o quia Dynaſtiæ Aegyptiorum, ſi veræ ſunt, non fuerunt unius, et ejusdem Regni, ſed ſeries quædam Regulorum, qui eodem tempore variis Aegypti regionibus imperitarunt, ut obſervant eruditi. 5^o quia *Berosus* recentiſſimus ſcriptôr manifeſti mendacii convincitur ex eo quod Calliſthenes, rogante *Ariſtotele* Babylonicas obſervationes diligenter inſpexit, quas non excedebant annos 1093. 6^o Sinenſium Annales incertiſſimos eſſe, in o, et fabulis reſertos oſtendunt *P. Du Halde* in Hiſtoria, et *D. Fouquet* in Chronologia Sinenſium, uterque multis annis apud Senenſes commemorati. quos vide.

Obje. II. Natrat Moyleſ, ex uno homine Adam in univerſam terram diſſeminatum eſſe Genus humanum. Id vero falſum videtur 1^o quia Americæ regiones, in quas a noſtris regionibus commeare non potuerunt homines, utpote longo maris intervallo ſejunctas, ſæculo XV. inventæ ſunt populoliſſimæ. 2^o quia tam varius color hominum videtur oſtendere, non omnes ab uno ortos eſſe. Ergo.

R. Neg. min. America enim vel adhæret, vel potuit noſtræ telluri olim adhæreſe verſus Septentrionalem plagam; indeque poſtmôdum terræ motibus, aliſque temporum viciffitudinibus ſeparari. Ceterum, etſi ſemper interjecto mari ſeparata fuerit, potuerunt naves vi tempeſtarum jactatæ eo deſerri; ſicut Luſitani in Braſiliam vi ventorum ſæculo XV. dejecti ſunt. Imo potuerunt homines ſponte eo navigare. Certe *Plato* mentionem fa-

cit vastissimæ Insulæ in mari occiduo trans fretum Gaditanum, quam Insulam nonnulli putant ad Americam pertraxisse. Quod addit *Volterius*, ex vario hominum colore colligi, non ab uno homine propagatum genus humanum, valde ridiculum est; nam ferventiores solis radiis, clima, cibi, aliaque colorem hominum immutant, ut constat experientia Saracenorum, et Lusitanorum, qui in Africa sedes fixerunt.

Objc. III. Historia diluvii videtur fabulosa 1º. quia non potuit tanta esse aquarum copia, ut quindecim cubiris superaret præcelsos montes: 2º. quia non potuerunt omnia animalia, cibique ipsis per annum necessarij in arca contineri 3º. quia nova animalium genera in America reperta sunt, quæ non sunt in nostra tellure, ac proinde non potuerunt hinc illuc permeare, præsertim cum mari interjecto prohiberentur: ideoque falsum videtur, ex animalibus in arca servatis, orta esse cuncta animalia, quæ hodie terram occupant. Ergo.

Æ. Neg. ant. Etenim 1º. aquæ diluvii partim e cælo deciderunt, partim e terræ visceribus prosilierunt. *Rupri sunt fontes abyssi magnæ, & cataractæ cæli apertæ sunt Gen VII. 11.* Quis autem mensus est aquas, quæ continentur in terræ visceribus adeo profundis, ut terræ ipsius semidiamiter 4000. milliaria exæquet, quæ profunditas immenso intervallo superat montium altitudinem, quæ vix duorum, vel trium est milliarium? quis supputare potuit, quanta aquarum copia e cælo possit decidere quadraginta diebus, & quadraginta noctibus? Certe diluvii vestigia in ipsis montibus deprehenduntur, in quibus marinæ conchæ, & pisces effodiuntur in lapides concreti.

2º. Demonstrant hodie eruditi post *D. Pellesier in Dissert. de Arca*, geometricè supputatis arcæ dimensionibus, quas describit Moyses, longe majorem inveniri capacitatem, quam quæ sat esset ad cunctas animalium species continendas, cum præsertim pauciores sint primariæ animalium species, ex quibus deinde aliæ a primis degeneres ortæ sunt.

3º. Multa efficere potuerunt, ut nonnullæ animalium species in nostra tellure perierint, ex. gr. adversæ tem-

pestates, aut clima ipsis inimicum, quæ tamen species in America, quo potuerunt penetrare eodem modo, quo supra diximus penetrare potuisse homines, non perierunt.

Objic. IV. Post diluvium ait Moyses, sic Deum Noë allocutum: *Arcum meum ponam in nubibus, ut sit signum fœderis inter me, & inter terram.* Gen. II. 11. quasi tum primum arcus inter nubes apparere cœperit. Atqui hoc falsum videtur; arcus enim ille ex varia radiorum solarium refractione necessario semper oriri debuit. Ergo.

R. Neg. maj. quoad secundam partem; verba enim illa *arcum meum ponam in nubibus* &c. non significant, tum primum apparere incœpisse arcum, sed *phenomenon* illud tunc a Deo constitutum fuisse *signum fœderis*, præsertim cum textus Hebraicus, cui consonat etiam Samaritanus, imo & versio Syriaca, & Arabica ita habeant: *arcum meum posui in nubibus.*

Objic. V. Narrat Moyses, quinta plaga, quæ Deus percussit Ægyptios, *mortua esse omnia animantia Ægyptiorum.* Exod. IX. 6. & tamen septima plaga scribit, *perisse in omni terra Ægypti cuncta, quæ fuerant in agris ab homine usque ad jumentum.* Ibid. v. 25. imo addit, Pharaonem insecutum esse Israelitas cum equitatu. Atqui hæc pugnantia sunt; si enim animantia omnia perierunt quinta plaga, nulla remansissent jumenta interrimendæ per septimam, & multo magis Pharaeo destitutus fuisset equis, quibus Israelitas insequeretur.

R. Neg. min. Quod enim ait Moyses, quinta plaga perisse omnia animantia, intelligendum est de omnibus animantium generibus, non de singulis omnium generum, quod in Scripturis non est insuetum; unde remanserunt adhuc jumenta, quæ sub septima plaga perierunt. Sed nec septima plaga scribit Moyses, omnia jumenta, sed ea tantum, quæ fuerint in agris, interiisse propter ingruentem grandinis vim. Sed qui timuit verbum Domini de servis Pharaonis, fecit confugere jumenta in domos. Exod. IX. 20.

Objic. VI. Plura habent sacri scriptores, quæ saniori physicæ non congruunt, ex. gr. cœlos esse solidos, lunam

lunam esse stellis majorem, & alia ejusdem generis, quæ utique falsa sunt: Ergo.

R. Neg. ant. Verba enim divinitus inspirata nulli possunt veritati esse contraria; licet aliquando ad captum hominum accommodata, intelligenda tamen sint alio quo sensu, qui veritati non adversetur: Lunam quidem Scriptura appellat *luminare magnum*, tum quia revera talis apparet oculis, tum maxime, quia si inspicitur non ratione molis, sed ratione luminis, ex quo dicitur *luminare*, magis lucet ipsa lumine alieno, quam omnes simul stellæ lumine proprio; ideoque revera nobis est *luminare majus*. Cælum vero esse solidum, Scriptura non asserit. Quod enim Cælum vocat *firmamentum*, id secundum Hebræicam vocem *extensionem* significat, ut omnes norunt: quod vero *Job. XXXVIII. 18.* ait *Eliu*, cœlos *solidissimos, quasi ex ære fusos*, id refert Scriptura ab illo dictum: non probat; imo *Cap. XXXVIII. 2.* ait de illo Deus: *Quis est iste involvens sententias sermonibus imperiis?*

Objic. VII. Liber *Ecclesiastes* videtur ab homine Epicureo compositus, qui unum esse ait interitum hominum, & jumentorum, ideoque fruendum bonis vitæ hujus. Præterea *Canticum Canticorum* carmen videtur amatorium. Ergo.

R. Neg. ant. Verba enim *Ecclesiastes* ex ore, & sententia impiorum, & errantium hominum prolata esse patet ex libri ipsius scopo, & conclusione. Postquam enim docuit, vana esse omnia bona vitæ hujus, quæ homines adeo sollicitos habent, sic ait: *Finem loquendi pariter omnes audiamus: Deum time, & mandata ejus observa; hoc est enim omnis homo, & cuncta, quæ fiunt, adducet Deus in judicium pro omni errato, sive bonum, sive malum.* *Canticum* vero *canticorum*, non carnali, sed spirituali sensu intelligendum esse Religio Christiana semper docuit, idest non in hærendum litteræ, quæ occidit, sed spiritui, qui vivificat.

Multa aliâ æque frivola de Scripturis veteris Testamenti congerunt increduli, quæ sicut a nostris Interpretibus desumpserunt, ita a nostris jamdiu explicata fuerant, quæ omnia hic proponere non sinit nostri instituti brevitatis. Vide *Calmer, Estlin*, & præcipue eruditum

ditum opus D. Guenet de hoc argumentò (a). Veniamus ergo ad Novum Testamentum.

Objic. VIII. *Matthæus* *Lucæ* contrarius est in describenda Christi genealogia. Nam *Matthæus* ait *Cap. I.* *Joseph* fuisse filium *Jacob*, quem deducit a *David* per *Salomonem* vigintiseptem generationibus; *Lucas* vero eundem *Joseph* iuisse dicit filium *Eli*, quem deducit a *David* per *Nathan* generationibus quadraginta duabus. Ergo.

R. Neg. ant. *Ad confirm.* duplex est Patrum responsio. Prima est, *Matthæum* descripsisse progenitores *Joseph*, *Lucam* vero *Mariæ*, ait enim *Lucas*: Ipse *Iesus* erat incipiens quasi annorum triginta, ut parabatur filius *Joseph*, qui fuit *Heli*; *b. e.* putabatur quidem filius *Joseph*, sed erat filius; *b. e.* nepos *Eli*, qui idem est, ac *Joachim* pater *Mariæ* Virginis; nam *Eliachim*, *Eli*, & *Joachim* nomina sunt unius, ejusdemque hominis, ut patet ex *Lib. IV. Regum Cap. XXV.* quia ab *Eliachim* per apocopen vel priorum, vel posteriorum syllabarum fit *Eli*, & *Joachim*. Ex hac responsione evanescit obiectio: nam quod plures in *Lucæ*, quam in *Matthæo* generationes notentur, nihil refert, cum possint utique in una familia eodem tempore plures esse generationes, quam in alia.

Verum altera responsio communior est apud Patres, traditurque a *Julio Africano*, qui eam ab ipsis *Joseph* cognatis se accepisse scribit, nimirum *Joseph* dici potuisse filium *Jacob*, & *Eli*, quia cum *Eli* sine liberis defunctus esset, *Jacob* ejus frater uterinus, ex præscripto legis, ejus viduam duxit uxorem, ita ut *Joseph* fuerit filius naturalis *Jacobi*, & legalis *Eli*. Ceterum hæc, quæ ob antiquitatem nobis obscura sunt, erant tunc omnibus nota, quia familiarum genealogiæ diligenter servabantur.

Objic. IX. *Matthæus Cap. I.* ait, Christum esse filium

(a) *Lettres de quelques Juifs Portugais & Allemands par l'Abbé Guenet.*

Item *Reponses Critiques à plusieurs difficultés proposées par les nouveaux incrédules sur divers endroits des livres saints par M. Bullet.*

filium *David*, & tamen describit genealogiam *Joseph*, & addit, Christum non fuisse filium *Joseph*, sed *Mariæ* Virginis, quæ erat ex tribu *Levi*, cum *Cap. I. Lucæ* dicatur cognata *Elisabeth*, quæ erat de filiabus *Aaron*. Ergo contraria loquitur.

R. Neg. Conf. Nam nisi dicere velimus, *Mattheum* fuisse omnino stultum; fateri debemus, notum tunc omnibus fuisse, *Joseph* conjugem accepisse ex eadem familia, scilicet *Mariam* Virginem, quæ per lineam maternam cognata erat *Elisabeth*.

Obje. *X.* Idem *Matthæus Cap. II.* refert, nato Domino *Herodem* crudelissima puerorum strage *Bethleem*, ejusque fines circumfuisse: *Lucas Cap. II.* ante Domini nativitatem *Augustum* edixisse totius orbis Romani descriptionem, & addit, hanc descriptionem primam factam esse a *Preside Syria Cyrino*. At hæc videntur non solum falsa ob silentium *Josephi* de cæde puerorum, & Romanorum Historicorum de descriptione totius Romani Orbis, quos latere non poterant facta tam publica, tamque memorabilia; verum etiam videntur sibi contraria. Nam *Cyrinus*, seu *Quirinus* Syriam provinciam suscepit decennio post *Herodis* mortem, ac proinde si Christus natus est sub *Herode*, descriptio tunc a *Cyrino* fieri non potuit; si vero Christus natus est tempore hujus descriptionis, jam *Herodes* obierat, atque ideo falsa est cædes puerorum jussu *Herodis* facta, jam nato Christo.

R. Neg. min. Silentium enim tum *Josephi* de cæde puerorum, tum *Suetonii*, & *Taciti* de censu *Augusti*, argumentum est negativum, quod nihil valet contra affirmantem, sive positivam historiam *Matthæi*, & *Lucæ*; qui in factis adeo publicis, & memorabilibus nec falli, nec mentiri poterant. Historia autem *Dionis*, qui fufius de *Augusto* scripserat, interdidit ab anno 748 V. C., usque ad annum 786, intra quod decennium contigit illa descriptio juxta *Lucam*, quæ adeo certa est, ut *Justinus*, & *Tertullianus* Gentiles, & hæreticos provocent ad Acta publica, quæ tunc adhuc exarabant, illamque descriptionem testabantur.

Cyrinus autem, antequam Proconsul Syriam Provinciam obtineret, id munus suscepit extraordinarium recensendi, & describendi Palæstinam, & quia natus tan-

to oneri non sufficiebat, socios habere debuit; cum Tertullianus censum in Judæa actum scribat per *Sententiam Saturninum*. Hoc pacto difficultas evanescit (a).

Obje. XI. Johannes Evangelium ita concludit: *Sunt autem & alia multa, quæ fecit Jēsus, quæ si scribantur per singula, nec ipsum arbitror mundum capere posse eos, qui scribendi sunt, libros.* Atqui hæc immoderata hyperbole Spiritui Sancto tribui non potest. Ergo.

R. Nomine mundi Johannes intelligere potuit, homines, præsertim mundanos, quo sensu nomen illud sæpe usurpat in Evangelio, & in Epistolis: verbum autem capere usurpatur ibi pro *intelligere*. Sensus ergo esse potest; mundanos homines concipere, intelligere, imaginari non posse, quot scribendi essent libri, si omnia Christi acta singillatim exponerentur; atque hic, si aliqua hyperbole est, est atque modestissima. Sed si per mundum intelligas totum terrarum orbem (non enim intelligi potest cælum, & terra), non insueta est hominibus hæc hyperbole ad significandam rerum multitudinem aptissima; ad hominum autem captum Scriptura accommodata est.

Prætermittimus alias incredulorum miseras cavillationes, præsertim de Evangelistarum consensu, cum omnes jam a nostris Interpretibus occupatæ, & exussatæ sint. Vide Augustinum de *Consensu Evangelistarum* alioque (b).

Corollarium

Quotiescumque igitur in Scripturis aliquid occurrit, quod veritati non videatur congruere, quamvis nequeamus enodare difficultatem; certissime tamen tenendum est, vel codices incuria amanuensium esse mendosos, vel nos sensum non esse assecutos; quod sapienter monet Augustinus *Lib. II. cont. Faust. Cap. 5.*

PRO:

(a) Vide Benedictum XIV. in erudito opere De Fælis I. Christi, & Mariæ.

(b) Omnes apparentes scripturarum antilogias accurate collegit *Tivinus*.

PROPOSITIO IV.

*Omnes alie religiones, a Christiana diversa,
falsæ sunt.*

Prob. Omnes alie religiones vel in uno, vel in pluribus contrariæ sunt Religioni Christianæ, alioquin non essent ab ea diversæ. Atqui quod contrarium est veritati a Deo revelatæ, falsum est, nec a Deo revelari potuit. Ergo.

Objiç. Rouffojus. Ut possis falsas dicere omnes alias religiones, peragrarè deberes omnem terram, ediscere linguam omnium populorum, legere in proprio idiomate libros sacros omnium religionum, examinare non solum dogmata, quæ continent, verum etiam miracula, quæ jactant. Atqui hoc hominum vires longe superat. Ergo nemo scire potest, utrum alia sit vera Religio.

R. Neg. maj. Mirum enim est, homines, philosophorum nomine tumidos, adeo ineptire. Quando veritas detecta est, nullo alio opus est examine. Quidquid veritati jam demonstratæ opponitur, falsum est.

Inst. Theologi Christiani testantur, fidem esse actum mentis liberum, non necessarium. Ergo non est evidenter demonstrata veritas Religionis Christianæ.

R. Neg. conf. Potest enim mens, vel præjudiciis occupata, vel cupiditatibus dedita, vel ipsa obscuritate rerum revelatarum impedita, nolle attendere demonstrationi; vel etsi attendat, tamen potest nolle elicere actum fidei. Atque hinc patet, merito a Catholicis omnibus cum indignatione rejectas illas propositiones: *Religio Christiana non est evidenter vera hinc infer, evidens non esse* 1º quod existat nunc in terris aliqua vera religio 2º quod omnium, quæ in terra sunt, verosimillima sit Christiana 3º quod Apostolis manifesta fuerit Christi divinitas 4º quod affante Deo fusa sint prophetarum oracula &c. (Inter damnatas a Clero Galliano anno 1700.)

CAPUT IX.

*Sola Ecclesia Romano-Catholica veram Christi
Religionem profitetur.*

Adv. I. **M**ultæ sectæ tum in Oriente, tum in Occidente Christianam Religionem se profiteri gloriantur; una tamen debet esse vera, nam contraria simul vera esse non possunt.

II. Quamvis sequenti Libro, Catholicam Ecclesiam veram profiteri Christi Religionem, ostendamus contra hæreticos ex Scripturis, quas ipsi agnoscunt ut divinas; hic tamen operæ pretium est, idipsum ostendere ratione naturali contra incredulos, qui falso obijciunt; Religionem Christianam non esse unam, sed in varias sectas divisam.

PROPOSITIO.

*Sola Ecclesia Catholico-Romana veram profitetur
Religionem Christianam.*

Prob. I. Sola Ecclesia Romano-catholica est illa, quam Christus, & Apostoli fundarunt. Nam sola habet pastores, qui legitima ordinatione, sibi invicem perpetuo succedentes, pertingunt usque ad Apostolos, ac proinde usque ad Christum. Reliquæ vero sectæ ubi ad primum pervenerint auctorem suum, ex. gr. Lutherum Calvinum, Nestorium, non possunt ulterius progredi, atque ideo earum pastores non sunt successores Apostolorum. Atqui Christus promisit, Ecclesiam, quam ipse fundavit, numquam defecturam esse a Religione, quam ipse docuit. *Ecce ego vobiscum sum omnibus diebus usque ad consummationem sæculi* Matth. XXVIII. 20. *Ego rogo Patrem, & alium Paraclitum dabit vobis, ut maneat vobiscum in æternum, Spiritum veritatis.* Joh. XIV 16. Ergo cum Christi promissiones veræ sint, quia religio Christiana docet, ipsum a Deo missum nec falli, aut fallere potuisse; fit hinc, nunquam defecisse Ecclesiam Romano-Catholicam a vera Christi religione. Aliunde vero aliæ sectæ profitentur Religionem catholi-

cz contrariam ; ergo sola Ecclesia Catholico-Romana profitetur veram Christi Religionem .

II. Ecclesia Catholica antiquior est omnibus aliis sectis , quia omnes sectæ a catholica secessionem fecerunt . Igitur antequam sectæ illæ orientur , vel Ecclesia Catholica profitebatur veram Christi religionem , vel non . Si primum dicas ; ergo sectæ illæ a vera Christi Religione defecerunt , quæ in sola Catholica remansit . Sin alterum ; ergo cum sectæ illæ ortæ sunt , jam defecerat in terris Christi Religio ; ac proinde Christi promissiones non fuerunt veræ , nec ipse Christus a Deo missus est . Unde manifestum est , vel solam Catholicam Ecclesiam profiteri Religionem Christi , vel ipsam Christi Religionem falsam esse . Atqui posterius dici nequit , ut fuisse huculque demonstravimus , & fatentur sectarii . Ergo .

III. Omnes sectæ ideo a Catholica Ecclesia recesserunt , quia putarunt , illam errare in Scripturis interpretandis . Atqui interpretatio nova , quam ipsæ protulerunt , non est a Deo revelata ; non enim Deus revelavit , interpretationem *Lutheri ex. gr.* esse veram , quia si id revelasset , miraculis confirmasset , ut supra docuimus . Ergo sectæ illæ , quæ fundatæ sunt in illa interpretatione , non inniuntur revelatione divina , sicut innititur Catholica Ecclesia miraculis , & prophetiis toto orbe a Christo instituta , et fundata . Ergo vel nulla exiit in terris Christiana religio , vel hæc est in sola Catholica . Atqui prius dici non potest , quia unum ex dogmatibus Christianæ religionis , quam probavimus esse veram , est hoc , nempe Christi religionem numquam in terris extinctum iri . Ergo .

IV. Omnes sectarii fatentur , imo evidens est , Ecclesiam Catholicam primis sæculis , quibus per Apostolos est fundata , veram Christi religionem coluisse . Atqui non potest notari tempus , quo Religionem illam ejuraverit , et docere incœperit ea , quæ nunc docet . Ergo revera numquam a Christi religione defecit . Neque enim mutatio tam insignis fieri potuisset toto orbe , nemine contradicente , imo nec sentiente .

Responsiones , atque objectiones sectariorum tum secundo Libro , tum sequentibus refutabimus .

CAPUT X.

*Indifferentismus in Religionis negotio
absurdissimus est.*

Adv. **I**ndifferentiſta poſt Baelium, Rouſſojum, Voltaireum, Argenſium, alioſque miſeros auctores Litterarum Sinenſium, Peruvianarum, &c. docent, quamcumque religionem bonam eſſe, Deoque gratam, atque homini ſufficere ad ſalutem. Hoc autem eorum dogma dicitur *tolerantia religioſa*.

II. At Chriſtiana religio contrarium docet. Non eſt in alio aliquo ſalus, neque enim aliud nomen (præter Jeſum Chriſtum) eſt hominibus ſub cælo datum, in quo oporteat, nos ſalvos fieri Act. IV. 12. Qui crediderit, & baptizatus fuerit, ſalvus erit, qui vero non crediderit, condemnabitur, Marc. XVI. 16. ſine fide impoſſibile eſt placere Deo, Hebr. XI. 6. Qui credit in eum non judicatur, qui autem non credit, jam judicatus eſt, quia non credit in nomine Unigeniti Filii Dei Joh. III. Hoc Chriſtiæ Religionis dogma dicitur *intolerantia religioſa*.

III. Differt *tolerantia religioſa* a *tolerantia civili*, quæ eſt ſilentium magistratuum non impediendum in politica ſocietate contrarias religiones.

PROPOSITIO

*Absurdissimus est indifferentismus, seu
religioſa tolerantia.*

Prob. I. Si Deus religionem aliquam revelavit, tamquam ſolam ſibi gratam, et homini neceſſariam, abſurdiſſimum eſt aſſerere contrarium. Atqui Deus revelavit, ut ſupra Cap. VII. oſtendimus, religionem Chriſtianam, cujus dogma eſt, non eſſe in alia ulla religione ſalutem. Ergo iſdem argumentis quibus Chriſtiana religio ſtatuitur, abſurdiſſimus demonſtratur *indifferentiſmus*.

II. Deo, qui eſt ipſa ſumma veritas, placere non poteſt, niſi veritas; falſa autem ſicut Deo placere non poſſunt, ita non poſſunt eſſe apta, et idonea, quibus ho-

homines Deo placeant, et salventur. Atqui veritas una est; una igitur religio Deo grata esse potest; atque ideo si Religio Christiana vera est, solâ Deo placere potest.

Hinc sequitur, *intolerantiam religiosam* esse solius veræ Religionis characterem,

Solvuntur Obiecta.

Objic. I. Illud dogma rejiciendum est, quod immanitatem quandam, live crudelitatem Deo tribuit; atqui talis est *intolerantia religiosa*; si enim extra Christianam Religionem salus esse nulla potest; jam tot centena hominum millia, quibus Religio hæc prædicata non fuit, in æternum perierunt, et peribunt. Ergo.

R. Neg. min. Deus enim neminem damnat ob ignorantiam *invincibilem* Christianæ Religionis; sed ob peccata: quod non crudelitatis, sed iustitiæ est. Si quis autem Religionem hanc *invincibiliter* ignoraret, sed servaret cum Dei auxilio omnia præcepta legis naturalis, quam nemo invincibiliter ignorare potest; Deus ei non deesset, sed revelaret aliqua ratione ipsi nota veram Religionem, sicut revelavit Cornelio Centurioni, ut legimus in *Actis Apostolorum*.

Infl. Si nemo extra Christianam Religionem salvari posset, divina revelatio multiplicasset impedimenta salutis; imposuisset enim novum jugum suscipiendi hanc Religionem revelatam. Atqui hoc absurdum est. Ergo.

R. Neg. seq. maj. Revelatio enim pluribus rationibus, quæ supra expositæ sunt *Cap. III.*, erat homini necessaria ad salutem; unde debitum illud revelatam Religionem suscipiendi est in hominis utilitatem, ut scilicet salutem consequatur. Si qui sunt autem; quibus hæc revelatio annunciata non est, si in eodem statu sunt, in quo erant ante revelationem, Sed si nihil contra legem naturalem peccaverint, Deus is non deerit, ut supra diximus.

Objic. II. Deus cor inquietur. Si ergo homo corde sincero Deum colat, parum refert quoniam externo cultu ipsum honoret,

R. Neg. conf. 1º. Quia externus cultus oritur ab in-

F

terna

terna opinione, quam de divinis attributis habemus; ita ut si externus cultus pravus sit, pravus esse oporteat opiniones de Dei proprietatibus, quæ opiniones Deo placere non possunt. 2^o. Quia ex interno cordis affectu oritur, quod quis nolit illa de Deo credere, illumque cultum Deo exhibere, quem ipse revelavit, quæ quidem perversa voluntas Deo displicet. 3^o. quia absurdissimum est, Deum, qui est ipsa summa, et una, et sancta veritas, delectari tam variis, et monstrosis, imo et flagitiosis ritibus, quæ a variis religionibus sanciti sunt.

Obje. III. Filius hominis Christiani laudabilis est, si sequitur abque ullo examine Religionem patris: Ergo filius Mahumetani bene etiam faciet, si patris Religionem sequatur. Idem dicas de pueris in alia quacumque Religione natis: Ergo.

R. Neg. conf. Opposit. Nam filius Mahumetani potest natura ducere, ac magistra cognoscere, in patria religione nonnulla præcipi, aut permitti legi naturali contraria (a); idem dicas de pueris in alia religione natis. *Inst.* Magna est educationis, & præjudiciorum vis. Ergo puer Mahumetanus cognoscere non potest quæ in illa religione contraria sunt rationi.

R. Neg. conf. Nam ab actu ad posse valet conclusio, ut habet commune Philosophorum essatum. Si pueri Judæorum, & Gentilium cognoverunt initio nascentis Ecclesiæ falsitatem patriæ religionis, et veritatem Christianæ, eamque amplexi sunt; poterunt etiam, Deo auxiliante, idem facere pueri Mahumetani, aut alterius religionis. Interim fatemur, magno esse impedimento educationem, et præjudicia; ideoque gratias agimus Deo, qui nos in verâ Religione nasci, ac nutiri voluit.

Inst. 2. Credibile non est, Deum voluisse, ut universum ferme humanum genus periret ante Christum, et post Christum major hominum pars, quæ Religionem non sequitur Christianam. Ergo.

R. Neg.

(a) Vide *Hoornberkium*, & *Andream Relandum* contra Mahumetanos, *Grotium* De veritate Rel. Christ. *Natalem Alexandrum*. Hist. Eccl. Sæc. VI. *Fœrbefium* Lib. IV. Instruct. Theol.

R. *Neg. ant.* Postquam enim demonstravimus, Religionem Christianam solam veram esse, non solum credibile, sed etiam certum est, omnes, qui extra hanc Religionem vivunt, salutem consequi non posse. At cur eos Deus damnat? Propter peccata. Cur non illuminat? Quia rursus propter peccata non merentur hanc gratiam. Cur alios æque peccatores ad veram Religionem adduxit? Quia infinita est misericordia eius. Cur eadem misericordia usus non est erga ceteros? Quia non solum misericors sed etiam iustus est. Cur erga hos potius, quam erga illos misericordia usus est? Id vero nostrum non est indicare, *quis enim consiliarius ejus fuit?* Sufficiat nobis scire, Religionem nostram certissime a Deo revelatam esse, ac proinde extra eam neminem salvari, Deumque iustissimum neminem damnare posse innoxium.

Obje. IV. Hæc doctrina videtur Republicæ noxia. Hoc enim semel statuto, neminem extra Ecclesiam salvari posse, Christiani concives suos ab avita Religione retrahere conabuntur. Hinc dissidia, et seditiones, quæ publicam pacem perturbant, unde ipse Christus hoc prævidens dixit: *Non veni pacem mittere, sed gladium Matth. X. 34.* Ergo melius statuisse videntur philosophi veteres, et ipse Cicero, et Epistetus, cives religionem patriam colere debere, etsi falsam: quos etiam secutus est *Antonius Genuensis Lib. de Officiis* in prima editione, quod tamen in altera retractavit.

R. *Neg. ant.* Cum enim hæc Religio doceat, diligendos esse omnes homines, etiam inimicos, et incredulos; et obediendum Magistratibus in omnibus, quæ non sunt contra Deum; nulla religio aptior est vel ad pacem servandam, vel ad publicum bonum promovendum: quod enim alii faciunt metu pœnarum, quas aliquando facile est evadere, id Christiani facere debent lege religionis, et ob timorem Dei, quem nullus aut fallere, aut effugere potest. Quod ergo Christiani, quantum in ipsis est, studeant concives suos, imo omnes populos instruere in veritate, atque ab errore perniciosissimo retrahere; id suadet amor veritatis, et proximi: tamen cum non arma, sed suasiones adhibeant, et quidem opportuno tempore; si dissidia oriantur, culpa est eorum, qui errorem suum vi, et armis defendere, et tantum

proximi bonum impedire volunt. Sed nunquid bonum erit malum, quia mali, ut bonum impediunt, mala faciunt? Hanc igitur malitiam hominum Christus prævidit, cum ait: *Non veni pacem mittere*. Turpiter ergo errarunt veteres Philosophi *indifferentista* et cum iis *Genensistis*, licet laudandus sit, quod errorem suum cito correxerit in altera Editione laudati operis.

Inst. Varia sunt terrarum climata, et varia in iis ingenia, et mores populorum. Formæ etiam civitatum variae sunt, cum aliae Monarchico, aliae Aristocratico, aliae Democratico regimine utantur. At *Montesquius* in *Spiritu Legum* docet, varias religiones variis terrarum Climatibus, et Rebuspublicis facilius aptari. Ergo.

R. *Dist. min.* Egregie falsus est Auctor ille *consecutus neg.* Unus est ubique Deus, una est humana natura, et veritas una. Ergo nihil absurdius dici poterat, quam quod dixit *Montesquius*. Imo ipsa experientia compertum est, Christianam Religionem in variis illis terrarum Regionibus, et vario earum regimine variis temporibus floruisse, Deo per gratiam suam quaecumque obstacula superante.

Inst. 2. Quot Christiani, præsertim Magistratus, usi sunt gladio, ut heretodoxos cogerent ad amplectendam religionem suam? Atqui id non fecissent, si tolerantiam religiosam admisissent; Ergo. Hic indifferentista longam historiam texunt malorum, quæ ipsi dicunt ab intolerantia religiosa orta esse.

R. Religio Christiana docet, 1.° Neminem cogendum ad ipsam suscipiendam: 2.° Subditos non debere adversus suos Principes rebellare prætextu Religionis. Si qui secus fecerint, ipsi viderint facti sui rationem. Certe sæculo II. exeunte, licet Christiani totum jam orbem impleverint, et multo plures numero essent, quam Gentiles, ut ait *Tertullianus*; nihil tamen fecerunt, quod Reip. pacem turbare posset, ne quidem ut ab injustissima, et cruentissima infidelium persecutione se defenderent.

Scholium.

Diximus, neminem extra Christianam religionem salvari posse, solam autem Catholicam Ecclesiam vere
Christi.

Christianam Religionem profiteri, ideoque neminem extra Catholicam Ecclesiam salutem consequi. Sed advertendum est, hæreticorum filios, vel qui ab hæreticis baptizari sunt infantes, non censeari extra Catholicam Ecclesiam, donec adulti voluntarie profitentur hæresim, cujus falsitatem possunt agnoscere; ideoque non tantus est eorum, qui pereunt, numerus, quantus in *tertia Objectione* ponitur.

Libri Conclusio.

Quod ergo in *Dissertatione Prodyoma* diximus, principia Theologiæ esse a Deo revelata, id jam demonstravimus. Sed quoniam Catholicæ religionis hostes, licet Christiano nomine glorientur, non consentiunt de locis, ubi divina revelatio contineatur, contententibus nonnullis, eam in sola Scriptura sacra contineri, cujus varios libros pro lubito rejiciunt; hinc ex ipsis Scripturæ libris, quos agnoscunt, revincendus est eorum error, et veri fontes agnoscendi, sive loci, unde Theologica argumenta deduci debeant, quod sequenti Libro præstabimus.

Finis Libri I.

L I B E R II.

S E U

TRACTATUS DE LOCIS
THEOLOGICIS.*Prefatio.*

Quoniam oportet, Theologum ita amplecti eum, qui secundum doctrinam est, fidelē sermonem, ut potens sit exhortari in doctrina sana, & eos, qui contradicunt, arguere vaniloquos, & seductores; nosse eum imprimis necesse est tum sedes, unde promat principia disciplinæ, tum quæ via, & ratione ex iis debeat & sua confirmare, & refutare contraria. Quod nos hoc libro explicare quanta maxima possumus brevitate, ac perspicuitate, instituimus.

C A P U T I.

Lecorum Theologorum definitio, & divisio. Errores in hoc Libro refutandi.

I. **L**oci Theologici dicuntur, more Rethorum, & Philosophorum, sedes, ac veluti promptuaria, unde Theologus argumenta depromit.

II. Diximus autem *Differt. Prodr. Cap. I.* Theologiam ex principiis a Deo revelatis argumentari, non rejecta tamen ratione naturali, dummodo revelationi famuletur. Loci ergo Theologici duplicis sunt generis, *interni*, & *externi*. Interni sunt, qui ipsam Dei revelationem vel certo, vel probabiliter continent, ideoque rursus dividuntur in *necessarios*, & *non necesarios*. Necessarii sunt, ex quibus certa habetur revelatio, ut Scriptura divina, Traditio, & Ecclesiæ definitio: non necessarii vero, ex quibus probabilis tantum revelatio, vel

vel revelationis conjectaria eruuntur, ut Provincialia Concilia, aliquot seorsim Patres, consensus Theologorum. Denique loci externi suppleantur principia naturali ratione cognita, ut est ipsa communis omnibus Ratio, Philosophorum pl. cita. Historia.

III. Sunt ergo loci Theologici decem, 1^o. Scriptura: 2^o. Traditio, de qua tamen nos primo loco disseremus, tum quia ipsa tempore Scripturam antecessit, tum quia ex traditione discernendi sunt Scripturæ Libri Gentium ab Apocryphis: 3^o. Sanctorum Patrum auctoritas, quæ reducitur ad traditionem, ad quam probandam adhibetur, ideoque expenditur a nobis eodem loco, quo de Traditione tractabimus: 4^o. Ecclesia: 5^o. Concilia: 6^o. Summorum Pontificum decreta: 7^o. Theologorum consensus: 8^o. Ratio naturalis: 9^o. Philosophia: 10^o. Historia.

IV. In definiendo autem quinam sint loci, unde principia divinitus revelata certo depromantur, errarunt Hæretici. Novatores enim post Lutherum, & Calvinum (a) docent 1^o. Solam Scripturam continere verbum Dei. 2^o. Nonnullos Scripturæ libros, quos Ecclesia Catholica recipit, non esse divinos. 3^o. Ipsam Scripturam in rebus ad salutem necessariis esse claram, atque omnibus perspicuam. 4^o. Si qua tamen controversia oriatur de sensu Scripturæ, unumquemque privatum Spiritu Sancto interius illustrari, ut de ea certo possit judicare. Hinc inferunt 1^o. non esse agnoscendam sed rejiciendam Traditionem; tum quia quidquid est ad salutem necessarium, continetur in Scriptura; tum quia ipsa Traditio, ut ipsi contendunt, fallax est. 2^o. rejiciendam esse Ecclesiæ auctoritatem, quia dicunt, Ecclesiam non esse semper visibilem, nec talem, ut non possit aliquando falli, aut omnino deficere, seu non esse indefectibilem, nec infallibilem: quibus vocabulis

F 4 jam-

(a) Lutherus in Cap. 3. ad Galat. Calvinus Lib. II. Instit. Cap. 8. 4. 7 & Cap. X. 6. 18. & in Annotat. Cor. Trid. Sess. IV. Brentius Proleg. cont. Pet. a Solo. Kenanitus Exam. Conc. Trid. Sess. IV. Hamelmannus cont. Tradit. &c.

jamdiu in Schola receptis, compendii gratia, deinceps utemur.

V. Rectus igitur ordo postulat, ut ex ipsis Scripturarum libris, quos hæretici cum catholicis ut divinos agnoscunt, demonstrentur contra eos 1°. Non solam Scripturam continere verbum Dei, sed etiam Traditionem: cujus testes sunt libri SS. Patrum, Conciliorum definitiones, & Pontificum decreta; eamque continere aliqua ad salutem necessaria, nec esse fallacem: 2°. Statuta auctoritate Traditionis, ex duplici isto capite Scripturæ scilicet, & Traditionis ostendamus, veros esse, & divinos eos Libros Scripturarum, quos recipit Ecclesia catholica: 3°. Ipsam Scripturam non in omnibus esse claram: 4°. Si qua oriatur controversia de sensu Scripturarum, non esse quemque privatum judicem certum, & falli nescium: 5°. Judicem controversiarum esse ipsam Ecclesiam, quam demonstrabimus visibilem, indefectibilem, infallibilem. Quæ cum præstiterimus, etiam de iis locis agemus, quæ suppeditant argumenta Rationi congruentia.

C A P. II.

De Traditione.

§. I.

Traditionis definitio, atque divisio.

I. **T**raditio apud Patres, & Theologos est doctrina ad fidem, mores, aut disciplinam pertinens in Ecclesia conservata, & ad nos usque transmissa, quæ in Libris Canonicis scripta non est, quo sensu Irenæus *Lib. III. Cap. 2.* ait, hæreticos *neque Scripturis, neque Traditioni consentire*: licet scripta sit in libris SS. Patrum, & Actis Conciliorum.

II. Triplex est traditio, *Divina, Apostolica, & Ecclesiastica*. *Divina* est ipsum Dei Verbum per Apostolos tamquam divinæ Revelationis præcones viva voce prædicatum. *Apostolica* est Institutio, seu disciplina ab Apostolis tamquam Ecclesiæ pastoribus viva voce statuta, ut *ex. gr.* jejunium quadragesimale. *Ecclesiastica* est di-

disciplina a successoribus Apostolorum instituta, usque fidelium confirmata, & ad nos uique transmissa, ut ex. gr. vigilæ, aliaque Ecclesiastica statuta, & consuetudines.

III. Ab his longe distant ex, quæ dicuntur traditiones hominum divinæ legi contrariæ, vel superstitionis, & inutiles, quas reprehendit Christus *Matth. XV. 3.*, dicens: *Quare vos transgredimini mandatum Dei propter traditionem vestram?*

§. II.

Existit Traditio divina, eaque agnoscenda est ut locus Theologicus, seu regula fidei & morum, continens etiam multa ad salutem necessaria, quæ non habentur in Scripturis.

Lutherani igitur, Calvinistæ, Zuingliani negant, ut iam esse divinam Traditionem, ac proinde docent, nullum desumi posse ex Traditione argumentum ad dogmata Fidei, & Morum confirmanda, quæ omnia docent in solis Scripturis contineri. Qui quidem error pluribus Hæreticis verustioribus communis fuit, ut Wicleffo, ex *Tb. Waldensi Lib. II. c. 19.* Arianis ex *Epiphanio Her. LXIX.*, & *LXXIII.*, Donatistis ex *Augustino Lib. de Unit. Eccl. Cap. 19.* Valentinianis, & Marcionitis ex *Tertulliano de Præscript. & Irenæo Lib. III. c. 2.* aliisque. Imo videtur perpetuus hic fuisse Hæreticorum mos, rejecta Traditione, qua omnes confodiuntur errores, ad Scripturas provocare. Contrarium docent Catholici.

PROPOSITIO.

Divina existit Traditio, eaque agnoscenda est tamquam necessaria Regula Fidei, & Morum.
Est dogma fidei.

Prob. Ab Adamo usque adhuc triplicem Religionis datum nobis ostendit Scriptura, nempe Legis Naturæ, Legis Mosaicæ, & Legis Evangelicæ. Atqui in tripli-

ci illo statu agnoscenda est divina Traditio &c. Ergo
Prob. min. I. De Statu Legis Naturæ nulla potest esse controversia, cum nulla tunc fuerit Sacra Scriptura, & tamen fuerint iusti: iustus autem ex fide vivit Rom. J. 17. sine qua impossibile est placere Deo Heb. XI. 6. Ergo erant tunc veri fideles, qui fidem ex auditu, sive ex Traditione habebant. Idem dicas de iis, qui extra Judaicam gentem pie vixerunt, etiam post scriptam legem Mosaicam. Ergo vera Religio per annos plusquam bis nulle sola Traditione stetit.

II. Sub lege Mosaica, licet scripta, fuisse etiam divinas Traditiones necessariae paret, 1º. Quia nonnulla erant scita, necessaria ad salutem, quæ in Scripturis non continebantur, ex. gr. quinam libri Scripturarum vere essent divini, quodnam esset remedium ad delendum originale peccatum non solum in scæmivis, verum etiam in masculis ante octavum diem &c. quæ nonnisi ex Traditione cognoscebantur: 2º. Quia, in ipsis Scripturis veteris Testamenti mentio fit traditionis, ut Psalmo LXXVII. *Quanta mandavit patribus nostris nota facere ea filiis suis, ut cognoscat generatio altera, filii, qui nascentur, & exurgent, & narrabunt ea filiis suis, ut ponant in Deo spem suam:* 3º. Quia cum de sensu Scripturarum aliqua oriebatur quæstio, nonnisi ex Traditione dirimi poterat.

III. In lege Evangelica Traditionem divinam existere, & necessariam esse probatur, 1º. ex Apostolo II. *Thessal. II. 14. Stare inquit, & tenere traditiones, quas didicistis sive per sermonem, sive per epistolam nostram: quæ verba adeo clare traditionis existentiam, & necessitatem ostendunt, ut scripserit Chrysostomus Hom. II. in Epist. ad Thessal. Hinc patet, quod non omnia per epistolam tradiderunt Apostoli, sed multa etiam sine litteris. Eadem vero fide digna sunt iam illa, quam ista. Itaque traditionem quæque Ecclesie fide dignam putamus: traditio est, nihil quæras, amplius (a). Idem etiam*
 Paulus

(a) Cui conceñit Basilius *Lib. de Spir. S. ep. 27.* Occumenius, & Theophilactus in h. l. Damascenus *Lib. 4. de fid. Cap. 17.* Concilium VIII. generale *Act. ult. Can. 1.*

Paulus in *Epist. II. ad Tim. II. 12.* Quae audisti, inquit, a me per multos testes, haec commenda fidelibus hominibus, qui idonei erunt & alios docere: Nihil clarius pro doctrina non scripta, quam idem Apostolus tum in *I. ad Tim. VI.* tum in *II. Tim. cap. I.* appellat *Depositum* fideliter custodiendum, & ita in aliis Epistolis hortatur fideles, ut permaneant in doctrina, quam ab ipso audierunt. Vide *Estium in Comment.*

20. Multa ad Fidem, & Mores pertinentia, etiam ab adversariis credita, non continentur in Scripturis. Nam quinam Scripturarum libri divini sint, qui vero apocryphi, imo & libros, quos habemus, esse genuinos, & non vitiosos, non nisi ex Traditione sciri potest, unde videmus veteres hac una via genuinos Scripturarum libros a spuriiis differuisse. Vide *Enseb. Lib. VI. Hist. Cap. 10.* & seq. Quod enim nonnulli novatores post *Calvinum Lib. I. Inst. cap. 7. §. 1.* jactant, Spiritum Sanctum interius docere praedestinos, quinam libri sint divini, id non modo falsum est, sed etiam viam aperit unicuique rejicendi pro lubitu libros sacros, sicut *Lutherus* Epistolam *Jacobi* rejicit, quam *Calvinus* admittit. Unde *Brentius in Proleg.* & *Kemnitius in Examine Conc. Trid.* evidentia victi ingenue fatentur, hanc traditionem, qua libros sacros discernimus, solam esse admittendam; cur ergo asserunt, solam Scripturam continere verbum Dei? Cur aliae traditiones diuinae pariter servari non potuerunt? Præterea credunt ipsimet adversarii contra Donatistas, valere baptismum ab hæreticis collatum: contra Anabaptistas valere baptismum parvulorum: contra *Helvidium*, Mariam semper Virginem fuisse; aliaque, quæ in Scripturis non sunt.

30. Certum est, non omnia, quæ *Christus* dixit, scripta esse; nam *Johannes* multa refert, quæ non scriperant tres priores Evangelistæ, & addit *Cap. XX. 30.* & *XXI. 25.* multa se prætermisisse; scripsisse vero, quæ sufficiebant, ut credatur, quia *Jesus est. Christus filius Dei.* Id concedunt adversarii, sed gratis asserunt ea, quæ prætermissa sunt, non fuisse ad salutem necessaria; quod falsum esse patet tum ex eo quod *Christus* nihil inutile prædicaverit, tum ex *Luca* testimonio *Act. I. 3.* qui docet, *Christum* post resurrectionem per dies

dies quadraginta cum Apostolis collocutum esse *de Regno Dei*; hoc est de rebus ad informandam Ecclesie Fidem pertinentibus, & tamen quænam tunc Christus dixerit, silet.

40. Cettum etiam est, *Christum* non omnia per se Apostolis revelasse; inquit enim apud *Joan. Cap. XVI. 12. Adhuc multa habeo vobis dicere*, utique necessaria, sed non potestis portare modo; cum autem venerit, ille *Spiritus veritatis*, docebit vos omnem veritatem: Itaque *Spiritus S.* reliqua revelavit; atque ideo ad cognoscendam omnem necessariam veritatem scire debemus omnia, quæ *Apostoli Spiritu S.* edocli prædicarunt. At hæc ubinam scripta sunt in Libris Sacris? Non in *Actis Apostolorum*, ut legenti patet. Neque in eorum *Epistolis*, quæ scriptæ sunt non ad integrum Religionis systema exponendum, sed ob particulares quasdam causas: Accedit quod ingenue faretur *Brentius in Prolegom.* „Nec gari non debet, nec potest, quin tam *Christus* multa dixerit, & fecerit, quam *Apostoli* multa tradiderint, & instituerint, quæ non sunt ab ipsis litteris comprehensa.“ Ergo nisi dicere velimus, *Apostolos* inutilia prædicasse, concedant necesse est, ea quæ voce prædicarunt, neque litteris consignarunt, perpetuo Religione servanda Ecclesie tradidisse.

50. Doctrina *Christi* per *Apostolos* prædicata diu stetit antequam aliquid ipsi *Apostoli* scriberent: imo testatur *Irenæus Lib. III. Cap. 4.* apud nonnullas barbaras Nationes Christianam Religionem sine litteris etiam suo tempore viguisse. Ex quo patet; Traditionem priorem fuisse, quam Scripturam, a qua non fuit abrogata Traditio; cum præsertim *Christus* Religionem suam instituerit non in tabulis, sed in corde scribendam, ut prædixerat *Ieremias Cap. XXXI. 33.*

60. Si nulla esset divina Traditio, interminabiles essent controversiæ de sensu Scripturarum, ut patet ex ipsorum adversariorum experientia, qui tria jam sæcula inter se digladiantur de sensu verborum, quibus *Eucharistiam* *Christus* instituit; neque adhuc ullis conditionibus inter se pacem inire potuerunt.

70. Patres trium priorum sæculorum, quos adversarii fatentur a vera fide non descivisse, constanter Traditio-

tionis divinæ existentiam, & necessitatem asserunt, ut *Irenæus*, *Tertullianus*, *Origenes* &c. (a) imo passim affirmant potius ex Traditione, quam ex Scriptura revincendos Hæreticos, ut fuse *Tertullianus* *Libro de Prescriptionibus*. *Basilius* vero ex communi sententia totius Ecclesiæ ait *Lib. De Spiritu S. Cap. 27.* Dogmata quæ in Ecclesia servantur, & prædicantur, partim ex conscriptis doctrinæ habentur, partim ex Apostolorum traditione in mysteria ad nos delata recepimus. Quæ utraque eandem ad pietatem vim habent. Ergo patet, necessariam esse, & existere divinam Traditionem, tamquam regulam fidei, & morum, meritoque Conc. Tridentinum id ut fidei dogma definisse *Sess. IV.* his verbis: Traditiones ipsas tum ad fidem, tum ad mores, pertinentes, tamquam vel oretenus a Christo, vel a Spiritu Sancto dictatas, & continua successione in Ecclesia catholica conservatas; pari pietatis affectu, ac reverentia suscipiunt, ac venerantur. Præverat Concilium Nicænum II. *Act. VI. & VII.*, & Concilium VIII. Generale. *Act. VIII. & Act. ult. Cap. 1.* De Traditione fuse tractarunt *Card. Hosius cont. Prolegom. Brentii*; *Petrus a Soto in Defens. adv. Bient Part. II.* *Melchior Canus Lib. III. de Loc.* *Bellarminus Lib. IV. de Verb. Dei*. *Lindanus in Panoplia*, aliq. (b).

Solvuntur objectiones.

Obje. I. Traditio aliquid Scripturæ superaddit. At, qui prohibemur aliquid Scripturis addere. Nam *Deuter. IV. 2.* dicitur: Non addetis ad verbum, quod ego præcipio vobis, nec auferetis ex eo. Et *Apoc. XXII. 18.* Si quis

(a) *Irenæus Lib. III Cap. 2.*, & seq. *Tertullianus Lib. I. cont. Marcion. Lib. de Prescrip. & al.* *Origenes in Cap VI. Epist. ad Rom. & Hom. V. in Num.* *Cyprianus Epist. LXIII. ad Cecil & alii*.

(b) Inter Vetères legendi *Tertullianus De prescript.* & *Litigenis* & *communitorium*; inter Recentiores lectu digna sunt quæ habent *Wallenburgh De methodo prob. fid.* *Perpetuè de la foi Tom. VI.* *Bosuet Tom. III. Op. post.*

quis apposuerit ad hæc, apponet Deus super illum plagas. Ergo.

R. Dist. maj. Traditio aliquid addit Scripturæ contrarium, *neg.* non contrarium, sed potius aptum ad Scripturam defendendam, & intelligendam, *transfert*; nam potius Scriptura superaddita est Traditioni, quæ & ipsa continebat verbum Dei, antequam Scriptura ulla ederetur. *Dist. & min.* Prohibemur aliquid addere Scripturæ contrarium, quales erant traditiones Phariseorum, quos Christus reprehendit *Matth. XV. 3.* dicens: *irritum fecistis mandatum Dei propter traditiones vestras, conc.* non contrarium, *subd. st.* Si a nobis ipsis confectum sit, *conc.* Si ab ipso Deo revelatum, & nobis traditum, *neg.* Traditio igitur non ab homine superadditur Scripturis, sed ab ipso Deo proficiscitur, & ideo Scripturæ contraria non est. Prohibemur quidem de nostro aliquid addere Scripturis, quod earum sensum evertat, vel ut a Deo revelatum vendicaretur, sed si additio quæcumque vetita fuisset laudatis locis, illicitum fuisset alios libros sacros scribere post Deuteronomium, & Apocalypsin.

Inst. Prohibemur addere non solum contra, sed etiam præter Scripturam. Apostolus enim. *Galat. I. 8.* ait; *Licet nos, aut Angelus de cælo evangelizet vobis, præterquam quod evangelizavimus vobis, anathema sit, quem locum sic exponit Augustinus Lib. III. contr. lit. Petri. c. 6.* Si quis annuntiaverit, præterquam quod in Scripturis legalibus, & Evangelicis accepistis, *anathema sit.* Et Basilii *Serm. De Fidei confes.* generatim ait: *Infidelitatis argumentum erit, & signum superbiæ certissimum, si quis eorum quæ scripta sunt, aliquid velit rejicere, aut eorum, quæ non scripta, introducere.* Ergo.

R. Neg. ant. 1º. Enim Apostolus non ait: *præterquam quod scripimus, sed præterquam quod evangelizavimus, & v. 9. præter id quod accepistis.* Evangelizaverat autem non solum scripto, sed præcipue verbo. 2º. Vocem *præter* usurpat pro *contra*; dixerat enim *v. 6. miror, quod sic tam cito transferimini in aliud Evangelium.* Eodem sensu usus erat ea voce *Rom. ult. 27. Rogo autem vos, fratres, ut observetis eos, qui dis-*
sen-

sentiones, & offendicula præter doctrinam, quam vos didicistis, faciunt. Simili sensu semetipsum explicat Augustinus Tract. LXXXIX. in Job. Non ait plusquam accepistis, sed præterquam quod accepistis; nam si illis diceret, sibi ipsi præjudicaret, qui cupiebat venire ad Thessalonicenses, ut suppleret quæ illorum fidei defuissent, sed qui supplet, quod minus erat, addit, non quod inerat solit: qui autem prætergreditur regulam fidei, non accedit in viam, sed recedit de via. Idem responsum esto ad Basilii sententiam.

Objic. II. Idem Apostolus II. Tim. III. 16. ait: Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instructus. Ergo sola Scriptura sufficit, nec necessaria est traditio.

R. Neg. conf. 1^o. Enim argumentum probat nimis. Apostolus enim loquitur de Scripturis, quas dicit, Timotheum ab infantia didicisse h. e. de veteri Testamento, unde sequeretur, sufficere vetus Testamentum, imo omnem quemcumque librum veteris Testamenti. 2^o. Non dicit: omnis scriptura sufficit, sed utilis est, ad hominem perficiendum, quod nos concedimus.

Objic. III. Multis scripturarum locis traditiones damnantur. Sic Matth. XV. 3. ait Christus: Irritum fecistis mandatum Dei propter traditionem vestram. Et Apostolus Colos. II. 8. Videte, ne quis vos decipiat per philosophiam, & inanem fallaciam secundum traditionem hominum. Quibus similia in aliis scripturæ locis habentur. Ergo.

R. Diss. ant. Damnantur traditiones humanæ ad labefactandum Dei verbum excogitatæ, quales erant traditiones Rabinorum, quas legere est in eorum Talmud, & traditiones Gentilium philosophorum, conc. Traditiones divinæ, neg. Responsio patet ex ipso Scripturarum contextu, & ex communi Patrum interpretatione, ut Irenæi Lib. IV. Cap. 25. Epiphaniæ Hæres. Ptolomæi: Hieronymi in Cap. VIII. Is. & in Cap. III. ad Tit. & Epist. ad Algas.

Objic. III. Patres docent, solas sufficere Scripturas. Nam Irenæus Lib. III. Cap. 1. ait: Quod tunc prædica-

ve

verunt Apostoli, postea per Dei voluntatem in Scripturis nobis tradiderunt, si non omnia omnino, saltem quæ necessaria erant, & sufficiebant; Cyrillus etiam Alexandrinus Lib. XII. in Job. cap. ult. ait: Non omnia, quæ Deus fecit, scripta sunt, sed quæ scribentes tam ad mores, quam ad dogmata putarunt sufficere. Cui concinit Augustinus Tract. XIX. in Job. dicens: Electa sunt, quæ scriberentur, quæ salutem credentium sufficere videbantur. Ergo etc. Novatores licet parvi faciant Patrum auctoritatem, avidè tamen ex ipsis attripiunt, quod sibi favere falso credunt.

R. *Dist. ant.* Sufficere *mediate*, b. e. media adhibita traditione, quam ipsa Scriptura commendat, *conc.* Sufficere *immediate*, *subdist.* Ad præcipua dogmata, quæ necessario ab omnibus explicite credenda sunt, ut est Dei existentia, Providentia, Trinitas, Incarnatio *conc.*, Ad omnia, *neg.* Irenæus non ait: omne quod prædicaverunt, scripserunt, sed scripserunt idem quod prædicaverunt, quod verum est, licet non omnia scripserint. Cyrillus, & Augustinus asserunt, scripta esse, quæ sufficerent, 1º. quia cum ipsa Scriptura nos doceat, divinas tenere traditiones, jam aliquo sensu dici potest Scripturas sufficere: 2º. Quia ad ea quæ omnibus necessario scienda, & credenda sunt, aliquo pacto Scripturæ sufficiunt; licet etiam in ipsis explicandis, & vindicandis a falsis hæreticorum interpretamentis, sæpe Traditio necessaria sit.

Objic. IV. Sæpe Patres ad solas Scripturas provocant Hæreticos. Sic Tertullianus cont. Hermog. Cap. 22. Adorip Scripturæ plenitudinem, qua Deus mihi & factorem manifestat, & facta. Athanasius Orat. cont. Gent. n. 1. Sufficiunt per se sacra, & divinitus inspirata Scripturæ ad veritatis indicationem. Et Epist. 1. ad Serapion. n. 19. Sufficiunt quæ in illis reperies documenta. Ergo.

R. *Dist. ant.* In iis quæ clare in Scripturis posita sunt, qualia erant, quæ tunc contra hæreticos asserabant, *conc.* in omnibus, *neg.* Tertullianus enim contra Hermogenem agebat de sola creatione, quæ aperte in Scripturis continetur. Athanasius in orat. contra gentes dno probat, nempe idola non esse Deos, & Christum esse verum Deum, verumque hominem, ad quæ præbanda Scripturæ sufficiunt. In Epistola vero ad Sera-

pionem docet, satis esse Scripturas ad refellendas Arianorum blasphemias.

Inst. Partes docent, omnia credenda in Scripturis contineri; imo nonnulla rejiciunt tamquam falsa, vel ob id solum, quod in Scripturis non continentur. Sic Chrysostomus *Hom. I. in Epist. ad Tit.* Omnia, inquit, Evangelium continet & presentia; & futura; honorem, pietatem, fidem. Similia alibi docet *Homil. XCI. in Psal. Homil. XIII. in Epist. II ad Cor. & in Cap. XXII. Matth.* Augustinus *Lib. II. de doct. Christi. cap. 9.* In his, quæ aperte posita sunt in Scripturis, inveniuntur illa omnia, quæ continent fidem, moresque vivendi. Idem sæpe alibi repetit *Lib. II. de peccat. merit. Cap. ult. Lib. III. cons. lit. Petil. Cap. 6. Lib. de bono viduit. & al.* Et Hieronymus in *Cap. 1. Epist. ad Tit.* Sine Scripturarum auctoritate garrulitas non habet fidem. Et in *Cap. XXI. Matthæi.* Hoc quia de Scripturis auctoritatem non habet, eadem facilitate contemnitur, quæ probatur: quod & antè scripserat Origenes *Homil. I. in Hierem.* Necessè nobis est Scripturas sanctas in testimonium vocare. Sensus quippe nostri, & narrationes sine his testibus non habent fidem. Ergo.

R. Diss. ant. Docent; omnia in Scripturis contineri vel immediate, vel mediate, *cont.* omnia immediate, *Subdiss.* Quæ omnibus scitu necessaria sunt necessitate modii, transeat; Omnia omnino, *neg.* Et ita aperte docet Augustinus *Lib. I. cont. Crescon. c. 33.* Scriptura a nobis veritas tenetur, quando id facimus, quod universa Ecclesie placet, nisi nihil de ea re scriptum legamus. 2^o. Chrysostomus nomine Evangelii non solum intelligit Scripturam, sed universam Ecclesie doctrinam, quæ partim Scriptura, partim traditione continetur, in aliis vero locis, quibus aut sufficere Scripturam docet, aut quod non scriptum est rejicit, loquitur de singularibus, quæ tractabat, argumentis, rejicitque traditiones hominum ingenio excogitatas. 3^o. Hieronymus in *Cap. 1. Epist. ad Tit.* loquitur de hæreticis, qui Scripturam usurpare audent, sine qua eorum garrulitas non haberet fidem. Et in *Cap. XXI. Matthæi.* loquitur non de traditionibus, sed de singulari quadam sententia ex apocrypho libro depromta, quæ quidam asseriebant, *Zachariam*
Temp. I. G giam

riam filium Barabae, quem Christus *Matth. XXII.* dicit occisum inter templum, & altare, fuisse patrem Johannis Baptiste; sicut etiam in *Lib. contra Helvidium*, qui falso assererat, B. Virginem post mortem S. Joseph alteri nupsisse, scribit: *sicut hæc quæ scripta sunt non negamus, sic ea, quæ non sunt scripta, remittimus.*

Objic. V. Cyprianus Epist. LXXIV. ad Pompejum hæc habet de traditione, quam Stephanus ipsi obiebat de hæreticis non rebaptizandis: *Unde est ista traditio? Ea facienda esse, quæ scripta sunt, Deus testatur. . . . Si ergo aut in Evangelio precipitur, aut in Apostolorum Epistolis, & Adibus continetur. . . . observetur hæc divina, & sancta traditio.* Ergo aperte rejicit traditionem.

R. Transfert conf. Cyprianus enim in eo errabat, improbens baptismum ab hæreticis datum, quod ipsi adversarii ex traditione credunt esse validum; Dixi *transfert*, quia Cyprianus non omnem respuebat traditionem, sed illam tantum, quæ tunc ipsi obiebatur, falso putant, eam esse non divinam, sed humanam, & verbo Dei contrariam. Ceterum eum traditiones in universam non respuisse patet, ex *Epistola LXIX. Admonitos nas scias*, inquit, *ut in calice offerenda Dominica traditio servetur; ut calix mixtus vino offeratur.*

Objic. VI. Fidei dogmata committi non debuerunt custodiæ infidæ, & fallaci; Atqui talis est traditio; quod enim de ore in os transit, vel malitia, vel imperitia hominum facile mutatur, & deperditur. Unde Poëtæ famam pingunt tot variatam coloribus. Ergo &c. Hinc *Augustinus Tract. II. in Epist. Joh.* ait, *Deum contra insidiosos errores firmamentum ponere voluisse in Scripturis.*

R. Diss. min. Fallax est traditio, si spectetur seorsim a providentia Dei, qui Ecclesiam fundavit, & regit, sine qua providentia ipsæ Scripturæ facile depravati, & deperdi possent, *conc. Sæpius, neg.* Si ergo Deus in Ecclesia sua per annos plusquam bismille in statu Legis Naturæ veram fidem servavit per solam traditionem, sine ulla Scripturis; quanto magis in Legge Evangelica, in qua promisit, fore ut nunquam porta inferi adversus Ecclesiam prevaleant; & in qua traditioni addidit etiam

etiam firmamentum Scripturarum contra insidiosos quosdam errores, eos scilicet, qui contra præcipua fidei dogmata spargi poterant, de quibus loquitur *loc. cit. Augustinus*. Præterea cum De providentia omnia suaviter disponat, ne traditiones interirent, adjumenta etiam suppeditavit, scilicet Scripta SS. Patrum, Acta Conciliorum, Festorum annuas celebrationes, Pastorum diligentiam etc.

Objec. VII. Sacre litteræ Deo inspirante conscriptæ sunt, ut essent nobis Fidei, et Morum Regula, ut sæpe docet *Augustinus Lib. XIX. De Civ. Cap. 18. & al.* At opera Dei perfecta sunt. Ergo Scriptura est perfecta Fidei, & Morum Regula, ut traditione non sit opus.

R. Dist. ant. Sacre litteræ scriptæ sunt, ut essent Fidei, et Morum Regula *partialis, conc. Unica*, et *totalis, neg.* Una est ergo Regula Fidei, et Morum, Verbum Dei, quod continetur partim in Scriptura, partim in Traditione, quarum unaquæque in suo genere perfecta est.

Inst. Scriptura *totalis*, et unica regula est, ad quam Patres asserunt exigendas esse, tamquam ad Lydium laodæm, omnes Ecclesiasticorum Scriptorum sententias. Sic *Augustinus Epist. XII. al. XIX. ad Hieron.* „Ego, „inquit, fereor charitati tuæ, solis eis Scripturam, „libris, qui jam Canonici vocantur, didici hunc ti- „morem, honoremque deferre, ut nullum eorum au- „ctorem scribendo aliquid errasse, firmissime credam. „Alios autem ita lego, ut quantalibet sanctitate, „doctrinaque præpolleant, non ideo verum purem „quia ipsi ita senserunt, sed quia mihi vel per illos „auctores Canonicos, vel probabili ratione que a ver- „bo non abhorreat, persuadere potuerunt. „*Hieronymus* quam fuerit acer Scriptorum Ecclesiasticorum, quos nunc ut Patres laudamus, censor, ex ejus Libro de Scrip- „toribus Ecclesiasticis, aliisque operibus patet. Denique „ut alios prætermittamus, S. Thomas I. 2. *Præq. I. art. 8. ad 2.* hæc habet: „Sacre doctrina utitur auctoritate ca- „nonicæ Scripturæ propriæ, et ex necessitate argumentan- „do, auctoritatibus vero aliorum Doctorum Ecclesiæ, „quasi argumentando ex propriis, sed probabiliter. In- „nititur enim fides nostra revelationi Apostolis, et Pro-

„ pheris factæ, qui canonicos Libros Scripserunt “. Ergo si ad Scripturam, tamquam ad Regulam, comparanda est ipsa Patrum doctrina, testat, ut Scriptura unica, et totalis regula sit.

R. *Dist. ant.* Patres docent, ad Scripturas, tamquam ad Regulam, exigenda esse quorumlibet Scriptorum opera, si seorsim singuli inspiciantur, *conc.* Singulos enim seorsim falli potuisse concedimus. Si omnes simul in eandem conspirent sententiam, eamque tradant ut divinitus revelatam, *neg.*

Inst. Traditionis prætextus erroris occasio est. Sic Papias regnum Christi millenarium post resurrectionem futurum finxit quasi ex Traditione, et ita multos in errorem induxit. Ergo.

R. 1^o. Si hoc valeret argumentum, etiam Scripturæ rejicienda esset, quia etiam illa abusi sunt hæretici, partim apocryphas Scripturas venditando pro veris, partim veras Scripturas ad suos sensus detorquendo. Sed quia non desunt rationes Scripturas, et traditiones veras a falsis dignoscendi;

R. 2^o. *Dist. ant.* Et nulla ratio suppetit, qua deregatur error, *neg.* et multis rationibus cognosci potest, et caveri error, *conc.* Sic omnibus SS. Patrum operibus inspectis paruit, non esse ex traditione divina fictitium mille annorum regnum, sed ex male intellectis verbis Apocal. XX. 46. & regnabunt cum Christo mille annis. Quænam ergo ratio sit, et quænam regulæ, quibus Veræ a falsis traditionibus dignoscantur, videamus.

§. III.

Regule, quibus Traditio Divina ab Apostolica, Ecclesiastica, & humana discernitur.

Adv. I. Traditio Divina, Apostolica, et Ecclesiastica facile ab humana discernuntur. Traditiones enim humanæ nullum habent in scriptis Sanctorum, aut in Ecclesiæ canonibus fundamentum, et plerumque superstitiosæ sunt, et Scripturis contrariæ.

II. Facile etiam Traditiones Divinæ, et Apostolicæ ab Ecclesiasticis discernuntur. Hæc enim non semper, nec ubi.

ubique in Ecclesia vixit : illæ vero semper in Ecclesia universa servatæ sunt. Unde *Augustinus Lib. IV. cont. Donat. Cap. 24. Quod universa*, inquit, *tenet Ecclesia, nec conciliis institutum, sed semper retentum est, nonnisi auctoritate Apostolica traditum rectissime creditur.*

III. Difficultas ergo solum remanet de Divinis Traditionibus discernendis ab iis, quæ Apostolicæ sunt; nam utraq; semper, et ubiq; vixerunt, et Patres aliquando Traditionem Divinam vocant Apostolicam, et vicissim. Sic *Augustinus Lib. X. de Genes. ad lit. c. 25.* dicit, parvulorum baptismum esse traditionem *Apostolicam*, cum tamen divina Traditio sit. E contrario *S. Leo Serm. IV. de Quadrag.* jejunium quadragesimale divinam traditionem appellat, cum Apostolica sit traditio.

IV. Testes traditionis sunt SS. Patres, et statuta veterum Conciliorum. Patrum autem nomine intelligimus eos tantum, quos Ecclesiæ consensus eo nomine donavit, eo quod doctrinæ fidei, et morum Defensores, et Doctores antiquitus fuerint; ideoque filios quodammodo Christo genuerint. Addunt nonnulli, ut eo nomine proprie aliqui Scriptores appellentur, oportere, ut fuerint viri sanctitate illustres, et qui a fide vel numquam delectent, vel saltem in ea mortui sint. At enim *Lirinensis*, eorum dumtaxat Majorum consulendas esse sententias, qui in fide, & communionem catholicam sancte, sapienter, constanter viventes, docentes, & permanentes vel mori in Christo fideliter, vel occidi pro Christo feliciter meruerunt. Ex quo sequitur, proprie inter Patres recensendum non esse *Tertullianum*, qui postquam strenue contra Gentiles, Judæos, et Hæreticos pro fide catholica decertavit, tandem Montanistarum cæno adhesit; nec scripta *Origenis*, quia vel ab ipso, vel ab Hæreticis varia errorum labe aspersa sunt. Laudantur tamen opera *Tertulliani* vel quæ ante hæresim scripsit, vel in iis, quæ ad Montani cognata non pertinent, sicut et *Origenis* Scripta, ubi ille ceteris conionat, vel non ex sua, sed ex universæ Ecclesiæ sententia loquitur. Idem de *Eusebio Casariensi* dicas, qui nonnulli Arianismi suspectus est, aliisq. qui nonnisi improprie Patres appellantur.

S. Bernardus sæc. XIII. ultimus Patrum habetur; nam SS. Thomas, et Bonaventura Doctores sæcius, quam Patres appellantur; eo quod Theologiam alia methodo docuerint, quam a Patribus eo usque tradita erat. Sylvius tamen, eos etiam Patrum nomine donandos contendit. *Opus. V. Lib. VI. Q. I. art. 1.*

PROPOSITIO

Sunt certe Regule, quibus Divina Traditio ab Apostolica dignoscatur.

Prob. Enumerando, & probando regulas ipsas. *Ia. Regula.* Unanimis consensus omnium Patrum, qui ab initio Ecclesie per omnium sæculorum successiones dogma aliquod, licet non expressum in scripturis tenuerunt, ejusque contrarium ut hæreticis refutarunt, certissimum est divinæ traditionis argumentum. Talia sunt dogmata de perpetua Deiparæ Virginitate, de materia, & forma omnium Sacramentorum, saltem in genere &c.

IIa. Reg. Quando hic consensus non est unanimis, tunc ante Ecclesie definitionem non parit quidem certitudinem Fidei, tamen præbet Divinæ Traditionis argumentum majus, aut minus pro majore, aut minori numero, & gravitate Patrum, qui dogma illud docent; imo etiam certum; si consensus ille sit *moraliter* unanimis, cum scilicet paucissimi contraverint. At post Ecclesie definitionem, argumentum est Divinæ Traditionis certissimum.

IIIa. Reg. Quando Patres omnes aliquid servandum docent pertinens ad Ecclesie disciplinam, quod non excedat potestatem a Christo Apostolis concessam, prætest Apostolica censeri traditio, nisi forte constanter doceant, divinam esse traditionem ab ipso Christo institutam, nec ullibi eam tribuant Apostolis.

Regula autem *IIa.* probatur ex Apostolo I. Cor. XII. 28. ubi ait. *Quosdam quidem posuit Deus in Ecclesia, primum Apostolos, secundum prophetas, tertio doctores, & Ephes. IV. vi. Et ipse dedit quosdam Apostolos... alios autem Pastores, & doctores, ut jam non simus parvuli fluctantes, & circumferimur omni vento do-*
Ari-

Grine. Ergo si Pastores omnes, & doctores Ecclesie errassent in aliquo dogmate tradendo, quasi illud divinitus revelatum esset, infirmum fidei presidium in Ecclesia posuisset Deus; quod absurdum est; imo ipsa Ecclesia in Fide errare posset, cum nonnisi a suis Doctoribus eam abdiendo hauriat, quod quidem etiam absurdum esse infra probabimus, ubi de Ecclesia dicemus. Hinc Vincentius Lirinensis *Commonit. Cap. 4. Quidquid*, inquit, *non unus aut duo tantum; sed omnes pariter uno, eodemque consensu aperite, frequenter, perseveranter tenuisse, scripsisse, docuisse cognoverit, id sibi quoque intelligat absque ulla dubitatione credendum.* Idem repetit *Cap. 39. ad 42.* & inculcat exemplo Ephesini Concilii, cui placuit nihil aliud posteris credendum decernere, nisi quod sacrata SIBI CONSENTIENS SS. Patrum tenuisset antiquitas. Nec solum Ephesini Concilii, sed omnium Conciliorum eadem mens fuit, unde merito Tridentinum *sess. IV.* vetat, ne quis ipsam S. Scripturam contra unanimem SS. Patrum consensum interpretari audeat, certo credens, unanimem hunc consensum fallum esse non posse.

Regula vero 2^a. probatur ex eo, quod Ecclesie doctores seorsim singuli errare possunt; unde Augustinus *Epist. CXLVIII. al. CXI.* *Negue vero*, ait, *quorumlibet disputationes velut Scripturas Canonicas habere debemus, ut nobis non liceat, salva honorificentia, que illis debetur hominibus, aliquid in eorum scriptis improbare, atque respuere, si forte invenerimus; quod aliter senserint, quam veritas habeat divino adjutorio vel ab aliis intellecta, vel a nobis.* Ceterum quoniam facti alicujus extrinseca probabilitas ex numero, & gravitate testium aestimari debet, hinc pro majori, vel minori numero, & gravitate Patrum divinæ traditionis testium, major, vel minor erit rei probabilitas, imo & moralis certitudo, si consensus sit moraliter unanimis. Cui si accedat definitio Ecclesie, quam suo loco probabimus infallibilem, certitudinem Fidei habebimus.

Ceterum quinam Patres ceteris graviores habendi sint, merito quaeritur. Et quidem 1^o. qui in Sanctorum numerum ab Ecclesia relati sunt, ceteris paribus, sine dubio alios gravitate vincunt. Hinc major S. Justini, &

Ilenzi, quam Clementis Alexandrini auctoritas, quem Benedictus XIV. *Præf. in Martyrol.* ostendit, non quam ab Ecclesia universa Sanctorum catalogo adscriptum.

20. Qui ex professo hæresim aliquam suo tempore exortam impugnaverunt, sunt ceteris in eo dogmate præferendi; sic in rebus ad Verbi Divinitatem pertinentibus Athanasius: ad Incarnationem Cyrillus Alex.: ad Gratiâ, & Prædestinationem Augustinus inter omnes eminent.

30. Qui post exortas hæreses floruerunt, gravioris sunt auctoritatis, quam ii qui præcesserunt. Hinc Hieronymus ait: *Patres qui ante Arium scripserunt, innocenter quedam, & minus caute locutos Lib. II. Apolog. cont. Ruffin.* quod & sæpe Augustinus observat de iis, qui ante Pelagium floruerunt.

40. Si qui loquuntur ex Ecclesiæ sensu, seu rem ita ab Ecclesia credi affirmant, præferendi iis, qui, tamquam suas, proponunt opiniones. Imo si quis doceat aliquid ab universa Ecclesia prædicari, nec contrarium affirmetur ab aliis, erit ejus testimonium certissimum, licet nondum dogma fidei. Hinc Augustinus *Lib. I. cont. Julian. Cap. 5.* Juliano unum opponit Nazianzenum, & alibi *Lib. III. Cap. 17.* unum Cyprianum.

50. Quos Ecclesia semper tamquam viros scientia, & pietate præcellentes venerata est, majorem sibi auctoritatem vindicant, ut Augustinus tot Pontificum, & Conciliorum encomiis laudatus, Gregorius M. Leo M. aliiq.

Tertia vero Regula ex ipsa ejus expositione rectè rationi videtur consentanea.

Solvuntur objecta.

Obje. I. c. I. : Reg. Singuli Patres errare possunt, quia homines sunt, & revera multa eorum errata collegerunt Rivetus *Tract. de Auctorit. PP.* Dallæus *De Usu Patr.* Barbeyracus *Traité de la Moral des Pères:* Clericus Basnagius, aliiq. Ergo & omnes.

Æ. Neg. conf. Singuli enim Patres non constituunt consensum universæ Ecclesiæ, sicut constituunt omnes simul sumpii. Dei autem promissiones non singulis solum hominibus, sed universæ Ecclesiæ factæ sunt, ut infra dicemus. Licet ergo singuli errare potuerint, non om-

omnes. Advertendum tamen est, multa, quæ ab hæreticis obijciuntur singulis seorsum Patribus, meras esse calumnias; vel eorum opiniones ad philosophiam, aut historiam pertinentes, in quibus non contendimus, majorem eorum esse auctoritatem, quam rationem, cui innituntur; concedimusq. eos falli potuisse. Vide Muratorium *Lib. De Ingenior. moderat.* P. Baltum, Bossuetum, Natalem Alex. (a).

Inst. Omnium simul Patrum consensus humanum testimonium est. Ergo est errori obnoxium: *omnis enim homo mendax.*

R. Dist. ant. Est testimonium humanum divina auctoritate, atque præsidio fultum; *conc.* humanum simpliciter, *neg.* Sic *Omnis* quidem *homo* seorsum *mendax* est; sed non omnes simul homines, nam omnium simul hominum testimonium etiam in rebus humanis falsum esse non potest.

Inst. 2. Omnes fere Patres sæculi II. & III. Millennium dogma secuti sunt: item omnes Patres usque ad D. Bernardum negarunt, B. Virginem immunem fuisse ab originali peccato. Utrumque dogma falsum esse tenet catholica Ecclesia. Ergo.

R. Neg. maj. quoad ambas ejus partes, de quibus fufus dicemus in Tractatu de Deo, & de Peccato Originali.

Objic. II. cum Dallæo *Lib. I. de usu Patrum* a C. 1. usque ad 11. Paucissima supersunt opera Patrum trium priorum sæculorum; quæ autem supersunt, partim supposititia, partim interpolata videri possunt; partim etiam ita sunt obscura, ut quæ fuerit eorum mens, certo non constet. Ergo quæ sit Divina, quæ Apostolica quæ Humana Traditio, ex illorum scriptis extundi non potest.

R. Dist. unt. Et tamen non dicimus petenda esse ar-

84.

(a) Baltus *Defense des J. Peres*. Natalis Alexander *Differt. XVI. in Hist. Eccl. Sæc. II.* Bossuet *Defense de la Tradition.*

genuina, nisi ab his, quæ supersunt, genuinis, non interpolatis, & clavis, conc. tecus, Arg. Licet enim multa verniorum Patrum opera iniuria temporum perierint, supersint tamen, quæ sufficiunt ad Traditionis seriem. Licet nonnulla supposititia sint; tamen hæc opes crifices facile a genuinis secerantur. Licet nonnullis in locis obscura sint, tamen in multis sunt clarissima. Nos autem non utimur supposititiis, aut interpolatis, aut obscuris. *Vide Nat. Alexandrum Dissert. XVI. in Hist. Eccl. sec. XI. Bossuet. in Defens. Tradit. qui de hoc argumento fusius scripserunt.*

CAPUT III.

De Sacra Scriptura.

STatuto Traditionis præsidio, facile profugiantur quæ in hoc tractatu a veritate aberrant; oppugnantur enim non solum Scripturis, quas recipiunt, sed etiam traditione.

§. I.

Sacra Scriptura notio, & definitio.

Adv. I. Demonstravimus superiori libro, Scripturam sacram divinitus inspiratam esse. At *Cappellus*, & alii post *Erasmum Annot. ad Cap. II. & XXVII. Matth.* tenent, non esse inspiratam in omnibus, & singulis partibus, quod & nonnulli veteres affirmaverant, ut *Anomei*, alique apud *Epiphanium, Hieronymum, & Augustinum* (a). Imo *Grotius* nullam in libris Historicis S. Scripturæ inspirationem agnoscit.

II. Inter Catholicos nonnulli docent, non solum sententias, verum etiam verba divinitus inspirata esse. Ita

(a) *Epiphanius Hæres. LXXVI. Hieron. in Cap. V. Mich. Augustinus Lib. II. cont. Adversar. Leg. & Proph. Cap. 2.*

tenent *Essius in Cap. 3. 11. ad Tim. Academia Lovanienfis, & Duacensis*, alique graves Theologi. Alii post *Bellarminum Lib. I. de Verbo Dei Cap. XV.* censent, exceptis mysteriis Fidei, quæ rationem humanam superat, & in quibus verborum mutatio errori obnoxia esset, in reliquis solum tantummodo divinitus inspiratum esse; verba vero permixta esse delictui Sacri Scriptoris.

III. Divina inspiratio tria comprehendere potest, 1^o. Revelationem veritatis ignotæ, 2^o. Incitationem, seu divinum quendam impulsum ad scribendum, salva scriptoris libertate, addito tamen præsentis Dei auxilio, seu, ut ajunt, *assistentia*, ne in scribendo erraretur, 3^o. Simplex Dei auxilium, seu adfidentiam; Fazendum est, non omnes Scripturæ partes fuisse divina revelatione perfectas; nonnulla enim S. Scriptores vel suis oculis viderant, ut Moyses plagas Egyptiorum, vel a testibus fide dignis acceperant, ut Lucas Historiam Evangelicam *Luc. I. 2.* Fazendum etiam, non sufficere simplicem in scribendo adfidentiam, alias canones Conciliorum, qui etiam Spiritu S. adfidente conditi sunt, essent Scriptura divina. Restat ergo divinus ille impulsus, qui & afflatus & inspiratio dicitur, de quo quæri potest, an etiam ad singulas Scripturæ partes, & ipsa verba perringat.

PROPOSITIO.

Sacra Scriptura est Verbum Dei scriptum, ipso inspirante singulas ejus partes, saltem quoad sensum.
Est dogma fidei.

Verba illa: *est verbum Dei* exprimunt id, in quo Scriptura cum Traditione convenit, reliqua notant differentiam, quæ Scripturam a Traditione discernit.

Prob. 12. pars de tota Scriptura. Petrus Ep. II. c. 1. v. 20. *Omnia prophetia Scripturæ propria interpretatio non fit; non enim voluntate humana allata est aliquando Prophetia, idest ipsa Scriptura, sed Spiritu Sancto inspirati locuti sunt Sancti Dei homines.* Et Paulus II. Tim. III. 16. *Omnia Scriptura divinitus inspirata*

utilis est ad docendum &c. & Matib. XXII. 43. Quod modo ergo David in Spiritu vocat eum Dominum dicens: Dixit Dominus Domino meo sedes a dextris meis? & Luc. I. 7. Sicut locutus est per os Sanctorum. Ergo.

Prob. II. ex Traditione 10. In Symbolo enim Constantinopolitano de Spiritu S. dicitur: qui locutus est per prophetas. 2º. Patres uno ore docent S. dicitur. quod fuisse dictatam, protatam, compositam a Spiritu S. qui ejus est auctor & inspirator, cum Sacri Scriptores consueverimus, & manus videri debeant. Vid. Irenaeum Lib. II. cont. her. cap. 38. n. 2. Augustinum Lib. I. de cons. Evang. 6. ult. Gregorium M. Praefati in Morali c. 1. n. 2. aliosque. Ergo.

Prob. 21. pars de singulis Scripturae partibus ratione, & auctoritate Augustini Lib. I. de doctr. Christ. c. 37. Si concedatur, aliquam Scripturae partem non a Spiritu Dei, sed hominibus fuisse dictatam, nulla erit Scripturae pars; de qua dubitari non possit, verum tamen divinae ejus inspirata, atque ita divina inspiratio prorsus esset inutilis; situbabit namque fides nostra, si divinum Scripturarum vacillet auctoritas (a).

Diximus autem saltem quoad sensum, quod sufficit, ut Scriptura divinitus dictata, & inspirata dicatur in singulis ejus membris; sicut si quis Epistolam amantem dictet quoad sensum, utique Epistolae auctor est, & dicitur, licet scribenti permittat verborum delectum. Imo quamvis Estii, atque Academia Lovaniensis, et Duacensis sententia gravibus nitatur momentis, verosimiliter tamen videtur sententia Bellarmini, 1º. quia auctor libri II. Machab. cap. II. v. 27. testatur, se multo labore opus illud confecisse, et cap. ult. veniam petit, si minus digne scripserit, quod absurdum esset, si Spiritus S. ipsa verba dictasset: 2º. quia huic sententiae favent Dionysius Alex. apud Euseb. Lib. VII. Hist. eccl.

(a) Idem docent Basilus Rom. X. in Hexam. Chrysostomus Rom. 3. ad Popul. Hieronymus in Cap. III. ad Ephes.

cap. 14. *Arnobius Lib. 1. contra Genc. Hieronymus Epist. ad Augustinum, Augustinus Lib. II. de Conf. Evang. Cap. 28. n. 67.*

Corollarium.

Nihil igitur est in Scriptura sacra, quod verum non sit, non solum in dogmatibus, sed etiam in historia, et chronologia. Omnia enim divinitus inspirata sunt saltem quoad sensum. Deus autem verax est *Rom. III. Non est quasi homo ut mentiarur Num. XXV.* Unde *Augustinus Epist. LXXXII. al. XXIX illis libris* . . . didici hunc timorem, honorisque deferre, ut nullum eorum auctorem scribendo errasse aliquid firmissime credam, ne si aliquid in eis offendero libris, quod videtur contrarium veritati, quod quidem solum in Chronologia, aliisque levioribus accidere solet, nihil aliud, quam vel mendosum esse codicem, vel interpretationem non asscutum esse quod dictum est, vel me minime intellexisse non ambigam, quod repetit *Lib. II. contra Faust. cap. 5.*

Solvuntur objectiones.

Objectiones incredulorum contra Scripturam universam partim refutavimus *Lib. I.* partim apud interpretes nostros refutatas reperies. Nunc videamus quæ precipue moveri solent contra nonnullas Scripturæ partes.

Obj. 1. Sacri Scriptores videntur aliquando memoria lapsi. Sic *Matthæus Cap. XXVII. 9.* citat *Jeremiam* pro *Zacharia*. *Marcus Cap. 1. 2.* citat *Isaiam* pro *Malachia*. & *Cap. II. 25*, & *26.* refert, Christum Judæis dixisse: Numquam legistis quid fecerit David, quando esurivit ipse, & qui cum eo erant? quomodo introiit in domum Dei sub Abiathar Principe Sacerdotum, & panes propositionis manducavit? cum tamen id acciderit sub Achimelech, ut patet ex *I. Reg. 21.* Item *cap. XV. 25.* ait: erat autem hora tertia, & crucifixi erunt eum, cum *Joannes Cap. XIX. 14.* scribat id contigisse hora quasi sexta. *Lucas etiam Act. VII.* refert concionem *S. Stephani*, nonnulla scribit contra hi-

bi-

historiæ veritatem, ut cum ait v. 16. *Translati sunt in Sichem*, & positi sunt in sepulcro, quod emisit Abraham pretio argenti a filiis Hemor filii Sichem, cum constet ex Gen. Cap. XXIII. Abraham emisit agrum ab H. bron Heſheo filio eor., Jacobum vero Gen. XXXIII. a filiis Hemor patris Sichem alium emisit agrum non pretio argenti, sed centum agnis. His adde locutiones quasdam dubias, ut quasi mensibus tribus Luc. I. 56., quasi annorum triginta Luc. III. 23. Atqui hujusmodi memoriæ lapsus Spiritui S. tribui non possunt. Ergo non in omnibus suis partibus Scriptura a Spiritu S. dictata est.

Ad 2^m. Negant, et ad singula resp. 1^o. Verosimilius est, *Marbam* nomen Prophetæ non posuisse, sicut etiam aliis in locis facere conſuevit. Testatur enim *Augustinus Lib. III. de Conf. Evang. cap. 7. n. 29.* in nonnullis latinis Codicibus ista tantum verba legi: *tunc adimpletum est quod dictum est per prophetam*, cui lectioni consonant plura exemplaria Græca, Latina, Syriaca, Arabica, quæ citantur a *Milio*, & *Jansenio*; deinde vero, scriptorem aliquem addidisse ad marginem nomen *Jeremiæ*, quod postea in textum culpa amanuensium translatum est. Addit *Augustinus*, fieri potuisse, ut Spiritus S. ideo voluerit hic *Jeremiam* pro *Zacharia* poni, ut ostenderet, eundem fuisse Spiritum, quomnes Prophetæ loquebantur; ita ut quod *Jeremiæ* est, sit etiam *Zachariæ*, & vicissim.

Ad 2^m. *Marcus* duorum Prophetarum oracula simul jungit: *Ecce ego mitto Angelum meum ante faciem tuam, qui preparabit viam ante te. Vox clamantis in deserto: parate viam Domini*, quorum primum est *Malachiæ*, alterum *Isaiæ*; unde non est falsa citatio; unum enim Prophetam laudavit, alterum siluit. Laudavit vero *Isaiam*, non solum quia erat illustrior, & clarius *Johannem Baptistam* designabat, verum etiam, quia textus *Malachiæ* quoad sensum idem sonat, ac textus *Isaiæ*. Ad 3^m. Vel *Achimeteob* vocabatur etiam *Abiathar*, vel uterque Sacerdotio fungebantur, sicut legimus *Sadec*, & *Abiathar* sub *Davide* summos sacerdotes fuisse *I. Paralip. XV. 11.* vel sub *Abiathar* idem est ac tempore *Abiathar*, qui postea fuit summus Sacerdos.

Ad

Ad 4^m. Idem est *hora tertia*, & *hora quasi sexta*, si ratio em habeas consuetudinis Hebræorum, qui intergrum diem in duodecim partiebantur horas, easque iterum in quatuor partes dividebant, quarum quilibet eribus horis constabat. Itaque *prima hora*, seu *prima dies* pars extendebatur usque ad *tertiam*: *secunda pars*, quæ dicebatur *tertia*, quia a *tertia hora* incipiebat, ducebatur usque ad *sextam*. Itaque *hora tertia* desinente erat *hora quasi sexta*. Vide Bened. XIV. de Festis.

Ad 5^m. Melchior Canus Lib. II. de Locis cap. ult. respondet, Stephanum memoria lapsum esse, non Lucam, qui noluit mutare ipsa verba, quæ Stephanus in concione protulerat, imo mentitus esset, si mutasset. Alii vero dicunt, Seor patrem Hebron, a quo Abraham emit sepulcrum, vocatum fuisse etiam Hemor, ejusque patrem fuisse Sichem, non illum qui tempore Jacobi vivebat, sed alium antiquiorem, adeo ut ponerit dicere Stephanus, Abraham emisse agnum a filiis Hemor, filii Sichem. Nec obstat quod ex Genesi non constet, Seor appellatum etiam Hemor, & filium fuisse Sichem; Constat enim ex verbis S. Stephani, in quo loquebatur idem Spiritus, qui in Moysæ.

Ad 6^m. particula *quasi* non dubitantis est, sed certo asserentis rem circa illud tempus contigisse, quod Spiritus S. noluit præcise designare, ut esset etiam in hoc silentio necessarium nobis documentum, ne in rebus ad salutem minime necessariis effræni curiositati servianus.

Obje. II. Nonnulla sunt in Scripturis, quæ Spiritus S. majestatem non decent; ex. gr. quod Tobia redeunte præcurrens canis blandimento cauda gauderet Tob. XI. 9. & quod scribit Paulus II. Tim. IV. 13. *penulam, quam reliqui Troade, veniens offer tecum, & libros, maxime autem membranas*. Ergo.

R. Negant. Quod enim a Deo est, inutile esse non potest; licet ignoremus quo consilio a Deo sit factum. Hæc generalis responsio sufficit. Ceterum quod dicitur 1^o de cane Tobie pertinet ad historię integritatem, & nativam simpliciteratem, quæ rem gestam sub oculos lectoris ponit; unde Homerus idem scribit de cane Ulyssis Ithacam redeuntis. 2^o Quod objicitur de Pauli penula (quæ nonnulli pallium, alii volumen quod

quoddam putant, *V. Estium in Com.*) & de libris, & membranis, valde utile habet documentum, ut Evangelici ministri, exemplo tanti Apostoli, videant debere se humanas infirmitates humanis etiam adjumentis, quando opus est, sublevare; lectioni, & scriptioni dare operam.

Objic. III. Idem Paulus I. Cor. VII. 12. aperte dicit: *Ceteris ego dico, non Dominus.* Et II. Cor. XI. 17. *Quod loquor non secundum Deum loquor, In quo quis audet, in insipientia dico, audeo & ego.* Ergo quædam scribebat, quæ non erant divinitus inspirata.

R. Neg. conf. Verbis enim illis: *Ego dico non Dominus*, ostendere voluit Paulus, se non præceptum dare, sed consilium. Ad consilium autem istud dandum movebatur a Spiritu Sancto. Quod autem scribit non secundum Deum, & in insipientia se locutum, non aliud sibi voluit, nisi se in laudibus suis proferendis imitatum esse morem insipientium, licet ad id necessitate coactus, & Deo inspirante motus fuerit ad coercendam Pseu'doapostolorum petulantiam.

Objic. IV. Sacri Scriptores divina inspiratione opus non habebant ad ea scribenda, quæ vel ipsi viderant, ut Joannes Cap. XIX. 35. de se ipso testatur: *Qui vidit testimonium perhibuit*, vel audiverant, ut testatur Lucas de se ipso Cap. I. Imo Hieronymus de Marco ait: *juxta quod Petrum referentem audiverat, rogatus Rome a fratribus breve scripsit Evangelium, quod cum Petrus audisset probavit, & Ecclesie legendum sua auctoritate dedit*, quæ verba indicant 1°. Evangelium Marci non fuisse divinitus inspiratum, alias Petri approbatione non indiguisset: 2°. Librum aliquem humano ingenio elaboratum posse evadere Sacram Scripturam, si Spiritus S. illum approbet. Ergo.

R. Neg. ant. In rebus enim historicis, quæ ipsi viderant, Sacri Scriptores opus habebant inspiratione divina, tum ne memoria falleret; tum ne ad inutilia scribenda dilaberentur; Quod vero Petrus Marci Evangelium probaverit, non indicat, Evangelium illud non fuisse divinitus inspiratum; sed Petrum auctoritate sua, ac sententia declarasse, librum illum Deo inspirante scriptum esse; unde multo minus sequitur, li-
brum

brum humanum posse censeri Sacram Scripturam ex divina approbatione; quæ propositio damnata est ab *Academia Lovaniensi*, & *Duacensi*.

Reliquas objectiones, ex apparentibus quibusdam antilogiis desumptas, apud interpretes nostros reperies.

Obje. V. contra 3^m. partem, Singula Scripturæ verba videntur inspirata *Matth. V. 18. joca unum, aut unus apex non præteribit a lege*. Ergo.

R. *Neg. conf.* Verba enim illa *Joca unum, aut unus apex* commode intelligi possunt de singulis Scripturarum sententiis quoad sensum implendis.

Obje. VI. Chrysostomus *Hom. XVIII. in Gen.* docet, nihil temere, vel fortuito loqui Scripturam, sed vel syllabam, & apiculum reconditum habere thesaurum. *Augustinus, Bernardus*, alique Patres passim docent, divino consilio factum esse, ut unam vocem præ alia Sacri Scriptores usurpaverint, ut cum *Joannes Cap. XIX.* scribit, *unus militum lancea latus ejus aperuit*; non dixit *sauciavit*, aut *vulneravit*. Ergo &c.

R. *Neg. conf.* In rebus sublimioribus fatemur, non solum res, sed & singula verba fuisse inspirata. In reliquis vero, licet verborum delectus sacris Scriptoris permixtus sit, tamen quia peculiari modo Spiritus S. aderat, ne aut falsa, aut inutilia scriberent; nullum in sacris Libris verbum est otiosum. Ceterum fatemur, adversam sententiam gravibus etiam niti rationibus, & auctoritatibus; nostram, ut verisimiliorem tantum defendimus.

§. II.

De Canone Scripturarum.

Adv. I. Canon duo significat, *regulam*, & *catalogum*, unde libri Scripturarum dicuntur *canonici*, quia sunt *regula Fidei*, & quia recensentur in *catalogo* librorum divinatorum. Qui autem extra hunc catalogum sunt, dicuntur *apocryphi*, seu ignoti, quia ut divini non agnoscuntur, licet fortasse tales sint.

Ad II. Dividuntur autem libri Canonici in *Protocanonicos*, & *Deuterocanonicos*. Priores sunt, qui semper ab
Tom. I. H uni-

universa Ecclesia agniti sunt ut canonici : posteriores vero, de quibus primo a nonnullis dubitabatur, deinde vero relati sunt in canonem. Omnes porro Scripturarum libri sive prius, sive posterius in canonem relati, dividuntur in Historicos, Legales, Sapientiales, & Propheticos; sed nonnulli, ut *Pentateuchus*, & *Evangelia* sunt simul historici, & legales.

III. Triplex est Scripturarum Canon, Catholicorum, Judæorum, & Hæreticorum. Catholici LXXII. Libros in canone habent, scilicet XLV. Veteris Testamenti, & XXVII. novi. Veteris Testamenti libri sunt *Pentateuchus*, qui libros complectitur quinque, *Genesim*, *Exodum*, *Leviticum*, *Numeros*, et *Deuteronomium*; liber *Iesus*, *Judicum*, *Ruth*, quatuor *Regum*, duo *Paralipomenon*, duo *Esdre*, quorum secundus dicitur etiam *Liber Nebemias*, *Tobias*, *Judith*, *Esther*, *Job*, *Psalmi* CL., *Proverbia*, *Ecclesiastes*, *Canticum*, *Sapientia*, *Ecclesiasticus*, quatuor Prophetæ dicti majores, quia fusiùs scripserunt, *Isaias*, *Jeremias* cum *Baruch*, *Ezechiel*, *Daniel*, duodecim minores *Oseus*, *Joel*, *Amos*, *Abdias*, *Jonas*, *Micheas*, *Nahum*, *Habacuc*, *Sophonias*, *Aggeus*, *Zacharias*, *Malachias*; & duo *Machabæorum*. Novi autem Testamenti libri sunt quatuor *Evangelia*, *Acta* Apostolorum, *Epistolæ Pauli* Apostoli quatuordecim, *Epistolæ Petri* duæ, *Joannis* tres, *Jacobi* una, *Jude* una, & *Apocalypsis*.

IV. Judæi solum recipiunt Vetus Testamentum, exceptis *Tobia*, *Judith*, *Baruch*, *Sapientia*, *Ecclesiastico*, *Libris Machabæorum*, & nonnullis partibus *Danielis* & *Esther*, quos libros non habent in Canone, quem *Esdra*, ut vulgo existimant Patres (a), & Theologi, composuit, probavitque Synagoga, licet eos magni faciant, ut testantur *Josephus Lib. I. contr. Appion.* & *Hieronymus Prefat. in Lib. Tob. & Judith. De Esdre*

Ca-

(a) *Irenæus Lib. III. Cap. 25. Tertullianus Lib. De cultu fem. Cap. 3. Athanasius in Synopsi. Chrysostomus Hom. VIII. in Ep. ad Hebr. &c.*

Canone Vide Natalem Alex. Dissert. IV. in VI. Mundi Aetat., Calmer, alioiq. (a). Dividunt autem Judaei Scripturæ libros in Legem, Prophetas, & Hagiographos seu libros sanctos quidem, sed non legales, nec propheticos.

V. Varii Hæretici varios rejecerunt Scripturæ libros, prout eos suis erroribus videbant adversos. Ita ex. gr. Manichæi totum Vetus Testamentum tamquam a malo Deo dictatum respuebant, ex novo autem detrahebant qui quid iis placebat, unde *Tertullianus Lib. de præscrip.* docet, potius ex traditione revincendo Hæreticos, quam ex Scripturis, quas vel non recipiunt, vel pro lubitu mutilant. Vide *Bellarminum Lib. I. de Verbo Dei Cap. 5. & 6.* qui omnes recenset hæreticos, qui varios Scripturarum libros, aut eorum partes respuebant; & *Bartholomeum Germonium de veteribus hæreticis Ecclesiasticorum codicum corruptoribus Lib. I. part. I.* Lutherani ex Veteri Testamento eos libros rejiciunt, quos Judæi non habent in Canone: ex Novo vero rejiciunt Epistolam Pauli ad Hebræos, nec non Epistolam Jacobi, Judæ, secundam Petri, secundam, et tertiam Joannis, et *Apocalypsin*. *Calvinus*, ejusque affectæ circa libros veteris testamenti cum *Luthero* consentiunt; recipiunt tamen libros novi testamenti, quos *Lutherus* rejicit; ut patet ex *Calvini Institutione brevioris Cap. 8. §. 216.*, et ex Confessione ndei a Calvinistis oblata in comitiis Poissiacensibus, *Cap. 3.*

H 2 PRO-

(a) Adi etiam Rich. Simonium *Hist. Crit. V. T. Lib. I. Cap. 8.* Henricum Massam *Dissert. De Libris Canonis*, qui tamen ante legendi sunt.

PROPOSITIO

Verus est, & legitimus canon Scripturarum, quem Ecclesia Catholica probat. Esi dogma fidei.

Prob. ex Traditione, neque enim aliunde Judæi, aut Hæretici probare possunt, librum aliquem esse divinum, et canonicum. I. *Innocentius I* in Epist. III. ad *Exuperium* Tholosanum anno 400. Concilium Carthaginense III. anno 410. *Augustinus Lib. II. de Doct. Christi. Cap. 8.* Gelasius Papa decreto edito in Concilio Romano anno 494. Canones Scripturarum exponunt qualem Catholici habent, nisi quod librum Baruch, qui scriba Jeremix fuit, nonnulli, ut *Augustinus loc. cit.* in ipso Jeremia comprehendunt.

II. Patres, qui ante annum 400. floruerunt, licet Canonem Scripturarum non describant; laudant tamen ut canonicos omnes libros, qui sunt in canone Catholicorum, et ab Judæis, vel Hæreticis rejiciuntur. Eorum testimonia vide apud *Bellarminum Lib. I. de Verb. Dei Cap. VII.* & *seq.* & *Sylvium Opusc. V.*

III. Rufinus crimini vertit Hieronymo, quod libros deuterocanonicos, præsertim *Judith*, in Canonem non receperit, a qua objectione Hieronymus se purgat *Lib. II. cont. Ruff. cap. 9.* Ergo constans erat tunc, apud catholicos horum librorum auctoritas, licet nonnullæ ecclesiæ de iis, salva fide, et pace, dubitaverint ante definitionem Concilii generalis.

IV. Eugenius IV. in decreto pro Armenis ad calcem Concilii Florentini eundem edidit Scripturarum Canonem.

V. Denique Concilium Tridentinum rem aperte declaravit *Sess. IV.* ubi postquam Canonem Scripturarum juxta Catholicos exposuit, sic definit: *Si quis autem libros ipsos integros cum omnibus suis partibus, prout in Ecclesia Catholica legi consueverunt, & in veteri vulgata latina editione habentur, non susceperit . . . anathema sit.* Quibus verbis non solum libros ipsos, sed etiam nonnullas eorum partes, de quibus antea a quibusdam dubitabatur, declaravit canonicas, quales sunt

ex gr. septem postrema capita Libri *Escher*, historia *Susanne* apud *Danilem*; *Marci* cap. ultimum, *Lucæ* historia de *Sutore Christi Sanguineo*, *Joannis* historia de muliere adultera, & insignis locus ejusdem *Joannis* *Eoist.* 1. Cap. 5. v. 7. *Tres sunt qui testimonium dant in Cælo*; Omnes enim hæ partes in *Vulgata Latina* editione habentur; & in *Ecclesiâ legi consueverunt*. Hinc rejicienda est ut temeraria sententia *Sixti Senensis* Lib. 1. *Biblioth. Sancti*. Concilium sc. intelligendum esse de partibus veris, non de spuris, quod si verum esset, omnium *Scripturæ* partium nuareret auctoritas.

Scholium.

Ne quem fallat judicium *Melchioris Cani*, qui asserit non esse hæreticum, qui Libros deuterocanonicos Veteris Testamenti non susceperet ut divinos, sciat Theologum illum ante absolutum Concilium Tridentinum obisse, anno scilicet MDLX. nec interfuisse sessioni IV. Vid. *Vindicias Librorum deuterocanonicorum*, quæ insertæ sunt, supplemento *Historiæ Natalis Alex. et Calmet in Præfationibus*.

Objectiones diluuntur.

Objectiones partim sunt generatim contra omnes libros deuterocanonicos, partim contra singulos. Hic generales tantum diluemus, singulares vero, quia excedunt institutæ brevitatis limites, apud *Bellarminum*, & *Sylvium* legi possunt.

Obje. I. Libri veteris Testamenti, qui divini non fuerunt in Synagoga, non possunt tales esse in Ecclesiâ. At libri deuterocanonici Veteris legis divini non fuerunt in Synagoga Ergo.

R. Neg. min. licet enim Synagoga eos libros nondum in Canonem receperit, non tamen rejecit ut spurios. Aliud ergo est, esse librum aliquem divinum, aliud canonicum, licet omnis liber canonicus divinus sit. Divinus est liber, qui Deo inspirante scriptus est; canonicus, qui in canonem ab Ecclesiâ est relatus. Erant ergo libri illi divini, sed nondum in canone recensiti.

Inst. Libri, qui in canonem relati non sunt a Synagoga, non possunt in canonem refecti ab Ecclesia, quæ utique canonem suum a Synagoga recepit; *Judaïs enim credita sunt eloquia Dei Rom. III. 2.* Ergo.

R. Neg. ant. Si enim loquamur de libris post compositum ab *Esdra* canonem conscriptis, ut sunt libri Machabæorum, & Ecclesiastici, Sapientiæ, et in multorum sententia etiam liber *Judith*, patet non minus potuisse Ecclesiam agnoscere ut divinos, & canonicos libros illos, qui post *Esdram* scripti sunt, quam potuit Synagoga tempore *Esdra* canonicos agnoscere libros antiquiores, qui licet ante *Esdram* non essent in canonem relati, non ideo tamen divini non erant. Si vero loquamur de libris ante compositum ab *Esdra* canonem, vel ante clausum canonem, quod congruit in nonnullorum sententia circa finem imperii Medorum, ut est liber *Tobiz*, & in nonnullorum sententia etiam liber *Judith*; respondendum est, *Esdram* non rejecisse eos ut spurios, sed non reulisse in canonem, quia Chaldaica lingua scripti erant, non Hebræica, quæ eoque Sacri Scriptores usi erant. Hoc autem non obstitit, quominus eos postea Ecclesia in canone recenseret.

Ecclesia quidem canonem *T. Vet.* a Synagoga recepit, sed in agnoscendis divinis libris eodem spiritu regitur, quo Synagoga regebatur. Atque hæc responsio valet etiam pro his partibus *Danielis*, & *Estheris*, quas Hebræi in canone non habent.

Obj. c. II. Nonnulli ex antiquis Ecclesiæ Doctoribus dubitarunt de libris deuterocanonicis tum veteris, tum novi Testamenti. Ita *Hieronymus* in *Prologo Galeato*, & *Hieronymo* antiquior *Melito* Sardinis ap. *Euseb. H. st. Lib. IV. Cap. 26.* expunxit e Canone libros *Batoch*, *Sapientie*, *Ecclesiastici*, *Tobiz*, ambos *Machabæorum*; ita etiam alii alios deuterocanonicos. Ergo non constabat traditio de eorum divinitate.

R. Neg. cons. Traditio enim præcipue ex Ecclesiarum Apostolicarum, seu quæ ab Apostolis erant fundate, testimonio probanda est; quod non satis attenderunt singulares illi Doctores, aut etiam minores Ecclesiæ, & falli potuerunt in re nondum clare definita. Eorum au-

tem peculiaris opinio communem Ecclesię traditionem non labefactat.

§. III.

De Auctoribus Librorum Veteris, Novique Testamenti.

Adv. Cum primus Scripturę auctor sit ipse Deus, quærimus hic quorum ministerio ad varios Scripturarum libros exarandos usus sit. Cum autem Deus quocumque homine, quando ei placuerit, æque uti possit ad opera quæque egregia perpetranda, quippe qui infirma mundi eligat, & contempnibilia, ut confundat fortia; licet multorum ignoretur Scriptor Librorum, non inde tamen nutat Scripturarum veritas. Sed quia ad revincendam incredulorum pervicaciam juvat ostendere, quosdam Libros historicos scriptos esse ab auctoribus, qui rebus, quas narrant, interfuerant, easque scripsere, viventibus iis, coram quibus acciderant; propheticos vero ante rerum eventum: ideo de singulis Scripturarum Libris agemus breviter, ut quid de eorum auctoribus certum sit, quid incertum, tyrones perspectum habeant.

De Pentateucho.

Adv. Omnes igitur contendunt nervos increduli (a) ut suadeant, Moysen non esse Pentateuchi auctorem, ne concedere cogantur miracula, quæ in exitu filiorum Israel ex Ægypto patrata sunt; imo nec desuerunt, qui effutirent, Moysen personam esse fictitiam, quæ numquam exiit. Quos quidem nemo melius, & copiosus confutavit Huetio in *Demonst. Evan. Prop. IV. & seq.*

H 4

PRO.

(a) Hobbesius in *Leviathane*: Is. Pereyra *Tract. Prædomic.* Spinosa *Tract. Theol. Polit.* Tholandus *Orig. Judaic.* quibus accedunt Simonius *Hist. Crit. V. T.* Clericus *Respons. & Observat. in Hist. Simon.*

PROPOSITIO

Auctor Pentateuchi est ipse Moyses, licet nonnulla post ejus mortem addita verosimilius videantur.

Prob. 1^a. pars. I. Non alia ratione certi sumus, librum aliquem a certo auctore scriptum, nisi quia illum ei tribuit constans omnium sæculorum traditio; sic enim scimus *Platonis, Aristotelis, Ciceronis* Libros, ipsorum opera esse genuina. Omnium autem sæculorum traditio Hebræorum, Christianorum, Ethnicorum, Pentateuchum *Moyse* constantissime tribuit. De Hebræis enim & Christianis comperta res est. Ek Ethnicis habemus testimonia *Nicolai Damasceni, Strabonis, Appianis Grammatici, Manethonis Aegyptii*, aliorumque, quos longa serie *Daniel Huetius* collegit. Ergo.

Prob. II. Auctor Pentateuchi refert, ipsum *Moysem* scripsisse universos sermones Domini; *Exod. XXIV. 4. Scripsit autem Moyses universos sermones Domini. Assumpsitque volumen fœderis legis, audiente populo, etc. Et Exod. XXXIV. 27. Dixitque Dominus ad Moysem scribe tibi verba hæc, quibus & tecum, & cum Israel pepigi fœdus. Deuter XXXI. 9. Scripsit itaque Moyses legem hanc, & tradidit Sacerdotibus filiis Levi.* Atqui volumen illud a *Moyse* scriptum ipsissimus est Pentateuchus; tum quia servatum fuisset sine dubio volumen illud a *Moyse* scriptum, & a Pentateucho diversum; tum quia Pentateuchus, excepta *Genesis*, quæ est necessaria introductio ad intelligendam historiam lætæ legis, nihil aliud continet nisi sermones, & legem Domini, interjectis tantummodo narrationibus eorum, quorum occasione *Dens* locutus est. Atque ideo si *Moyse* universos scripsit sermones Domini, Pentateuchum totum conscripsit. Ergo etc.

Prob. III. Si impostor aliquis a *Moyse* diversus Pentateuchum scripsisset, id factum esset vel ipso vivente *Moyse*, vel post ejus obitum. Sed neutrum fieri potuit. Non primum; facile enim detecta fraus a Legislatore ipso mendacii inimico non fuisset impunita. Nec alterum fieri potuit; cum enim in Pentateucho referantur facta mul-

multis Israelitarum familiis probrosa, & scribantur leges toti populo gravissimæ, fieri non potuit, ut vel omnis populus in imposturam conspiraret, vel a paucis composita fraus a reliquo populo non detegeretur. Ergo ec. *Prob. 2^a, pars.* Sunt nonnulla in Pentateucho, quæ post *Moyse* mortem accidisse constat, ut 1^o. ipsa *Moyse* mors, & sepultura *Deuter. ult.* 2^o. mutatio nominis Regionum, ut cum dicitur *Genes. XIV. Abraham* persecutus reges, qui *Lothum* captivum duxerant, usque *Dan*, cum constet, urbem illam nonnisi post mortem *Moyse* ita appellatam ex tribu *Dan*, cum antea vocaretur *Lais*; *Judic. XVIII. 29.* Tale est etiam quod dicitur *Deuter. III. 11.* de lecto ferro *Og Regis Basan*. Atqui licet potuerit ista *Moyse* prophetice scribere, sicut opinantur *Josephus Lib. IV. Antiq. Judaic. & Philo Lib. De vita Moyse*, verosimilius tamen est, post ejus mortem fuisse adjecta; non enim sine causa miracula multiplicanda sunt. Ergo etc.

Objectiones.

Obje. I. Moyse Jordanem non trajecit, mortuus est enim in monte *Nebo* antequam Jordanem Israelitæ transirent; *Deuter. ult.* Atqui auctor *Pentateuchi* scripsit trans Jordanem. Sic enim de *Moyse* loquitur *Deuter. 34.* Hæc sunt verba, quæ locutus est *Moyse* ad omnem Israël trans Jordanem. Ergo etc.

R. Neg. min. 1^o. quia vox Hebraica *בְּיַרְדֵּן* *bozzer* quam vulgata vertit *trans*, ambigua est, utrumque significans & *trans*, & *citra*; ut *Vatablus Buxtorfius*, alique observant. 2^o. quia *Moyse* scribens posteris, qui trajecturi erant Jordanem, sapientissime notavit locum, ubi tunc agebat, esse respectu posterorum trans Jordanem. 3^o. Denique potuerunt hæc verba adjecta esse post mortem *Moyse*, ut putat *Calmet*.

Inst. 1^o. Auctor *Pentateuchi* semper de *Moyse* loquitur ut de alia persona; dixit *Moyse*, respondit *Moyse*, vocavit Dominus *Moysem* etc. Ergo non ipse *Moyse* ea scripsit.

R. Neg. conf. Nam & prophani historici sæpe de se ipsi in tertia persona loquuntur, ut *Cæsar* in *Commentariis*, *Josephus* in *Libris de Bello Judaico*; & ipsi *Sacri Scri-*

Scriptores idem faciunt, ut *Mattheus*, *Matt.* IX. 9. & *Joannes*, *Joan.* XIII. 23. nec ullus ipſis umquam abjudicavit libros, qui eorum nominibus inſcribuntur.

Inst. 2^o. In *Genesi* legitur, *Abraham* ex *Haran* profectum eſſe in *Chanaan*: ſubditque auctor: *Chanaan* autem tunc erat in terra, ac proinde cum hæc ſcripta ſunt, expulſi jam e ſuis ſedibus erant *Chananæi*. Atqui hoc factum eſt poſt mortem *Moyſis*. Ergo

R. 1^o. *Neg. ant.* quoad alteram partem; verba enim illa *Chanaan* autem tunc erat in terra ſenſum illum nativum, ac ſimplicem habere poſſunt: jam tunc *Chananæi* in terra illa erant, cum *Abraham* eo perrexit; ac proinde non ſignificent, jam eſſe inde depulſos, cum hæc ſcripta ſunt.

R. 2^o. Potuiſſe vel *Moyſen* prophetico ſpiritu, vel alium ſacrum Scriptorem poſt ejus mortem iſta adjicere verbis Moſaicis.

Inst. 3^o. Scribit auctor *Pentateuchi* *Exod.* XVI. 35. *Filii* *Israel* comederunt *Man* quadraginta annis hoc cibo aliſi ſunt, uſquequo tangerent fines terre *Chanaan*. Sed *Moyſes* jam objerat, cum *Israelitæ* *Chananæos* fines attigerunt. Ergo etc.

R. *Neg. conf.* Cum enim *Moyſes* per annos illos quadraginta populi ductor fuerit, videritque eum manna manducaſſe, & ſciret Deo revelante *Num.* XIV. 33. non amplius quadraginta annis duraturam peregrinationem in deſerto, quidni ſcribere potuit, per annos quadraginta *Israelitas* manna comediſſe, donec fines attingerent terræ *Chanaan*, in qua utpote ſeraciſſima, eo cibo ipſis amplius opus non erat?

Innes Volterii objectiones prætermittimus; præſtat enim ad ea, quæ majoris momenti ſunt properare, quam in miſeri hujus & impii ſcurræ cavillationibus diſſolvendis immorari (a).

Co

(a) V. Lettres de quelques Juifs a M. de Voltaire.

Corollaria.

I. Hinc sequitur, *Pentateuchum* esse omnium librorum, qui extant, antiquissimum. *Moyſes* enim *Pentateuchi* auctor, non solum Græcis Historicis *Hærodoto*, *Thucydide*, ac Poetis *Eno*, *Orpheo*ve prior est, verum etiam *Ægyptiis*, & *Assyriis* *Beroſo*, *Manethone*, *Sanchuniathone*; quippe, satente *Appiano* apud *Josephum*, *Lib. I. cont. Apion* *Moyſes* corvus fuit *Inacho* Argivo, qui Scriptores omnes Græcos, ac Barbaros longe antecessit. Sed utrum ante *Moyſen* alii fuerint libri, qui perierint, exploratum non est. Nam *liber bellorum Domini*, qui laudatur *Num. XXI. 14.* non est certe vetustior *Pentateucho*; potuit enim *liber* ille ab ipso *Moyſe* esse scriptus, potuit & versus ille post mortem *Moyſis* esse adjunctus. Quidquid sit, non videtur verosimile, ipsam *Moyſen* fuisse litterarum inventorem; cum *Act. VII. 22.* dicatur excultus omni sapientia *Ægyptiorum*; a quibus verisimile est alphabeticas litteras accepisse, nisi dicere malimus, *Abrahamum*; ejusque nepotes eas accepisse a *Chaldæis*, ex quibus orti, vel a *Phœniciis*; apud quos diu peregrinari sunt. Vide *D. Calmet Dissert. De mater. & form. vet. libr.*

II. Cum recta ratio postulet, ut in historia major sit illorum auctoritas, qui viciniore fuerunt rebus, quas memorie prodiderunt, sequitur, *Mosaicam* historiam prophetas omnes historias auctoritate vincere, quamvis non esset Deo inspirante conscripta: ut mira sit eorum cecitas, qui ex fabulosis narratiunculis scriptorum *Ægyptiorum*, *Chaldæorum*, *Sinensium* multis sæculis *Moyſe* posteriorum, *Mosaicæ* historiae tenebras offundere conantur.

III. Quamvis autem referat *Moyſes* res vetustissimas virorum antediluvianorum; potuit tamen præter revelationem eas edificare ex traditione, quæ propter vitæ illorum longissimam vitam tempore *Moyſis* recens erat. Avus enim *Moyſis* *Caath* cum *Jacobo* ingressus est in *Ægyptum*. *Jacob* autem natus est superſtare adhuc *Abrahamo*, qui cum *Sem* filio *Noe* diu vixit, *Sem* autem cum

cum *Mithusala*, qui diutius cum ipso *Adamo* conversatus est. Vide *Duguet Comment. in Genes.*

IV. Denique hinc sequitur, miracula, quæ in *Pentateucho* patrata referuntur in exitu *Israelitarum* ex *Agypto*, esse certissima, ut in dubium revocari sine scepticismo non possint. Scripta sunt enim ab ipso *Moyse* viventibus illis, coram quibus facta referuntur.

De Libro *Iosue*.

Librum *Iosue* *Bellarminus* *Lib. De Scriptor. Eccles.* *Sixtus Senensis* *Lib. 1. Biblioth.* aliique scriptum censent ab ipso *Iosue Moyse* successore, tum quia *Ios. ult.* dicitur: „Scriptis quoque *Iosue* ultima verba hæc in volumine Legis Domini; tum quia *Ecd. XLVI.* dicitur *Iosue* successor *Moyse* in Prophetis; Græce in *prophetis*, nempe in scribendis divino spiritu libris sacris. Id si verum est, dicendum, ea quæ ibi leguntur de morte *Iosue* *Cap. ult.* vel de iis rebus, quæ post ejus mortem acciderunt, adjecta esse ab alio sacro Scriptore. Ceterum *Andreas Masius* totum librum *Esdrae* attribuit, *Natalis Alex.* rectius incerto auctori.

De Libris *Judicum*, *Ruth*, *Regum*, & *Paralipomenon*.

Horum Librorum auctor incertus est. Sunt qui putent Librum *Judicum*, *Ruth*, primum *Regum* scriptos a *Saemuele*; secundum a *Nathan*, & *Gad* prophetis; tertium & quartum *Regum*, ut & duos *Paralipomenon* ab *Esdra*.

De duobus Libris *Esdrae*.

Priorem *Esdrae* librum, ipsum *Esdram* scripsisse putant *Driedo*, *Sixtus Senensis*, *Bellarminus*, aliique, posteriorem vero *Nehemiam* scripsisse satis patet tum ex Libri initio, quod sic habet: *Verba Nehemie filii Heliebiae*, tum quia ibi sæpe *Nehemias* de se in prima persona loquitur. Dicuntur autem primus, & secundus *Esdrae*, quia apud Hebræos in unum volumen connexi tribuantur primo Scriptori.

De Libris Tobie, Esther, Judith, & Job.

Librum Tobie ipsum Tobiam scripisse verisimile est ex Cap. XII. ubi juxta versionem LXX. habetur „Scribite omnia, quæ consummata sunt in libro, ab alio tamen scriptore adjecta creduntur, quæ habentur in fine Cap. XIV.

Liber Judith fortasse a Joachim tunc summo Pontifice scriptus est: ut Librum Esther a Mardocheo composum valde est verisimile ex iis, quæ ibi leguntur Cap. IX. „Scripsit autem Mardocheus omnia: et Cap. XII. „Mardocheus rei memoriam litteris mandavit.

Librum Job nonnulli volunt a Moyse scriptum, ut patientiæ exemplum proponeret Israelitis: alii ab ipso Job, sed fortasse a Jobo lingua Arabica composita historia, postea a Moyse digesta est.

De Libro Psalmorum.

Psalmos nonnulli volunt partim a Davide compositos, partim ab iis, quorum nomina præferunt, ut Asaph, Isaihan, Ethan, filiis Chore etc.; alii vero omnes a Davide scriptos, datos autem cantoribus illis Asaph, Isaihan etc. ut eos musicis notis distinguerent, & canerent. Hæc posterior sententia placuit Augustino Lib. XVII. De Civ. Cap. 4. Chrysostomo, Theodoro, aliisque (a), tum quia Christus Luc. XX. Librum Psalmorum Davidi videtur tribuere, tum quia in novo Testamento semper Psalmi sub nomine Davidis allegantur (b): favet etiam huic opinioni Tridentinum, quod Psalterium omne Davidicum appellat. Sed non desunt prioris sententiæ gravissimi auctores Hilarius, Hieronymus; aliique (c), imo

(a) Chrysostomus in Psal. 1. Theodoretus Præf. in Psal. Ambrusius Præf. in Ps. Euthymius Præf. in Psal. Philastrius Hæres. LXXIX. Cassiodorus Prot. in Psal.

(b) Marc. XXII. 42. Marc. XII. 36. & al.

(c) Hilarius Præf. in Psal & in Psal. 132 Hieronymus Epist. ad Sophon. 134 Eusebius Cæsar. Præf. in Psal. & alib. Auctor synopsis inter Opp. Athanasii, aliq.

imo rationes fortasse validiores, ita ut verosimilior illa videatur. Non solum enim Psalmorum tituli eos variis tribuunt auctoribus, sed & argumenta sunt de rebus, quas multo post *Davidem* accidisse constat. Tribuitur aliquando in Scripturis Psalterium *Davidi*, utpote præcipuo Psalmorum auctori, sicut Epistolarum collectio tribuitur *Ciceroni*, *Augustino*, *Hieronymo*, quamvis aliorum etiam Epistolas habeat.

*De Proverbiis, Ecclesiaste, Cantico Canticorum,
& Sapientia.*

Proverbia, Ecclesiastes, Canticum Canticorum Salomonis esse, Patres omnes sine ulla controversia affirmant, ut *Hieronymus Præf. in Lib. Salom. Augustinus Lib. II. De Doctr. Christ. Cap. 8.* & alii, consentiuntque Hebræi, imo patet ex ipsis Libris. Controversia tantum est de Cap. tricesimo Proverbiorum, eo quod initio ejus Capituli, ubi in vulgata habemus: *Verba congregantis*: in Hebræo legitur *Verba Agur*. Sed verosimilius est nomen *Agur* ibi esse appellativum, quod *congregantem* significat, recteque congruit *Salomoni*, qui & *Ecclesiastes* dicitur.

Sapientie vero Liber, licet quoad sententias *Salomonis* sit, ut docent *Tertullianus, Hieronymus, Eusebius*, aliique (a), cum non alteri aptari possint ea verba Cap. IX. Tu elegisti me regem populo tuo, & judicem filiorum tuorum, & filiarum, & dixisti, me edificare templum in monte sancto tuo; tamen cum nec in Hebræo habeatur, & Græcam redolet eloquentiam, ex sententiis *Salomonis* a quodam Judæo Græce perito compositum putatur, vel a *Philone* quodam ante *Christi* adventum, ut nonnulli putant, vel ab incerto auctore, ut rectius alii docent.

Denique *Ecclesiastici* auctor est *Jesús filius Sirach*
Hic.

(a) Hieronymus Ep. XIII. ad Paulin. Tertullianus Lib. de Præf. de mortalitate. et al. Eusebius Lib. IV.

Hierosolymitanus, ut ex Cap. penultimo constat; idque ante Machabazorum aetatem, annis ante Christum circiter ducentis. Vocatur aliquando liber Salomonis tum propter quandam eloquii similitudinem, tum propter insertas aliquas Salomonis sententias, ut Augustinus observas *Lib. XVII. De Civ. Cap. 20.*

De Prophetis. ut dicitur in *Lib. I. De Prophetis.*

Quatuor Prophetas, qui Majores dicuntur, & duodecim Minores auctores esse librorum, qui illis inscribuntur, constans Patrum, & Theologorum sententia est; omnibus enim saeculis Libri illi ipsis tributi sunt.

De Libris Machabaeorum.

Prior Machabaeorum liber probabili ratione scriptus creditur ab Hircano summo Pontifice, qui & Propheta dicitur a Josepho *Lib. XIII. Antiq. Cap. 17.* Ejus sententia est Bellarminus *Lib. de Script. Eccles.* Posterior vero ex quinque Libris Jasonis Cyrenaei collectus est ab incerto auctore.

Ceterum quae hic strictissime sumus prosecuti de Libris Veteris Testamenti, ea uberrime, & eruditissime pertractata invenies apud D. Calmet in Praefationibus. Jam de novi Testamenti Libris breviter dicendum est.

De quatuor Evangeliiis, Actibus Apostolorum, & Epistolis Pauli, Petri, & Joannis.

Quin quatuor Evangelia ab iis scripta sint, quorum inscribuntur nominibus, dubitare aperte demeretur est, ut alibi observavimus. Acta vero Apostolorum a Luca esse composita, tum ex verbis, quae initio Libri habentur, tum ex perpetua traditione constat. Denique Epistolas Pauli tredecim, primam Petri, & primam Joannis ab ipsis esse scriptas, omnium Patrum consensus ostendit. Sed de Epistola ad Hebraeos, secunda Petri, secunda, & tertia Joannis, sicut & de Epistolis Jacobi & Jude a quibusdam mota est controversia.

De Epistola ad Hebræos.

Dux sunt de *Epistola ad Hebræos* distinctæ quæstiones 1^o. utrum sit canonica : 2^o. utrum genuinum *Pauli* opus. Prius negarunt olim *Marcionitz* ap. *Hieron. Pref. in Epist. ad Tit.* *Arius* ap. *Theodores. Pref. in Epist. ad Heb.* *Lutherus*, ejusque affectu. Posterius in dubium revocarunt nonnulli veteres, præsertim Latini, teste *Hieronimo Lib. de Vir. Illust. & Eusebio Lib. III. Hist. Cap. 3.* quam dubitationem jam olim excussam renovare conati sunt *Calvinus*, *Erasmus*, & *Cardinalis Cajetanus*.

Quoniam autem ostendimus supra, hanc Epistolam, ut & ceteros libros deuterocanonicos, vere esse divinam, non est hic prior quæstio iterum agitanda. Quod autem ea sit Apostoli *Pauli*, non *Barnabæ*, non *Lucæ*, non *Clementis* Romani, ut variè suspicati sunt auctores, inde evincitur, quod verustissimi Patres eam laudant ut *Pauli* opus. Ita *Clement* Romanus apud *Euseb. Lib. III. Cap. 38.* *Gelasius I.* in Concilio Romano, Concilium *Laodicænum Can. 59.* *Carthaginense III. Can. 47.* Omnes denique Græci Patres, imo & Latini, quatuor tantum exceptis *Tertulliano*, *Cypriano*, *Lactantio*, *Arnobio*, qui hanc Epistolam non videntur agnovisse. Ceterum tanta est Ecclesiæ universæ consensus in agnoscenda hac *Pauli* Epistola, ut *Philastrius* inter hæreticos recenset eos, qui illam *Paulo* abjudicant. Nos quidem ab hac censura abstinemus, sed cum Concilio Tridentino, & universa Ecclesia eam epistolam, ut divinam, & genuinum agnoscimus *Pauli* opus.

Duo obijciunt adversarii, nempe quod non sit in principio *Pauli* nomen, & salutatio, quam ceteris Epistolis præmisit, et quod stylus sit ornatior. Sed primum falsum est vel quia *Pauli* nomen Hebræis erat invisum, vel alia de causa, quam ignoramus; posterius vero vel quia *Paulus* Epistolam Hebræice scripsit; idemque utpote in nativa lingua ornatius, ut putat *Eusebius Lib. III. Cap. 38.* vel quia quoad sensum a *Paulo* dictata, ab alio quoad delectum verborum ornatiùs scripta est, ut putat *Origenes* ap. *Euseb. Lib. VI. Hist. Cap. 18.*

Quid.

Quidquid ejus rei sit, non est insuetum, ut idem auctor variis in libris, pro vario argumento, vario etiam utatur stylo. Quæ autem obijciunt ex nonnullis hujus Epistolæ sententiis, potius ad oppugnandam ejus divinitatem pertinent; ideoque nos prætermittimus. Ea apud *Bellarminum*, et *Sylvium* refutata reperies.

*De Epistolis Jacobi, Judæ, secunda Petri,
secunda & tertia Joannis.*

De his etiam Epistolis quosdam dubitasse, auctor est *Hieronymus*, et *Eusebius*. *Lutherus*, *Kennisius*, *Magdeburgenses Jacobi*, et *Judæ* Epistolas aperte rejiciunt; de reliquis dubitant. *Erasmus Jacobi* Epistolam non redolere Apostolicam gravitatem affirmat: secundam, et tertiam *Joannis* negat esse Apostolicas: de secunda *Petri* dubitat. *Cajetanus* de omnibus dubitat.

Verum has Epistolas horum esse Apostolorum, iisdem argumentis probatur, quibus paulo ante usi sumus, omnium nempe Patrum, et Conciliorum consensione (a), paucissimis exceptis auctoribus, quorum dubitatio universæ Ecclesiæ consensum concutere, aut subvertere non poterit.

De Apocalypsi.

Et hunc postremum Scripturæ Librum e Canone expungere ausi sunt primo hæretici nonnulli, ut *Marcionita* apud *Tertullianum*. *Lib. IV. cont. Marcion*. Alogi, et Theodoriani apud *Epiphanius*. *Heres. LI. et LIV.* Denique Lutherani, exceptis *Magdeburgensibus Cens. I. Lib. II. Cap. 4.* Deinde etiam nonnulli veteres Catholici; ait enim *Hieronymus Epist. ad Dardanum*, ita paucos

(a) Concil. Laodic. Carthag. III. Florentin. & Trident. Inno-cent. I. *Epist. ad Exuper.* Gelasius I. *Origines Hom. VII. in Jos. Epiphanius Heres. LXXVI. Athanasius in Synopsi: Hieron. Epist. ad Paulin. Augustin. Lib. XI. de Doct. Cap. 8. & alij innumeri.*

cos Græcorum dubitare de *Apocalypsi*, ut pauci Latino-
rum de Epistola ad Hebræos. *Erasmus* variis rationibus
suadere conatur, Librum hunc non esse *Joannis* Aposto-
li *Annotat. in Apocalyps.*

Sed præter omnium Latinorum Patrum consensum, etiam
Græci *Apocalypsim*, ut divinum *Joannis* Apostoli opus
agnoscunt (b), nec recta ratio patitur, ut duorum aut
 trium Græcorum dubitatio, qui etiam a cœvis scripto-
ribus refutati sunt; communi et perpetuæ traditioni præ-
valeat.

Objectiones vero *Erasmi*, nempe quod sæpe in Apo-
calypsi *Joannes* seipse nominat dicens, *Ego Joannes*: quod
in Evangelio præ modestia nunquam fecit: et quod in
nonnullis codicibus *Apocalypsis* inscribitur *Joanni* Theo-
logo, nullius momenti sunt. Potuit enim seipse nomina-
re, cum in Patmos exularet, ne quis eum librum ge-
ninum esse Apostoli opus dubitaret: potuit etiam ab
antiquis vocari Theologus, quia de divinitate Verbi, et
Trinitate sublimius scripserat.

§. IV.

De Libris Scripturarum Apocryphis.

Αποκρυφος occultum aliquid significat, unde solet apo-
cryphus appellari liber, qui non ejus est auctoris, cui tri-
buatur, sed alterius ignoti. Apud veteres Patres apo-
cryphi dicuntur libri, qui vel continent doctrinam ca-
tholicæ adversam, aut suspectam; quo sensu *Gelasius I.*
in

(b) Inter Latinos Tertullianus *Lib. IV. cont. Marcion.* Am-
brosius in *Psal. XL.* Augustinus *Tract. XXXVI. in Joan.* Inno-
centius I. *Epist. ad Exuper.* Hieronymus, qui in *Epist. ad*
Dardan. omnium Latinorum hunc esse consentum docet. Inter
Græcos Justinus *Dial. cum Tryph.* Irenæus *Lib. V. in fin.* Ori-
genes *Hom. VII. in Jos.* Athanasius in *Synopsi.* Epiphanius, Chry-
sostomus, Damascenus. Adde Concilia, Ancyranum, Carthaginense
III Romanum sub Gelasio, Toletan. IV. *cap. 16.* Tridentinum
Sess. IV.

In Concilio Romano apocryphos appellat libros *Clementis Alexandrini*, *Origenis* etc. vel qui in Canonem Scripturarum non sunt ab Ecclesia recepti. Hoc igitur postremo sensu multi recensentur apocryphi tum veteris, tum novi Testamenti libris *Gelasio I.* *Athanasio*, vel alio auctore in *Synopsi*, et *Ianucenio I.* in Epistola ad *Exuperium*. Eorum maxima pars periit; sed supersunt ex veteri Testamento Liber tertius, et quartus *Esdrae*; tertius, et quartus *Machabaeorum*; Oratio *Manasse*; Appendix ad Librum *Job*; *Psalmus CLI.* Oratio *Salomonis*; quæ in veteribus Bibliorum editionibus in fine libri *Ecclesiastici* reperitur.

Dubitatur autem a nonnullis, utrum apocryphus sit Prologus *Ecclesiastici*, et Præfatio *Threnis Jeremie* præfixa.

Ex novi Testamenti libris apocryphi sunt Evangelia secundum *Thomam*, *Matthiam*, *Bartholomeum*, *Petrum*, *Nicodemum*, *Andream*, *Paulum*, *Barnabam*, *Jacobum*, secundum *Hebræos*, aliaque omnia Evangelia, quorum mentio apud veteres occurrit, præter quatuor, quæ in Canone habentur. Epistola *Barnabæ*, Liber *Pastoris*, sive *Herme*, Epistola *Jesu Christi* ad *Abgarum*. Vide de Apocryphis libris Novi Testamenti *Fabricium*.

Gravis porro est inter Theologos quæstio, utrum libri aliqui non apocryphi, sed vere divini, incuria hominum, vel injuria hostium Religionis perierint. *Belarminus* quidem Lib. IV. de Verbo Dei cap. 4. *Serarius* in *Proleg.* cap. 8. *Estius* in Lib. II. *Paralip.* cap. 33. aliique post *Chrysostomum* *Homil. IX. in Matth.* & *Homil. VII. in 1. ad Cor.* id affirmant, eo, quod in Scriptura nonnulli laudantur libri, quos verisimile est, fuisse sacros, ac divinos, ut Liber *Bellorum Domini Num. XXI. 14.* *Visto Addo Videntis, Nathan Propheta*, et *Abia Silonitis II. Paralip. IX. 29.* Liber *Semeiz Propheta II. Paralip. XII. 15.* Tot libri *Salomonis*, quorum mentio fit *III. Reg. IV. 32.* Liber sermonum *die rum Regum Juda.* & *Israel.* Liber *Enoch* &c. Sed cum Sacri Scriptores aliquando laudent etiam sententias ex libris, qui certissime sacri non sunt, ut *Ab. XVII. ex Araro*, ad *Tit. I.* ex *Epimenide*; non est adeo evi-

dens, libros alios, qui in Scripturis laudantur, fuisse divinos. Ceterum si providentia Dei libros illos dictavit, ac postmodum intercidere permisit, putandum est, eos non ad perpetuum, sed temporaneum Ecclesiae usum fuisse divinitus inspiratos. Etiam ex Libris novi Testamenti peritisse putant aliam Pauli Epistolam ad Corinthios, cuius videtur meminisse *I. Cor. V. 9.* iis verbis *Scripti vobis in Epistola, ne commisceamini fornicariis*: sed posset responderi, *Epistolam* illam non esse aliam prius missam, sed illam ipsam, in qua *Paulus* paulo ante Corinthios reprehenderat, quod incestuosum ab Ecclesia non eiecerant. Quapropter in ambiguo res esse videtur.

§. V.

De idiomate textus originalis Sacrae Scripturae.

Adv. I. Libri veteris Testamenti Protocanonici lingua Hebraica conscripti sunt, licet Chaldaicis characteribus ab *Esdra* (ut vulgo creditur) post captivitatem Babyloniam fuerint expressi, cum Hebraici characteres, quales sunt hodie in textu Samaritano, jam exoleverint, quae de re vide eruditam *D. Calmet Dissertationem: An Esdras charact. mutav.* Ex Deuterocanonicis vero *Tobias*, & *Judith*, & nonnullae partes *Danielis*, & *Esdrae* scriptae sunt Chaldaice; *Sapientia*, & secundus *Machabaeorum* Graece. Primus vero *Machabaeorum*, & *Ecclesiasticus* Hebraice, licet hodie supersint tantum Graeca versio.

II. Novi Testamenti textus originalis Graecus est, excepto Evangelio *Matthaei*, &, juxta nonnullos, Epistola ad Hebraeos, Hebraice, seu potius Syriace scriptis: Ita *Hieronymus Praefat. in Evang.* et *Eusebius Lib. VI. Hist. cap. 11.* Disputatur autem, utrum originalis Scripturae textus sit hodie incorruptus. *Cajanus* enim, *Kemnitius*, aliique contendunt, hodiernum Hebraicum *Ver. Test.* textum esse ubique purissimum. Contra vero *Melchior Canus Lib. II. de loc. cap. 13.* aliique, pluribus in locis malitia Judaeorum volunt esse corruptum: quod et sensit ipse *Morinus Lib. I. Exerc. Cap. 4.* Nos mediam sequimur sententiam, quae est *Diedonis Lib. II. de Eccl. Dogm. cap. 1.*

PRO.

PROPOSITIO I.

Textus Hebraicus Vet. Test. incorruptus est quoad substantiam, licet non careat mendis levioribus partim negligentia Librariorum, partim ignorantia Rabbiorum.

Prob. 1^a pars. 1^o. Si Scripturas Hebræi corrupissent, id vel ante, vel post Christi adventum fecissent. At neutrum fingi potest. Non primum: nam *Christus*, et Apostoli numquam grande hoc scelus Judæis objecerunt; imo ipse *Christus Joan. V. 39.* eos ad scrutandas mittit Scripturas: *Scrutamini Scripturas*: nec umquam monuit, ut caverent a corruptis textibus. Non alterum, fieri enim non potuit, ut Judæi falsarent codices omnes ubique terrarum dispersos non solum apud Judæos, sed etiam apud Christianos. Ita fere argumentantur *Hieronymus in Cap. VI. Isaie, Augustinus Lib. XV. de Civ. Cap. 13.*

2^o. Si Judæi Scripturæ textum, quem incredibili religione coluerunt semper, & colunt, voluissent corrumpere, maxime id fecissent iis in locis, quæ Christianæ Religioni favent. At id non fecerunt; sæpe enim magis Christianis favet Hebraicus textus, quam Græca, aut Latina versio. Ergo.

3^o. Denique incredibile est, providentiam Dei id permisisse, quæ ideo Judæos per totum orbem dispersos servat, ut ex sacris Codicibus, quos ipsi circumferunt, probemus contra incredulos, non esse a nobis conficta vaticinia Prophetarum, ut observat *Augustinus Lib. XVIII. de Civ. c. 46.*

Prob. 2^a pars. 1^o. ex ipsis variantibus lectionibus, quæ in textu originali occurrunt, *2^o.* ex similitudine quarundam litterarum Hebraicarum, quæ facile secum invicem commutari possunt, ut norunt eruditi, *3^o.* ex punctis vocalibus, quæ Rabbini adjecerunt; mutatio enim punctorum vocis sensum immutat. Hæc tamen leviora sunt, nec textus integritatem labefaciunt.

Objic. cont. 1^a pars. *Justinus in Dialogo cum Triph.* Judæis objicit, eos quædam capita e Scripturis

abstulisse, idemque docet *Origenes Homil. XII. in Hierem.* Adde etiam, si libet, *Chrysostomum Homil. V. in Matth.* et *Hieronymum* variis in locis. Ergo.

R. Neg. conf. *Justinus* enim, et *Origenes* aperte loquuntur de versione LXX; nec de omnibus ejus exemplaribus, cum Judæi falsare non potuerint exemplaria Christianorum. *Chrysostomus* vero, et *Hieronymus* de versione Aquilæ, Symmachi, et Theodotionis verba faciunt; nemo autem de ipso Hebraico textu; Imo ipse *Hieronymus* in *Prefat. Comment. in Isaiam* ridet eos, qui Hebraicos fontes putant esse corruptos. Vide *Duguet Dissert. XIII.*

PROPOSITIO II.

Græcus Novi Testamenti textus incorruptus est quoad substantiam, licet mendis levioribus non careat.

Prob. 1^a pars. 1^o Si textus ille quoad substantiam corruptus esset, jam Ecclesia Græca, quæ eo utitur, veras non haberet Scripturas, quod absurdum est: 2^o Fieri non poterat, ut corruptio omnia prorsus exemplaria per orientalem Ecclesiam diffusa pervaderet; nec ullus id adverteret: Certe cum hæretici aliquid in eo textu mutare conati sunt, cito est detecta fraus; ut testatur de Marcionitis *Tertullianus Lib. V. cont. Marcion. Cap. 13.* & *Epiphanius Her. XLII.* de Ariani *Ambrosius Lib. III. de Spir. S. Cap. 11.* 3^o Latina versio recte cum Græco textu quoad substantiam consonat: Ergo &c.

Prob. 2^a pars. 1^o Quia fieri non poterat; ut còdex tot in illibus Libratorum manibus exscriptus, humanam non pateretur infirmitatem, præsertim si attendas Græcorum Manuscriptorum litteras, & notas compendiaras, in quibus facile mendum potest irrepere. 2^o quia fæverunt nonnulla in hodierno Græco textu, quæ aliter se habebant in vetèri, ut *ex. gr. Rom. XII. καιρω δαλδωτας*, cum olim haberetur *κωριω δαλδωτας*, sicut veteres Græci Patres *Origenes*, *Chrysostomus*, *Theophilactus* legerunt, et probat *Hieronymus* in *Epist. ad Mar-*
cel.

cellam : unde vulgata nostra recte habet *Domino servientes*.

Corollaria.

Ex his eruantur regulæ, secundum quas textu originali uti possumus. I. Quando in nostra vulgata videtur esse librarium error, ad textum originale confugiendum est.

II. Quando lectio variat, præferenda quæ textui originali est conformior.

III. Cum verba ambiguum habent sensum, ex textu originali explicanda sunt.

IV. Cum vis, sive potestas, et proprietas vocabulorum quaeritur, ex originali textu repetenda est.

Ex quibus vides, quantum præbeat Theologo adjuvmentum linguarum originalium peritia.

§. VI.

De Sacra Scriptura versionibus.

Adv. I. Præcipuæ Scripturarum versiones sunt Græca, Syriaca, Arabica, Chaldaica, Latina.

II. Græca versio multiplex est. 1^a. vetustissima nonnullorum veteris Testamenti librorum ante *Alexandri M.* tempora, cujus meminit *Clement Alexandrinus Lib. I. Strom.* 2^a. celebrior Septuaginta Interpretum, qui (ut veteres omnes tradidere Patres) rogante *Ptolemæo Philadelpho* Ægypti Rege, ab *Eleazaro* Summo Judæorum Pontifice missi sunt Alexandriam; ibique non solum *Pentateuchum*, ut ex *Josepho* in *Proem. Antiquit.* opinatur *Scaliger*, aliique recentiores Critici; sed totum verus Testamentum ex Hebræo in Græcum transfulerunt. Scribunt autem *Justinus*, *Irenæus*, aliique, eos interpretes in cellulis septuaginta duabus inclusos, singulos versionem suam adornasse; deinde vero collatas omnium versiones tam mire consensisse, quasi uno distante conscripserent. Ex quo inferunt, eos divino Spiritu fuisse illustratos, ac motos. Sed probabilius est, eos in unam Basilicam convenientes secum contulisse,

ut ait Hieronymus *Prefat. in Pentateuchum*, id probant testimonio *Aristeæ* (a), qui negotio interfuit, et *Josephi* *Lib. XII. Antiq. Cap. 2. (b)* 3^a. *Aquila* Judæi sub *Adriano* circa annum Christi CXXX. 4^a. *Symmachii* Samaritani, qui ex Judæo Christianus in hæresim Eblonitarum incidit, scripsitque imperante Commodo. 5^a. *Theodotionis*, primum hæretici Marcionitæ, deinde Judæi sub Antonino Caracalla, cujus versionis supersunt duo postrema capita libri Danielis, et pars etiam Cap. tertii, quæ, quia deerant in aliis versionibus, ex *Theodotione* sumpta sunt. 6^a. *Hiericuntina*. 7^a. *Nicopolitana*, quarum prior in urbe *Hierico*, altera *Nicopoli* reperta est. 8^a. *Luciani* Presbyteri, et martyris. 9^a. ipsius *Origenis*, qui versionem LXX ita emendavit, additis quibusdam ex *Theodotione*, ut nova versio videretur; 10^a. denique *Herichii*, qui eandem versionem LXX iterum emendavit.

III. Syriaca, et Arabica versio in Ecclesiis Syrorum, atque Arabum fuit in usu. Chaldaica vero, non versio, sed *paraphrasis*, est a tribus Rabbiniis sæc. V. exarata, & licet aliquando utilis sit ad sensum intelligendum, & revincendos Judæos; non semper tamen sententiam textus originalis tenet, nec a Rabbiorum fabulis est immunis.

IV. Inter innumeras Latinas versiones duæ fuerunt celeberrimæ, Italæ, quæ ante *Hieronymi* ætatem in usu Ecclesiæ latinæ fuit, ideoque tunc vulgata dicebatur, quamque *Augustinus* *Lib. II. de Doct. Christi. cap. 15.* ceteris anteponit, licet non ex Hebræo, sed ex Græco textu tran-

(a) Libellus, qui sub nomine *Aristeæ* circumfertur, multis est refertus fabulis, & supposititiis habetur à Criticis.

(b) Recentiores quidam Critici non solum cellularum circumstantiis, sed totam historiam versionis LXX contra omnium veterum auctoritatem vel negant, vel revocant in dubium. Eorum varia opinamenta vide apud Calmet *Dissert. De vers. LXX* & Natalelem Alex. *Dissert. VIII. Mundi æt.* Vide etiam *Prideaux Historie des Juifs. Tom. III.*

translata esset (a), & *Vulgata*, nostra, quæ ab ipso Hieronymo adornata est ex textu originali, excepto Novo Testamento, quod tantum correxit, ut ipse testatur *Lib. de Scriptor. Eccles.* necnon Libris quibusdam *Deuterocanonicis* Veteris Testamenti, quos in latinum non transtulit, nempe Libris Sapientie, Ecclesiastici, Machabæorum, Baruch cum Epistola Hieremie, et Psalmis, quorum Hieronymiana versio recepta non est in *Vulgata*, quia fideles in Psalmis canendis jam veteri, et communi versioni assueverant, quam, ex Origenis, et Luciani Græca interpretatione translata, ipse Hieronymus emendavit, ut testatur *Epist. ad Juniam*, & *Freuell.* Hac hodie utimur in Latina Ecclesia.

V. *Origenes* primum edidit Biblia Tetrapla ex quatuor versionibus in quatuor columnas dispositis, scilicet LXX., *Aquila*, *Symmach*, et *Theodotionis*. Deinde addidit columnas duas, quæ exhibebant Hebraicum textum Hebraicis, et Græcis characteribus descriptum; unde dicta sunt *Exapla*. Tandem, adjectis etiam duabus columnis, quæ versionem Hiericuntinam, et Nicopolitanam exhibebant, Biblia dedit Octapla. Hoc opus immensi laboris, et apud veteres celeberrimum, temporis injuria pessimo publico interdidit (b). Recentiores varia ediderunt Biblia Polyglotta; inter quæ copiosissima sunt Polyglotta *Briani Valtonis*.

VI. *Authentica* dicitur versio, quæ ab Ecclesia probata est, nullumque continet errorem in rebus Fidei, et Morum, esto in nonnullis levioribus emendari possit, idque exemplo Jurisconsultorum, qui authenticani dicunt Scripturam, quæ in publicis judiciis fidem facit. Quæritur ergo, quænam ex tot versionibus authentica dici possit.

PRO-

(a) Superfunt veteris Italæ versionis fragmenta a Patribus citata, quæ summo studio collegit Flaminius Nobilius, digestisque in ordinem, ut Italam versionem restitueret. Superfunt etiam ex veteri Psalterio Romano Introitus Missarum, Offertoria, & Invitatorium ad Matutinum, quæ Ecclesia mutare noluit.

(b) Vide Huetium in *Origenianis Lib. III. Cap. 37.*

PROPOSITIO I.

*Versio LXX. fuit olim, & est modo authentica. Est
contra Bellarminum Lib. II. De Verbo Dei
Cap. 6.*

Prob. 1^a. pars. Apostoli, Patres, et universa Ecclesia Græca per quinque priora sæcula ea versione utæ est tum in fidelibus edocendis, tum in revincendis hæreticis vel in privatis Scriptis, vel in Conciliis. Ergo tunc versio illa authentica fuit. Hinc *Augustinus Lib. II. de doct. Christ. cap. 15. Septuaginta Interpretum quod ad vetus Testamentum attinet, excellit auctoritas.*

Prob. 2^a. pars. 1^o. Fieri non potuit, ut versio illa, quæ per quinque sæcula in universa Ecclesia obrinuit, & cujus tot millia extabant exemplaria, in rebus gravibus ita corrumperetur, ut nemo errorem agnosceret, & corrigeret. 2^o. Ecclesia Græca non solum schismatica, verum, etiam catholica eadem Versione hodie utitur, nec umquam Latini Græcis objecerunt, quod authenticas Scripturas non haberent. 3^o. Sixtus V. Versionem LXX, editam Romæ anno 1582. ex vetusto Codice Biblioth. Vaticanz, auctoritate sua probavit, vetuitque, ne quis in posterum auderet eam immutare. Ergo.

*Objic. cont. 1^{am} part. Hieronymus sæpe carpit LXX. Interpretes. Docet enim, eos 1^o. quædam testimonia omis-
sisse, ut illa: Ex Ægypto vocavi filium meum. Quoniam Nazareus vocabitur. Videbunt in quem transfigerunt &c.: 2^o. quædam aliter transtulisse, sicut ea quæ favent mysterio SS. Trinitatis, ut arcanum fidei non vulgarent: 3^o. nonnulla addidisse; 4^o. in aliis extenuasse sensum, & subvertisse fortissima testimonia contra Judæos. Ergo.*

R. Dist. ant. in rebus levioribus, conc. in rebus gravioribus Fidei, et Morum, neg. Quæ enim a LXX interpretibus mutata, aut addita, aut omissa notat Hieronymus, non ita corrupta esse docet, ut aliquid contineant fidei, et bonis moribus contrarium, licet utilius putet, ea corrigi juxta Hebræicos fontes.

Objic.

Objic. cont. 2^m part. Hieronymus Prefat. in Lib. Paralip. ait: Si LXX. Interpretum pura, & ut ab eis in Græcum versa est, editio permaneret, succurrerem, ut Hebræa tibi volumina latino sermone transferrem: His adde, quod Justinus in Dialogo cum Tryph. alique Patres passim queruntur, Judæos versionem hanc corruptam. Ergo si a tempore Hieronymi ea versio erat corrupta; a fortiori hodie post tot sæcula.

R. Dist. conf. Erat corrupta, & est modo in rebus levioribus, quæ Fidem, & Mores non tangunt, conc. Secus, neg. Nunquam dixit Hieronymus, Ecclesiam universam ad suam usque ætatem usam esse Scripturam in rebus fidei, & morum vitiosa. Nec Justinus, alique Patres asserunt, Judæos exemplaria omnia violasse, quod tentare non poterant in iis Codicibus, qui in Ecclesia catholica religiose servabantur.

Objic. II. Philo, & Aristæus docent, mirificam fuisse inter textum Hebraicum, & versionem LXX consonantiam. At hæc versio, qualis nunc est, ab Hebræo valde dissonat, quod non solum observat Hieronymus in Epist. ad Juniam, & alibi passim, sed etiam cuilibet legenti patet. Ergo.

R. Dist. min. In levioribus, conc. in gravioribus, neg. Ita etiam Vulgata nostra authentica est, licet nonnulli in ea sing. navi.

PROPOSITIO II.

Syriaca, & Arabica versio utilis est ad quorundam locorum sensum melius explicandum.

Prob. Cum enim ear versiones in usu Ecclesiæ Syrorum, atque Arabum fuerint, juvat scire quomodo quadam loca explicaverint, cum præsertim de Syriaca hæc habeat Basilii Homil. II. in Hexameron: Syrorum vox significantior, & evidentior, & ob affinitatem, quam habet cum Hebræica lingua, sententias Scripturarum propius attingit. Ea usi sunt S. Ephrem, alique Ecclesiæ Doctores Syri. Ergo &c.

PRO.

PROPOSITIO III.

Vulgata latina versio authentica est.

Concilium Tridentinum id definivit celebri decreto Sessionis IV. *Sacrosancta Synodus considerans; non parum utilitatis accedere posse Ecclesia Dei; si ex omnibus Latinis editionibus, quae circumferuntur sacrorum librorum, quenam pro authentica habenda sit, innotescat, statuit, & declarat, ut hac ipsa vetus & vulgata editio, quae longo tot saeculorum usu in ipsa Ecclesia probata est, in publicis lectionibus, disputationibus, predicationibus, & expositionibus pro authentica habeatur, & ut nemo illam rejicere quovis prae-textu audeat, vel presumat.*

Probatur I. Versio authentica non eo sensu dicitur a Tridentino, quod praeferenda sit Hebraicis, Graecisque fontibus, ut falso calumniatur Calvinus in Antidoto Sess. IV. sed quod nihil habeat fidei, bonisque moribus adversum, & in rebus praecipuis a primario Scripturae sensu non discrepet, licet in levioribus emendari possit. Ita sensum Tridentini explicant Andreas Vega, qui Concilio interfuit Lib. XV. Cap. 9. Bellarminus Lib. II. de Verb. Dei cap. 10., & 11. Sixtus Senensis Lib. VIII. Biblioth. Atqui talis est versio, Vulgata latina. Universa enim occidentalis Ecclesia per tot saecula hac una versione usa fuit. Siquidem ab aetate Hieronymi statim receperat novi Testamenti editionem, quam ille cortexerat jussu Damasi: vetus vero Testamentum jam a septimo saeculo secundum hanc vulgatam versionem, quae ipsius Hieronymi est, in tota Ecclesia occidentali legi coepit. Si ergo hac versio authentica non esset, jam Ecclesia catholica per tot saecula veris caruisset Scripturis, & in rebus fidei, & morum errorem pro veritate recepisset. At id absurdum esse patet tum ex iis, quae libro superiore diximus, tum ex iis, quae infra dicturi sumus de Ecclesiae infallibilitate. Ergo.

Prob. II. Sicut agnoscendus est iudex aliquis supremus, qui libros scripturarum genuinos secernat a spuris,

riis, ceterasque fidei controversias finiat; ita pariter idem iudex debet genuinam, & authenticam Scripturarum versionem definire. Utrumque enim paris momenti est. At Ecclesiam esse supremam illam iudicem ostendimus inferius. Ergo.

Prob. III. Nemo umquam tantam iactare poterit Hebraicæ linguae peritiam, quantam habuit *Hieronymus*, qui sub quinque Hebræis Præceptoribus eam didicit, & codices Hebræos habuit meliores. Jure ergo ejus interpretatio ceteris antelata est. Licet enim nonnulli principio, vetustatis amantiores, *Hieronymo* obloquerentur, tamen paulatim versionis ejus perspicuitatem, & fidelitatem mirari, eam summo consensu omnes receperunt, quia hæc nova translatio inquit *Gregorius M. Lib. XX. Moral. Cap. 24 ex Hebræo nobis, Arabicoque eloquio cuncta verius transulisse prohibetur*. Atqui vulgata nostra ipsissima est *Hieronymi* versio, exceptis paucis, quas supra dicta sunt, ut patet non solum ex præfationibus unicuique Libro præfixis, verum etiam ex eo quod quid. quid in Commentariis *Hieronymus* scribit, aliquo modo ex Hebræo transferendum vel supplendum, ita habetur in vulgata; nec ullus fingi potest alius ejus auctor præter *Hieronymum*. Ergo ex ipsa auctoris eruditione Vulgata nostra versio merito palmam ceteris præripuit. Quod & confirmatur ex eo, quod per duo amplius sæcula novatores, contra eam versionem disputantes, nullum adhuc invenire potuerunt novum, quo in rebus gravioribus ab originali textu discordet, imo ipsi Protestantes, in hac parte ceteris æquiores, Vulgatæ excellentiam fateri tandem coacti sunt, ut *Grotius, Casaubonus, Ludovicus de Dieu, Fagius*, & ipse *Beza* linguarum orientalium periti. Ergo &c. (q).

Sol-

(a) Vide quæ pro Vulgata copiose scribunt *Andreas Vega Lib. XV. in Conc. Trid. Cap. 9. Driedo Lib. II. de Ecclesiæ dogm. Cap. 1. Coccinius Apolog. pro conc. Trid. p. 1. Lindanius, Sixtus Senensis, Melchior Canus, Bellarminus &c.*

Salvantur Objectiones.

Obje. Declarare Versionem vulgatam authenticam est retundere diligentiam studiosorum, ne textum originalem umquam consulant. Hoc autem perniciosum est. Sicut enim *Hieronymus* utile esse credidit post veteres versiones Latinas novam ex textu Hebraico adornare; ita etiam utile erit, & licebit Recentioribus adornare novas. *Hieronymus* enim non erat in interpretando fallibilis, sive infallibilis, ut ei objicit ipse *Augustinus* *Epist. X.* Unde etiam, inquit, nobis videtur, se quoque in nonnullis falli potuisse. Ergo.

R. *Neg. maj.* Numquam enim Tridentini Patres vulgatam versionem textui originali prætulere, aut Hebraicos, Græcosque fontes consulere prohibuerunt, ut docent illi ipsi, qui Concilio interfuerunt, *Salmero Proleg. 3.* *Vega Lib. XV. Cap. 2.* quique post Tridentinum scripserunt *Pallavicinus*, *Bellarminus* &c. Imo etiam post Tridentinum locum habent regulæ, quas §. II. in corollariis tradidimus, ut patet ex Catholicorum interpretum consensione, qui, Ecclesia probante, ac laudante sæpe ad Hebraicos, Græcosque fontes confugiunt in Scripturis interpretandis.

R. 2^o. *Neg. min.* Inutile enim, imo et noxium esset novas quotidie versiones prodire, inter quas unusquisque fluctuaret incertus. *Hieronymus* quidem falli aliquando potuit; sed Ecclesia declarando ejus versionem authenticam, declaravit etiam, eum actu non fuisse deceptum in rebus gravioribus.

Inst. 1^o. Posito Tridentini decreto, nemo potest vulgatam editionem rejicere, cum contra liceat rejicere textum Hebraicum ubi mendosus est. Ergo Concilium versionem textui originali præferendam decrevit.

R. *Dist. ant.* quoad *im. part.* Nemo potest Vulgatam rejicere universam, *conc.* In nonnullis partibus, in quibus mendosa est, *neg.* Ipsi enim Pontifices *Sixtus V.* et *Clemens VIII.* Vulgaræ emendandæ operam navarunt, testatique sunt qui ei operi insudarunt, se non pauca emendanda reliquisse.

Inst. 2^o. Si in una particula concedatur esse mendosa versio,

versio, in omnibus ejus nrat auctoritas; de singulis enim ejus sententiis dubitari poterit. Ergo etc.

R. Neg. ant. Non enim de universis *Platonis, Ciceronis, Livii* operibus dubitamus, licet plurima in ipsis mendosa esse constet; non enim leviter, ac temere, sed gravissimis rationibus emendatio fieri debet; quæ rationes ubi defunt, rejici textus non potest, sive *Hebraicus* sive *Vulgatus*.

PROPOSITIO IV.

Merito Concilium Tridentinum proscripsit versiones Scripturæ ab hæreticis editas lingua vernacula: imo etiam merito prohibuit, ne versiones catholicorum vernacula passim, & sine discrimine legerentur ab omnibus.

Prob. 1^a pars. Hæretici eo consilio multas Scripturæ versiones lingua vernacula adornaverant, ut erroris sui veneno fideles facilius inficerent. Merito ergo Ecclesia eas proscripsit.

Prob. 2^a pars verbis regulæ IV. Indicis editi jussu Concilii Tridentini, quæ regula æquitate sua se probat: Cum experimento manifestum sit, si *Sacra Biblia* vulgari lingua passim sine discrimine permittantur, plus inde ob hominum temeritatem, detrimenti, quam utilitatis oriri; hac in parte judicio Episcopi, aut Inquisitoris stetur, ut cum consilio Parochi, aut confessorii, *Bibliorum* a catholicis auctoribus versorum lectionem in vulgari lingua eis concedere possint, quos intellexerint ex hujusmodi lectione non damnum, sed fidei, atque pietatis argumentum capere posse. Nimirum cum nonnullis ob infirmitatem, imperitiam, aliasve causas offendiculo esse possint quædam historiarum, vel sententiæ Scripturarum, statuit Ecclesia, ut ii Scripturas vulgari lingua legant, qui non damnum, sed utilitatem inde possint percipere. Quod autem sequitur in ea regula: quam facultatem in scriptis habeant. Qui autem absque ea facultate ea legere, vel habere præsumserit, nisi prius Bibliis Ordinario redditis, peccatorum absolutionem percipere non possit, id non ubique usu receptum est: aliqui etiam in defuetudinem abiit.

Cete-

Ceteram Sacra Concilii Congregatio die 13. Junii anno 1757. declaravit, idq. Benedictus XIV. confirmavit, non comprehendi ea regula Versiones a catholicis factas, notis illustratas ex Patrum Commentariis, & ab Ecclesia probatas, qualis est versio Italica *Martini*, quæ omnium optima videtur.

Objecla diluuntur.

Objic. I. Libri Scripturarum a Sacris auctoribus scripti sunt lingua, quæ erat vulgaris apud eos populos, quibus credita sunt eloquia Dei. Deinde vero cum aliæ Nationes ad Ecclesiam venerunt, sacra Biblia in earum linguam translata sunt ex. gr. in Græcam, Latinam, Syriacam, Arabicam etc. Ergo.

R. Dist. ant. In ædificationem, *transfert*: In destructionem, *neg.* Hoc est, licet in lingua vulgari scripti sint, vel translati Libri sacri, semper tamen ipsa naturali lege cautum est, ut si qui ex alicujus libri sacri lectione detrimentum capere possent, ab ea abstinere; nec aliud præcepit Ecclesia Romana. Dixi *transfert*, quia non omnino verum est, Sacram Scripturam cito in vernaculam linguam cujuscunque Nationis fuisse translata. Nam post captivitatem Babylonicam, licet Judæi, Hebraicam linguam obliti, Chaldaice, vel Syriace loquerentur, tamen Hebraicus textus religiose retentus est: Paulus ad Romanos scripsit Græce: et licet viventibus adhuc Apostolis per universum orbem fundatæ sint Ecclesiæ, non ideo tamen cito in vulgarem cujusque Gentis linguam translatae sunt Scripturæ.

Objic. II. Chrysostomus Homil. IX. *epist. ad Coloss.* Audite, inquit, obsecro seculares omnes; comparate vobis Biblia, anime pharaca. Si nihil aliud vultis, vel Novum Testamentum acquirite. Imo ipse Christus Joan. V. 39. Judæis ait: *Scrutamini Scripturas.* Ergo Scripturæ ab omnibus etiam secularibus, et mulieribus passim legendæ sunt, ac proinde vulgari lingua.

R. Neg. conf. Chrysostomus enim, alique Patres, qui generatim hortantur fideles, ut legant Scripturas, intelligendi commode sunt de iis, qui nullum inde detrimentum ob suam ipsorum infirmitatem possunt acci-

pere. Verba autem Christi *scrutamini Scripturas* ad rem nostram non faciunt; nam vel intelliguntur modo indicandi, ut putat *Cyrillus*, vel modo imperandi, ut *Chrysostomus*, et *Augustinus*; manifestum est, ea dirigi ad viros in lege eruditos; Scriptura enim translata non erat in linguam Judæorum vernaculam, quæ utique erat Syriaca; atque idcirco legisperiti utebantur vel ipso originali textu Hebraico, vel ad summum Græco ex versione LXX.

Obje III. Saltem negari non debet, in Sacrificio Missæ, in administratione Sacramentorum, et publicis precibus scripturam legendam esse lingua vulgari. Apostolus enim *I. Cor. XIV. 16.* hortatur fideles, qui dono linguarum precelebant, ne convenientes in Ecclesiam uterentur lingua auditoribus ignota, alioquin *qui supplet*, inquit, *locum idiote*, *quomodo dicet amen super tuam benedictionem, quoniam quid d'cas nescit?* Male ergo Concilium Tridentinum *Sess. XXII. de Ref. cap. 8. & can. 9.* cavit, ne Missa vulgari lingua celebraretur.

R. *Neg. ant.* Periculum enim erroris, quod ex privata scripturarum lectione timeri poterat idiotis, et infirmis, multo magis imminet ex publica lectione Scripturæ vulgari idiomate in publicis Ecclesiæ precibus, et sacrificiis; in quibus illud etiam incommodum accedit, quod si in tot linguas transferenda esset liturgia, quot sunt Christianæ gentes, vitari non posset in tot versionibus aliqua mutatio sensus, quæ semper maximi momenti esset in re tam gravi. Apostolus autem de Scriptura, aut divinis Officiis non loquitur, ut legenti pateret; sed si per vim trahere velis ejus verba ad rem præsentem, observandum est, Apostolum ibidem permittere, ut quis in Ecclesia ignotis linguis loquatur, si sit qui interpretetur. *Sive lingua quis loquitur, secundum duos, aut ut multum tres, & per partes, & unus interpretetur.* Concilium autem Trid. licet veteret divinæ officia vulgari Lingua celebrari, monet tamen pastores, ut interpretentur, et explicent populo vulgari lingua quæ ad eorum instructionem faciunt. Quod si negligunt, ipsorum culpa est. *V. Bellarm. Lib. II. de Verb. Dei Cap. 15. etc.*

Tom. 4

K

Inst.

Inst. Absurdum est, ut qui Deum orat, nesciat quid dicat. Atqui multi ad divina officia recitanda obliantur, ut Religiosæ mulieres, qui latine nesciunt. Vnde Apostolus *loc. cit. v. 14. si orem*, inquit, *lingua*, scilicet ignota, *spiritus meus orat, mens autem mea sine fructu est*. Ergo.

R. Dist. ant. Si non habeat mentem ad Deum elevatam, eumque laudare, et orare non intendat per verba, quæ profert in sensu matris Ecclesiæ, cuius gerit personam qui divina officia persolvit, *corp.* De talibus enim dicit Dominus *Isaia XXIX. 13. Populus hic labiis suis glorificat me, cor autem ejus longe est a me; Secus, nego*: alioquin multi etiam latine docti abstinere deberent a recitandis Psalmis, in quibus multa obscura sunt, nec passim ab omnibus intelliguntur, et eadem maneret obscuritas, licet in vulgarem linguam transferrentur. Iudæi etiam sacrificia, et ceremonias legales abjicere debuissent, quorum sensum ignorabant. Ceterum cum sint versiones psalmorum ab Ecclesia probatæ, potest quis privatim eas legere, ut in publicis precibus, quantum fieri potest, quod dicit intelligat. Apostolus quidem ait, eum, qui preces non intelligit, habere mentem vacuam peculiari illo fructu, qui percipitur ex sensu verborum; sed non illo, qui fluit ex elevatione mentis ad Deum, quæ præcipua pars orationis est; imo fieri potest, ut qui majori intentione ad Deum elevatus est, majorem hinc percipiat fructum, licet verba non capiat, quam qui verba intelligens, minus est ad Deum intentus. Vide *S. Thomam, Estium* in Commentariis. Vide etiam de toto hoc argumento *Bellarminum Lib. II, de Verbo Dei Cap. 15., & 16. (a)*. §. VII.

(a) Vide etiam omnino *Bibliothecam Sacram D. Calvert*, quæ præmissa est ejus *Dictionary Historico S. Scripturæ*, in qua de variis editionibus, & versionibus Scripturarum eruditissime, & copiosissime differit. *Jacobus Le Long*, edidit *Bibliothecam Sacram*, sive Syllabum omnium Scripturæ Sacræ editionum, ac versionum. *Richardus Simonius Hist. Crit. Textus N. T. Cap. 29.* varios recenset manuscriptos Codices novi Testamenti, qui hucusque servati sunt. Item præstat in *Hist. Crit. Ver. Testi Joannes Millius* in Prolegomenis N. T. variantes lectiones summo studio collegit, & de statu ipsius textus fuisse agit.

§. VII.

De multiplici Scripturæ sensu.

Adv. I. Sensus Scripturæ generatim triplex est, *literalis*, *mysticus*, et *accommodatitius*. *Literalis* est, quem verba sive proprie, sive metaphorice intellecta *apertè* immediate exprimunt. *Mysticus* vero, seu spiritualis, quem significant ipsæ res per verba expressæ. Sic quod legitur in Genesi, *Abraham* duos habuisse filios, quum de ancilla, alterum de libera, ad litteram quidem significat, hominem illum revera duos illos filios genuisse; at *Apostolus* per duos filios intelligit duo Testamenta, *Vetus*, et *Novum*, illud in servitutem, hoc in libertatem filios generans. *Ad Galat. IV.*

II. *Mysticus* autem sensus triplex est, *Tropologicus*, qui pertinet ad mores informandos, *allegoricus*, qui est de rebus in Ecclesia militante credendis, *anagogicus* de sperandis in patria. Vnde illud:

Littera gesta docet, quid credas allegoria:

Moralis quid agas, quo tendas anagogia.

Sic ergo vox illa *Ierusalem* ad litteram designat urbem Judæorum metropolim, *allegorice* Ecclesiam, *tropologicè* animam hominis, *anagogice* cœlestem beatorum patriam.

III. *Accommodatitius* sensus est, quem nec verba, nec res per verba significatæ indicant, sed per quamdam similitudinem ad aliud significandum aptatur. Sic quod *Ezech. XLIV.* dicitur de *Abraham*: *non est inventus similis illi*; Ecclesia Sapientis pontificibus applicat. Imo etiam ipsa Scriptura aliquando sensu accommodatitio utitur: ut ex. gr. *Joannes* in Apocalypsi *Cap. XI.* aprat *Enoch* et *Elie* quæ dicuntur *Zach. IV.* de *Jesu*, et *Zorobabele*: *hi sunt due olive*. Duo autem hæc in re cavenda sunt: 1^o. ne putemus, Scripturam sensu accommodatitio uti cum citat Prophetias veteris Testamenti, quam impletas in novo, quæ in re deceptus est *Grotius* in *Cap. VII.* *Matt. v. 22.* merito notatus ab

Huetio, et Bossuero; 2^o. ne Scripturæ verba aptentur ad res falsas, vel etiam prophanas, aut scurriles: quod severe vetat Concilium Tridentinum Sess. IV. Sancta enim sancte tractanda sunt, nec nisi ad pietatem, et religionem fovendam usurpari debent.

IV. Licet non semper Scriptura sub una sententia plures sensus habeat, nam ut observat *Augustinus Quæst. II. in Genes.* quibusdam in locis solus sensus litteralis querendus est; negari tamen non potest, quin sæpe sub eadem sententia præter sensum litteralem mysticus etiam lateat. Hinc *Chrysostomus Homil. XXXVII. in Genesim.* In una, inquit, dictione plurima sæpe multitudo sensuum invenitur; divina enim sunt eloquia, non humana. Idque non solum millies insinuant Patres, verum etiam ipsa Scriptura, ut patet ex Apostolo citato loco Epistolæ ad Galatas. Imo aliquando ejusdem sententiæ duplex est sensus, uterque litteralis. Sic quod de agno Paschali dicitur *Exod. XII. 46. Os non comminuetis ex eo*, *Joannes Cap. XIX. 36.* ad litteram explicat de Christo. Ceterum nullus est Scripturæ locus, qui nullum omnino habeat sensum litteralem, qui sensus, ut advertit *Calmer Prefat. in Lib. V. Test.* est aliorum sensuum basis, et fundamentum; meritoque *Cajetanus* reprehenditur, qui contra omnium Patrum sententiam apud *Pe-ravium Lib. II. De opif. Cap. 8.* putat, formationem *Hevæ*, *Gen. 11. 21.* intelligendam esse in sensu allegorico, exclusa litterali. His ergo explicatis, dicimus:

PROPOSITIO.

*Ex solo sensu litterali Scripturarum argumenta
Theologica duci possunt, non ex mystico:
nisi forte sensus mysticus Scripturæ,
aut Traditionis auctoritate
nitatur.*

Prob. 1^a. pars. Sensus mysticus, qui Scriptura, aut Traditione non nititur, est sensus ab homine excogitatus; sed theologus non ab humanæ sapientiæ inventis, sed a sola divina revelatione argumendi debet: Ergo. Hinc *Hieronymus in Cap. XIII. Matth. Numquam para-*

bole, & dubia enigmatum intelligantia potest ad auctoritatem dogmatum proficere. Et Augustinus Epist. XCIII. al. XLVIII. c. 8. Quis autem non imprudentissime nitatur aliquid in allegoria positum pro se interpretari, nisi habeat & manifesta testimonia, quorum lumine illustrentur obscura?

Prob. 2^a. pars. Cum Scriptura, aut traditio locum aliquem mystico sensu interpretantur, tunc non ex hominum excogitationibus, sed ex ipsa revelatione firmissimum habemus argumentum, sensum illum a Spiritu Sancto fuisse significatum. Ita ex verbis illis Deuter. XXV. non alligabis os bovi trituranti, recte concludimus, deberi stipendia ministris Evangelicis, quia Apostolus I. Cor. IX. 9. verba illa in hoc sensu mystico exponit.

§. VIII.

Sensus Scriptura non est ubique clarus, etiam in rebus ad salutem necessariis.

Adv. I. Inter varios Scripturae sensus eruendus est verus, ut argumenta inde peti possint. Lutherus autem in Praefatione Affectationis articulorum a Leone X. damnatorum, Brentius, Kemnitzer, alique passim Protestantes contendunt, Scripturae sensum esse ubique clarissimum, nec ullo interprete, aut iudice indigere. Sed aliquando idem Lutherus experientia victus fateretur, Praefatione in Psalmos, esse impudentissima temeritatis eum, qui audeat profiteri, unum Scripturae librum a se in omnibus partibus intellectum. Nec abnuunt alii Protestantes, aliqua esse Scripturae loca obscura. Quod cum priori assertionibus modis conciliant: 1^o. Scripturam esse ubique claram fidelibus, sed alicubi obscuram infidelibus: 2^o. Scripturam esse claram, quia loca quaedam obscura per alia loca clatiora explicantur: 3^o. Esse ubique claram in rebus ad salutem necessariis, licet in aliis aliquando sit obscurior, ut in descriptione Templi apud Ezechielem, in Prophetia Apocalypsis etc. Contra hos catholici sentiunt.

PROPOSITIO I.

Scripturæ sensus est alicubi obscurus.

Prob. I. Ex ipsa Scriptura. Petrus Epist. II. Cap. 3. de Epistolis Pauli ait: in quibus sunt quedam difficilia intellectu, quæ indocti, & instabiles depravant, sicut & ceteras Scripturas. Christus Luc. XXII. Apostolis Scripturas interpretabatur, quod fuisset inutile, si ubique clare essent. Eunuchus Act. VIII. interrogatus a Philippo, num intelligeret Scripturam, quam legebat, respondit, quomodo possum, si non aliquis ostenderit mihi? Hinc David seum orat, ut ei legis sensum aperiat: da mihi intellectum, & scrutabor legem tuam. Revela oculos meos, & considerabo mirabilia de lege tua etc. Ps. CXVIII.

Prob. II. ex Patribus, inter quos Gregorius Homil. XVII. in Ezechiel. Multa sunt, inquit, in Scripturis aperta, ut pascant parvulos, quedam obscura, ut exerceant fortes. Et Augustinus Lib. LXXXIII. Quest. Deus noster sic ad salutem animarum divinos libros Spiritu Sancto moderatus est, ut non solum manifestis pascere, sed etiam obscuris exercere nos velles. Et in Lib. II. de doctr. Christi. cap. 6. docet, id divino consilio factum ad edomandam hominis superbiam. Adde Irenæum Lib. II. cap. 47. Origenem Lib. VII. contra Cels. Chrysostomum Homil. XL. in Joan. Ambrosium Epist. XLIV. ad Constantium, aliosque (a). In his autem Scripturæ, et Patrum locis non solum dicitur, Scripturam esse obscuram hominibus infidelibus, et superbis, sed etiam fidelibus, et sanctis.

Prob. III. ratione. Tanta est in Scripturis rerum sublimitas, absentia factorum quæ narrantur, troporum, & fi-

(a) Origines Lib. VII. cont. Cels. Hieronymus Epist. ad Paulin. & Pref. Comment. in Epist. ad Ephes. & Ep. ad Algas. q. 8. Gregorius M. Hom. VI. in Ezech. Augustinus vero milles id repetit.

& figurarum multitudo, varietas sensuum, quos una, eadem littera habere potest, etc. ut necessario quædam nobis obscura esse debeant. Denique si Scriptura ubique clara est, cur ipsi Protestantes tot in eam edidere commentaria? cur inter ipsos tot agitantur lites de sensu multorum Scripturæ textuum, quas lites hucusque post annos fere trecentos componere non potuerunt?

PROPOSITIO II.

Scriptura etiam in rebus ad salutem necessariis obscura est nonnullis in locis, quæ per alia loca clariora explicari non possunt.

Prob. I. Quibusdam exemplis. 1º. Necessarium est ad salutem scire, quo sensu dixerit *Christus Matth. V. 22. Omnis qui dimiserit uxorem suam, excepta fornicationis causa, facit eam mœcham, & qui dimissam duxerit, mœchatur*: inde enim Græci errant, putantes in causa adulterii matrimonium dissolvi. Si autem iis opponas, textum hunc explicari per alium *Marci X. 11. in quo Christus absolute pronuntiat: Quicumque dimiserit uxorem suam, & aliam duxerit, adulterium committit super eam*, reponent, potius locum *Marci* explicari per locum *Matthæi*; quod enim apud *Marcum* sine exceptione dicitur, apud *Matthæum* ostenditur intelligendum, excepta causa adulterii. Ergo locus hic obscurus de re maximi momenti per ipsam Scripturam explicari non potest. 2º. Obscurus est etiam locus *Apostoli Ephez. V. 32. Sacramentum hoc magnum est, ego autem dico in Christo, & in Ecclesia*. Obscurum enim est, nec ex aliis Scripturæ locis constat, utrum *Apostolus* magnum Sacramentum appellaverit unionem Christi cum Ecclesia, an ipsum matrimonium, quod hujus unionis signum est; et tamen necessarium est ad salutem scire, utrum matrimonium dici possit magnum sacramentum. 3º. Quomodo per ipsam Scripturam explicabis quod ait idem *Apostolus I. Cor. VII. 14. Sanctificatus est vir infidelis per mulierem fidelem, & sanctificata est mulier infidelis per virum fidelem, alioquin filii vestri immundi essent, nunc autem sancti sunt*? Si enim Calvinistæ ex

hoc loco contendunt, filios mulieris fidelis esse sanctos absque baptismo, sequeretur hinc etiam, virum infidelem per mulierem fidem absque baptismo sanctificari; Apostolus enim de patre æque ac de filiis pronuntiat, eos esse sanctos per mulierem fidem. Mitto alia Scripturæ loca.

Prob. II. ad hominem eodem argumento, quo supra usi sumus. Si Scriptura in necessariis clara est, cur apud ipsos Protestantes de rebus maxime necessariis ex. gra. de numero Sacramentorum, de præsentia reali Corporis Christi in Eucharistia, de justificatione etc. tam graves controversiæ sunt, quas hucusque per solam definire non valuerunt Scripturam, cum tamen omnes contendant in his rebus Scripturam esse clarissimam? Ergo.

Objectiones diluuntur.

Objic. I. Ipsa Scriptura claram se esse docet, quod saltem de rebus necessariis intelligendum est. Deuter. XXX. 11. Mandatum hoc, quod ego præcipio tibi hodie, non supra te est, neque procul positum, nec in caelo situm, ut possis dicere; quis nostrum valet ad caelum ascendere, ut deferat illud ad nos, & audiamus, & opere compleamus? Et Psal. XVIII. Præceptum Domini lucidum illuminans oculos: & Psal. CXVIII. Lucerna pedibus meis verbum tuum, & lumen semitis meis: Et Proverb. VI. 23. Mandatum lucerna est, & lex lux: quibus concinit Petrus II. cap. I. 19. Habemus firmiorem propheticum sermonem, cui benefacitis attendentes, tamquam lucerne lucenti in caliginoso loco. Ergo.

Ans. Dist. ans. Ipsa Scriptura docet, se esse claram in multis, conc. in omnibus, subdist. vel ætèræ, immediate, vel mediate, sive ope legitimi interpretis, conc. immediate semper, neg. Itaque saremur, Scripturam multis in locis esse clarissimam, ut sapientes advertit, & probat Bossuetus in sua Defensione Traditionis, qualia sunt generalia præcepta decalogi, de quibus sermo est Deuter. XXX., & Psal. XVIII., & CXVIII. & Prov. VI. dicunturque etiam, non esse supra nos, quia divinæ gratiæ auxilio

servari possunt, ut post alios Patres (a) exponit Augustinus *Lib. De Perfect. just.* Item prophetiæ de Christo, de quibus loquitur *S. Petrus*. Sed id non obstat, quin sint etiam obscura quædam, de quibus sermo est in eodem *Deuteronom. Cap. XVII. 8.* & in eodem *Psal. CXVIII.* & in eadem Epistola Petri locis supra laudatis. Præterea etiam in locis obscuris Scripturæ dici possunt lux, lucerna, etc. non quia per se omnibus claræ sunt, sed quia cum totæ Ecclesiæ, ut dicemus suo loco, earum sensus revelatus sit; quicumque fidelis ope legitimi huius interpretis eas legerit, & intellexerit, lumen habebit lucidissimum, quod dirigatur ad vitam.

Inst. Si quæ obscuritas apparet in aliquibus Scripturæ locis, ea oritur ex legentium infidelitate. Ait enim Apostolus *II. Cor. IV. 3.* *Quod si opertum est Evangelium nostrum, in iis, qui pereunt, est opertum, in quibus Deus hujus sæculi excæcavit mentes infidelium.* Ergo ipsa per se Scriptura clara est in omnibus, sicut lumen solis clarissimum est, licet iis, qui oculos claudunt, non luceat.

R. Neg. ant. Nomine enim *Evangelii* non intelligit Apostolus Sacram Scripturam, sed ipsam Christianam religionem, quæ sæpe *Evangelium* in novo Testamento dicitur, quod quidem non est opertum umbrarum, & figurarum velaminibus, ut Testamentum vetus. Si cui igitur non lucet veritas Christianæ religionis post tot miracula, prophetias, aliaque *credibilitatis* motiva, id ex cordis sui duritie, & cæcitate proficiscitur.

Inst. 2º. *Apoc. V. 8.* dicitur Agnus aperuisse librum, & solvisse signacula ejus. Ergo si quæ erat antea in Scripturis obscuritas, evanuit.

R. Neg. conf. Non enim eo sensu dicitur Agnus aperuisse librum, quod omnes Scripturarum sententias explicaverit, sed quia in ejus morte impleta sunt omnia vaticinia, quæ sub umbris, & figuris obscure sacrificium Christi præsignificabant.

Ob.

(a) Tertullian. *Lib. IV. cont. Marcion.* Origenes, Ambrosius; Chrysostomus etc. in *Cyp. 10. Epist. ad Rom.*

Obbie. II Chrysostomus Homil. III. de Lazaro ait, Philosophos locuros esse obscure; Apostoli vero, inquit, & Prophete omnia contra fecerunt, manifesta, claraque, que prodiderunt, exposuerunt nobis, veluti communes orbis doctores, ut per se quisque discere possit ea, que dicuntur ex sola lectione. Idem repetit Homil. III. in II. ad Thessalon. & alibi. Augustinus Lib. II. de doct. Christ. c. 9. In iis, que aperte posita sunt in Scripturis, invenimus ea omnia, que continent fidem, moresque vivendi; fidem scilicet, spem, & charitatem. Et Lib. II. de peccator. meritis. docet, modum, quo traducitur peccatum originale ideo non esse in Scripturis clare expressum, quia ad salutem necessaria non erat ista noticia: Hinc divinatorum eloquiorum clarissima auctoritas esset, si homo illud sine dispendio promissæ salutis ignorare non posset. Et Cyrillus Lib. VII. cont. Jul. docet, ideo Scripturas simplici stylo fuisse compositas, ut cuiusvis perspicue forent. Ergo ex Patribus, saltem in rebus ad salutem necessariis, Scriptura clara est.

R. Neg. conf. Ad. 1^m. Chrysostomus disputans contra eos, qui cum possent ex lectione Scripturæ proficere, propter socordiam id negligebant, exaggerantes Scripturæ obscuritatem, oratorio more eorum excutit torporem, amplificando Scripturæ claritatem. Quæ amplificatio falsa non est; potest enim aliquo sensu Scriptura dici clara, 1^o. Quia plurima habet clarissima, ex quibus legentes proficere possunt; quod ad argumentum Chrysostomi sufficiebat: 2^o. Quia clare docet quid sit agendum in locis obscuris, scilicet audiendam Ecclesiam; 3^o. Quia fideles a Pastoribus edocti facile intelligunt ea ipsa loca, quorum sensus esset illis alioquin impervius. Ceterum Chrysostomus agnoscit in multis Scripturæ obscuritatem non solum Homil. XL. in Joan., verum etiam in hac ipsa Homil. III. de Lazaro. Ait enim ante verba in objectione posita: Quid igitur, si non intelligamus ea, que continentur in libris? Maxime quidem, etiamsi non intelligas illic recondita, tamen ex ipsa lectione multa nascitur sanctimoniam. Et infra: Sume librum in manum, lege historiam omnem, & que nota sunt, memoria teneas, & que obscura sunt, parumque manifesta, frequenter percurrere. Quid si non poteris assidue le-
Geo-

Etiam invenire quod dicitur, accede ad sapientiores, vade ad doctorem.

Ad 2^m. Agnoscit ibi *Augustinus*, esse loca in Scripturis obscura. Docet tamen, in iis, quæ clare sunt posita, inveniri ea omnia, quæ necessaria sunt, tum quia inveniuntur clara, & aperta generalia præcepta fidei, spei, et charitatis, tum quia in iis, quæ clare posita sunt, invenitur, confugiendum ad Ecclesiam in locis obscuris. Unde distingui potest: inveniuntur omnia quæ necessaria sunt, quoad generalia præcepta fidei, et morum, *conce-ssio*, quoad omnia omnino necessaria, *subdistinguitur*. vel *immediate*, vel *mediate*, ope scilicet legitimi interpretis, *concessio*, *immediate* semper, *neg.* Pari ratione explicari potest *Cyrillus*.

Ad 3^m. Agit *Augustinus* de questione obscurissima, quomodo scilicet peccatum originale traducatur. Cum ergo de ea re sileat omnino traditio, et Ecclesia, recte docet *Augustinus*, eam in Scripturis fuisse clarissime raperiendam, si esset scitu necessaria ad salutem.

Objic. III. Merito reprehenditur in homine sermonis obscuritas. Ergo multo minus tribuenda est Deo in Scripturis ad homines loquenti de rebus ad salutem necessariis.

Re. Neg. conf. & parit. Homo enim hominem alloquitur obscure, vel quia non potest, vel quia non vult melius animi sui sensu patefacere, quorum primum infirmitatis, alterum superbiæ, vel calliditatis est. At Deus hominem alloquitur, non solum ut doceat, verum etiam ut a peccato sanet: cum ergo omnis peccati radix superbia sit, ita eloquia sua temperavit, ut clavis depelleret ignorantiam, obscuris foveret humilitatem. Ceterum omnia clare aperuit Ecclesiæ, quam quisque humiliter audiens, ita intelliget obscura, ut non effletur in superbiam. Vide *Augustinum Lib. II. de Doctr. Christi. c. 6.* & *Prefationem D. de Sacy in Librum Ecclesiæ. Art. 1.*

Corollarium.

Cum ergo Scriptura multis in locis obscura sit, quæ non possunt per alia loca clariora explicari, sequitur, quæ-

quarendum esse interpretem, qui sit a Scriptura distinctus, ut possit obscura absque erroris periculo explicare. Qui autem explicare potest textus obscuros, a fortiori interpretari poterit claros, quos hæretici, malive catholici falsis interpretationibus obnubilare moluntur; non enim nata sunt hæreses aliquando, inquit Augustinus, nisi, cum Scripturæ bene intelliguntur non bene, Tract. X. in Joan. Confugiendum ergo est ad Traditionem, quam Capite superiori diximus esse alteram fidei regulam. Hinc Vincentius Lirinensis *Commonitor. C. XXXIII. Si*, inquit, *divinis eloquiis, sententiis, promissionibus & diaboli, & discipuli ejus aiuntur . . . quid facient catholici omnes, & matris Ecclesiæ filii? Quonam modo in Scripturis sanctis veritatem a falsitate discernent? Hoc scilicet facere magnopere curabunt, quod in principio commentarii istius sanctos, & doctos viros nobis tradidisse scripsimus, ut divinum Canonem secundum universalis Ecclesiæ Traditiones & juxta catholici dogmatis regulas interpretentur. Quam regulam a catholica Ecclesia omnibus sæculis servatam sancivit Concilium Tridentinum Sess. IV. Sed cum contingat aliquando, ipsam traditionem in aliquibus obscuram esse, profecto qui est legitimus Scripturarum interpret, erit et interpret traditionis, cum utrumque sit verbum Dei. Hinc cum omnes controversiæ fidei, et morum vel ex Scripturæ, vel ex traditionis sensu oriri, et definiri possint; patet, legitimum & infallibilem interpretem Scripturæ, et Traditionis esse infallibilem judicem controversiarum omnium fidei, & morum. Quis sit ergo iste judex, inquirendum est.*

§. IX.

Privatus cujusque Spiritus non est legitimus, et infallibilis interpret Scripturæ, & Traditionis.

Adv. I. Jam aggredimur arcem Hæreticorum omnium. Quicumque enim a rectæ fidei regula aberrarunt, ii semetipsos constituerunt judices veri sensus Scripturarum, et omnium controversiarum fidei.

II. At Lutherani, et Calvinistæ hoc commune hæ-

reticorum omnium principium, novo quodam molimine veluti basim totius sui systematis posuerunt. Docent enim, quemlibet fidelem, præsertim Prædestinatum, interiori edoceri *immediate* a Spiritu S. ut de quacunque fidei controversia judicet. Hinc quodcumque Ecclesiæ judicium superbe rejiciunt. *Ad unumquemque hominem privatum*, inquit Brentius in *Prolegom. cont. Petrum Soto* pertinet de doctrina religionis judicare, & vera a falsis internoscere. Similia docent Lutherus in *Præfat. Assertion. artic. Calvinus Lib. IV. Instit. Cap. IX. §. 8. etc. Kemnitius in Exam. IV. Sess. Conc. Trid.* Hic igitur capitalis error, unde tot hæresum monstra prodierunt, radicitus extirpandus est.

PROPOSITIO.

Privatus cujusque Spiritus non est legitimus, & infallibilis interpres, & judex Scriptura, & Traditionis. Dogma fidei est.

Prob. I. Fictitium esse privatum Spiritum, ipsa Scriptura clare docet, quæ in controversiis fidei, & morum privatos non ad Spiritum privatum, seu ad revelationem immediate ipsis factam a Spiritu Sancto, sed ad alium externum, & visibilem indicem mittit. *Deuteronom. XVII. 8. Si difficile, & ambiguum apud te judicium esse persregeris inter causam, & causam surge, & ascende ad locum quem elegerit Dominus, veniesque ad Sacerdotes Levitici generis, & ad judicem, qui fueris illo tempore, quæresque ab eis, qui indicabunt tibi judicii veritatem &c.* Et *Malach. II. 7. Labia sacerdotis custodiunt scientiam, & requirunt legem ex ore ejus.* *Aggai II. 12. Interroga Sacerdotes legem.* Et *Ephef. IV. 11. & seq.* Ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & doctores ad consummationem sanctorum, in opus ministerii, in edificationem corporis Christi; ut jam non simus parvuli fluctuantes, & circumferamur omni vento doctrine. Hæc verba clarissime Spiritum privatum e medio tollunt, ut patet; si enim Spi-

Spiritus S. cuilibet privato *immediate* veritates fidei revelaret, periculum non erat ullum, ne fideles omni vento doctrinae circumferrentur, ita ut dari iis debuerint Pastores, & Doctores. Adde quod ait Apostolu II. Cor. XI. 14. *Ipse satanas transfiguratur se in angelum lucis*; ita ut facile decipiatur qui suo ipsius spiritu ducitur; atque ideo tam multa scribit ad Corinthios, ut caveant a pseudoapostolis, quod esset inutile, si Corinthii a Spiritu sancto privatim edocti, veram doctrinam a falsa internoscerent. Præterea ipse Paulus, tam claris a Spiritu Sancto revelationibus instructus, venit Jerosolymam, & cum aliis Apostolis contulit evangelium, quod prædicabat in gentibus, *ne forte*, inquit, *in vacuum currem, aut cucurrissem*. Galat. II. 2. Ergo &c.

Prob. II. Longum esset, & inutile adferre testimonia Patrum (a), cum habeamus hac in re traditionem clarissimam. Nam per sæcula octodecim nunquam contrariae fidei, & morum privato cuiusque Spiritui permixtae, & dimixtae sunt. Ipsimet Apostoli controversiam de legalibus non cujusque privati arbitrio reliquerunt, sed solemniter in Concilio Jerosolymitano definierunt, quod omnibus sæculis imitata est Ecclesia in Conciliis. Ergo.

Prob. III. ratione. Si quisque privatus constituatur controversiarum fidei iudex, nulla erit inter Christianos pax, nulla societas. Sociniani, Anabaptistæ, Lutherani, Calviniani contendunt, somnia cordis sui a Spiritu Sancto sibi fuisse revelata. Quis ergo credat, Christum Ecclesiae dedisse talem controversiarum judicem, qui controversias non solum non finiat, verum etiam suscitet, & in-

(a) V. Irenæum *Lib. III. Cap. 3.* Athanasium *Epist. ad Solitar.* Tertullianum *1000 Lib. de Praescript.* Cyprianum *Epist. III.* Ambrosium *Epist. XXXII. ad Valentinian.* Hieronymum *Epist. ad Damas.* Augustinum *Lib. I. cont. Crescon. Cap. 33.* Innocentium I. *Epist. ad Conc. Carthag.* Leon. M. *Ep. LXXXV. ad Episc. Vien.* Gelasium *ad Episc. Dardan.* Gregorium M. *Lib. IV. Epist. 52. &c.*

inflammet, reddatque inesplicabiles, atque æternas? Hujus rationis vim vel ipsi Protestantes sentiunt. Jam enim tot annos inter se digladiantur de sensu eorum verborum: *Hoc est corpus meum*. Unusquisque jactat, Spiritum Sanctum sibi revelasse ejus loci sensum, & tamen hucusque inter ipsos convenire non potuit. Ergo.

Diluuntur Objectiones.

Obje. I. Isaia LIV. 13. dicit Deus: Ponam uniusversos filios tuos doctos a Domino. Jerem. XXXI. 33. Dabo legem meam in visceribus eorum, & in cordibus eorum scribam illam. Et I. Joan. II. 27. Unctio ejus docet vos de omnibus. Ergo Deus docet interius fideles, saltem prædestinatos.

*Res. Dist. conf. Docet interius mediate, h. e. per ministerium Pastorum, conc. Immediate, Subdist. Si nomine doctrinæ intelligas gratiam, qua interius corda movet ad audiendam, credendam, & opere implendam doctrinam Pastorum, *conve.* Si intelligas immediatam revelationem unicuique factam, *neg.* alioquin nec Christus prædicasset, nec constitueret in Ecclesia Pastores, & Doctores, ne fideles circumferrentur omni vento doctrinæ. Hinc Augustinus Tr. II. in 1. Joan. Si unctio ejus docet nos de omnibus, quare nos sine causa laboramus? Ut quid tantum clamamus? Sed questionem illi ipsi Apostolo facio: unctiorem habebant quibus loquebaris, ut quid talem Epistolam fecisti? quid illos docebas? Jam videte magnum Sacramentum, fratres; admonere possumus per strepitum vocis nostræ: si non sit intus qui docet, inanis fit strepitus noster. Et mox: neque qui plantat est aliquid, neque qui rigat, sed qui incrementum dat Deus, id est, unctio ejus docet nos de omnibus. Atque ita ipse Christus explicat locum Isaia Joan. VI. 45.*

Inst. Post allata verba subdit Jeremias: „Non docebit, „ ultra vir proximum tuum, & vir fratrem suum, dicens cognosce Dominum, omnes enim cognoscent me „ a minimo eorum usque ad maximum“. Ergo in novo Testamento non est opus exteriori doctrinæ.

R. *Neg. conf.* alias frustra docuisset Christus & Apostoli; frustra constituti essent in Ecclesia Doctores; frustra ipsi Protestantes prædicarent, scriberent, docerent. Loquitur ergo Propheta de cognitione unius veri Dei, quæ cuique fidei obvia est: *non docebit vir proximum suum dicens cognosce Dominum*; non vero de iudicio omnium controversiarum fidei.

Obje. II. Apostolus I. Cor. II. 15. ait: *Spiritualis iudicat omnia, & ipse a nemine iudicatur*. Ergo.

R. *Neg. conf.* Vult enim Apostolus, homines spirituales; hoc est, qui carnis desideriis non aguntur, facile percipere sublimiora religionis dogmata, & præcepta, quæ homines carnales, utpote sensibus adversa, vel non capiunt, vel contemnunt. Ait enim versu præcedenti: *animalis homo non percipit ea, quæ sunt spiritus Dei, stultitia enim est illi, & non potest intelligere, quia spiritualiter examinatur*, seu, ut alii codices habent, *examinatur*, hoc est, quia ea, quæ sunt spiritus Dei, *spiritualiter*, scilicet per magisterium sive gratiam ipsius Spiritus S. percipienda, & dijudicanda sunt: eundemque fere sensum habet prior lectio *examinatur*: Mox subdit: *spiritualis autem iudicat omnia*, hoc est percipit non solum sensibilia, ut homo animalis, verum etiam spiritalia, quæ hominis carnalis captum superant. Verbum ergo *examinatur*, quod vulgata vertit *iudicare*, non significat apud Apostolum definire controversias, sed *percipere, cognoscere, dijudicare*, ut patet ex antithesi instituta inter hominem animale, & spirituale, & eodem sensu usurpatur sæpe a Græcis, quorum loca vide apud H. Stephanum in Thesaurō, Budzum, & alios.

Inst. Subdit Apostolus: *& ipse a nemine iudicatur*. Atqui hoc posteriori membro verbum iudicandi de vero iudicio intelligitur; ita ut sensus sit, hominem spirituale nullius iudicio, et auctoritati esse subiectum. Ergo idem significat in priori.

R. *Neg. min.* Si enim id verum esset, magna oriretur ordinis perturbatio non solum in Ecclesia, sed etiam in republica, falsumque esset quod ait Apostolus in eadem Epistola, in corpore Ecclesiæ varia esse membra, quorum alia præsent, alia subsint. Quivis enim contenden-

dens, se esse hominem spiritalem, Pastorum, et Principum auctoritati rebellis esset. Senſus ergo est, rationem vitæ hominis spiritualis non posse percipi, et dijudicari ab ullo carnali homine. Potest tamen homo spiritualis ab alio spirituali homine judicari, et reprehendi, ut *Petrus a Paulo Galat. II.* et quilibet fidelis ab Ecclesia, quæ maxime spiritualis est, ac proinde etiam ab ejus ministris, inter quos licet aliqui carnales sint, debent tamen in nomine, et Spiritu Ecclesiæ regere, et judicare.

Objc. III. Idem Apostolus I. Thessal. V. 21. Omnia inquit probate, quod bonum est tenere. Ergo unicuique privato licet dogmata fidei examinare, suumque de iis proferre, ac sequi judicium.

R. Neg. conf. Apostolus enim loquitur de prophetiis, quas nonnulli fideles, dono prophetandi præditi, procrebant. Non vult igitur fideles dogmata fidei examinare, sed probare, utrum prophetiæ illæ dogmatibus fidei, quæ jam novebant, convenirent. Ait enim v. 20. *prophetias nolite spernere: omnia autem probate, quod bonum est tenete*: Neque hanc probationem fieri vult privato unicuique Spiritu.

Objc. IV. Act. XVII. 11. Berœenses erant quotidie scrutantes Scripturas, ut viderent, si ita se haberent quæ dicebantur a Paulo. Ergo quivis etiam laicus indicare potest ex Scripturis dogmata religionis.

R. Neg. conf. Q. parit. Cum enim prædicatur nova religio, ut tunc fiebat a Paulo, licet auditoribus examinare an vera sit, hoc est an miraculis, et prophetiis constet ejus veritas. Cum igitur Paulus ex prophetiis veritatem religionis Christianæ ostenderet Judæis, quales erant Berœenses, poterant isti, imo et debebant examinare, num id verum esset. *Qui enim cito credit, levis est corde Eccli. XIX. 4.* At dispar est ratio ejus, cui jam constitit veritas, et divinitas Ecclesiæ. Imprudens enim esset, imo et impius, si ipse vellet privato Spiritu examinare quod docet Ecclesia, quam ipse jam credit institutam esse divinitus.

Corollarium.

Cum igitur neque Scriptura, neque privatus cujusque spiritus iudices sint sensus obscuri Scripturæ, et traditionis, omniumque controversiarum fidei; nos cum catholicis omnibus asserimus, iudicem hunc esse ipsam Ecclesiam. Sed, ut hoc adstruamus, edisserendum est, quid sit Ecclesia: quæ notæ, sive characteres, quibus vera Ecclesia discernatur a falsa; quæ demum proprietates.

C A P. IV.

De Ecclesia.

§. I.

Ecclesie notio, & definitio.

ET si aliquando Ecclesie nomen late accipitur pro quacumque congregatione, etiam impiorum hominum, ut in *Ps. XXV. odavi ecclesiam malignantium*; communiter tamen stricte intelligitur de collectione hominum, ad Dei cultum convocatorum; ut *Matth. XVI. 18. Super hanc petram edificabo ecclesiam meam.*

Hoc modo accepta Ecclesia, duplici rursus sensu potest intelligi: 1^o. pro universa sanctorum collectione sub uno capite Christo, quæ complectitur Ecclesiam triumphantem, militantem, et patientem in Purgatorio, ut *Ephef. I. 22. Ipsum dedit caput supra omnem ecclesiam*; 2^o. pro sola ecclesia militante. Iterum autem hoc altero sensu usurpatum Ecclesie nomen tria significat, 1^o. Pastores ecclesie; ut *Matth. XVIII. 17. dico Ecclesie*; 2^o. particularem aliquam ecclesiam, ut *ecclesia Corinthi*, *ecclesia Asia*, *Macedonia* sæpe apud Apostolum, qui et unam familiam appellat *ecclesiam*: *Rom. XVI. 5. Salutate Priscam, & Aquilam, & domesticam ecclesiam eorum*; 3^o. Ecclesiam per universum terrarum orbem diffusam. Postremo hoc sensu hic accipimus nomen Ecclesie, cujus definitio hæc traditur a Belarmino.

PRO.

PROPOSITIO.

Ecclesia est cœtus hominum viatorum unius, & ejusdem fidei Christianæ professione, & eorundem sacramentorum communione adunatus, sub regimine legitimorum Pastorum, ac præcipue Rom. Pontificis Christi vicarii.

Probatur, et explicatur definitio. Verba illa *cœtus hominum viatorum* designant genus supremum, in quo Ecclesia convenit cum quacumque hominum congregatione. Sequentia verba *unius, & ejusdem fidei professione &c.* explicant differentiam, qua Ecclesia discernitur a quacumque collectione infidelium, hæreticorum &c. Ergo recta est definitio.

Dices cum Launoyo Lib. VIII. Epist. 13. Non solum fides, sed etiam spes, et charitas ad naturam Ecclesiæ pertinent. Ergo melius definitur Ecclesia: *Societas hominum viatorum, & baptizatorum sive internis vinculis fidei, spei, & charitatis, sive externis communionis catholice, & ejusdem fidei professionis vinculis colligata &c.*

Res. Neg. ant. Spes enim, et charitas licet ex promissionibus Christi numquam omnino in corpore Ecclesiæ extinguantur; non tamen ejus naturam constituunt, nec proinde in definitione ponendæ erant: 1.º quia non reperiuntur in omnibus Ecclesiæ membris, ut infra docebimus; 2.º quia cum sint prosperitates occultæ in corde hominis, et invisibiles, si requirerentur ad constituendam Ecclesiæ naturam; jam Ecclesia esset corpus natura sua invisibile, quod falsum esse, et contra naturam ipsius Ecclesiæ, docebimus suo loco. Hinc pessimo in Ecclesiæ definitione ponuntur verba illa disjunctiva *sive internis, sive externis vinculis colligata*, quæ eo spectant, ut possit aliquando esse Ecclesia nullo externo communionis signo colligata, adeoque invisibilis.

Ergo, inquires, nec ipsa fides in definitione ponenda erat; potest enim quis exterius simulare fidem, quam negat interius, atque ideo non minus fides, quam spes, et charitas occulta est.

R. Neg. seq. & parit. Fides enim est natura sua visibilis per exteriorem professionem: ex accidenti autem est, quod quis eam simulet, quod nos de nemine suspicari debemus, quem videmus vivere in Ecclesie societate, nec ulla exterius signa infidelitatis proferre. At spes, et præcipue charitas sæpe occulta sunt etiam illi ipsi, qui eas habet, adeo ut quantumcumque exterius profiteatur, se illas habere; semper id occultum sit, nec per solam ejus affirmationem visibile.

Inst. Spes, & charitas constituit animam Ecclesie, ut post *Bellarminum* fatentur omnes, qui ejus definitionem secuti sunt, idemque docuerat *Augustinus* in *Breviculo Coll.* Atqui inepte quis definiret hominem describendo ejus corpus, nulla omnino injecta mentione animæ rationalis. Ergo.

R. Diss. ant. Et ejusmodi locutio metaphora est, *conc.* Propria, *neg.* Vult igitur *Augustinus*, alique, fidem, spem, & charitatem perfecte conjungere multa Ecclesie membra cum Christo capite, eaque movere ad opera supernaturalia, sicut anima movet viva corporis membra ad opera naturalia; sed in eo differunt ab anima, quod hæc constituat hominis naturam, illæ autem minime. Non enim ait *Augustinus*, fidem, spem, & charitatem idem esse in Ecclesia, quod est anima in homine, sed quod est anima in corpore hominis. Nos igitur eandem metaphoram libenter sequemur, dicemusque; aliquos pertinere ad corpus Ecclesie, non ad animam, ut peccatores: alios ad animam, non ad corpus, ut nonnulli cathæmeni; alios ad animam simul & corpus, ut iusti. Sed hic corpus Ecclesie visibile deficiendum erat.

Objec. II. cum eodem *Launoy*. Potest aliquando esse Ecclesia sine Pastore, ut accidit, mortuo S. Pontifice, vel tempore schismatis, cum dubitatur quisnam verus sit, & legitimus Pastor. Ergo non pertinet ad naturam, & definitionem Ecclesie, ut sit sub regimine Pastorum.

R. Diss. ant. Potest esse sine Pastore, sed tunc natura sua perit, ut legitimus Pastor instituitur, sicut Monarchia tempore interregni, *conc.* Id non perit, *neg.* Cyprianus enim Ecclesiam sic describit *Epist. LXL. ad Pa-*

Papianum : Plebs sacerdoti adunata, & Pascei suo grege adherens.

Ceterum nostra definitio in singulis ferme partibus a variis hæreticis oppugnatur. Cum enim alii doceant, solos prædestinatos esse membra Ecclesiæ, ut *Joan. Wiclefus*, & *Joan. Hus*, in Concilio Constantiensi *Seff. XV.* damnati, & *Calvinus Lib. IV. Instit. Cap. 1. §. 2.* alii solos homines iustos, vel saltem a criminibus gravioribus immunes, ut olim Novariani apud *Cyprianum Ep. LI. & LII.* & Donatistæ apud *Augustinum Lib. de heresib. Cap. LXIX.*, alii e contrario, perperam distinguentes inter articulos fidei *fundamentales*, & non *fundamentales*, doceant, ipsos hæreticos esse membra Ecclesiæ, si non errent in fundamentalibus, ut *Jurins* minister Calvinista, alii S. Pontificem non agnoscant, ut caput Ecclesiæ, ut hæretici ferme omnes; mirum non est, si nostram definitionem omnibus hisce erroribus oppositam oppugnent. Ut ergo ejus veritas constet, videamus modo quænam sint Ecclesiæ membra: nam de Summo Pontifice, utrum sit Ecclesiæ caput, suo loco differemus inferius (a).

L 3

§. II.

(a) Quæ nos hic brevius de Ecclesia tradimus, ea fusius tractarunt inter veteres quidem *Cyprianus Lib. de Unitate Ecclesiæ*. *Augustinus in Libro De Unitate Ecclesiæ*, & alii contra Donatistas, *Optatus Milevitanus* Libris sex contra *Parmenianum*: inter recentiores vero *Joannes de Turrecremata in Summa De Ecclesia*, *Melchior Canus Lib. IV. & V. De Locis*, *Joannes Ant. Delphinus* Libris tribus *de Ecclesia*, *Franciscus Turrianus* Libris duobus de eodem argumento, *Sylvius* Opusculo V. *Bellarminus Lib. III. de Conciliis*, & *Ecclæs. Wallemburg De veritate, & notis Ecclesiæ*, *Thomassinus De l'unité de l'Eglise*, *Nicole Préjugés légitimes De l'unité de l'Eglise*. *Le préjugé Reformés convaincus de Schisme*. *Abbas Cordemoi De l'inséparabilité de l'Eglise*, & alii.

§. II.

*De membris Ecclesie. Et primo de hæreticis
& apostatis.*

Adv. Hæreticus est qui veritatem a Deo revelatam, & a vera Ecclesia ad credendum propositam, pertinaci animo negat. Qui autem omnem omnino Christianam religionem, ejusque dogmata ejuravit, *Apostata* dicitur. Sunt autem hæretici, & apostatae vel *publici*, vel *occulti*, vel tantum *interni*. Publici sunt, quorum hæresis tot hominibus innotuit, ut celari amplius communitati non possit. *Occulti*, qui licet hæresim vel errorem proutulerint, vel alio exteriori signo approbaverint, non tamen publice innotuerunt. Interni, qui hæresim, mente conceptam, nullo exteriori signo aperuerunt.

II. *Alphonsus de Castro Lib. II. de jussu hæretici punit.* Cap. 24 docet, hæreticos aliquo sensu membra Ecclesiae dici posse, etsi publici sint. At *Jurinus* Calvinista novam comminiscitur distinctionem inter articulos fidei *fundamentales*, & *non fundamentales*, docetque, eos, qui errant in fundamentalibus articulis, ab Ecclesia esse sejunctos, secus qui errant in non fundamentalibus. Quæ sententia, etsi prima fronte mitior sententia *Alphonsi*, longe tamen absurdior, & periculosior est, tum propter novam, & hætenus inauditam distinctionem dogmatum fidei; tum quia *Alphonsus* docet quidem, hæreticos esse aliquo pacto membra ecclesiae, sed omnem eis admittit spem salutis; hic vero tenet, hæreticos in non fundamentalibus errantes, licet promptam sibi sectam constituent, esse tamen Ecclesiae membra, & salutem æternam consequi; quod ad *indifferentismum* pertinet, & manifesta hæresis est.

III De internis hæreticis quaestio inter catholicos est. *Sylvius* enim post alios docet, eos verè, & absolute non esse in Ecclesia, sed tantum secundum quid, h. e. *apparenter*. Alii cum *Bellarmino Lib. III. De Ecclesiis*. Cap. 10. contra sentiunt. His positis, dicimus.

PRO-

PROPOSITIO I.

Heretici, & multo magis Apostatae, publici membra Ecclesiae non sunt.

Prob. I. ex Scriptura. I. Joan. II. 19. de haereticis dicitur: Ex nobis prodierunt, sed non erant ex nobis; si enim fuissent ex nobis, permansissent utique nobiscum. At si publici haeretici Ecclesiae membra essent, non possent dici in ea non permansisse. Ex II. Joan. 10. Si quis venit ad vos, & hanc doctrinam non afferit, nec Ave ei dixeritis: quod edixerat etiam Apostolus, monens Episcopum Tit. III. 10. Haereticum hominem post unam, & secundam correctionem devota. Atqui homo vitandus a quolibet Ecclesiae membro, nullo pacto dici potest Ecclesiae pars, & membrum, cum nullam habeat cum reliquis partibus communionem. Ergo &c.

Prob. II. ex perpetua Ecclesiae traditione, quae semper haereticos habuit ut extraneos, eosque ad rectam fidem redeuntibus suo corpori rursus coarparit, ut patet ex Can. VIII., & IX. Concilii Nicensi: & in Officio feriz VI. Hebdomadae majoris Deum orat, ut haereticos omnes ad Ecclesiam revocet; quod clare ostendit, eos antea in unitate Ecclesiae non fuisse. Hinc Hieronymus de haereticis omnibus pronunciat (Lib. cont. Luciferian.) Sicubi audieris eos, qui dicuntur Christi, non a Domino Jesu Christo, sed a quocumque alio nuncupari, ut ipse Marcionitas, Valentinianos, Montenses, sive Campitas, scito, non ecclesiam Christi, sed Antichristi esse synagogam. Atqui Scriptura, & Traditio cum haereticos ab Ecclesia excludunt, nullum omnino excipiunt nec ullam umquam articulorum fundamentalium, & non fundamentalium adferunt differentiam, omnibus saeculis usque ad Calvinistas inauditam. Ergo non solum Alphonso de Castro, sed etiam Jurii sententia falsa est.

Scolion.

Quod autem de publicis haereticis diximus, id intellegendum est etiam de occultis, qui tamen exteriori aliquo

quo signo hæresim protulerunt. Hi enim jam excommunicati sunt, atque ideo extra Ecclesiam, ut de excommunicatis dicemus; licet exterius in corpore Ecclesie permanere videantur.

Diximus autem in *Prop.* & multo magis apostata, quia si in Ecclesia non est qui vel unum rejicit fidei articulum, ut hæreticus, multo magis qui universam religionem, & fidem ejuravit, ut apostata. Augustini, Gregorii, Ambrosii, loca vide inferius *Prop.* II. (a)

Objectiones.

Obje. I. Christus *Matth.* XIII. docet in eodem agro esse zizania simul cum tritico. Atqui per agrum *Cyprianus Epist.* LI. intelligit Ecclesiam; per zizania vero *Hieronymus*, & *Chrysostomus*, in hunc locum scribentes, intelligunt hæreticos. Ergo in eadem Ecclesia sunt hæretici, & orthodoxi.

R. Dist. min. Et *Cyprianus*, qui per agrum intelligit Ecclesiam, per zizania non intelligit hæreticos, sed fideles peccatores, sicut e contrario *Hieronymus*, & *Chrysostomus*, qui per zizania intelligunt hæreticos, per agrum non intelligunt Ecclesiam, sed mundum universum, *conc.* Secus, *neg.* Per agrum ergo in Christi parabola totus mundus intelligendus est, ut explicat ipse *Christus Ibid.* v. 38. *ager autem est mundus*. Idque observat *Augustinus Quæst.* XI. in *Matth.* Dominus agrum ipsum non Ecclesiam, sed hunc mundum interpretatus est. *Cyprianus*, autem, qui agri significationem soli Ecclesie aptavit, per zizania non hæreticos, sed alios peccatores intellexit, ut recte advertit *Augustinus Lib.* II. *cont. Crescon.* cap. 34. At *Hieronymus*, *Chrysostomus*, alique, qui per agrum intellexerunt hunc mundum, juxta ipsius Domini explicationem, potuerunt utique zizaniorum nomen hæreticis aptare.

Obje.

(a) Adde *Cyprianum Epist.* ad *Jubajan.* *Augustinum. Lib.* de *Unit. Eccl.* Cap. 4. &c.

Objic. II. Apostolus II. Tim. II. 20. In magna, inquit, domo non solum sunt vasa aurea, & argentea, sed & lignea, & fictilia. Atqui per magnam domum sine dubio intelligit Ecclesiam; per vasa autem lignea, & fictilia intelligit hæreticos. Nam paulo ante dixerat de hæreticis: eorum sermo ut cancer serpit, ex quibus est Hymeneus, & Philetus, qui a veritate exciderunt, & subverterunt quorundam fidem, tum paucis interjectis subdit: in magna autem domo &c. Ergo.

R. Neg. min. quoad secundam partem, & ad ejus confirmationem *Dist. ant.* & verba illa in magna autem domo referuntur ad ipsos hæreticos Hymeneam, & Philetum, neg. referuntur ad verba posteriora subverterunt quorundam fidem, conc. Sensus ergo est, ideo Hymeneum, Philetum, aliosque hæreticos subvertisse fidem quorundam, quia in magna Ecclesie domo non solum sunt homines in fide firmi, & in charitate radicati, vasa scilicet aurea, & argentea, sed etiam infirmi in fide, & charitate, mobiles & fragiles, vasa lignea, atque fictilia; ita ut facile circumferantur omni vento doctrine, & ab Ecclesia abducantur. Vide S. Thomam Comment. in hunc loc.

Inst. Augustinus Lib. IV. cont. Donatist. Cap. 12. ex Cypriani sententia per vasa lignea, & fictilia eos ipsos intelligit; quorum sermo ut cancer serpit; puta hæreticos. Ait enim: & ipsos, de quibus ait Apostolus, sermo eorum ut cancer serpit, vellem intelligere foris fuisse, sed Cyprianus ipse me non finit. Ergo putavit, ipsos hæreticos non esse foris, sed intus; in magna domo, in Ecclesia.

R. Dist. ant. Et Augustinus loquitur ex sua sententia neg. Ipse enim Lib. de Unit. eccl. Cap. 4. ait: quicumque de ipso capite ab scripturis sanctis dissentiant, etiamsi in omnibus locis inveniantur, quibus Ecclesia designata est, in ecclesia non sunt: imo centies repetit in eodem libro; & alibi passim, hæreticos esse extra Ecclesiam. Loquitur ex sententia, quam putavit esse Cypriani, *Subdist.* & per eos, quorum sermo ut cancer serpit, non intelligit formales hæreticos, sed eos quorum prava doctrina nondum ab Ecclesia damnata est, conc. Formales hæreticos intelligit, neg. Augustinus ergo. tum ali-

alibi, tum in hoc eodem Libro, sæpe docet, hæreticos esse extra Ecclesiam. Id ipsum docuerat *Cyprianus*, qui idcirco hæreticorum baptismum improbabat, quod extra Ecclesiam esset datus; nec id ignorare poterat *Augustinus*. Hic autem loci ut probaret contra Donatistas, Ecclesiam constare ex iustis, & peccatoribus, asserit, *Cyprianum*, cujus auctoritate Donatistæ abutebantur, ostenditque, S. Martyrem omnes peccatores in Ecclesiæ sinu agnovisse, etiam eos, quorum sermo ut cancer serpit; licet id conceptis verbis non dicat *Cyprianus*, sed putaverit ipse *Augustinus* erui posse ex ejus verbis. Ne igitur dicamus, tantum Doctorem tam aperte sibi metipsum, & *Cyprianum* esse contrarium, intelligendus est de iis quorum sermo serpit quidem ut cancer, sed nondum damnatus est ab Ecclesia ut hæresis.

Objec. III. Hæretici habent baptismum, iis tantum exceptis, qui, errantes in fundamentalibus fidei articulis, baptismi formam immutarunt: imo iidem, si baptismum in Ecclesia susceperunt, ejus semper characterem retinent. Atqui per baptismum homo corpori Ecclesiæ inferitur.

Ergo.

Re. Dist. min. Inferitur Ecclesiæ corpori, a quo tamen per voluntariam hæresim recedit, *conc.* secus, *neg.* Pueri enim ante usum rationis per legitimam baptismi formam corpori Ecclesiæ copulantur; at cum ad eam ætatem perveniunt, in qua sectæ suæ falsitatem agnoscere queunt, tunc, in ea voluntarie permanentes, ab Ecclesia recedunt, non secus ac ii, qui vel adulti baptizantur in hæretica secta, vel in Ecclesia nati, & baptizati, adulta ætate hæresim profitentur. Quamdiu vero sectæ suæ, in qua ab infantia baptizati sunt, falsitatem invincibiliter ignorant: quod contingere præcipue potest in rusticis, ubi secta aliquid non docet contra naturæ legem, vel contra prima religionis principia, quæ nemo invincibiliter potest ignorare Christianus; in Ecclesiæ esse pergunt. Vide *Gerlonem* in *Tract. De probatione circa mater. fid. et. Canum Lib. XII. Cap. 7.*

in quibus multa invenies hac de re non vulgaria. *Inst.* Absurdum est tot homines a salute excludere, quot sunt, qui hæreticas sectas profitentur, cum e contrario si omnes, qui dicuntur Christiani, licet hæretici, in

in finu Ecclesiæ esse dicerentur, facilius obstrueretur os incredulis, qui ex paucitate membrorum Ecclesiæ divinam ejus institutionem oppugnant. Ergo.

R. Dist. ant. Absurdum esset, si ipsi se voluntarie a corpore Ecclesiæ excluderent, *neg.* si non, voluntarie excluderentur, *transcat.* Deus ergo salutis domicilium, Ecclesiam scilicet catholicam, pro salute omnium hominum constituit, sed cum non debeat homines per vim salvare; non est absurdum, sed miserranda cœritas hominum, qui ab Ecclesia libere discedunt. Dixi tamen, *transcat* altera distinctionis pars, quia etsi non voluntarie extra Ecclesiam essent, ut accidit infidelibus *negativis*, adoranda hic essent; non reprehendenda inscrutabilia judicia Dei; nec ullum hinc præjudicium opponi posset contra veritatem Ecclesiæ; quæ tam potentibus signis constabilita est, ut superiore libro ostendimus.

PROPOSITIO II.

Occulti, & interni hæretici, & Apostatae, secundum rei veritatem absolute non sunt in Ecclesia; sunt tamen secundum quid.

Prob. 1^a pars. Apostolus Tit. III. 11. ait, hæreticum ideo esse vitandum; quia est proprio judicio *condemnatus*; quod & clarus Iudas in Epistola sua v. 19. docet: loquens enim de hæreticis ait: *Hi sunt qui segregant semetipsos*: Hinc Augustinus Lib. IV. de Bapt. Cap. 16. Si quisquam, inquit, idem sentiat quod illi, & esse noverit hæresim ab unitate catholica separatam, ubi hoc docetur, & disceitur, sed alicujus secularis emolumenti causa in catholica unitate baptizari voluerit, vel in eâ baptizatus hinc exire noluerit, non solum separatus habendus est, verum etiam tanto sceleratius, quanto magis errori hæresis, & divisioni unitatis fallaciam simulationis adjungit. Et Lib. De Unit. Eccl. cap. 25. Cum pro ipsis operibus etiam veritati apertissima, hoc redarguitur, resistere caperis, tunc præciditur. Et multi tales sunt in sacramentorum communione cum Ecclesia, & tamen jam non sunt in Ecclesia. Hanc doctrinam reperit *Questi. XI. in Matth. & Lib. II. can.*

tra Litt. Petil. Cap. 108. Lib. II. contr. Crescon. C. 21. Unde Catechismus Romanus P. I. c. 10. q. 2. ex Augustino Ecclesiam definit *populum fidelem*. Idem docent Ambrosius Lib. VII. in Cap. 11. Luc. Gregorius Lib. II. Mor. c. 15. Leo M. Epist. LII. Ergo.

Prob. 2^a pars. Hæretici, de quibus agimus, pergunt exterius veram profiteri fidem, manere in Ecclesia externa societate, cum reliquis fidelibus in sacramentorum participatione communicare. Ergo *secundum quid*, idest secundum externam formam, sunt in Ecclesia.

Obje. Ecclesia, ut suo loco dicemus, est corpus visibile, atqui tale non esset, si occulti, & interni hæretici, & apostatae non essent ejus membra. Ergo.

R. Neg. min. Sufficit enim, ut Ecclesia dicatur visibilis, si visibile sit ipsum corpus, in quo ex Christi promissionibus vera fides numquam deficiet. Et licet de unoquoque membro Ecclesiae certi non simus absoluta certitudine, in eo esse veram fidem; sufficit tamen certitudo *moralis*, quæ ex eo oritur, quod videamus ipsum manere in Ecclesiae societate, nec ulla infidelitatis signa exterius protulisse.

Inst. Episcopus interius hæresim, vel apostasiam fovens, pergir esse caput suæ ecclesiae. Ergo est membrum Ecclesiae principale.

R. Diss. ant. Pergir esse caput *secundum quid*, propter jurisdictionem, quam Ecclesia ipsi non adimit, conc. Proprie, neg. Vide Sylvium Opuscul. V. Lib. III. Quest. I. art. 7.

Corollarium.

Ergo recte posita sunt in definitione Ecclesiae verba illa: *unius fidei professione*.

§. III.

De Schismaticis.

Adu. I. Schismaticus est qui, secessionem in Ecclesia faciens, ab unitate capitis, & membrorum, vel palam, vel latenter sejungitur.

II. Lcet schisma natura sua ab hæresi sit diversum, plerumque tamen schismatici hæresim aliquam amplectuntur. Nam ut advertit Hieronymus in *Epist. ad Galat.* Nullum schisma est, quod non sibi aliquam hæresim confingat, ut recte ab Ecclesia recessisse videatur. Hic tamen loquimur de schismaticis, prout ab omni hæresi immanibus.

P R O P O S I T I O

Manifesti Schismatici membra Ecclesia non sunt.

Hæc propositio probatione non indiget, cum ipsa schismaticis definitio separationem a corpore Ecclesie significet. Nihilominus probatur ex Patribus. Hieronymus enim in *Cap. II.* *Epist. ad Tit.* Inter hæresim, inquit, & schisma hoc interisse arbitramur, quod hæresis perversum dogma habeat, schisma propter Episcopalem dissensionem ab ecclesia separet. Fulgentius *Lib. de Fide ad Petrum cap. 38.* Firmissime tene, & nullatenus dubites, non solum paganos, sed etiam hæreticos, & schismaticos, qui extra Ecclesiam catholicam præsentem faciunt vitam, in ignem æternum stupos. Mirro ceteros (a) in re clarissima. Hinc Ecclesia Feria VI. Majoris Hebdomadæ orat Deum pro schismaticis, ut eos ad sanctam

(a) Irenæus *Lib. IV. Cap. 62.* Cyprianus *Epist. LXX. ad Papiam.* Chrysostomus *Hom III. in I. ad Corinth.* Hieronymus in *Cap. I. Amos.* Optatus Milevit. *Lib. I. cont. Parmenian.* & alii.

matrem Ecclesiam catholicam, & Apostolicam vocare dignetur. Ergo.

Objic. I. Schismatici baptismum habent, fidem habent, unitatem habent cum Christo capite. Ergo.

R. Neg. ant. quoad 3^m. patrem. Sicut enim non potest habere Deum Patrem, qui non habet Ecclesiam matrem, ut loquitur Cyprianus, ita non possunt cum Christo habere unitatem, qui, recedentes a Pastoribus per Christum statutis, discedunt a Corpore Christi.

Scholion.

De Schismaticis autem internis non idem dicere possumus, quod de internis hæreticis antea diximus. Schismatici enim interni peccant interius non contra fidem, quæ ad essentiam Ecclesiæ pertinet, sed contra charitatem, quam diximus ad naturam Ecclesiæ non pertinere. Cum ergo illi pergant exterius societatis vincula servare, in Ecclesia permanent.

Corollarium.

Recte igitur in definitione Ecclesiæ posita sunt ea verba: *sub regimine legitimorum Pastorum &c.*

§. IV.

De Excommunicatis.

Adv. Excommunicatio duplex est, *major*, & *minor*. Major hominem baptizatum privat bonis Ecclesiæ communibus, sacramentis, sacrificiis, suffragiis, aliisque; minor vero excludit tantum a sacramentis suscipiendis. Certum est excommunicatione *minori* multatos extra Ecclesiam non esse. Excommunicati autem *majori* excommunicatione vel sunt *tolerati*, vel *non tolerati*, sive vitandi.

PROPOSITIO

Excommunicati majori excommunicatione, siue sint tolerati, siue vitandi, in Ecclesia non sunt.

Prob. I. Matth. XVIII. 7 de talibus ait Christus, Si ecclesiam non audierit, sit tibi sicut ethnicus, & publicanus h. e. ut explicat Augustinus Serm. LXXXII. al. XVI. De verb. Dom. noli illum deputare jam in numero fratrum tuorum. Et Apostolus I. Cor. V. 2. jubens excommunicari incestuosum Corinthium: Et non magis, inquit, laicum habuistis, ut collatur de medio vestri qui hoc opus fecit: hoc est de medio Ecclesiae. Ergo.

Prob. II. ex PP. Cyprianus Epist. LXII. de excommunicatione loquens, ait: Spirituali gladio superbi, & contumaces necantur, dum de Ecclesia ejiciuntur. Et Augustinus Lib. de Unit. Eccl. Cap. ult. Quisque praedicatur cum visibiliter excommunicatur. Et Quest. XXXIX. in Deuteron. Hoc nunc agit in Ecclesia excommunicatio, quod agebat tunc interfectio. Denique quoties de excommunicatione Patres loquuntur, nomen separationis, ejjectionis, aliave similia usurpant (a). At, qui ejiciuntur, praedicuntur, separantur, pelluntur ab Ecclesia, in ea amplius non sunt: sicut qui interficiebantur, in societate hominum, & Republica Judaeorum amplius non erant. Ergo.

Prob. III. Excommunicati omni spirituali commercio cum membris Ecclesiae privantur. Non ergo amplius membra sunt.

Di

(a) Eusebius Lib. V. Hist. Cap. 24 Epiphanius Haer. XLII. Hilarius, Chrysostomus, & Theophilactus in Cap. XVIII. Matth. & alii.

Diluuntur objecta.

Obje. I. Augustinus *Lib. post. Collation. Cap. 10.* inquit : *Neque a populo Dei separamus quos vel degradando, vel excommunicando, ad humiliorem penitendi locum redigimus. Atqui populus Dei est Ecclesia. Ergo si excommunicati non separantur a populo Dei, non separantur ab Ecclesia.*

R. 1^o. Nonnulli, ut *Lenfæus Lib. I. de Eccl. cap. 14.* & *Bellarminus Lib. III. cap. 6.* suspicantur, locum *Augustini* esse mendosum, & addendam esse negationem huc : *neque enim a populo Dei non separamus.* Sed missa hac responsione.

R. 2^o. *Dist. maj.* Non separamus in perpetuum sine spe redemptionis, *conc.* Non separamus ad tempus, scilicet donec excommunicatus resipiscat, *neg.*

R. 3^o. Attente legenti textum *Augustini* patet, eum non de majori excommunicatione loqui, sed de *degradatione*, & excommunicatione minori, qua quis ad agendam penitentiam tedactus, ab Eucharistiæ communione prohibebatur.

Obje. II. Excommunicatus injuste, vel juste quidem, sed perfecte contritus, si ante absolutionem moriatur, utique salvus erit. Atqui nemo salutem sperare potest, nisi membrum Ecclesiæ sit. Ergo.

R. *Ad 1^m.* de injuste excommunicato, *Nego suppositum.* Loquimur enim hic de excommunicatione justa; cum injuste excommunicatus non privetur communibus Ecclesiæ bonis, licet exterius se pro excommunicato gerere debeat, vel quia de injustitia non constat, vel quia scandalum rimeretur. *Ad 2^m.* de juste excommunicato, sed perfecte contrito, *Dist. min.* Nemo salutem sperare potest, nisi sit membrum Ecclesiæ vel ipsa, vel voto, *conc.* Ipsa semper, *neg.* Sicut ergo cathecumeno morienti sufficit ad salutem baptismi votum, ita excommunicato perfecte contrito sufficit votum absolutionis. Utrum autem sufficiat etiam, ut ille fruatur communibus Ecclesiæ suffragiis, quæstio est inter Theologos.

Obje. III. Excommunicati tolerati ex Constitutione *Martini V.*, quæ incipit *Ad evitanda*, valide sacramen-

menta ministrant, imo licet cum iis communicare, etiam in sacris. Ergo saltem ii membra sunt Ecclesiæ.

N. g. conf. Hæc enim Constitutio non est in commodum excommunicati sancita, sed in bonum, atque utilitatem fidelium, quibus multa imminerent animarum pericula, si excommunicati tolerati jurisdictione privarentur, aut essent a fidelibus vitandi;

Corollarium.

Recte ergo in definitione posita sunt ea verba: *ex eundem sacramentorum communione adunatus*.

§. V.

De non baptizatis.

Adv. Qui baptismo initiati non sunt, vel infideles sunt, vel fideles. Primi in Ecclesia non sunt. *Quid enim nobis de iis, qui foris sunt, judicare?* inquit Apostolus I. Cor. V. 12. Fideles autem vel nolunt baptizari, vel jam volunt, ideoque curant edoceri mysteria fidei, dicunturque a verbo Græco *cathecumeni*. Qui ergo baptizari nolunt, extra Ecclesiam omnino sunt. De cathecumenis quæritur.

PROPOSITIO

Cathecumeni non sunt actu membra Ecclesiæ, sed tantum potentia.

Prob. 1^a pars. Cathecumeni, utcumque serveant charitate, non tamen ad sacramenta suscipienda cum Ecclesiæ membris admittuntur, nec ad communia Ecclesiæ bona jus habent ullum. Ergo membra Ecclesiæ actu non sunt. Hinc *Act. II. 41.* fideles tunc dicuntur *appositi*, sive adjecti Ecclesiæ corpori, cum baptismum susceperunt. *Qui receperunt sermonem ejus, baptizati sunt, & appositi sunt in illa die anime circiter tria millia.* Ea-

dem est omnium *Patrum* (a) sententia. Concilium Florentinum *Baptismus*, inquit, *vite spiritualis janua est, per quam membra Christi, ac de corpore Ecclesie actu efficiuntur*. Et Tridentinum *Sess. XIV. cap. 2. Ecclesia in neminem exercet iudicium, qui non prius in ipsam per baptismi januam sit ingressus*. Ergo.

Secunda pars patet; cum enim cathecumeni ad suscipiendum baptismum disponantur, jam sunt *in potentia* membra Ecclesie.

Objectiones.

Obje. I. Cathecumeni cum reliquis ecclesie membris per fidem communicant, imo & salvi sunt, si ante baptismum in charitate decesserint. Ergo actu sunt membra ecclesie.

R. Neg. conf. Non enim sufficit fides, ut quis membrum Ecclesie censeatur, sed præterea requiritur, ut in eam per baptismum, qui janua est, introeat. E contrario, ut quis salvus sit, sufficit baptismi desiderium, quo sit, ut is, licet non ad corpus, ad animam tamen, ut ita dicam, Ecclesie pertineat.

Inst. 1^o. In Concilio Lateranensi sub Innoc. III. *cap. 1.* dicitur: *Una est fidelium universalis ecclesia, extra quam nullus omnino salvatur*. Ergo, si cathecumeni salvi esse possunt, in Ecclesia sunt.

Sp. Dist. ant. Nullus salvatur, qui sit extra Ecclesiam tum reipsa, tum voto, *conc.* Reipsa semper, *neg.* *Dist. etiam conf.* Sunt in Ecclesia per votum, *conc.* Reipsa, *neg.*

Inst. 2^o. Ante Christum fideles incircumcisi pertinebant ad Ecclesiam; ut enim observat Augustinus *Lib. II. de peccator. merit. cap. 24.* & Auctor libri de *Vocatione gentium Lib. II. cap. 14.* fuerunt etiam aliqui ex Gentilibus fideles, Ergo etiam post Christum.

Sp. Neg.

(a) Tertullianus *Lib. de præscript.* Nazianzenus *Orat. in S. Lavacrum*. Chrysostomus *Hom. XXIV. in Joan.* Cyrillus Alex. *Lib. XII. in Joan. cap. 10.* Augustinus *Tract. IV. in Joan.*

R. Neg. conf. Præceptum enim circumcisionis non omnibus Gentibus erat datum, sicut præceptum baptis-
mi, sed solis Abraham posteris.

Objic. II. Augustinus Tract. IV. in Joan. ait: futuri erant aliqui in Ecclesia excelsioris gratiæ cathecumeni. Ergo.

R. Dist. ant. Futuri erant in Ecclesia improprie, *h. e. in potentia, conc.* Reipsa; *neg.* Cum enim Augustinus passim distinguat cathecumenos a Christianis, ut *Tract. XI. in Joan. Nesciunt*, inquit, *cathecumeni*, quod accipiant Christiani, non alia ratione explicari potest quod dicit, eos esse in Ecclesia, quam eo sensu, quo dicimus, esse in domo eum, qui in vestibulo est, ut statim ingrediatur.

§. VI.

De prædestinatis, & reprobis.

*Adv. Calvinus Lib. IV. Insit. Cap. 1. §. 2. post Wi-
clefsum, & Hus, solos prædestinatos, ait, esse membra Ec-
clesiæ; idque ex suo systemate deducit. Docet enim ipse,
neminem veram habere fidem, nisi prædestinatum; cum
ergo nemo sit membrum ecclesiæ sine fide; hinc nemo
membrum ecclesiæ est, nisi prædestinatus.*

P R O P O S I T I O.

*Ecclesia constat ex prædestinatis, & reprobis: imo non
omnes prædestinati sunt actu membra ecclesiæ.*

Est dogma fidei,

*Prop. 1^a. pars ex parabolis, quibus in Evangelio Chri-
stus ecclesiam adumbravit. Eam enim comparavit pri-
mo aræ, in qua continetur simul triticum, & paleæ.
Matth. III. 12. Permundabis arcam suam, & congre-
gabis triticum in horreum suum, & paleas autem combu-
ret igni inextinguibili. At per triticum manifeste intel-
liguntur electi, sicut per paleas reprobi. 2^o. Compara-
vit convivio, in quo repertus est homo, in tenebras ex-
teriores projiciendus Matth. XXII. 3^o. Agro, in quo zi-*

zania cum frumento creverunt ulque ad messem; tuncque demum collecta sunt in fasciculos, & in ignem projecta. *Matth.* XIII. 42. Sagenæ missæ in mare, & ex omni genere piscium congreganti, quam, cum impleta esset, educentes, & secus litus sedentes, elegerunt bonos in vasa, malos autem miserunt foras *Matth.* XIII. 50. Decem virginibus, quatum quinque fatuz a nuptiali convivio exclusæ sunt *Matth.* XXV. At homo in tenebras exteriores projectus, zizania igni combusta, mali pilces foras missi, virgines fatuz domo exclusæ, non utique significant prædestinatos, sed reprobos. Ergo. Hinc *Gregorius M. Lib. 1. Homil. XII. in Evang. Regnum Dei*, inquit, *sepe presentis temporis Ecclesia dicitur, in qua, quia mali cum bonis, & reprobi cum electis admisti sunt, recte similis virginibus prudentibus, & fatuis esse perhibetur.*

Prob. 20. ratione. Si Ecclesia solis constaret prædestinatis, invisibilis esset. Atqui, eam natura sua esse visibilem, docebimus inferius. Ergo.

Prob. 21. pars. Infideles, schismatici, hæretici, excommunicari membra ecclesiæ non sunt, ut supra docuimus. Atqui nonnulli ex iis sunt prædestinati. Ergo non omnes prædestinati actu sunt in Ecclesia. Unde *Augustinus Tract. XLV. in Joan. n. 12.* utramque propositionis nostræ partem paucis verbis complectens, ait: *secundum Dei præscientiam, & prædestinationem, quam multa oves foris, quam multi lupi intus!* Denique Concilium Constantiense *Sess. XV.* contrariam doctrinam *Joannis Hus* damnavit.

Solvuntur Objectiones.

Obje. 1. Ecclesia ab ipso Christo comparatur ovili; ejusque membra comparantur ovibus *Joan. X. 16.* *alias oves habeo, quæ non sunt ex hoc ovili, & illas oportet me adducere, & fiet unum ovile, & unus pastor.* Atqui oves Christi sunt soli prædestinati. Ait enim Christus *Ibid. v. 27.* *Oves meæ vocem meam audiunt, & ego cognosco eas, & sequuntur me, & ego vitam æternam do eis, & non per-*

vibunt in æternum, & non rapiet eas quisquam de manu mea. Ergo.

R. *Dist. min.* Oves Christi præcipue sunt soli prædestinati, *conc.* Oves omnes absolute, *neg.* In Evangelio igitur nomine ovium aliquando fideles omnes veniunt, licet non sint prædestinati, ut cum Petro dicitur *pasce oves meas Joan. XXI. 17.* neque enim Petrus, ejusve successores prædestinatos cognoscere poterant, ut eos pascerent. Aliquando vero intelliguntur electi, ut in cirato loco, & *Matth. XXV. 33.*

Inst. 1. Ex concessis, in laudato *Joannis* loco, nomine ovium veniunt prædestinati. Atqui Christus ait, ovile ex iis tantum ovibus constare. Ergo.

R. *Neg. min.* Dicit enim Christus, se adductorum oves suas in ovile unum; sed non ait, ex iis ovibus solis constare ipsum ovile.

Inst. 2^o. Idem est ovile Christi, & domus Christi; utrumque enim Ecclesiam significat. Atqui soli prædestinati sunt domus Christi. Ait enim Apostolus *Heb. III. quæ domus Christi sumus nos, si fiduciam, & gloriam spei usque ad finem firmam retineamus.* Ergo.

R. *Dist. min.* Prædestinati sunt domus Christi modo quodam perfectissimo, *conc.* modo quocumque, *neg.* Hortatur itaque Apostolus fideles ad perseverantiam, docens, eos frustra esse in Ecclesia, nisi in fide, & charitate perseverent, cum soli perseverantes sint perfecti illi lapides vivi, ex quibus construitur domus Dei, in æternum duratura, Ecclesia scilicet triumphans. Vide *Estium Commentar. in h. l.*

Obje. II. Ecclesia *Cantic. IV. 12.* dicitur *hortus conclusus, fons signatus, pateus aquarum viventium.* Atqui hæc solis conveniunt prædestinatis. *Augustinus* enim *Lib. V. de Bapt. Cap. 27.* ait: *numerus ergo ille justorum. . . . de quibus dictum est: novit Dominus qui sunt ejus, ipse est hortus conclusus, fons signatus &c.* Ergo &c.

R. *Transfert maj.* Nam ut observat *Bellarminus Lib. III. de Eccl. Cap. 6.* laudarum Canticorum locum quidam de B. Virgine, quidam, etiam probabilius, de anima justi perfecta intelligunt. Sed etsi de Ecclesia tantum intelligi posset, non sequitur, eam ex solis constare præ-

destinatis. Nam etiam in horto concluso nascuntur vepres, aliaque inutiles plantæ per agricolam evellendæ: sicut & fons signatus, & puteus aquarum viventium a sordibus identidem emundandus est. Ceterum etsi hortum conclusum omnino de solis prædestinatis velis intelligere, potest etiam hoc sensu Ecclesia sic appellari, quia solet attribui toti; quod convenit nobiliori parti, sicut solet Respublica appellari dives opum propter illustriores ejus cives. *Augustinus* autem favet potius nobis, quam adversatur; ait enim, hortum conclusum non significare Ecclesiam universam; sed partem; solos scilicet electos. Quod autem in Ecclesia tota agnoverit etiam reprobos, patet tum ex loco supra laudato; ex *tract. XLV. in Joan.* tum ex aliis.

Objic. III. Joannes in 1. *Epist. c. II. 19.* ait: *Ex nobis prodierunt; sed non erant ex nobis; si enim fuisset ex nobis, permansissent usque nobiscum.* Et Apostolus *II. Tim. II. 19.* *Firmum, inquit; fundamentum Dei stat, habens signaculum hoc: Novit Dominus qui sunt ejus.* Ergo reprobi, de quibus loquitur Apostolus, membra Ecclesiæ non sunt.

R. Neg. conf. Illud enim *ex nobis* non significat totam Ecclesiam, sed solos prædestinatos. Sensus ergo est: prodierunt de medio nostri, h. e. de Ecclesia, in qua erant, sed non erant ex nobis, h. e. ex numero electorum; si enim fuissent ex eo numero, permansissent in Ecclesia nobiscum.

Adde quod advertit *Augustinus Tract. XLV. in Joan. & Lib. de dono persever. c. 8.* sæpe homines in Scripturis tales dici; quales nondum sunt, sed futuri prævidentur a Deo, cui omnia præsentia sunt. Sic electi; licet adhuc idololatræ, dicuntur in Scripturis *oves, & filii Dei.* Alias *oves habeo Joan. X. 16. Ut filios Dei, qui erant dispersi; congregaret in unum Joan. XI. 52.* Sic igitur reprobi possunt dici *ex nobis, & non ex nobis: filii Dei, & filii perditionis: oves, & hædi: oves quidem, filii Dei, ex nobis secundum præsentem eorum statum: hædi vero, filii perditionis, non ex nobis secundum Dei præscientiam; nam secundum Dei præscientiam, quam multa oves foris, quam multi lupi intus!*

Objic. IV. Ecclesia comparatur a Patribus *Arce Noë,*
quæ

quæ fu it ejus figura. At in arca non fuerunt, nisi qui servandi erant a diluvio. Ergo in Ecclesia non sunt, nisi prædestinati.

2. *Dist. maj.* Comparatur Arca quoad aliqua, *cons.* Quoad omnia, *neg.* In his ergo Patres comparisonem instituunt, 1.º quod sicut nemo servatus est a diluvio, nisi qui erat in arca; ita nemo servatur, nisi qui est in Ecclesia. Ita *Augustinus Lib. V. de Bapt. cont. Donatist. Cap. ult.* *Hieronymus in Epist. ad Damas.* & ante eos *Cyprianus Lib. de unit. Eccl.*; 2.º quod sicut in arca non solum munda animalia erant, sed etiam immunda, sic in Ecclesia non solum boni sunt, sed etiam mali; non solum electi, sed etiam reprobi: ita *Hieronymus Lib. cont. Luciferian. Cap. 8.* & alii.

S. VII.

De Justis, & peccatoribus.

Adv. Bellarminus *Lib. III. de Eccl. Cap. 2.* scribit, docuisse *Pelagianos*, Ecclesiam constare ex solis justis, & quidem ita perfectis, ut nullum omnino peccatum habeant. Sed videtur deceptus ex quodam *Augustini* loco *Lib. de Hæresib. Cap. 88.* in quo ait, *Pelagianos* asserere ex his hominibus immaculatis Ecclesiam Christi in hac mortalitate perfici: Sed advertendum, aliud esse Ecclesiam perfici, aliud constare ex hominibus immaculatis. Prius docebant *Pelagiani*, quorum dogmata suo loco refutabimus: posterius numquam videntur asseruisse.

II. *Novatiani* autem, & *Donatistæ* graviorum scelerum reos asserabant, non esse Ecclesiæ membra, ut testantur *Cyprianus* de *Novatianis Epist. LII.* et de *Donatistis Augustinus Lib. de Hæres. Cap. 69.*

III. *Lutherani*, ut patet ex *Confessione Augustana Art. VII.* docent, ex solis justis Ecclesiam constare. Idem sentit *Calvinus Lib. IV. Instit. Cap. I. §. 2.* sed quia in ejus systemate nemo justus est, nisi sit prædestinatus, idcirco ex solis prædestinatis constare Ecclesiam somniavit, quem errorem supra refutavimus.

IV. Ceterum *Lutherani*, & *Calviniani* duplicem fiagunt Ecclesiam, aliam vere, proprièque dictam, tam-

que ex solis iustis coalescere, ideoque invisibilem, soli-
que Deo cognitam esse statuunt; aliam externam, ma-
terialem, visibilem, quæ improprie, sive per *Synecdo-
chen*, ut explicat *Buddens*, *Lutheranus*, Ecclesiam dicitur,
in qua iusti simul, & peccatores inveniuntur.

V. Peccatores illi, qui sunt etiam hæretici, vel schis-
matici, infideles, excommunicati extra Ecclesiam sunt,
ut supra ostendimus. De reliquis ergo hic agimus.

PROPOSITIO.

*Ecclesia constat ex iustis, & peccatoribus, etiam sceles-
tissimis, modo non sint hæretici, schismatici, in-
fideles, aut excommunicati. Est dogma fidei.*

*Prob. I. ex omnibus iis parabolis Evangelicis, qui-
bus supra docuimus, Ecclesiam constare ex prædestina-
tis, & reprobis. Eæ enim probant non solum reprobos,
sed & peccatores, utcumque scelestos, esse membra Ec-
clesiæ, ut patet.*

*Prob. II. ex constanti traditione. Cyprianus Epist.
LIV. ad Maxim. Esi videntur in Ecclesia esse zizania,
non tamen impediri debes aut fides, aut charitas nostra,
ut quoniam zizania esse in Ecclesia cernimus, ipsi de Ec-
clesia recedamus. Idem millies inculcat Augustinus in Li-
bris contra Donatistas, tamquam constantissimam univer-
salis Ecclesiæ fidem. Et Tract. VI. in Joan. Si arca,
inquit, figurabat Ecclesiam, videris utique, quia neces-
se est, ut in isto diluvio sæculi, utrumque genus conti-
neat Ecclesia & corvum, & columbam. Qui sunt cor-
vi? qui sua querunt. Qui sunt columbe? qui ea, quæ
Christi sunt, querunt. . . . Nos fatemur, in Ecclesia
bonos, & malos esse, sed tamquam grana, & paleas.
Innumera ejusdem S. Doctoris testimonia collegit Hi-
eronymus Torrensis in Lib. I. Confess. August. Cap. 6.
§. 7. Hinc Fulgentius Lib. de Fide ad Petrum Cap.
44. Firmissime tene, & nullatenus dubites, arcam Dei
esse Ecclesiam catholicam, & intra eam usque in finem
sæculi frumento mixtas paleas contineri, hoc est bonis
malos Sacramentorum communione misceri: & in omni
professione sive clericorum, sive monachorum, sive lai-
co-*

eorum bonos esse simul, & malos &c. Et Gregorius M. Homil. XI. in Evang. Nunc bonos, malosque communitur, quasi commixtos pisces, fidei sagena nos continet.

Denique Ecclesia est visibilis, ut suo loco dicemus. Ergo continet bonos, & malos. Cum enim iustitia, aut pravitas humani cordis videri ab hominibus non possint; si solis iustis Ecclesia constaret; jam esset invisibilis. Commensitia ergo est, & omnibus sæculis inaudita distinctio, quam Novatores obtrudunt inter Ecclesiam visibilem, & invisibilem, cum omnes Patres, imo & ipsa Scriptura, quam solam volunt esse fidei regulam, de una Ecclesia loquantur, quam dicunt esse sagenam, bonos & malos continentem.

Solvuntur Objectiones.

Obje. I. Isaie XXXV. 8. hæc habentur: Non transibit per eam pollutus. . . non eris ibi leo, & mala bestia non ascendet per eam. Et clarius Cap. LII. 1. Non adjiciet ultra, ut pertransseat per te incircumcisos, & immundos. Sed hæc de Ecclesia prædicantur. Ergo &c.

R. Ad 1^m. Isaie locum: neg. min. Non enim ibi sermo est de Ecclesia, sed de via, qua in Ecclesiam, seu in patriam celestem ascenditur: ait enim: *Et eris ibi semita, & via sancta vocabitur: non transibit per eam pollutus &c.* Faremur autem, hanc viam esse sanctam, quia ipse Christus de se ait: *Ego sum via: per quam non ambulant peccatores, non obediētes mandatis ejus: quæ mandata etiam dici possunt via sancta, qua itur ad patriam, & per quam peccatores non ambulant.*

Ad 2^m. Verba illa ad litteram intelliguntur de Jerusalem, per quam prædicit Dominus, post captivitatem non amplius, per longum temporis spatium, transituros incircumcisos, & immundos, qui eam vellent, & evertant, sicut fecere Babylonii. Allegorice autem intelligi possunt etiam de Ecclesia, quæ ab incircumcisio, & immundis oppugnabitur quidem, sed nunquam delebitur juxta Domini promissionem Matth. XVI. 18. Porta inferi non prævalent adversus eam. Itaque Dist. min. Prædicantur de Ecclesia, ita ut immundi non

non transeant per eam, more victorum, vastantes, & delentes, *conc.* ita ut nullus in ea sit immundus, *neg.*

Objic. II. Apostolus *Ephes. V. 27.* de Ecclesia ait: *Ut exhiberet sibi gloriosam Ecclesiam, non habentem maculam, aut rugam.* Ergo.

R. Dist. ant. In patria celesti, *conc.* In hoc saeculo, *subdist.* Non habentem maculam, aut rugam propter praecipua, & nobiliora ejus membra, aliasque rationes, quibus Ecclesiam dici sanctam docebimus inferius, *conc.* Propter omnia ejus membra sancta, *neg.* Itaque quod ait Apostolus *Ecclesiam gloriosam, non habentem maculam, aut rugam*, Augustinus passim de Ecclesia triumphante intelligit. Sic *Lib. de perfect. iustit. Cap. 35.* Tunc, ait, plena, atque perfecta erit Ecclesia, non habens maculam, aut rugam, aut aliquid hujusmodi, quia tunc erit etiam vere gloriosa. Cum enim non tantum ait, ut exhiberet sibi Ecclesiam, non habentem maculam, aut rugam, sed addidit gloriosam, satis significavit, quando erit sine macula, aut ruga, tunc utique quando gloriosa. Idem docet Hieronymus in *Cap. XXXI. Jerem.*, & *Thomas 3. P. Q. VIII. art. 3. ad 2.* Potest tamen etiam in hoc saeculo Ecclesia dici sancta, sine macula, propter illustriora ejus membra.

Objic. III. *Rom. VIII. 9.* Qui Spiritum Christi non habet, hic non est ejus, & *1. Cor. XII. 13.* In uno spiritu omnes nos in unum corpus baptizati sumus. Sed peccatores Spiritum Christi non habent. Ergo non sunt ejus.

R. Dist. min. Non habent Spiritum Christi inhabitantem cum charitate, *conc.* non habent Spiritum Christi conservantem eos in fide, quam bonum amiserunt, & *neg.* Distinguo etiam *conf.* Non sunt ejus, ut membra perfecta, *conc.* non sunt ejus, ut membra imperfecta, & infirma, *neg.* Hinc Augustinus in *Psalm. XLVI.* Qui sacramenta habent, inquit, & bonos mores non habent, & Dei dicuntur, & non Dei; & ejus dicuntur, & alieni: ejus, propter ipsius sacramentum; alieni, propter proprium vitium.

Infr. Peccatores membra sunt diaboli, imo & filii diaboli. Atqui non potest idem esse membrum Christi, & diaboli. Quae enim conventio Christi ad Belial? inquit

quit Apostolus II. Cor. VI. 15. Ergo nullo pacto sunt membra Christi.

Ap. Dist. min. Non potest idem esse membrum Christi & diaboli, sub eodem respectu, conc. sub diverso respectu, *neg.* Hoc enim interest inter corpus morale, & physicum, quod in physico corpore non potest unum membrum ad duo corpora; & capita pertinere. At non ira se res habet in corpore morali; potest enim civis proditor ex. gr. qui cum hoste occulte consilia communicat; pertinere simul ad principem; cui utcumque subiectus esse pergit; & ad hostem, cui animo, & consiliis conjunctus est.

Inst. 2. Corpus Christi est vivum; Ergo non potest habere membra mortua, quales sunt peccatores. *Confirmatur.* Ecclesia ab Apostolo comparatur pani, qui ex multis frumenti granis conficitur; *Unus panis*, inquit, *unum corpus multi sumus* I. Cor. X. 17. At panis conficitur ex tritico, quod in scripturis iustos significat, non ex paleis, quæ significant peccatores. Ergo &c.

Ap. Neg. conf. Nam etiam in corpore vivo sunt aliquando membra mortua, antequam præcidantur. Adde, peccatores non esse eo sensu membra mortua, ut nullum a Christo capite influxum recipiant. Retinent enim fidem, quam Christus per gratiam suam in ipsis servat. Ad confirmationem respondeo; similitudines non in omnibus urgendas esse. In hoc ergo posita est comparatio panis cum Ecclesia, quod sicut ex multis granis per aquam fit unus panis, ita ex multis hominibus per baptismum fit unum Ecclesiæ corpus, ut explicant Cyprianus Epist. LXXVI. ad Magnum et Irenæus Lib. III. Cap. 19.

Obje. IV. Ecclesia est sancta; Ergo singula eius membra sancta sint, oportet. Hinc Bedæ in Cap. XXVI. Job Ecclesiam vocat congregationem Sanctorum.

Ap. Neg. conf. Ecclesia, enim, ut suo loco explicabimus, dicitur Sancta ratione Christi capitis, doctrinæ, Sacramentorum, & præcipuorum ejus membrorum; a nobiliiori enim parte denominatio sumi potest. Quod autem ait Bedæ, Ecclesiam esse congregationem Sanctorum, eo sensu intelligendum est, quod extra Ecclesiam nemo sit

sanctus, nisi, saltem voto, ad eam aliquo pacto pertineat, ut catechumeni.

Objic. V. Chrysostomus *Homil. IV. in II. Epist. ad Tim.* docet, Apostolum per magnam domum, in qua esse dicit vasa aurea, & fictilia, non intelligere Ecclesiam, sed mundum: quia, inquit, in Ecclesia nullum vult esse vas ligneum, aut fictile. Ergo.

R. Dist. ant. Nullum vult esse vas ligneum, aut fictile, quasi necessarium Ecclesiae, sicut necessaria sunt in magna domo vasa lignea, & fictilia, *conc.* Nullum omnino, *neg.* Ita seipse explicat Chrysostomus paulo post laudata verba: non itaque, inquit, inter necessarias res malitia est. Mundus autem etiam per malos ex accidenti ornat. Quod autem S. Doctor, etiam malos esse in Ecclesia, docuerit, patet ex ejus expositione I. in *Psalm. XXXIX.* Nec ex perfectis quidem, inquit, universa constat Dei Ecclesia, sed habet eos etiam, qui ocio, & socordiae se dedunt, mollemque, & dissolutam vitam amplectuntur, & libenter servant voluntatibus.

Objic. VI. Saepè docet Augustinus, impios homines, aequè ac haereticos, non esse membra Christi, sed esse extra Ecclesiam; atque inde Donatistas redarguit, eo quod haereticorum rejicerent baptismum, non respicerent vero baptismum sceleratorum hominum, cum utriusque ad Ecclesiam non pertineant. Sic *Lib. II. cont. Crescon. Cap. 21.* Etiam, inquit, nesciente Ecclesia, propter malam, pollutamque conscientiam damnati a Christo, jam in corpore Christi non sunt, quod est Ecclesia; quoniam non potest Christus habere membra damnata. Proinde & ipsi extra Ecclesiam baptizant. Similia alibi repetit. (a) Ergo.

R. Dist. ant. Docet impios non esse in Ecclesia eo modo, quo Donatistae contendebant, debere aliquem esse membrum Christi, et Ecclesiae, ut valide baptizaretur,

conc.

(a) *Lib. De unit. Eccl. Cap. 21. Tract. VI. in Joan. n. 12. Lib. III. De bapt. Cap. 18., & alibi.*

conc. Non esse in Ecclesia, nec membra Christi ullo modo, *neg.* Putabant itaque Donatistæ, non valere baptismum, nisi minister in Ecclesia sit vivum, ac perfectum Christi membrum, eo quod, inquebant, nemo potest alteri dare quod ipse non habet. Ex quo sequebatur, non minus hæreticorum, quam impiorum rejiciendum esse baptismum. Cum ergo illi hæreticorum baptismum rejicerent, impiorum vero retinerent; recte eos argumento *ad hominem* refellit *Augustinus*; Ceterum, peccatores esse in Ecclesia, tam sæpe, tam luculenter contra Donatistas docuit, et ostendit, ut absurdum sit vel suspicari, eum in contraria fuisse opinione versatum. Vide *Nicolium De unit. Eccl. Lib. I. Cap. 1.*

Scholium.

Quamvis fidei dogma sit, peccatores esse Ecclesiæ partes; quæstio tamen inter Theologos agitur, utrum proprie dici debeant Ecclesiæ membra. Multæ enim sunt partes corporis, quæ membra dici non possunt, ut humores, dentes, pili. *Joannes de Turrecremata*, *Melchior Canus*, *Petrus Soto*, alique docent, peccatores non vere, & proprie dici Ecclesiæ membra, laudantque etiam pro hac sententia *S. Thomam*, qui ait, peccatores esse membra *equivoce* in III. *Dist. 13. q. 2. art. 2. Quæstiunc. 2. ad 2.* Is tamen *3. P. Summe Q. VIII.* videtur id correxisse. At *Bellarminus*, alique docent, vere, et proprie dici debere peccatores membra Ecclesiæ, alioquin, inquam, Pastores, iniqui non essent, vera Ecclesiæ membra, cum tamen ipsi sint capita, h. e. membra præcipua.

C A P. V.

De notis veræ Ecclesiæ.

Adu. I. **J**Am in primo libro sola ratione naturali contra incredulos demonstravimus, 1º. religionem Christianam divinitus esse institutam a Christo, & per Apostolos longe, lateque in orbe fundatam; 2º. Extra eam religionem nemini fas esse salutem sperare. Ex
quæ

quibus primum est colligere, 1^o. veram Christi Ecclesiam non posse esse nisi *unam*, quia veritas una est, 2^o. non posse esse nisi *Sanctam*, quia Deus non nisi sanctæ religionis potest esse auctor, 3^o. non posse esse nisi *Catholicam*, sive *universalem*, quia Deus eam ad omnium hominum salutem fundavit, 4^o. non posse esse nisi *Apostolicam*, quia Ecclesia, non fundata ab Apostolis, non potest esse Ecclesia Christi. Hinc etiam ostendimus, solam Ecclesiam Romanam esse veram Christi Ecclesiam.

II. At nunc, cum traditionis, & Scripturæ veritatem statuerimus, juvat novo molimine rem adgredi, & tribus veluti lucidissimis facibus Scripturæ, traditionis, & rationis naturalis exquirere, quænam sint notæ, seu characteres, quibus vera Christi Ecclesia discernatur ab iis, quæ falso sibi hoc nomen vindicant, ut tandem contra hereticos omnes concludamus, eas notas soli Romanæ Ecclesiæ convenire.

III. *Notæ*, seu character veræ Ecclesiæ debet esse 1^o. notior ipsa Ecclesia, ut fatentur Heretici, 2^o. debet uni, & soli veræ Ecclesiæ convenire. Si unum ex his duobus desit, non potest aliquid constitui tamquam veræ Ecclesiæ *notæ*.

IV. Quod autem revera sint quædam notæ, seu signa veræ Ecclesiæ, quæ ab omnibus facile videri possant, docet Augustinus Tract. I. in Joann. dicens & possumus digito demonstrare Ecclesiam Christi, & sunt cæci, qui eam non vident, & persuadet etiam recta ratio; frustra enim Deus veram fundasset Ecclesiam ad omnium hominum salutem, nisi certis notis, & characteribus eam discrevisset a falsis.

V. Quæritur ergo, quænam sint veræ Ecclesiæ notæ. Protestantes duas statuunt, 1^o. veritatem doctrinæ, 2^o. rectam administrationem sacramentorum, ut constat ex Confessione Augustana Art. VI. Calvinò Lib. IV, Instit. cap. 1. §. 10. aliisque; quæ dux ad unam reduci possunt, nempe ad solam doctrinæ veritatem. Catholici e contrario docent esse quatuor, scilicet eas ipsas, quas principio commemoravimus, nempe, ut Ecclesia sit Una, Sancta, Catholica, & Apostolica.

PROPOSITIO

*Veritas doctrinae, & legitima Sacramentorum
administratio, & usus non sunt nota
vera Ecclesia.*

Prob. I. Nota debet esse clarior, & notior ipsa re, quam inquirimus. At veritas doctrinae, & legitima Sacramentorum administratio, et usus non sunt notiora, et clariora ipsa Ecclesia, quae inquitur. Utraque enim secta contendit, se veram tradere doctrinam, recteque administrare Sacramenta. Et ne dicas, per Scripturam cognosci doctrinae veritatem: quævis secta profert pro dogmate suo Scripturam. Quomodo ergo inter tot dissidentes hæreses cognoscent homines, præsertim rudes, et indocti, quænam sit vera doctrina, ut inde sciant, quæ vera Ecclesia sit? Spiritus Sanctus, inquit novatores, revelat: cuique, præsertim prædestinato, verum Scripturae sensum; ut inde noscat, eam esse veram Ecclesiam, quæ sensum illum amplectitur. Sed præterquam quod nemo scit, se esse prædestinatum, ut suo loco docebimus, ideoque nemo scit, utrum ipse fallatur; quævis novatorum societas a Spiritu Sancto se accepisse jactat sensum Scripturarum: Lutherani ex. gr. a Spiritu S. accepisse se putant sensum verborum, quibus Eucharistia est instituta: Zuingliani, et Calvinistæ putant, se a Spiritu Sancto accepisse contrarium. Ergo veritas doctrina non est notior ipsa Ecclesia, quæ inquitur.

Prob. II. Nota Ecclesiae non debet nisi soli veræ Ecclesiae convenire. At sectæ Schismaticorum initio schismatis veram doctrinam, et legitimam Sacramentorum administrationem retinere solent; et tamen vera Ecclesia non sunt. Ergo.

Prob. III. Scriptura, et Patres clare docent, non ex veritate doctrinae dignoscendam Ecclesiam, sed ex vera Ecclesia accipiendam esse doctrinae veritatem. Ita Apostolus Ephes. IV. 11. docet, divinitus constitutos esse in Ecclesia Pastores, & doctores, ut non circumferantur

omni

omni vento doctrine: Et Tertullianus Lib. de prescript. Cap. 21. Quid predicaverint, inquit, Apostoli, quid Christus illis revelaverit, & hic prescribam, non aliter probari debere, nisi per easdem Ecclesias, quas ipsi Apostoli condiderunt. Similia docent Augustinus Lib. XIII. cont. Faust. cap. 17. Irenaeus Lib. III. cap. 2. alique.

Prob. IV. Si veritas doctrinae constituitur tamquam Ecclesiae nota, lata unicuique patebit via a vera Ecclesia recedendi. Quisque enim nova dogmata procedens, eaque verbis Scripturarum, in alienum sensum utcumque toris, fulciens, calumniari poterit. Ecclesiam tamquam verae fidei inimicam. Tam longe igitur abest, ut sapientissimus Ecclesiae fundator Deus hanc nobis dederit notam, qua veram Ecclesiam dignoscamus, quin potius haec aptissima esset ratio veram Ecclesiam ignorandi, et obsecranda.

Objic. cum Malineo. Nihil cognosci potest, nisi cognoscatur id, quod ad ejus essentiam, et definitionem pertinet. Sed veritas doctrinae pertinet ad definitionem, et naturam Ecclesiae, quam diximus esse ceterum hominum viatorum, unius fidei, utique verae, professione &c. copulatum. Ergo non potest cognosci vera Ecclesia, nisi per veritatem doctrinae.

R. Neg. maj. Multa enim cognoscimus, et discernimus a ceteris, licet eorum nondum cognoscamus, imo et ignoremus essentiam. Sic lupum ab ove, aurum a luto per alias visibiles notas primo aspectu discernimus, licet eorum naturam nondum perspectam habeamus.

Objic. II. Scriptura est notio Ecclesia; quia per ipsam Scripturam probatur Ecclesia. Hinc Augustinus Lib. de Unit. Eccl. cap. 3. Nolo, inquit, hominum documentis, sed divinis oraculis Sanctam Ecclesiam designari: & cap. 2. ubi sit Ecclesia... puto quod potius in illius verbis eam quaerere debeamus, quae veritas est, & optime novit corpus suum. Imo pressius loquens Chrysostomus Hom. XLIX. in Matth. ait: qui ergo vult cognoscere, quae sit vera Ecclesia Christi, unde cognoscat, nisi tantummoda per Scripturas? Ergo.

R. Dist. aut. Absolute, & simpliciter, neg. hypoteticè;

rice; nempe in hypothesi qua quis agnoscat Scripturam, et nolit agnoscere Ecclesiam, *subdist. Remote*, quatenus Scriptura suppeditat notas, quibus vera Ecclesia dignoscatur, *conc. Proximo*, *Transcat*. Itaque *absolute* Ecclesia notior est Scriptura, tum quia extabat ante Scripturam; tum quia ab Ecclesia discimus, qui sint genuini Scripturarum libri, quos hæretici pro lubitu aut rejiciunt, aut mutilant; tum denique quia nonnisi ab Ecclesia discere possumus sensum Scripturæ, ubi obscurior est. Sed si quis, Scripturas admittens, Ecclesiam nolit agnoscere, tunc per Scripturam ostendimus ei Ecclesiæ veritatem, quia inde discimus notas, quibus vera Ecclesia discernitur. Atque id sibi volunt Patres in Objectione citati. Adverte tamen, auctorem Operis imperfecti in *Mattheum*, in quo opere est laudata *Homil. XLIX.* non esse *Chrysostomum*, cum multa habeat ex libris apocryphis, nonnulla etiam, ut ait *Tournely*, hæretica, et doctrinæ *Chrysostomi* contraria.

Objic. III. Symbolum Apostolorum habitum est a Patribus ut tessera, qua fideles ab infidelibus distinguuntur. Ergo doctrinæ est nota Ecclesiæ.

R. Dist. ant. Symbolum est tessera, qua fideles distinguuntur ab infidelibus non Christianis puta *Judeis*, *Mahumetanis*, *Idololatriis*, *conc.* qua distinguuntur a sectis hæreticorum, et schismaticorum; *neg.* Schismatici enim, et plures hæretici retinuerunt Symbolum, ut *Pelagiani*, *Nestoriani* &c. nec tamen erant vera Ecclesia *Christi*.

Objic. IV. Non potest esse vera Ecclesia *Christi* sine vera doctrina. Ergo veritas doctrinæ est ejus nota.

R. Ng. conf. Fatemur in vera *Christi* Ecclesia veram tradi doctrinam; hinc tamen non sequitur, veritatem doctrinæ esse ipsius notam, propter rationes supra explicatas.

§. II.

P R O P O S I T I O .

Nota Ecclesie quatuor sunt simul sumte, nempe ut sit Una, Sancta, Catholica, & Apostolica.

Dicimus autem has esse Ecclesie notas *simul sumtas*; quia si quolibet seorsum accipiat, distinguit quidem Ecclesiam *negative*, ut ajunt, h. e. demonstrat, eam societatem, cui vel una ex his quatuor notis deest, non esse veram Ecclesiam, sed non distinguit *positive*, h. e. non certo demonstrat, societatem, cui una, aut altera ex his notis convenit, veram esse Ecclesiam, nisi omnes simul notae conveniant.

Prob. I. Ex Symbolo Nicæno, et Constantinopolitano Ecclesia ita describitur: *Credo . . . unam, Sanctam, Catholicam, & Apostolicam Ecclesiam*. Hæ sunt notae igitur, quibus vera Ecclesia discernitur.

Prob. II. ratione inirio capitis explicata. Ecclesia a Christo divinitus instituta non potest esse, nisi una, sancta, catholica, et Apostolica; et vicissim Ecclesia, quæ simul est una; sancta, catholica, Apostolica non potest esse, nisi illa ipsa, quam *Christus* divinitus instituit. Ergo quatuor istæ notæ uni veræ Ecclesie a Christo fundatæ conveniunt; aliunde sunt notiores ipsa Ecclesia, quam inquirimus, quia, ut dicemus inferius singillatim eas notas expenderes, sunt characteres unicuique attendenti visibiles. Ergo etc.

Obje. Inter catholicos non convenit, quænam sint Ecclesie notæ. Etenim *Augustinus Lib. cont. Epist. fundam.* sex ponit notas Ecclesie: *Hieronymus Dial. cont. Lucif.* duas, *Lirinenis in Common* tres. *Bellarminus Lib. IV. de Eccl. cap. 3.* quindecim; alii alias. Ergo.

R. *Dist. ant.* Et tamen notæ ab omnibus positæ reduci possunt ad illas quatuor, *conc.* Non possunt ad eas reduci, *neg.* Hinc *Bellarminus* fatetur, quindecim
notas

notas, a se fufe explicatas, ad illas quatuor referri poffe, quæ communiter a recentioribus proponuntur. Nunc quoniam generatim notas veræ Ecclefiæ ftatuimus, de fingulis feorfim agendum eft.

§. III.

De Unitate Ecclefiæ.

Adv. I. Tria hic explicanda funt, 1º. veram Ecclefiam effe unam, 2º. qua in re illa unitas fit ponenda; 3º. cuinam focietati congruat unitas, quæ eft veræ Ecclefiæ nota.

II. Veram Ecclefiam effe unam, Proteftantes fatentur, Licet enim ipfi duplicem fingant Ecclefiam, ut fupra docuimus, tamen nomen Ecclefiæ vere, et proprie uni iuftorum collectioni convenire docent. Sed quærentes, in quo pofita fit illa unitas, mirifice a catholicis diffeftiunt. Docent enim, præfertim Calviniftæ poft *Jurium*, Ecclefiæ unitatem pofitam effe in confenfione circa articulos fidei fundamentales, ita ut omnes fectæ hæreticorum, modo in fundamentalibus illis articulis non errent, in unitate Ecclefiæ reperiantur, licet implacabile inter fe bellum gerant, et fe mutuo execrentur, et anathemate percellant. Quo nihil dici poterat abfurdius, nofque ex parte fupra refutavimus, oftendentes hæreticos effe extræ Ecclefiam.

P R O P O S I T I O I.

Vera Chrifti Ecclefia eft una, eaque omnes hæreticorum, & fchismaticorum fectas excludit, nec extra ipfam falus cuiquam fperanda eft.
Eft dogma Fidei.

Prob. 1ª. parf. I. ex Scripturis. Ecclefia eft Sponfa Chrifti. At Sponfa Chrifti una eft; nam *Cant. VI. 8.* de ea dicitur: *Vna eft columba mea, perfectio mea.* Rurfus Ecclefia eft corpus Chrifti. At corpus Chrifti unum eft *Ephes. IV. 4.* *Unum corpus, & unus fpiritus, ficut*

vocati estis in una spe vocationis vestra. Quod & sæpe repetit Apostolus, ut I. Cor. XII. 12. sicut enim corpus unum est, & membra habet multa; omnia autem membra, cum sint multa, unum corpus sunt; ita & Christus. Etenim in uno spiritu omnes vos in unum corpus baptizati sumus. Vemum Ecclesia est ovile Christi. At Christi ovile unum est Joan. X. 16. fiet unum ovile, & unus Pastor. Ergo Ecclesia Christi una est.

Prob. II. ex Traditione. Cyprianus Lib. de Unit. Eccles. Episcopatus unus est, cujus a singulis in solidum pars tenetur. Ecclesia quoque una est, que in multitudine latius incremento fecunditatis extenditur: quomodo solis multi radii, sed lumen unum: & ramæ arboris multi, sed robur unum etc. Et in toto eo libro idem argumentum late profequitur, & Ecclesiam comparans Arcæ Noe, tunicæ Christi inconsutilli, aliisque figuris, ubique ejus unitatem confirmat. Tum sub finem sic ait: Deus unus est, & Christus unus, & Ecclesia ejus, & fides una, & plebs in solidam corporis unitatem concordie glutino copulata. Idem demonstrat Augustinus in libris contra Donatistas. (a) Ergo &c.

III. Ratio etiam manifesta est. Deus enim unus, & veritas una, nonnisi unam Ecclesiam fundare poterat: Unde Augustinus Serm. CIII. al. XXVI. de Verbis Dom. Deus unus, Ecclesia una; non respondes uni, nisi unitas. Ergo.

Prob. 2^a. pars. I. Ex Scriptura, quæ docet, homines hæreticos vitandos esse: nullam cum ipsis servandam societatem; ne salutandos quidem, ut supra docuimus. At si omnes hæreticorum sectæ ad unum Ecclesiæ corpus pertinerent; non liceret ipsis societatis officia denegare. Ergo.

II. Ex constanti Traditione. 1^o. Irenæus Lib. III. cap. 4. Ecclesiam omnibus hæreticorum sectis opponit: Apud hæreticos, qui fures sunt, & latrones, quaerenda

non

(a) Add. Optatus Mil. Lib. I. Clemens Alex. Lib. III. Strom. Origines Lib. I. in Job etc.

non est veritas, quæ in Ecclesia facile invenitur. At si Ecclesia sectas omnes complecteretur, inepta foret hæc antithesis. 2^o. Tertullianus Lib. de Prescript. cap. 4. hæreses comparat Antichristo: sunt hæreses, inquit, non minus doctrinarum perversitate Ecclesiam persequentes, quam tum Antichristus persecutionum atrocitate persequetur. 3^o. Hieronymus Dial. contr. Lucifer. hæreticos omnes vocat Antichristi Synagogam. Et ne singulos appellemus Patres, Concilium Nicænum Can. VIII. Novatianos, ad Ecclesiam redire cupientes, per manuum impositionem recipi jubet; quod clare ostendit, eos ante ab Ecclesia fuisse sejunctos. Concilium Constantinopolitanum I. Can. 6. de hæreticis omnibus sic ait: *Hæreticos dicimus & qui olim ab Ecclesia ejeti sunt, & qui sunt postea a nobis anathematizati*. Et Concilium generale V. Act. V. *Si qui se hæreticis adjungunt, a Sancta Dei Ecclesia anathematizantur, & damnantur*. Hi Patres, hæc Concilia sine ullo discrimine articulorum fundamentalium, & non fundamentalium hæreticos omnes, quæ dogmata ab Ecclesia definita oppugnabant, anathemate damnaverunt. Ergo.

Prob. III. Distinctio articulorum fidei, a Jurio exco- gitata, non solum Scripturæ, quam solam agnoscunt Pro- testantes ut fidei regulam, verum etiam Patribus omnium sæculorum fuit ignota. Hinc Cyprianus Epist. LXXIII. *Neque enim, inquit, Dominus noster aliquam speciem hæreseos designavit, sed omnes omnino hæreticos . . . adversarios suos esse ostendit . . . nec ipsa ullam hære- sim, aut schisma discrevit*. Et Augustinus Enchirid. cap. 5. & lib. de Heres. Omnes quoscumque hæreti- cos falso, & nomine tenus, appellari docet Christianos. Ergo rejicienda est.

Prob. IV. Ecclesia sæpe anathemate perculit hæreti- cos, qui in articulis non fundamentalibus errabant, hoc est qui non errabant circa fidem Trinitatis, & In- carnationis, qui videntur esse fundamentales Jurii arti- culi; licet hucusque non clare explicaverint Protestan- tes, quid fundamentalium articulorum nomine intelli- gant. Ergo.

Prob. 3^a. pars, quæ jam Lib. I. Cap. 10. demonstrata est contra Indifferentiam sola ratione naturali; nunc au-

tem etiam ex Scrip-uris, & Traditione ostenditur: *Joan. XV. 6* Christus seipsum comparat viti, homines autem sibi adherentes palmitibus. Tum subiicit: *Si quis in me non manserit, mitetur foras sicut palme, & arefcet, & colligent eum, & in ignem mittent, & ardet.* At qui sunt extra Ecclesiam, non utique sunt palmites ejus vitis, quæ Christus est. 2º. Ecclesia est ovile Christi, ac proinde qui extra Ecclesiam, extra ovile Christi. At si extra hoc ovile salutem consequi possent, frustra Christus semetipsum tradidisset, ut oves suas in ovile unum congregaret. 3º. Ecclesia est corpus Christi; Christus autem est Salvator corporis ejus *Epbes. V. 13.* Ergo qui extra hoc corpus sunt, a Christo non servantur. Idem probatur ex figuris, quibus Ecclesia adumbratur. Designatur enim, ut alia prætermittamus, per Arcam Noë. At extra Arcam nemo servatus est a diluvio. Ergo nec extra Ecclesiam quisquam salutem consequitur. Hinc *Cyprianus Lib. de Unit. Eccl. Si potuit evadere quisquam, qui extra arcam Noë fuit, & qui extra Ecclesiam foris fuerit, evadet.*

Prob. II. Ex Patribus. 1º. Irenæus Lib. IV. Cap. 33. Judicaturus est, inquit, dominus, idest damnaturus, eos omnes, qui sunt extra veritatem, id est qui sunt extra Ecclesiam. 2º. *Augustinus Serm. ad pleb. coram Emerito: Salutem non potest habere homo, nisi in Ecclesia catholica.* 3º. *Fulgentius Lib. de fide ad Petr. cap. 39.* Firmissime teno, & nullatenus dubites, quemlibet hæreticum, sive schismaticum. . . si Ecclesiae Catholicae non fuerit aggregatus, quantascunque elemosynas fecerit, etsi pro Christi nomine sanguinem fuderit, nullatenus posse salvari. Patres Concilii Carthaginensis IV. & Cyrensis id dogma fidei posuerunt ut certum, sicut fuit semper a Patribus habitum. Ergo.

Solvuntur Objectiones.

Objic. I. Apostolus I. Cor. III. 11. & seq. Fundamentum, inquit, aliud nemo potest ponere præter id, quod positum est, quod est Christus Jesus. Si quis autem superædificat super fundamentum hoc aurum, argentum, lapides pretiosos, ligna, fœnum, stipulam.

aniscujusque opus, quale sit, ignis probabit. Si ejus opus manserit, quod superaedificavit, mercedem accipiet; si ejus opus arserit, detrimentum patietur; ipse autem salvus erit, sic tamen quasi per ignem. Atqui hæretici, non errantes in fundamentalibus, ædificant super fundamentum, nempe Christum, in quem credunt, ligna, scænum, stipulam. Ergo, etsi opus eorum ardeat, ipsi tamen salvi erunt, ac proinde ad Ecclesiæ unitatem pertinent.

& Neg. min. Licet enim perdifficilis sit iste locus Apostolicus; illud tamen certum est, hæreticos quoscunque non superædificare super Christum: nec per ligna, scænum, stipulam intelligi hæreses. Illi enim non superædificant super Christum, qui Christo non credunt. At tales sunt omnes hæretici, utpote qui oppugnant aliquem articulum a Christo revelatum, & ab Ecclesia propositum. Hinc ipse Christus ait: qui vos audit, me audit, & qui vos spernit, me spernit. Præterea, quomodo hæreses, quæ falsæ sunt, dici possunt superædificata super Christum, qui veritas est? Licet ergo hæretici videantur credere in Christum, aliaque dogmata ab eo revelata retinere, revera tamen fidem amiserunt, & nonnisi humana persuasionem tenent, quæ credere videntur. Qui autem non credit jam judicatus est Joan. III. 18. condemnabitur Marci XVI. 16. Per ligna ergo, scænum, stipulam intelligenda veniunt vel peccata venialia, ut exponit Augustinus De fide, & Operib. cap. 16., & alibi, & Gregorius M. Lib. IV. Dialog. I. 34. vel doctrina, non quidem hæretica; hæc enim fundamentum destruit, sed plus æquo curiosa, inutilis, vanæ oblectatione mentes occupans, ut explicant post S. Thomam Liranus, Cajetanus, Estius. Vide S. Thom. Commentar. in b. l.

Objic. II. Vera Christi Ecclesia debet esse ubique terrarum dispersa, ut constat tum ex prophetiis, tum ex ipsa naturali ratione. Ecclesia enim, pro omnium hominum salute divinitus instituta, omnia terrarum loca occupare debet; nisi Deum facere velimus aut personarum acceptorem, aut crudelem. Atqui talis non esset Ecclesia, nisi omnes sectas sinu suo exciperet, & con-

tineret, saltem eas, quæ fundamentalia dogmata non evertunt. Ergo.

R. Conc. maj. sed nego rationem pro ea allatam; non enim personarum acceptor, nec crudelis, sed justus esset Deus, si veller omnes homines in peccato suo deferere, & damnare. Quod ergo nolit omnes perdere, sed aliquos servare, misericordiæ ejus est: quod autem *Petrum* salvet, *Neronem* deferat, pertinet hoc ad inscrutabilia judicia ejus. Igitur, *concessa majore, neg. min.* 1^o. Quia licet Ecclesia sectas omnes excludat: tamen ubicumque sunt hæreticorum sectæ, ibidem catholici permixti sunt; ideoque si Ecclesia sectas omnes comprehenderet, esset quidem numerosior, sed non esset diffusa latius. 2^o. Quia quicumque in omnibus sectis baptizantur infantes, ii veræ Ecclesiæ inferuntur, & in ea permanent, donec ad ætatem adultam pervenientes, voluntarie adhærent hæresi, in qua nati sunt. 3^o. Quia licet non eodem tempore, tamen *successive* per omnes orbis partes Ecclesia pervagata est, quod sufficit, ut nemo eam ignorare possit.

Alias objectiones supra dissolvimus, cum probavimus, hæreticos esse extra Ecclesiam.

PROPOSITIO II.

Non solum unitas fidei, sed etiam unitas regiminis Ecclesiastici requiritur, & sufficit, ut Unitas sit nota Ecclesiæ.

Prob. Requiri unitatem fidei, jam in prima propositione demonstratum est.

Prob. 2^a pars. Christus *Joan. X.* 16. unitatem Ecclesiæ constituit in unitate pastoris: *Fiet unum ovile, & unus pastor.* Et Apostolus *I. Cor. XII.* 12. unitatem Ecclesiæ comparat cum unitate humani corporis ex multis membris compositi. Atqui multa membra ideo unum corpus componunt, quia omnia inter se per omnem juncturam connexa, uni capiti subunt, a quo reguntur, & moventur. Eandem regiminis unitatem in veteri Ecclesiâ, nempe in Synagoga constituit Deus. Ergo etc.

Prob.

Prob. II. ex Traditione. Patres omnes in eo Ecclesiæ constituunt unitatem, quod unica in ea sit cathedra, quo nomine doctrina simul, & regimen intelligitur. Cyprianus Lib. de Unit. Eccl. Ut unitatem manifestares, unam cathedram constituit, & unitatis ejusdem originem ab uno incipientem sua auctoritate disposuit: 2°. Optatus Milëvitanus Lib. II. cont. Parmen. an. In qua una cathedra unitas ab omnibus servaretur, ne ceteri Apostoli singulas unusquisque defenderent, ut jam schismaticus, & peccator esset, qui contra singularem cathedram alteram constitueret. 3°. Hieronymus cont. Jovin. Inter duodecim unus eligitur, ut capite constituto, schismatis tollatur occasio.

Prob. III. ratione. Augustinus Serm. CIII. al. XXVI. De verbis Dom. Non potest, inquit, fieri, ut Ecclesia sit una, nisi isti multi, qui recte credunt, in unitatem quandam Ecclesiastici corporis coalescant. Da ergo unum, & populus est, tolle unum, & turba est, quid enim est turba, nisi multitudo turbata? Hanc verò fidelium sic coherentium unitatem charitas facit, quæ eo ipso leditur, & corpus laceratur, quo membra pertinaciter incipiunt vel diversa credere, vel eadem credendo, seorsim ab illo toto separata sibi conventicula constituere: illud hæresis, quæ sine schismate esse non potest; hoc proprio dictum schisma facit. Ergo.

Prob. 3^a. pars. Illa unitas sufficit, in qua sunt duæ conditiones, quas supra diximus requiri ad constituendam Ecclesiæ notam, nempe ut sit notior re quæsitæ, & illi soli conveniat. Atqui, licet Ecclesiæ unitas multis ex capitibus oriatur, scilicet 1°. ab unitate Christi capitæ: 2°. ab unitate auctoris, nempe Dei: 3°. ab unitate finis, nempe spei æternæ salutis: 4°. ab unitate Spiritus, qui Ecclesiam vivificat, & regit: 5°. ab unitate fidei, & sacramentorum: 6°. ab unitate regiminis; sola tamen fidei, & regiminis unitas habet conditiones duas supra requisitas. Nam 1°. hæc sola visibilis est, reliqua videri non possunt. 2°. Vera Christi Ecclesia hæc fidei, & regiminis unitate carere non potest; & vicissim hæc fidei, & regiminis unitas, si cum aliis notis conjuncta sit non potest nisi soli veræ Ecclesiæ convenire. Ergo sola

unitas fidei, & regiminis sufficit ad aedificandam hanc Ecclesiam novam.

Corollarium.

Ergo Ecclesia illa interior, invisibilis, quam Protestantibus fingunt compositam ex solis iustis per varias sectas dispersis, fictitia est. Patres enim in vera *Christi* Ecclesia requirunt unitatem tum fidei, tum regiminis Ecclesiastici. At illa Ecclesia interior, & invisibilis neutram habet unitatem.

PROPOSITIO III.

Protestantium societates non habent eam unitatem, quæ est vere Ecclesie nota: Imo ipsi manifesti schismatis convincuntur.

Prob. Unitas illa duabus in rebus sita est, ut paulo ante diximus, in unitate scilicet fidei, & regiminis. Atqui Protestantium societates neutram habent. 1^o. Non habent unitatem fidei: si enim omnes simul sectas accipias *Lutheranos, Calvinistas, Zwinglianos, Arminianos, Gomaristas, Presbyterianos, etc.*, incredibile est inter eos in rebus gravissimis varietas opinionum, ut patet non ex privatis eorum scriptis, in quibus fere tot sententiæ sunt, quot capita, sed ex publicis fidei professionibus, quas hucusque ediderunt, quasque simul edidere fratres *Chovei* Genevæ anno 1612. Si vero singulas seorsim sectas sumas, tanta est dogmatum inconstantia, & varietas, ut unaquæque secta varias variis temporibus fidei professiones composuerit, ut egregie profecquitur *Bossuet in Histor. Variat.* imò vero singuli suam fidem habere videantur, cum præcipuum dogma apud ipsos invaluerit, solam Scripturam esse fidei regulam, & privatum uniuscuiusque spiritum esse ejus interpretem. Porro hæc doctrinæ varietas est de articulis fidei *fundamentalibus*, ut ex. gr. de *presentia reali* corporis *Christi* in Eucharistia, quod dogma adeo capitale est, ut ipsi omnes hucusque vires intenderint, quo secum hac in parte convenirent, quod fieri non potuit,

tuit; imo Calvinistæ propter hanc fidem catholicos ap-
pellent *idololâtras*.

2º. Non habent etiam unitatem regiminis. Si enim omnes sectas simul accipias, pater, nullam inter eas esse societatem, cum se mutuo execrentur. Si vero singulas seorsim accipias, manifestum est, unamquamque sectam in varias partes pro variis regnis, & rebus publicis esse divisam: nec unam partem cum altera esse connexam ut unum ex omnibus fiat corpus. Imo cum ipsi Protestantes doceant, religionem esse sub omnimoda Principum potestate, ut contendit *Pufendorfius Lib. de habitu relig. Christ. Buddens Theol. Moral. P. 2. cap. 3.* aliique passim; hinc factum est, ut eorum societates, variis principibus mancipatæ, varia constituerint corpora a se mutuo sejuncta. Ergo cum Protestantium societates non habeant unitatem fidei, nec unitatem regiminis, patet eas carere unitate illa, quæ nota est veræ Ecclesiæ.

Prob. 2ª. pars. Illi sunt rei manifesti schismatis, qui manifesta rebellionem ab unitate veræ Ecclesiæ recesserunt. Atqui tales sunt Protestantes omnes. Ipsi enim recesserunt ab Ecclesia Romana, nec alteri se Ecclesiæ adiunxerunt, sed constituerunt novam. Quo posito: aut Ecclesia Romana eo tempore erat veræ Ecclesiæ, aut aliqua altera. At Protestantes a Romana Ecclesia recedentes, nullius alterius Ecclesiæ communioni se adiunxerunt. Ergo manifeste sejuncti sunt ab unitate veræ Ecclesiæ, sive hæc erat Ecclesia Romana, sive quæcumque alia.

Prob. II. Illi sunt manifeste schismatici, quorum Pastores manifeste in ministerium irruerunt absque ulla missione. Nam missionem necessariam esse statuit Apostolus *H. b. V. 4.* *Nemo sumit sibi honorem, inquit, sed qui vocatur a Deo tamquam Aaron:* idque suadet recta ratio: alioquin enim cunctis impostoribus pateret aditus: nec ipsi adversarii dissententur. At Protestantium Pastores *Lutherus, Calvinus, Zwinglius etc.* sine ulla missione in sacrum ministerium irruerunt. Si enim missionem habuissent, ea vel fuisset ordinaria, vel extraordinaria. Sed neutram habuerunt. 1º. non habuere ordinariam; hanc enim vel ab Ecclesia Romana, vel ab aliqua alia Ecclesia habere debuissent. At non eam habuerunt ab Ecclesia Romana; tum quia hæc illos anathe-

ma-

quibus primum est colligere, 1^o. veram Christi Ecclesiam non posse esse nisi unam, quia veritas una est; 2^o. non posse esse nisi Sanctam, quia Deus non nisi sanctæ religionis potest esse auctor; 3^o. non posse esse nisi Catholicam, sive universalem, quia Deus eam ad omnium hominum salutem fundavit; 4^o. non posse esse nisi Apostolicam, quia Ecclesia, non fundata ab Apostolis, non potest esse Ecclesia Christi. Hinc etiam ostendimus, solam Ecclesiam Romanam esse veram Christi Ecclesiam.

II. At nunc, cum traditionis, & Scripturæ veritatem statuerimus, juvat novo molimine rem adgredi, & tribus veluti lucidissimis facibus Scripturæ, traditionis, & rationis naturalis exquirere, quænam sint notæ, seu characteres, quibus vera Christi Ecclesia discernatur ab iis, quæ falso sibi hoc nomen vindicant, ut tandem contra hæreticos omnes concludamus, eas notas soli Romanæ Ecclesiæ convenire.

III. Notæ, seu character veræ Ecclesiæ debet esse 1^o. notior ipsa Ecclesia, ut fatentur Hæretici; 2^o. debet uni, & soli veræ Ecclesiæ convenire. Si unum ex his duobus desit, non potest aliquid constitui tamquam veræ Ecclesiæ notæ.

IV. Quod autem revera sint quædam notæ, seu signa veræ Ecclesiæ, quæ ab omnibus facile videri possunt, docet Augustinus Tract. I. in Joan. dicens: possumus digito demonstrare Ecclesiam Christi, & sunt cæci, qui eam non vident; & persuadet etiam recta ratio; frustra enim Deus veram fundasset Ecclesiam ad omnium hominum salutem, nisi certis notis, & characteribus eam discrevisset a falsis.

V. Quæritur ergo, quænam sint veræ Ecclesiæ notæ. Protestantes duas statuunt, 1^o. veritatem doctrinæ, 2^o. rectam administrationem sacramentorum, ut constat ex Confessione Augustana Art. VI. Calvinò Lib. IV, Instit. cap. 1. §. 10. aliisque; quæ duæ ad unam reduci possunt, nempe ad solam doctrinæ veritatem. Catholici e contrario docent esse quatuor, scilicet eas ipsas, quas principio commemoravimus, nempe, ut Ecclesia sit Una, Sancta, Catholica, & Apostolica.

§. I.

PROPOSITIO

*Veritas doctrinae, & legitima Sacramentorum
administratio, & usus non sunt nota
vere Ecclesiae.*

Prob. I. Nota debet esse clarior, & notior ipsa re, quam inquirimus. At veritas doctrinae, & legitima Sacramentorum administratio, et usus non sunt notiora, et clariora ipsa Ecclesia, quae inquitur. Utraque enim secta contendit, se veram tradere doctrinam, recteque administrare Sacramenta. Et ne dicas, per Scripturam cognosci doctrinae veritatem: quævis secta profert pro dogmate suo Scripturam. Quomodo ergo inter tot diffidentes hæreses cognoscent homines, præsertim rudes, et indocti, quænam sit vera doctrina, ut inde sciant, quæ vera Ecclesia sit? Spiritus Sanctus, inquit, novatores, revelat cuique, præsertim prædestinato; verum Scripturæ sensum; ut inde noscat, eam esse veram Ecclesiam, quæ sensum illum amplectitur. Sed præterquam quod nemo scit, se esse prædestinatum, ut suo loco docebimus, ideoque nemo scit, utrum ipse fallatur; quævis novatorum societas a Spiritu Sancto se accepisse jactat sensum Scripturarum: Lutherani ex. gr. a Spiritu S. accepisse se putant sensum verborum, quibus Eucharistia est instituta; Zuingliani, et Calvinistæ putant, se a Spiritu Sancto accepisse contrarium. Ergo veritas doctrina non est notior ipsa Ecclesia, quæ inquitur.

Prob. II. Nota Ecclesiae non debet nisi soli vere Ecclesiae convenire. At sectæ Schismaticorum initio schismatis veram doctrinam, et legitimam Sacramentorum administrationem retinere solent, et tamen vera Ecclesia non sunt. Ergo.

Prob. III. Scriptura, et Patres clare docent, non ex veritate doctrinae dignoscendam Ecclesiam, sed ex vera Ecclesia accipiendam esse doctrinae veritatem. Ita Apostolus *Ephes. IV. 11.* docet, divinitus constitutos esse in Ecclesia Pastores, & doctores, ut non circumferantur
omni

omni vento doctrinae: Et Tertullianus Lib. de prescript. Cap. 21. Quid predicaverint, inquit, Apostoli, quid Christus illis revelaverit, & hic prescribam, non aliter probari debere, nisi per easdem Ecclesias, quas ipsi Apostoli condiderunt. Similia docent Augustinus Lib. XIII. cont. Faust. cap. 13. Irenaeus Lib. III. cap. 2. alique.

Prob. IV. Si veritas doctrinae constituatur tamquam Ecclesiae nota, lata unicuique patebit via a vera Ecclesia recedendi. Quisque enim nova dogmata protrudens, eaque verbis Scripturatum, in alienum sensum utcumque toris, fulcius, calumniari poterit. Ecclesiam tamquam verae fidei inimicam. Tam longe igitur abest, ut sapientissimus Ecclesiae fundator Deus hanc nobis dederit notam, qua veram Ecclesiam dignoscamus, quin potius haec apertissima esset ratio veram Ecclesiam ignorandi, et obscurandi.

Obje. eum Molines. Nihil cognosci potest, nisi cognoscatur id, quod ad eius essentiam, et definitionem pertinet. Sed veritas doctrinae pertinet ad definitionem, et naturam Ecclesiae, quam diximus esse ceterum hominum viatorum, unius fidei, utique verae, professione &c. copulatum. Ergo non potest cognosci vera Ecclesia, nisi per veritatem doctrinae.

R. Neg. maj. Multa enim cognoscimus, et discernimus a ceteris, licet eorum nondum cognoscamus, imo et ignoremus essentiam. Sic lupum ab ovem, aurum a luto, per alias visibiles notas primo aspectu discernimus, licet eorum naturam nondum perspectam habeamus.

Obje. II. Scriptura est notior Ecclesia; quia per ipsam Scripturam probatur Ecclesia. Hinc Augustinus Lib. de Univ. Eccl. cap. 3. Nolo, inquit, hominum documentis, sed divinis oraculis Sanctam Ecclesiam designari: & cap. 2. ubi sit Ecclesia. . . . puto quod potius in illius verbis eam querere debeamus, qui veritas est, & optime novit corpus suum. Imo pressius loquens Chrysostomus Hom. XLIX. in Matth. ait: qui ergo vult cognoscere, quae sit vera Ecclesia Christi, unde cognoscat, nisi tantummodo per Scripturas? Ergo.

R. Dist. ant. Absolute, & simpliciter, neg. hypotetic.

sic; nempe in hypothesi. qua quis agnoscat Scripturam, et nolit agnoscere Ecclesiam, *subdist. Remota*, quatenus Scriptura suppeditat notas, quibus vera Ecclesia dignoscatur, *conc. Proxime*, *Transseat*. Itaque *absolute* Ecclesia notior est Scriptura, tum quia extabat ante Scripturam; tum quia ab Ecclesia discimus, qui sint genuini Scripturarum libri, quos hæretici pro lubitu aut rejiciunt, aut mutilant; tum denique quia nonnisi ab Ecclesia discere possumus sensum Scripturæ, ubi obscurior est. Sed si quis, Scripturas admittens, Ecclesiam nolit agnoscere, tunc per Scripturam ostendimus ei Ecclesiæ veritatem, quia inde discimus notas, quibus vera Ecclesia discernitur. Atque id sibi volunt Patres in Objectione citati. Adverte tamen, auctorem *Operis imperfecti in Matthæum*, in quo opere est laudata *Homil. XLIX.* non esse *Chrysostomum*, cum multa habeat ex libris apocryphis, nonnulla etiam, ut ait *Tournely*, hæretica, et doctrinæ *Chrysostomi* contraria.

Objic. III. Symbolum Apostolorum habitum est a Patribus ut tessera, qua fideles ab infidelibus distinguuntur. Ergo doctrina est nota Ecclesiæ.

R. Dist. ant. Symbolum est tessera, qua fideles distinguuntur ab infidelibus non Christianis puta *Judeis*, *Mahumetanis*, *Idololâtris*, *conc.* qua distinguuntur a sectis hæreticorum, et schismaticorum; *neg.* Schismatici enim, et plures hæretici retinuerunt Symbolum, ut *Pelagiani*, *Nestoriani* &c. nec tamen erant vera Ecclesia *Christi*.

Objic. IV. Non potest esse vera Ecclesia *Christi* sine vera doctrina. Ergo veritas doctrinæ est ejus nota.

R. Ng. conf. Fatemur in vera *Christi* Ecclesia veram tradi doctrinam; hinc tamen non sequitur, veritatem doctrinæ esse ipsius notam, propter rationes supra explicatas.

§. II.

PROPOSITIO.

Notæ Ecclesiæ quatuor sunt simul sumte, nempe ut sit Una, Sancta, Catholica, & Apostolica.

Dicimus autem has esse Ecclesiæ notas *simul sumtas*; quia si quolibet seorsum accipiatur, distinguit quidem Ecclesiam *negative*, ut ajunt, h. e. demonstrat, eam societatem, cui vel una ex his quatuor notis deest, non esse veram Ecclesiam, sed non distinguit *positive*, h. e. non certo demonstrat, societatem, cui una, aut altera ex his notis convenit, veram esse Ecclesiam, nisi omnes simul notæ conveniant.

Prob. I. Ex Symbolo Nicæno, et Constantinopolitano Ecclesia ita describitur: *Credo . . . unam, Sanctam, Catholicam, & Apostolicam Ecclesiam*. Hæ sunt notæ igitur, quibus vera Ecclesia discernitur.

Prob. II. ratione initio capitis explicata. Ecclesia a Christo divinitus instituta non potest esse, nisi una, sancta, catholica, et Apostolica; et vicissim Ecclesia, quæ simul est una; sancta, catholica, Apostolica non potest esse, nisi illa ipsa, quam *Christus* divinitus instituit. Ergo quatuor istæ notæ uni veræ Ecclesiæ a Christo fundatæ conveniunt; aliunde sunt notiores ipsa Ecclesia, quam inquirimus, quia, ut dicemus inferius singillatim eas notas expendentes, sunt characteres unicuique attendenti visibiles. Ergo etc.

Obje. Inter catholicos non convenit, quznam sint Ecclesiæ notæ. Etenim *Augustinus Lib. cont. Epist. fundam.* sex ponit notas Ecclesiæ: *Hieronymus Dial. cont. Lucif.* duas. *Lirinenfis in Common* tres. *Bellarminus Lib. IV. de Eccl. cap. 3.* quindecim; alii alias. Ergo.

R. Dist. ant. Et tamen notæ ab omnibus positæ reduci possunt ad illas quatuor, *conc.* Non possunt ad eas reduci, *neg.* Hinc *Bellarminus* fatetur, quindecim
notas

notas, a se fufe explicatas, ad illas quatuor referri posse, quæ communiter a recentioribus proponuntur. Nunc quoniam generatim notas veræ Ecclesiæ statuimus, de singulis seorsim agendum est.

§. III,

De Unitate Ecclesiæ.

Adv. I. Tria hic explicanda sunt, 1º. veram Ecclesiam esse unam, 2º. qua in re illa unitas sit ponenda; 3º. cuiam societati congruat unitas, quæ est veræ Ecclesiæ nota.

II. Veram Ecclesiam esse unam, Protestantes farentur, Licet enim ipsi duplicem fingant Ecclesiam, ut supra docuimus, tamen nomen Ecclesiæ vere, et proprie uni justorum collectioni convenire docent. Sed quærentes, in quo posita sit illa unitas, mirifice a catholicis dissentiunt. Docent enim, præsertim Calvinistæ post *Jurium*, Ecclesiæ unitatem positam esse in consensione circa articulos fidei fundamentales, ita ut omnes sectæ hæreticorum, modo in fundamentalibus illis articulis non errent, in unitate Ecclesiæ reperiantur, licet implacabile inter se bellum gerant, et se mutuo execrentur, et anathemate percellant. Quo nihil dici poterat absurdius, nosque ex parte supra refutavimus, ostendentes hæreticos esse extra Ecclesiam.

P R O P O S I T I O I.

Vera Christi Ecclesia est una, eaque omnes hereticorum, & schismaticorum sectas excludit, nec extra ipsam salus cuiquam speranda est.

Est dogma Fidei.

Prob. 1ª. pars. I. ex Scripturis. Ecclesia est Sponsa Christi. At Sponsa Christi una est; nam *Cant. VI. 8.* de ea dicitur: *Vna est columba mea, perfectu mea.* Rursus Ecclesia est corpus Christi. At corpus Christi unum est *Ephes. IV. 4. Unum corpus, & unus spiritus, sicut*

vocati estis in una spe vocationis vestre. Quod & sæpe repetit Apostolus, ut 1. Cor. XII. 12. sicut enim corpus unum est, & membra habet multa; omnia autem membra, cum sint multa, unum corpus sunt; ita & Christus. Etenim in uno spiritu omnes vos in unum corpus baptizati sumus. Vnum Ecclesia est ovile Christi. At Christi ovile unum est Joan. X. 16. fiet unum ovile, & unus Pastor. Ergo Ecclesia Christi una est.

Prob. II. ex Traditione. Cyprianus Lib. de Unit. Eccles. Episcopatus unus est, cujus a singulis in solidum pars tenetur. Ecclesia quoque una est, que in multitudinis latius incremento fecunditatis extenditur: quomodo solis multi radii, sed lumen unum: & ramæ arboris multi, sed robur unum etc. Et in toto eo libro idem argumentum late prosequitur, & Ecclesiam comparans Arcæ Noe, tunicæ Christi inconfurili, aliisque figuris, ubique ejus unitatem confirmat. Tum sub finem sic ait: Deus unus est, & Christus unus, & Ecclesia ejus, & fides una, & plebs in solidam corporis unitatem concordia glutino copulata. Idem demonstrat Augustinus in libris contra Donatistas. (a) Ergo &c.

III. Ratio etiam manifesta est. Deus enim unus, & veritas una, nonnisi unam Ecclesiam fundare poterat: Unde Augustinus Serm. CIII. al. XXVI. de Verbis Dom. Deus unus, Ecclesia una; non respondes uni, nisi unitas. Ergo.

Prob. 2^a. pars. I. Ex Scriptura, quæ docet, homines hæreticos vitandos esse: nullam cum ipsis servandam societatem; ne salutandos quidem, ut supra docuimus. At si omnes hæreticorum sectæ ad unum Ecclesiæ corpus pertinerent; non liceret ipsis societatis officia denegare. Ergo.

II. Ex constanti Traditione. 1^o. Irenæus Lib. III. cap. 4. Ecclesiam omnibus hæreticorum sectis opponit: Apud hæreticos, qui fures sunt, & latrones, quaerenda

non

(a) Add. Optatus Mil. Lib. I. Clemens Alex. Lib. III. Strom. Origines Lib. I. in Job etc.

non est veritas, quæ in Ecclesia facile invenitur. At si Ecclesia sectas omnes complecteretur, inepta foret hæc antithesis. 2^o. Tertullianus Lib. de Prescript. cap. 4. hæreses comparat Antichristo: sunt hæreses, inquit, non minus doctrinarum perversitate Ecclesiam persequentes, quam tum Antichristus persecutionum atrocitate persequetur. 3^o. Hieronymus Dial. cont. Lucifer. hæreticos omnes vocat Antichristi Synagogam. Et ne singulos appetlemus Patres, Concilium Nicænum Can. VIII. Novatianos, ad Ecclesiam redire cupientes, per manuum impositionem recipi jubet; quod clare ostendit, eos ante ab Ecclesia fuisse sejunctos. Concilium Constantinopolitanum I. Can. 6. de hæreticis omnibus sic ait: Hæreticos dicimus & qui olim ab Ecclesia ejecti sunt, & qui sunt postea a nobis anathematizati; Et Concilium generale V. Act. V. Si qui se hæreticis adiungunt, a Sancta Dei Ecclesia anathematizantur, & damnantur. Hi Patres, hæc Concilia sine ullo discrimine articulorum fundamentalium, & non fundamentalium hæreticos omnes, quæ dogmata ab Ecclesia definita oppugnabant, anathemate damnaverunt. Ergo.

Prob. III. Distinctio articulorum fidei, a Jurio excoGITATA, non solum Scripturæ, quam solam agnoscunt Protestantes ut fidei regulam, verum etiam Patribus omnium sæculorum fuit ignota. Hinc Cyprianus Epist. LXXIII. Neque enim, inquit, Dominus noster aliquam speciem hæreseos designavit, sed omnes omnino hæreticos... adversarios suos esse ostendit... nec ipsa ullam hæresim, aut schisma discrevit. Et Augustinus Enchirid. cap. 5. & lib. de Heres. Omnes quoscumque hæreticos falso, & nomine tenus, appellari docet Christianos. Ergo, rejicienda est.

Prob. IV. Ecclesia sæpe anathemate perculit hæreticos, qui in articulis non fundamentalibus errabant, hoc est qui non errabant circa fidem Trinitatis, & Incarnationis, qui videntur esse fundamentales Jurii articuli; licet hucusque non clare explicaverint Protestantes, quid fundamentalium articulorum nomine intelligant. Ergo.

Prob. 3^a. pars, quæ jam Lib. I. Cap. 10. demonstrata est contra Indifferentistas sola ratione naturali; nunc au-

tem etiam ex Scripturis, & Traditione ostenditur : *Joan. XV. 6* Christus seipsum comparat viti, homines autem sibi adhaerentes palmitibus. Tum subjicit : *Si quis in me non manserit, mittetur foras sicut palmes, & arefcet, & colligent eum, & in ignem mittent, & ardet.* At qui sunt extra Ecclesiam, non utique sunt palmites ejus vitis, quæ Christus est. 2º. Ecclesia est ovile Christi, ac proinde qui extra Ecclesiam, extra ovile Christi, At si extra hoc ovile salutem consequi possent, frustra Christus semetipsum tradidisset, ut oves suas in ovile unum congregaret. 3º. Ecclesia est corpus Christi; Christus autem est Salvator corporis ejus *Ephes. V. 23.* Ergo qui extra hoc corpus sunt, a Christo non servantur. Idem probatur ex figuris, quibus Ecclesia adumbratur. Designatur enim, ut alia præmittamus, per Arcam Noë. At extra Arcam nemo servatus est a diluvio. Ergo nec extra Ecclesiam quisquam salutem consequitur. Hinc *Cyprianus Lib. de Unit. Eccl. Si potuit evadere quisquam, qui extra arcam Noë fuit, & qui extra Ecclesiam foris fuerit, evadet.*

Prob. II. Ex Patribus. 1^o. Irenaeus Lib. IV. Cap. 33. Judicaturus est, inquit, dominus, idest damnaturus, eos omnes, qui sunt extra veritatem, idest qui sunt extra Ecclesiam. 2^o. Augustinus Serm. ad pleb. coram Emerito: Saluem non potest habere homo, nisi in Ecclesia catholica. 3^o. Fulgentius Lib. de fide ad Petr. cap. 39. Firmissime teno, & nullatenus dubites, quemlibet haereticum, sive schismaticum . . . si Ecclesiae Catholicae non fuerit aggregatus, quantascumque eleemosynas fecerit, nisi pro Christi nomine sanguinem fuderit, nullatenus posse salvari. Patres Concilii Carthaginensis IV. & Cyrensis id dogma fidei posuerunt ut certum, sicut fuit semper a Patribus habitum. Ergo.

Solvuntur Objectiones .

Obje. I. Apostolus I. Cor. III. 11. & seq. Funda-
damentum, inquit, aliud nemo potest ponere praeter id,
quod positum est, quod est Christus Jesus. Si quis au-
tem superaedificat super fundamentum hoc aurum, ar-
gentum, lapides pretiosos, ligna, fenum, stipulam.

aniuscujusque opus, quale sit, ignis probabit. Si cuius opus manserit, quod superædificavit, mercedem accipiet; si cuius opus arserit, detrimentum patietur; ipse autem salvus erit, sic tamen quasi per ignem. Atqui hæretici, non errantes in fundamentalibus, ædificant super fundamentum, nempe Christum, in quem credunt; ligna, scænum, stipulam. Ergo, etsi opus eorum ardeat, ipsi tamen salvi erunt, ac proinde ad Ecclesiæ unitatem pertinent.

R. Neg. min. Licet enim perdifficilis sit iste locus Apostolicus; illud tamen certum est, hæreticos quoscumque non superædificare super Christum: nec per ligna, scænum, stipulam intelligi hæreses. Illi enim non superædificant super Christum, qui Christo non credunt. At tales sunt omnes hæretici, utpote qui oppugnant aliquem articulum a Christo revelatum, & ab Ecclesiâ propositum. Hinc ipse Christus ait: *qui vos audit, me audit, & qui vos spernit, me spernit*. Præterea, quomodo hæreses; quæ falsæ sunt, dici possunt superædificatæ super Christum, qui veritas est? Licet ergo hæretici videantur credere in Christum, aliaque dogmata ab eo revelata retinere, revera tamen fidem amiserunt, & nonnisi humana persuasionem tenent, quæ credere videntur. *Qui autem non credit, jam judicatus est Joan. III. 18. condemnabitur Marci XVI. 16.* Per ligna ergo, scænum, stipulam intelligenda veniunt vel peccata venialia, ut exponit Augustinus *De fide, & Operib. cap. 16.*, & alibi, & Gregorius M. *Lib. IV. Dialog. 1. 34.* vel doctrina, non quidem hæretica; hæc enim fundamentum destruit, sed plus æquo curiosa, inutiles, vana oblectatione mentes occupans, ut explicant post *S. Thomam Liranus, Cajetanus, Estius. Vide S. Thom. Commentar. in b. l.*

Objic. II. Vera Christi Ecclesiâ debet esse ubique terrarum dispersa, ut constat tum ex prophetiis, tum ex ipsa naturali ratione: Ecclesiâ enim, pro omnium hominum salute divinitus instituta, omnia terrarum loca occupare debet; nisi Deum facere velimus aut personarum acceptorem, aut crudelem. Atqui talis non esset Ecclesiâ, nisi omnes sectas sine suo exciperet, & con-

tineret, saltem eas, quæ fundamentalia dogmata non evertunt. Ergo.

R. *Conc. maj.* sed nego rationem pro ea allatam; non enim personarum acceptor, nec crudelis, sed iustus esset Deus, si veller omnes homines in peccato suo deferere, & damnare. Quod ergo nolit omnes perdere, sed aliquos servare, misericordiar ejus est: quod autem *Petrum* salvet, *Neronem* deferat, pertinet hoc ad inscrutabilia judicia ejus. Igitur, *concessa majore, neg. min.* 1º. Quia licet Ecclesia sectas omnes excludat; tamen ubicumque sunt hæreticorum sectæ, ibidem catholici permixti sunt; ideoque si Ecclesia sectas omnes comprehenderet, esset quidem numerosior, sed non esset diffusa latius. 2º. Quia quicumque in omnibus sectis baptizantur infantes, ii veræ Ecclesiæ inseruntur, & in ea permanent, donec ad ætatem adultam pervenientes, voluntarie adhærent hæresi, in qua nati sunt. 3º. Quia licet non eodem tempore, tamen *successive* per omnes orbis partes Ecclesia pervagata est, quod sufficit, ut nemo eam ignorare possit.

Alias objectiones supra dissolvimus, cum probavimus, hæreticos esse extra Ecclesiam.

PROPOSITIO II.

Non solum unitas fidei, sed etiam unitas regiminis Ecclesiastici requiritur, & sufficit, ut Unitas sit nota Ecclesia.

Prob. Requiri unitatem fidei, jam in prima propositione demonstratum est.

Prob. 2ª. *parf.* Christus *Joan.* X. 16. unitatem Ecclesiæ constituit in unitate pastoris: *Fiet unum ovile, & unus pastor.* Et Apostolus *I. Cor.* XII. 12. unitatem Ecclesiæ comparat cum unitate humani corporis ex multis membris compositi. Atqui multa membra ideo unum corpus componunt, quia omnia inter se per omnem juncturam connexa, uni capiti subunt, a quo reguntur, & moventur. Eandem regiminis unitatem in veteri Ecclesia, nempe in Synagoga constituit Deus. Ergo etc.

Prob.

Prob. II. ex Traditione. Patres omnes in eo Ecclesiæ constituunt unitatem, quod unica in ea sit *cathedra*, quo nomine doctrina simul, & regimen intelligitur. *Cyprianus Lib. de Unit. Eccl.* Ut unitatem manifestaret, unam *cathedram* constituit, & unitatis ejusdem originem ab uno incipientem sua auctoritate disposuit. 2°. *Optatus Milëvitanus Lib. II. cont. Parmen. an.* In qua una *cathedra* unitas ab omnibus servaretur, ne ceteri Apostoli singulas unusquisque defenderent, ut jam schismaticus, & peccator esset, qui contra singularem *cathedram* alteram constitueret. 3°. *Hieronymus cont. Jovin.* Inter duodecim unus eligitur, ut capite constituto, schismatis tollatur occasio.

Prob. III. ratione. *Augustinus Serm. CIII. al. XXVI. De verbis Dom.* Non potest, inquit, fieri, ut Ecclesia sit una, nisi isti multi, qui recte credunt, in unitatem quandam Ecclesiastici corporis coalescant. Da ergo unum, & populus est, tolle unum, & turba est, quid enim est turba, nisi multitudo turbata? Hanc vero fidelium sic coherentium unitatem caritas facit, quæ eo ipso laceratur, & corpus laceratur, quo membra perimaciter incipiunt vel diversa credere, vel eadem credendo, seorsim ab illo toto separata sibi conventicula constituere: illud heresis, quæ sine schismate esse non potest; hoc propriè dictum schisma facit. Ergo.

Prob. 3^a. pars. Illa unitas sufficit, in qua sunt duæ conditiones; quas supra diximus requiri ad constituendam Ecclesiæ notam, nempe ut sit notior re quæsitæ, & illi soli conveniat. Atqui, licet Ecclesiæ unitas multis ex capitibus oriatur, scilicet 1°. ab unitate Christi capitis; 2°. ab unitate auctoris, nempe Dei; 3°. ab unitate finis, nempe spei æternæ salutis; 4°. ab unitate Spiritus, qui Ecclesiam vivificat, & regit; 5°. ab unitate fidei, & sacramentorum; 6°. ab unitate regiminis; sola tamen fidei; & regiminis unitas habet conditiones duas supra requisitas. Nam 1°. hæc sola visibilis est, reliqua videri non possunt. 2°. Vera Christi Ecclesia hac fidei, & regiminis unitate carere non potest; & vicissim hæc fidei, & regiminis unitas, si cum aliis notis conjuncta sit non potest nisi soli veræ Ecclesiæ convenire. Ergo sola uni-

ruit; imo Calvinistæ propter hanc fidem catholicos appellant idololatrias.

2º. Non habent etiam unitatem regiminis. Si enim omnes sectas sin ul accipias, patet, nulam inter eas esse societatem, cum se mutuo execrentur. Si vero singulas seorsim accipias, manifestum est; unamquamque sectam in varias partes pro variis regnis, & rebus publicis esse divisam; nec unam partem cum altera esse connexam ut unum ex omnibus fiat corpus. Imo cum ipsi Protestantes doceant, religionem esse sub omnimoda Principum potestate, ut contendit *Pufendorfius Lib. de habitu relig. Christi. Buddeus Theol. Moral. P. 2. cap. 3.* alique passim; hinc factum est, ut eorum societates, variis principibus mancipatæ, varia constituerint corpora a se mutuo sejuncta. Ergo cum Protestantium societates non habeant unitatem fidei, nec unitatem regiminis, patet eas careere unitate illa, quæ nota est veræ Ecclesiæ.

Prob. 2ª. pars. Illi sunt rei manifesti schismatici, qui manifesta rebellionem ab unitate veræ Ecclesiæ recesserunt. Atqui tales sunt Protestantes omnes. Ipsi enim recesserunt ab Ecclesia Romana, nec alteri se Ecclesiæ adjunxerunt, sed constituerunt novam. Quo posito: aut Ecclesia Romana eo tempore erat vera Ecclesia, aut aliqua altera. At Protestantes a Romana Ecclesia recedentes, nullius alterius Ecclesiæ communioni se adjunxerunt. Ergo manifeste sejuncti sunt ab unitate veræ Ecclesiæ, sive hæc erat Ecclesia Romana, sive quæcumque alia.

Prob. II. Illi sunt manifeste schismatici, quorum Pastores manifeste in ministerium irruperunt absque ulla missione. Nam missionem necessariam esse statuit Apostolus *H. b. V. 4.* *Nemo sumit sibi honorem, inquit, sed qui vocatur a Deo tamquam Aaron:* idque suadet recta ratio: alioquin enim cunctis impostoribus pateret aditus: nec ipsi adversarii dissentirent. At Protestantium Pastores *Lutherus, Calvinus, Zwinglius etc.* sine ulla missione in sacrum ministerium irruperunt. Si enim missionem habuissent, ea vel fuisset ordinaria, vel extraordinaria. Sed neutram habuerunt. 1º. non habuere ordinariam; hanc enim vel ab Ecclesia Romana, vel ab aliqua alia Ecclesia habere debuissent. At non eam habuerunt ab Ecclesia Romana; tum quia hæc illos anathe-

ma-

mate perculsit; tum quia juxta illos non erat vera Ecclesia, ac proinde non poterat dare alteri missionem, quam nec ipsa habebat. Nec habuerunt ab aliqua alia Ecclesia; quia nulli alteri Ecclesiae se adjunxerunt. Ergo ordinariam missionem nullo pacto habuerunt.

2º. Nec habuere missionem extraordinariam, scilicet immediate a Deo. Missio enim extraordinaria miraculis, & prophetiis probanda est, ut in primo Libro ostendimus. Hinc Tertullianus: *Nemo, inquit, veniens ex alterius auctoritate, ipse eam sibi ex sua affirmatione defendit* Lib. III. *Cont. Marcion. cap. 2.* & in libro de *Prescript.* hoc argumento omnium hæreticorum ora obstruit: *Volo igitur, inquit, eorum virtutes proferri. Sic enim Deus solet Apostolos facere, dare illis virtutem eadem signa edendi, quæ & ipse.* De *Prescript. cap. 30.* Atqui Protestantes nulla adhuc patrare potuerunt miracula. Ergo nec ordinariam, nec extraordinariam missionem habuerunt, ac proinde manifesti schismatis rei sunt; & tantum abest, ut habeant unitatem, quæ est nota veræ Ecclesiae, quin potius ipsi ab unitate veræ Ecclesiae discesserunt (a).

PROPOSITIO IV.

Ecclesia Romana habet unitatem, quæ est veræ Ecclesiae nota.

Prob. Unitas hæc duo complectitur, doctrinam, & regimen. At Ecclesia Romana utramque unitatem habet. 1º. Habet doctrinæ unitatem. Cum enim Ecclesiae doctrina non ex privatorum scriptis, sed ex publicis ipsius Ecclesiae definitionibus sit petenda, manifestum est, omnia Romanæ Ecclesiae membra eandem doctrinam tenere; si quis enim talibus definitionibus contradicit, jam

(a) Vide autem opus D. Nicole *Præjuges Tegitimes & Les prétendus Réformés convaincus de schisme*; item D. Perron *De la Mission*.

jam ab Ecclesia Romana est excommunicatus, & expulſus.

2^o. Habet etiam unitatem regiminis. Omnes enim fideles ſubjecti ſunt parochis (vel Episcopis, ubi parochia nulla eſſe poteſt) parochi Episcopis, hi Archiepiscopis, Archiepiscopi Patriarchis, Patriarchæ Romano Pontifici. Itaque totam Romanæ Eccleſiæ corpus, licet longe, lateque per univerſum orbem diſperſum, tamen compactum, & connexum eſt *per omnem juncturam ſubmiſtrationis*. Ergo cum Eccleſia Romana habeat unitatem fidei, & regiminis, habet utique unitatem illam, quæ veræ Eccleſiæ nota eſt.

Objic. In ipſa Romana Eccleſia mira eſt, pro Scholarum varietate, Theologorum diſſenſio. *Thomiſtæ*, *Scotiſtæ*, *Auguſtiniani*, *Molinistæ*, *Congruistæ*, *Eſci*, varia docent. imo aliquando uniſ ſcholæ Theologi alterius ſcholæ adverſarios violatæ integritatis fidei accuſant; ut *ex. gr.* Thomiſtæ in *Congregationibus de Auxiliis* Moliniſtas tamquam Pelagianos accuſabant; hi vero, ut Thomiſtis vicem rependerent, eos *Calviniſm* inſimularunt. Ergo.

R. Diſt. ant. Eſt diſſenſio in rebus fidei, ſive ab Eccleſia definitis, *neg.* In rebus nondum definitis, & quæ, ſalva fide, qua Chriſtiani ſumus, diſputari poſſunt, *ſubdiſt.* Eſt diſſenſio, ſed cum debita animi præparatione obediendi judicio Eccleſiæ, quam omnes agnoſcunt ut ſupremum judicem controverſiarum, *conc.* ſecus *neg.* Itaque doctrina Eccleſiæ non ex privatorum opinionibus, ſed ex publicis Eccleſiæ judiciis, ut paulo ante diximus, petenda eſt, quæ judicia in tantam conſpirant unitatem, ut nullum reperiatur alteri contrarium. Sed ante Eccleſiæ definitionem licet Doctores varie opinari, modo tamen adverſariis nullam cenſuram impingant, niſi forte arguendi gratia, ut faciebant Thomiſtæ in *Congregationibus de Auxiliis* antequam *Paulus V.* id in ea cauſa vetaret.

At in Proteſtantium ſocietatibus contra accidit; cum enim ibi quiſque privatus ſit ſupremus controverſiarum iudex, merito iis etiam privatorum diſſidia, quæ ex eo principio ortum habent, objicerentur. Sed nos id non

PROPOSITIO V.

*Orientalium societates, a Romana Ecclesia sejunctae,
unitatem non habent: imo schismatische sunt.*

Prob. Ex societates vel sunt hæreticorum, a Constantinopolitano Patriarcha sejunctorum, puta *Nestorianorum, Jacobitarum etc.* vel sunt Græcorum, Patriarchæ Constantinopolitano adhærentium. At neutre unitatem habent. Non priores; sectæ enim illæ jam olim ab unitate Ecclesiastica excommunicatæ, & resectæ sunt a Conciliis Oecumenicis ejus Ecclesiæ, quam ipsi hæretici ante suum schisma ut veram Ecclesiam agnoscebant.

Sed nec posteriores. Illi enim aperti schismatis revincuntur; qui discesserunt, & quidem sine causa, ab unitate ejus Ecclesiæ, quam ipsi, omnibus sæculis ante schisma, ut centrum unitatis agnoverant, imo ut talem agnoscebant eo ipso tempore, quo ab ea recedebant. Atqui tales sunt illæ Græcorum societates. Constat enim 1^o. Græcos ante *Photium* per octo sæcula agnovisse Romanam Ecclesiam ut centrum unitatis: 2^o. *Photium*, qui primus fuit auctor discessionis, viventem *Ignatium* Episcopum Constantinopolitanum e sede sua expulisse, ejusque locum occupasse; 3^o. Eundem *Photium*, cum non potuisset a *Nicolao I.* Romano Pontifice, quem ut centrum unitatis agnoscebat, impetrare suam in Episcopatu confirmationem, indicto conciliabulo, ab ejus communione recessisse.

Illud etiam constat, Græcos sine ulla causa secessionem fecisse a Romana Ecclesia; cum quia Patres semper schisma ut maximum malum habuerunt; unde *Augustinus Lib. II. cont. Epist. Parmen. Cap. 11. præscindende*, inquit, *unitatis nulla est justa necessitas*; tum quia causæ, quas Græci obtendebant, erant vel res ad disciplinam pertinentes, ut *ex. gr.* quod Latini Sabato jejunarent, quod Eucharistiam in azymo conficerent etc. vel meræ calumniæ, ut *ex. gr.* quod aqua pro chrismate uterentur; vel res laudabiles, quas Græci imitari porius,
quam

quam reprehendere debuissent, ut ex. gr. quod continentiam Sacerdotibus imponerent, quod Spiritum S. a Patre, Filioque procedere profiterentur.

Accedit, quod in tribus Oecumenicis Conciliis, nempe Constantinopolitano IV. Lugdunensi II. & Florentino, iussimet Græci Episcopi professi sunt, Romanam Ecclesiam esse unitatis centrum, a qua discesserant; & cum ea ter in gratiam restituti, conjunctique sunt, sed ter iterum aperire rebellarunt. Ergo tantum abest, ut Orientalium societates, a Rom. Ecclesia disjunctæ, unitatem habeant, quin potius manifesti schismatis revincantur (u).

Corollarium.

Ergo cum nulla alia societas, præter Romanam Ecclesiam, habeat unitatem, quæ est veræ Ecclesiæ nota, sequitur, nullam aliam esse posse veram Ecclesiam. Nam, ut supra diximus, nulla societas, cui deest vel una ex quatuor recensitis Ecclesiæ notis, vera Ecclesia esse potest.

§. IV.

De Sanctitate Ecclesiæ.

Adv. In hoc etiam articulo tria querimus 1º. utrum sanctitas sit nota veræ Ecclesiæ; 2º. in quo sita sit; 3º. cui societati conveniat.

PROPOSITIO I.

Ecclesiam Christi esse Sanctam, est dogma fidei; ideoque sanctitas est nota veræ Ecclesiæ.

Prob. Ephes. V. 25. ait Apostolus: Christus dilexit Ecclesiam, & tradidit semetipsum pro ea, ut eam sanctificaret. Et alibi Hebr. XIII. 12. Propter quod & Je-

(u) Vide *De Quen Panoplia adversus Græcos.*

Jesus, ut sanctificaret per suum sanguinem populum, alteram portam passus est. Et Petrus I. Epist. II. 9. Vos autem genus electum, regale Sacerdotium, gens sancta, populus acquisitionis. Imo ipse Christus Joan. XVII. 19. Pro eis, inquit, sanctifico meipsum, ut sint & ipsi sanctificati in veritate. Ergo societas, cui sanctitas non convenit, vera Christi Ecclesia esse non potest, aliunde vera sanctitas non potest esse, nisi in vera Ecclesia. Ergo.

PROPOSITIO II.

Sanctitas, quæ est notæ Ecclesiæ, non in eo sita est, ut nullam habeat maculam, nec ut omnia membra habeat sancta, sed in sanctitate professionis, & præcipuorum ejus membrorum.

Prob. 1^a pars. Quando hanc mortalem vitam vivimus ad omnes homines, quamvis sanctos, pertinet illud Joannis I. Epist. cap. I. 8. Si dixerimus, quia peccatum non habemus, ipsi nos seducimus, & veritas in nobis non est, ut fuisse docebitur Lib. VII. ubi dicimus de Gratia. Ergo.

Prob. 2^a pars. Ecclesia militans complectitur bonos, & malos, sicut area frumentum, & paleas, ut supra contra Donatistas, & Protestantes ostendimus. Ergo.

Prob. 3^a pars. Illa sanctitas requiritur, & sufficit, quæ est notior ipsa Ecclesia, & cuique visibilis, nec potest alteri, nisi veræ Ecclesiæ convenire, si quidem cum aliis conjuncta sit. Atqui sanctitas professionis, & præcipuorum membrorum talis est; 1^o. sanctitas professionis facile ab omnibus cognosci potest: quisquis enim attendit ad societatis alicujus finem, præcepta dogmatica, & moralia, statim cognoscet, utrum professio ejus sanctitati adversetur. 2^o. sanctitas plurimum membrorum, licet ipsa per se conspici non possit, cum sit interior, tamen per opera ipsa in nonnullis saltem Ecclesiæ membris extrinsecus se prodat; unde Christus, Matt. VII. 20. Ex fructibus, inquit, eorum cognoscetis eos. Aliunde si vera sanctitas extra veram Ecclesiam esse posset, frustra

stra Deus veram Ecclesiam Christi sanguine fundasset .
Ergo sanctitas professionis , & præcipuorum membrorum requiritur , & sufficit ad constituendam Ecclesiam nostram ,

Scholion .

Licet Ecclesia sancta sit non solum ob sanctitatem professionis , & plurium ejus membrorum , verum etiam , imo & præcipue ob sanctitatem capitis Christi & Spiritus , qui ab ipso capite in omnia membra diffunditur secundum operationem in mensuram uniuscujusque membri , aliis tribuens gratiam sanctificantem , aliis perseverantiæ donum , omnibus fidem ; tamen cum hæc sanctitas , & spiritus diffusio non sit visibilis , nisi in effectibus , scilicet operibus membrorum , qui ab hoc Spiritu aguntur , ideo ad notam Ecclesiæ sufficere diximus sanctitatem professionis , & plurium membrorum .

PROPOSITIO III.

Neque Protestantium , neque Orientalium societates a Romana Ecclesia sejunctæ eam habent sanctitatem , quæ est vera Ecclesiæ nota .

Prob. I. Illæ societates manifestum schisma profitentur , ut supra docuimus . Atqui schisma maximum malum est , ut passim Patres docent . Vide *Cyprianum de Unit. Ecclesiæ* , & *Augustinum* in libris contra Donatistas . Ergo eorum professio sancta non est .

Prob. II. de sectis Protestantium speciatim . Illæ societates non habent sanctitatem , quæ profitentur dogmata impia , & præcepta bonis moribus adversa . At tales sunt Protestantium societates . Docent enim , Deum prædestinare homines ad malum , esse causam peccati , non minus esse opus Dei proditorem Judæ , quam conversionem Pauli , divina præcepta esse impossibilia , singula opera , etiam bona , justorum esse peccata , justitiam semel acceptam amitti non posse , non esse invocandos Sanctos , non jejunandum , non observanda vota ; & quis omnia enumeret errorum portentia partim in veteribus

hæreticis jam damnata, partim recens ab ipsis inventa?

Ergo cum Protestantium, & Orientalium societates professionem sanctam non habeant, & ab unitate Ecclesie discesserint, merito quidem ipsis objicimus vitia, scelera, & probra plurium membrorum suorum, præsertim fundatorum, ut *Lutheri, Zwinglii, Calvinii*, quos constat, non fuisse sanctos, sed impios, & scelestos, in reprobam sensum traditos; ea enim vitia a professione ipsa mala oriuntur. Quæ cum dolore commemoramus, non ut ipsis insultemus, sed ut tandem oculos aperiant. E contrario, si quæ in nonnullis apparent bona opera, ea non possunt esse veræ sanctitatis signa, sicut nec quædam opera infidelium ex objecto bona. Hinc Augustinus, *Epist. CXLI. at. CLII. Quisquis, inquit, a catholica Ecclesia fuerit separatus, quantumlibet laudabiliter se vivere existimet, hoc solo scelere, quod a Christi unitate disjunctus est, non habet vitam, sed ira Dei manet super eum.*

PROPOSITIO IV.

Ecclesia Romana eam sanctitatem habet, quæ est veræ Ecclesie nota.

Prob. I. Ecclesia Romana habet sanctitatem tum professionis, tum præcipuorum ejus membrorum. 1º. Habet sanctitatem professionis; finis enim ejus est, ut abjectis diaboli nequitiiis, & sæcularibus desideriis, Deo ex toto corde serviamus, & placeamus, eique perpetua charitate jungamur. Adjumenta vero ad hunc finem habet sanctissima, præcepta scilicet dogmatica, & moralia: dogmatica quidem, quia nihil proponit credendum, nisi quod in Scriptura, & perpetua Sanctorum Patrum traditione continetur: moralia vero, quia quidquid præcipit eo spectat, ut vitia vel minima caveamus, & virtutes omnes excolamus. Sanctum habet sacrificium, sacramenta sancta, sanctas solemnitates.

2º. Habet etiam membra sanctitate illustria: primo ejus fundatores, Apostolos scilicet, Apostolicos viros, aliosque sanctitate, miraculis, martyrio celeberrimos; ejus enim hodierni Pastores, ut infra docebimus, per-

pe-

petua serie talibus viris succedunt. Post hos innumerablem multitudinem sanctissimorum hominum in sua communione defunctorum, *Arhanasios, Basilios, Gregorios, Ambrosios, Augustinos*, alioque innumeros martyres, virgines, confessores, quos ipsi Protestantes vel inviti admirantur, nec ulla vitii alicujus calumnia labefactare queunt. Neque hi fuisse tantum antiquitus, sed eorum perpetua series ad nostra usque tempora, etiam post schisma Protestantium, decurrit, ut legendo vitas, & acta sanctorum quilibet saltem ex parte potest cognoscere.

Fuerunt etiam in Ecclesia Romana novissimis temporibus viri Apostolici, qui religionem Christianam predicatione, & sanguine in India, America, & remotissimis regionibus propagarunt. Fuerunt innumeri in sanctorum numerum relati, post rigidissimum examen virtutum, & miraculorum, quæ in confirmationem falsæ sanctitatis fieri non possunt. Adde societates, sodalitates, congregationes tum virorum, tum mulierum, ad omnia virtutum genera excolenda, a viris sanctissimis institutas, in quibus semper homines Evangelica perfectione illustres floruerunt, & florent.

Prob. II. Est aliqua hodie in tertis vera Ecclesia, quæ habeat spiritum sanctitatis, qui nascenti Ecclesiæ datus est, ut in ea maneret in æternum. Atqui talis non est ulla societas sejuncta a Romana Ecclesia, ut in *Prop. II.* demonstravimus, sed talis est Ecclesia Romana, quæ perpetua serie, ut infra docehimus, est eadem illa, cui Spiritus S. datus est. Ergo. etc.

Solvuntur Objectiones.

Obje. I. In Ecclesia Romana plures sunt mali, quam boni. Ergo potius dici deberet mala, quam sancta.

Res. Transat ant. neg. conf. Dixi *transat* antecedens, quia cum ad Ecclesiam pertineant omnes infantes in omnibus etiam hæreticorum sectis baptizati, qui utique sancti sunt; profecto si iis adjungantur etiam sancti, qui in adulta ætate sunt in Ecclesia Romana, fortasse major numerus exurget sanctorum, quam malorum. Sed licet concedatur, majorem esse malorum numerum, non sequitur,

Ecclesiam dici posse malam. Denominatio enim a nobiliori parte deducitur, sicut civitas dicitur dives a multis, qui in ea locupletres sunt, licet major sit numerus egenorum, præsertim cum professio ipsa sancta sit.

Objic. II. Ipsa Ecclesia in Conciliis Oecumenicis ingenuè professæ est, se indigere reformatione, ut in Concilio Laceranensi IV. Constantiensi, Basileensi. Ergo ejus professio sancta non est.

R. Dist. ant. Professæ est, se indigere reformatione in iis, quæ pertinent ad dogmata fidei, & morum, *neg.* In iis, quæ pertinent ad disciplinam, *subdist.* quia ipsa Ecclesia approbaverat antea disciplinam intrinsicè malam, *neg.* quia a privatis introducti fuerant abusus, quos Ecclesia corrigi exoptat, pro temporum tamen opportunitate, *conc.* Responsio patet ex ipsa distinctione.

Objic. III. In Ecclesia Romana multi *Casus* ste impune docent *Probabilissimum*, & innumera errorum portenta contra bonos mores. *Concensus* enim excurrrens per omnia præcepta Decalogi demonstrat, nullum esse, quod non fuerit perversis nonnullorum Casuistarum doctrinis labefactatum. Ergo.

R. Neg. conf. Doctrina enim Ecclesiæ non a privatorum scriptis, sed a publicis ipsius Ecclesiæ judiciis petenda est. Falsas autem Casuistarum doctrinas Ecclesia non probat, sed vel jam damnavit, vel pro temporum opportunitate damnatura est.

§. V.

De Ecclesiæ Catholicitate.

Adv. I. Tria quoque in hoc articulo disputabimus. 1º, utrum *catholicitas*, ut ajunt, sit Ecclesiæ nota. 2º, in quo sita sit. 3º, Cui societati conveniat.

II. Catholicum καθολικον. Græci dicunt quod est *universale*. Catholica igitur Ecclesia idem est, ac Ecclesia universalis. In quo autem sita sit hæc Ecclesiæ *universalitas*, dissentiant a Catholicis Protestantes. Volunt enim illi, Ecclesiam ideo duntaxat dici universalem, quia non est ad unius gentis salutem instituta, ut olim Synagoga, sed ad salutem omnium hominum, ita ut
ome

omnes sanctos sinu suo complectatur, & nemo extra illam salvus esse possit. Cumq. hæc Ecclesiæ proprietates non sit diversa ab Ecclesiæ unitate, nec sit visibilis, nec notior ipsa Ecclesia, sequitur, apud illos catholicitatem non esse Ecclesiæ notam.

III. Contra Catholici, licet concedant, Ecclesiam esse etiam eo sensu universalem, quia ad omnes gentes, ad omnia tempora, ad omnia dogmata se extendat; contendunt tamen eo præcipue sensu Ecclesiam esse catholicam, quod cum una sit, tamen moraliter per universum orbem sit diffusa, unde Pacianus *Epist. I. ad Simpronian.* catholicum interpretatur *ubique unum*: atque hanc diffusionem, moraliter universalem, dicunt esse veræ Ecclesiæ notam.

PROPOSITIO I.

Veram Christi Ecclesiam esse Catholicam, est dogma fidei, ideoque Catholicitas est veræ Ecclesiæ nota.

Prob. I. In veteris Testamenti prophetiis Ecclesia Christi prædicitur eo sensu universalis. Promisit enim Deus Abraham *Genes. XXII. 18.* *In semine tuo benedicentur omnes gentes*, quæ promissio rursus Isaac, & Jacob facta est *Genes. XXVI. & XXVIII.* Hoc autem semen esse Christum docet Apostolus *Galat. III. 16.* Et Isaias *Cap. XLIX. 8.* de Christo hæc clare vaticinatur: *Et dixit Dominus: parum est, ut sis mihi servus ad suscitandas tribus Jacob, & facies Israel convertendas. Ecce dedi te in lucem gentium, ut sis salus mea usque ad extremum terræ.* Et clarius etiam Malachias *Cap. I. 11.* *ab ortu solis usque ad occasum sacrificatur, & offertur nomini meo oblatio munda, quia magnum est nomen meum in gentibus, dicit Dominus.* Idem sæpe reperitur in Psalmis, ut *Psal. II. Postula a me, & dabo tibi gentes hereditatem tuam, & possessionem tuam terminos terræ.* Ipse Christus idem prædicit *Luc. XXIV. 46. & Act. I. 8.* Ergo illa societas, quæ hanc universalitatem, quæ prædicta est a Prophetis per totum orbem, non habet, non potest esse Ecclesia Christi. Et vicissim illa societas, quæ eam habet universalitatem, si quidem

alias etiam tres notas habet, non potest non esse vera Christi Ecclesia; ac proinde *Catholicitas* eo sensu explicata est nota verae Ecclesiae. Legendus est *Augustinus*, qui fufe ex Scripturis de hac re pertractat in Libro de *Unit. Eccl.* contra Donatistas.

Prob. II Patres ita constanter docent, catholicitatem, nostro sensu acceptam, esse Ecclesiae nostram, ut inde probent contra haereticos, & schismaticos, eorum societas veram Christi Ecclesiam non esse. Duos commemorasse sufficiat. Optatus Milevitanus *Lib. II. cont. Parmenian*. Si apud vos, inquit, tantummodo Ecclesiam esse vultis; apud nos non erit; nec in Hispania, in Italia, in Gallia, in Graecia, nec per tot innumerabiles insulas, & ceteras provincias, ubi vos non estis. Ubi ergo proprietates catholici nominis? cum inde Ecclesia dicta sit catholica, quod sit ubique diffusa. Et Augustinus *Tract. III. in Epist. Joan.* Tenemus hereditatem Christi: illi haeretici eam non tenent; non enim communicant orbi terrarum; non communicant universitati redemptae sanguine Christi. Idem alibi repetit; & ex professo tractat *Lib. de Unit. Eccl. cap. 6. & seqq.* Ergo etc.

Objectiones solvuntur.

Obje. I. Ecclesia in sui exordio catholica non fuit in sensu exposito; quia angustis Hierosolymorum limribus continebatur, cum Apostoli praedicare coe erunt, & tamen erat vera Christi Ecclesia. Ergo catholicitas non est verae Ecclesiae nota in sensu superius explicato.

R. Neg. conf. Cum enim ex Prophetiis lumen Evangelii ab Hierusalem in omnes gentes diffundendum esset, quia de Sion, ait Isaias, exibit Lex, & verbum Domini de Hierusalem; sequitur, eam non potuisse uno ictu oculi universitatem illam obtinere, sed sufficit, ut brevissimo tempore obtinuerit. Nam Paulus adhuc vivens scribit ad Colossenses I. 7. *Pervenit ad vos verbum veritatis Evangelii, sicut in universo orbe, & fructificat, & crescit, sicut in vobis.*

Inst. Nota non potest a re notata divelli. Ergo.

R. Dist. ant. Si oriatur ab ipsa rei natura, conc. ita est

est unitas, Sanctitas, Apostolicitas Ecclesiæ. Si oriatur a libera Dei voluntate, *neg.* Porro Deus ita voluit, Ecclesiam esse catholicam, ut a parvis initiis inciperet. Accedit, quod nota *catholicitatis* Ecclesiæ divinitus data est, ut eam non tam a paganis, qui, nascente Ecclesia, per orbem universum diffusi erant, quam à sectis hæreticorum distinguat. Porro cum Apostoli Hierosolymis prædicare cæperunt, hæretici erant nulli. Cum autem hæretici in aliquibus terrarum angulis prodire incæperunt, jam Ecclesia totum orbem, teste Apostolo, pervagata erat.

PROPOSITIO II.

*Nulla Societas a Romana Ecclesia divisa
est catholica.*

Prob. Ez societates vel sunt Protestantium, vel Græcorum, aliorumque Orientalium. Atqui neutræ dici possunt catholicæ. Non Protestantium. Si enim singulas eorum sectas accipias, *Anglicanos, Calvinistas, Zwinglianos, Lutheranos*, constat, eas exiguam Europæ partem occupare. Sin omnes simul velis accipere, licet tunc non efficiant corpus unum, ac proinde ridicule dicerentur catholicæ, cum una secta alteram excludat, tamen neq. sic sumtæ catholicæ dici possunt. Etenim in Occidente quidem notæ sunt; in Oriente toto non cognoscuntur, nisi forte ut sectæ hæreticorum occidentalium.

Neque Orientalium societates catholicæ dici possunt. Si enim singulas seorsim hæreticorum sectas, puta *Nestorianorum, Eutychianorum &c.* accipias, manifestum est, eas angustissimis quarundam provinciarum Asianarum limitibus coerceri. Si vero sumere velis Græcos omnes schismaticos, Patriarchæ Constantinopolitano subiectos; & nonnisi impudenter catholicæ Ecclesiæ vocabulum his attribues. Non solum enim in Oriente ipso a Mahometanis Tyrannis in angustos redacti sunt terminos, sed etiam nullam habent in Africa, nullam in America Ecclesiam, paucas in Euröpa. Ergo, cum neque Protestantes, neque Græci *catholicitatem* habeant, sequi-

tur, nullam societatem a Romana Ecclesia sejunctam esse catholicam.

Prob. II. Argumento, quo utitur *Augustinus*, alique Patres contra hæreticos sui temporis. Si peregrinus aliquis ingressus urbem, ab hæretici cum catholicis libertate religionis uruntur, interroget hæreticum, ubi nam sit Ecclesia catholicorum, nemo hæreticos ei Ecclesiam suam demonstrabit, nisi velit fallere. Ergo ex ipsa eorum confessione patet, Ecclesiam suam non esse catholicam.

PROPOSITIO III.

Ecclesia Romana catholica est.

Nomine Romanæ Ecclesiæ intelligimus Ecclesias omnes, quæ cum Romanâ communicant, quæ est centrum unitatis (a).

Prob. prop. Illa Ecclesia est catholica, quæ *moraliter* per totum orbem est diffusa, licet non omnes homines ejus veritatem velint agnoscere. Atqui talis semper fuit, & est modo Ecclesia Romana. Fuit quidem semper talis. Nam Patres priorum sæculorum, ut *Irenæus*, *Tertullianus*, *Cyprianus*, *Optatus*, *Augustinus* constanter objecerunt hæreticis, Ecclesiam Romanam per universum orbem esse diffusam, quod non objecissent contentiosissimis, & pervicacissimis hæreticis, si falsum fuisset.

Est vero etiam modo hæc Ecclesia universalis. Nam 1^o. hodierna Romana Ecclesia est eadem illa, quam Patres catholicam prædicarunt, nec unquam ab ea per hæresim, aut schisma defecit, 2^o. viget etiam modo in

(a) Quod ideo notamus, ut dissolvamus putidissimam *Budæi* Lutherani cavillationem; qui asserit esse *contradictorium* dicere Ecclesiam Romanocatholicam: quia, inquit, Ecclesia Romana significat Ecclesiam particularem Romæ fundatam, catholica vero universalem. Quod quid miserabilius excogitare poterat?

in quatuor mundi plagis, in Asia, in Africa, in America, in Europa. In Asia reperiuntur in omnibus provinciis, *Sultano* subiectis, Romanæ communionis fideles (licet schismatici numero excedant) nec non apud Indos, Persas, Sinenfes, Siamenses, & in omnibus ferme insulis Oceani orientalis. In Africa fuit quidem Romana Ecclesia olim florentissima, nunc autem a barbaris occupata illa regione, habet etiam ibi sua membra, suos fideles. In America longe, lateque diffusa est per omnes regiones Hispanis, Lusitanis, Gallis subiectas, imo etiam in regionibus a Protestantibus occupatis non desunt catholici. Denique in Europa maximam partem occupat; & diffusa est per omnia omnino regna, etiam ea, in quibus pravalere Protestantes. Est enim catholica Ecclesia in Italia, Hispania, Gallia, Germania, Hollandia, Anglia, Hibernia, Dania, Svecia, Russia. Ergo Ecclesia Romana fuit semper, et est modo catholica.

Consutantur Objecta.

Obje. I. In multis terræ regionibus non floret Romana Ecclesia, ut in Anglia, Hollandia, Svecia, Dania, apud Græcos, Ægyptios, Abyssinos, aliasque Africæ, & Asiæ regiones; Ergo non est catholica.

R. Neg. conf. Nam, ut sit catholica, non requiritur, ut omnes homines ejus veritatem agnoscant; & amplectantur, sed sufficit, ut *moraliter* sit ubique diffusa, licet ubique patiatur persecutionem adversariorum, in majori numero eam insectantium, ut accidit sub Imperatoribus Idololâtris.

Inst. Sunt etiam nonnullæ regiones, in quibus nulli omnino sunt catholici. Ergo.

R. Transeat ant. Neg. conf. Etenim ut Ecclesia sit catholica non requiritur, ut in omnibus omnino vel minimis terræ angulis reperiatur. Sic *Augustinus* hæreticis constanter objicit Romanæ Ecclesiæ *catholicitatem*, licet ipse sæpe fateatur, esse aliquas terræ regiones, in quibus Evangelium nondum erat prædicatum. Sufficit ergo, ut moraliter per omnes orbis cogniti partes diffusa sit, sive ut maximam orbis terræ partem occupet.

Obje.

Objic. II. Certum est, Romanam Ecclesiam integra regna, & gentes amisisse. Ubi sunt enim modo tot Ecclesie Africanæ, Asiaticæ &c. ? In ipsa Europa nonne plures provincie, imo & integra regna a communione Romana recesserunt, Svecia, Dania, Anglia, magna Germaniæ, & Helvetiorum pars ? Ergo si Patribus licuit Romanam Ecclesiam appellare catholicam ; id hodie non licet, cum videamus pauca regna Romanæ sedis esse conjuncta.

R. Dist. ant. Certum est, amisisse integra regna omnino, ut nulli in eis remanserint catholici, *neg.* Amisisse ex parte, hoc est desisse in eis florere, ut prius, *Subdist.* Ex tamen eodem tempore nova regna acquisivit, *cont.* Secus, *neg.* Itaque licet in multis Orientis, & Occidentis regionibus non sit ita florens, & quodammodo dominans Romana Ecclesia, ut prius erat ; non tamen omnino in iis defecit. Imo cum aliqua gens a Romana communione defecit, accessit nova. Sic deficientibus Arianis conversi sunt Saraceni, Æthyopes, Iberi : deficientibus Græcis Schismaticis, Hungaria, Svecia, Dania, Norvegia Romanæ Ecclesiæ adjecta est : Lutheranis, & Calvinistis rebellantibus, ad Indos, Japonenses, Sinenfes, Brasilienses, Peruvianos, aliosque Americæ populos Romana Ecclesia investa est. *Aufertur* enim a nonnullis *regnum Dei, & datur genti facienti fructus ejus Matth. XXI. 43.* cum præsertim in sola Romana Ecclesia, tamquam in corpore vivo, sit ardens illud studium seipsam semper augendi, & propagandi per Apostolicos *Missionarios*, quod non est in sectis hæreticorum, quæ, tamquam membra mortua, ibi putrescunt, ubi a corpore resecta sunt.

§. VI.

De Apostolicitate Ecclesiæ.

Adv. I. Veram Christi Ecclesiam debere esse Apostolicam, diffiteretur nemo. Per Apostolos enim Christus Ecclesiam suam fundavit. Sed quid requiratur, ut societas aliqua dicatur Apostolica, controversa est inter hæreticos, & catholicos.

II. Hæretici enim omnes contendunt, requiri solam doctrinam Apostolicam, ut inde inferant, Ecclesiam suam esse Apostolicam, quia falso jactant, se docere quod docuerunt Apostoli.

III. Catholici farentur, veram Christi Ecclesiam doctrinam Apostolicam tenere; sed docent *Apostolicitatem*, (ut ita dicam) quæ nota est veræ Ecclesiæ, non in doctrina, sed in successione non interrupta Pastorum ponendam esse; ita ut non ex doctrina Apostolica cognoscatur, quænam sit Ecclesia Apostolica; sed potius ex Ecclesia, quæ serie perpetua Pastorum succedit Apostolis, cognoscendum sit, quænam doctrina sit Apostolica.

IV. Igitur in hoc articulo quæremus, ut in superioribus fecimus, 1°. utrum Apostolicitas sit Ecclesiæ nota: 2°. in quo sita sit; 3°. cui societati conveniat.

PROPOSITIO I.

Apostolicitas est vera Ecclesiæ nota.

Prob. I. Patres ex eo probant, hæreticorum societates non esse veram Christi Ecclesiam, quod non sunt Apostolicæ. Ita *Tertullianus* in Libro de *Prescriptionibus*, *Optatus Milevitanus*, *Augustinus*, alique, quorum textus infra recitabimus. Ergo.

Prob. II. Cum *Christus* nonnisi per Apostolos Ecclesiam suam fundaverit, non potest esse vera Christi Ecclesia, quæ non est Apostolica; & vicissim Ecclesia Apostolica, si habeat etiam alias notas, unitatem, sanctitatem, catholicitatem, non potest non esse vera Christi Ecclesia. Ergo Apostolicitas est nota veræ Ecclesiæ.

PROPOSITIO II.

Apostolicitas, quæ est Ecclesiæ nota, non est sua in doctrina Apostolica.

Prob. I. Schismaticæ societates initio schismatis sæpe retinent doctrinam Apostolicam, & tamen dici non possunt Ecclesiæ Apostolicæ. Ergo.

Prob.

Prob. II. Nota debet esse notior re, quam querimus: atqui doctrina Apostolica non est aliquid notius ipsa Ecclesia: omnes enim hæreticorum sectæ contendunt, se doctrinam profiteri Apostolicam. Ergo.

Prob. III. Patres docent, non ex doctrina cognoscendam esse Ecclesiam Apostolicam sed ab Ecclesia Apostolica accipiendam esse doctrinam Apostolorum. Imo docent, hæreticos, proferentes pro se Scripturas, non esse audiendos; quia cum Scriptura sit Ecclesiæ patrimonium, quod ipsa accepit ab Apostolis, quicumque Scripturam pro se profert, repellendus est tamquam fur, nisi prius ostendat, Ecclesiam suam esse Apostolicam: quemadmodum in jure non est audiendus, qui ex chirographo alteri surrepto aliquid sibi d-beri contendat, nisi prius ostendat, chirographum esse suum. Sic Tertullianus *Lib. de præscript. Cap. 37.* postquam fuisse hoc tractavit argumentum concludit: *Constat ratio propositi nostri deficiente, non esse admittendos hæreticos ad incundam de Scripturis provocationem, quod si ne Scripturis probamus ad Scripturas non pertinere.* Similia docent Pacianus *Epist. III. ad Sima. prom.* Chrysostomus *Homil. XI. in Epist. ad Ephes.* alique. Ergo.

PROPOSITIO III.

Apostolicitas Ecclesiæ sita est in successione legitima, & non interrupta Pastorum, pervenientem usque ad Apostolos.

Prob. I. Patres in hac legitima, & perpetua successione Apostolicitatem Ecclesiæ positam esse docent. Sic 1^o. Tertullianus *de Præscript. Cap. 32.* *Si quæ (hæreses) audent se interficere ætati Apostolica, ut ideo videantur ab Apostolis tradita . . . possumus dicere: Edant ergo origines Ecclesiarum suarum, evolvant ordinem Episcoporum suorum ita per successiones ab initio decurrentem, ut primus ille Episcopus aliquem ex Apostolis, vel Apostolicis viris, qui tamen cum Apostolis perseveraverit, habeat auctorem, & antecessorem.* Hoc enim modo Ecclesiæ Apostolica census suos deferunt. Si.

Sicut Smyræorum Ecclesia Polycarpum ab Joanne collocatum refert : sicut Romanorum Clemenem a Petro ordinatum edit &c.

2º. Idem docet Irenæus Lib. IV. Cap. 26., al. 43. Eis, qui sunt in Ecclesia, Presbyteris obaudire oportet iis, qui successionem habent ab Apostolis, sicut ostendimus, qui cum Episcopatus successione charissima veritatis certum secundum placitum Patris acceperunt : reliquos vero, qui absistunt a principali successione, & quocumque loco se colligunt, suspectos habere, vel quasi hereticos, & male sententia, vel quasi scindentes, & elatos, & sibi placemes.

3º. Hinc etiam Optatus Milevitanus Lib. II. contra Parmenian. sic provocat hæreticos : *Vestra cathedra originem reddite, qui vobis vultis Sanctam Ecclesiam vindicare.* Quod & facit Augustinus tum in libro de Unitate Ecclesiæ, tum alibi lib. 11. contra Donatistas. In Psalmo contra partem Donati sic ait : *Numerate sacerdotes vel ab ipsa Petri sede, & in ordine illo Patrum quis cui successit, videre.* Et in Libro contra Epist. fundam. cap. 4. Tenet me (in catholica Ecclesia) ab ipsa Sede Petri, cui ascendas oves Christus Dominus tradidit, usque ad præsentem Episcopatum successio Sacerdotum. Ergo.

Prob. II. ratione. Omne ens successivum, ut Scholæ ajunt, unitatem suam amittit, si paulisper successio abrumptur. Sic si corpus motum parumper quiescat, & iterum deinde moveatur, posterior hic motus non est unus & idem cum primo, sed novus, atque diversus, quo iterum cieri incipit. Atqui Ecclesia est corpus successivum, quia primis Pastoribus, aliisque Ecclesiæ membris defunctis alii succedunt. Ergo si vel minimum abrumptur hæc successio, licet denuo corpus componi videatur, non erit hoc illud idem corpus, illa eadem Ecclesia, quam Christus per Apostolos fundavit, sicut si omne genus humanum diluvio periisset, profecto homines, qui nunc sunt, non essent ex stirpe Adami, licet eandem habeant humanam naturam,

PROPOSITIO IV.

Protestantium, & Orientalium societates, a Romana Ecclesia sejunctæ, non sunt Apostolica.

Prob. 1^a. pars. Protestantium societates non habent successionem Pastorum, continua serie perveniens usque ad Apostolos. Nam *Lutherus, Calvinus, Zwinglius*, primi societatum illarum fundatores, nulli Apostolice Episcopio successerunt, sed ipsi semetipsos Pastores societatum suarum fecerunt., imo *Calvinus* laicus Ecclesiasticum ministerium usurpavit. Ergo &c. Idem dicas de quacunque societate hæreticorum sive Orientalium, sive Occidentalium; si enim numerent Pastorum suorum successionem, ubi ad primum testis auctorem pervenerint, ex. gr. *Nestorium, Eutychen, Socinum &c.* ulterius progredi non possunt. Ubi ergo erat Ecclesia Calviniana, Lutherana, Nestoriana, Eutychiana &c. ante *Lutherum, Calvinum, Nestorium &c.*? Nullibi profecto; nam si alicubi fuisset, illi Ecclesie se adjunxissent. Sed ipsi nulli se Ecclesie adjunxerunt, sed instituerunt novam. Ergo eorum societas Apostolica non est.

Prob. 2^a. pars speciatim de Græcis, Patriarchæ Constantinopolitano adherentibus. Illorum societates non sunt Apostolicæ, quæ manifesti schismatis convincuntur. Atqui tales sunt societates Græcorum, Patriarchæ Constantinopolitano adherentium, ut supra demonstravimus. §. II. Quod argumentum rursus contra Protestantium etiam societates urgeri potest. Ergo.

Solvuntur Objectiones.

Obje. I. Pro societatibus Protestantium. In veteri lege Deus identidem suscitavit Prophetas, qui extirparent abusus in Ecclesiam irreperentes, nemo autem dixerit, Prophetas, & qui iis adhaerebant, recessisse ab Ecclesia Mosaica. Atqui vetus hæc erat querela virorum doctrina, & pietate illustrium, irrepsisse scilicet graves in Ecclesiam abusus. *Quis mihi des*, inquit *Bernardus Forst. CCXXXVIII. ad Eugen. antequam moriar vide-*

re Ecclesiam Dei sicut in diebus antiquis? quod desiderium reformandæ Ecclesiæ testata sunt etiam tria Concilia Œcumenica Lateranense IV. Constantiense, & Basileense, & tamen nemo tot malis radicitus extirpandis manus unquam admovebat. Ergo Deus ipse in nova lege suscitavit Protestantium duces ad renovandam Ecclesiæ faciem, & reformandos abusus, nec proinde eorum societates dicendæ sunt ab Ecclesia Apostolica recessisse.

Dist. maj. Suscitavit Prophetas ad mutandum sacerdotium vetus, novumque instituendum, *negō.* Ad corrigendos abusus, salvo semper ordine, & successione sacerdotum, quos elegerat Dominus, *Subdist.* Et simul dedit Prophetis illis signa manifesta suæ divinæ missionis extraordinariæ, *conc.* Nulla dedit extraordinaria signa, *negō.* Itaque Prophetæ numquam ausi sunt attrectare sacra, expellere ministros Aaronicos, novumque ordinem sacerdotum instituere: quod si fecissent, profectio nova societas, ab ipsis collecta, non fuisset amplius Mosaica; *translato enim Sacerdotio, necesse est, ut & legis translatio fiat*, inquit Apostolus *Heb. VII. 12.* Prædicabant igitur tantum, & insectabantur peccata populi, in primis idololatriam; imo hanc ipsam prædicandi missionem divinam esse probabant non solum vitæ sanctitate, verum etiam signis extraordinariis prophetiæ, & miraculorum. Deus enim ipse *Deuteron. XVIII. 22.* signa statuerat, quibus verî a falsis prophetis discernentur.

At contra Protestantes in Ecclesiæ sacerdotium tanto furore insurrexerunt, & debacchari sunt, ut, quos poterint, Sacerdotes necaverint, reliquos in fugam egerint, novumque sacerdotium a seipsis incipientes instituerint; sine ullo Episcopali caractere novos ministros ordinaverint; doctrinam Ecclesiæ rejecerint; antiquas hæreses, jam olim damnatas, ab inferis revocaverint; sanctissimas Ecclesiæ leges, & instituta, quasi essent abusus, conculcaverint. Ad hæc autem facienda quænam signa suæ extraordinariæ missionis prætulerunt? imo vero omnes characteres, quibus Pseudoprophetæ depinguntur a Petro *Epist. II. Cap. 2.* ipsis optime quadrant.

Dist. etiam min. Erat vetus querela abusu, in

in Ecclesiam irrepenitium, circa dogmata fidei, & morum, *neg.* Circa disciplinam, *subdis.* Et tamen certum fixumque erat dogma, non recedendum ab unitate Ecclesie Apostolicę propter abusus, sed potius Deum orandum, ut daret Ecclesie opportunitatem eos corrigendi, *conc.* Secus, *neg.* Itaque sancti illi viri, qui de abusibus conquerebantur, sanam esse fatebantur Ecclesie Romanę doctrinam circa fidem, & mores. Abusus a privatis in vestros, non ab Ecclesia probatos, circa disciplinam deplorabant, sed tamen docebant post Cyprianum, & Augustinum, non recedendum ab agro Domini propter paleas &c. Nomine autem abusu non intelligebant, nisi malas bonę disciplinę corruptelas. At contra Protestantes totam Ecclesie doctrinam, tamquam falsam rejecerunt, ipsam Ecclesiam Satanz synagogam vocarunt, atque ab ea aperto schismate discesserunt, et nomine abusu intellexerunt res bonas, et laudabiles, ut cultum Sanctorum, jejunia, vora, cœlibatum, et cetera. Propter hæc autem scelera non injuste, sed merito ab Ecclesia Apostolica, adhibitis prius frustra omnibus patientiæ, et lenitatis argumentis, paternisque admonitionibus, excommunicati, et resecti sunt.

Inse. Romana Ecclesia veros illos abusus, de quibus tot erant querimonie, numquam extirpare voluit nec in Concilio Constantiensi, nec in Basileensi etc. Ergo non sunt reprehendendi Protestantes, qui illos correxerunt.

R. Distr. ant. Numquam voluit, quia non potuit, nec erat opportunum ob multitudinem hominum malorum, atque potentium, qui eos abusus fovebant, *conc.* Quia eos probabat, *neg.* Itaque sæpe Ecclesia tolerare debet zizania in medio tritici, ne, eradicans zizania, eradicet simul et triticum. Quare *neg. conf.* Si enim liceret privatis prætextu abusu expellere magistratus, occupare ministerium, longe maiora orirentur mala, quam ipsi abusus, qui extirpandi dicuntur. Quod profecto accidit Protestantibus. Nego etiam *suppositum*, quia, ut supra diximus, Novatores non abusus extirparunt, sed laudabiles, ac sanctas Ecclesie leges prætextu abusu abrogarunt.

PRO.

PROPOSITIO V.

Sola Ecclesia Romana Apostolica est.

Prob. Sola Ecclesia Romana successionem habet non interruptam Pastorum, usque ad Apostolos pervenientem, ut patet enumeratione Pastorum cujusque Ecclesie, quæ cum Romana communicat. Ipsa enim particularis Ecclesia, quæ Romæ est, habet perpetuam Pontificum seriem, sibi legitime succedentium usque ad Petrum. Reliquæ Ecclesie, quæ cum illa communicant, habent singulæ Episcoporum suorum series, pervenientes ad aliquem Romanum Pontificem, qui Ecclesie illi primum dedit Episcopum: et per hunc R. Pontificem ascendit usque ad Petrum. Atqui in nulla societate, quæ ab Romana Ecclesia sit divisa, talis est pastorum successio. Ergo sola Romana Ecclesia Apostolica est.

Obje. In magno Schismate Occidentis, cum tres simul veluti Pontifices Romani de Papatu contendebant, interrupta est series summorum Pontificum. Ergo

R. Neg. ant. Licet enim tres simul se gererent tanquam Pontifices, unus tamen erat verus, et legitimus, licet non omnes fideles clare cognoscerent, quis esset ex tribus, atque ideo in tres veluti communiones Ecclesia scissa videretur. Sed etsi daremus, quod falsum est, nullum ex iis verum fuisse Pontificem, non ideo successio abrupta esset, sicut non abruptitur, cum mortuo legitimo Pastore, tempus aliquod excurrit, ut novus, et legitimus eligatur.

Corollarium.

Ergo sola Romana Ecclesia est vera Ecclesia Christi, quia sola habet simul quatuor notas veræ Ecclesie.

Scholion.

Demonstrari etiam potest, Romanam Ecclesiam esse Apostolicam ratione Apostolicæ doctrinæ, hæreticorum vero societates, etiam ratione doctrinæ, non esse Aposto-

PROPOSITIO.

Ecclesia Christi vere, & proprie dicta, semper visibilis est, hoc est videri, & discerni potest a falsis sectis, Est dogma fidei.

Prob. I. Scriptura cum de Ecclesia absolute loquitur, nec ulla subest ratio eam intelligendi in sensu improprio, semper eam describit ut eorum visibilem, sic *Isaie III. 2.* prædicit Dominus; *Erit in novissimis diebus preparatus mons domus Domini in vertice montium, & elevabitur super calles, & fluent ad eum omnes gentes.* Hic primo describitur Ecclesia, adeo conspicua, ut mons supra verticem montium erectus; deinde prædicitur talis, ut omnes gentes ad eam confluere possint; quod fieri non posset, si esset invisibilis. Et Christus *Matth. XVIII. 17.* fratrem frustra correctum ad Ecclesiam deferri jubet: *Dic Ecclesie; si Ecclesiam non audierit, sit tibi sicut ethnicus, & publicanus.* quomodo autem id fieri posset, si non esset Ecclesia tolerior, & conspicua etiam idiotis, ad quos etiam pertinet Christi præceptum?

Præterea, Apostolus, congregans Episcopos Ecclesiarum Ephesiarum, sive Asianarum, monet, ut sibi & universo domino gregi attendant: *Attendite vobis, & universo gregi, in quo vos Spiritus S. posuit Episcopos regere Ecclesiam Dei. Act. XIX. 28.* cui autem gregi attenderent: quam Ecclesiam pascere, si hæc visibilis non esset? Sic etiam *Act. XVIII. 22.* dicitur Paulus fulcrasse Ecclesiam. Ergo &c.

Prob. II. ex Patribus. 1º. Origenes *Homil. XXX. in Matth.* Ecclesia, inquit, plena est fulgore ab Oriente usque in Occidentem, 2º. Cyprianus *De unit. Eccl.* Ecclesia Domini luce perfusa est; per totum orbem radios suos porrigit. 3º. Augustinus id sæpe inculcat contra Donatistas, ex visibilibus characteribus probans, Catholicorum Ecclesiam esse veram (a). Et in *Tract. I.*

P 2 in

(a) *Lib. II. cont. Petil. Cap. 32. Lib. de Unit. Eccl. Cap. 23. Lib. III. cont. Epist. Parmenian. Cap. 3. Epist. XLVIII. in Psal. XLIV. & XLVII. & al.*

in Epist. Joan. n. 23., post recitata Scripturarum testimonia, quæ Ecclesiam ostendunt, esse visibilem: Numquid, inquit, non sic digito ostendimus Ecclesiam, fratres mei? Nonne aperta est? nonne tenuit omnes gentes? nonne impletur quod ante tot annos prædictum est Abrahæ, in semine ejus benedici omnes gentes? Ecce mons implens universam faciem terræ. Ecce civitas, de qua dictum est: non potest civitas abscondi supra montem posita. Ergo &c.

Prob. III. *ratione*. Deus ita Ecclesiam fundavit ad omnium salutem, ut nemo extra illam salvus esse possit, quod supra ostendimus. Ergo sapientiæ, & bonitatis ejus erat, ut eam redderet temper omnibus visibilem; atque conspicuam.

Solvuntur Objectiones.

Obje. I. Ecclesia redditur invisibilis, 1º. in persecutionibus infidelium, & hæreticorum; tunc enim fideles omni studio latitant: 2º. cum hæreses longe, lateque diffunduntur, ut olim Ariana. Ergo.

R. Neg. ant. Nam etiam in crudelissimis Imperatorum persecutionibus Ecclesia visibilis erat, non solum in regionibus, quæ Romano imperio non erant subiectæ, sed etiam in tot martyribus partim trucidatis, partim in carcerem, aut in exilium actis. Multo minus latere potest in persecutionibus hæreticorum, aut in quacumque hæresis diffusionem; tum quia hæresis nunquam universum orbem occupare potest, tum quia in illis ipsis provinciis, quas occupat, veri fideles latere non possunt; eo ipso enim, quod se a conventiculis hæreticorum separant, jam conspicui sunt.

Obje. II. Ecclesia est objectum fidei: Credo sanctam Ecclesiam: est articulus Symboli. Ergo non videtur.

R. Dist. ant. Est objectum fidei quoad ejus veritatem, & interiores dotes, *cons.* Quoad ejus existentiam, *neg.* Itaque quod hæc sit Ecclesia a Christo instituta, conspicitur. Quod autem hæc Ecclesia a Christo instituta, vera doceat, Spiritu Sancto regatur, & vivificetur &c. id creditur.

Corollarium .

Ergo hinc rursus probatur, societates Protestantium non esse veram Christi Ecclesiam, quia, ipsis fatentibus, ante *Lutherum*, & *Calvinum* erant invisibiles.

§. II.

De Ecclesia perpetuitate, seu indefectibilitate.

Adv. Nullus fortasse hæreticorum asseruit, veram Christi Ecclesiam posse omnino deficere. *Donatista* enim, qui Ecclesiam toto orbe periisse affirmabant, docebant tamen, remansisse eam in Africa in parte Donati. *Berengarius* etiam, qui teste Rattramno Corbejensi *Opusc. de Eucharist.* assererat, Ecclesiam totam errasse, & perisse; contendebat tamen, eam remansisse saltem in Berengarianis.

II. Protestantes etiam fatentur, Ecclesiam deficere non posse: sed id intelligunt de Ecclesia invisibili. Nam visibilem Ecclesiam deficere posse, docent, & aliquando defecisse. Novissime vero *Claudius* Calvinista novum excogitavit systema. Dacet enim, Ecclesiam etiam visibilem numquam posse deficere, sed aliquando corrupti posse erroribus fidei contrariis; ita tamen, ut semper in ea remaneant aliqui fideles occulti.

PROPOSITIO

Visibilis Christi Ecclesia deficere non potest.

Fidei dogma est.

Prob. I. ex Scriptura. Prophetæ prædixerunt, visibilem Christi Ecclesiam perpetuam fore: & Christus ipse, & Apostoli id aperte promiserunt. 1º. Prophetæ id prænuntiarunt. *Isaias* enim Cap. LXI. 8. *Factus*, inquit, *perpetuum feriam eum eis.* Et *scient in gentibus semen eorum, & germen eorum in medio populorum: omnes, qui viderint eos, cognoscent illos, quia ipsi sunt semen, cui benedixit Dominus: quod Isaiæ vaticinium*

sine dubio de Ecclesia est intelligendum. Hic autem clare prædicit *Isaias*, Ecclesiam, quæ a cunctis gentibus videbitur, & cognoscetur, perpetuam fore, quippe quæ iuncta sit Deo *sacere perpetuo*.

Et *Michæas Cap. IV. 1. & 5* In novissimo dicuntur eris mons domus Domini præparatus in vertice montium; & sublimis super colles, & fluent ad eum populi. En Ecclesiam cu ætis visibilem: Nos autem, subdit, ambulabimus in nomine Domini nostri in æternum; en perpetuitatem. Et in *Psalm. XLVII.* qui totus est de Ecclesia, et quidem visibilis, ut legenti patet: Sicut audivimus, sic vidimus in civitate Domini virtutum, in civitate Dei nostri: En visibilem Ecclesiam: Deus fundavit eam in æternum; en perpetuitatem. Mitto alia Prophetarum vaticinia.

2º. Ipse *Christus* Ecclesiæ visibili durationem perpetuam promittit. *Matth. XXVIII. 20.* Ecce ego vobiscum sum usque ad consummationem sæculi. Ex *Matth. XVI. 18.* Super hanc petram edificabo Ecclesiam meam, & portæ inferi non prevalebunt adversus eam. Nulla autem ratio subest coarctandi hæc loca ad Ecclesiam invisibilem. Præter ea *Christus* in omnibus parabolis, in quibus Ecclesiam designavit, eam dicit duraturam usque ad finem sæculi. Sic docet, in agro futura zizania cum tritico usque ad messem; in sagena futuros bonos cum malis piscibus, usque dum trahatur ad terram; in area futuras paleas cum frumento, donec triticum congregetur in horreum, paleæ autem comburantur igni inextinguibili. Messis autem, tractio retis ad terram, divisio frumenti a paleis, ipso *Christo* explicante, diem iudicii designant. Atqui hæc parabolæ, fatentibus Prostantibus, pertinent ad Ecclesiam visibilem, quia invisibilis Ecclesia non continet, ut ipsi dicunt, bonos & malos. Ergo visibilis Ecclesia usque ad finem mundi duratura est.

3º. Id ipsum prædicunt Apostoli. *Paulus* enim *Ephes. IV. 11.* Ipse dedit, inquit, quosdam quidem Apostolos, alios Prophetas, alios Evangelistas, alios Pastores, & doctores . . . donec occurramus omnes in unitatem fidei &c. Quibus verbis testatur, ministerium Pastorum, quod

quod utique non potest esse in Ecclesia invisibili, duraturum usque in diem iudicii. Ergo.

Prob. II. ex Patribus. 1º. Hieronymus in Cap. VIII. Amos. Ex quo, inquit, intelligimus, Ecclesiam usque in finem mundi concuti quidem persecutionibus (quæ non nisi contra Ecclesiam visibilem excitantur) sed nequaquam posse subverti: tentari, non superari. Et hoc fiet, quia Dominus Deus . . . se facturum esse pollicitus est, cujus promissio Lex naturæ est. 2º. Augustinus in Ps. CI. conc. 2. Sed illa Ecclesia, quæ fuit omnium gentium, jam non est, perit. Hoc dicunt quæ in ea non sunt. O impudentem vocem! Illa non est, quia tu in illa non es? Vide, ne tu in ea non sis, nam illa erit, etsi tu non sis (a). 3º. Ambrosius loquens de persecutionibus, quæ utique contra visibilem Ecclesiam excitantur; Postquam Ecclesiam navi comparavit, subdit. Lib. de Salomone Cap. 4. Quæ estis undarum fluctibus, & procellis sæpe vexatur, numquam potest sustinere naufragium, quia in arbore ejus, idest in Cruce Christus erigitur, in puppi Pater residet gubernator, proram Paracletus servat Spiritus. Hanc per angustia hujus mundi freta duodecim in portum remiges ducunt, idest duodecim Apostoli. 4º. Chrysostomus in Cap. VI. Matæ: facilius est solem extinguere, quam Ecclesiam deleri. Mito ceteros (b). Ergo.

Systema autem Claudii Calvinistæ contradictionem involvit. Statuit enim iste, Ecclesiam visibilem non posse deficere, & tamen posse corrumpi erroribus fidei contrariis, quod aperte est assertor, sive repugnans. Eo ipso enim, quod societas aliqua in fide labitur, non est amplius Christi Ecclesia, sed Antichristi synagoga. Vide Bossuet Hist. Variar. Lib. XIX.

(a) V. etiam Lib. I. De Symbolo ad Catech. cap. 6. Epist. XLVIII., & aliorum.

(b) Origenes Hæc. XXX. in Matth. Leo M. Serm. XII. de Passione, & Serm. II. in Annivers. sue assumpt. Bernardus Serm. LXXIX. in Cantic. & alii.

Objectiones solvuntur.

Objic. I. Vetus Ecclesia defecit aliquando, & 1º. quidem in Adam, et Heva, cum uterque peccavit. 2º. in egressu filiorum Israel ex Aegypto, cum, præeunte ipso Aaron, vitulum aureum omnes adoraverunt. Exod. XXXII. 3º. tempore Judicum, quando filii Israel fecerunt malum in conspectu Domini, & servierunt Baalim, ac dimiserunt Deum patrum suorum. Judic. II, 11: 4º. tempore impiorum Regum Achaz, & Manassa, qui abolito publico ministerio religionis, idololatriam usque in Templum Domini intulerunt. 5º. ætate Jeremiæ, qui Cap. II. 26. sic Dei nomine loquitur: Confusi sunt domus Israël, ipsi & Reges eorum, Principes, & Sacerdotes, & Prophetae eorum, dicentes ligno: Pater meus es tu Quid vultis mecum iudicio contendere? Omnes dereliquistis me, dicit Dominus. 6º. Denique cum summi Pontifices, et omne Concilium Sacerdotum, Scribarum, Phariseorum, et ipsa plebs Judæorum Christum morti dedit. Ergo.

R. Transstat Ant. Neg. conf. Dixi transstat. aut. quia etsi concederetur, defecisse veterem Ecclesiam, sive potius Synagogam, non inde tamen sequeretur, deficere etiam posse Ecclesiam Christi, cum divinæ promissiones isti, non illi factæ sint. Sed tamen falsum est, ipsam veterem Ecclesiam umquam defecisse.

1º. Etenim non defecit cum Adam, & Heva peccaverunt. Sive enim peccatum illud fuerit vera infidelitas, ut docent nonnulli Patres, sive fuerit simplex inobedientia, certum est, Ecclesiam post Adæ lapsum cœpisse, tunc enim revelatus est futurus Christi adventus, in cujus fide fundata est Ecclesia. Utrum autem incæperit Ecclesia a pœnitentia Adæ, an ab Abel, questio est. Cœterum hoc argumentum nimis probat; si quid enim valeret, probaret etiam, in Adamo, atque Heva Ecclesiam invisibilem defecisse, quod fieri posse adversarii negant.

2º. Nec defecit vetus Ecclesia tempore Aaronis, Judicum, aut Regum impiorum, aut Jeremiæ; quia nec tunc defecerunt veri Dei cultores, qui et ipsi erant visibiles, cum

cum non communicarent cœtibus idololatrarum : Utitur autem Scriptura in objurgandis impiis generali quadam reprehensione totius populi, ut ostendat, peccantium magnum esse numerum; quod sexcentis confirmari potest exemplis.

3°. Denique in morte Christi defecit Synagoga, quia tunc deficere debebat : *finis enim legis Christus* : sed non defecit Ecclesia, tum quia tunc erant per universum orbem dispersi Judæi fideles, qui de prædicatione, et necesse Christi nihil audierunt, tum quia in ipsa Judæa, imo in ipsis Jerosolymis multi non consenserunt neci Christi, inter quos etiam viri principes, quales fueret *Joseph ab Arimathea, & Nicodemus*.

Inst. In Apostolis omnibus defecit fides in morte Christi, quod significari dicitur per lumina omnia, quæ extinguuntur in Officio majoris Hebdomadæ, excepta una B. Virgine. Imo ipse Christus *exprobravit Apostolis incredulitatem eorum. Marc. XVI. 14.* Ergo a fortiori defecit fides in ceteris omnibus, ac proinde tunc defecit Ecclesia, quia sola B. Virgo non constituebat Ecclesiam, quæ utique multorum cœtum requirit.

R. 1°. *Neg. ant.* Defecit enim in Apostolis constantia, et fortitudo in rebus adversis, sed non fides. Petrus enim, qui contra externam fidei confessionem peccaverat, statim conversus flevit amare, quod non fecisset, si amisisset fidem : Christus ipse moriens matrem virginem Joanni commendavit, quod ostendit etiam Joannem permansisse fidelem. A fortiori ceteri discipuli, qui fugerunt, nec tantis temptationibus objecti sunt, quantæ *Petrum, & Joannem* impetiverunt. De extinctione autem luminum in majori Hebdomada varia est explicatio, ut videre potes apud *Ben. XIV. de Fests.* sed licet explicemus de Apostolis, non sequitur, in eis extinctum fidei lumen, sed constantiam, quam Christo spoponderant. *Infidelitas* vero, quam Christus redivivus Apostolis exprobravit, non fuit *positiva*, sed *negativa*, hoc est, tarditas quædam, et mora credendi *explicite* resurrectionem, quam putabant nondum idoneis testimoniis confirmatam, quia nondum ipsi viderant; quod quidem esse potuit veniale peccatum. Adde his, quod verba Christi non de omnibus accipienda esse Apostolis docet

docet Maldonatus in *Comment.* sed de uno *Thoma*, licet per syllepsin omnibus dicta sint.

R. 2º. Neg. conf. Nam præter Apostolos erant innumeri fideles tum in Judæa, tum in longinquis regionibus, ut supra dictum est.

Objic. II. Christus *Luc. XVIII. 8.* prædicit, ante adventum suum defecturam Ecclesiam: *Veniens filius hominis putasne inveniet fidem in terra?* Quod et confirmat Apostolus *II. Thessal. II. 3.* ubi ait, ante diem judicii venturam *discessionem*, h. e. generalem apostasiam. Ergo.

R. 1º. Argumentum nimis probare. Si enim nulla tunc erit fides, sed generalis apostasia, peribit etiam Ecclesia invisibilis; quod negant Protestantes.

R. 2º. Neg. ant. Christus enim non ait: *filius hominis non inveniet fidem*, sed *putasne inveniet?* quod significat raritatem fidei, non qualiscumque, sed præcelsæ, et firmissimæ, de qua ibi loquitur. Et reverà idem Christus *Matth. XXIV. 22.* clare docet, futuros tunc electos: *propter electos breviantur dies illi.* Apostolus vero per *discessionem* non intelligit generalem defectionem a fide, cum ipse Apostolus *I. Thessal. IV. 16.* doceat, in ipso adventu Christi futuros fideles, et alibi doceat, ipsos Judæos convertendos esse ad fidem ante adventum Christi. Quomodo ergo adversarii per *discessionem* intelligere possunt generalem apostasiam, cum commode possit, et debeat intelligi *particularis*; sed magna defectio multorum ab Ecclesia, quam Scriptura toties inculcat fore perpetuam? Vide *Esaiam*, et *D. Thomam Commens. in h. l.*

Objic. III. Hieronymus loquens de Conciliis Animiensi, et Seleuciensi, in quibus Episcopi subscripserunt formulæ fidei ab Arianis compositæ, sic ait *Dialog. cont. Luciferian.* Tunc *Ursi* nomen abolitum est, tunc *Nicæna fidei damnatio conclamata est*: ingemuit totus orbis; & se *Arianum* esse miratus est. Ergo tempore Arianorum defect Ecclesia.

R. Neg. conf. 1º. enim non omnes orbis Episcopi ad Concilia illa venerunt: imprimis absuit Romanus Pontifex caput Ecclesiæ, et centram unitatis: 2º., non omnes Episcopi formulæ illi subscripserunt: 3º. illi, qui sub.

subscripserunt, eam in sensu catholico intellexerunt; formula enim ita subdole erat concepta, ut fidem Nicænam videre ut exprimere, mutata tantum voce *quoniam*, seu *consubstantiale*. Sed quia etiam sensum hæreticum pati poterat, ideoque Ariani Episcopi gloriabantur, et *conclamabant damnationem fidei Nicænæ*; idcirco totus orbis ingemuit; et miratus est, se, eo ipso tempore, quo Arianam perfidiam detestabatur, subscripsisse formulæ, quæ sensum Arianum habere poterat. Episcopi ergo illi nec *formaliter* fuerunt hæretici, nec etiam *materialiter*, quia verba formulæ etiam in sensu obvio catholica videbantur.

Obijc. IV. Singuli fideles deficere possunt. Ergo et omnes.

R. Neg. conf. Cum enim promissio non ad singulos fideles, sed ad totum Ecclesiæ corpus pertineat, a *distributivo ad collectivum*, ut Scholæ ajunt, non valet conclusio.

Inst. Quod singulis convenit partibus, etiam toti convenire debet. Ergo &c.

R. Dist. ans. Si sermo sit de proprietatibus *essentialibus*, *conc.* Si de *accidentalibus*, *neg.* Sic singuli Senatores jus non habent condendi leges, quod tamen totus Senatus habet. Cujus rei varia congeri possunt exempla.

Inst. Omnes simul fideles libere credunt, et manent in Ecclesia: Possunt ergo deficere omnes simul.

R. Neg. conf. Esi enim omnes libere credunt; tamen, cum fidelis Deus in promissis semper retineat multos per efficacem gratiam, qua *actu* credunt; non possunt simul non credere: cum credere simul, et non credere rationi repugnet; sicut repugnat hominem eodem temporis momento sedere, et ambulare, quamvis libere sedeat, aut ambulet. Cum igitur *impossibile* sic mentiri Deum, erit etiam impossibile, ut Ecclesia deficiat, licet omnes fideles libere credant. Quapropter si consideretur Ecclesiæ *indefectibilitas* ratione divinarum promissionum, cum *physice* impossibile sit, Deum mentiri; erit etiam *physice* impossibile; ut Ecclesia deficiat; si verò consideretur ratione humanæ libertatis, erit tantum impossibile *moraliter*.

Obijc.

Objec. V. & simul Inst. Etiam Leviticum Sacerdotium, ideoque et Synagoga: promiserat Deus in æternum duraturam: *Exod. XXIX. 9. Erunt sacerdotes mihi Aaron, et filii ejus religionem perpetuam*. Quibus similia in aliis leguntur vet. Testamenti locis. Et tamen Synagoga defecit: Ergo divina promissa sunt sub tacita conditione intelligenda; modo scilicet homines non se reddant indignos.

R. Dist. ant. Promisit Deus, Leviticum Sacerdotium duraturum in perpetuum quoad rem significatam, scilicet Christum, ejusque Sacerdotium, et sacrificium, *conc.* Quoad ipsas figuras, *neg.* Cum enim quicquid in veteri illo populo Dei gestum est, figura esset novi, ut saepe monet Apostolus *I. Cor. X. Heb. X. &c.* imò in ipso veteri Testamento promittitur novum, scilicet, novumque sacrificium, quod vetera aboleret, *Ezech. XXXI. 31. Malach. II. 10.* patet; non figuras ipsas, sed res inde significatas, futuras fuisse perpetuas. Condicio autem, quæ temere in objectione fingitur, non solum in Scripturis fundamentum nullum habet, verum etiam abiurata est. Quomodo enim peccata hominum divinas abolerent promissiones, quæ ad ipsa peccata remittenda, atque abolenda institutæ sunt?

§. III.

De Ecclesia veritate, sive infallibilitate in rebus fidei, & morum.

Adv. I. Cum queritur, an Ecclesia infallibilis sit, de rebus dumtaxat ad fidem; et mores pertinentibus sermo est.

II. Ex dictis in superiori articulo certum est, non posse Ecclesiam universam falli in credendis fidei, et morum dogmatibus; si enim totum Ecclesie corpus in fide errare posset, deficere etiam posse manifestum est.

III. Queritur ergo, an non solum in credendis, sed etiam in docendis rebus fidei, et morum Ecclesia falli possit, hoc est, an totum corpus Pastorum Ecclesie (ad hos

hos enim pertinere docendi officium) possit falli in tradendis fidei, et morum dogmatibus.

IV. Et Protestantes quidem communiter id affirmant. Cum enim totam visibilem Ecclesiam deficere doceant, a fortiori cœtum Pastorum, qui pars est ipsius Ecclesiæ, in docendo falli posse statuunt.

PROPOSITIO.

Ecclesia in docendo, hoc est tota collectio Pastorum Ecclesiæ, ad quos officium docendi pertinet, siue sit per totum orbem dispersa, siue in unum congregata, falli non potest in rebus fidei, & morum docendis. Est dogma fidei.

Prob. Ex articulo superiori Ecclesia visibilis deficere non potest, nec in fide errare. Atqui *fides est ex auditu*, ut ait Apostolus Rom. X. 17. Ergo si numquam potest Ecclesia deficere a vera fide, numquam potest deficere vera prædicatio, et doctrina fidei, ac proinde non possunt pastores omnes, ad quos prædicare, et docere spectat, in docendo falli, aut fallere; alioquin oves Christi, fidem non amplius *ex auditu* concipientes, deberent credere contraria iis, quæ a Pastoribus edocentur, atque ideo Ecclesia non esset amplius corpus compactum, et per omnem juncturam subministrationis connexum, ut eam describit Apostolus Ephes. IV. 16. frustraque Christus Pastoribus dixisset: *Qui vos audit, me audit, qui vos spernit, me spernit*, Luc. X. 16. Trahat hoc argumentum egregie Canus Lib. IV. Cap. 3.

Prob. II. ex Scriptura. 19. Itaias LIX. 21. prædicat, Spiritum S. numquam ab Ecclesia discessurum, sed semper in ea servaturum verba Domini. Hoc *sedus meum cum eis*, dicit Dominus: *Spiritus meus, qui est in te, & verba mea, quæ posui in ore tuo, non recedent de ore tuo, & de ore seminis tui amodo, & usque in sempiternum.*

20. Hunc Spiritum Christus ipse promisit Ecclesiæ. Joan. XIV. 16. Ego rogabo Patrem. & alium Paraclytum dabit vobis, ut maneat vobiscum in æternum, Spiritum veritatis: & v. 26. ille vos docebit omnia. &

sug.

suggeret vobis omnia, quaecumque dixerit vobis. . . . Quae verba non solum Apostolis dicta sunt, cum ipsi non deberent manere in terris in aeternum, sed per Apostolos omnibus in ministerio successoribus. Et *Matth. XXVIII. 18. docete omnes gentes. . . .* Ecce ego vobiscum sum usque ad consummationem saeculi; quibus verbis respondet Christus, se adfuturum Doctoribus Ecclesiae usque ad saeculorum finem.

3^o. Hanc promissionem Christum implevisse, docet Apostolus *I. Tim. III. 15. Haec*, inquit, *scribo tibi, ut scias, quomodo oporteat, te in domo Dei conversari, quae est Ecclesia Dei vivi, columna, & firmamentum veritatis*. Hae Apostoli verba mirum est quantum haereticos torqueant. Vident enim, Ecclesiam esse columnam, et firmamentum veritatis, vel quia conservat Scripturas, vel quia ejus officium est tueri veritatem, licet huic officio aliquando desit. Quibus nihil inesse fingi potest; nam etiam Judaei, et haeretici Scripturas conservant, et quique privati tenentur tueri veritatem, licet eam aliquando deserant. Quare Judaei, haeretici, et quique privati dici debent columna, et firmamentum veritatis: quod falsum est. Igitur: Illa societas in docendo falli non potest, cui promissus est, et datus Spiritus veritatis, qui eam ita regit, ut reddat columnam, et firmamentum veritatis. Atqui talis est Ecclesia Christi. Ergo.

Prob. III. ex Patribus. 1^o. Irenaeus Lib. III. cap. 4. Non oportet, inquit, apud alios quaerere veritatem, quam facile est ab Ecclesia sumere, cum Apostoli, quasi in depositarium dives, plenissime contulerint omnia, quae sunt veritatis, ut omnis quicumque velit,umat ex caputem vitae. 2^o. Augustinus Lib. I. Cont. Crescon. Cap. 33. Scripturarum a nobis tenetur veritas, cum id agimus, quod universae jam placuit Ecclesiae, quam ipsarum Scripturarum commendat auctoritas, ut quoniam ipsa Scriptura fallere non potest, quisquis falli metuit alicujus obscuritate quaestionis, eandem Ecclesiam de illa consulat, quam sine ambiguitate sancta Scriptura demonstrat. Celebre est ejusdem effatum Lib. cont. Epist. fundam. cap. 5. Evangelio non crederem, nisi me catholicae Ecclesiae ma-

moveret auctoritas. Item illud *Lib. de hares. cap. ult.* Cur contra ista sentiat Ecclesia catholica, superflue quaeritur, cum propter hoc scire sufficiat, eam contra ista sentire. Accedit, quod Patres omnium saeculorum judicarunt haereticos, qui doctrinam universae Ecclesiae impugnarunt: imo ipsi Protestantes excommunicarunt Arminianos, qui de creis Ecclesiae Protestantium, in synodo Doradracena conditis, obfisteabant. Vide Bossuet *Collation. cum Claudio*, & *H. st. Variat.* Ergo etc.

Diximus autem in propositione, Pastorum omnium collectionem siue per orbem dispersam, siue in unum congregatam falli non posse; quia eadem est Ecclesia, siue dispersa, siue collecta in unum, & Christi promissiones absolutae sunt, nulla apposita conditione siue dispersionis, siue adunationis: nisi quod in collectione Pastorum promptius, & facilius quae sit omnium sententia conspiciatur. Et revera Augustinus *Lib. IV. ad Bonifac. cap. ult.* contra Pelagianos docet, omnes ferme haereses sine generali Pastorum Concilio fuisse ab Ecclesia damnatas: ut omnes haereses ante Concilium Nicenum exortae, & plurimae etiam post ipsum.

Si autem quaeras, quanta Pastorum consensus requiratur, ut aliquid dici possit totius Ecclesiae doctrina, facilis responsio est, non requiri omnium consensum, ne uno quidem excepto; hoc enim vix fieri potest in tanta hominum infirmitate; sed sufficere consensum moraliter unanimum, hoc est tot Pastorum consensionem, ut moraliter dici possit, omnes ita sentire. Hinc *Vincenſius Lirinensis Commonitor.* 1. doctrinam Ecclesiae eam esse, ait, quod semper, quod ubique, quod ab omnibus creditum est.

Objectiones contra hanc propositionem fieri solitas dissolvemus, ubi agemus de Conciliis Oecumenicis.

Scholion.

Franciscus Veronius in *Regula fidei* §. 16. docet, abstinendum esse a voce *infallibilitatis*, cum loquimur de Ecclesiae auctoritate in docendo, eo quod, inquit, Concilium Tridentinum illud solum ut dogma fidei proponit, quod Ecclesiae sit judicare de vero sensu Scriptura-

rum,

rum, nec usquam utitur voce *infallibilitatis*; Ideoque saltem ab hæreticis, ad Ecclesiam redeuntibus, non esse exigendum, ut fateantur, Ecclesiam esse *infallibilem*. Sed ejus auctoris pace dixerim, idem esse judicare de sensu vero, hoc est non aberrare a veritate in judicando, ac esse infallibilem: licet Concilium ab hac Scholastica voce abstinerit. Cum ergo hæretici contrarium doceant, non video cur ab eis exigi non debeat, ut credant, Ecclesiam esse infallibilem. Cæterum modo ipsi rem eandem aliis vocabulis exprimant, ut facit ipse Veronius, de nomine non esse litigandum, concedimus.

C A P. VII.

*De Supremo Interprete Scripturæ, & Traditionis,
& Judice controversiarum fidei, & morum.*

Adv. **O**stendimus *Cap. I.* non omnia ad salutem necessaria contineri in Scripturis; *Cap. II.* Scripturam aliquibus in locis esse obscuram, nec per loca clariora posse explicari: in aliis, licet claram, obscurari falsis hæreticorum interpretationibus: præterea in ipsa Traditione contingere posse obscuritatem, atque ideo requirendum esse interpretem aliquem, qui sit ab ipsa Scriptura, & Traditione distinctus, quique explicare possit quidquid in Scriptura, & traditione obscurum est, ac proinde de omnibus fidei, & morum controversiis judicare. Hunc interpretem ostendimus eodem capite, non esse privatum cujusque spiritum. Nunc ergo, cum *Cap. superiori* explicaverimus Ecclesiæ naturam, notas, proprietates; quis sit legitimus, & falli nescius Scripturæ, & Traditionis interpres, & omnium controversiarum fidei judex, facile inveniemus.

II. Sed hac occasione quæri etiam solet, utrum Ecclesia sit etiam *infallibilis* judex questionum facti.

III. *Facta* autem alia sunt *dogmatica*, scilicet quæ negari non possunt, quin simul negetur & dogma: alia simplicia, nihil cum dogmate connexa: alia quodammodo media; quæ scilicet si negentur, non quidem aperte oppugnantur dogma, sed via sternitur erroribus fidei & moribus oppositis: ut si quis ex. gr. damnans omnes

Ly-

Lutheri hæreses contendant, eas non contineri in libris Lutheri, hic asserit factum, quod licet dogmata catholica aperte non impugnet, tamen viam sternit erroribus.

PROPOSITIO I.

Ecclesia est legitimus, & infallibilis interpret Scripturæ, & Traditionis, & iudex controversiarum fidei, & morum. Est de fide.

Prob. I. In interprete, ac iudice controversiarum quinque conditiones requiruntur. 1^o. ut sit vivens, alioquin discrepantium rationes audire, ponderare, & iudicare non poterit. 2^o. ut sit visibilis, alioquin ad eum non erit accessus. 3^o. ut sit semper manens, et indeficiens, alioquin in ejus defectu nulla erit ratio finiendæ lites. 4^o. ut sit *infallibilis*, alioquin semper ejus iudicium errabit, nec causa dici poterit finita. 5^o. ut auctoritatem habeat coercendi eos, qui iudicio sunt rebelles. Atqui omnes hæ conditiones sunt in Ecclesia. 1^o. enim est vivens, ut patet. 2^o. est visibilis, 3^o. indeficiens. 4^o. infallibilis, ut Cap. superiori ostensum est. 5^o. auctoritatem habet coercendi rebelles, ut habetur Matth. XVIII. 18. *Quæcumque alligaveritis super terram, erunt ligata & in cælis*: & constat ex clarissima Traditione, Ecclesiam omnibus sæculis a tempore Apostolorum hac potestate usam esse. Ergo.

Prob. II. Ex Scriptura. 1^o. Matth. XVIII. 17. ait Christus: *Dic Ecclesiæ, si Ecclesiam non audieris, firmiter tibi sicut ethiæcus & publicanus. Amen dico vobis, quæcumque alligaveritis super terram, erunt ligata & in cælis; & quæcumque solveritis super terram, erunt soluta & in cælis*. Igitur Christus Ecclesiæ auctoritatem dedit de omnibus judicandi, quæ bonis moribus sunt adversa. Atqui non haberet eam potestatem, si non posset judicare de hæresi, quæ capitale peccatum est. Ergo.

2^o. Præterea: qui est veritatis, tamquam depositi, custos, & doctor, imo columna, & firmamentum veritatis, ille est iudex supremus de falsitate, quæ veritati adversa est. Atqui Ecclesia, cui Deus mandavit docere omnes gentes, in qua Deus constituit Pastores, & doctores, ne homines omni vento doctrinæ circumferantur;

cui Apostoli depositum fidei commendarunt ; est veritatis ipsius , tamquam depositi , custos , columna , & firmamentum veritatis , ut supra diximus . Ergo etc.

3^o. Non minus Deus Ecclesiæ Christi consuluit , quam Synagogæ olim providerat , & consuluerat . Atqui in Synagoga constituit Ecclesiasticos Pastores , ut supremos controversiarum iudices , & interpretes Legis . Ergo . *Prob. min Deut. XVII. 8. Si difficile , & ambiguum apud te iudicium esse perspexeris inter sanguinem , & sanguinem , causam , & causam , lepram , & lepram , & iudicium intra portas tuas videris verba variari ; surge , & ascende ad locum , quem elegerit Dominus Deus tuus . Veniesque ad Sacerdotes Leviitici generis , & ad iudicem , qui fuerit illo tempore : queresque ab eis , qui indicabunt tibi iudicii veritatem . Et facies quodcumque dixerint qui præsumt loco , quem elegerit Dominus , & docuerint te juxta legem ejus , sequerisque sententiam eorum ; non declinabis ad dexteram . neque ad sinistram . Qui autem superbiais , nolens obsequere sacerdotis imperio , qui eo tempore ministrat Deo tuo , & decreto iudicis , morietur homo ille , & auferes malum de Israel .* Quod confirmavit Christus *Matth. XXII. 2. Super cathedram Moysi sederunt Scribae , & Pharisei . Omnia ergo , quaecumque dixerint vobis , servate , & facite .* Nihil clarius dici poterat . Vana autem effugia Protestantium refutata reperies apud *Bellarminum Lib. III. de Verbo Dei , Cap. 4. Ergo &c.*

Prob. III. Ex apertissima , et constantissima traditione . A tempore enim Apostolorum per XVIII. Sæcula quæcumque ortæ sunt de fide , & moribus controversiæ , ex ab Episcopis in Synodos collectis decisæ sunt , & rebelles anathemate perculsi . Quem morem ipsi Apostoli servarunt , qui controversiam de legalibus in Concilio Ierosolymitano finierunt : suamque definitionem pronuntiarunt , tamquam sententiam Spiritus S. *Visum est Spiritui S. & nobis . Act. XV. 28. Ergo .*

Prob. IV. Accedit , quod si Ecclesia non esset supremus iudex , & interpretes fidei , & morum , nutaret etiam Scriptura , & Traditio . Pulchre *Augustinus Lib. cont. Epist. fundam. cap. 5. Quibus ego obtemperavi dicentibus , credite Evangelio ; cum eis non obtemperem dicentibus*

bus mihi: noli credere Manichæo, Socino, Luthero, Calvinino etc. ? Infirmitas forte mihi catholicorum auctoritatem, qua infirmata, jam nec Evangelio credere poteris, qui per eos illi credideram?

Prob. V. Denique idem probari potest ex refutatione aliarum sententiarum. Si enim neque Scriptura, neque privatus Spiritus est controversiarum iudex, nullus alius remanet, nisi Ecclesia, alioquin finiri nullo modo possent controversiæ fidei, & inutilis foret divina revelatio.

Obje. Nemo iudex est in causa propria: atqui aliquando ab hæreticis movetur controversia contra ipsam Ecclesiam, utrum scilicet illa sit vera Ecclesia Christi, sicut fiebat a Protestantibus contra Ecclesiam Romanam. Ergo in his controversiis Ecclesia iudex non est.

Ex. Distr. maj. Si sit iudex supremus, *neg.* in unaquaque enim societate summi imperantes etiam in causa propria judicant. Si sit iudex inferior, *Subdistr.* Si ex proprio ingenio, & affectu judicare deber, *conc.* Si a Spiritu S. regatur in judicando, sicut regitur Ecclesia ex Christi promissionibus, *neg.* Si vero hæretici litem moveant, quænam sit vera Ecclesia Christi, facile ex notis Ecclesiæ convinci possunt, eam esse solam Ecclesiam Romanam: cæci autem sunt, qui eam non vident.

Scholion.

Ex iis, quæ supra posita sunt, manifestum est, Ecclesiam non novam accipere, & proponere revelationem, cum aliquid definit, sed explicare clarius, quod antea obscurius credebatur. Tota enim revelatio Apostolis, & Ecclesiæ primitus facta est: sed quia ob humanam infirmitatem aliquando multi fideles dubitant, quid de aliqua controversia revelaverit Deus, hanc dubitationem Ecclesiæ definitio, seu potius declaratio e medio tollit, ut fuisse Vincentius Lirinensis *Commonit. I. Cap. 32.* exponit.

PROPOSITIO II.

Ecclesia est iudex infallibilis in factis mere dogmaticis.

Prob. Facta dogmatica diximus esse ea, quæ negari non possunt, quin simul negetur & dogma: *ex. gr.* quod

Scriptura, & Traditio prædicent, Verbum esse Paræ consubstantialæ, est factum dogmaticum, quod si quis neget, etiam neget necesse est ipsum dogma. Ergo non potest Ecclesia esse infallibilis in dogmatibus proponendis, quin simul in hujusmodi factis infallibilis sit; unde hæc propositio a præcæ non differt, atque æque ad fidem pertinet.

PROPOSITIO III.

In factis simplicibus, quæ asserti, & negari possunt, salvis fidei, & morum dogmatibus, Ecclesia infallibilis non est.

Prob. I. In hujusmodi factis decidendis Ecclesia utitur adminiculis errori obnoxiiis, hominum scilicet testimoniis. Ergo ejus definitio non potest esse ab omni erroris periculo immunis.

Prob. II. Ex consensu omnium Theologorum, quorum longam seriem texuit Carolus Witasse, & Opswaet. Vnum sufficiat citare Bellarminum, qui Lib. IV. de Sum. Pont. Cap. 2. hæc ait: Conveniunt omnes Catholici, & hæretici, posse Pontificem, etiam ut Pontificem, & cum suo cæsu Consiliariis, vel cum Concilio generali errare in controversiis facti particularibus, quæ ex informatione, testimonioque hominum præcipue pendent.

PROPOSITIO IV.

Putandum non est, Ecclesiam umquam falli in definiendis factis mixtis, in quibus falsitas viam sterneret erroribus, qualis est præcipue censura librorum in rebus ad fidem, & bonos mores persistentibus.

Prob. Ecclesia in suis Pastoribus potestatem a Christo accepit pascendi ejus oves. *Pasce oves meas: Joan. XXI. 17.* Ergo putandum non est, Pastores umquam falli in judicando, ubinam sint pascua ovibus noxia. Hujus enim judicii falsitas ovibus ipsis non mediocriter noceret.

Prob. II. Ecclesia omnibus sæculis hujusmodi facta definivit, imo aliquando pœnis coercuit eos, qui ejus mo-

modi definitionibus parere nollent. Sic in Concilio Nicæno non solum hæresim, sed & personam, & scripta *Arii* damnavit. In Concilio Chalcedonensi non prius admisit *Theodoretum*, quam damnavit non solum hæresim, sed et personam *Nestorii*, quem antea ab errore excusaverat. In Concilio generali V. declaravit, hæresim *Nestorii* contineri in libris *Theodori Mopsuesteni*, & *Theodreti* contra *Cyrillum*, & in Epistola *Iba Edeffeni* ad *Marim Persam*, eaque scripta anathemate damnavit. Hæc sunt tria Capitula Concilii V. Ex quibus, aliisque longa serie relatis a *Tournely*, sic conficitur argumentum. Id fideles debent de Ecclesia sentire, quod ab ipsis Ecclesia exigit, alioquin dicendum esset, injuriam fidelibus irrogare Ecclesiam universam, cum id exigit, quod illi facere non tenentur. Atqui Ecclesia, hujusmodi facta definiens, exigit a fidelibus, ut hujusmodi definitiones uti veras recipiant. Ergo ipsam unquam falli, putandum non est.

Prob. III. Si Ecclesia falleretur in hujusmodi factis *et. pro* declarando librum aliquem hæresi infectum; falli posset etiam in damnandis propositionibus a libro avulsis. Quid enim aliud est liber, nisi multarum propositionum collectio? Atqui ex demonstratis in *I. Prop.* & farentibus catholicis, Ecclesia, in damnandis propositionibus a libro avulsis, falli non potest. Ergo &c. Hinc doctissimus *Novissus Apolog. Monach. Scyth.* loquens de damnatione trium Capitulorum in Concilio V. ait: *Quo judicio demonstratur, in damnandis propositionibus in sensu ab auctoribus intento, non errare Ecclesiam, neque latum ab ea semel judicium posse retrahari.*

Dices. Omnes Theologi, qui ante *Jansenium* floruerunt, ingenue professi sunt, falli posse Ecclesiam non solum in factis simplicibus, verum etiam in mixtis. Instar orationum sit *Bellarminus*, qui *Lib. IV. De Rom. Pont. Cap. II.* loquens de VI. Synodo, quæ damnavit Honorium: *Tuto, inquit, dicere possumus, hos Patres, deceptos ex falsis rumoribus, & non intellectis Honorii Epistolis, immerito cum hæreticis connumerasse Honorium.*

R. *Transseat ant.* quod negari posset, cum nemo conceptis verbis asseruisse videatur, Ecclesiam falli pos-

se in expendendo Librorum sensu, sed tantum in factis singularibus, quæ ex hominum testimonio judicari debent, ut sunt ea, quæ pertinent ad personas vel damandas, vel absolvendas. Ipse *Bel armus*, in objectione laudatus, ait, deceptos Patres VI. Synodi in damanda *Honorii* persona ex falsis rumoribus, atque ex ejus Epistolis, quas putarunt, eum scripsisse mente, atque animo hæretico. Dixi autem *transcat*, quia etsi dixerimus, scripsisse Theolo- os, Ecclesiam in hujusmodi factis absolute falli posse, flaret adhuc quod in propositione affirmavimus, scilicet non esse putandum, id unquam accidere.

PROPOSITIO V.

Nemini privato licet Ecclesie judicio in factis mixtis reluctari eo pretextu, quod Ecclesia, absolute loquendo, in hujusmodi factis judicandis falli possit.

Prob. I. Si reluctari liceret judicio Superiorum eo pretextu, quod absolute falli possent, universa hominum societas pessum iret. Non audiendi essent parentes, non magistri, non amicorum exposcenda consilia, non magistratibus obtemperandum: imo nullum fieri posset judicium ex testimonio hominum; omnes enim absolute falli possunt. Atqui Ecclesie judicium longe majoris est ponderis, quam omnia judicia hominum. Ecclesie enim Pastoribus dictum est: *Qui vos audit, me audit; & Si Ecclesiam non audierit, sit tibi sicut ethnicus, & publicanus*: Ergo a fortiori non licet Ecclesie judicio reluctari. Hinc *Petrus Aurelius*: *Consensus*, inquit, *Ecclesie, etiamsi verbo Dei non contineatur, certitudinem habet omni humana majorem, adeo ut illi obstrepere, sit erroneum*. Tum notat, plures hæreticos, licet in Conciliis particularibus (quæ uniusque falli possunt) damnatos, ab omnibus fidelibus fuisse rejectos. Hinc etiam *Gregorius M. Lib. I. Ep. 24. Quintum Concilium*, inquit, *pariter veneror, in quo Epistola, quæ ibi dicitur, erroris plena damnatur . . . cunctas, quas præfata veneranda concilia personis respuunt, respuo . . . quia dum universi sunt consensu constituta, se,*

se, & non illa destruit, quisquis presumit aut solvere quos ligant, aut religare quos solvunt.

Prob. II. In rebus dubiis legitimo Pastori obtemperandum est; inquit enim Bernardus *Lib. de Precept. & dispens. Cap. 9.* Ipsum, quem pro Deo habemus, in iis, quæ non sunt contra Deum, audire debemus. Atqui quando Ecclesia de aliquo facto judicavit, quæcumque rationes in contrarium adducantur, ad summum rem efficere possunt dubiam, nisi quis forte adeo insolenter superbus sit, ut putet, se melius rem perspexisse, quam totam Ecclesiam. Ergo in eo dubio Ecclesiæ obtemperandum est.

Obje. Quando judicium est evidenter falsum, & injustum, obedire non licet. Atqui aliquis, legens ex gr. librum. proscriptum, potest evidenter cognoscere, Ecclesiam in ejus Libri damnatione deceptam esse. Ergo.

R. Dist. maj. Quando judicium est evidenter falsum evidentiâ vera, *conc.* Falsa, *neg.* *Dist.* etiam *min.* potest id evidenter cognoscere evidentiâ falsa, & apparenti, *conc.* Vera, *neg.* Cum enim sæpe nos falli contingat in iis, quæ evidenter vera videbantur, prudentia exigit, ut judicium nostrum non præferamus judicio Ecclesiæ, cui datum est oves Christi pascere, cui promissus est Spiritus veritatis, quam qui spernit, Deum ipsum spernit. Unde enim oriri potest nostra persuasio, & evidentiâ, nisi ex insolentissima superbia, qua putamus, nos plus intelligere, quam Ecclesiam?

Corollaria.

I. Hinc inferes, multo minus Ecclesiam errare posse in approbanda disciplina, quæ ubique terrarum servatur: Quod enim tota facit Ecclesia, id an sit faciendum, disputare; insolentissime insanie est, inquit Augustinus *Epist. LIV. al. CXVIII.*

II. Ex quo sequitur, etiam putandum non esse, Ecclesiam umquam falli in *canonizatione* Sanctorum. Maximi enim momenti est res hæc, in qua credendum non est, Ecclesiam ita a Spiritu Sancto deseri, ut hominem damnatum cultui fidelium exponat.

III. Denique eadem de causa Ecclesia falli non po-

rest in probandis, coarmandisque regulis, ac institutis Ordinum Religiosorum, declarando scilicet, nihil in iis esse institutis Evangelio, bonitque moribus adve sum. Utrum autem novum Religiosorum ordinem fundari expediat, non e scientia id solum, sed etiam ex prudentia pendet, variisque temporum, & locorum circumstantiis, factique potius, quam dogmatis quaestio est, ut observat *Melchior Canus Lib. V. Cap. 5.*

C A P U T VIII.

De regimine Ecclesiae.

Adv. **D**iximus *Cap. superiori*, Ecclesiam in definiendo falli non posse. Sed quoniam intelligi non potest, quandonam definitio aliqua pro legitima Ecclesiae definitione habenda sit, nisi cognoscatur etiam, quale sit ipsius Ecclesiae regimen; ad illud explicandum veniamus, fusis tamen prius ad Patrem luminum enixis precibus, ne nos in re tot controversiis agitata, tantique momenti, a veritate aberrare patiarur.

II. Lutherani, ut *Buddeus Inst. Lib. V. Cap. 3. §. 17.* *Pufendorfius De habitu relig. Christi. ad vit. Civ.* alique rideant catholicos, eo quod disputent, utrum Ecclesiae regimen sit *monarchicum*, an *aristocraticum*, an denique *democraticum*, cum haec vocabula ad terrenos principatus pertineant; at contra Ecclesiae pastoribus dixerit Christus *Luc. XXII. 25. Reges gentium dominantur eorum... vos autem non sic*, & alibi *Joan. XVIII. 36. Regnum meum non est de hoc mundo*. Sed fallit eos ratio: cum enim quaerimus, an Ecclesiae regimen sit *ex. gr.* monarchicum, non quaerimus, utrum Ecclesia civilem potestatem habeat, qua possuntur monarchae, sed utrum potestas illa spiritalis, quam Christus Ecclesiae dedit, resideat in uno, sicut potestas civilis in uno principe residet in regimine monarchico.

III. Calvinistae scinduntur in partes duas, nempe Presbyterianos, & Anglicanos Episcopales. Primi post *Aerium*, & *Wiclefium* docent, presbyteros omnes paris esse inter se potestatis, nec Episcopis jure divino esse minores: quod systema *Dallens*, *Blondellus*; *Basnagius*,
Sal.

Salmasius toto conatu adstruere moliti sunt. Posteriores vero agnoscunt Episcoporum supra presbyteros iure divino statutam potestatem. Ceterum Protestantes omnes regendæ Ecclesiæ potestatem aliquo pacto a populo pendere volunt, & a monarchico Ecclesiæ regimine valde abhorrent (a).

IV. Edmundus Richerius *Lib. de Ecclesiastica & politica potestate*; formam Ecclesiastici regiminis esse docuit quodammodo democraticam, licet, ad declinandam catholicorum offensionem, vocaverit etiam monarchicam, aristocratiam temperatam. Statuit enim, Christum potestatem clavium ipsi Ecclesiæ dedisse, sed eam potestatem exerceri ab Episcopis; tamquam Ecclesiæ ministris; sicut in democratiâ suprema potestas est penes populum, quæ tamen à Magistratibus, tamquam populi ministris, exercetur. Hoc systema statuerat antea *Tostatus Abulensis in Cap. XV. Num. Quest. 49.* illudque post Richerium avidè arripuerunt *Febonius*, *Dupratus* (b), alique. Sed Richerius, agente Cardinali Richelæo, sententiam retractavit, licet ejus sectatores hæc retractionem vi, metuque extortam fuisse, calumniarentur. *Marc. Antonius de Dominis De Repub. Eccles. Lib. I.* docet, regimen Ecclesiæ esse Aristocraticum, sed democratiâ quadam temperatum. Quidam *Jean. Sarazin* absolute

mo-

(a) Mirum est *Laurentii Moshemii* systema, seu potius fabula. Ait enim, principio Ecclesiæ regimen fuisse democraticum; mox Presbyteros, seu seniores paulatim omnia ad se traxisse, atque imminuisse privilegia populi, ita ut regimen evaserit Aristocraticum. Tandem inter ipsos Presbyteros unum Episcopum usurpasse principatum. Hoc systema ipsimet hæretici solide confutarunt, *Beveregius in Observationibus in Canones Ecclesiæ primitivæ Lib. II. Cap. 11.* *Pearson in Vindiciis Evangelicis Pars. II. Cap. 13.* *Cotelerius in Epist. Ignaz. e nostris* vero *Petavius De Ecclesiastica Hierarchia, Natalis Alexand. Dissert. XLIV. in Hist. Eccl. Sac. IV.* *Carolus Witsæ De Sacram. Ord.*

(b) *Febonius Lib. de Statu Ecclesiæ, Tom. I. Cap. 1. §. 2. n. 6.* *Dupin Dissert. VI. De Antiqua Eccles. Discipl. §. 1. n. 24.*

monarchicum statuit, ita ut omnes potestates Ecclesie sint a Papa quantum ad institutionem, & collationem; quam sententiam olim Turrecremata, Caseranus, mox P. Laynez cum nonnullis aliis Theologis in Concilio Tridentino, cum Episcoporum indignatione, propugnavit. Vide Palavicinum in Hist. Conc. Trid. Bellarminus Lib. 1. de Rom. Pont. Cap. 1. statuit, esse monarchicum, aristocratia temperatum; quæ communior sententia Catholicorum est.

PROPOSITIO I.

Potestas regendi, & pascendi non est a Christo data, immediate ipsi Ecclesie communitati, sed Pastoribus.

Prob. I. ex Scriptura. 1^o. Christus Matth. XXVIII. 18. solis Apostolis dixit: *Data est mihi omnis potestas in Cælo & in terra: Euntes ergo docete omnes gentes, &c.* Ergo non immediate ipsi Ecclesie communitati, sed Apostolis, eorumque successoribus potestas a Christo data est.

2^o. *Confirmatur.* Christus citato loco Apostolos, eorumque successores constituit Magistros, & Doctores Ecclesie, per eos colligendæ. At absurdum est, Magistrum accipere potestatem docendi a discipulis, qui nondum existunt, sed adhuc colligendi sunt, & non potius immediate ab eo, a quo constituitur Magister. Ergo.

3^o. Præterea ipse Christus Joan. XXI. 15. & seq. Petro dixit: *Pasce agnos meos; pasce oves meas:* Petrus autem Epist. I. Cap. V. 2. omnibus Ecclesie Pastoribus scribit: *Pascite, qui in vobis est, gregem Dei;* & Apostolus Act. XX. 28. *Attendite vobis, & universo gregi:* imo sæpiissime in Evangelio Communitas Ecclesie vocatur *grex Christi, ovile Christi;* Atqui absurdum est, potestatem pascendi non a domino gregis Pastoribus immediate dari, sed ipsis ovibus, quarum natura est, ut pascantur, non ut pascant. Ergo &c.

4^o. Accedit, quod Apostolus I. Cor. XH. & Ephes. V.

V. Ecclesiam describit ut corpus, in quo varia membra ab ipso Deo per electionem, & vocationem suam posita sunt, quorum alia præsunt, alia subsunt. Ergo potestas præsidenti, & regendi data est divinitus immediate ijs, membris, quibus datum est præsesse, & regere, non ijs, quibus subesse, & regi concessum est.

5º. Denique quid clarius iis Christi verbis *Matth. XVI. 18. Tu es Petrus, & super hanc petram aedificabo Ecclesiam meam, & Tibi dabo claves Regni cælorum?* Igitur si Christus potestatem *universam* dedisset Ecclesiae communitati, non dixisset Petro, *tibi dabo claves*, sed *Ecclesiae dabo claves*. Atqui &c. Ergo &c.

Prob. II. ex Traditione, scilicet ex testimonio Patrum, qui dicunt, Episcopos immediate a Christo potestatem suam habere, quos infra citabimus.

Solvuntur Obiecta.

Obiic. Augustinus *Serm. XVI. de divers.* ait: *Petrus multis in locis Scriptura personam gestat Ecclesiae, maxime illo in loco, ubi dictum est: tibi dabo claves Regni cælorum.* Ideo sæpe repetit Augustinus, claves datas esse Ecclesiae, ut *Serm. I. de Verb. Dom. Tract. L. in Joan. & alibi.* Ergo.

R. Neg. conf. Claves enim datas esse Ecclesiae, Augustinus, alique Patres ideo docent, quia potestas non data est a Christo Apostolis, ut singularibus personis, ita ut cum ipsis peritura esset; sed ut semper in Ecclesia duraret, scilicet transmissa successoribus Apostolorum in commodum Ecclesiae, sicut cum dicimus, Ecclesiam habere potestatem dimittendi peccata, non intelligimus, potestatem hanc esse in Ecclesiae communitate, sed in sacerdotibus ad utilitatem Ecclesiae. Uno verbo: sicut dicimus; corpus humanum habere cerebrum; quia cerebrum est in capite, sic dicimus Ecclesiam habuisse a Christo potestatem, quam ejus Pastores habuerunt.

Inst. Defuncto Petro, potestas clavium in Ecclesia remansit. Ergo Ecclesiae primario loco *universa* data erat.

R. Dist. ant. Remansit in Ecclesia, hoc est in Ecclesiae communitate, *neg.* in Ecclesia, h. e. in pastoribus Ecclesiae, Petro inferioribus, *Subdist.* remansit potestas, nulli

nelli superiori obnoxia, *neg.* Pendens a successore eligendo, cui ipse Christus sua promissione, primaque institutione potestatem Petri communicat, *concedit.*

PROPOSITIO II.

Singuli Apostoli, eorumque successores Episcopi immediate a Christo potestatem regende Ecclesie habuerunt.

Prob. I. Christus Matth. XXVI. 1. 19. omnibus Apostolis dixit: Euntes docete omnes gentes &c. et Matth. XVI. 15. Euntes in mundum universum, predicate Evangelium omni creature: & Joan. XX. 21. sicut misit me Pater, & ego mitto vos. Paulus etiam docet, se esse Apostolum non ab hominibus, neque per hominem, sed per Jesum Christum, & Deum Patrem. Galat. I. 1. Sed Episcopos Apostolorum successores esse, omnes Patres docent. Cyprianus Epist. LXIX. Christus, inquit, dicit ad Apostolos, ac per hos ad omnes Praepositos, qui Apostolis vicaria ordinatione succedunt. Hieronymus Epist. LIV. Apud nos Apostolorum locum Episcopi tenent. Idem docet Augustinus in Ps. XLIV. Gregorius M., alique; imo & ipsum Conc. Tridentinum Sess. XXIII. Cap. 4. & can. 6. Ergo. Vide Thomassinum P. I. Lib. I. Cap. 60.

Merito igitur Parisiensis facultas ad palinodiam compulsa Joannem Sarrafinum, Nicolann Quadrigarium, Joannem Munerium, qui contrariam doctrinam expositis thesibus propugnaverant.

Solvuntur Obiecta.

Obje. I. Optatus Milevitanus Lib. VII. cont. Parmenian. ait: Bono uditatis B. Petrus, cui satis erat, si, postquam negavit, solum veniam sequeretur, & praeferi omnibus Apostolis meruit, & claves Regni caelorum communicandas ceteris solus accepit. Ergo omnes Apostoli non acceperunt aequalis potestatem a Christo, sed a Petro,

R. Neg. conf. Non enim ait Optatus, claves commu-

municandas ceteris a Petro: possumus ergo eum ita commode interpretari, ut non adverteatur claris Scripturæ, & aliorum Patrum testimoniis: scilicet B. Petrum solum accepisse primum claves, quæ postea ceteris etiam Apostolis a Christo communicandæ erant, servato tamen debito ordine ad Petrum eorum caput. Mirum autem est, adversarios adeo urgere locum unius auctoris obsecrum, qui, etsi esset clarus, adversus Scripturam, & traditionem prævalere non posset.

Objic. II. Leo M. *Serm. III. Ann. Assumptionis suæ:* Magnum, inquit, & mirabile, dilectissimi, huic viro, sc. Petro, consensum potentia suæ tribuit divina dignatio: & si quid cum eo commune ceteris voluit esse principibus, numquam, nisi per ipsum dedis quicquid aliis non negavit. Idem docet Epist. X. Dominum ab ipso Petro, quasi quodam capite, dona sua velut in corpus omne diffudisse. Innocentius I. alique PP. affirmant, Petrum fuisse initium, exordium, originem, fontem, auctorem Episcopalis auctoritatis. Ergo.

R. *Neg. conf.* Cum enim Leo M. alique ajunt, per Petrum datas esse Apostolis claves, aut ipsum Petrum fuisse auctorem, fontem &c. auctoritatis Episcopalis, volunt, per ea verba *Matth. XVI. Tibi dabo claves*, omnibus Apostolis datam esse potestatem per Petrum, h. e. in persona Petri, qui pro omnibus Christo interroganti responderat; ac proinde omnes Apostolos repræsentabat; ita tamen, ut hæc potestas in ipso Petro, tamquam in capite resideret.

Objic. III. Christus optimam regiminis formam in Ecclesia constituit. Atqui optimum regimen est monarchicum, in quo omnes magistratus potestatem accipiunt ab uno. Ergo.

R. *Dist. min.* In politicis, *conc.* In Ecclesiasticis, *neg.* Christus enim voluit, Ecclesiæ suæ regimen non esse absolute monarchicum, sed quadam aristotatia mixtum. Idecirco judicare debemus, formam hanc regiminis, a Christo statutam, fuisse, & esse meliorem.

PROPOSITIO III.

Romanus Pontifex jure divino habet super omnes Episcopos primatum non solum honoris, sed etiam jurisdictionis. Est de fide.

In hanc thesim hæretici omnes, & schismatici, licet in ceteris inter se discordes, velano furore debacchantur. Ut ceteros prætermittam, *Waldenses* sedem Romanam *purpuratam* *hereticam* appellabunt. *Lutherani*, & *Calvinistæ* post *Wiclefium* solum Antichristi vocant, ipsumque Pontificem docent esse Antichristum. Græci Schismatici Constantinopolitanum Episcopum, quem paulatim ab ann. CCCLXXXI. in Concilio Constant. contra canones extollere cœperant, & in Chalcedonenſi patrem quodammodo fecerant Romano Pontifici; volent esse primum, & universalem Episcopum: Rom. vero Pontificem esse schismaticum, imo & hæreticum propter additam Symbolo particulam *Filioque*.

Prob. prop. unico syllogismo. Petrus a Christo super omnes Apostolos accepit primatum non solum honoris, sed etiam jurisdictionis. Atqui Romanus Pontifex Petro succedit non solum in Episcopatu, verum etiam in primatu. Ergo &c.. Vtrique ex præmissis negatur ab hæreticis.

Prob. itaque major. I. ex Scriptura. *Matth. XVI. 18.* cum Petrus, tacentibus ceteris Apostolis, Christo interroganti respondisset: *Tu es Christus Filius Dei vivi*, respondit Christus: *Et ego dico tibi, quia tu es Petrus, & super hanc petram edificabo Ecclesiam meam, & porte inferi non prævalebunt adversus eam. Et tibi dabo claves Regni cælorum; & quodcumque ligaveris super terram, eris ligatum & in cælis, & quodcumque solveris super terram, eris solutum & in cælis.* Atqui ridiculum est asserere, per verba tam gravia, tantamque emphasim nihil Petro datum præ ceteris Apostolis. Ergo.

2º. Christus *Joan. XXI. 15.* cum Petrum interrogasset, utrum eum plusquam ceteri diligeret, subdit: *pasce agnos meos, pasce oves meas.* Atqui frustra majorem dile-

ctio-

tionem exegisset, si non donasset altiore principatum, qui satis exprimitur per verba illa *pasce agnos; b. e. fideles, pasce oves*, *b. e. ipsos Episcopos*, qui sunt respectu fidelium, sicut oves respectu agnorum. Ergo.

3^o. Quoties Evangelistæ Apostolos enumerant, semper Petrum nominant *primum*, vel primo loco. *Matth. X. 2. Apostolorum nomina hæc sunt: primus Simon, qui dicitur Petrus*. Similia habes *Mar. III. 16. Luc. VI. 14. Act. I. 13*. Atqui hoc non accidit, quia Petrus esset senior, vel prior ad Apostolatam vocatus, vel plus ceteris dilectus a Christo. Nam ex Evangelio constat, Andræam vocatum fuisse primum: ex *Epiphania* habemus, ipsum Andræam fuisse ceteris seniore, *Hæresi LI. ex Evangelio Joannis* constat, ipsum Joannem propter virginitalis prærogativam fuisse plus ceteris dilectum; ita ut per antonomasiam diceretur *discipulus, quem diligebat Jesus. Joan. XXI. 7*. Ergo primus inter Apostolos recensetur Petrus propter primatum, quem a Christo accepit.

4^o. Ille primatum honoris, & jurisdictionis habuit a Christo, qui ejus primatus actus exercuit. Atqui Petrus id fecit. Nam ipse prior proponit in concilio discipulorum electionem alterius Apostoli loco *Jude*: ipse prior die Pentecostes Evangelium prædicat, ipse prior Gentiles in Ecclesiam admittit, ipse prior in Concilio Jerosolymitano de observatione legalium sententiam dicit. Ergo.

Prob. II. ex Traditione. 1^o. Ex PP. Græcis. Basilus Serm. de Judicio Dei, de Petro ait: Ille beatus, qui ceteris prelatas discipulis fuit. Epiphanius Hæresi LI. Petrum elegit Christus, ut dux esset discipulorum. Chrysostomus Hom. XIV. in Joan. Deus solus concedere potest, ut futura Ecclesia immobilis maneat, cujus Pastor, & caput est homo piscator. Idem sæpissime repetit, & inculcat aliis in locis, ut Homil. LV. in Matth. & alibi (a).

2^o. Ex

(a) Adde Origenem *Hom. V. in Exod. & in Epist. ad Rom. Nazianzenum Orat. De Moderat. serv. Cyrillum Lib. II. Cap. 2. in Joan. Theophilactum in Cap. XXII. Luc. Euthymium in Cap. XVI. Matth.*

2°. Ex Latinis. 1°. Ambrosius in *Cap. XII. Ep. 2. Cor. Primatum*, inquit, non accepit Andreas, sed Petrus. 2°. Hieronymus *Lib. 1. cont. Iovin.* Inter duodecim unus eligitur, ut capite constituto, schismatis solvatur occasio. 3°. Leo M. *Serm. 3. de Assumptione sua ad Pontif.* De toto mundo unus Petrus eligitur, qui & universarum gentium vocationi, & omnibus Apostolis, cunctisque Ecclesie Patribus preponatur, ut quamvis in populo Dei multi sacerdotes sint, omnes tamen proprie regat Petrus, qui principaliter regit & Christus. 4°. Augustinus *Serm. XV. De Sanctis.* Petrum itaque fundamentum Ecclesie Dominus nominavit, & ideo digne fundamentum hoc Ecclesia colit, supra quod Ecclesiastici aedificii altitudo consurgit (b). Innumera alia PP. loca vide apud Nat. Alexandrum *Dissert. IV. in Hist. Eccl. Sec. I.* Bellarminum *totum Lib. 1. de Rom. Pont.* & alios (c).

Prob. minor ex perpetua Traditione. 1°. Patres uno ore docent, Romanos Pontifices esse Petri successores. Cyprianus *Epist. LII. ad Antonian.* Factus est, inquit, Cornelius Episcopus, cum Fabiani locus, id est cum locus Petri, & gradus cathedre sacerdotalis vacaret. Optatus *Lib. II. cont. Parmen.* Sedit prior Petrus, cui successit Linus, Lino successit Clemens & post enumeratam seriem Pontificum; Liberio Damasus, Damaso Syricius, qui noster est focus. Idem facit Augustinus *Epist. LIII. al. CLXV. ad Genorofum*, deducens Pontificum seriem a Petro usque ad Anastasium; Petro successit Linus, Lino Clemens &c. . . . Syricio Anastasius . . . qui nunc super eandem Cathedram sedet. Hieronymus *Ep. XIV. ad Damas.* Cum successore piscatoris loquor . . . Beatitudini sue, id est cathedrae Petri communione consocior. Unde

pa.

(b) Adde Tertullianum *Lib. de Prescript.* Cyprianum *Epist. ad Quintam*, & alibi saepe. Hilarium in *Cap. XVI. Math.* Augustinum *Serm. XV. De Sanctis*, & *Psalm. cont. part. Do. m.* Paulinum *Epist. IV. ad Severum*. Gregorium M. *Lib. VI. Epist. 37. ad Eulog.* & alios.

(c) In Bibliotheca Roccaberti.

pater impudentia *Ulrici Velens* Lutherani, qui integro libro contra omnium veterum fidem asseruit, Petrum numquam Romæ fuisse; nec non *Calvini Lib. IV. In-
stit. Cap. 6. §. 15.* qui docet, Petrum fuisse quidem Romæ, sed non ut Episcopum. Quæ somnia qui fu-
sus confutare vellet, frustra tempore abuteretur. Vide,
si lubet, *Bellarminum Lib. II. De Rom. Pont. a Cap.
1. ad 12. & Nicolaum Pallavicinum* singulari opere
de hoc argumento.

2º. Patres, Romanam sedem primatum habere, semper
docuerunt. *Irenæus Lib. III. Cap. 3. Ad hæc, inquit,
Ecclesiam propter potentiorē principalitatem necesse est,
omnem convenire Ecclesiam, hoc est eos, qui sunt un-
dique fideles.* *Cyprianus Epist. LV. Navigare audent
ad Petri cathedram, atque ad Ecclesiam principalem.*
*Augustinus Epist. XLIII. In Romana Ecclesia semper
Apostolice cathedra viguit principatus, Prosper Carm.
de Ingrat. Cap. 2. Sedes Roma Petri, quæ Pastoralis
honoris. Facta caput mundi, quidquid non possidet armis,
Religione tenet.* &c.

3º. Item Patres affirmant, ad Rom. Pontificem ap-
pellari posse a iudicio synodorum, ad eumque pertine-
re etiam causas Ecclesiæ majores: quæ duo in Jure
Canonico tractantur uberius. Ergo ex constanti traditio-
ne Romanus Pontifex habet in Ecclesiâ universâ prima-
tum non solum honoris, sed etiam jurisdictionis: (a)
Vnde merito Concilium Florentinum, præsentibus etiam,
& suffragantibus Græcis *Sess. VI. definivit, Sanctam
Apostolicam sedem, & Rom. Pontificem in universum
orbem tenere primatum, & ipsum Rom. Pontificem suc-*
Tom. I.

(a) Vide aliorum Patrum testimonia apud *Bellarminum*, &
alios supra laudatos, quæ omnia recitare non patitur instituti
brevitas. Loca sunt *Athanassi Apolog. II. & Epist. ad Peli-
con. P. Basilii Epist. LII. ad Athanasii, Cyrilli Alex. Epist. X.
XI. & XVIII. Socrum Lib. III. Cap. 7. Optati Lib. III. Cons.
Parmen. Ambrosii in Cap. 3. 1. ad Tim. Lirinenæ in Comma-
nis. Bedæ Lib. II. Hist. Cassiodori Lib. XI. Epist. 2. Auselmi Lib.
de Patris. Cap. 1. Bernardi Lib. II. de Consid. & aliorum.*

cessorem esse B. Petri principis Apostolorum, & verum Christi Vicarium, totiusque Ecclesie caput, & omnium Christianorum Patrem, & Doctorem existere, & ipsi in B. Petro pascendi, regendi, & gubernandi universalem Ecclesiam a Domino nostra Jesu Christo plenam potestatem traditum esse, quemadmodum etiam in *gosis concumenicorum Concistorum*, & in *Sacris canonibus continetur*, ut constat ex Concilio Nicæno, Constantinopolitano I., Ephesino, Chalcedonensi, Lateranensi IV. Instar omnium sit Chalcedonense Concilium, in quo *Ast. I.* Leo M. dicitur Apostolicum thronum gubernare, sedesque Romana Caput omnium Ecclesiarum. Et *Ast. II.* cum Epistola Leonis lecta esset, Patres omnes exclamarunt: *Anathema, qui ita non credit: Petrus per Leonem locutus est.* Item *Ast. III.* de Dioscoro Alexandrino Patriarcha, quem Leo damnaverat, inquitur: *Santissimus Arab episcopus magna Roma una cum beatissimo Petro, qui est petra, & crepido catholice Ecclesie, & Ille qui est recte fidei fundamentum, nudavit eum episcopatus dignitate. Quid poterat dici luculentius; & gravius? Ergo, &c.*

Supra de his, quæ obijciuntur a Novatoribus, hæc sunt hæc solvantur Objectiones.

Novatores putantes, saltem numero objectionum, quamvis ineptarum, posse vincere, tam multa congerunt contra primatum Papæ, ut ea hic complecti omnia nec valet, nec juvet. Post ea, quæ Nilus Thessalonicensis, Lutherus, Melancthon, Calvinus, Brenz, Illyricus, alique scripserant, Claudius Salmasius octo integros Libros contra Papæ primatum evomuit. Præcipua argumenta dissolvemus.

Obje. I. Petrus non habuit a Christo primatum jurisdictionis. Nam verba illa *Matth. XVI. Super hanc petram edificabo Ecclesiam meam*, non intelliguntur a Patribus de Petro, sed de Christo, qui est *Petra I. Cor. X. & fundamentum*, præter quod nemo potest aliud ponere *I. Cor. III.* id est de professione divinitatis Christi. Hinc Hieronimus *Lib. VI. de Trin.* verba illa *super hanc petram edificabo &c.* sic explicat: *super hanc confessionem petram.* Et Cyrillus Alex. *Lib. IV. de Trin.*

jicit, sed multa iterum tractat ad meliorem rei explanationem, quod proprie Latini *retrahere* dicunt. Genuinus ergo sensus ejus loci *Tu es Petrus, & super hanc petram edificabo Ecclesiam meam*, hic est: *Tu es Petra* (hoc enim significat Syriacum nomen *Cephas*, licet Latinus & Græcus interpret masculino genere dixerit *Petrum*) & *super hanc petram, h. e. super te edificabo Ecclesiam meam*. Non enim recto sensu, atque ad litteram dicere poterat: *dico tibi, quia tu es Petra, & super me edificabo Ecclesiam meam*. Patres tamen laudata verba extenderunt ad *Christum*, qui *Petra* est sine ulla dubitatione principalis. En verba Augustini loc. cit. Dixi in quodam loco de Apostolo Petro, quod in eo, tamquam in petra, fundata esset Ecclesia, qui sensus cantatur in ore multorum ex v. sibus B. Ambrosii: *hec, ipsa petra Ecclesia, canente, culpa diluit* (Ecce non reprobatur hanc interpretationem, quam agnoscit esse Ambrosii, & cantari in Ecclesia): *Sed scio, me postea sepius sic exposuisse, ut super hanc petram intelligeretur, quem Petrus confessus est*.

Obje. II. Omnibus Apostolis pariter dictum est a Christo: *Quaecumque alligaveritis super terram, & erunt ligata & in caelis*: *Matth. XVIII. 18.* Sicut misit me Pater, & ego mitto vos. *Joan. XX. 21.* Unde Paulus ait, fideles superedificatos esse super fundamentum Apostolorum, & Cyprianus *Lib. De Unit. Eccl.* Hoc erant usque ceteri Apostoli, quod fuit & Petrus. Imo ipse Leo M. *dis. Ser. III.* in ea verba: *tibi dabo claves*, inquit: *Transiit quidem etiam in alios Apostolos jus potestatis istius, & ad omnes Ecclesie principes decreti hujus constitutio commeaui*. Ergo Petrus non habuit super Apostolos primatum jurisdictionis.

R. Dist. ant. Omnibus Apostolis dictum est a Christo *quaecumque alligaveritis &c.* omnibus, inquam, sub Petro eorum capite, sive, ut Scholæ ajunt, *salva subordinatione ad Petrum omnium caput, conc.* Secus, *neg.* Hac distinctione explicantur omnes textus in objectionem recitati. Unde Cyprianus *loc. cit.* ait: *Super illum unum edificavit Christus Ecclesiam suam, & illi pascendar mandavit oves suas. Et quamvis Apostolis omnibus, post resurrectionem suam, parem potestatem tribuat, ea tamen*

ut unitatem manifestaret, unam cathedram constituit, & unitatis ejusdem originem, ab uno incipientem, sua auctoritate disposuit. Hoc erant utique ceteri Apostoli, quod fuit & Petrus, pari consortio praediti honoris, & potestatis; sed exordium ab unitate praeficitur . . . Primatus Petro datur, ut Ecclesia una monstretur . . . Ecclesia Domini ramos suos in universam terram copia sua ubertatis extendit: unum tamen caput est, & origo una. Similia loquitur Leo M.

Inft. Saltem negari non potest, Paulum omnino aequalem fuisse Petro. Nam 1°. ipse Paulus Galat. II. 7. ait: Creditum est mihi Evangelium praeparari; sicut Petro circumcisionis, & ibid. v. 11. cum venisset Cephas Antiochiam, in faciem ei resisti, quia reprehensibilis erat. Et II. Cor. XI. 28. instantia mea quotidiana, sollicitudo omnium Ecclesiarum. 2°. Petrus de Marca Exercit. de singulari Primatu Petri docet, Petrum simul, & Paulum fuisse Romae Episcopos, tum quia R. Pontifices aliquando successores se Petri, & Pauli esse dicunt, tum quia in eorum Bullis plumbeis apparet imago Petri simul, & Pauli, & quidem Pauli imago ad dexteram Petri. Idem docuerat Arnaldus in Lib. de frequ. commun.; ubi Petrum, & Paulum dicit, fuisse duo Ecclesiae capita, quae unam caput morale efficerent. Ergo.

R. Neg. ant. & ad 1^{am} resp. omnes Apostolos habuisse sollicitudinem omnium Ecclesiarum, quia in omnem terram missi sunt, sed instinctu Spiritus S. divisae provinciae, sicut Petro praecipue Judaei, Paulo praecipue gentiles, obtigerunt. Hoc tamen non obstabat, quin & Paulus Judaeis, & Petrus gentilibus praedicaret. Verum licet Paulus, alique Apostoli omnium Ecclesiarum sollicitudinem haberent; omnes tamen Petro ut capiti subiecti erant. Correctio autem, qua Paulus Petrum redarguit, non ex auctoritate, sed ex fraterna charitate profecta est, qualis adhiberi etiam potest, salvo tamen obsequio, ac reverentia, ab inferiore erga superiorem: nec aliud ostendit, nisi exemplum sanctae libertatis in Paulo, & magnae humilitatis in Petro. Adposuit Augustinus Epist. LXXXII. al. XIX. Rarius, inquit, & sanctius exemplum Petrus praebuit po-

seris, quo non dedignarentur, a posterioribus corrigi, quam Paulus, quo confidenter auderent minores majoribus pro defendenda veritate, salva charitate, obfistere.

Ad 2^m. Sententia Petri de Marca stare non potest. Veteres enim, quoties de Romano Episcopatu, proprie loquuntur, non Petro illum, adjudicant. Sed quia Paulus comes ejus in fundanda Romana Ecclesia fuit, ideo aliquando veteres utrumque Romæ Episcopum sive Apostolum fuisse, scribunt, & Romani Pontifices successores se appellant etiam Pauli non in Romano Episcopatu, sed in minere Apostolico. Imago autem Pauli ad dexteram Petri, si quid probaret, nimis probaret, scilicet Paulum fuisse Petro majorem. Itaque imago Pauli aliquando ad dexteram, aliquando ad sinistram Petri, cernitur, ad designandam æqualitatem Apostolatus. Fortasse aliquando collocata est ad dexteram, vel quia apud veteres, qui amicitia archiori juncti erant, sinistram locum tamquam honoratorem dabant digniori, vel quia, ut advertit, ipse P. de Marca, imago, quæ respectu videntis est, ad dexteram, respectu ipsius imaginis ad sinistram est.

Ad 3^m. Absurdum est, & monstruosum, imo Scripturis, & traditioni contrarium asserere duo Ecclesiæ capita. Ceterum etiam in sententia Petri de Marca, & Arnaldi, stare primatus R. Pontificis. Nam licet Petrus de Marca Paulum cum Petro Episcopum Romanum faciat, fateatur tamen, primatum fuisse in uno Petro. Arnaldus vero licet duo capita, constituat physica, fateatur tamen, ea constituisse caput unum morale, cui R. Pontifex succedit.

Obje. III. Incertum est, utrum Petrus Romæ fuerit, ibique Episcopus sederit, & martyr obierit. Nam 1^o. Quo tempore Petrus Romam venerit, ovale obscurum est, variantque ea inter veteres. 2^o. Paulus scribens ad Romanos, licet multos fratres salutandos jubeat, de Petro silet, & in Epistola, quam Roma scribit ad Timotheum II. Tim. IV. ait, se ab omnibus fuisse derelictum; ac proinde non erat ibi Petrus.

& Neg. ant. Si enim negemus, Petrum Romæ Episcopum, & martyrem obiisse, nutabit omnis historiæ Sacre, & prophane fides; nulla enim est historia, quæ

pluribus, & gravioribus nitatur testibus, quam historia
Episcopatus, & martyrij *Petri Romæ*.

Ad 1^{am} resp. licet chronologia sit incerta, quod ac-
cidit etiam sæpe in prophanis historiis, non ideo ta-
men falsi veritas nutat.

Ad 2^{am}. Petrus non ita Romæ affixus esse potuit, ut
non per finitimas urbes excurreret, prædicans Evange-
lium. Cum ergo Paulus scripsit ad Timotheum, Petrus
fortasse Romæ non erat, aut nihil Paulum juvare po-
tuit. Cum autem scripsit ad Romanos, Petrus certe
Roma exulabat, propter edictam *Claudii* Imperatoris,
qui circa finem imperii sui Judæos omnes Roma ex-
pulsit, ut testatur Suetonius in *Claudio* cap. 25. &
Lucas *Act. XVIII.* 24. eo ipso enim tempore scripta est
Epistola ad Romanos, cum scilicet Paulus jam profe-
cturus esset Jerosolymam, *Rom. XV.* 25. ubi compre-
hensus a Judæis, perductus est ad tribunal *Felicii*, qui
Judææ præfuit circa finem imperii *Claudii*.

Objic. IV. Cyprianus *Epist. ad Quintum* videtur om-
nem primatum R. Pontifici abjudicare. Ait enim: *Ne-
que quisquam nostram Episcopum se Episcoporum con-
stituit, aut tyrannico terrore ad obsequendi necessitatem
collegas suos adigit, cum habeat omnis Episcopus pro-
licentia libertatis, & potestatis sue arbitrium proprium,
tamquam judicari ab alio non possit, cum nec ipse
possit alium judicare.* Etgo.

¶ Neg. ant. Longè enim abest a mente Cypria-
ni, ut nullus Episcopus alteri subdit, ac judicari possit,
cum in *Epist. ad Stephanum* roget S. Pontificem, ut
jubeat deponi Marcianum Episcopum Arelatensem, &
alium institui, & in *Lib. de Unit. Ecclesie* tam magni-
fice loquatur de primatu Petri.

Ad confirm. R. dist. ant. Nemo se constituit Episcopum
Episcoporum, non potest ab alio judicari &c. in rebus,
quæ non sunt contra fidem, & bonos mores, *conc.* in
iis, quæ fidei, & bonis moribus adversantur, *neg.* Pu-
tabat itaque Cyprianus, disciplinam, quæ vigeat in
Africa ab aliquot annis, repetendi scilicet baptismum
datum ab hæreticis, non esse fidei contrariam, sed con-
sentaneam; ac proinde unumquemque Episcopum posse
eam sequi. Ideo conqueritur Cyprianus, *Stephanum Pa-*

pam eam ob culpam unicum esse excommunicationem Episcopis Africanis, si ab ea consuetudine non recederent. Qua in se decipiebatur Cyprianus; cum tamen excusat ipse Augustinus, eo quod hæc controversia ipsi tunc obscura esset, necdum ab universa Ecclesia definita; & si quid contra Stephanum Papam in ipso controversiæ zitu peccavit, id martyrio eluit.

Objic. V. Hieronymus Epist. ad Evagr. ait: Ubi cumque fuerit Episcopus sive Romæ, sive Eugubii, sive Constantinopoli, sive Regini, sive Alexandria, ejusdem meriti est, & ejusdem Sacerdotii. Ergo.

R. Dist. ant. Ejusdem est Sacerdotii, quoad potestatem ordinis, *conc.* quoad potestatem jurisdictionis primatui annexam, quam Hieronymus agnoscit, & iurifice extollit, præsertim in laudata Epistola ad Damasum, *neg.* Reprehendit ergo Hieronymus superbiam diaconorum Ecclesiæ Romanæ, qui ideo supra Episcopos ipsos extollebantur, quod proximi adstarent R. Pontifici.

Objic. VI. R. Pontificis primatus oritur ex Canonibus, & consuetudine Ecclesiastica. Ait enim Concilium Nicænum Can. VI. Antiqua consuetudo servetur per Ægyptum, Lybiam, & Pentapolim; ita ut Alexandrinus Episcopus horum omnium habeat potestatem, quia & Urbis Romæ Episcopo parilis mos est. Et Concilium Chalcedonenſe Can. XXVIII. Antiquæ Romæ theſono, quod Urbs illa imperat, jure Patres privilegia tribuerunt. Ergo.

R. Dist. ant. Oritur ex Lege Ecclesiastica, quoad jura Patriarchalia, *conc.* quoad ipsum primatum in tota Ecclesia, *neg.* Concilia Nicænum, et Chalcedonenſe comparant Romanum Pontificem cum Patriarchis Orientis, atque ideo de solis Patriarchatibus juribus loquuntur. Igitur R. Pontifex considerari potest vel ut Episcopus urbis Romæ, vel ut Metropolitanus suæ provinciæ, vel ut Patriarcha totius Occidentis, aut saltem Provincialium suburbicariarum, ut explicat Rufinus *Lib. I. Hist. cap. 6.* quæ Præfecto Urbis suberant, vel ut caput totius Ecclesiæ. Ejus jura, tamquam Ecclesiæ Capitis, sunt ex institutione divina; jura autem Metropolitana, et Patriarchalia, ex dispositione canonum, vel antiquæ con-

consuetudinis, quæ diœcesim cuiusque Episcopi terminavit. Ceterum Canon XXVIII. Calchedonenſis non fuit a Concilio editus, sed absolute Concilio adjectus a Græcis ambiru *Anatoliæ* Episcopi Constantinopolitani, absentibus legatis S. Pontificis, qui ei Canoni contradixit; quia aliorum Patriarcharum Orientis iura minuebat contra Canones Nicænos, nec Romana sedes, nisi pro bono pacis, multis post annis eum canonem, apud Græcos consuetudine roboratum, servari permisit.

Quenam ergo, inquires, sunt iura R. Pontificis *Metropolitica*, quænam *Patriarchalia*; quænam denique ipsi, ut Capiti Ecclesiæ, conveniunt?

R. Omissis juribus *Metropoliticeis*, et *Patriarchalibus*, de quibus in iure Canonico disputatur, iura primatus ea sunt, sine quibus obtineri nequit finis, ob quem statutum est Ecclesiæ Caput. Finis autem ille est, ut Ecclesia una monstretur, teste *Cypriano*; ut unitas servaretur, teste, *Optato*; ut capite consisteret, schismatis tollatur occasio, teste *Hieronymo*. Cum ergo Ecclesiæ unitas sita sit in unitate fidei, et regiminis, sequitur, ad Romanum Pontificem pertinere, 1º. definire controversias fidei, ut fecerunt *Stephanus* in causa baptismi hæreticorum, *Zosimus* in causa Pelagianorum, *Leo M.* in causa Eutychianorum &c. 2º. Constitutiones edere ad servandam, vel reparandam Ecclesiæ disciplinam. 3º. Episcopis per vim contra canones oppressis, aut depositis, et ad eum appellantibus, opem ferre. 4º. Œcumenica Concilia, quando opus fuerit, indicare, iisque præsidere, et eadem, postquam absoluta sunt, approbare, et confirmare, et in aliquibus Canonibus aliquando pro bono Ecclesiæ dispensare.

Objic. VII. Si Pontifex in universa Ecclesia primatum haberet, ab omnibus posset ad eum appellari in causis Ecclesiasticis. Atqui falsum consequens. Ergo &c.

Prob. min. 1º. Marcion ab Episcopo suo excommunicatus Romam venit, ut Ecclesiasticæ communioni restitueretur. Ei tamen responsum est, non posse R. Ecclesiam illi communionem impertiri, injussu Episcopi sui, ut scribit *Epiphanius Hæres. XLII.* 2º. *Cyprianus Episc. III. ad Cornel.* queritur, Presbyteros, et Clericos Africanos ad R. sedem appella-

lare. Imo statutum est in Concilio Milevitano II. ut qui ad transmarina judicia provocaverit appellandum, & nulla intra Africam communione suscipiatur. 3°. Africani Episcopi acriter resistebant Zosimo P. qui causam Apiani ad R. Sedem appellantis retractari mandaverat per legatos suos, ut patet ex Actis Concilii Carthaginensis VI. ea autem controversia etiam post mortem Zosimi sub Bonifacio & Celestino duravit. Unde Petrus de Marca jus appellationum non nisi ex Concilio Sardicensi ortiri docet. Ergo

De Disfr. maj. Ab omnibus posset appellari, si non obstarent Canones ab ipsis S. Pontificibus probati, conc. Sectis; *neg.* Et distincta eodem modo *minor*: *Neg. conf.* Cum itaque primatus institutus sit in ædificationem, non in destructionem, cautum est ab Ecclesia, ipsis R. Pontificibus consentientibus, ut nonnullis in causis appellationi non esset locus, ne Ecclesiasticæ disciplinæ vigor infringereetur. Constitutum igitur est, 1°. ut excommunicatus a suo Episcopo, non posset ab altero communionem accipere, quod ab Apostolorum ætate sancitum, et consuetudine firmatum, Nicæna deinde Synodus *Can. V.* confirmavit, et ita intelligimus, cur Marcion Rômæ non est receptus, præsertim cum is Roman venerit, Hygino Papa mortuo, ac proinde, sede vacante, Romani Presbyteri excommunicatum a suo episcopo recipere nec voluerint, nec potuerint (a) 2°. ne Presbyteri, et minores Clerici in Africa posset ad transmarina judicia, h. e. sedem Romanam appellare, sed tantum ad Africana concilia: atque hinc intelligimus, cur Cyprianus, et Concilium Milevitanum appellationes istas venterint, et Patres Concilii Carthag. VI. non cito acquiescere. *De Disfr. min.* Ab omnibus posset appellari, si non obstarent Canones ab ipsis S. Pontificibus probati, conc. Sectis; *neg.* Et distincta eodem modo *minor*: *Neg. conf.* Cum itaque primatus institutus sit in ædificationem, non in destructionem, cautum est ab Ecclesia, ipsis R. Pontificibus consentientibus, ut nonnullis in causis appellationi non esset locus, ne Ecclesiasticæ disciplinæ vigor infringereetur. Constitutum igitur est, 1°. ut excommunicatus a suo Episcopo, non posset ab altero communionem accipere, quod ab Apostolorum ætate sancitum, et consuetudine firmatum, Nicæna deinde Synodus *Can. V.* confirmavit, et ita intelligimus, cur Marcion Rômæ non est receptus, præsertim cum is Roman venerit, Hygino Papa mortuo, ac proinde, sede vacante, Romani Presbyteri excommunicatum a suo episcopo recipere nec voluerint, nec potuerint (a) 2°. ne Presbyteri, et minores Clerici in Africa posset ad transmarina judicia, h. e. sedem Romanam appellare, sed tantum ad Africana concilia: atque hinc intelligimus, cur Cyprianus, et Concilium Milevitanum appellationes istas venterint, et Patres Concilii Carthag. VI. non cito acquiescere.

(a) Accedit 1°. non esse inter eruditos exploratum, utrum Marcion revera appellaverit Romanam Ecclesiam, ut putat Bellarminus, an vero in ejus communionem subdole irrepere tentaverit sine vera appellatione, ut contendit Natalis Alexander *Dissert. II. in Hist. Eccl. Sæc. II. art. 3.* 2°. Affirmare Tertullianum *Lib. de Prescript. Cap. 30.* Marcionem ab Eusebio communioni restitutum, iterum ad vomitum rediisse, quod non solidis rationibus negat Tillemontius.

quieverint *Zosimo*, *Apiarii* presbyteri causam per legatos suos retractanti, cum præsertim *Zosimus* citaret pro appellationibus Presbyterorum *Canones Concilii Nicæni*, qui non habebantur nec in Codice Africano, nec in Alexandrino, nec in Antiocheno Canonum Nicænorum, sed erant canones Concilii Sardicensis, in Codice Romano Canonibus Nicænis subnexi. Numquam tamen vetitum, ne Episcopi ad R. Pontificem appellarent. Unde Episcoporum appellationes frequentissime fuerunt etiam ante Concilium Sardicense; quippe quæ ortum habeant ex divino iure primatus, ut contra *Petrum de Marca* demonstrat *Nat. Alexander Dissert. XXII. in Hist. Eccl. Sac. IV.*

Ceterum ipsi *Canones*, qui vetabant appellationes minorum Clericorum, probant R. Pontificis primatum. Si enim R. Pontifex primatum in Ecclesia non haberet, nemo ad eum appellasset. *Inst. Cyprianus Epist. LXVIII.* laudat Hispanos, quod *Basilidem* & *Martiralem* Episcopos in conciliis damnatos, & à *Stephano P.* restitutos, recipere noluerant. Ergo.

R. *Neg. conf.* Non enim ita scripsit *Cyprianus*, quod negaret *Stephani* primatum, sed quia iudicavit, Episcopos illos, manifesti criminis reos, falsis narrationibus R. Pontifici obrepisse.

Objid. VIII. *Gregorius M.* damnat nomen *Episcopi universalis*, quod assumerat *Joannes Episcopus Constantinop.* tamquam nomen blasphemie *Lib. VII. Ep. 20.* imo *Epist. 43.* docet, nullum e Romanis Pontificibus hoc unquam nomen usurpasse. Ergo negat, Romanum Pontificem esse Episcopum universalem; h. e. totius Ecclesiæ caput.

R. *Disst. ant.* Damnatur in sensu pravo, conc. in sensu Catholico. *Neg.* Nomen enim *Episcopi universalis* duplicem potest habere sensum. Primus falsus est, scilicet unum esse in tota Ecclesia Episcopum, cujus omnes alii Episcopi sint vicarii. Alter rectus, & catholicus, scilicet quod inter omnes Episcopos unus primatum habeat. Episcopo autem Constantinopolitano in neutro sensu nomen *Episcopi universalis* conveniebat; at Romano Pontifici nomen hoc convenit quidem in sensu recto, & catho-

te ordinaria, & eo deficiente, R. Ecclesię Cardinales auctoritate extraordinaria: 2^o. ut ibi convocentur, qui conveniendi jus habent, nemine excluso, scilicet omnes Christiani orbis Episcopi. Atqui, ut Concilium Oecumenicum sit legitimum, utrumque requiritur. Ergo.

Prob. min. 1^o. Requiritur, ut convocetur a R. Pontifice auctoritate ordinaria. Ecclesię epim. regimen Monarchicum est, Aristocratia mixtum; ergo sicut in Regno, in quo regimen politicum est monarchico aristocraticum, nulla censentur legitima comitia, nisi a monarca convocentur, ita generalia Ecclesię Concilia legitima non sunt, nisi a Principe omnium Pastorum convocentur. Parum autem refert, utrum convocentur a S. Pontifice autam immediate, si vel mediate, hoc est ab aliis ex ejus consensu, sicut octo priora Concilia oecumenica ab Imperatoribus, ex R. Pontificis consensu, convocata sunt. Confirmatur, ex perpetuo usu, & praxi Ecclesię. Unde Pelagius II. *Cap. multis*. Dist. 17. *Multis*, inquit, *Apolliticisq. Canonis, atque Ecclesiasticis Instruimur regulis, non debere absque sententia R. Pontificis Concilia celebrari.* 1.3. ni si idem dicitur.

Quod autem deficiente R. Pontifice, si necessitas Ecclesię id exposcat, possit Concilium extraordinaria auctoritate convocari a R. Ecclesię Cardinalibus (qui aliquam partem Pontificę jurisdictionis habent, & deficiente Papa, non solum ac Capitulum sede vacante) patet; quia aliter necessitati Ecclesię superari non posset. Ita si duo de Pontificatu contendant; nec, quis eorum verus sit pontifex, cognosci possit, nisi questio in Concilio oecumenico dirimatur; tunc sine ulla Concilium convocare velint Cardinalibus convocabitur, ut Concilium Pisanum. Idem dicas, si Pontifex ut privata persona labatur an hæresim, nec monitus velit respicere, nec Concilium indicare.

2^a. Requiritur, ut omnes convocentur nemine excluso, qui conveniendi jus habeant, quales sunt de jure omnes Episcopi, omnes enim pascendi, & regendi Ecclesiam jus habent. Ex consuetudine quidem obtrivit, ut convocentur ad Concilium etiam Cardinales, Generales ordinum, & aliqui Abbates cum suffragio decessivum ex privilegio Pontificio, Imo & Theologi, ut con-

consulatores; & principes seculares, ut defensores. Sed
Episcopi de jure prætymitti, & excludi sine culpa non
possunt. Unde Aegyptii in Concilio Chalcedonensi di-
xerunt: Synodus Episcoporum est, non clericorum, su-
perfluos foras mittit. Ergo. Hec pars est contra
Lutheranos: qui docent Concilium indicendum esse a
principibus seculari, & omnes etiam Laicos convenire de-
bere. Quae duo longe absurdissima sunt, &c.

Explic. Concilii Prob. 2^a pars. Per legitimam celebrationem duo intelliguntur, 1^o ut R. Pontifex per se, vel per legatos suos Concilio præseat; 2^o ut Episcopi ex maiori latere per singulorum parte, re ipsa conveniant, vel per se, vel per legatos suos, sufficienti numero, qui licet non sit a iure definitus, debet tamen esse non exiguus. Atque utrumque requiritur ad legitimam concilium generale. Ergo.

Prob. min. 22. requiritur, ut praesideat R. Pontifex vel per se, vel per legatos; nam alioquin Concilium non representaret Ecclesiam corpus, si caput ipsum abesset. Hinc omnibus aecumenicis Conciliis R. Pontifex vel per legatos suos, vel per se ipso praesuit. 23. Requiritur, ut Episcopi reipia conveniant, & quidem numero sufficienti. Ridiculum enim esset, si quinquae, aut decem Episcopi Concilii, generalis nomen sibi tribuerent. Licet autem hic numerus centus non sit, ut patet ex historia omnium Conciliorum, quibus modo plures, modo pauciores Episcopi adfuerunt, necesse tamen est, ut ex maiori provinciarum Christianarum parte Episcopi vel per se, vel per legatos conveniant. Si autem celebratur concilium in oriente, sufficit, ut aliqui saltem adveniant ex occidente, & vicissim.

Explic. O. prob. 38. pars. Per legitimam exitum
quatuor, intelligimus. 1.º ut Episcopi libertatem habeant
suffragiorum, 2.º ut nemo excludatur, qui audiri volue-
rit, 3.º ut adhibeatur etiam humana diligentia in in-
quisitione veritatis, 4.º ut adhaerentur. A. 8. Pon-
tifici. An qui haec quatuor requirantur. Ergo. v. 100
Prohibemus. 1.º Requiritur libertas suffragiorum. Si
enim Episcopi coacti sententiam dicunt, non possunt
liberum locum fuerint ex sententia Ecclesiae, non ex sen-
tentia ipsius, non ex alio, non ex aliis, non ex aliis, non ex aliis.

jicit, sed multa iterum tractat ad meliorem rei explanationem, quod proprie Latini *retractare* dicunt. Genuinus ergo sensus ejus loci *Tu es Petrus, & super hanc petram edificabo Ecclesiam meam*, hic est: Tu es Petra (hoc enim significat Syriacum nomen *Cephas*, licet Latinus & Græcus interpret masculino genere dixerit *Petrum*) & super hanc petram, *h. e.* super te edificabo Ecclesiam meam. Non enim recto sensu, atque ad litteram dicere poterat: *dico tibi, quia tu es Petra, & super me edificabo Ecclesiam meam*. Patres tamen laudata verba extendierunt ad *Christum*, qui Petra est sine ulla dubitatione principalis. En verba Augustini *loc. cit.* Dixi in quodam loco de Apostolo Petro, quod in eo, tamquam in petra, fundata esset Ecclesia: qui sensus cantatur in ore multorum ex versibus B. Ambrosii: *hec, ipsa petra Ecclesia, canente, culpam diluit* (Ecce non reprobatur hanc interpretationem, quam agnoscit esse Ambrosii, & cantari in Ecclesia). Sed scio, me postea sepius sic exposuiss, ut super hanc petram intelligeretur, quem Petrus confessus est.

Obje. II. Omnibus Apostolis pariter dictum est a Christo: *Quaecumque alligaveritis super terram, erunt ligata & in cælis*: Matib. XVII. 18. Sicut misit me Pater, & ego mitto vos. Joan. XX. 21. Vnde Paulus ait, fideles superedificatos esse super fundamentum Apostolorum, & Cyprianus Lib. De Unit. Eccl. Hoc erant atque ceteri Apostoli, quod fuit & Petrus. Imo ipse Leo M. cit. Ser. III. in ea verba: *tibi dabo claves*, inquit: *Transiit quidem etiam in alios Apostolos jus potestatis istius, & ad omnes Ecclesia principes decreti hujus constitutio commoventur*. Ergo Petrus non habuit super Apostolos primatum jurisdictionis.

R. Dist. ant. Omnibus Apostolis dictum est a Christo *quaecumque alligaveritis* &c. omnibus, inquam, sub Petro eorum capite, sive, ut Scholæ ajunt, *salva subordinatione ad Petrum omnium caput, conc.* Secus, *arg.* Hac distinctione explicantur omnes textus in objectionem recitati. Vnde Cyprianus *loc. cit.* ait: *Super illum unum edificavit Christus Ecclesiam suam, & illi pascendat mandata oves suas. Et quamvis Apostolis omnibus, post resurrectionem suam, parem potestatem tribuat, re tamen*

ut unitatem manifestaret, unam cathedram constituit, & unitatis ejusdem originem, ab uno incipientem, sua auctoritate disposuit. Hoc erant utique ceteri Apostoli, quod fuit & Petrus, puri consortio præditi honoris, & potestatis, sed exordium ab unitate præfiscitur . . . Primatus Petro datur, ut Ecclesia una monstraretur . . . Ecclesie Domini ramos suos in universam terram copia sua ubertatis extendit: unum tamen caput est, & origo una. Similia loquitur Leo M.

Inst. Saltem negari non potest, Paulum omnino æqualem fuisse Petro. Nam 1º. ipse Paulus Galat. II. 7. ait: Creditum est mihi Evangelium præparari; sicut Petro circumcisionis, & ibid. v. 11. cum venisset Cephas Antiochiam, in faciem ei resisti, quia reprehensibilis erat. Et II. Cor. XI. 28. instantia mea quotidiana, sollicitudo omnium Ecclesiarum. 2º. Petrus de Marca Exercit. de singulari Primatu Petri docet, Petrum simul, & Paulum fuisse Romæ Episcopos, tum quia R. Pontifices aliquando successores se Petri, & Pauli esse dicunt, tum quia in eorum Bullis plumbeis apparet imago Petri simul, & Pauli, & quidem Pauli imago ad dexteram Petri. Idem docuerat Arnaldus in Lib. de frequ. commun.; ubi Petrum, & Paulum dicit, fuisse duo Ecclesie capita, quæ unam caput morale efficerent. Ergo.

R. Neg. ant. & ad 1º. resp. omnes Apostolos habuisse sollicitudinem omnium Ecclesiarum, quia in omnem terram missi sunt, sed instinctu Spiritus S. divisæ provincie, sicut Petro præcipue Judæi, Paulo præcipue gentiles, obtigerunt. Hoc tamen non obstabat, quin & Paulus Judæis, & Petrus gentilibus prædicaret. Verum licet Paulus, alique Apostoli omnium Ecclesiarum sollicitudinem haberent; omnes tamen Petro ut capiti subiecti erant. Correptio autem, qua Paulus Petrum redarguit, non ex auctoritate, sed ex fraterna charitate profecta est, qualis adhiberi etiam potest, salvo tamen obsequio, ac reverentia, ab interiore erga superiorem: nec aliud ostendit, nisi exemplum sanctæ libertatis in Paulo, & magnæ humilitatis in Petro. Adposuit Augustinus Epist. LXXXII. al. XIX. Ravinus, inquit, & sanctius exemplum Petrus præbuit pos-

flexis, quo non dedignarentur a posterioribus corrigi, quam Paulus, quo confidenter auderent minores majorebus pro defendenda veritate, salva charitate, obsequere.

Ad 2^m. Sententia Petri de Marca stare non potest. Veteres enim, quoties de Romano Episcopatu, proprie loquuntur, non Petro illum adjudicant. Sed quia Paulus comes ejus in fundanda Romana Ecclesia fuit, ideo aliquando veteres utrumque Romæ Episcopum five Apostolum fuisse scribunt, & Romani Pontifices successores se appellant etiam Pauli non in Romano Episcopatu, sed in mōnere Apostolico. Imago autem Pauli ad dexteram Petri, si quid probaret, nimis probaret, scilicet Paulum fuisse Petro majorem. Itaque imago Pauli aliquando ad dexteram, aliquando ad laevam Petri cernitur, ad designandam æqualitatem Apostolatus. Fortasse aliquando collocata est ad dexteram, vel quia apud veteres, qui amicitia arctiori juncti erant, sinistram locum tamquam honoratiorem dabant digniori, vel quia, ut advertit, ipse *P. de marca*, imago, quæ respectu videntis est ad dexteram, respectu ipsius imaginis ad sinistram est.

Ad 3^m. Absurdum est, & monstruosum, imo Scripturis, & traditioni contrarium asserere duo Ecclesie capita. Ceterum etiam in sententia *Petri de Marca*, & *Arnaldi*, statet primatus R. Pontificis. Nam licet *Petrus de Marca* Paulum cum Petro Episcopum Romanum faciat, fateatur tamen, primatum fuisse in uno Petro. *Arnaldus* vero licet duo capita constituat *physica*, fateatur tamen, ea constituisse caput unum morale, cui R. Pontifex succedit.

Obje. III. Incertum est, utrum *Petrus* Romæ fuerit, ibique Episcopus sederit, & martyr obierit. Nam 1^o. Quo tempore *Petrus* Romam venerit, valde obscurum est, variantque ea inter veteres. 2^o. *Paulus* scribens ad Romanos, licet multos fratres salutandos jubeat, de *Petro* silet, & in Epistola, quam Roma scribit ad *Timotheum* II. *Tim. IV.* ait se ab omnibus fuisse desertum; ac proinde non erat ibi *Petrus*.

R. Neg. ant. Si enim negemus, Petrum Romæ Episcopum, & martyrem obisse, nutabit omnis historiae Sacre, & prophane fides; nulla enim est historia, quæ

pluribus, & gravioribus nitatur testibus, quam historia
Episcopatus, & martyrij *Petri Romæ*.

Ad 1^m. resp. licet chronologia sit incerta, quod ac-
cidit etiam sæpe in prophanis historiis, non ideo ta-
men facti veritas nutat.

Ad 2^m. Petrus non ita Romæ affixus esse potuit, ut
non per finitimas urbes excurreret, prædicans Evange-
lium. Cum ergo Paulus scripsit ad Timotheum, Petrus
fortasse Romæ non erat, aut nihil Paulum juvare po-
tuit. Cum autem scripsit ad Romanos, Petrus certe
Roma exulabat, propter edictam *Claudii* Imperatoris,
qui circa finem imperij sui Judæos omnes Roma ex-
pulit, ut testatur Suetonius in *Claudio* cap. 25. &
Lucas *Act. XVIII.* 24. eo ipso enim tempore scripta est
Epistola ad Romanos, cum scilicet Paulus jam profe-
cturus esset Jerosolymam, *Rom. XV.* 25. ubi compre-
hensus a Judæis, perductus est ad tribunal *Felicitis*, qui
Judææ præfuit circa finem imperij *Claudii*.

Objic. IV. Cyprianus *Epist. ad Quintum* videtur om-
nem primatum R. Pontifici abjudicare. Ait enim: *Ne-
que quisquam nostram Episcopum se Episcoporum con-
stituit, aut tyrannico terrore ad obsequendi necessitatem
collegas suos adigit, cum habeat omnis Episcopus pro
licentia libertatis, & potestatis sue arbitrium proprium,
tamquam judicari ab alio non possit, cum nec ipse
possit alium judicare. Ergo.*

¶ Neg. ant. Longe enim abest a mente Cypri-
ani, ut nullus Episcopus alteri subdit, ac judicari possit,
cum in *Epist. ad Stephanum* roget S. Pontificem, ut
jubeat deponi Marcianum Episcopum Arelatensem, &
aliū institui, & in *Lib. de Unit. Ecclesie* tam magni-
fice loquatur de primatu Petri.

Ad confirm. R. dist. ant. Nemo se constituit Episcopum
Episcoporum, non potest ab alio judicari &c. in rebus,
quæ non sunt contra fidem, & bonos mores, *conc.* in
iis, quæ fidei, & bonis moribus adversantur, *neg.* Pu-
tabat itaque Cyprianus, disciplinam, quæ vigeat in
Africa ab aliquot annis, repetendū scilicet baptismum
datum ab hæreticis, non esse fidei contrariam, sed con-
sentaneam; ac proinde unumquemque Episcopum posse
eam sequi. Ideo conqueritur Cyprianus, *Stephanum* Pa-

pam eam ob causam minatum esse excommunicationem Episcopis Africanis, si ab ea consuetudine non recederent. Qua in re decipiebatur *Cyprianus*; eum tamen excusat *Iape Augustinus*, eo quod hæc controversia ipsi tunc obscura esset, necdum ab universa Ecclesia definita; & si quid contra *Stephanum* Papam in ipso controversiæ zelu peccavit, id martyrio eluit.

*Objic. V. Hieronymus Epist. ad Evagr. ait: Ubi-
cumque fueris Episcopus sive Roma, sive Eugubii, sive
Constantinopoli, sive Rhégi, sive Alexandria, ejusdem
meriti est, & ejusdem Sacerdotii. Ergo.*

R. Dist. ant. Ejusdem est Sacerdotii, quoad potestatem ordinis, *conc.* quoad potestatem jurisdictionis primatui annexam, quam *Hieronymus* agnoscit, & mirifice extollit, præsertim in laudata Epistola ad *Damasum*, *neg.* Reprehendit ergo *Hieronymus* superbiam diaconorum Ecclesiæ Romanæ, qui ideo supra Episcopos ipsos extollebantur, quod proximi adstarent *R. Pontifici*.

Objic. VI. R. Pontificis primatus oritur ex Canonibus, & consuetudine Ecclesiastica. Ait enim Concilium Nicænum Can. VI. Antiqua consuetudo servetur per Ægyptum, Lybiam, & Pentapolim; ita ut Alexandrinus Episcopus horum omnium habeat potestatem, quia & Urbis Romæ Episcopo parilis mos est. Et Concilium Chalcedonense Can. XXVIII. Antiquæ Romæ ibi sono, quod Urbs illa imperaret, jure Patres privilegia tribuerunt. Ergo.

R. Dist. ant. Oritur ex Lege Ecclesiastica quoad jura Patriarchalia, *conc.* quoad ipsum primatum in tota Ecclesia, *neg.* Concilia Nicænum, et Chalcedonense comparant Romanum Pontificem cum Patriarchis Orientis, atque idem de solis Patriarchalibus juribus loquuntur. Igitur *R. Pontifex* considerari potest vel ut Episcopus urbis Romæ, vel ut Metropolitanus suæ provinciæ, vel ut Patriarcha totius Occidentis, aut saltem Provincialium suburbicarum, ut explicat *Rufinus Lib. I. Hist. cap. 6.* quæ Præfecto Urbis suberant, vel ut caput totius Ecclesiæ. Ejus jura, tanquam Ecclesiæ Capitis, sunt ex institutione divina; jura autem Metropolitana, et Patriarchalia, ex dispositione canonum, vel antiquæ con-

consuetudinis, quæ diæcesim cuiusque Episcopi terminavit. Ceterum Canon XXVIII. Calchedonenſis non fuit a Concilio editus, sed absoluto Concilio adiectus a Græcis ambitu *Anatoli* Episcopi Constantinopolitani, absentibus legatis S. Pontificis, qui ei Canoni contradixit; quia aliorum Patriarcharum Orientis jura minuebat contra Canones Nicænos, nec Romana sedes, nisi pro bono pacis, multis post annis eum canonem, apud Græcos consuetudine roboratum, servari permisit.

Quenam ergo, inquires, sunt jura R. Pontificis *Metropolitica*, quanam *Patriarchalia*; quanam denique ipsi, ut Capiti Ecclesiæ, conveniunt?

R. Omissis juribus Metropolitice, et Patriarchalibus, de quibus in jure Canonico disputatur, jura primatus ea sunt, sine quibus obtineri nequit finis, ob quem statutum est Ecclesiæ Caput. Finis autem ille est, ut *Ecclesia una monstraretur*, teste *Cypriano*; ut *unitas servaretur*, teste, *Optato*; ut *capite constituto, schismatis tollatur occasio*, teste *Hieronymo*. Cum ergo Ecclesiæ unitas sita sit in unitate fidei, et regiminis, sequitur, ad Romanum Pontificem pertinere, 1º. definire controversias fidei, ut fecerunt *Stephanus* in causa baptismi hæreticorum, *Zosimus* in causa Pelagianorum, *Leo M.* in causa Eutychianorum &c. 2º. Constitutiones edere ad servandam, vel reparandam Ecclesiæ disciplinam. 3º. Episcopis per vim contra canones oppressis, aut depositis, et ad eum appellantibus, opem ferre. 4º. Œcumenica Concilia, quando opus fuerit, indicare, iisque præsidere, et eadem, postquam absoluta sunt, approbare, et confirmare, et in aliquibus Canonibus aliquando pro bono Ecclesiæ dispensare.

Objic. VII. Si Pontifex in universa Ecclesia primatum haberet, ab omnibus posset ad eum appellari in causis Ecclesiasticis. Atqui falsum consequens. Ergo &c.

Prob. min. 1º. Marcion ab Episcopo suo excommunicatus Romam venit, ut Ecclesiasticæ communioni restitueretur. Ei tamen responsum est, non posse R. Ecclesiam illi communionem impertiri, injussu Episcopi sui, ut scribit *Epiphanius Hæres. XLII.* 2º. *Cyprianus Epist. III. ad Cornel.* queritur, *Presbyteros*, et *Clericos Africanos* ad R. sedem appel-

lare. Imo statutum est in Concilio Milevitano II. ut qui ad *transmarina* judicia *pluaverit* appellandum, nulla *intra* Africam *communione* suscipiatur. 3°. Africani Episcopi acriter restiterunt *Zosimo* P. qui causam *Apiani* ad R. Sedem appellantis, retractari mandaverat per legatos suos, ut patet ex Actis Concilii Carthaginensis VI. ea autem controversia etiam post mortem *Zosimi* sub *Bonifacio* et *Celestino* duravit. Unde *Petrus de Marca* jus appellationum non nisi ex Concilio Sardicensi citari docet. Ergo.

R. Dist. maj. Ab omnibus posset appellari, si non obstarent Canones ab ipsis S. Pontificibus probati, *conc. Sectis; arg.* Et distincta eodem modo *minori*: *Neg. conf.* Cum itaque primatus institutus sit in ædificationem, non in destructionem, cautum est ab Ecclesia, ipsis R. Pontificibus consentientibus, ut nonnullis in causis appellationi non esset locus, ne Ecclesiasticæ disciplinæ vigor infringereetur. Constitutum igitur est, 1°. ut excommunicatus a suo Episcopo, non posset ab altero communionem accipere, quod ab Apostolorum ætate sanctum, et consuetudine firmatum, Nicæna deinde Synodus *Can. V.* confirmavit, et ita intelligimus, cur *Marcion* Romæ non est receptus, præsertim cum is Romam venerit, *Hyginus* Papa mortuo, ac proinde, sede vacante, Romani Presbyteri excommunicatum a suo Episcopo recipere nec voluerint, nec potuerint (a) 2°. ne Presbyteri, et minores Clerici in Africa posset ad transmarina judicia, h. e. sedem Romanam appellare, sed tantum ad Africana concilia: atque hinc intelligimus, cur *Cyprianus*, et Concilium Milevitanum appellationes istas voverint, et Patres Concilii Carthag. VI. non cito acquies-

(a) Accedit 1°. non esse inter eruditos exploratum, utrum *Marcion* revera appellaverit Romanam Ecclesiam, ut putat *Bellarminus*, an vero in ejus communionem subdole irrepere tentaverit sine vera appellatione, ut contendit *Natalis Alexander* *Dissert. II. in Hist. Eccl. Sæc. II. Art. 3.* 2°. Affirmare *Tertullianum* *Lib. de Prescript. Cap. 30.* *Marcionem* ab *Elentherio* communioni restitutum, iterum ad *vornitum* rediisse, quod non solidis rationibus negat *Tillemontius*.

quieverint *Zosimo*, *Apiarii* presbyteri causam per legatos suos retractanti, cum præsertim *Zosimus* citaret, pro appellationibus Presbyterorum Canones Concilii *Nicæni*, qui non habebantur nec in Codice *Africano*, nec in *Alexandrino*, nec in *Antiocheno* Canonum *Nicænorum*, sed erant canones Concilii *Sardicensis*, in Codice *Romano* Canonibus *Nicænis* subnexi. Numquam tamen vetitum, ne *Episcopi* ad *R. Pontificem* appellarent. Unde *Episcoporum* appellationes frequentissime fuerunt etiam ante Concilium *Sardicense*; quippe quæ ortum habeant ex divino jure primatus, ut contra *Petrum de Marca* demonstrat *Nat. Alexander Dissert. XXII. in Hist. Eccl. Sec. IV.*

Ceterum ipsi Canones, qui vetabant appellationes minorum Clericorum, probant *R. Pontificis* primatum. Si enim *R. Pontifex* primatum in Ecclesia non haberet, nemo ad eum appellasset. *Inst. Cyprianus Epist. LXVIII.* laudat *Hispanos*, quod *Basilidem*, & *Martialem* *Episcopos* in conciliis damnatos, & à *Stephano P.* restitutos, recipere noluerant. Ergo.

¶ Neg. conf. Non enim ita scripsit *Cyprianus*, quod negaret *Stephani* primatum, sed quia judicavit, *Episcopos* illos, manifesti criminis reos, falsis narrationibus *R. Pontifici* obrepisse. *Objid. VIII. Gregorius M.* damnat nomen *Episcopi universalis*, quod assumerat *Joannes Episcopus Constantinop.* tamquam nomen blasphemie *Lib. VII. Ep. 20.* imo *Epist. 43.* docet, nullum e *Romanis Pontificibus* hoc unquam nomen usurpasse. Ergo negat, *Romanum Pontificem* esse *Episcopum universalem*, h. e. totius Ecclesiæ caput.

¶ Diss. ant. Damnatur in sensu pravo, conc. in sensu Catholico; neg. Nomen enim *Episcopi universalis* duplicem potest habere sensum. Primus falsus est, scilicet unum esse in tota Ecclesia *Episcopum*, cujus omnes alii *Episcopi* sint vicarii. Alter rectus, & catholicus, scilicet quod inter omnes *Episcopos* unus primatum habeat. *Episcopo* autem *Constantinopolitano* in neutro sensu nomen *Episcopi universalis* conveniebat; at *Romano Pontifici* nomen hoc convenit quidem in sensu recto, & ca-

tholico; sed *Gregorius* docet, præcessores iudei ab eo nomine ob modestiam abstinuisse. Ceterum Concilium Chalcedonense *Act. III.* R. Pontificem vocat *Patriarcham Oecumenicum*, & *Act. IV.* *Universalis Ecclesie Pastorem*,

Obje. IX. Quod R. Pontifex succedat Petro in primatu Ecclesie, oritur ex facto ipsius Petri, qui voluit Romæ potius, quam Antiochiæ permanere, ubi per plures annos Ecclesiam rexerat. Ergo non est ex jure divino.

R. Oritur ex facto Petri primario, & absolute, *neg.* Secundario, & hypothetice, *Subdist.* ex facto Petri, humana tantum prudentia agentis, *neg.* divina, *conc.* Itaque quod Primatus Petro datus transiret in eum, qui Petro in Episcopatu successor erat, ex jure divino est; quod autem talis successor sit Romanus Episcopus, est ex facto Petri, non humana, sed divina providentia dirigente. Vide *Bellarminum Lib. II. De Rom. Pont. Cap. 12.* *Sylvium Opusc. V.* *Melchiorem Canum Lib. VI.*

Corollarium.

Ergo Regimen Ecclesie non est democraticum; nec absolute Monarchicum, sed Monarchicum Aristocratia mixtum. Vide *Bellarminum Lib. I. de R. Pont.* & alios ab eo citatos *Cap. 5.* Celebre est illud *Cypriani Lib. de unit. Eccl. Episcopatus unus est, cujus a singulis in solidam pars tenetur*, h. e. licet multi divinitus constituti sint Episcopi, tamen omnes unum constituunt *episcopatum*, non solum quia vinculo charitatis uniti sunt, sed etiam quia alter alteri ita connexus est, ut omnes ab uno regantur. Dicit autem, a singulis partem in solidum teneri, quia licet unicuique certi diocesis limites assignati sint, ut jam usurpator habeatur, si in alienam diocesim velit manum extendere; tamen hæc particio non impedit, quominus, in communi periculo, unusquisque Episcopus totius Ecclesie sollicitudine tangatur: unde laudatur *Eusebius Vercellensis Episcopus*, qui in gravi Arianorum tempestate in alienis diocesibus Episcopos catholicos ordinavit.

CAP.

C A P. IX.

De Conciliis.

Adv. I. Quoniam Ecclesie regimen est Monarchicum Aristocratiâ mixtum, ut supra docuimus, patet, eam censendam esse totius Ecclesie definitionem, quæ sit consensus moraliter unanimi omnium Episcoporum, suo capiti R. Pontifici adherentium.

II. Hic autem consensus explicari potest vel ab Episcopis per orbem dispersis, vel in unum legitime congregatis. Legitima autem congregatio Episcoporum, aliorumque Pastorum, Concilium dicitur.

III. Concilia vel *particularia*, vel *generalia* sunt. Particularia rursus dividuntur in *diocesana*, *provincialia*, & *nationalia*, quæ ex unius diocesis, provincie, aut nationis Pastoribus componuntur. Et particularia quidem, si seorsim sumantur, in fide errare possunt, sicut accidit Conciliis a Cypriano habitis in causa baptismi hæreticorum. Raro tamen errarunt; magnæ auctoritatis sunt; & accedente Ecclesie approbatione, auctoritatem infallibilem acquirunt, ut Concilium Arausicum II.

IV. Generalia Concilia (quæ & *Oecumenica* Græci dicuntur) sunt, quæ constant ex Episcopis ab universa *oecumene* sive terra habitabili, seu ab universo orbe Christiano legitime convocatis. Quærimus ergo hic 1º. quid requiratur, ut hæc Concilia sint legitima, 2º. quæ sint auctoritatis; 3º. quænam eorum necessitas.

P R O P O S I T I O N I.

Ut Concilium oecumenicum sit legitimum, requiritur

ut 1º. *legitima convocatio*, 2º. *legitima celebratio*, 3º. *legitimus exitus*.

Explicatur. O. *proh. 1º. par.* Per legitimam convolutionem intelligimus, 1º. ut ab illo convocetur qui convocandi ius habet, qualis est R. Pontifex, auctorita-

consultores & principes seculares, ut defensores. Sed Episcopi de iure præsumunt, & excludi sine culpa non possunt. Unde, Egyptii in Concilio Chalcedonensi dixerunt: *Synodus Episcoporum est, non clericorum, superfluos foras misce*. Ergo. Hæc 1^a pars est contra Lutheranos, qui docent Concilium indidendum esse a principe seculari, & omnes etiam Laicos convenire debere. Quæ duo longe absurdissima sunt. &c.

Explic. & Prob. 2^a pars. Per legitimam celebrationem duo intelliguntur. 1^o ut R. Pontifex per se, vel per legatos suos Concilio præsideat; 2^o ut Episcopi ex maiori latere provinciarum parte seipsam conveniant vel per se, vel per legatos suos, sufficienti numero, qui licet non sit a iure definitus, debet tamen esse non exiguis. Atque utrumque requiritur ad legitimum concilium generale. Ergo.

Prob. min. 1^a. requiritur, ut præsideat R. Pontifex vel per se, vel per legatos; nam alioquin Concilium non representaret Ecclesie corpus, si caput ipsum abesset. Hinc omnibus æcumenicis Conciliis R. Pontifex vel per legatos suos, vel per se ipse præfuit. 2^a. Requiritur, ut Episcopi reipsa conveniant, & quidem numero sufficienti. Reticulum enim esset, si aliquæque, aut decem Episcopi Concilii generalis nomen sibi tribuerent. Licet autem hic numerus centus non sit, ut patet ex historia omnium Conciliorum, quibus modo plures, modo pauciores Episcopi adfuerunt; necesse tamen est, ut ex maiori provinciarum Christianarum parte Episcopi vel per se, vel per legatos conveniant. Si autem celebretur concilium in oriente, sufficit, ut alii qui saltem adveniant ex occidente, & vicissim.

Explic. & Prob. 3^a pars. Per legitimam exitum quatuor intelligimus. 1^o ut Episcopi libertatem habeant suffragiorum, 2^o ut nemo excludatur, qui audiri voluerit, 3^o ut adhibeatur etiam humana diligentia in inquisitione veritatis, 4^o ut ad consentiendum a R. Pontifice. Atque hæc quatuor requiruntur. Ergo. *Prob. min. 1^a.* Requiritur, ut agerentur libere. Si enim Episcopi coacti sententiam dicunt, populi consensum locum fuerint ex sententia Ecclesie, non ex consensu. *12*

sententia ejus, qui coegit. Hac de causa Concilium Ephesinum II. evasit illegitimum.

2^o. Requiritur, ne quis excludatur, qui audiri voluerit. Prudentia enim exigit, ut in veritatis inquisitione perpendamus etiam momenta partis adversæ.

3^o. Requiritur etiam humana diligentia in rebus obscuris investigandis. Qui enim nulla adhibita diligentia ad rem definiendam profliret, is utique tentaret Deum. Hinc in Concilio Hierosolymitano Apostolorum ait Lucas Act. XV. 7. *Cum magna conquisitio fieret &c.*

4^o. Requiritur adprobatio, & confirmatio S. Pontificis: Quod probatur tum ex praxi omnium Conciliorum generalium, tum ex ratione; non enim censeri potest, totum Ecclesie corpus aliquid definire, si huic definitioni consensus & approbatio ipsius capitis non accedat. Hinc Leo X. in Concil. Later. Sess. XI. recte ait: *consueverunt antiquorum Conciliorum Patres propterea, quæ in suis Conciliis gesta fuerunt, corroboratione, a R. Pontifice subscriptionem, & approbationem humiliter petere, & obtinere, prout in Nicæna, & Ephesina, & Chalcedonensi, & VI. Constantinopolitana, & VII. eadem Nicæna. . . manifeste colligitur: quod etiam novissime Constantienses Patres fecisse constat.* Adde, nullum Concilium, cui R. Pontifex subscribere recusavit, habitum fuisse umquam in Ecclesia legitimum. Utram autem satis sit ad Concilii firmitatem ea subscriptio, quæ fit a legatis, nomine Pontificis Concilio presidentibus, infra videbimus.

Dices cont. 1^m. part. pro Lutheranis. In Conc. Hierosolymitano Apostolorum, quod aliorum forma fuit, Act. XV. non solum Episcopi, sed etiam Presbyteri, & laici convenerunt. Convenerunt Apostoli, & seniores videre de verbo hoc. Et infra: placuit Apostolis, & senioribus cum omni Ecclesia eligere viros ex eis, & mittere Antiochiam. Ergo.

Res. Dist. ant. Non solum Episcopi, sed etiam alii convenerunt ut iudices, neg. convenerunt ut consultores, & auditores, conc. Itaque per seniores intelligantur Presbyteri, quo nomine donabantur etiam Episcopi, ut patet ex Epist. I. Petri cap. ult. v. 11. *Seniores (πρεσβυτερος) qui in vobis sunt, obsecro consenior.*

Si

Si ergo nomine Presbyterorum apud Lucam *Act. XV.* intelliguntur Episcopi, patet, solos Episcopos cum Apostolis rem definiviss-, nam ipsi soli *convenerunt videre de verbo hoc* : & ipsorum nomine scripta est Epistola, cujus initium est : *Apostoli, & seniores fratres*. Si vero nomine *Presbyterorum* intelliguntur etiam simplices Sacerdotes, dicendum est, eos admissos etiam ad suffragium *consultivum*, sicut aliis Conciliis Oecumenicis adsunt Theologi, vel etiam ad suffragium *decisivum* ex concessione Apostolorum, sicut etiam in aliis Conciliis admittuntur Cardinales, Abbates, & Generales Præpositi ex privilegio Apostolico.

Quod autem Lucas ait, *advisse omnem Ecclesiam*, non probat, etiam laicos *advisse* ad definiendum, sed tantum ad audiendam definitionem, quæ omni Ecclesiæ placuit, hoc est gratissima accidit.

Inst. Concilium Oecumenicum totam Ecclesiam repræsentat. Ergo non soli Episcopi convenire debent.

R. Neg. conf. Cum enim in corpore Ecclesiæ varia membra non eundem actum habeant, ut ait Apostolus, illi soli repræsentant totam Ecclesiam docentem, qui soli sunt Pastores, & doctores. Numquid enim omnes doctores? *I. Cor. XII. 29.*

Dices II. cont. 2^m. & 3^m. part. Si duo de Papatu contentant, aut Pontifex, ut privata persona in hæresim lapsus, a Concilio iudicandus sit; non poterit R. Pontifex ei præsidere, nec eum adprobare, & tamen potest Concilium esse legitimum. Ergo non requiritur, ut R. Pontifex Concilio præsit, illudq. confirmet.

R. Neg. conf. tam quia in prædictis extraordinariis causis perinde est, ac si Romana Sedes tunc vacaret; rum quia iisdem in causis eligeretur in ipso Concilio legitimus Pontifex, qui præsit reliquis Sessionibus, & Acta confirmet, ut factum est in Concilio Pisano, & Constantiensi.

PROPOSITIO II.

Legitima Concilia Oecumenica in fide , & moribus errare non possunt . Est dogma fidei contra Lutheranos , & Calvinistas .

Prob. I. Ecclesia universa in fide , & moribus errare non potest , ut supra ostendimus . Atqui Concilia oecumenica universam repræsentant Ecclesiam ; licet enim soli Episcopi conveniant , non laici , tamen munus docendi non ad laicos , sed ad Pastores pertinet , ut inquit Apostolus *Ephes. IV. 11.* ac proinde illi soli totam Ecclesiam docentem repræsentant . Unde Augustinus *Lib. I. de Bapt. Cap. 18.* vocat sententiam Concilii plenarii consensionem totius Ecclesiæ . Et Martinus V. in Conc. Constantiensi suspectos de hæresi interrogari jubet , *utrum credant , quod Concilium generale universam Ecclesiam repræsentet . Ergo .*

Prob. II. Apostoli in Concilio Hierosolymitano *Act. XVI.* definitionem ipsius Concilii vocant sententiam Spiritus Sancti : *visum est Spiritui Sancto , & nobis .* Unde merito Gregorius M. *Epist. XXV. ad Joan. Antioch. Sicut ,* inquit , *Sancti Evangelii quatuor libros , sic quatuor Concilia suscipere , & venerari me fateor . Ergo .*

Prob. III. ex perpetua Ecclesiæ traditione , quæ definitiones Conciliorum generalium semper ut infallibiles , & irretractabiles , quique ipsis teluctati sunt , pro hæreticis habuit (a) . Ergo .

Sol.

(a) Athanasius *Epist. ad Epistet.* Nazianzenus *Epist. ad Cledon. & Orat. in Athanas.* Basilus *Epist. LXXXVII.* Cyrillus *Lib. I. De Trin.* Augustinus . *Lib. I. de Bapt. Cap. 18.* & *Epist. CLXXII.* Leo M. *Epist. LXXVIII.* , & al. Ambrosius *Epist. XXXII.* Hilarius *Lib. De Synodis* , & alii .

Solvuntur Objectiones.

Objic. I. Augustinus *Lib. III. cont. Maxim.* Nec ego, inquit, Nicænum tibi, neque tu Ariminense mihi debes tamquam præjudicaturus proferre Concilium. Nec ego hujus auctoritate, nec tu illius detineris. Ergo Augustinus non judicavit infallibilem auctoritatem Conc. Nicæni.

R. Neg. conf. Non enim ita scripsit S. Doctor, quia parvi penderet Nicænum Concilium, de quo sic ait in eod. *Lib.* Hoc est illud homousion, quod in Conc. Nicæno adversus Arianos a Catholicis Patribus veritatis auctoritate, & auctoritatis veritate firmatum est. Sed quia Maximinus Arianus ejus Concilii auctoritatem non agnoscebat, Conciliabulum vero Ariminense prædicabat, ut legitimum, ideo, ne longiori disputatione demonstrare cogeretur Augustinus, Concilium Nicænum esse legitimum, Ariminense vero illegitimum, utitur præteritione: & missa tunc ea controversia, Arianam impietatem confodit ex Scripturis, quas adversarius respondere non poterat.

Objic. II. Idem Augustinus *Lib. II. de Bapt. cap. 5.* ait; ipsa plenaria Concilia priora a posterioribus emendari. Atque emendari non possent, si omnino falli nequirent. Ergo.

R. Dist. maj. Concilia plenaria priora a posterioribus emendantur in rebus fidei, & morum, neg. in rebus facti, & disciplinæ, quæ est pro temporum, & locorum varietate mutabilis. *conc.* Subdit enim Augustinus, tunc emendari, cum aliquo verum experimento aperitur quod clausum erat, & cognoscitur quod latebat: ex quibus manifestum est, Augustinum loqui de rebus facti, quæ solæ experimento verum cognosci possunt.

Objic. III. Gregorius Naz. *Episc. LV. ad Procop.* ait, se omnem Episcoporum conventum fugere, quoniam, inquit, nullius Concilii finem lætum & faustum vidi, nec quod depulsionem malorum potius, quam accessionem, & incrementum non habuerit. Ergo.

R. Dist. ant. Et loquitur Gregorius de particularibus Conciliis suo tempore celebratis, Ariana factione omnia per-

perturbante, *conc.* loquitur de Conciliis oecumenicis, ac legitimis, *neg.* Ipse enim *Orat. XXXII.* Concilium Nicænum magnis laudibus extollit, imo Concilio Constantinopolitano interfuit.

Objic. IV. Plura Oecumenica Concilia manifesti erroris revincuntur, ut Lateranense III. quod expeditionem *Cruefignatorum* statuit contra infideles: Lugdunense II. quod eandem expeditionem statuit contra hæreticos, & Fridericum Imperatorem exauctorare est ausum: Constantiense, quod *Joannem Hus*, & *Hieronymum Pragensem* contra publicam fidem ipsis datam morte damnavit; quæ omnia injusta fuerunt. Ergo &c.

R. Negari potest. ant. Nam bellum quidem contra infideles, & hæreticos susceptum est, non ut infideles, sed ut hostes, ad propulsandam injuriam, & ad defensionem, ex causis, quæ tunc justæ viæ sunt. *Fridericum* Imperatorem non Concilium Lugdunense, sed *Innocentius IV.* damnavit, *sacro præsentis Concilio*, non vero approbante, ut in Actis legitur. De cuius *Innocentii* facto non est hic dicendi locus. Denique *Joannes Hus*, & *Hieronymus Pragensis* hæretici, & seditiosi pluries a Concilio Constantiensi admoniti sunt, ut hæresim ejurarent; sed in errore obstinati, damnati sunt a Concilio, pœnis tantum Canonicis. Morte vero eos damnarunt magistratus civiles. Joanni *Hus* fides data non fuerat a Concilio, sed ab Imperatore sub conditionibus, quas ipse non servavit. Hieronymo vero Pragensi fides data fuerat quidem a Concilio, sed *salva justitia*.

Sed quamvis daremus quod in antecedenti positum est, nihil sequeretur contra Conciliorum infallibilitatem. Non enim defendimus gesta Conciliorum, in quibus errore facti labi potuerunt, sed definitiones fidei, & morum, cujuscmodi non sunt ea, quæ in Objectione commemorata sunt.

Objic. V. Concilium generale V. & Concilium VII. a nonnullis Ecclesiis diu recepta non sunt; nec tamen illæ Ecclesiæ habitæ sunt hæreticæ. Ergo.

R. Dissi. ant. Quia illæ Ecclesiæ particulares errore facti putarunt, illa Concilia non fuisse oecumenica, & legitima, *conc.* Secus, *neg.*

Inst. 1º. Concilium Constantiense ab omnibus Catho-
li.

licis habetur ut oecumenicum, & legitimum; & tamen plures catholici docent, R. Pontificem esse supra Concilium, contra quod definitum est *Sess. IV. & V.* illius Concilii. Ergo.

R. Dist. ant. Et non constat inter omnes catholicos, utrum illa decreta *Sess. IV. & V.* fuerint a R. Pontifice adprobata, nec constet, utrum loquantur de Pontifice tempore schismatis, an etiam extra tempus schismatis, *conc.* Secus, *neg.* Itaque Martinus V. in Concilio electus Pontifex confirmavit omnia Concilii Acta, sed addidit in decreto confirmationis ea verba: *que conciliariter acta sunt.* Non constat autem inter omnes catholicos, utrum ea decreta *Sess. IV. & V.* sint acta conciliariter juxta mentem Pontificis. Sed etsi illud constaret, non est inter omnes catholicos manifestum, utrum verba Concilii intelligenda sint de tempore schismatis illius, quod occasionem præbuit celebrandi concilii.

Inst. 2^o. Ex concessis possunt quædam particulares Ecclesiæ errore facti, absque nota hæresis, non habere pro oecumenico Concilium aliquod, quod revera oecumenicum, & legitimum est. Ergo, quod aliquod singulare Concilium sit æcumenicum, & legitimum, de fide non est, ac proinde a fortiori non erit de fide quod in Concilio illo definitum est.

Respondent nonnulli Theologi. Dist. conf. Quod aliquod singulare concilium sit æcumenicum, non est de fide, nec umquam tractu temporis pervenire potest ad certitudinem fidei, *neg.* Non est de fide aliquo spatio temporis, *subdist.* respectu totius Ecclesiæ, *neg.* respectu aliquarum Ecclesiarum, quæ propter peculiare circumstantias aliqua facti ignorantia laborare possunt, *conc.* Itaque quod aliquod singulare Concilium, *ex. gr.* Tridentinum, sit æcumenicum, & legitimum jam, inquirunt, est de fide ex consensu totius Ecclesiæ, quæ illud recipit ut æcumenicum. Sed antequam hic consensus cognosci possit, potest quidem ex humana certitudine, & consensu Scripturæ, præcipue vero ex approbatione sedis Apostolicæ sciri, Concilium illud esse æcumenicum, & legitimum: sed possunt aliquandiu aliquæ particulares Ecclesiæ absque culpa ignorare quædam facta, ex quibus pender, ut Concilium legitimum,

& œcumenicum censeatur, sicut accidit nonnullis Ecclesiis respectu Concilii V. & VII. Hoc autem contingere non potest Ecclesiæ universæ; quæ a Spiritu S. edocta, falli non potest in agnoscendo aliquo Concilio ut œcumenico; vel eo rejiciendo ut illegitimo.

Verum quia hæc responsio novis posset sternere viam objectionibus, idcirco, ea prætermissa, concedimus cum *Melch. Canò*, & *Bellarmino*, non esse dogma fidei, quod hoc singulare Concilium sit œcumenicum, id enim non est a Deo primitus Ecclesiæ revelatum, sed cognoscitur certissime ex ipsa rerum serie, quæ in Concilio gestæ sunt. Cognoscitur, inquam, statim a tota Ecclesiâ, quæ a Spiritu S. illustratur, ne in hoc negotio erret, tractu vero temporis ab Ecclesiis singularibus. Neque tamen inde sequitur, non esse dogma fidei, quod a Concilio definitum est; alioquin nullum esset dogma fidei; quod enim Deus locutus sit, & Ecclesiam fundaverit, ex *motivis credibilitatis* evincitur, quæ naturali nobilitate comparantur. Fides quippe non consistit in quadam ratiocinatione, quæ ex duabus propositionibus fidei, tertiâ deducatur, sic enim procedendum esset in infinitum; sed in simplici assensu, quo mens, posita morali certitudine, quod Deus locutus sit Ecclesiæ, & per Ecclesiam, ejusque Concilium nobis, firmiter, & sine ratiocinatione credit, per gratiam Dei, quæ revelata sunt, ut suo loco dicemus.

Obje. VI. Plura Concilia Oecumenica in fide errarunt, ut Ariminense, Seleucienſe, Ephesinum II. Trullanum, Constantinopolitanum sub *Leone Isaurico*. &c.

R. Neg. ant. Concilia enim ista nec legitima, nec Oecumenica fuerunt, nec a supremo Ecclesiæ Capite probata, sed reſecta: ut ex historia Ecclesiastica facile patet, excurrendo per singula.

Obje. VII. Singuli Episcopi in concilio errare possunt; præsertim cum sæpe in concilium veniant Episcopi, rerum Theologicarum rudes. Ergo & omnes.

R. Neg. conf. Promissiones enim Christi non singulis, sed omnibus simul factæ sunt. Vide supra hanc eandem objectionem propositam, & exussatam *Cap. IV. §. 2.* ubi de Ecclesiæ *indivisibilitate* diximus. Quod vero ajunt, Episcopos quosdam esse Theologiæ rudes,

id

id nihil est; non enim ex hominum doctrina, sed ex præsentis Spiritus S. auxilio Conciliorum reperimus infallibilitatem.

Ergo, inquires, quidquid in Concilio Oecumenico dicitur, de fide est.

R. *Neg. seq.* Ea enim censenda sunt de fide, quæ non ex opinione, sed firmo decreto definiuntur, cum præsertim contraria sententia declaratur contraria verbo Dei, aut anathemati subjicitur. Vide *Canum Lib. V. Cap. 4.* Hinc variz Patrum allocutiones, præfationes, incidentes propositiones, de fide non sunt, licet magnam habeant auctoritatem.

PROPOSITIO III.

Licet Concilia Oecumenica absolute necessaria non sint; tamen aliquibus occurrentibus causis, sunt hypothetice necessaria.

Prob. 1^a. pars. Multas hæreses proscripsit Ecclesia, præsertim tribus prioribus sæculis; absque ullo Oecumenico Concilio, ut Simonianos, Cerinthianos, Ebionitas, Marcionitas, Montanistas, Sabellianos &c. Nam Ecclesia ubique dispersa eandem habet infallibilem, auctoritatem; ac Concilium Oecumenicum. Ergo Concilium Oecumenicum non est absolute necessarium. Hinc *Augustinus* disputans contra Pelagianos, qui contendebant, errorem suum non posse, nisi in Oecumenico Concilio examinari, & damnari, sic ait *Lib. IV. ad Bonifac. Cap. 12.* *Quasi nulla hæresis aliquando, nisi Synodi congregatione damnata sit; cum potius rarissima inveniantur, propter quas damnandas necessitas talis extiterit, multoque sint, atque incomparabiliter plures, quæ ubi extiterunt, illic improbari, damnatique meruerunt, atque inde per ceteras terras devastanda innolescere possuerunt.*

Prob. 2^a. pars enumeratione earum causarum: 1^o. Si error aliquis longe, lateque sit diffusus, multoque ex ipsis Ecclesiæ Pastoribus infecerit, ut olim Ariana hæresis. 2^o. Si plures de Papatu contendant, nec ulla alia pateat via extinguendi Schismatis, quod Ecclesiam uni-

versam dividit, ut olim accidit in magno schismate Occidentis. 3^o. Si generalis reformatio facienda sit abusu, qui in Ecclesiam universam irrepsit, nulla alia efficacior, & convenientior erit ratio occurrendi malis, nisi Concilium Oecumenicum, ut patet ex perpetua praxi Ecclesiae in similibus causis. Ergo (a).

Corollaria.

I. Quoniam Episcopi in generali Concilio totam Ecclesiam docentem repraesentant, sequitur, eos non esse tantum Pontificis consiliarios, ut perperam nonnulli asserunt, sed iudices. In ipso enim Apostolorum Concilio Act. XV. 19. post dictam a Petro sententiam, Jacobus, prolatis ex Scriptura testimoniis, ait: *Propter quod ego iudico, non inquietari Eccl. & nomine omnium Apostolorum scriptum est: Visum est Spiritui S. & nobis.* Vnde Paulus Act. XVI., 4. ejus Concilii decretum vocat praecepta Apostolorum, & seniorum. Imo in omnibus Oecumenicis conciliis Episcopi non ut consiliarii, cui officio aptiores essent docti Theologi, sed ut iudices subscripserunt.

II. Hinc illa dissolvitur quaestio, quam supra innuimus, utrum ipsa per se firma sit Concilii definitio, praesidentibus legatis Pontificiis edita, antequam ab ipso Pontifice sollemniter confirmetur. Qua in re distinguendum est. Vel enim legati, ut fieri solet, a Pontifice instructi de sententia R. Ecclesiae ad Concilium venerunt, vel non instructi. Si primum, vel juxta legatorum sententiam definivit Concilium, & tunc ipsa per se definitio firmum habet robur. Sin contra legato-

(a) De Conciliis tractant fusius Johannes Turrecremata Lib. III *Summa de Ecclesia*. Joh. Gerson. *De potestate Ecclesiae, & Conciliorum*. Dionysius Chartusianus *tribus libris de Conciliis*. Coelmas Lib. *De Conciliis*. Cajetanus in *Opusculis*. Bellarminus, Sylvius, Melchior Canus, Jacobatus, Lindanus, Villapandaeus. Historiam vero vel omnium, vel singulorum Conciliorum varii auctores scripserunt. Acta Conciliorum omnium collegerunt Harduinus, & Labbeus.

rum, ideoque ipsius Pontificis sententiam major Concilii pars definiat (nam omnes ad unum episcopos contra Pontificis sententiam opinari, non est credibile) & tunc vel reclamantibus legatis, ut in Ephesino latrocinio, vel timore consentientibus, infirma est definitio. Si vero legati ad Concilium sine ullis Pontificiis mandatis venerunt, & tunc si major Concilii pars in unam consentiat sententiam, adhuc definitio ante Pontificis assensum infirma est; si vero omnes omnino Episcopi, ipsique legati in unum consentiant, quia non est credibile, R. Pontificem universæ Ecclesiæ consensui dissenturum, videtur jam transacta res, firmæque Concilii definitio. Sed quia sunt Theologi Catholici, ut *Cajetanus*, & *Turrecremata*; qui contra sentiunt, non potest nota hæreseos inuri iis, qui contra definitionem illam loquerentur ante Pontificis confirmationem. Vide *Canum Lib. V. Cap. 5. & Suarez De fide Disp. V. Sect. 7.*

C A P. X.

Utrum Romanus Pontifex ex cathedra definiens controversias fidei, & morum, errare possit.

Adv. I. **D**iximus supra, ad primatum R. Pontificis pertinere, ut exortas de religione controversias definiat. Si igitur huic definitioni consensus universæ Ecclesiæ vel per orbem dispersæ, vel in Concilio congregatæ accesserit, certissimum fidei dogma est, fatentibus omnibus catholicis; alioquin ipsa Ecclesia falli posset. Sed queritur, utrum sicut errare nequit in rebus fidei & morum generale Concilium, ita etiam numquam errori obnoxia, sive *infallibilis* censi debeat R. Pontificis definitio, etiam antequam consensus Ecclesiæ cognoscatur.

II. Apud Veteres Patres hanc controversiam non videmus agitatam; omnes tamen decreta sedis Apostolicæ summa reverentia prosequabantur. Sed quia turpe est hodie, nescire Theologum saltem historiam earum rerum, quæ ad hanc causam pertinent; idcirco primum ea ponemus, quæ apud omnes Catholicos certa sunt,

in religionis, more historicorum, contrarias opiniones, atque auctorum rationes proferemus in medium, ut liberum sit lectoribus ea sequi, quæ, libratis utrinque rationibus, aut vera, aut vero simillima videantur.

III. S. Thomas 2^a 2^a. Q. I. art. 10. Summum Pontificem in rebus fidei definiendis infallibilem esse, ac supremum iudicem affirmat, ita ut ad eum pertineat finaliter determinare ea, quæ sunt fidei, ut ab omnibus inconcussa fide reneantur, ideoque ait, ipsam symboli editionem ad R. Pontificis auctoritatem pertinere. Eum sequuntur S. Bonaventura in *Exposit. Reg. S. Franc.* Johannes Turrecremata *Lib. II. Sum. Cap. 109.* & seq. Thomas Waldensis *Lib. II. Doc. fid. Cap. 47.* & seq. Johannes Driedo, Cajetanus, Ekius, Hofius, Petrus Soto, Melchior Canus, Bellarminus, aliique innumeri non solum ex Italia, ut falso affirmat Maymburgus (a) sed ex Gallia, Hispania, & aliis nationibus Theologi. Quippe Petrus de Marca Parisiensis Antistes, quem auctorem non ut Theologum, sed ut testem locupletissimum laudamus ejus doctrinæ, quæ in Gallia, aliisque regionibus sua ætate defendebatur, sic ait in *Observat. ad Theses Clatemonianas*. *Hæc opinio* (quæ Pontifici tribuit privilegium non errandi) *est illa, quam unice Hispania, Italia, aliæque omnes Christianitatis provincie docent, ita ut illa, quam sententiam Parisiensium docant, ad classem earum opinionum revocanda sit, quæ solum tolerantur.* Subdit, inter omnes Universitates solum veterem Sorbonam contra sentire, imo, addit, hoc quoque tempore hanc de infallibilitate Pontificis sententiam in ipsa Sorbona doceri videmus.

IV. E contrario vir sine controversia doctissimus Johannes Geyson, primus e Latinis Theologis (nam Nilum Theſſalonicensem, R. Pontifici infensissimum, nihil moror) expresse docuit, S. Pontificem extra Concilium in fide, & moribus definiendis, errare posse. Eum secuti sunt Almainus *Lib. De potest. Eccl. Cap. 18.* Alphon-

(a) Maymburg. *Traité Historique de l'établissement, & prérogatives de l'Eglise de Rome.*

phonfus de Castro *Lib. 1. cont. heres. Cap. 16* Hadrianus, alique.

V. Hæc controversia evasit celebris anno MDCLXXXII. quo anno occasione dissidiorum inter Ludovicum XIV., & Innocentium XI. multi Galliarum Episcopi, Parisiis collecti; sollemnem ediderunt *Declarationem Cleri Gallicani*; quatuor continentem articulos; quorum hic erat quattus: *Licet R. Pontifex præcipuam partem habeat in questionibus fidei; ejusque decreta respiciant Ecclesias omnes; & singulas; ejus tamen judicium non esse irreformabile; nisi Ecclesiæ consensus accedat.* Monet tamen Bossuetus in *Defens. Declar. Dissert. prævia §. 6.* Clerum Gallicanum non edidisse declarationem illam ut decretum, sed ut opinionem (a). Adversus eam Declarationem scriplerunt Antonius Chartas, Thyrsus Gonzalez, Emmanuel Schellstrate, Card. de Aguirre, Card. Sfondratus, alique. Speciatim vero pro R. Pontificis ἀφελαια, sive infallibilitate certarunt Du Vallius, Peronius, Orsius etc. Præterea Thomas Rocaberti XXI. Volumina in folio edidit; quibus varios collegit auctores, qui pro R. Pontificis auctoritate scriplerant. Sed vir clarissimus, & doctissimus Jac. Benignus Bossuet duobus voluminibus, quæ tamen viginti post ejus mortem annis prodierunt, omnes illos Scriptores refutare aggressus *Defensionem declarationis Cleri Gallicani* composuit. Ceterum *Parte III. Lib. X. Cap. 5.* distinguens sedem Apostolicam a sedente Pontifice, fatetur, sedem Romanam in definiendo errare non posse, singulos vero Pontifices posse; ita ut si unus labatur, corrigatur ab altero, ut ita semper in Romana sede firmitas fidei constet.

VI. Porro R. Pontifex duplici ratione spectari potest, vel

(a) Sub Innocentio XII. plures Gallicani Episcopi declarationem illam retractarunt in Epistola ad eundem Pontificem. Et quamvis contendat Bossuetus, Epistolam illam non fuisse retractionem, sed Explicationem Declarationis, verba tamen Epistolæ Clariora sunt, quam ut ullo pacto obscurari queant, ut observat ipse D. Racine. *Histoire Eccles. Siècl. XVII. art. 7.*

vel ut privata persona, doctorque privatus, vel ut loquens ex Cathedra, hoc est universam docens Ecclesiam, adhibito consilio fratrum, auditis Theologis, factis ad Deum precibus; uno verbo, adhibita ea diligentia, quam pro rei gravitate necessariam judicaverit. Non defuerunt quidem R. Pontificis adulescentes, quibus etiam ad stipulatus est Albertus Pighius *Lib. IV. De Eccles. Hierarch. Cap. 8.* qui affirmarent, eum, etiam ut privatum doctorem, in formalem hæresim labi non posse. Quæ quidem opinione ab omnibus explorata, restat tantum quæstio de Pontifice, docente ex cathedra. In qua primum, ut diximus, quæ apud omnes catholicos certa sunt, explicabimus, deinde quæ in controversiam veniunt more historicorum, prolati utrinque rationibus, proponemus.

PROPOSITIO I.

Romanus Pontifex, ut privatus doctor, in hæresim labi potest.

Prob. Non potest Pontificibus asseri privilegium, quod ipsi Pontifices negant, ac respuunt. Atqui privilegium non incidendi in hæresim, ut privata persona, Pontifices ipsi negant, ac respuunt. Sic enim *Adrianus II.* in Epistola ad Concilium generale VIII. quæ legitur *Actione V.* ait, ob crimen hæresis R. Pontificem a Concilio judicari posse. Sic & in *Can. Si Papa. Dist. 40.* habetur, Pontificem a nemine judicandum, nisi deprehendatur a fide devius. Male igitur consulunt Pontificis auctoritati, qui mendaciis eam conantur extollere, sed exponunt potius ludibrio inimicorum. Non eget Petrus mendacio nostro, adulatione nostra non eget, ut inquit *Melchior Canus. Lib. V. Cap. 5.*

PROPOSITIO II.

Nulla hucusque proferri potuit definitio R. Pontificis ex cathedra, in qua definitio evidenter in fide erraverint.

Prob. I. Agatho Papa, qui sedit post Honorium, aliosque Pontifices, qui erroris accusantur, in Epistola, quæ probata fuit in Concilio VI. generali, confidenter ait: Ecclesia Romana a tramite Apostolica traditionis numquam erravit. Et clarius post Agathonem Leo IX. in Epist. ad Petrum Antioch. referens ea Christi verba: Ego rogavi pro te, Petre &c. subdit: Quæ venerabilis, & efficax oratio obtinuit, ut hætenus fides Petro non defecerit, nec defectura credatur in throno illius. Adde Bernardum in Epist. ad Innoc. II. &c.

Prob. II. Qui gravius accusati sunt Pontifices, ut Honorius, Liberius, Johannes XXII. passim excusantur a Theologis, nosque suo loco ostendemus, nec Honorium docuisse ex cathedra Monothelitarum hæresim, nec Liberium Arianorum impietatem, nec Johannem XXII. quidquam definivisse de præsentī piorum beatitudine. Reliquos Pontifices usque ad numerum quadraginta, de quibus levior est suspicio, erudite defendunt Card. Orsius De R. Pontif. Bellarminus Lib. IV. De R. Pont. Sylvius Opusc. V. ita ut hodie, qui moderatiores sunt Theologi, libenter fateantur, nullam hucusque R. Pontificis definitionem ex cathedra evidenter esse hæreticam, rotamque controversiam in eo versari, utrum aliquando id fieri possit. Ergo.

PROPOSITIO III.

Hæc questio: utrum R. Pontifex ex cathedra definiens in fide & moribus errare possit, in neutram partem definita est ut dogma fidei.

Prob. Nec II. qui R. Pontificem ex cathedra falli posse tenent, asserunt, hoc esse dogma fidei, imo fatetur Bossuetus Dissert. præv. §. 6. id propositum esse tantum

ut opinionem, non ut decretum; nec R. Pontifices umquam Parisienses illos Theologos ut hæreticos damnarunt. Licet enim *Alexander VIII.* & *Pius VI.* eam sententiam improbaverint, non tamen ut hæreticam proscripserunt. Unde videmus, viros doctissimos, & de Ecclesia optime meritos, contrarias hac de re sententias sine ulla hæreseos nota defendisse. Male ergo veritati consulunt qui adversarios hac in re, tamquam hæreticos, traducere audent.

PROPOSITIO IV.

Licet hæc questio definita non sit, tamen decreta S. Pontificis, ex cathedra docentis, magna a fidelibus veneratione excipienda sunt, nec ullus iis temere reluctari potest eo prætextu, quod infallibilia non sint.

Prob. prob. in qua catholici omnes consentiunt, etiam ii, qui Pontificis infallibilitatem negant. Patres enim semper decreta sedis Apostolicæ summe venerati sunt. Suficeret recitare verba Petri Chrysologi, vere aurea, in Epist. ad Eutychet. Hortamur te, frater honorabilis, ut quæ a beatissimo Papa Romanæ civitatis scripta sunt, obedienter attendas, quia B. Petrus, qui in propria sede vivit, & præsidet, præstet querentibus fidei veritatem. Nec minus luculenter Hieronymus Epist. ad Damas. A pastore, inquit, præsidium ovis peto. Cum successive Piscatoris, & discipulo Crucis loquor. Ego nullum primum, nisi Christum sequens, Beatitudini tue, idest cathedræ Petri communionem consocior. Super hanc petram edificatam Ecclesiam scio. . . . Quicumque tecum non colligit, spargit, hoc est qui Christi non est, Antichristi est. Et Prosper in Epigrammate adversus eos, qui post R. Pontificis definitionem Augustini doctrinam oppugnabant, hæc habet:

*Verte gradum, fuge perniciem, stratosque rebelles
Ovis Apostolici fulmine ubique vide.*

Prob.

Prob. II. Petro, ejusque successoribus dictum est a Christo: *Pasce oves meas Joan. XXI. 17.* Atqui ovium summe venerari debet vocem pastoris, positi ab ipso Christo, qui dixit: *Qui vos audit, me audit, & qui vos spernit, me spernit*: quæ verba præcipue de capite omnium intelligenda sunt.

Prob. III. ex praxi Ecclesiæ in rebus difficilibus consulendi sedem Apostolicam, quod frustra fieret, si possent fideles ejus responsa contemnere. Quanta autem fuerit totius Ecclesiæ, & præsertim Gallicanæ reverentia erga sedis Apostolicæ decreta, vide apud Card. de Aguirre *Defens. Cathed. S. Petr. Sfondratum in Gallia vindicata*, Hiacyntum Serry *De Rom. Pont. & ipsum Bosluetum passim in Defensione.*

PROPOSITIO V.

Proponuntur utrimque rationes Theologorum, qui sive pro infallibilitate R. Pontificis, sive contra ipsam certant.

Theologi itaque, qui pro R. Pontificis infallibilitate pugnant, eam probant primum ex Scripturis. Nam 1^o *Luc. XXII. 31.* ait Christus: *Simon, Simon, ecce Satanas expetivit vos, ut cribaretis tamquam triticum: ego autem rogavi pro te, ut non deficiat fides tua, & tu aliquando conversus, confirma fratres tuos.* Quibus verbis Christus Petro impetravit (oratio enim ejus erat efficacissima) tantam fidei firmitatem, ut non solum ipse numquam deficeret, sed etiam nutantes Apostolos in fide roboraret. Atqui hæc verba, ipso fatente Bosueto *Part. III. Libi. X. Cap. 4. & 5.* non solum respiciunt Petram ut singularem personam, sed etiam ut Caput Ecclesiæ, ejusque successores, ut docent Patres, inter quos satis est laudare Bernardum Gallicanæ Ecclesiæ clarissimum decus, qui in *Epist. CXC. ad Innoc.* Oportet, inquit, ad vestrum referri Apostolatam pericula quoque, & scandala regni Dei, ea præsertim, quæ de fide contingunt. Dignum namque arbitror, ibi posissimum resarciri damna fidei, ubi non possit fides sentire dese-

defectum . Cui enim alteri sedi dictum est aliquando :
Ego rogavi pro te , ut non deficiat fides tua ?

2^o. Verba illa Christi Matth. XVI. 18. Tu es Petrus , & super hanc petram edificabo Ecclesiam meam , & porte inferi non prevalebunt adversus eam , latentibus adversariis , ad Petrum , ejusque successores referuntur . Atqui Petri successor non esset petra , ac fundamentum Ecclesiæ adeo stabile , ut contra illam portæ inferi prævalere non possint , si circumferri posset omni vento doctrinæ , atque ex cathedra universam docens Ecclesiam , posset hæresim docere . Idque ex eo confirmant , quod Ecclesia fundatur in Petro , ejusque successore , tamquam centro unitatis . Sed Ecclesia fundatur in fide , juxta illud *Osee II. 20. Sponsabo te mihi in fide* : unde laudata Christi verba multi Patres explicant non solum de Petro , verum etiam de Petri fide . Ergo non potest Petri successor Ecclesiæ universæ proponere hæresim , tamquam dogma fidei .

3^o. *Joan. XXI. 21.* Christus Petro , ejusque successoribus præcipit : *Pasce oves meas* . Quibus verbis Petri successor constitutus est Ecclesiæ doctor . Atqui Ecclesia in fide deficere non potest . Ergo nec supremus ejus doctor ; alioquin Christus promississet discipulis non errandi privilegium , quod non promisit supremo magistro , ac doctore , a quo discipuli fidem debent accipere , cum *fides sit ex auditu Rom. X. 17.*

Probant II. ex Patribus. 1^o. *Cyprianus* licet *Stephanus S. Pontifici* resisterit in causa baptismi hæreticorum , vel quia æstu disputationis abreptus , erravit , vel quia putavit , ut docet *Natalis Alexander Parisiensis doctor* , eam controversiam spectare ad disciplinam ; tamen ante motam illam controversiam sic de Romano Pontifice loquitur *Epist. ad Cornel. Navigare audent ad Petri cathedram , atque ad Ecclesiam principalem , unde unitas sacerdotulæ exorta est . . . nec cogitare , eos esse Romanos , quorum fides Apostolo prædicante laudata est , ad quos perfidia habere non possit accessum* . 2^o. *Chrysostomus Homil. II. in Psal. II. & Homil. De Petro , & Helia* ; Sedem Apostolicam vocat *Basim fidei immobilem* . Et Concilium VI. generale *Prosp. p. 101. ad Constant. Imp. R. Pontificem* appellat *Adamantem fidei* ,
cujus

ejus solida mens adgressionibus, atque confussionibus aliene a fide opinionis, non est vulnerabilis. 3^o. Omissis ceteris, quos congerunt *Sfondratus*, alique, præstat, inquirunt; audire Patres, Concilia, & Theologos ipsius Ecclesiæ Gallicanæ, qui ante Gersonem, sive ante illud fatale Occidentis ictusina floruerunt. Irenæus Lugdunensis Lib. III. Cap. 3. ait, *neceffe esse omnem Ecclesiam, hoc est omnes undique fideles ad R. Ecclesiam convenire, ex qua Apostolica traditio ad omnes manat*. Bernardus Ecclesiæ Gallicanæ columen, nec certe Romanæ sedis adulator, ut ex Libris *De consideratione* patet, quid de R. Pontificis infallibilitate senserit, jam supra vidimus, sed legenda cum primis est tota ejus Epistola ad Innoc. cont. error. Pet. Abael. S. Thomas Parisiensis Doctor, quem semper Gallia & vivum, & post mortem summe venerata est, atque haud scio an alterum ei parem Accademia Parisiensis protulerit; R. Pontificem, ait, esse supremum, & finalem judicem, ad quem pertinet definire ea, quæ ab universa Ecclesia inconcussa fide teneri debent, ipsumque edere fidei symbolum. 2^o. 2^a. Q. 1. art. 10. Idem docet S. Bonaventura Parisiensis doctor loco supra laudato, ut mirum sit, Bossuetum asserere, se nihil in eo invenisse, quod huic sententiæ faveret. His addendi Avitus Viennensis, Jesse Ambianensis, Tuo Carnotensis, Regino Prumiensis, Hincmarus Rhemensis, Alcuinus, Lupus Servatus, Anselmus, Petrus Cellensis, Petrus Cluniacensis, alique, quorum testimonia *Sfondratus* collegit. Præterea Synodi Aurelianensis, Tournonensis, Ratisponensis, Trecentis, Pontigonensis, Lugdunensis I. & II., alique synodi, & conventus Cleri Gallicani apud eundem *Sfondratum*.

Probat III. id ipsum ratione Theologica, eaque multiplici. 1^o. inquirunt, perpetua hæc fuit Ecclesiæ praxis, ut in dubiis de religione R. Pontifex consuleretur, quod fecit sæpissime ipsa Ecclesia Gallicana. Unde Hincmarus Rhemensis in Opusc. de divort. Lothar. De omnibus, inquit, dubiis, vel obscuris, quæ ad recte fidei tenorem, vel ad pietatis dogmata pertinent, Sancta Romana Ecclesia, ut omnium Ecclesiarum mater, & magistra, nutritrix, & doctrix est consulenda, & ejus salubria monita sunt tenenda. Atqui hoc frustra factum esset,

esset, si R. Pontificis definitio falli posset; nam post eius definitionem, iisdem res esset agitata controversis, quibus antea agitabatur. Ergo &c. Hinc Augustinus *Serm. XI. al. CXXI. De verb. Apost.* loquens de hæresi Pelagiana, quam Innocentius I. damnaverat, hæc habet: *Jam enim hac de re duo concilia ad sedem Apostolicam missa sunt: inde etiam rescripta venerunt; causa ergo finita est: quæ postrema verba multum videntur habere momenti; inde enim infert Augustinus, non esse ad eam causam necessarium generale Concilium, quod Pelagiani flagitabant.*

2º. Multas hæreses R. Pontifices absque generali concilio ex cathedra damnaverunt, eorumque decreta ita venerata est Ecclesia, ut damnati a R. Pontifice ubique pro hæreticis habiti sint. Sic Damasus Papa Apollinarem, Timotheum, & Vitalem: Syricius Jovinianum: Innocentius Pelagium, & Coelestium; alii alios hæreticos damnaverunt. Ergo &c.

3º. Cum multæ sæpe hæreses oriantur, nec haberi possit concilium Oecumenicum, ut accidit tribus prioribus sæculis, & sæpe alias; optime profecto Christus Ecclesiæ providit, ne supremus ejus Pastor ex cathedra docens falli posset; alioquin nulla tunc pateret via cavendæ, arque damandæ hæresis: & ut observat S. Bonaventura, *Synagoga felicior fuisset, quam Ecclesia, quia illa habebat unum summum Pontificem, qui omnes discordias poterat terminare. Deuter. XVII.* Nec dicas, posse tunc explorari consensum Ecclesiæ per orbem dispersæ; tum quia hoc opus longius temporis spatium exigit, quo tempore latius serpit error, tum quia sæpe multæ particulares Ecclesiæ erroris vortice abripiuntur, ita ut non possit consensus Pastorum unanimis, certo cognosci.

4º. Utritur etiam ratione S. Thome. Cum Ecclesia sit infallibilis, *supremus, & finalis* controversiarum iudex debet esse infallibilis. Atqui supremus, & finalis iudex est S. Pontifex. Quippe ipsa Concilia oecumenica non censentur absoluta, nec legitima, nisi Romani etiam Pontificis consensu firmentur. Quodnam enim existit Concilium, quod a R. Pontifice improbatum, valeatur ut legitimum, ac ratum? Ergo.

50. Ajunt, neminem ante *Gersonem* conceptis verbis asseruisse; R. Pontificem ex cathedra doceptum falli posse. Quamvis enim *Bossuetus* innumera congerat testimonia Patrum, & Conciliorum, ex quibus arguendo colligit, hanc fuisse antiquam, atque perpetuam Ecclesie doctrinam; quamvis semper Parisiensium sententiam, veluti perpetuam in illa Academia traditionem, objiciat; tamen cum ventum est ad auctores citandos, qui id expresse dixerint, nullum laudat *Gersone*, aut saltem ejus magistro *Petro Alliacen*si antiquiorem, cum contra *Bernardus*, Gallicanæ Ecclesie columnen, *S. Thomas*, Parisiensis Academiæ maximum ornametum, contraria ante *Gersonem* expresse docuerint. Ergo, inquirunt, verum est, quod prius traditum. Distinctionem vero sedis Apostolicæ a sedente Pontifice, qua distinctione *Bossuetus* explicari putat sententias Patrum, & perpetuam doctrinam ipsius Ecclesie Gallicanæ, & Gallicanorum Patrum, & Theologorum, qui Sedem Apostolicam infallibilem esse tradunt; tamquam absurdam rejiciunt. *Bernardus* enim, cum *Innocentium II.* interpellabat; non sedem ejus, sed ipsum Pontificem interpellabat. Idemque dicas de aliis Patribus. Ergo &c.

Sed jam adversantium Theologorum rationes proponendæ sunt. Ajunt igitur: 1º. Infallibilitas a Christo promissa est Ecclesie, quæ ab Apostolo dicitur *columna, & firmamentum veritatis*. Ergo non est promissa R. Pontifici,

2º. Si R. Pontifex ex cathedra definiens infallibilis esset, frustra cogeretur generale Concilium cum tanto totius catholici orbis incommodo. Atqui constat ex perpetua Ecclesie praxi, jam inde ab Apostolis deducta, ad definiendas de fide controversias Concilia oecumenica congregata esse: nec aliam visam esse definiendarum rerum aptiorem viam, a Concilio Apostolorum usque ad Tridentinum.

3º. Hanc autem rationem ex eo maxime confirmant, quod si R. Pontifex ex cathedra falli non posset, profecto postquam ille rem ex cathedra definiit, non liceret iterum definitionem ejus ad examen revocare. Sed contra accidisse, ex historia novimus. Nam post ipsam *S. Pontificum* definitionem generalia Concilia ha-

bila sunt, in quibus definitio illa sollemni iudicio examinata est, nec probata, nisi postquam inventa est Scripturæ, & traditioni consona: quod & fecit ipsum Apostolorum Concilium, postquam Petrus sententiam dixit. Sic definitio *Celestini* contra *Nestorium* subiecta est examini Concilii Ephesini: definitio *Leonis M.* Concilio Chalcedonensi; definitio *Leonis X.* Concilio Tridentino. &c. Quod autem respondent prioris sententiæ Theologi, nempe ideo Concilium aliquando esse necessarium, ut definitio acquirat fidei firmitatem (cum infallibilitas S. Pontifici is non sit dogma fidei) vel ut hæreticorum pertinacia retundatur, cum se videant universæ Ecclesiæ iudicio damnatos; id, inquit, nihil est, nec propositi argumenti robur infringit.

4º. Si veterum Patrum rationem habere volumus, certe *Cyprianus*, inquit, non solum Africanæ, sed totius Ecclesiæ lumen, licet malæ causæ patrocinium suscepisset, rejiciens baptismum hæreticorum, tamen restitit Stephano R. Pontifici, qui rem ex traditione definiverat; quod certe non fecisset tantus Præsul, si R. Pontificem putasset infallibilem. Et tamen Augustinus *Lib. II. De bapt. cont. Donat. Cap. 4.* ideo eum ab hæresi excusat, quia licet S. Pontifex decretum emisserit, res tamen nondum erat in Concilio plenarie definita.

5º. Auctoritatem obijciunt Ecclesiæ Gallicanæ, et præcipue Parisiensis Academiæ, quæ, laudantibus ipsis R. Pontificibus, toto orbe celebrata est, et celebrabitur. Magnum certe est Gersonis nomen, qui tantum pro extinguendo schismate, & profligandis hæreticis laboravit; magnum Bossueti, magnum aliorum Parisiensium.

6º. Quid opus est, inquit, disputare utrum R. Pontifex falli possit, cum innumeros habeamus in manifesto errore deprehensos? Quis ex. gr. excusabit *Honorium*, quem tria Concilia Oecumenica, ut *Monothelitarum* fautorem damnarunt? Quis *Joan. XXII.*? Quis alios quadraginta Pontifices? Sudet, inquit, *Bellarminus*, sudet *Sylvius*, sudet *Cardinalis Orsius*, nihil certe proficiunt. Multa præterea congerunt argumenta utriusque partis Theologi. Sed cum omnia re-

ferre brevis instituti non patiat, poterit lector ex
his, quæ dicta sunt, veriorē partem eligere, salvo vin-
culo charitatis, et pacis.

Scholion.

Aliam quæstionē, inter Theologos excitatam, utrum
Pontifex Concilio oecumenico præset; an Concilium
Pontifici, libenter omittimus; utpote quæ ad conten-
tionem potius, quam ad pietatē fovendam valet.
Quæ autem ad Ecclesiæ, et fidelium utilitatē in ea
controversia pertinent, et apud omnes constant, hæc
sunt. 1.^o Tempore Schismatis Concilium oecumenicum
esse Pontifice ipso præstantius; id enim ex gestis Con-
cilii Pisani, et Constantiensis manifestum est. 2.^o Pon-
tificem in crimine hæresis Concilio oecumenico subesse;
id enim fateretur Hadrianus II. in Epistola ad Conci-
lium VIII. 3.^o Concilium simul cum Pontifice, et a
Pontifice ipso probatum, esse Pontifice solo præstantius.
Ipsi enim R. Pontifices fatentur, se Conciliorum gene-
ralium statuta pro lubitu mutare non posse. Nullus
jam veraciter Christianus ignorat, uniuscujusque synodi
constitutum, quod universalis Ecclesiæ probavit assen-
sus, nullam magis exequi sedem oportere, quam primam,
inquit Gelasius Epist. ad Episc. Dardan. Et Zosi-
mus in Epist. ad Episc. Prov. Vien. ap. Gratian. Caus.
XXV. Q. I. & Labbeum Tom. II. conc. Contra statu-
ta Patrum condere aliquid, vel mutare, nec hujus qui-
dem sedis (Apostolicæ) potest auctoritas. Quod tamen
non impedit, quominus pro temporum, et locorum
circumstantiis in ipsis Conciliorum generalium statutis
Pontifices dispensare possint, ubi Ecclesiæ id poscit uti-
litas. Sed hæc ad Canonistas pertinent.

CAPUT XI.

De auctoritate Scholasticorum.

Adv. **S**cholasticorum nomine non eos intelligimus, qui Scriptura, et Traditione possibilia, inutilis controversias excitant; solvuntque philosophicis ratiocinationibus; sed Theologos graves, qui Scripturarum, et Patrum auctoritate controversias versant, moribus fidelium formandis aptas.

PROPOSITIO I.

Ubi Doctores Scholastici dissentiunt, major numerus non est certum veritatis argumentum.

Prob. Quando Scholastici dissentiunt, utraque pars rationes habet, atque adducit suas. Atqui fieri potest, ut minor Doctorum numerus pro se habeat rationes, aut aequae graves, aut etiam graviores rationibus majoris numeri adversariorum. Saepe enim accidit, ut primus aliquis Doctor a veritate aberraverit; qui tamen auctoritate sua alios in suam sententiam pertraxerit, atque hi alios; quia sunt nonnulli, qui, quasi avis avem, aut ovis ovem; sequuntur magistros, quorum auctoritatem suspiciunt. Ergo solus numerus non est certum veritatis argumentum.

PROPOSITIO II.

Communis Theologorum sententia tam probabile, praebet argumentum, ut nisi manifesta in contrarium asseratur ratio, ei refragari temerarium sit.

Prob. Sententia communis ea est, quam communiter tenent fere omnes, licet pauci aliqui dissentiant. Atqui ab hujusmodi sententia discedere, nisi ex manifesta ratione, temerarium est; cum in qualibet arte peritis habenda sit fides. Hinc Concilium Viennense *Clem. un. de Sum. Trin.* opinionem illam, quae dicit tam pueris, quam

quam adultis conferri in baptismo gratiam informantem, et virtutes, tamquam probabiliores, et dictis Sanctorum, & modernorum Theologiae doctorum magis consonam, statuit eligendam. Ergo.

Diximus autem, nisi manifesta in contrarium affertur ratio, quia fieri potest, ut pauci illi doctores, qui contra sentiunt, tam graves rationes adferant, quæ numero adversariorum æquale pondus habeant, fortasse etiam antecellant. Hinc Augustinus Lib. III. de Bapt. cont. Donat. cap. 4. Non quia, inquit, fieri non potuit, ut in obscurissima questione verius pluribus unus, paucior sentirent, sed quia non facile pro uno, vel pro paucis adversus innumerabiles ejusdem religionis, & unitatis viros, & magno ingenio, & ubere doctrina præditos, nisi pertractatis pro viribus, atque perspectis rebus ferenda sententia est.

PROPOSITIO III.

Constans omnium Theologorum sententia in rebus fidei, & morum tantæ auctoritatis est, ut ei contradicere, si non heresis, saltem heresi proximum sit.

Prob. Quia numquam omnes Theologi in aliquo dogmate consentirent, nisi ex Scriptura, aut traditione consensus illa originem certam haberet; nec ullum invenitur dogma ab omnibus Theologis constanter propugnatum, cui Ecclesia contradixerit. Ergo. Vide de hoc Canon Lib. VIII. de Loc. cap. 4.

C A P. XII.

De locis Theologiae externis.

Adu. EXterni theologiae loci sunt, ratio naturalis, Philosophorum placita, Historia humana (nam divina historia, quæ habetur in Libris Sacris, ad Scripturam pertinet). De ratione naturali, et Philosophorum placitis diximus in Dissertatione Prodroma, quantum sufficere putavimus. Reitat ergo humana historia, quæ duplex est, Ecclesiastica, et profana.

PROPOSITIO I.

Historia humana Theologo valde utilis est.

Prob. Ex historia humana discimus quid antiquum sit, quid novum: quæ dogmata in Conciliis sint statuta: quæ vetus, quæ nova Ecclesiæ disciplina: quæ praxis Sanctorum in civilibus reipublicæ perturbationibus: qua occasione scripserint Patres, aut habita sint Concilia; quod valde juvat ad eorum sensum intelligendum. Atqui hæc omnia adeo sunt utilia, ut nemo possit eruditus censeretur Theologus, qui ea ignoret. Ergo.

Scholium.

Tyrones igitur compendium aliquod Ecclesiasticæ historiæ perlegant, quale est Breviarium Ecclesiasticæ Hist. *Laurentii Berti*, aut Compendium Historiæ *Gravesoni*; non enim expedit, ut in ipso Theologicarum institutionum curriculo per latissimum Historiæ campum evagentur. Eo tamen emenso, *Baronii Annales* cum *Critica Papii*, *Natalem Alexandrum*, *Tillemontium*, *Fleurium*, *Orsium*, aliosque, si licebit, lectitare poterunt. *Gaspar Sagittarius* edidit *Introductionem in Historiam Ecclesiasticam*, & singulas ejus partes, quam supplevit, auxitq. *Joan. Andreas Schmidius*, ubi satis copiose enarrant, atque in ordinem digerunt Scriptores omnes Ecclesiasticæ Historiæ, quod et fecit *Joan. Albertus Fabricius Tom. XII. Bibliothecæ Græcæ*.

Porro quamvis una Theologo satis esset Ecclesiastica historia, tamen quia illa sine aliqua civilis historiæ notitia comparari nequit, sequitur ut hæc etiam non omnino negligenda sit.

PRO-

PROPOSITIO II.

Res gesta, a pluribus gravibus, & fide dignis historicis relata, probabile theologo argumentum præbet.

Prob. Si namque, inquit Canus Lib. XI. de Log. cap. 4. Concl. 2. in ore duorum, vel trium stat omne verbum, cur adversus hanc legem pluribus testibus, rem eandem olim gestam contestantibus, fidem Theologus abrogabit?

PROPOSITIO III.

Res gesta, ab omnibus gravibus, & fide dignis historicis enarrata, certum suppeditat ad stabilienda Theologiae dogmata argumentum.

Prob. Quia de hujusmodi factis, quæ graves historici omnes, nemine contradicente, enarrant, dubitare manifesta insania est. Quis enim ex. gr. serio dubitaverit, fuisse Casarem? Quis negaverit, Petrum Romæ fuisse? Imo si de hujusmodi rebus dubitari fas esset, mutaret etiam veritas earum rerum, quæ motiva credibilitatis dicuntur: probari non posset, Concilium aliquod revera fuisse legitimum, & oecumenicum; atque pessum iret Theologia universa. Ergo.

Dices. Quænam conditiones requiruntur, ut historicus aliquis fide dignus habeatur.

R. Tres. Prima, ut sit rei, quam enarrat, cœvus. Altera, ut in aliis rebus non sit deceptus, aut manifestas venditaverit fabulas. Tertia, ut ipsius non intersit, quod res ita evenerint, ut ab eo referuntur. Vide Honoratum a S. Maria in Animadversionibus super regulas, & usum artis Criticæ.

C A P. XIII.

De Theologicis propositionum censuris.

SOlet Ecclesia propositiones a veritate aberrantes, quas Scripturæ aliquis vulgavit, censoria nota inungere. Hæ autem censuræ præcipuæ numerantur septem in Concilio Constantiensi *Sess. VIII.* in damnatione propositionum *Wiclefii*, quibus deinde aliæ censurarum species additæ sunt a R. Pontificibus, quarum sensum perspectum habere Theologos, necesse est. Aliæ itaque propositiones dicuntur *hereticæ*; aliæ *erroneæ*; aliæ *schismatica*, aliæ *seditione*, aliæ *blasphemia*, aliæ *impie*, aliæ *scandalosæ*, aliæ *temerariæ*, aliæ *pianum aurium offensivæ*, aliæ *falsæ*, aliæ *verbo Dei contrariæ*; quas hic singillatim explicabimus.

Illud tamen sedulo animadvertendum est, censuras istas notare propositiones, quales ipsæ per se, & ex objecto sunt, non quales sunt in eo, qui eas protulit. Fieri enim potest, ut qui propositionem ex objecto hæreticam pronuntiaverit, hæreticus non sit, eo quod ab ea pertinacia sit immunis; quæ ad hæreticum constituendum; et damnandum necessaria est; atque idcirco in eo homine propositio *formaliter* hæretica non sit iudicanda. Idem de aliis censuris esto iudicium. Nunc singula perstringamus:

I. Propositio *heretica* dicitur ea, quæ directe opponitur propositioni revelatæ, et ab Ecclesia ad credendum propositæ. Propositio autem revelata, et ab Ecclesia ad credendum proposita est, quæ vel expresse habetur in Scripturis, vel si non habetur in Scripturis, aut non ita clare habetur; constat tamen ex traditione, et definita est ab Ecclesia ut dogma fidei. Sic ista propositio: *gratia Dei secundum merita nostra datur*, hæretica est, quia opponitur propositioni revelatæ, quæ expresse habetur in Scripturis: *si gratia, sunt non ex operibus, alioquin gratia non esset gratia Rom.* XI. 6. Item hæc propositio, *baptismus ab hereticis forma legitima collatus, est invalidus*, hæretica est, quia licet contrarium non habeatur expresse in Scripturis, habetur tamen ex traditione, et definitum ab Ecclesia est

est ut dogma fidei. Ante Ecclesiæ definitionem propositio illa non erat hæretica, unde *Cyprianus*, qui eam asseruerat, excusatur ab *Augustino*; quia licet contrarium a Deo fuerat revelatum (revelatio enim, ut supra diximus, jam primitus plene facta est Apostolis) tamen ob humanam infirmitatem multis erat obscurum, quid ea de re revelaverit Deus; necdum Ecclesia rem declaraverat. Quod autem nonnulli recentiores Theologi affirmarunt, etiam post Ecclesiæ definitionem posse aliquod dogma fidei iterum obscurari, ut jam hæretici non sint, qui contrarium tenent, id, ut mississime dicam, valde temerarium est.

Illud autem est addubitatum; utrum propositio, quæ adversatur conclusioni Theologicæ, quæ ex duabus pendeat, quarum una ex fide, altera ex naturali ratione constet; hæretica censenda sit. Quæ in re distinguendum est. Si enim conclusio ita evidenter ex dogmate fidei sequatur, ut potius ejus explicatio censenda sit; nec possit illo pacto negari, quin simul dogma fidei negetur, tunc ipsa derivatur; tunc contraria propositio hæretica censi debet. Sic illa propositio: *non sunt in Christo due voluntates*; item illa: *non est in Christo anima rationalis*, hæreticæ sunt, quia contrariæ adeo evidenter sequuntur ex illa: *Christus est homo*; ut potius ejus explanationes videantur, nec negari possint, salvo principio. At si conclusio sit alterius generis, contraria propositio hæreseos notam effugiet. Vide libellum *Francisci Veronii*, cui titulus est: *Regula fidei*. Vide et *Canum Lib. XII.*

Huic censuræ, quæ propositio hæretica dicitur; affines sunt alix tres, quibus propositio aliqua dicitur vel *suspecta de hæresi*, vel *sapiens hæresim*, vel *hæresim proxima*. Propositio *suspecta de hæresi* est, quæ probabiliter; *sapiens hæresim* est, quæ probabilius; *proxima hæresi* est, quæ probabilissime opponitur veritati revelatæ.

II. *Erronea* propositio est, quæ opponitur veritati, quam universa tenet Ecclesia, vel constans omnium Theologorum sententia docet, licet nondum sit ab Ecclesia definita. Ita propositio: *B. Virgo non est in cælum cum corpore assumpta*; jam hodie erronea est,

III. *Schismatica* propositio dicitur, quæ fideles a subjectione S. Pontificis, & legitimorum Pastorum retrahit. Sic qui diceret: *S. Pontifex tyrannicum gerit imperium*; schismaticam propositionem profert.

IV. *Seditiosa* est, quæ subditos ad rebellandum contra legitimos principes movet.

V. *Blasphema* est propositio, quæ convicium aliquod in Deum, vel Sanctos continet, tribuens illis aliquod indecens, vel negans quod illis debetur, ut est illa: *aliqua Dei præcepta hominibus iustis volentibus, & conantibus secundum præsentem, quas habent vires, sunt impossibilia, deest quoque iis adiutorium, quo fiant possibilia*.

VI. *Impia* dicitur propositio, quæ ad cultum Deo debitum aut tollendum, aut minuendum tendit.

VII. *Scandalosa* dicitur propositio, quæ per se apta est ad proximum in peccatum inducendum, vel a virtutum exercitio retrahendum; ut si quis diceret: *ex confessione auriculari gravia sequuntur incommoda*. Potest autem aliqua propositio esse vera, & tamen pro temporum, locorum, aut auditorum circumstantiis scandalosa; ita ut, mutatis circumstantiis, defendi possit.

VIII. *Temeraria* est, quæ nullo aut Scripturæ, aut traditionis, aut rationis theologicæ fundamento, a communi Theologorum sententia recedit.

IX. *Falsa* dicitur, quæ factum aliquod historicum falso asserit, quod fidei aliquo modo nocere possit. Nam si fidei non noceat, Theologica censura notari non debet.

X. *Piarum aurium offensiva* propositio est, quæ licet non sit hæretica, continet tamen aliquid absonum, ex quo viri pii, non quidem ex imperitæ multitudinem, sed graves, & prudentes offenduntur, ut esset hæc propositio: *Erravit Constantinus Ecclesiam dotando*.

XI. Demum propositio *verbo Dei contraria* est, quæ opponitur Scripturæ, aut traditioni, sed non ita clare, & aperte. Quando scilicet Scriptura, aut traditio non adeo clara est, & Ecclesia rem nondum definiit.

Has censuras incurrere ad Ecclesiam pertinet, non ad privatos. Solent tamen Theologi aliqua censura propositiones quasdam arguendo notare, hoc est rationibus

Theo-

Theologicis probare, aliquam propositionem censuram mereri, si ad Ecclesiæ tribunal deferretur.

Movement hic nonnulli controversiam, utrum liceat, aut expediat multas simul propositiones damnare in globo, ut ajunt, hoc est damnare plures simul propositiones, ut erroneas, blasphemias, inopias, piarum aurium offensivas, scandalosas, hæreticas *respective*. Dicunt enim, ex hac damnatione in globo non constare, quænam censura cuique propositioni conveniat. Nobis, sat est, quod Concilium Constantiense Oecumenicum id fecerit in damnatione articulorum *Wiclefi*; quod enim universa Ecclesia facit, id utrum fieri debeat disputare, insolentissimæ insanix est, ut ait *Augustinus*. Nec refert, quod non constet, quænam cuique propositioni censura conveniat, cum constet, nullam ex iis propositionibus defendi posse, cum singulæ unam saltem ex iis censuris mereantur.

Vide de his propositionum censuris *Canum Lib. XII. Cap. 6.* ubi multa de his propositionum censuris: de hæresi præsertim disserit erudite, ac luculenter *Card. de Turrecremata Lib. IV. Summ. De Ecclesia, Part. 2. & alios.*

Scholium.

Ex iis, quæ duobus jam libris disseruimus, pater, hominem sola naturali ratione non potuisse veram invenire religionem, atque ad beatam vitam pervenire. Hanc igitur necessitatem commiserans Deus, jam inde ab initio post Adæ lapsum pollicitus est Christum *Gen. III. 15.* atque in fide ipsius Christi jam ab ipso mundi exordio religio Christiana fundata est, ad quam omnes justî, & electi pertinerent. Ab hac fide cum magna hominum pars ad idololatriam defecisset, vocavit Deus *Abraham*, ejusque familiam a ceteris gentibus circumcisione discrevit, ac peculiari sibi fœdere devinxit, quam etiam deinde per *Moysem* novis ritibus, ac Sacramentis, quæ Christum significabant, ideoque in ejus morte abolenda erant; colligavit. Hæc particularis Ecclesia, Moisaicis ritibus collecta, extra quam poterant homines per Dei gratiam justî, ac salvî esse, ideoque catholica non erat,

erat, communiter a Scriptoribus Ecclesiasticis *Synagoga* dicitur: quod nomen congregationem significat, & potest etiam irrationabilibus animantibus convenire: ideoque melius carnali populo aptatur, cum contra Ecclesia cœtum significet vocatorum hominum, ratione utentium: ideoque melius Ecclesie Christi catholica conveniat; licet Scriptura promiscue Synagoga, & Ecclesiam vocet tum Mosaicam, tum Christianam societatem. Christi igitur Ecclesia numquam ab exordio mundi defecit, etiam Synagoga deficiente, nec umquam ex Christi promissis defutura est, ideoque nec umquam in fide errare potest. Quapropter eam, tamquam filii obediens, in omnibus audiamus, nec umquam ab ea ulla de causa discedamus. Illa enim semper erit, etsi nos in ea non simus.

Finis Lib. II.

APPENDIX AD LIB. II.

*Romanorum Pontificum, Conciliorum generalium,
Patrum, & hæreticorum libellus.*

Quoniam sæpe in Theologicis disputationibus Pontificum Romanorum, Conciliorum generalium, Patrum, aliorumque Scriptorum Ecclesiasticorum, & hæreticorum mentio occurrit, visum est mihi breviter hæc omnia ante oculos lectorum ponere, non ut ea tyrones memoriæ mandare cogantur, sed ut quo tempore Pontifices, & Patres floruerint, aut emerferint hæretici, quave occasione Concilia Generalia habita sint, pro re nata, cum opus fuerit, facile inveniant. Controversias autem chronologicas inter eruditos agitata prætermisi, verosimilia secutus.

C A P. I.

De Summis Pontificibus.

Nomina Pontificum. Initium Pontificatus. Obitus.

Petros Galilæus Romanus venit, ibique Pontificatum iniit	Anno Æ. V. 40. Obit an. 65
Linus Etruscus	Creatus Anno 65 Obit an. 76
Cletus Romanus	Creatus Anno 76 Obit an. 89
Clemens I. Romanus	Cr. an. 89 Ob. an. 98
Anacletus Atheniensis	Cr. an. 98 Ob. an. 100
Evaristus Syrus	Cr. an. 100 Ob. an. 109
Alexander I. Romanus	Cr. an. 109 Ob. an. 117
Sixtus I. Romanus	Cr. an. 117 Ob. an. 127
Thelesphorus Thuriensis	Cr. an. 127 Ob. an. 130
Hyginus Arheniensis	Cr. an. 130 Ob. an. 142
Pius I. Aquilejensis	Cr. an. 142 Ob. an. 156
Anicetus Syrus	Cr. an. 156 Ob. an. 168
Soter Fundanus	Cr. an. 168 Ob. an. 177
Eleutherius Neapolitanus	Cr. an. 177 Ob. an. 192
Victor I. Afer.	Cr. an. 192 Ob. an. 201
Zephyrinus Romanus	Cr. an. 201 Ob. an. 219

Cal-

Callixtus I. Romanus	Cr. an. 219 Ob. an. 224
Urbanus I. Romanus	Cr. an. 224 Ob. an. 231
Pontianus I. Romanus	Cr. an. 231 Ob. an. 235
Anterus Græcus	Cr. an. 236 Ob. an. 236
Fabianus Romanus	Cr. an. 236 Ob. an. 250
Cornelius Romanus	Cr. an. 250 Ob. an. 252
Sub hoc Pontifice primum Schisma factum est a Novatiano Antipapa, duravitque annis circiter sex.	
Lucius I. Romanus	Cr. an. 252 Ob. an. 253
Stephanus I. Romanus	Cr. an. 253 Ob. an. 257
Sixtus II. Atheniensis	Cr. an. 257 Ob. an. 258
Dionysius Græcus	Cr. an. 258 Ob. an. 271
Felix I. Romanus	Cr. an. 271 Ob. an. 276
Eutychianus Hetruscus	Cr. an. 276 Ob. an. 283
Cajus Dalmata	Cr. an. 283 Ob. an. 296
Marcellinus Romanus	Cr. an. 296 Ob. an. 304
Marcellus I. Romanus	Cr. an. 304 Ob. an. 309
Eusebius Græcus	Cr. an. 309 Ob. an. 311
Melchiodes Afer	Cr. an. 311 Ob. an. 313
Sylvester I. Romanus	Cr. an. 314 Ob. an. 335
Marcus Romanus	Cr. an. 336 Ob. an. 352
Liberius Romanus	Cr. an. 352 Ob. an. 356
Felix II. Romanus vivente adhuc Liberio factus Pont. eo mortuo legitime electus est.	Cr. an. 356 Ob. an. 367
Damasus I. Hispanus	Cr. an. 367 Ob. an. 384
Ursicinus Romanus Diaconus Antipapa.	
Siricius Romanus	Cr. an. 384 Ob. an. 398
Anastasius I. Romanus	Cr. an. 398 Ob. an. 402
Innocentius I. Albanus	Cr. an. 402 Ob. an. 417
Zosimus Græcus	Cr. an. 417 Ob. an. 418
Bonifacius I. Romanus	Cr. an. 418 Ob. an. 423
Cælestinus I. Comensis	Cr. an. 423 Ob. an. 432
Sixtus III. Romanus	Cr. an. 432 Ob. an. 440
Leo I. M. Tuscus	Cr. an. 440 Ob. an. 461
Hilarus Sardus	Cr. an. 461 Ob. an. 467
Simplicius Tiburtinus	Cr. an. 467 Ob. an. 483
Felix III. Romanus	Cr. an. 483 Ob. an. 492
Gelasius I. Africanus	Cr. an. 492 Ob. an. 496
Anastasius II. Romanus	Cr. an. 496 Ob. an. 498
Symmachus Sardus	Cr. an. 498 Ob. an. 514

157

Laurentius Romanus Archid. Antipapa.

Hotmisdas Campanus Cr. an. 514 Ob. an. 523

Joannes I. Tuscus Cr. an. 523 Ob. an. 526

Felix IV. Beneventanus Cr. an. 526 Ob. an. 530

Bonifacius II. Romanus Cr. an. 530 Ob. an. 532

Diofcorus Antipapa.

Joannes II. Romanus Cr. an. 532 Ob. an. 535

Agapetus I. Romanus Cr. an. 535 Ob. an. 536

Sylvester Campanus Cr. an. 536 Ob. an. 540

Vigilius Romanus Cr. an. 540 Ob. an. 555

Pelagius I. Romanus Cr. an. 555 Ob. an. 560

Joannes III. Romanus Cr. an. 560 Ob. an. 573

Benedictus I. Romanus Cr. an. 574 Ob. an. 578

Pelagius II. Romanus Cr. an. 578 Ob. an. 590

Gregorius M. Romanus Cr. an. 590 Ob. an. 604

Sabinianus Tuscus Cr. an. 604 Ob. an. 606

Bonifacius III. Romanus Cr. an. 607 Ob. an. 607

Bonifacius IV. Romanus Cr. an. 607 Ob. an. 615

Deusdedit Romanus Cr. an. 615 Ob. an. 618

Bonifacius V. Neapolitanus Cr. an. 618 Ob. an. 625

Honorius I. Campanus Cr. an. 625 Ob. an. 638

Severinus Romanus Cr. an. 639 Ob. an. 640

Joannes IV. Dalmata Cr. an. 640 Ob. an. 642

Theodorus I. Jerofolymitan. Cr. an. 642 Ob. an. 642

Martinus I. Tuscus Cr. an. 649 Ob. an. 655

Eugenius I. Romanus Cr. an. 655 Ob. an. 657

Vitalianus Campanus Cr. an. 657 Ob. an. 672

Adeodatus Romanus Cr. an. 672 Ob. an. 676

Donus I. Romanus Cr. an. 676 Ob. an. 678

Agatho Siculus Cr. an. 678 Ob. an. 682

Leo II. Siculus Cr. an. 682 Ob. an. 683

Benedictus II. Romanus Cr. an. 685 Ob. an. 685

Joannes V. Syrus Cr. an. 686 Ob. an. 686

Conon Trax Cr. an. 686 Ob. an. 687

Sergius I. Syrus Cr. an. 687 Ob. an. 701

Joannes VI. Græcus Cr. an. 701 Ob. an. 705

Joannes VII. Græcus Cr. an. 705 Ob. an. 707

Sifinnius Syrus Cr. an. 708 Ob. an. 708

Constantinus Syrus Cr. an. 708 Ob. an. 715

Gregorius II. Romanus Cr. an. 715 Ob. an. 731

Gregorius III. Syrus Cr. an. 731 Ob. an. 741

Tom. I.

V

Za.

Zacharias Græcus	Cr. an. 741 Ob. an. 752
Stephanus II. Romanus	Cr. an. 752 Ob. an. 757
Paulus I. Romanus	Cr. an. 757 Ob. an. 767
Constantinus adhuc laicus Antipapa.	
Stephanus III. Romanus	Cr. an. 768. Ob. an. 772
Hadrianus I. Romanus	Cr. an. 772 Ob. an. 795
Leo III. Romanus	Cr. an. 795 Ob. an. 816
Stephanus IV. Romanus	Cr. an. 816 Ob. an. 817
Paschalis I. Romanus	Cr. an. 817 Ob. an. 824
Eugenius II. Romanus	Cr. an. 824 Ob. an. 827
Valentinus Romanus	Cr. an. 827 Ob. an. 827
Gregorius IV. Romanus	Cr. an. 827 Ob. an. 844
Sergius II. Romanus	Cr. an. 844 Ob. an. 847
Leo IV. Romanus	Cr. an. 847 Ob. an. 855
Benedictus III. Romanus	Cr. an. 855 Ob. an. 858
Anastasius Presbyter Antipapa.	
Nicolaus I. Romanus	Cr. an. 858 Ob. an. 867
Hadrianus II. Romanus	Cr. an. 867 Ob. an. 872
Joannes VIII. Romanus	Cr. an. 872 Ob. an. 882
Marinus I. Faliscus	Cr. an. 882 Ob. an. 884
Hadrianus III. Romanus	Cr. an. 884 Ob. an. 885
Stephanus V. Romanus	Cr. an. 885 Ob. an. 891
Formosus Portuenfis.	Cr. an. 891 Ob. an. 896
Sergius Rom. Diac. Card. Antipapa.	
Bonifacius VI. Tuscus	Cr. an. 896 Ob. an. 896
Stephanus VI. Romanus	Cr. an. 896 Ob. an. 897
Romanus Faliscus	Cr. an. 897 Ob. an. 898
Joannes IX. Tiburtinus	Cr. an. 898 Ob. an. 900
Benedictus IV. Romanus	Cr. an. 900 Ob. an. 903
Leo V. Ardeatinus	Cr. an. 903 Ob. an. 903
Christophorus Romanus	Cr. an. 903 Ob. an. 904
Sergius III. Romanus	Cr. an. 904 Ob. an. 911
Anastasius III. Romanus	Cr. an. 911 Ob. an. 913
Landus Sabinus	Cr. an. 913 Ob. an. 914
Joannes X. Romanus	Cr. an. 914 Ob. an. 928
Leo VI. Romanus	Cr. an. 928 Ob. an. 929
Stephanus VII. Romanus	Cr. an. 929 Ob. an. 931
Joannes XI. Romanus	Cr. an. 931 Ob. an. 936
Leo VII. Romanus	Cr. an. 936 Ob. an. 939
Stephanus VIII. Romanus	Cr. an. 939 Ob. an. 942

Marinus II. Romanus	Cr. an. 942 Ob. an. 946
Agapetus II. Romanus	Cr. an. 946 Ob. an. 957
Joannes XII. Romanus	Cr. an. 957 Ob. an. 964
Leo VIII. Rom. Diac. Antipapa.	
Benedictus V. Romanus	Cr. an. 964 Ob. an. 965
Joannes XIII. Romanus	Cr. an. 965 Ob. an. 972
Benedictus VI. Romanus	Cr. an. 972 Ob. an. 974
Bonifacius VII. Rom. Diac. Antipapa.	
Donus II. Romanus	Cr. an. 974 Ob. an. 975
Benedictus VII. Romanus	Cr. an. 975 Ob. an. 984
Joannes XIV. Papiensis	Cr. an. 984 Ob. an. 985
Joannes XV. Romanus	Cr. an. 985 Ob. an. 996
Joannes Episc. Placen. Antipapa.	
Gregorius V. Saxo	Cr. an. 996 Ob. an. 999
Sylvester II. Aquitanus	Cr. an. 999 Ob. an. 1003
Joannes XVII. Romanus	Cr. an. 1003 Ob. an. 1003
Joannes XVIII. Romanus	Cr. an. 1003 Ob. an. 1009
Sergius IV. Romanus	Cr. an. 1009 Ob. an. 1009
Benedictus VIII. Romanus	Cr. an. 1009 Ob. an. 1024
Gregorius VI. Presbyter. Antipapa.	
Joannes XIX. Romanus	Cr. an. 1024 Ob. an. 1033
Benedictus XI. Romanus	Cr. an. 1033 Ob. an. 1044
Sylvester II. antea Joannes, Antipapa.	
Joannes Antipapa.	
Clemens II. Saxo	Cr. an. 1046 Ob. an. 1047
Damasus II. Bavarus	Cr. an. 1047 Ob. an. 1048
Leo IX. Tullensis	Cr. an. 1048 Ob. an. 1054
Victor II. Germanus	Cr. an. 1055 Ob. an. 1057
Stephanus IX. Lotharingus	Cr. an. 1057 Ob. an. 1058
Benedictus X. Antipapa.	
Nicolaus II. Allobrox	Cr. an. 1059 Ob. an. 1061
Alexander II. Mediolanen.	Cr. an. 1061 Ob. an. 1073
Honorius II. Episc. Parmæ Antipapa.	
Gregorius VII. Tuscus	Cr. an. 1073 Ob. an. 1085
Clemens III. Archiep. Ravennæ Antipapa.	
Victor III. Beneventan.	Cr. an. 1086 Ob. an. 1087
Urbanus II. Gallus	Cr. an. 1087 Ob. an. 1099
Paschalis II. Tuscus	Cr. an. 1099 Ob. an. 1118
Silvester III., antea Theodoricus, Antipapa.	
Gelasius II. Neapolitan.	Cr. an. 1118 Obiit an. 1119

Gregorius VIII., antea Mauritius Antipapa.

Calixtus II. Burgundus Cr. an. 1119 Ob. an. 1124

Honorius II. Bononiensis Cr. an. 1124 Ob. an. 1130

Innocentius II. Romanus Cr. an. 1130 Ob. an. 1143

Anacletus III., antea Petrus Leo, Antipapa.

Victor II., antea Gregorius, Antipapa.

Cælestinus II. Tuscus Cr. an. 1143 Ob. an. 1144

Lucius II. Bononiensis Cr. an. 1144 Ob. an. 1145

Eugenius III. Tuscus Cr. an. 1145 Ob. an. 1153

Anastasius IV. Romanus Cr. an. 1153 Ob. an. 1154

Hadrianus IV. Anglus Cr. an. 1154 Ob. an. 1159

Alexander III. Tuscus Cr. an. 1159 Ob. an. 1181

Victor IV., antea Octavianus Romanus, Antipapa.

Paschalis III. antea Guido de Crema, Antipapa.

Calixtus III. antea Joannes ex Hungaria, Antipapa.

Lucius III. Lucensis Cr. an. 1181 Ob. an. 1185

Urbanus III. Mediolanen. Cr. an. 1185 Ob. an. 1187

Gregorius VIII. Beneventan. Cr. an. 1187 Ob. an. 1187

Clemens III. Romanus Cr. an. 1188 Ob. an. 1191

Cælestinus III. Romanus Cr. an. 1191 Ob. an. 1198

Innoc. III. Anagninus Cr. an. 1199 Ob. an. 1216

Honorius III. Romanus Cr. an. 1216 Ob. an. 1227

Gregorius IX. Anagninus Cr. an. 1227 Ob. an. 1241

Cælestinus IV. Mediolanen. Cr. an. 1241 Ob. an. 1241

Innocentius IV. Genuensis Cr. an. 1241 Ob. an. 1254

Alexander IV. Anagninus Cr. an. 1254 Ob. an. 1261

Urbanus IV. Gallus Cr. an. 1261 Ob. an. 1264

Clemens IV. Gallus Cr. an. 1265 Ob. an. 1268

Gregorius X. Placentinus Cr. an. 1271 Ob. an. 1276

Innocentius V. Burgundus Cr. an. 1276 Ob. an. 1276

Hadrianus V. Genuensis Cr. an. 1276 Ob. an. 1276

Joannes XXI. Lusitanus Cr. an. 1276 Ob. an. 1277

Nicolaus III. Romanus Cr. an. 1277 Ob. an. 1281

Martinus IV. Gallus Cr. an. 1281 Ob. an. 1285

Honorius IV. Romanus Cr. an. 1285 Ob. an. 1287

Nicolaus IV. Asculanus Cr. an. 1287 Ob. an. 1292

Cælestinus V. Neapolitanus, de Isernia, dictus

Petrus de Morone Cr. ann. 1294 Abdicavit an. 1294

Bonifacius VIII. Anagninus Cr. an. 1294 Ob. an. 1303

Benedictus XI. ex Tarvisio Cr. an. 1303 Ob. an. 1304

Clea

Clemens V. Gallus	Cr. an. 1305 Ob. an. 1314
Joannes XXII. Gallus	Cr. an. 1316 Ob. an. 1334
Nicolaus V., antea Petrus de Gorbaria Antipapa.	
Benedictus XII. Gallus	Cr. an. 1334 Ob. an. 1342
Clemens VI. Gallus	Cr. an. 1342 Ob. an. 1352
Innocentius VI. Gallus	Cr. an. 1352 Ob. an. 1362
Urbanus V. Gallus	Cr. an. 1362 Ob. an. 1369
Gregorius XI. Gallus	Cr. an. 1370 Ob. an. 1378
Urbanus VI. Neapolitan.	Cr. an. 1378 Ob. an. 1379
Clemens VII. Robertus Sebennensis, Antipapa.	
Petrus de Luna Antipapa.	
Bonifacius IX. Neapolitan.	Cr. an. 1389 Ob. an. 1402
Innocentius VII. Sulmonen.	Cr. an. 1404 Ob. an. 1406
Gregorius XII. Venerus	Cr. an. 1406 abdicavit an. 1409
Alexander V. Bononien.	Cr. an. 1409 Ob. an. 1410
Joannes XXIII. Neapolitan.	Cr. an. 1410 Ob. an. 1415
Martinus V. Romanus	Cr. an. 1417 Ob. an. 1431
Eugenius IV. Venerus	Cr. an. 1431 Ob. an. 1447
Felix V., antea Amadeus, Sabaudiae Dux, Antipapa.	
Nicolaus V. Sarzanensis	Cr. an. 1447 Ob. an. 1455
Calixtus III. Hispanus	Cr. an. 1455 Ob. an. 1458
Pius II. Senensis	Cr. an. 1458 Ob. an. 1464
Paulus II. Venerus	Cr. an. 1464 Ob. an. 1471
Sixtus IV. Savonensis	Cr. an. 1471 Ob. an. 1484
Innocentius VIII. Genuen.	Cr. an. 1484 Ob. an. 1492
Alexander VI. Hispanus	Cr. an. 1492 Ob. an. 1503
Pius III. Senensis	Cr. an. 1503 Ob. an. 1503
Julius II. Savonensis	Cr. an. 1503 Ob. an. 1513
Leo X. Florentinus	Cr. an. 1513 Ob. an. 1521
Hadrianus VI. e Belgio	Cr. an. 1522 Ob. an. 1523
Clemens VII. Florentinus	Cr. an. 1523 Ob. an. 1534
Paulus III. Romanus	Cr. an. 1534 Ob. an. 1549
Julius III., Aretinus	Cr. an. 1550 Ob. an. 1555
Marcellus II. Italus	Cr. an. 1555 Ob. an. 1555
Paulus IV. Neapolitanus	Cr. an. 1555 Ob. an. 1559
Pius IV. Mediolanensis	Cr. an. 1559 Ob. an. 1565
Pius V. Alexandrinus	Cr. an. 1566 Ob. an. 1572
Gregorius XIII. Bononien.	Cr. an. 1572 Ob. an. 1585
Sixtus V. montis alti Picenus	Cr. an. 1585 Ob. an. 1590
Urbanus VII. Romanus	Cr. an. 1590 Ob. an. 1590

Gregorius XIV. Mediolanensis	Cr. an. 1590	Ob. an. 1591
Innocentius IX. Bononiensis	Cr. an. 1591	Ob. an. 1591
Clemens VIII. Florentinus	Cr. an. 1592	Ob. an. 1605
Leo XI. Florentinus	Cr. an. 1605	Ob. an. 1605
Paulus V. Romanus	Cr. an. 1605	Ob. an. 1621
Gregorius XV. Bononiensis	Cr. an. 1621	Ob. an. 1623
Urbanus VIII. Florentinus	Cr. an. 1623	Ob. an. 1644
Innocentius X. Romanus	Cr. an. 1644	Ob. an. 1655
Alexander VII. Senensis	Cr. an. 1655	Ob. an. 1667
Clemens IX. Tuscanus	Cr. an. 1667	Ob. an. 1669
Clemens X. Romanus	Cr. an. 1669	Ob. an. 1676
Innocentius XI. Comensis	Cr. an. 1676	Ob. an. 1689
Alexander VIII. Venetus	Cr. an. 1689	Ob. an. 1691
Innocentius XII. Neapolitanus	Cr. an. 1691	Ob. an. 1700
Clemens XI. Urbinas	Cr. an. 1700	Ob. an. 1721
Innocentius XIII. Romanus	Cr. an. 1721	Ob. an. 1724
Benedictus XIII. Romanus	Cr. an. 1724	Ob. an. 1730
Clemens XII. Florentinus	Cr. an. 1730	Ob. an. 1740
Benedictus XIV. Bononiensis	Cr. an. 1740	Ob. an. 1758
Clemens XIII. Venetus	Cr. an. 1758	Ob. an. 1769
Clemens XIV. Riminensis	Cr. an. 1769	Ob. an. 1774
Pius VI. Casenas	Cr. an. 1774	Ob. an. 1799
Pius VII. Casenas	Cr. an. 1800	Ecclesiam hodie feliciter regit.

C A P. II.

De Conciliis Oecumenicis.

§. I.

Concilium Nicaenum I.

POST Concilium Apostolorum Hierosolymis habitum ad
finiendam controversiam de Mosaicorum rituum
abrogatione, quæ universam Ecclesiam turbaverat, pri-
mum generale Concilium celebratum est Nicæ in Bythi-
nia anno CCCXXV. Convocatum est a *Constantino* M.
non sine consensu S. Pontificis, quod & in aliis septem
prio.

prioribus Conciliis oecumenicis factum esse, merito existimamus. Præfuerunt Concilio *Osius* Episcopus Cordubensis, *Virus*, & *Vincentius* Presbyteri, nomine *Sylvestri* S. Pontificis. Convenērunt Episcopi trecenti octodecim, ut testatur communis omnium veterum consensio, ex qua patet, mendosum esse locum Eusebii *Lib. III. De vita Constant.* ubi Episcopos numerat ducentos quinquaginta. Ipse *Constantinus* Concilio interfuit, sed infra Episcopos, & quidem ipsis roganribus, sedit. In eo 1.^o damnata est Aiana hæresis, quæ jam multos in Ægypto, atque Asia infecerat, ipseque *Arius* Presbyter Alexandrinus, qui Verbi divinitatem negabat; eamque ob causam inserta symbolo est vox *omnis*, consubstantialis, cui *Arius* subscribere noluit, ut testatur *Athanasius*, qui rem melius nosse potuit, quam *Hieronymus*, qui in *Dial. cont. Lucifer.* ait, ipsum *Arium* formulæ Nicænæ subscripsisse. 2.^o Damnati *Quartodecimani*, qui Pascha cum Iudæis ipsa die decimaquarta lunæ celebrandam docebant, sancitumque, ut semper Dominica sequenti, ut hodie fit in Ecclesia, celebraretur; & ita demum sopita controversia, quæ inter occidentalem, & plures orientales Ecclesias fere ab ipso Ecclesiæ initio duraverat. 3.^o Ad extinguendum schisma Meletianum, constitutum scilicet a *Meletio* Lycopolis Episcopo, qui, variis criminibus Episcopatu motus, adhuc pergebat ordinationes, & alia Episcopalia celebrare officia, statutum est, ut *Meletius* ipse solum retineret Episcopi nomen; ordinati vero ab eo Clerici Alexandrino Episcopo subessent. 4.^o Canones editi sunt viginti, ad disciplinam pertinentes; alii enim, qui circumferuntur Nicæni canones, apocryphi sunt.

Absoluto Nicæno Concilio, Ariani Episcopi, qui metu exilii subscripserant Nicænæ fidei, nullum non moverunt lapidem, ut eam abolerent, & *Athanasium* strenuum ejus vindicem perderent, pluribus coactis synodis, variisque, ac novis fidei formulis concinnatis, freti maxime parrocinio *Constantii*, & *Valentis* Imperatorum. Celebriores eorum Synodi fuerunt Tyria, Antiochena, Ariminensis, Seleuciensis, Syrmienensis. Sed tandem sub *Theodosio* M. fractis Arianorum viribus, pax Ecclesiæ restituta est.

Concilium Sardicense anno CCCXLVII. habitum est sub *Constantio*, & *Constante* Imp. presidente eodem *Oso* Cordubensi, & duobus presbyteris legatis S. Pontificis In eo concilio Nicæna fides confirmata est. Fuisse autem Oecumenicum Concilium, *Natalis* Alexander ostendit adversus *Petrum de Marca*; sed quia habitum est a veteribus, tamquam Nicæni Concilii appendix, ejusque Canones sæpe sub nomine Concilii Nicæni laudantur a veteribus, non numeratur ut alterum concilium generale post Nicænum. De eo vide eundem *Nat. Alexandrum Dissert. XXVII. in Hist. Eccl. Sæc. IV.*

S. II.

Concilium Constantinopolitanum I.

II. Concilium Constantinopolitanum I. indictum est a *Theodosio M.* habitumque anno CCCLXXXI. Præfuit huic Concilio primum *Meletius*, Episcopus Antiochenus; deinde, eo mortuo, *Gregorius Nazianzenus*, qui in eodem Concilio electus est Episcopus Constantinopolitanus, depulso ejus sedis invasore *Maximo Cynico*. Cum oris dissensionibus, ipse *Gregorius* Episcopatu Constantinopolitano, studio pacis, se abdicasset, præfuit *Timotheus Alexandrinus*, donec electus *Nectarius* Episcopus Constantinopolitanus usque ad finem Concilio præfuit. Adfuerunt Episcopi centum quinquaginta. Et quamvis ipsi Concilium generale non constituerent, absensibus omnibus Episcopis Occidentis, tamen cum *Damasus* Papa, una cum concilio occidentalium, Constantinopolitani decreta probasset, evasit hoc Concilium oecumenicum. In eo 1º. confirmata est Nicæna fides, damnati Ariani, Sabelliani, Phoriniani, Apollinaristæ; 2º. damnatus *Macedonius*, Episcopus Constantinopolitanus, qui Spiritus S. divinitatem negabat, insertaque symbolo verba illa, quæ ad ejusdem Spiritus S. divinitatem spectant 3º. Editi canones septem circa disciplinam, quamquam in collectione *Dionysii Exigui* quatuor tantum sint.

§. III.

II. Concilium Ephesinum.

III. Ephesinum indictum est a *Teodosio* juniore, habitumque anno CCCXXXI. presidente primum *Cyrillo Alexandrino*, deinde legatis S. Pontificis. Convenerunt Episcopi plusquam ducenti. Damnatus est in eo Concilio *Nestorius* Constantinopolitanus Episcopus docens, in Christo duas esse personas divinam, & humanam, ideoque B. Virginem non esse dicendam *Θεοτοκος*, *Deiparam*. Etiam pelagiani, qui ab Italia pulsi, ad *Nestorium* confugerant, damnati sunt. *Joannes Antiochenus*, *Nestorio* favens, quem ab heresi putabat immunem, tardius Ephesum adveniens, & indigne ferens *Nestorii* damnationem, cum Episcopis suis conciliabulum habuit: *Cyrillum*, aliosque Episcopos damnavit. Tandem, dissoluto Concilio, pax inter eos inrita est.

§. IV.

Concilium Chalcedonense.

IV. Chalcedonense indictum est a *Marciano*, & celebratum anno CCCCLI. presidentibus S. Pontificis *Leonis* M. legatis. Adfuerunt Episcopi sexcenti triginta sex. 1°. Damnatus *Eutyches* docens, unam esse Christi naturam, ejusque fautor *Dioscorus Alexandrinus*, qui in Ephesino Concilio, quod vulgo *latrocinium Ephesinum* dicitur, *Eutychen* absolverat, *Flavianum* Constantinopolitanum Episcopum damnaverat, omniaque vi, & armis perturbaverat. 2°. Editi canones viginti octo, inter quos ille celeberrimus, qui Constantinopolitanum Episcopum ad Patriarchalem dignitatem, & auctoritatem extollebat contra canones Nicænos, ideoque diu a Romanis Pontificibus improbatus, deinde, studio pacis, tacito consensu receptus, tandem in Concilio Lateranensi IV. sub *Innocentio* III. confirmatus est.

§. V.

§. V.

Concilium Constantinopolitanum II.

V. Constantinopolitanum II. indictum est a *Iustiniano*, & celebratum anno DXLIX. Convenerunt Episcopi centum sexaginta circiter. In eo primum quatuor priora Concilia oecumenica confirmata sunt. Deinde damnatus est, quamquam mortuus, *Theodorus Mopsuestenus*; ejusque opera; damnata quoque scripta *Theodoret*, *Cyrensis* contra *S. Cyrillum*, & Epistola *Ibas Edesseni* ad *Marini Persam* quæ scripta *Nestorio* favore videbantur. Sed quia *Theodoretus*, & *Ibas* a Concilio Chalcedonenſi judicati fuerant catholici, dicentes anathema *Nestorio*, ejusque hæresi; ideo non ipsi, sed ipsorum scripta contra *Cyrillum* damnata sunt. Hæc sunt tria Capitula; de quibus magna animi contentione certatum est etiam post Concilium Constantinop. II. sed quia illud a *Vigilio* primum Pontifice, deinde ab Ecclesia universa paulatim receptum est, evasit Oecumenicum.

§. VI.

Constantinopolitanum III.

VI. Constantinopolitanum III. indictum a *Constantino Pogonato*; celebratumque est anno DCLXXX. Adfuerunt Episcopi circiter ducenti, præſidentibus legatis *S. Pontificis*: Damnata hæresis *Monothelitarum* negantium duas in *Christo* voluntates, & operationes, divinam, & humanam. Quoniam autem quintum, & sextum generale Concilium non ediderant canones ad disciplinam pertinentes, habita est in *Trullo*, seu amplo cubiculo Palatii Imperialis Synodus *Trullana*; sed *Quinisexta*, quasi ad supplendum quintum, & sextum Concilium. Eam tamen Synodum, in qua jam superbiz Græcorum igniculi erumpebant, Romana Ecclesia non recepit.

§. VII.

§. VII.

Nicænum II.

VII. Nicænum II. convocatum a *Constantino*, & *Irene* ejus matre, habitumque est anno DCCLXXXVII. contra *Iconomachos*, sive *Iconoclastas*, qui sacras imagines confringebant, asserentes, exoriri venerationem ad idololatriam pertinere. Adfuerunt Episcopi trecenti quinquaginta. Damnata igitur ea hæresis est, cultus imaginum restitutus, improbat, si qui irreperant, ex in re abusus.

§. VIII.

Constantinopolitanum IV.

VIII. Constantinopolitanum IV. indictum est ab Imperatore *Basilio*, habitumque anno DCCCLXX. Con-
venerunt Episcopi centum, & unus, præter patriarchas, præsidentibus etiam S. Pontificis legatis. Damnatus, atque in ordinem redactus *Photius*, qui Patriarchalem Constantinopolis sedem invalerat, expulso legitimo Episcopo *S. Ignatio*, qui in hoc Concilio restitutus est. Sed cum *Photius* deinde iterum eam sedem occupasset, *Ignatio* depulso, semina schismatis inter Græcam, & Latinam Ecclesiam jecit, quod Schisma sæculo XI. agente *Michaële Cerulario* Constantinopolitano Episcopo, confirmatum est, adjuncta hæresi de processione Spiritus S. ex solo Patre. Hinc sequentia Oecumenica Concilia sine Græcis Schismaticis in Occidente celebrata sunt.

§. IX.

Lateranense I.

IX. Lateranense I. celebratum est Romæ a *Callisto* II. in Lateranensi Basilica anno MCXXIII. ad finiendam controversiam, quæ tot annos totam turbaverat Europam, de Investituris, sive electionibus Episcoporum & Abatum, quibus Imperatores, alique principes per traditionem annuli, et baculi celebrabant. Statutum itaque est, ut libera deinceps

ceps Clericis, et Monachis esset electio Episcoporum; et Abatum. Electi tamen *Regalia*, quæ, a Principibus donata, possidebat Ecclesia, ab ipsis Principibus non per baculi et annuli traditionem; sed per Sceptri contactum acciperent. His pactis conventis inter Imperatorem, et Pontificem, redintegrata pax est. Editi etiam in eo Concilio Canones duo, et viginti.

§. X.

Lateranense II.

X. Lateranense II. ab *Innocentio II.* celebratum est anno MCXXXIX. convenientibus Episcopis, Abbatibus, aliisque patribus circiter mille. Rescissa sunt acta *Petri Leonis* Antipapæ: Dammati hæretici *Petrus de Bruis*, & *Arnaldus Brixienfis*; Conditi canones circa disciplinam triginta.

§. XI.

Lateranense III.

XI. Lateranense III. ab *Alexandro III.* habitum est anno MCLXXIX. Adfuerunt Episcopi trecenti, inter quos aliqui etiam orientales. Dammati in eo Concilio *Albigenses*, & *Valdenses*. Occasione autem Schismatis *Octaviani* Antipapæ sancitum, ut nemo censeretur electus Pontifex, nisi a duabus tertiis Cardinalium partibus eligeretur. Conditi Canones ad disciplinam spectantes vigintiseptem.

§. XII.

Lateranense IV.

XII. Lateranense IV. sub *Innocentio III.* celebratum est anno MCCXV. convenientibus Episcopis quadringentis duodecim, Abatibus vero, aliisque patribus pluram octingentis. Dammati iterum *Albigenses*, nec non hæretici *Almarici* docentes, unumquemque debere fi-

de divina credere, se esse membrum *Christi* : & Liber Abatis *Joachimi* contra *Petrum Lombardum* . Decretum etiam est expeditio ad Terram Sanctam, sive Palæstinam a Saracenorum potestate liberandam . Condita est fidei expositio, & Canones circa disciplinam sexagintanovem .

§. XIII.

Lugdunense I.

XIII. Lugdunense I. ab *Innocentio* IV. habitum est in Gallia anno MCCXLV. convenientibus Episcopis centum triginta, Abatibus, aliisque Prælatiis, contra *Fridericum* II. Imperatorem. Decretum quidem contra illum editum est ab ipso *Innocentio* IV. *Sacro præsentis Concilio*, reliqua vero *Sacro approbante Concilio*. Decreta iterum expeditio Terræ sanctæ, aliæque circa disciplinam statuta sunt.

§. XIV.

Lugdunense II.

XIV. Lugdunense II. a *Gregorio* X. celebratum est anno MCCLXXIV. convenientibus Episcopis quingentis, Abatibus, aliisque Prælatiis circiter mille. Græci, ejurato Schismate, cum Latinis iniere pacem, decantato sollemniter symbolo cum adjecta particula *Filioque*; quum tamen pacem non diu servarunt. Decretum subsidium pro expeditione Ierosolymitana. Canones circa disciplinam triginta & unus a *Gregorio* ipso promulgati sunt,

§. XV.

Viennense.

XV. Viennense a *Clemente* V. habitum est anno MCCCXI. Viennæ Allobrogum. Adfuerunt Episcopi circiter trecenti, Abates, aliique Prælati. Extinctus ordo

ordo *Templariorum*. Dammati *Beguardi*, & *Beguine*, qui falsam quandam Christianæ viræ perfectionem commementi, varias docuere hæreses, quibus posteriorum sæculorum *Quiristis* præluserunt, nec non errores *Petri Jobannis*, *Fratricellorum*, *Dulcinistarum*, de quibus vide quæ infra dicentur. Actum etiam de subsidio Terræ sanctæ, ac de gravissimo inter *Bonifacium VIII.* *Clementis* præcessorem, & *Philippum Pulchrum* Galliarum regem dissidio. Canones circa disciplinam condidit, ac promulgavit ipse *Clemens V.*

§. XVI.

Constantiense,

XVI. Constantiense convocatum est *Johanne XXIII.* anno MCCCCXIV. duravitque annis quatuor. In eo Concilio abolitum est Schisma, quod Ecclesiam Occidentis tot annis diviserat, ac perturbaverat, electis primo duobus, deinde tribus summis Pontificibus. Duo exautorati sunt *Johannes XXIII.* & *Benedictus XIII.* tertius veto *Gregorius XII.* sponte Pontificatu se abdicavit. Electus deinde *Otho Columna*, qui *Martinus V.* appellatus est. In eodem concilio damnati sunt *Johannes Wiclefus*, *Johannes Hus*, & *Hieronymus Pragensis*. Sancitum, ut Eucharistia deinceps a laicis sub unica tantum specie sumeretur. Actum de Ecclesiæ reformatione, sed ea res dilata est.

§. XVII.

Basileense.

XVII. Basileense a *Martino V.* primum Papæ indictum, tum Senis haberi cœptum, demum Basileam translatum est anno MCCCCXXI. Adfuerunt Episcopi circiter trecenti. Actum est de Ecclesiæ reformatione. Sed hoc concilium, initio Oecumenicum, in exitu Schismaticum evasit, cum *Eugenius IV.* *Martini* successor, concilium indixit primo Ferrariæ, deinde Florentiæ ad reducendos in Ecclesiæ sinum Græcos. Episcopi enim non-

nonnulli Basileæ manserunt, ibique ipsum *Eugenium* dam-
nare, atque exauctorare tentarunt, creato *Felice V.*
Antipapa.

§. XVIII.

Florentinum.

XVIII. *Florentinum* ab *Eugenio IV.* habitum est
anno MCCCCXXVIII. primum Ferrariæ, ubi sexde-
cim habitæ sunt sessiones, deinde, peste ibi grassante,
Florentiam translatum, ibique novem reliquæ sessiones
celebratæ sunt. Concilio adfuit ipse *Johannes Paleolo-
gus* Græcorum Imperator, *Josephus* Patriarcha Constan-
tinopolitanus, ceterique Græci Episcopi. Redintegrata
inter Græcos, & Latinos concordia, & unio, sopitis
controversiis de processione Spiritus Sancti a Patre &
Filio, de adjectione particulæ *Filioque* facta Symbolo,
de consecratione Eucharistiæ in azymo, & fermentato,
de purgatorio, de beatitudine animarum sanctarum an-
te resurrectionem, de primatu summi Pontificis. Cete-
rum proflentibus Græcis, procedere Spiritum S. ex Pa-
tre, & Filio, recteque additam a Latinis symbolo par-
ticulam *Filioque*; concessum est, ut symbolum ipsum
sine ea additione in Ecclesia Græca recitare pergerent,
cum ea res ad disciplinam pertineret, ut ex Actis Con-
cilii Florentini advertit *Benedictus XIV. Constit. XLVII.*
Tom. IV. Bullar. quæ incipit *Allata sunt* §. 30. Unus
Marcus Episcopus Ephesus subscribere detrectans, in
Patriam reversus, multos Græcorum a pace abalienavit,
& in schismate confirmavit.

§. XIX.

Tridentinum.

XIX. *Tridentinum* a *Paulo III.* convocatum, anno
MDXLV. inchoatum est tum ad definiendas fidei con-
troversias a Lutheranis, & Calvinistis excitatas, tum
ad Ecclesiæ reformationem. Deinde intermissum, a *Ju-
lio III.* restitutum; mox denuo intermissum, a *Pio IV.*
re-

revocatum, absolutumque est anno MDLXIII. Quamvis autem hoc Concilium propter nonnulla disciplinæ capita non fuerit in Galliis sollemniter promulgatum, tamen tanta consensione ab Ecclesia universa, ipsisque Galliis receptum est, ut scripserit *Ludovicus Habert*, inter Gallos Theologos celebris: *In hoc Concilio tanta est copia dogmatum definitorum, tanta scientia Ecclesiastica eruditio, tanta moderatio in disceptationibus Scholasticis, a dogmatibus fidei secernendis, tantum denique restauratae discipline lumen, ut ipsa legere necesse sit decreta, e quibus velut e quodam veritatis, sanctitatisque fonte doctrina pura, sinceraque pietas hauriatur.* Objectiones *Caroli Molinæ*, *Petri Suavis*, & *Innocentii Gentileti* fusa dissolvit *Nat. Alexander Dissert. XII. art. 16. Sequel. XVI.*

§. XX.

Lateranense V.

Præter hæc concilia Oecumenica habitum est etiam ante Concilium Tridentinum *Lateranense V.* a *Julio II.* anno MDXII., eoque mortuo, absolutum a *Leone X.* occasione Concilii Pisani, quod quidam Cardinales, freti *Maximiliano Imperatore*, & *Ludovico XII. Gallorum Rege*, convocaverant contra *Julium II.* In *Lateranensi* autem confirmata sunt pacta, siue concordatum inter *Franciscum I. Gallorum Regem*, *Ludovic*, successorum, & *Leonem X.*, abolitum Schisma Pisani; aliaque sancita circa disciplinam. Patres non plus CXIV. in hoc Concilium convenerunt, quod non ab omnibus habetur ut oecumenicum.

De omnibus autem Conciliis vide *Nat. Alexandrum* in historia Ecclesiastica: De Tridentino *Pallavicinum*. Tyrones *Notitiam Conciliorum Cabassutii* lectitare possunt.

C A P. III.

De Patribus, aliisque Scriptoribus Ecclesiasticis.

Singula Patrum, & Scriptorum Ecclesiasticorum recensere opera, non est hujus loci. Opus enim foret longius, quam ut hic adjici posset. Sed quo saculo singuli floruerint, breviter adnotabimus.

§. I.

Primo seculo.

Præter auctores sacros, quorum Scripta sunt in Canone S. Scripturarum, floruerunt hoc seculo: 1º. *Clementis Romanus*, cujus duæ extant Epistolæ ad Corinthios; quarum prima, omnium eruditorum judicio, genuina; altera vero mutila, & a multis apocrypha censetur. Libri vero octo *Constitutionum Apostolicarum*, item *Itinerarium Petri*, *Disputatio Petri*, & *Apionis*, & aliæ epistolæ quinque supposititiæ sunt.

2º. *Barnabæ*, Pauli Apostoli comes. Sub ejus nomine fertur Epistola, quam *Hieronymus* vocat *apocrypham*.

3º. *Hermias*, sive Pastor, Opusculum edidit in tres partes tributum, quarum prima *Visiones*, altera *Statuta*, tertia *Similitudines* complectitur. Magno in pretio a pluribus olim habebatur. *Gelasius* tamen inter apocrypha recenset. Extat in *Bibl. Pp. Lugdun.* Tom. I. & apud *Cotelerium*, qui & omnes istos Apostolicorum temporum Patres edidit, & eruditissime illustravit.

4º. De Epistolis *Martialis*, Episcopi Lemovicensium, & de Scriptis *Prochori*, *Lini*, & *Abdias* varie opinantur eruditi.

5º. Opera vero, quæ tribuuntur *Dionysio Areopagita*, nempe *De Divinis nominibus*, *De celesti*, & *Ecclesiastica Hierarchia*, non sunt revera Areopagitæ, sed alterius *Dionysii* recentioris, ideoque ad hoc seculum non pertinent.

S. II.

Sæculo II.

1°. *Ignatius*, Episcopus Antiochenus, a *Trajano* damnatus ad bestias, Romam missus est; ibique a leonibus discorptus, ineunte sæculo secundo: Scripsit in itinere Epistolas septem ad Romanos, ad Ephesios, ad Smyrnenenses, ad Philadelphios, ad Magnesianos, ad Tralenses, & ad Polycarpum: quas genuinas ex codice Bibliothecæ Medicæ edidit *Isaacus Vossius*. Reliquæ verò ejus Epistolæ, quæ in Tom. I. Bibl. Pp. habentur, necnon opus Inscriptum *Didagmatica*, supposititia sunt.

2°. *Polycarpus*, Episcopus Smyrnenasis, & Martyr, Epistolam scripsit ad Philippenses; summis laudibus a veteribus merito celebrata: Ceterum *Ignatius*, & *Polycarpus*, cum initio hujus sæculi martyres obierint, solent etiam tamquam primi sæculi Patres laudari.

3°. *Justinus Sumaritanus*, primum Philosophus Platonicus, exinde Christianus, & martyr, scripsit Apologias duas pro Christianis ad Imperatores, Dialogum cum *Tryphone* Judæo, & Orationem Pateticam ad Græcos: De nonnullis operibus, quæ ejus nomine edita sunt, eruditi dubitant.

4°. *Irenæus*, Episcopus Lugdunensis, & martyr, libros scripsit quinque adversus hæreses.

5°. Alias pro Christianis Apologias scripserunt *Tatianus*, cujus liber superest contra Gentes in appendice Operum *Justini*; *Melito Sardenfis*, *Athenagoras*, *Theophilus Antiochenus*, cujus supersunt libri tres ad Autolyam: *Apollinaris Hierapolitanus*, *Aristides*, & *Quadratus*, quorum pauca supersunt.

6°. *Clemens Alexandrinus* presbyter, Pantani discipulus, præceptor *Origenis*, Libros edidit Stromatum octo, *Pedagogi* tres, & *Protrepticon* ad gentes, sacra, & profana eruditione repletos.

7°. Floruerunt eodem sæculo *Hegesippus*, *Dionysius*, Corinthiorum Episcopus, *Musanus*, *Modestus*, *Miltiades*, *Asterius Urbanus*, *Serapion Antiochenus*, *Theophilus Casareaensis*, *Maximus*; deuique *Papias Hierapolite*.

Itaque, fabulæ millenariorum auctor. Sed præter *Hegesippum*, aliorum opera perierunt, paucis exceptis fragmentis, quæ apud *Eusebium*, aliosque veteres leguntur.

§. III.

Seculo III.

1º. *Q. Septimius Tertullianus*, exeunte superiore sæculo, & tertio incipiente floruit. Pro Christianis edidit *Apologeticum*, opus egregium, & numquam satie laudandum, & de *Prescriptionibus* adversus omnes hæreses. Scripsit etiam contra *Murcionem*, *Praxeam*, *Valentinum*, *Hermogenem*, aliaque opera: sed servidiori ingenio laxans habenas, in plura primum absurda, deinde in hæresim Montanistarum incidit.

2º. *Minucius Felix* Dialogum scripsit, cui titulus *Octavius*: opus elegans, in quo Gentilium fabulas accurate confutat.

3º. *Ammonius Sæcæ* scripsit *De concordia Moysæ cum Jesu*.

4º. *Julius Africanus* scripsit brevi methodo Chronographiam, Historiam Susannæ, quæ superest, & genealogiam Christi, aliaque, quorum meminit *Eusebius*.

5º. *Origenes*, propter improbos in sacris litteris excolendis labores, dictus *Adamantius*, innumera scripsit opera tum in S. Scripturam, tum adversus Gentiles. Excellunt libri contra *Celsum*, *Exapla*, & *Octapla* (quæ tamen perierunt), & *Peri-archon*. Multis tamen erroribus scarent ejus opera, ideoque damnata sunt in V. Synodo. Magnos habuit in vita, & post mortem adversarios, magnosque fautores.

6º. *Dionysius Alexandrinus*, cujus pauca supersunt apud *Eusebium*.

7º. *Cyprianus*, *Carthaginensis* Episcopus, & martyr, multa scripsit egregia, de quibus ait *Hieronymus*, in *Lib. de Script. Eccl.* Sole clariora sunt ejus opera.

8º. *Gregorius Thaumaturgus*, *Neocesareæ* Episcopus, scripsit *Expositionem in Ecclesiasten*, & *Epistolam Canonicam de lapsis*, quæ superest. Habetur etiam ejus *expositio Fidei* apud *Gregorium Nyssenum*.

9°. *Novatianus* Librum scripsit *De Trinitate*, *Tertul-
liano* olim attributum.

10. Ad hoc etiam sæculum pertinent *Hypolitus Per-
tuensis*, *Cajus* Presbyter Rqm. Ecclesiæ, *Hymenæus Hiero-
solymitanus*, *Victorinus*, *Pamphylus*, *Lucianus*, & *Hesychius* Martyres, *Pierius Alexandrinus*. Eorum
tamen opera magna ex parte perierunt;

§. IV.

Sæculo IV.

Tanta est hoc sæculo, & sequentibus, Patrum, & Scri-
ptorum Ecclesiasticorum copia, ut multos acervatim me-
morare, necesse sit.

1°. Eminent inter omnes initio hujus sæculi *Athana-
sius*, ob egregiam fidei Nicænæ defensionem contra A-
rianos, prædicatione, & scriptis celeberrimus, cujus ro-
bur non doli Arianorum, non plurium Imperatorum
minæ, non exilia, non præsentissimæ mortis pericula
fregerunt.

2°. *Cyrillus Hierosolymitanus* de Sacramentis egre-
gias edidit catecheses.

3°. *Hilarius Pictaviensis*, libris *De Trinitate*, & *Com-
mentariis in S. Scripturam* celebris.

4°. *Ephrem Syrus* Orationes varias, & hymnos
scripsit.

5°. *Pacianus Barcinonensis* varia scripsit ad catechu-
menorum, & penitentium instructionem, nec non con-
tra Novatianos.

6°. *Basilus Casariensis*, ob eloquentiam insignis, scri-
psit multa contra hæreticos; præsertim Eunomianos;
multa etiam ad Monachorum instructionem, & in S.
Scripturam.

7°. *Gregorius Nyssenus*, Basili frater, contra Apollina-
rem, Eunomium, & Manichæos scripsit Orationes, &
Epistolas edidit elegantes.

8°. *Gregorius Nazianzenus*, cognomento *Theologus*,
Oratione, & metro elegantissimus. Multa scripsit con-
tra hæreticos, præsertim Arianos.

9°. *Joannes Constantinopolitanus* ob aureum eloquen-

tiæ lumen, quo Græcos omnes superavit, dictus *Chrysostomus*, cujus orationes, Scripturarum expositiones, librique cæteri, ut digne laudarentur, ipsa *Chrysostomi* eloquentia opus esset, floruit hoc sæculo; sed initio sequentis obiit in exilio.

10. *Ambrosius Mediolanensis*, inter Latinos Patres celebris, multa eleganter scripsit in S. Scripturam, & alia varii argumenti: orationes præterea, & Epistolas.

11. *Eusebius Casareaensis*, vir doctissimus, & omnigena eruditione clarissimus, sed Arianismi suspectus; multa scripsit, præsertim *Historiam Ecclesiasticam*, *Præparationem*, & *Demonstrationem Evangelicam*.

12. Pertinent vero etiam ad hoc sæculum *Zeno Veronensis*, *Eusebius Vercellensis*, *Epiphanius*, *Philastrius*, *Arnobius Afer*, *Lactantius Firmianus*, *Julius Firmicus Maternus*, *Titus Boetius*, *Vetorinus Afer*, *Juvenius Presbyter*, *Mesiodorus Patavensis*, *Eustathius Antiochenus*, *Lucifer Calaritanus*, *Pharadius Agenensis*, *Hilarius Sardus*, *Idacius Clarus*, *Amphilochius*, *Gregorius Beroicus*, *Gaudensius Brixiensis*, *Chromatius Prudentinus*, *Commodianus*; &c.

S. V.

Sæculo V.

10. *Hieronymus Stridonensis*, Hebraicæ, Græcæ, & Latinæ linguæ peritissimus, in omnium veterum lectione versatus, Sacram Scripturam veteris Testamenti magna ex parte vertit ex Hebræo in Latinum; Novum vero Testamentum ex Græco emendavit. Edidit Commentaria in varios Scripturæ Libros: Epistolas, sive libros scripsit ad informandos mores viduarum, virginum, Monachorum, Sacerdotum. *Helvidium*, *Vigilantium*, *Jovinianum*, *Pelagium*, ipsumque *Ruffinum* stylo infectatus est acerrimo.

20. *Augustinus Hypponenfis* Episcopus, Ecclesiæ universæ folgidissimum lumen, Paganos, Manichæos, Donatistas, Arianos, aliosque hæreticos mira eruditione, magnæque argumentorum vi profligavit. Sacram Scripturam egregie illustravit, torque edidit de sacris disci-

plinis libris, ut integrum, atque absolutissimum Theologiae corpus efficiant.

3^o. *Cyrillus Alexandrinus* Nestorianam haeresim acerrime, atque evidentissime confutavit. Praeter Libros quinque contra Nestorium, & libros de Trinitate, De incarnatione, De recta fide, scripsit etiam in veteres, novumque Testamentum erudita Commentaria.

4^o. *Leo M. Romanus Pontifex*, Eutychianos egregie oppugnavit, atque contrivit, praesertim in Epistola ad Flavianum. Scripsit Homilias, sive Sermones varii argumenti, summa eloquentia celeberrimos.

5^o. *Petrus*, propter auream eloquentiam, quae in eius Sermonibus elucet, *Chrysologus* appellatus, scripsit etiam contra Eutychen ad Chalcedonense Concilium.

6^o. *Isidorus Pelusiotus* multas scripsit Epistolas ad faciem doctrinam illustrandam, motesq. informandos.

7^o. *Marius Mercator* scripsit adversus Pelagianos, & Nestorianos.

8^o. *Vincencius* e Monasterio Lirinensi scripsit egregium contra omnes haereses *Comminitorium*.

9^o. *Salvianus*, Massiliensis presbyter, elegantissimum opus edidit de Dei providentia.

10. Pertinent etiam ad hoc saeculum *Joannes Cassianus*, Chrysostomi discipulus, auctor *Collationum*, *Nilius Nitriensis*, *Honoratus*, *Maximus*, *Hilarius*, & *Eucherius Lirinenses*, *Synefius*, *Paulinus Mediolanensis*, *Paulinus Nolanus*, *Theodoretus Cyrensis*, *Gelasius Cyzicenus*, & *Gelasius Papa*, *Socrates*, & *Sozomenus*, *Prosper Aquitanus*, *Victor Vicensis*, *Paulus Orosius*, *Gennadius Massiliensis*, *Nonnus Aegyptius*, *Hilarius Arelatensis*, *Celcius Sedulius*, *Apollinaris Sidonius*, *Claudianus Mamertus*, *Marius Victor*, *Hesychius Ierosolymitanus*, *Theodorus Ancyranus*, *Basilus Seleuciensis*, *Julianus Pomerius*, *Arnobius junior*, *Faustus Rejensis*, *Aeneas Gazæus*, *Engenius Carthaginensis*.

S. VI.

Sæculo VI.

1º. *Gregorius M.* Summus Pontifex amplissima edidit in S. Scripturam commentaria, Libros *Moralium*, Libros *Dialogorum*, & *Epistolas*; cujus opera doctrinam & pietatem undique spirant.

2º. *Fulgentius Ruspenfis* libros scripsit *De predestinatione*, & *gratia*, *De incarnatione*: item contra *Arianos*, quorum hæresim profitebantur *Vandali*, qui *Africam* occupaverant. Librum etiam *De Fide ad Petrum*, aliaque opuscula, nec non *Sermones*, & *Epistolas*.

3º. *Paschasius Diaconus* libros edidit duos *De Spiritu Sancto*.

4º. *Severinus Boëtius*, vir doctissimus, præter libros quinque aureos *de Consolatione*, librum edidit etiam *de Trinitate*, aliosque, quos recenset *Possevinus*.

5º. *Ferrandus Diaconus*, præter *Breviarium Canonum*, scripsit etiam *Pavanicum ad Reginum Comitem*, variaque *Epistolas*.

6º. *Vigilius Tapsensis* Libros scripsit quinque contra *Nestorianam*, & *Eutychianam* hæresim, aliaque opera sub nomine *S. Athanasii*, quæ quidem falsa nominis inscriptio, quæ hoc sæculo novis operibus apponi cœpit, non leve attulit Criticis incommodum.

7º. *Rusticus Diaconus* Dialogum scripsit contra *Acephalos Eutychianos*.

8º. *Primasius Aqræmetinus* libros scripsit quinque *Expositionum in Apocalypsim*, atque aliud præterea Opusculum, quo expendit: *Quid faciat hereticum?*

9º. *Cassiodorus*, primum Senator, maximisque muneribus sub Regibus Gothorum functus, tandem monasticam vitam professus in Monasterio Vivariensi, quod ipse fundaverat prope Scyllacium; multa reliquit sui ingenii, & doctrinæ monumenta. Præter Libros *Epistolarum*, quæ de rebus agunt civilibus, & *Chronicon*, & *Historiam Gothorum*, scripsit etiam Librum *De anima*; *Commentarium in Psalmos*, Libros *De Institutione divinorum litterarum*, aliaque egregia opera.

10. Hoc etiam sæculo floruerunt *Ruricius Lemovicensis*, *Procopius Gazaus*, *Avitus Viennensis*, *Ennodius Ticinensis*, *Joannes Maxentius*, *Gildas sapiens*, *Dionysius Exiguus*, *Remigius Rhemensis*, *Iustus Urgelitanus*, *Nonnus*, & *Araior*, *Casarius Arelatensis*, *Victor Capuanus*, *Junilius Africanus*, *Liberatus Diaconus*, *Facundus Hermianensis*, *Victor Turodonensis*, *Zacharias Mithilenensis*, *Agapetus Diaconus*, *Martinus Dumienis*, *Joannes Climacus*, *Leontius Byzantinus*, *Dorotheus Abbas*, *Gregorius Turodonensis*, *Anastasius Sinaita*, *Evangrius Scholasticus*, *Joannes Jejunator*, *Joannes Bictariensis*, *Eulogius Alexandrinus*, *Leander Hispalensis*, *Marius Avenicensis*, *Procopius Casariensis*, *Basilius Cilix* &c.

S. VII.

Sæculo VII.

Quamquam ob barbarorum incursionem, literarum studia, præsertim in occidente, magna ex parte delecerint; non tamen defuere penitus hoc sæculo viri, ut tempora ferebant, docti, de rebus sacris optime meriti.

1^o. *Sophronius Hierosolymitanus*, *Monothelitarum* oppuginator acerrimus.

2^o. *Maximus Martyr* contra eandem hæresim plures scripsit tractatus, eruditione, & rationum momentis præstantissimos.

3^o. *Isidorus Hispalensis* libros scripsit *Etymologiarum*, *De Ecclesiasticis Officialis*, aliosque non paucos, numquam satis commendandos, unde dictus est in sæculo *sine doctissimo*, & cum reverentia nominandus.

4^o. *Ildefonsus Toletanus*, *De Virginitate*, & *pari Deipara*, aliaque de rebus Ecclesiasticis docte, ac præ scriptis.

5^o. *Anastasius alter Sinaita* recensuit omnes hæreses, & Concilia, quibus illæ damnatæ sunt, usque ad VI. Oecumenicum.

6^o. *Joannes Moschus* scripsit de gestis Patrum, quod opus *Pratum spirituale* inscripsit, sed non multum accuratè.

7^o. *Antiochus Palæstinus* Monachus scripsit *Pandectas*, seu homilias varias, quæ omnia fere complectuntur ad sacram doctrinam pertinentia.

8^o. *Theodorus Raybuenfis* Librum scripsit *De Incarnatione Christi*.

9^o. Denique hoc etiam sæculo floruerunt *Andreas Cretensis*, *Desiderius Cadurcensis*, *Petrus Laodicensis*, *Thalassius Monachus*, *Eligius Noviomensis*, *Andenus Rothomagensis*, *Julianus Toletanus*, *Theodorus Cantuariensis*, *Berengus Trevirensis*, *Georgius Nicomediensis*, *Jacobus Monachus*, &c.

S. VIII.

Sæculo VIII.

1^o. *Ven. Beda Anglus*, pro ejus sæculi ratione eruditissimus, varios scripsit *Tractatus*, *Homilias*, *Commentaria*. In *Philosophia* etiam, *Historia*, & humanioribus litteris supra ejus ætatis conditionem clauit.

2^o. *Germannus, C. P. Episcopus, Leoni Isaurico*, aliisque *Iconoclastis* magna animi fortitudine resistit. Scripsit *De Sex Synodis*, *Defensionem Gregorii Nysseni*, & *Theoriam verum Ecclesiasticarum*.

3^o. *Joannes Dantasænus*, vir doctus, et acutus multa scripsit subtiliter, et eleganter *De Fide oribodena*, *De Hæresibus*, & contra *Eutychianos*, *Nestorianos*, & *Manicheos*; variasque orationes eleganti stylo composuit.

4^o. *Paulus Diaconus Aquilejensis*, præter *Historiam Longobardorum*, & *Vitam Gregorii M.* *Homilias* etiam, et opuscula alia composuit. Tribuitur ei hymnus *S. Joannis Baptiste*: *Ut queant laxis &c.*

5^o. *Paulinus Forojuliensis* scripsit *Sacrosyllabum contra Felicem*, et *Elipandum*.

6^o. *Flaccus Alcinus*, discipulus *Beda*, scripsit contra *Felicem*, & *Elipandum*, *De sacris officiis, ritibusque*, *Interpretationes sacre Scripturæ*, *Epistolas*, et varia poemata.

7^o. *Elias Cretensis* scripsit *Commentaria in Orationes Gregorii Nazianzeni*.

8^o. Floruerunt etiam hoc sæculo *Theodulphus Aurelianensis*, *Isidorus Pacensis*, *Fredegarins Scholasticus*, &c.

Florus Mohachus, Aldehelmus Episcopus Schirburnensis, Cosmus Hierosolymitanus, Anastasius Abbat S. Euthymii, Bonifacius Friſtorum, aliorumque Germaniæ populorum Aſtoſolus, Eſtherius Uxanensis, Beatus Presbyter, Georgius Syncellus, Georgius Theophanes, Ambrosius Auspertus, Antonius Meſſa, Leidradus Lugdunensis, Odilbertus Mediolanensis.

§. IX.

Sæculo IX.

1°. *Paschasius Radbertus, ob librum De Sacramento Corporis, & Sanguinis Domini celebris, scripsit etiam De Partu Virginis, & in Evangelium Matthæi, Psalmum XLIV. & Threnos Hieremia Commentaria Libris XXI.*

2°. *Rabanus Maurus versibus, et soluta oratione multa scripsit.*

3°. *Bertharius Abbas scripsit Quaestiones in Vetus, Novumque Testamentum.*

4°. *Haymo, discipulus Alcuini, scripsit Breviarium Historicum, Tractatum De Corpore, & Sanguine Domini, Commentaria, & Homilias in S. Scripturam.*

5°. *Remigius Autissiodorensis edidit in varios Scripturarum libros Commentaria.*

6°. *Agobardus Lugdunensis multa egregie scripsit contra Felicem & Elipandum, contra Judaicas superstitiones, contra singularia certamina, seu duella, de dignitate Sacerdotii, de variis superstitionibus, quæ eo tempore apud vulgus vigeant, aliaque egregia opera.*

7°. *Amalarius Fortunatus Librum scripsit De Sacro Baptismo ad Carolum M. Alter vero Amalarius Metensis scripsit De Ecclesiasticis Officiis, De Præscientia, et Prædestinatione; De Eucharistia, &c.*

8°. *Theodulfus Aurelianensis Libros edidit de Ordine Baptismi, De processione Spiritus Sancti, Capitula ad Presbyteros suæ diocesis etc.*

9°. *Theodorus Studita scripsit contra Iconomachos, item Magnam, & parvam Catechesin, aliaque opera.*

10°. *Floruerunt etiam hoc sæculo Carolus M. non*

solum Imperio, sed etiam litteris clarus. Hujus sunt libri Carolini, Capitularia, Epistolæ. Nicephorus C. P. Abyto-Basilienfis, Methodius C. P. Haltingavius Cameracenfis, Jonus Aurelianenfis, Smaragdus Abbas, Dungalus Diaconus, Adelhardus Abbas Corbejenfis, Ansagius, Benedictus Abbas Anianenfis, Amolo, G. Florus Lugdunenfes, Lupus Ferratienfis, Walafridus Strabo, Prudentius Trecenfis, Ratramnus Corbejenfis, Remigius Lugdunenfis, Christianus Drusmarus Corbejenfis, Ifaac Lingonenfis, Hincmarus Rhemenfis, Herardus Turonenfis, Walterus Aurelianenfis, Phorius, tamofus Schilmaris auditor apud Græcos, Theodorus Abucara, Petrus Siculus, Ado Viennenfis, Abb. Floriacenfis, Regino Prumiensis, præterea Ufuardus, Anastasius Bibliothecarius, Joannes Diaconus, Hericus Antiffiodorenfis, Almannus, Milo, Hubaldus, et alii. Non ultimum etiam hoc sæculo meritis efflet locum Claudius Taurinenfis ob varia in S. Scripturam Commentaria, niſi bellum facris imaginibus, & Cruci indixiſſet.

S. X.

Sæculo X.

Nec defuerunt hoc obſcuriori ſæculo Scriptores Græci, Latiniſque. 1º. *Simæon Metaphraſtes*, præter viſas Sanctorum, quibus tamen varia incerta, varia etiam ſuo ingenio addidit, ſcripſit etiam de rebus ſacris poemata.

2º. *Odo Cluniacenſis* ſcripſit *Sermones Aſceticos*, variosque hymnos.

3º. *Ratherius Veronenſis* ſcripſit. De contentu Canonum, Sermones, et Epistoſas, aliaque opuscula.

4º. *Burchardus Wormatienfis* edidit volumen Decretorum, et Canonum Lib. XX.

5º. *Suidas* celebra compoſuit *Lexicon*, in quo, præter res Grammaticas, multa habet ad Theologiam, et Eccleſiaſticam hiftoriam pertinentia, et exemplum præbuit recentioribus Dictionariis compoſitoribus.

6º. *Atto Vercellenſis* Sermones ad Populum, aliaque edidit opuscula de rebus Eccleſiaſticis.

7^o. *Occumenius* in varios *Scripturarum* libros *Commentaria* ex *Patribus Græcis* compilavit.

8^o. *Ant lius* Libros edidit duos *De Ordinationibus*, & *Formoso Papa celebratis*, quas probat, non fuisse iterandas: item alium *De causa*, & *negotio Formosi*.

9^o. Floruerunt etiam hoc sæculo multi *Chronicorum* scriptores, qui licet barbare, & incerte scripserint, eis tamen habenda gratia est, quod non penitus hoc sæculo *Ecclesiastica historia* perierit. *Flodoardus*, *Witichindus*, *Luithprandus*, *Fulconius*, *Nothebertus*, *Herigerus*. Præterea *Græci Historici* *Constantinus*, *Porphyrogenetus*, *Anonymus Byzantinus*, *Hippolytus Thebanus*, *Euprechius*, *Joseph Genesius*. Præterea *Adelfricus*, *Fridogardus*, *Dunstanus Angli*, *Odilo Alvernus*, *Moses Barcephas*, *Syrorum Episcopus*.

§. XI.

Sæculo XI.

Felicius fuit hoc sæculum, quam superius, multique floruerunt sacra doctrina celebres. 1^o. *Petrus Damiani*, præter aliquas sanctorum vitas, *Tractatus* varios edidit de rebus divinis.

2^o. *Bruno*, *Carthagenorum* *Institutor*, in *Psalms*, & *Epistolas S. Pauli* scripsit *Commentaria*.

3^o. *Michael Psellus*, præter opera *Philosophica*, etiam *metaphysicam* *Canticorum* exposuit.

4^o. *Lanfrancus Cantuariensis* scripsit contra *Berengarium*; item *Commentaria in Psalmos*, & *Epistolas S. Pauli*.

5^o. *Theophylactus* varios *Scripturarum* libros explicavit, excerptis ex variis *Patribus*, præsertim *Chrysostomo*, sententiis.

6^o. Refutarunt etiam hæresim *Berengarii*: *Albericus Cassinensis*, *Hugo Linconensis*, *Throdinus Leodiensis*, *Adelmandus Britanniensis*, *Guitmundus Aversanus*, *Durandus Troarnensis*.

7^o. *Humbertus Cardinalis* confutavit *Michaelis Casuarii*, aliorumque *Græcorum* opera contra processionem *Spiritus Sancti*, & usum azymi in *Eucharistia*.

8^o. Ecclesiasticos Viri illustrarunt *Lupus Anglicus*, *Berno Abbas*, *David Syrus*, *Philippus Sociarius*, *Hil-
debertus Cluniacensis*, *Guido Arenius*, auctor *Micrologi*.

9^o. *Aluiphus Tornacensis* librum contexuit ex omni-
bus *Gregorii M* operibus, & *Benitius Saccinus* idem
fecit ex operibus *Augustini*.

10. Præterea floruerunt etiam hoc sæculo *Villeramus*,
Theobonicus, *Aimoinus Aquitanus*, *Dismarus Germa-
nus*, *Sampirus Hispanus*, *Ademarus Lemovicensis*, *Leo*,
Grammaticus, *Hermannus Contractus*, *Glaber Radulfus*,
Georgius Cedrenus, *Marianus Scotus*, *Adamus Bremenfis*,
Fulbertus Carnotensis, *Bruno Herbipolensis*, *Samuel*,
Macrobianus, *Anselmus Lucensis*, *Bruno Signinus*,
aliique, qui *Chronica*, & *Vitas Sanctorum* scripserunt.

§. XII.

Sæculo XII.

Qui sacras disciplinas hoc sæculo illustrarunt, multi
sunt. 1^o. *Bacellit* inter omnes *Bernardus Abbas Cla-
uvalensis*, sanctitate, doctrina, & eloquentia celeberrimus.
Præter Libros, quibus hæreses sui temporis
strenue confutavit, scripsit etiam *Sermones*, *Epistolæ*,
ac *Tractatus* varios, sacra eruditione, doctrina, & sen-
tentiarum gravitate refertissimos. Hic postremus ex San-
ctis patribus habetur, ideoque hoc sæculo Sacris Scripto-
ribus recensendis finem facimus. Adhuc tantummodo
aliqui *S. Thomam*, & *S. Bonaventuram*, qui sequenti
sæculo claruerunt.

2^o. *Anselmus Cantuariensis* editis libris clarissimus,
scripsit *De Trinitate*, *De Incarnatione*, *De processione*
Spiritus Sancti, *De Dei præscientia*, *predestinatione*,
gratia, & *libero arbitrio*; aliaque, nunquam satis lau-
danda. Multa tamen feruntur opera ejus nomine, sed
suppositicia.

3^o. *Hugo Victorinus*. *Commentariis* in *S. Scripturam*,
librique compluribus Theologicis insignis.

4^o. *Honorius Augustodunensis* scripsit varia *De Præde-
stinatione*, *de libero arbitrio*, & *de rebus Liturgicis*.

5^o. *Petrus Venerabilis* multa edidit contra Judæos,
Sa-

Saracenos, & hæreticos, item ad Monachorum institutionem.

6°. *Euthymius Zigabenus* edidit *Panopliam* adversus hæreses, *Commentaria* in Sacros libros, & *Apologeticum* pro Concilio Chalcedonensi.

7°. *Petrus Lombardus* Libros scripsit quatuor *Sententiarum*, ex Scripturis, & Patribus excerptarum, in quos subinde Scholastici innumera ediderunt commentaria.

8°. *Gratianus* *Decretum* composuit ex Canonibus, Patrum sententiis, & Summorum Pontificum decretis, in quo tamen multa inseruit spuria.

9°. *Richardus Victorinus* multa scripsit Theologica, & Ascetica, nec non commentaria in S. Scripturam.

10. Denique ad hoc etiam pertinent sæculum *Petrus Blesensis*, *Petrus Cellensis*, *Hugo Eberianus*, *Joannes Sariberiensis*, *Franco Affligenensis*, *Eadmerus Anglus*, *Joannes Fiscanensis*, *Ivo Carnotensis*, *Anselmus Laudunensis*, *Rodolphus Abbas*, *Guibertus Bellovacensis*, *Goffridus Vendociensis*, *Hilobertus Cenomanensis*, *Algerus Leodiensis*, *Guillelmus de Campellis*, *Rupertus Tuiensis*, *Guido Carthusianus*, *Guillelmus Leodiensis*, *Guerricus Abbas*, *Robertus Pullus*, *Philippus Abbas Bona spei*, *Petrus Comestor*, *Otho Frisingensis*, *Petrus Cantor*, alique non pauci.

Porro quoniam ex supra recensitis omnium sæculorum Scriptoribus in *Bibliotheca maxima* SS. PP. editi sunt, & quo in Tomo, ac pagina extent, satis accurate adnotatum est in Tomo I. ejus *Bibliothecæ* editionis *Lugdunensis*. Qui autem ibi non inveniuntur, ii seorsim extra eam *Bibliothecam* querendi, cujusmodi sunt prolixiora Patrum opera, ut *Augustini*, *Hieronymi*, *Athanasii* &c. Multi autem Auctores singulorum Patrum opera recensuerunt, genuina a spuris secerare studuerunt, optimas eorum indicarunt Editiones, & judicium etiam de singulis suum pronunciarunt, ut *Dupinus*, *Cavens*, *Oudinus*, &c. Sed plerique non pro rei veritate, sed pro partium suarum studio judicarunt, ideoque caute legendi sunt.

De hæresibus.

ET ipsas hæreses Theologum, saltem stricte, nosse, necesse est, non solum, ut eas caveat, verum etiam, ut magnorum virorum ruina deterritus, non altum sapiat, sed timeat; neque plus sapere audeat, quam oportet sapere, sed sapere ad sobrietatem. Singulorum autem hæreticorum integra doctrinæ systemata explicare, non vacat; opus enim excresceret in immensum, sed summa tantum capita inuemus, satisque erit tyronibus scire, quo sæculo quæque emerferit hæresis.

Sæculo I.

1º. *Simon Magus*, hæreticorum omnium antesignanus, Persarum philosophia imbutus, qui duo rerum principia statuebant, & magiæ artibus, doliisque instructus, postquam a *Petro* repulsus est, cui pecuniam obrulerat ad spiritualem potestatem comparandam, ex quo crimen hoc *simonia* dicitur; docuit 1º. mundum corporeum a malo principio conditum, & ab eodem latam esse Mosaicam legem. 2º. Unam esse Dei summi, ac boni personam, quæ ob varia opera nunc Pater, nunc Filius, nunc Spiritus Sanctus dicitur. 3º. Legem Mosaicam, utpote a malo Deo latam, spernendam, ac violandam esse. 4º. Ut homines ab ea redimeret, Deum bonum apparuisse non vero corpore indutum, quod a malo principio est, sed falsa corporis imagine, 5º. postquam homines præstigiis decepit, ut crederent, ipsum Simonem esse plusquam hominem, docuit, se esse summum Deum, qui Judæis apparuerat ut Filius, Samaritanis ut Pater, Gentibus ut Spiritus Sanctus. 6º. Negabat corporum resurrectionem. 7º. Spirituales quasdam substantias a summo Deo emanasse, inter quas Verbum quinto loco ponebat. 8º. Promiscuam docebat libidinem, & mysteria quædam, sputicitiæ plena, aliaque turpissima. 9º. Illud erat ipsi cum cæteris ejusdem farinae hære-

hæreticis commune dogma, omnia licere, etiam idolis immolare ad vitandam mortem, ac martyrium.

2°. In eodem luto hæserunt *Menander, Saturninus, & Basilides*, Simonis discipuli, licet paucis immutatis, & barbaris quibusdam nominibus inventis; novæ potius hæresis auctores, quam alienæ sectatores videri voluerint.

3°. *Cerinthus Judæus* docuit, 1°. legem Moysis necessariam esse ad salutem, 2°. Christum purum hominem, ex Josepho, & Maria genitum, nec dum resurrexisse, sed resurrecturum in fine mundi; tumque mille annorum regnum in epulis, carnalibusque voluptatibus transigendum.

4°. *Hebion* eadem docuit de lege Mosaica, ac de Christo, quem purum esse hominem, affirmabat.

5°. *Nicolaitæ*, a *Nicolai* Diaconi vel doctrina, vel imprudenti exemplo seducti, impurissima quædam docebant, & faciebant, quæ commemorare verat pudor. De Nicolaitis meminit & Joannes in *Apocalypsi*.

S. II.

Sæculo II.

1°. *Carpocrates Alexandrinus*, Gnosticorum, sive sapientum, quod nomen superbe sibi arrogabant, parens, docuit cum Simone, Mundum corporeum non esse a bono Deo productum: Christum genitum ut ceteri homines; animarum asseribat transmigrationem, omnemque infandæ libidinis turpitudinem esse licitam.

2°. *Valentinus Ægyptius* triginta *Æonas*, sive cœlestes quasdam substantias a summo Deo prodixisse, docuit: Christum corpus æthereum assumxisse, quod per Virginem veluti per canalem transierit; licitum esse vel pejerare ad evadendum martyrium. Ejus discipuli fuerunt præcipui *Marcus, Secundus, Paolomæus, Bardesanes*. Ex ejus autem secta prodierunt *Ophitæ, Archontici, Cajani, Helcesæi*. *Ophitæ* serpentem, a quo Adam deceptus est, colebant, ut ipsam Dei sapientiam. *Archontici* spirituales substantias, tamquam rerum principia, venerabantur: *Cajani*, sive *Carnite Cainum*, aliosque homines sceleratissimos colebant ut sanctos. *Helcesæi* Christum

stum affirmabant esse creaturam, et Spiritum Sanctum feminam, ejus sororem.

3°. *Encratite*, duce *Tatiano*, Christianæ religionis contra gentiles primum defensore, deinde hæresis auctore, docebant, illicitum esse matrimonium; abstinendum a vino, etiam in Eucharistiæ celebratione; Adamum esse damnatum.

4°. *Marcion*, *Cerdonis* discipulus, dogma de duobus rerum principiis latius disseminavit. Legem, Prophetas, ipsumque præceptum, quo Deus Adam vetuit comedere de pomo in Paradiso, a malo principio esse docuit; Christum assumpsisse non corpus, sed falsam corporis imaginem; dampandas esse nuptias. Eandem hæresim, paucis immutatis, secutus est *Apelles*.

5°. *Montanus* jactavit, se esse Spiritum Sanctum, vel eo afflatum, suasque sectatrices *Priscillam*, et *Maximillam*, eodem Spiritu motas, prophetare. Docuit autem, secundas nuptias a fornicatione non differre; non licere fugam in persecutione, nec Ecclesiam habere potestatem graviora scelera dimittendi.

6°. Emerferunt etiam hoc sæculo *Theodotus Trapsa*, qui docuit, Melchisedec fuisse virtutem quamdam Christo majorem, *Theodotus Coriarius*, et *Artemon*, qui Christum purum hominem cum aliis hæreticis affirmarent, et *Hermogenes*, qui materiam esse voluit non creatam, Deoque cœternam.

§. III.

Sæculo III.

1°. *Praxeas* Phrygius Trinitatem personarum in divinis negavit, unamque personam Patris agnovit. Eum secuti *Beryllus Bostrensis*; *Noetus Ephesinus*, *Sabellius Ctolemaidensis*, et *Paulus Samosatenus*. Hi omnes in duas classes divisi sunt. Alii enim docebant, Christum purum fuisse hominem, singulari Dei virtute præditum; alii vero docuerunt, unicam illam personam, quam in Deo agnoscebant, fuisse incarnatam; eamque esse Christum Dominum, unde dicti sunt Patripassiani.

2°. Omnibus pestilentior fuit Manes Persa, dictus a
Tom. I. Y Gra-

Græcis *Manichæus*, qui *Simonis*, *Cerdonis*, *Marcionis*, aliorumque dogma de duobus rerum principiis subtilius instruxit, ac latius propagavit.

3°. Emerferunt etiam hoc sæculo *Angelici*, qui latius cultum impendebant Angelis, *Apollolici*, qui eos, qui uxoribus utebantur, a sua communione pellebant, *Vulstiani*, qui semesiptos, et hospites Eunuchos faciebant,

§. IV.

Seculo IV.

1°. *Donatistæ* Sacramenta, a ministris improbis collata, assererebant esse invalida. Hoc prætextu Schisma in Africa constarunt teterrimum, quod multis duravit annis, usque ad sæculum quintum.

2°. *Ariani*, duce *Ario* Presbytero Alexandrino, docuerunt, Verbum esse creaturam, licet nobilissimam, et ceterarum creaturarum initium. Damnati in Concilio Nicæno, scissi sunt in duas partes, *Anomæos*, et *Semiarianos*. *Anomæi*, ducibus *Aëtio*, *Eunomio*, et *Eudoxio* docuerunt, Verbum esse Patri *ὁμοῖον*, dissimile; *Semiariani* simile in substantia, sed non *consubstantiale*.

3°. *Macedoniani*, sive *Pneumatopachi* assererebant, Spiritum Sanctum non esse Deum, sed creaturam.

4°. *Apollinaristæ* affirmabant, Verbum assumisse corpus absque anima rationali, ideoque in Christo ipsum Verbum mentis vicem gessisse.

5°. *Photinus* Sabellii hæresim, paucis mutatis, professus est, Christumque purum hominem esse docuit, nec ante Mariam extitisse.

6°. *Priscillianus* Hispanus Manichæorum dogmata de duobus principiis, de fatali rerum necessitate, aliaque per Hispaniam propagavit.

7°. *Helvidius* Mariæ negavit virginitatem. Ejus vero discipulus *Jovinianus* docuit, servandam non esse castitatem, peccata omnia esse æqualia, paria fore præmia iustorum, et malorum pœnas.

8°. *Aëlius Arianus* docuit, Episcopos non esse Presbyteris superiores,

9°. Emerferunt etiam hoc sæculo *Antropomorphite*, qui corpus humanum Deo affingebant, *Collyridiani*, qui cultum latriæ B. Virgini exhibebant, eique offerebant sacrificia, *Messaliani*, qui Sacramenta, et bona opera tamquam inutilia spernebant, solamque orationem necessariam esse docebant, unde dicti sunt *Euchite*.

§. V.

Sæculo V.

10. *Pelagius* Britannus, docuit 10. *Adamum* conditum fuisse mortalem, et lapsu suo sibi soli, et non posteris nocuisse, ideoque parvulos nasci absque peccato originali, eoque in statu, in quo fuit Adam ante peccatum, nec privari vita æterna (quam distinguebat a regno cælorum) si sine baptismo moriantur. 2°. Ignorantiam, et concupiscentiam, ipsamque mortem non esse poenam peccati, sed primordia naturæ. 3°. posse hominem absque actuali gratiæ supernaturalis auxilio vitare omnia peccata, etiam venialia, totamque legem servare. 4°. Ignorantiam, et oblivionem omnino excusare a peccato. Præcipui Pelagii sectatores fuere *Cælestius*, & *Julianus*.

2°. *Semipelagiani*, sive *Massilienses* in hoc tantum a *Pelagianis* non diffidebant, quod vellent, voluntates humanas non præveniri a gratia Dei, sed saltem initium fidei, salutis desiderium, & perseverantiam habere homines ex libero arbitrio absque gratia; ideoque negabant prædestinationem gratuitam, in ceteris vero cum catholicis sentiebant.

3°. *Nestorius* C. P. Patriarcha docuit, in Christo duas esse personas divinam, & humanam, ideoque B. Virginem non dicendam esse *Θεοτόκον* *Deiparam*, sed *Χριστοτόκον* *Christiparam*.

4°. *Eutyches* *Archimandrita*, sive Abbas Monasterii Constantinopolitani docuit, in Christo unam esse naturam, sive ex divina, & humana permixtam, sive divinam tantum, quæ humanam absorbit. Præcipui ejus assertatores fuere *Dioscorus* *Alexandrinus*, *Timotheus* *Ælurus*, *Petrus* *Mongus*, *Petrus* *Gnaphæus* &c. *Eutychia*.

ebiani in varias sectas scissi sunt, quæ hoc, & in sequenti sæculo vexarunt Ecclesiam.

5°. *Vigilantius* 1°. martyrum reliquiis bellum indixit, earumque cultum oppugnavit, 2°. negabat, martyres orare pro nobis, ideoque frustra eos invocari, 3°. Virginitatem, & concubatum impugnabat, 4°. monasticum institutum spernebat.

§. VI.

Sæculo VI.

1°. *Eutychiani* hoc sæculo in varias sectas divisi, magnos in Ecclesia motus excitarunt. Præcipue eorum sectæ fuerunt, 1°. *Corrupticola*, & *Incorrupticola*. Priorum post *Severum* Antiochenum fatebantur, Christum doloribus obnoxium, ejusque corpus ante resurrectionem corruptibile; posteriores vero, post *Julianum Halicarnassensem*, in contrariam factionem, & hæresim discesserunt. 2°. *Theopaschita*, qui ipsi divinitati in Christo passionem tribuebant. 3°. *Agnosita*, qui aliquam Christo adscribebant ignorantiam. 4°. *Trisbeita*, qui, duce *Joanne Philopono* Eutychiano, tres divinas personas tres esse naturas divinas affirmabant, idque ex palmari illo Eutychianorum dogmate, nimirum tot esse naturas, quot personas.

§. VII.

Sæculo VII.

1°. *Monothelitæ*, Eutychianorum propago, docuerunt, unicam in Christo agnoscendam esse voluntatem, & operationem. In eam autem hæresim pertracti sunt etiam multi ex iis, qui contra Eutychianos duas in Christo naturas profitebantur. Ejus sectæ antesignani fuerunt *Theodorus Pharanites*, *Sergius Alexandrinus*, *Pirrhus*, & *Paulus Constantinopolitani*. *Honorius* Papa, a *Sergio* deceptus, tamquam fautor hæreticorum habitus est.

2°. Prodiit hoc sæculo *Mahometanorum* religio, duce *Mahammede*, quæ longe, lateque vi, & armis propagata est.

est. Totum ejus religionis systema continetur in Alcorano, quod ab Archangelo *Michael*, se per partes accepisse, *Muhammedes* mentitus est. Multa habet ex veteri, novoque testamento decerpta, multa vero a *Muhammede* addita de suo, quæ longum est hic exponere. Deum esse unum, unamque divinitatis personam; Christum fuisse prophetam ex virgine natum. Necessitate omnia evenire. Paradisum fidelibus promissum, in voluptatibus corporis constituit. Multa vero habet in rebus moralibus, legi naturali contraria.

3^o. *Pauliciani*, duce *Paulo* quodam Samosatensi, Manichæorum hæresim hoc sæculo suscitaverunt, lateque propagarunt; nonnullisque adjectis, novæ hæresis auctores visi sunt.

§. VIII.

Sæculo VIII.

1^o. *Iconoclastæ*, Sacras imagines non solum non esse habendas, & honorandas, sed confringendas, & conculcandas docebant, omnemque cultum, imaginibus exhibitum, idololatriam esse. Græci Imperatores *Leo Isauricus*, *Constantinus Copronymus*, *Leo Armenus* totis viribus hanc hæresim stabilire conati sunt, & Catholicos vehementer insectati, quorum multos crudeliter interfecerunt.

2^o. *Felix Urgelitanus*, & *Elipandus Toletanus*, Christum, docebant, dicendum esse filium Dei adoptivum, sed disputatur inter Theologos, utrum Christum dicerent adoptivum secundum naturam humanam, an absolute.

§. IX.

Sæculo IX.

1^o. Hoc sæculo *Photius*, Constantinopolitanæ sedis invasor, litem movere cœpit Latinis de processione Spiritus Sancti ex Patre, et Filio, jecitque fundamenta Schismatis Græcorum.

2º. Magnas hoc sæculo in Ecclesia, præsertim Gallicana, excitavit turbas hæresis, quæ disseminari ferebatur, *Prædestinationum*, qui docere dicebantur, prædestinationem ad vitam, et ad mortem æternam fatali necessitate homines agere ad bonum, et ad malum. Hujus hæresis Auctor, nomine *Gorbeschalchus*, male habitus est ab *Hincmaro Rhemensi*; et perpetuo carcere inclusus. Nonnulli tamen volunt, hæc hæresim fuisse figmentum *Semipelagianorum*.

§. X.

Sæculo X.

Singularis Dei providentia hoc sæculo enituit, quod in tanta malorum colluvione, quæ tunc grassata est, tantaque ignorantia sacrarum litterarum, non permiserit, novas emergere hæreses. Pauci enim, qui hæreseos postulati sunt, veteres errores, præsertim *Manichæorum*, profitebantur.

§. XI.

Sæculo XI.

1º. *Berengarius*, Archidiaconus Andegavensis, negavit, panem, et vinum in Eucharistia converti in Corpus, et sanguinem Christi.

2º. *Roscelinus*, *Petri Abaelardi* magister, docuit, tres divinas personas substantia distinctas esse, non secus ac tres homines.

3º. *Michael Caerularius*, C. P. Patriarcha, confirmavit Ichima Græcorum, affirmans, Spiritum Sanctum ex solo Patre procedere; et consecrationem Eucharistiæ in azymis esse invalidam.

4º. Prodierunt etiam hoc sæculo clerici concubinarij, et *Simoniaci*, qui non solum in his rebus peccabant, sed etiam eas defendebant ut licitas. Contra illos, longe lateque diffusos, acriter hoc sæculo decertatum est.

§. XII.

§. XII.

Saeculo XII.

1^o. *Tanchelinus*, se Dei Filium mentitus, omnis generis impurissimas libidines licitas esse, et verbo, et exemplo impudentissime prædicabat. Antuerpiæ præsertim disseminavit hæresim, quæ opera S. *Norberti* Episcopi extincta est.

2^o. *Petrus de Bruis*, et *Henricus* ejus discipulus, ex quibus *Petrobrusiani*, et *Henriciani* dicti sunt, rejiciebant vetus Testamentum; docebant, baptismum antequam rationis non esse administrandum; cruces, aliasque imagines confringebant, sacras ædes diruebant, psalmos, et quascumque preces ore recitatas irridebant, rejiciebant sacrificium Missæ, et sacerdotum consecrationem.

3^o. *Bogomili*, Manichæorum propago, præter reliqua ejus sectæ dogmata, affirmabant, demones habitare in corporibus defunctorum, ideoque eorum ossa, et cineres extra Ecclesias projiciebant. Deo, quem Christiani colunt, maledicebant.

4^o. *Petrus Abaelardus*, Peripateticæ Philosophiæ nimis addictus, eamque ad Religionis Christianæ mysteria pertractanda adhibens, in varios declinavit errores. A S. *Bernardo*, quem adversarium habuit acerrimum, accusatus est *Arianismi*, *Pelagianismi*, et *Nestorianismi*.

5^o. *Arnaldus Brixiensis*, quem postea secutus est *Marsilius Patavinus*, et *Joannes de Janduno*, docuit, Clericos bona temporalia possidere non posse, multoque minus Episcopos jura regalia, et monachos agrorum, aut sylvarum fundos.

6^o. *Gilbertus Porretanus*, Deum a Deitate, et divinas relationes realiter ab essentia distingui, docuit.

7^o. *Petrus Waldus* Lugdunensis, a quo *Waldenses*, qui et pauperes de Lugduno, et *insabati* (propter ligneos calceos, quibus utebantur) dicti sunt, Evangelicam, ut ipse agebat, paupertatem professus, in hæresim incidit. Docuit nimirum, Ecclesiam Romanam jam inde a

tempore *Sylvestri* Papæ defecisse, et Sacerdotes, in peccatum lapsos, invalide Sacramenta conficere, ac ministrare; ea tamen a laicis piis valide ministrari affirmabat. Ecclesiæ Præsules, ritus, caeremonias, legesque spernebant Waldenses: cetera cum Catholicis sentiebant, licet postea Calvinianam hæresin amplexi sint.

8°. *Albigenses* ex civitate *Albia* provincie Narbonensis, ubi plurimum invaluerant; quos Calvinistæ perperam cum *Waldensibus* confundunt, ut in *Historia variationum* ostendit *Bossuet*; erant Manichæorum sectatores, multaque, præter Manichæorum hæresim, docebant, quæ turpe est & dicere. Ab his non multum abhorrebant *Apostolici*, contra quos scribit Bernardus *Serm. LXIV. in Cant.* Eodem tempore *Constantinus Chrysostomus* docuit, duas esse in homine animas, non exhibendum principibus honorem plusquam diabolo, et alia hujusmodi.

§. XIII.

Sæculo XIII.

10. *Iidem Albigenses*, de quibus paulo ante diximus, hoc sæculo late per Provinciam, & vicinas Italiæ civitates vagati sunt. Eorum occasione institutus est ordo *Predicatorum*, & *Inquisitio* contra hæreticam pravitatem.

20°. *Almaricus* Gallus docuit, non futuram hominum generationem, si *Adam* innocentiae statum servasset; nihil aliud esse pœnas inferni, nisi conscientiae vermem; in morte Christi cum Lege *Moyſis* cessasse potestatem Patris, tempore ipsius *Almarici* cessasse potestatem, & legem Christi, & vigere legem Spiritus Sancti, ita ut, abolitis sacramentis, ceterisque religionis officiis, sola interiori gratia homines salvi fiant; dummodo credant fide divina, se esse membra Christi, aliaque addebat ejusdem generis. Illius autem discipuli, eo mortuo, docuerunt, Eucharistiam nihil esse, nisi panem, & vinum, Romam esse Babylonem, & R. Pontificem Antichristum, cultum Sanctorum esse idololatricam &c.

30°. *David de Dinanda* asseruit, Deum esse materiam pri.

primam, quod ad *Pantheismum* videtur pertinere.

4^o. Fuerunt etiam hoc sæculo *Guilelminiani* in Bohemia, qui, *Guilelminam* quantam impurissimam feminam esse, aiebant, Spiritum Sanctum incarnatum, multaque turpia, atque infanda perpetrabant: *Stadingi* in finibus Saxoniz, qui sacros ministros necabant, sacra mysteria polluebant &c.

§. XIV.

Sæculo XIV.

1^o. *Fraticelli*, qui etiam *Beguardi*, *Beguini*, *Bizochi*, & *Fratres Spirituales* dicti sunt, e familia Fratrum minorum exorti, zelo majoris perfectionis, ut aiebant, & strictioris observantiz regulæ *S. Francisci* a reliquo ordine discedentes; docuerunt, duas esse Ecclesias, alteram carnalem, & divitiis affluentem, cui R. Pontifex præerat, alteram spiritalem, virtutibus, & paupertate decoram; quæ ex ipsis constabat. Tum e *Waldensium* hæresi varia mutuati sunt, præsertim, ministros impios omnem amittere potestatem, advenisse Antichristum &c. hominem in hac vita ad summum perfectionis gradum posse pertingere, in quo amplius de lege, et virtutum exercitio non debeat esse sollicitus, et in clara Dei visione quiescat, nihilque ei jam tribuatur peccato. Præcipui inter eos fuerunt *Joannes Oliva*, *Joannes Parmensis*, Auctor *Evangelii æterni*, in quo multæ continentur hæreses, & absurda, *Michael Casenas*, *Guillelmus Okam* &c.

2^o. *Flagellantes*, exorti primum superiori sæculo in Italia, ideo sic appellati, quod flagellis usque ad sanguinem se cædebant, in hæresim lapsi docuerunt, neminem saluum esse posse, nisi sectæ suæ dedisset nomen; sibi que invicem, etsi laicis, confitebantur peccata, & absolutionem impertiebant.

3^o. *Geraldus Segarellus* Parmensis, ejusque discipulus *Dulcinus* Novariensis, a quo *Dulcinista*, docebant, Pontifices omnes post *Sylvestrum* seductores fuisse, uno excepto *Cælestino V.* ordines regulares fidei esse detrimenta.

mento; perinde esse, Deum orare in stabulo, ac in Ecclesia; aliaque ejusmodi.

4°. *Turlupini*, omni pudore abjecto, nudi incedebant, ad omnem libidinem projecti, quam licitam esse docebant. E. secta *Manichaeorum*, sive ut aliis placet, *Adamitarum* orti sunt.

5°. *Palamite*, duce *Gregorio Palama*, docebant, se in oratione conspiciere divinum lumen, ab æternitate diffusum, quod ab essentia divina distinguebant. Dicti sunt etiam *Quiescentes* a quiete animi, quam in oratione se experiri jactabant.

6°. *Lolhardi* in Austria primum exorti, *Luciferum*, et rebelles Angelos laudabant, *Michaelem*, et sanctos Angelos afficiebant contumeliis: B. Virginem blasphemabant: salutem nomine diaboli adprecabantur: sacramenta, omnesque Ecclesiarum ritus, jejunia, missam, cultumque sanctorum spernebant. Negabant, Deum cognoscere omnia, quæ patrantur peccata, et alia impia, atque absurda prædicabant. Porro *Lolhardi* dicti sunt etiam sectatores *Joannis Wiclefi*, de quo mox.

7°. *Joannes Wicleffus* Anglus, a Præfectura Collegii cujusdam Oxoniensis depulsus, ira percitus, docuit, Romanam Ecclesiam esse Synagogam satanæ, ideoque Decretalium auctoritatem contemnendam, studiumque abjiciendum; Monachorum institutionem, studeantem diabolo, esse inventam; Confirmationem, et ordinationem Episcopos ex avaritia sibi reservasse; donationem bonorum Ecclesiis esse peccatum. His addebat, quæ *Waldenses*, *Arnaldus Brixienfis*, *Marsilius Patavinus*, alique docuerant. Docebat, substantiam panis, et vini in Eucharistia remanere, licet varie hac de re videatur locutus, et alia, quæ in quadraginta quinque articulis damnata sunt in Concilio Constantiensi. Porro *Wiclefi* dogmata, librique, late diffusi, magnam sequentibus sæculis Ecclesiarum ruinam intulerunt.

8°. Fuerunt etiam hoc sæculo *Arnaldus de Villanova*, *Joannes de Mercaria*, *Raymundus Lullus*, *Echardus*, alique, quorum varia feruntur errata.

§. XV.

Sæculo XV.

10. *Joannes Hus*, et *Hieronymus Pragensis Wicleff* doctrinam mordicus propugnabant, et seditiose prædicabant. Affirmabant, Ecclesiam ex solis constare prædestinatis, hæreticos non posse tradi iudicibus puniendos, neminem a prædicatione verbi Dei prohiberi posse. Tricintanovem hujusmodi propositiones a Concilio Constantiensi damnatæ sunt. Ceterum de Eucharistia, confessione Sacramentali, invocatione sanctorum, Purgatorio etc. non videntur a Catholica Ecclesia dissensisse.

20. Ex his prodierunt *Calixtini*, qui, communionem sub utraque specie laicis omnibus necessariam esse ad salutem, affirmabant.

§. XVI.

Sæculo XVI.

1. *Martinus Lutherus*, Ordinis Augustiniani Apostata, et hæreticorum hujus sæculi signiter; docuit, solam Scripturam esse fidei regulam, eamque privato cujusque spiritu explicandam; rejiciendam traditionem; Ecclesiam constare ex solis iustis, ideoque esse invisibilem; Romanam Ecclesiam esse Babylonem, et R. Pontificem Antichristum; concupiscentiam esse peccatum, quæ cum non deleatur in justificatione, addidit, justificatione peccata non deleri; sed regi per applicationem justitiæ Christi, apprehensæ per fidem, qua quis certo credit, peccata sibi esse remissa; sacramenta eatenus prodesse, quatenus excitant fidem, a quocumque ministrantur; indulgentias, invocationes sanctorum, Missas privatas, jejunia, vota, aliaque religionis officia rejicienda. Ceterum longior est totius systematis Lutherani expositio, nosque passim de eo in variis Theologiæ tractatibus dicemus.

20. *Zuinglius*, *Calvinus*, *Bucerus*, *Æcolampadius* in hoc a *Luthero* præcipue dissenserunt, quod præsentiam Christi *realem* in Eucharistia rejecerunt, unde *Sacra-*

mentarii dicti sunt. Præterea *Calvinus* Deum facit peccati auctorem, et prædestinationem statuit ad mortem æternam ante prævisa peccata.

3°. Cum omnium horum hæreticorum commune dogma fuerit, solam Scripturam, privato cujusque spiritu intellectam, esse regulam si ei, hinc inter eos quot capita, fere tot sententiæ, ac sæpiissime multis in capitibus doctrinam mutarunt, ut Ioseph *Bessuet* in *Historia variationum* exponit. Eorum autem Theologi singuli nova aliquot addiderunt, vel mutarunt. Præcipui fuerunt *Philippus Melancthon*, *Matthias Flaccus Lilius*, *Andreas Carlostadius*, *Joannes Œcolampadius*, *Martinus Bucerus*, *Bernardinus Ochinus*, *Petrus Martyr*, *Hieronymus Zanchius*, *Andreas Osiander*, *Franciscus Stancarus*, *Volfangus Musculus*, *Martinus Kemnitius*, *Joannes Brennius*, *Theodorus Bæza*, alique.

4°. Anabaptistæ, duce *Nicolao Storchio*, et *Thoma Muncero*, ex secta Lutheranorum, docuerunt, pueros non esse baptizandos, et baptizatos; in adulta ætate rebaptizandos, illicitum esse omne juramentum, nefas esse Christianis gerere bellum, cum ipsi contra seditione, et cædibus Germaniam perturbaverint.

5°. *Arminiani*, duce *Jacobo Arminio*, negarunt prædestinationem, omniaque pendere voluerunt a libera hominum electione, unde Semipelagianorum dogma recoxerunt. Eis adhæserunt sequenti sæculo *Hugo Grotius*, *Simon Episcopius*, *Stephanus Curcellæus*, *Philippus Limborchius*, *Joannes Cloricus*. Contra eos pugnarunt Gomaristæ, duce *Francisco Gomaro*, qui Calvinianæ prædestinationis decretum defendunt.

6°. Sociniani, ducibus *Michaële Serveto* Hispano, qui Genevæ vivus combustus est, *Georgio Blandrata*, *Leilio Socino*, & *Fausto Socino* Italici, qui sectæ nomen dederunt; universa fere religionis Christianæ dogmata corruperunt, novumque systema, quod potius Naturalismum dixeris, informarunt, vereres hæreses recoquendo. Nimirum cum *Arianis*, *Macedonianis*, *Sabellianis*, *Photinianis* &c. negarunt Trinitatis mysterium, unde *Anti-Trinitarii* dicti sunt. Affirmarunt, Christum esse merum hominem, nullamque pro peccatis Deo obtulisse satisfactionem, aut sacrificium, nullum esse peccatum

originale, non futuram corporum resurrectionem, Sacramenta nullam habere virtutem; Eucharistiam meram esse ceremoniam &c. Quibus addiderunt reliqua Lutheranorum, & Calvinistarum deliria contra Romanam Ecclesiam, ejusque dogmata, ritus, & præcepta. In Polonia præsertim, et Transylvania invaluerunt.

§. XVII.

Sæculo XVII, & XVIII.

1º. *Quietistæ*, duce *Michaële Molinos* Hispano, docuerunt, statum perfectionis in eo esse situm, ut ad quietem, imo ad nihilum redigantur omnes animæ *potentia*, ita ut ipsa nihil agat; spem, timorem, omnemque salutis sollicitudinem, & virtutum actus abjiciat, nec amplius contra tentationes pugnet, quæ in inferiori animæ parte insurgunt. Multa hujusmodi addebant, ex *Beguardorum* fontibus hausta.

2º. *Baji*, *Jansenii*, & *Quesnelli* opera quantas in Europa excitaverint turbas, notissimum est, nosque *Lib. VII.* eorum systemata exponemus.

3º. Magna vero hisce sæculis errorum colluvies grassata est. *Quakeri* in Anglia, *Illuminati* in Hispania, *Massones* in universa fere Europa monstruosas informarunt hæreses, & periculosas societates, & conventicula. Opera vero *Benedicti Spinosæ*, *Patri Bælii*, *Joannis Lokii*, *Helvetii*, *Volterrii*, *Roussoji*, aliorumque ejusdem farinae hominum, integrum adgressi sunt Religionis Christianæ ædificium libefactare. Quapropter oramus Deum, et patrem Domini nostri Jesu Christi, ut in fide nos faciat stabiles, eosque, qui erraverunt & errant, in rectam salutis viam, et Ecclesiæ suam revocet, ac reducat.

L I B E R III.

SEU TRACTATUS DE DEO UNO.

Prefatio.

IN superioribus libris Theologiæ fundamenta iecimus. Nunc de primario ejus *objecto*, quod Deus est, non prophanz eruditionis, aut humanz Philosophiæ lumine, sed ipso duce, et adjutore Deo differendum est, qui arcana sapientiæ suæ abscondit a sapientibus, & revelavit ea parvulis *Matth. XI, 25* Tria autem summa Capira sunt hujus tractatus, scilicet de existentia, atque unitate Dei, ejusque essentia, & attributis.

C A P. I.

De existentia, & unitate Dei

Adv. I. **Q**Uoniam tyrones habemus jam edoctos ea, quæ metaphysici demonstrant de existentia Dei, idcirco erimus in hac parte breviores.

II. Athei alii sunt *theoretici*, alii *practici*. Theoretici sunt, qui revera sibi persuadent, nullum esse Deum; practici vero, qui ita scelerate vivunt, quasi nullus esset Deus, malorum vindex.

III. Multos esse atheos practicos, experientia docet, & testatur Psalmista, *Pf. XIII. Dixit insipiens in corde suo: non est Deus; Corrupti sunt, & abominabiles facti sunt.* Utrum vero etiam athei theoretici unquam fuerint, aut hodie sint, ambigitur. Inter veteres multi hac infamia laborarunt, sed constat, nonnullos, non quidem veri Dei, sed fallorum numinum negasse existentiam, ut probant Justinus *In Apolog. I.* Clemens Alex. *In Protreptico*, alique: unde primis Ecclesiæ sæculis Christiani ab idolorum cultoribus vocaban-

bantur athei. Difficilius tamen excusantur ab hoc crimine Protagoras Abderitanus, Diagoras Milesius, Theodoros Cyrenaeus, Evemerus, de quibus Cicero Lib. 1. de nat. Deor. Plutarchus de placit. Philosoph. Laërtius de Vit. Philos. Eusebius in Prepar. Evang. Arnobius contra Gent. alique: videntur enim isti, omne nomen sustulisse; idque solum dubitari potest, an id dixerint ex animi sententia. Certe eos defendunt Clemens Alex. Ibid. Muretus Lib. X. Var. lectio. Nonny Appavat. ad Bibl. PP. Lib. I. Jaquelotius cont. Baylium. Videamus ergo 1º. utrum existentia Dei demonstrari possit, 2º. utrum possit a quoquam invincibiliter ignorari, 3º. utrum sit fidei dogma, 4º. utrum ostendi possit, non nisi unum esse Deum.

§. I.

Utrum Dei existentia demonstrari possit,

Adv. I. Demonstratio alia est *a priori*, sive per causam, alia *a posteriori*, sive per effectus. Constat, Dei existentiam non posse demonstrari *a priori*, sive per causam, cum Deus a nulla causa pendeat. Sociniani plures post Socinum, Praelect. Cap. 2. negant, Dei existentiam ullo modo, etiam *a posteriori*, demonstrari posse. Eos sequuntur, qui vulgo *Spiritus fortes* dicuntur, sed revera maxime imbecilles sunt, & passionum, vitiorumque omnium servi.

PROPOSITIO I.

Dei existentia potest a posteriori demonstrari.

Prob. I. ex Scriptura. Job. XII. 7. Interroga jumenta, & docebunt te. Ps. XVIII. Caeli enarrant gloriam Dei, & opera manuum ejus annuntiat firmamentum. Sap. XIII. 1. Vani sunt omnes homines, in quibus non subest scientia Dei, & de his, quae videntur bona, non potuerunt intelligere eum, qui est, neque operibus attendentes agnoverunt, quis esset artifex. . . . A magnitudine enim speciei, & creatura cognoscibiliter potest

erit creator horum videri. Rom. I. 20. Invisibilia enim ipsius a creatura mundi per ea, quæ facta sunt, intellecta conspiciuntur, sempiterna quoque ejus virtus, & divinitas, ita ut sint inexcusabiles. Ergo etc.

Prob. II. Existentia causæ demonstrari potest ab effectu, qui ab illa necessario pendet. Atqui sunt effectus, nempe creaturæ, quæ non existunt a se, ac præinde necessario pendunt a causa, quæ a se existit, nempe Deo. Ergo.

Dices. Nulla inter finitum, atque infinitum proportio est. Atqui omnes, quos videmus, naturæ effectus finiti sunt. Ergo ex iis ens infinitum demonstrari non potest.

R. 1^o. *Dist. maj.* Nulla est proportio naturæ, sive ut ajunt, *entitatis*, *conc.* Nulla est proportio habitudinis, quæ inter effectum, & causam intercedit, *neg.*

R. 2^o. *Dist. min.* Omnes naturæ effectus finiti sunt, si spectetur tantummodo eorum natura, *conc.* Si spectetur eorum productio ex nihilo, *neg.* Licet enim finita sint quæ videmus, eorum tamen productio ex nihilo opus est infinitæ virtutis, ideoque causam arguit infinitam.

PROPOSITIO II.

Dei existentia demonstrari potest argumentis metaphysicis, physicis, & moralibus.

Prob. Indicando breviter argumenta illa, quæ fufius in metaphysica pertractata sunt.

Argumenta metaphysica.

I. Existit aliquid. Hoc negari non potest; si enim eum *Idealistis* negare quis velit ceterarum rerum existentiam, tamen sui ipsius existentiam, nisi sit amens, negare non poterit. Ergo existit aliquod *ens*. ab æterno, quod ab alio non pendeat; alioquin *ens*, quod nunc existit, prodiiisset ex nihilo absque ulla causa, quod repugnat. Atqui *ens* ab æterno existens, minimeque ab alio pendens, Deus est; nam *ens* ejusmodi existit a se.

a se, hoc est in sua ipsius natura rationem habet sufficientem suæ existentiz, ac proinde est *ens* necessarium, ideoque infinitum, cum nullum *ens* finitum excogitari possit, quod sit necessarium. Ergo &c. Illustrant hoc argumentum *Clarkius*, *Cudworthus*.

II. Omnibus hominibus ab ipsa natura ingentiam esse Dei ideam, Patres docent, & ratio suadet. *Anima enim a primordio conscientia Dei dos est*, inquit *Tertullianus Lib. I. cont. Marcion. cap. 10.* Unde *Arnobius Lib. 1. Cont. Gentes: Quisquamne est hominum*, inquit, *qui non cum illius principii cognitione diem prima natiuitatis intraverit? cui non sit ingenium, non affixum, imo ipsi pene in genitalibus matris non impressum, non insitum, esse regem, ac dominum cunctorum, quæcumque sunt, moderatorem (a)?* Primus id negasse videtur *Socinus in prælect. Theol. Cap. II.* quem secuti sunt *Worstius in Not. ad disp. de Deo*, & *Episcopus Instit. Lib. 1. Cap. 3.* in quorum sententiam miror descendisse quosdam e nostris recentioribus Philosophis, post *Joan. Lokum*, qui ipsam Dei ideam volunt esse adventitiam, sive ortam a rerum sensibilium contemplatione. Atqui quod est ab ipsa natura insitum, falsum esse non potest. Ergo etc. Tractat hoc argumentum *Cartesius in Meditationibus*. Sed demus, ideam Dei esse adventitiam, certe omnes homines ita a natura comparati sunt, ut statim eam ex rerum visibilium contemplatione concipiant. Cum ergo natura ipsa in falsum inclinare non possit, sequitur, veram esse Dei ideam, quæ vel insita est, vel ad quam inclinatur, et quodammodo cogit animum ipsa natura.

III. Idipsum Metaphysici demonstrant ex ente contingente, ex idea bonitatis, et veritatis, ex conjunctione animi, & corporis in homine,

Tomp. I.

Z

Ar-

(a) Adde *Justinum Apolog. II. Clementem Alex. in Protrept. Nyssenum Orat. V. Cyprianum de vanis. idol. Lactantium Lib. II. Instit. Cap. 1.* Consentiant ipsi *Geniles Philosophi, Cicero, Plato, Plotinus, Jamblicus &c.*

Argumenta Physica.

Physica argumenta petuntur 1^o, ex admirabili totius universi mole, dispositione, atque ordine. Quid enim, inquit Cicero *Lib. II. de Nat. Deor. esse potest tam apertum, tamque perspicuum, cum celum suspeximus, caelestiaque contemplati sumus, quam esse aliquod Numen prestantissime mentis, quo hæc reguntur. . . quod qui dubitat, haud sane intelligo, cur non idem, sol sit, an nullus sit, dubitare possit.*

2^o. Ex admirabili structura singularum partium universi, in quibus tam stupendus est *mechanismus*, tamque apte singula suis finibus respondent, ut manifestæ insanix sit dubitare, utrum illa a sapientissimo artifice sint composita. Hinc Cæsar Vaninus, atheismi accusatus, ut iudices falleret, stipulam manu accipiens, *hæc*, inquit, *palea jubet, ut Deum credam; ut refert testis oculatus Grammondus Hist. Gallie Lib. III. quo testimonio exufflantur omnia Petri Baylii mendacia, qui impiissimi istius athei nescio quam animi fortitudinem sæpe commendat.* Hoc argumentum, ex admirabili structura partium Universi petitum, egregie tractant *Nieuventitius, & Derham*, quibus addi potest etiam *P. Segneri (a)*.

3^o. Ex motu. Cum enim materia ad motum, et quietem sit *indifferent*, profecto quidquid movetur, ab alio moveatur necesse est. Ergo agnoscitur debet primus motor immotus, mens scilicet infinitæ potentix, et sapientiæ; quæ talem, tantumque motum materiæ impresterit, qui ad hoc universum efformandum, et conservandum esset necessarius. Physica hæc argumenta passim adhibent *Patres (b)*, et veteres Philosophi.

Au-

(a) Nieuventit. *Traité de l'existence de Dieu*. Derham *Theologie Physique*, Segneri. *L'incredulo senza scusa*.

(b) Athanasius *Lib. contr. Gent.* Nazianzenus *Orat. XXXIV.* Justinus, sive Auctor *Quæst. Græc.* Damascenus *Lib. I. De fid. Cap. 3.* Augustinus *Lib. X. Confess. Cap. 6. & Lib. VIII. de Civ. Cap. 6. & al.* Tertullianus *cont. Marcion.* Basilus *Orat. in illud Ap. Attende tibi.* Dio. Chrysost. Epictetus, Simplicius Proclus &c.

Augumenta moralia.

Ex consensu omnium gentium morale argumentum deducitur pro Dei existentia. Ait enim Plutarchus, *Lib. cont. Colosen*: Si terram peragraveris, invenies quidem civitates sine muris, sine litteris, sine rege, sine rectoris, sine divitiis, sine moneris, sine theatris, sine gymnasiis. Sed civitatem sine templis, sine Deo, sine precibus, sine juramentis, sine oraculis, & quæ sacrificia non offerat, ut bona consequatur, malaque avertat, nemo est, neque fuit umquam, qui viderit. Idem docet Cicer. *Lib. I. de Legibus Cap. 8.* & alibi, alique veteres Philosophi, Historici, et Poëtæ (a). Neque audiendi sunt Lokius, et Baylius, qui aliquas Africæ, et Americæ gentes sine religione repertas asserunt, ut Carros, Huttentottos, Canarienses, Caraibas, Brasilienses, et sylvestres homines Virginæ, Floridæ, et Canadæ. Constat enim, eos alicujus numinis notitiam, et religionem habuisse, ex testimonio virorum utique doctissimorum, qui eas gentes propius, et diligentius observarunt. Vide hæc testimonia erudite collecta apud P. Monilium *Lib. Contra Fatalistas in Prasat. et Patuzium De futuro impiorum statu cap. 9.* Stat igitur, Dei existentiam communi omnium gentium consensione firmari, si paucos excipias atheos: (si modo sint) hac illac dispersos, quasi a natura humana degeneres. Atqui omni in re consensio omnium gentium vox natura putanda est, ut bene advertit Cicero *Lib. I. Tuscul. Cap. 13.* Nam hæc universalis, et perpetua apud omnes homines persuasio nec præjudicii, nec calliditati legislatorum tribui potest. Ergo etc.

II. Omnes homines legem naturalem, tamquam cor-
dibus insculptam gerunt; ita ut nullius magisterio edo-
cti, quædam bona, quædam mala esse noscant, imò et

Z 2

post

(a) V. Jacquielot. *Traité de l'existence de Dieu.*

post male facta conscientiae stimulis agitentur, et supremum malorum vindicem timeant. Atqui hæc notitia nonnisi ab ipsa natura oriri potest. Ergo.

Dices. Si ponamus, Mundum extitisse ab æterno, qualis nunc cernitur, atque in eo homines, animalia, plantas perpetuis generationibus sibi invicem succedentia, jam congruent argumenta omnia metaphysica, physica, et moralia, quibus Dei adstruitur existentia. Atqui talem ab æterno fuisse mundum, nihil habet absurdum. Ergo.

R. Neg. min. Si enim mundus ab æterno est, est utique a se ipso, atque adeo ens necessarium, immutabile, et in omni genere infinitum, et summe perfectum, ideoque Deus. Sed hoc ineptum est, et absurdum. Mundus enim corpus est; corpus autem mutabile, iners, in uno tantum genere perfectum, scilicet extensione, ac mobilitate, ceterum omnes spirituales perfectiones, intellectum, voluntatem etc. respiciens. Sed argumenta superius explicata probant, esse ab æterno mentem necessariam, infinitam etc. Accedit, quod in generationibus, sicut & in quocumque motu, absurdus est processus in infinitum, sed semper ad primam aliquam causam deveniendum est, a qua motus inciperit, ut evidenter ostendit S. Thomas *Lib. 1. cont. Gent. Cap. 13.*

Infi. 10. Licet mundus in singulis seorsim partibus mutabilis sit, et in pluribus etiam partibus iners, et cogitationis expertus; non repugnat tamen ponere, totum simul mundum esse immutabile, et duabus simul proprietatibus præditum, extensione, et cogitatione; ita ut omnes ejus partes, omnesque motus, et ipsæ mentis nostræ cogitationes sine quâdam modificatione unius, et summi entis, quæ quidem est opinio Spinozæ, multorumque veterum philosophorum. Ergo.

R. Neg. ant. Etenim 1º. repugnat, ex partibus natura mutabilibus fieri totum immutabile; cum in proprietatibus essentialibus, quod partibus omnibus convenit, idem toti necessario conveniat. 2º. Repugnat, unam, eandemque substantiam extensione, et cogitatione esse præditam, quæ duæ proprietates sese mutuo excludunt, ut Metaphysici demonstrant. 3º. Repugnat, omnes universi motus esse modificationes summi Entis, inde enim fieret,

ret, ut omnia mala physica, et moralia essent modificationes entis summe perfecti, quo quid fingi potest absurdius?

Inse. 2^o. Sicut repugnat, uni substantiæ extensionem, et cogitationem convenire, ita repugnat, mundum creatum esse ex nihilo. Ergo cum utrinque sint ambages, satius est hac de re dubitare cum Scepticis.

Resp. Neg. ant. Posito enim ente necessario, intelligente, atque omnipotente, jam non repugnat creatio mundi ex nihilo, ut *Lib. V.* demonstrabimus; aliud enim est, idem simul esse, et non esse, quod repugnat; aliud vero, ut quod non erat, esse incipiat.

Reliquas atheorum objectiones, in metaphysica jam solutas, omittimus.

Scholion.

Querunt hic Scholastici, utrum hæc propositio: *Deus est*; sit *per se nota*. Propositionem autem per se notam vocant eam, in qua prædicatum pertinet ad ipsam essentiam subjecti, ut hæc propositio: *homo est rationalis*. Sed rursus propositionem per se notam dividunt in propositionem per se notam *quoad se*, et *quoad nos*. Illam vocant, in qua prædicatum pertinet quidem ad essentiam subjecti, sed hoc a nobis non statim cognoscitur: (quidquid sit de hoc loquendi modo; nam illud est notum quod cognoscitur) hanc vero dicunt esse, in qua nos ex sola nominum notione cognoscimus, prædicatum subiecto convenire, ut est hæc propositio: *totum est majus sua parte*.

His explicatis, omnes fatentur, hanc propositionem: *Deus est*; esse *per se notam quoad se*, cum existentia ad essentiam Dei pertineat: sed utrum sit etiam *quoad nos per se nota*, disputatur. Doctissimus *Eslius in l. Diss. III. S. 4.* cum pluribus Thomistis negat, alii affirmant. Nobis *Eslii* sententia magis placet; quæ est etiam *S. Thomæ l. P. Q. II. art. 1.*; non enim est per se notum quoad nos, quod demonstratur per *media*, ab ipsis terminis distincta; sicut demonstratur Dei existentia per effectus, nempe per creaturas. Fatemur tamen, Dei existentiam esse per se notam quoad nos, si idea Dei

intelligatur consule sub ratione beatitudinis, bonitatis, & veritatis in communi.

Dices: Idea entis summe perfecti necessario existentiam includit, quæ est maxima perfectio, & fundamentum aliarum. . . . *Res. Dist.* includit existentiam *idealem*, *conc. realem*, *neg.* Hoc est, si cogitas ens summe perfectum, debes illud cogitare ut *existens*; sed adhuc probare debes, ens hoc summe perfectum, de quo cogitas, revera existere extra mentem, nec esse unam ex ideis, quas mens efformat, nec usquam extra mentem existunt.

§. II.

Utrum Dei existentia possit invincibiliter ignorari.

Adv. I. *Invincibiliter* ignorari dicitur, quod nullo studio, nulla diligentia sciri ne probabiliter quidem potest, nec debes; ut fusius dicemus in Tractatu de Actibus humanis.

II. Molina, & *Poncius* asseruerunt; posse hominem in toto vitæ suæ cursu invincibiliter ignorare Deum. Alii docuerunt, hanc ignorantiam in aliquo esse posse saltem ad breve tempus.

PROPOSITIO

Dei existentia a nemine potest etiam brevi tempore invincibiliter ignorari.

Prob. Illud non potest invincibiliter ignorari, quod ex principiis, lumine naturæ notis, ratiocinio facili, ab hominibus etiam rudioribus deducitur. Atqui talis est existentia Dei. Si enim homo utcumque rudis videns ædificium, aut aliud opus affabre elaboratum, in quo singulæ partes suo fini respondent, statim cognoscit; illud a sapiente artifice fuisse compositum, quanto magis videns admirabilem totius universi structuram, atque ordinem, statim concludet, esse Deum, a quo hæc omnia producta, & ordinata sunt. Hinc Apostolus Rom. I. vocat *inexcusabiles* eos, qui *non probaverunt Deum habere in notitia*.

Prob.

Prob. II. ex PP. Gregorius M. Lib. XVII. Moral. cap. 13. Omnis homo, inquit, eo ipso, quod rationalis est conditus, debet ex ratione colligere, eum, qui se condidit, Deum esse; Damascenus Lib. I. Orthod. Fid. cap. 1. Notitia Dei omnibus a natura est insita, neque id aliquis ratione utens ignorare potest. Ergo.

Corollaria.

I. Ergo si qui sunt, qui Deum ignorare videantur, in iis ignorantia hæc est potius impia quædam oblivio, & attentionis defectus, qui ex morum improbitate, atque animo, viriorum sordibus excæcato, proficiscitur.

II. Merito damnata est ab Alexandro VIII. propositio illa: *Peccatum philosophicum, quantumvis grave, in eo, qui vel ignorat Deum, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque æternæ pænæ dignum.*

Objic. Puer in sylvis, vel quod pejus est, inter barbaros, sylvestres, & atheos homines educatus, postquam ad usum rationis pervenit, aliquo temporis spatio indiget, ut harum vocum; *Deus: existit;* notionem comparet. Ergo illo saltem tempore potest invincibiliter ignorare Deum.

R. Dist. ant. ut compareret hanc notionem. sub ratione propria, & distincta *Deitatis*, *conc.* sub ratione confusa primæ causæ improductæ, *neg.* Hoc autem sufficit, ut ignorantia non sit invincibilis.

Inse. Et si puer ille in primo rationis usu habeat Dei distinctam ideam, tamen aliquo tempore indiget, ut ex creaturis colligat, illum existere. Ergo.

R. Neg. ant. Tam clarum enim est conscientiæ testimonium, tam necessaria connexio creaturæ cum creatore, sive effectus cum causa, ut ne momento quidem temporis possit aliquis carere saltem confusa quadam notitia Dei, si non demonstratione exquisita, at saltem probabili, & conjecturali, quæ sufficit, ut ignorantia invincibilis non sit. Quod si quis voluntarie vitiiis, et sceleribus immergatur, ideoque non attendat ad conscientiæ, & creaturarum testimonium, jam culpa sua est.

§. III.

Utrum Dei existentia sit fidei objectum.

Adv. Cum Dei existentiam naturali lumine cognosci posse, imo invincibiliter ignorari non posse, supra docuerimus, merito quaeritur, utrum illa ad fidem pertineat; Fides enim est *non apparentium* Heb. XI. 1. Et Thomistae quidem docent, Dei notitiam non esse dogma fidei, sed *preambulam* fidei in iis, qui sciunt demonstrationes naturales, quibus Dei existentia evincitur. Estius veto *In 1. Diss. III. §. 3.* sapienter distinguit in fide certitudinem, & obscuritatem. Si ergo fides ita intelligatur, quatenus utrumque complectitur, fatetur, Dei existentiam non esse *objectum* fidei in iis, qui naturales tenent demonstrationes. Si vero intelligatur *inadequate* pro sola certitudine objecti, docet, esse objectum fidei in omnibus, sive teneant, sive non teneant demonstrationes naturales; cumque objecti certitudo sit, quae praecipue attenditur in fide, absolute dicendum esse affirmat, existentiam Dei esse objectum fidei.

PROPOSITIO I.

In iis, qui non capiunt naturales demonstrationes, Dei existentia est objectum fidei.

Prob. I. Apostolus Heb. XI. 6. ait; *accedentem ad Deum oportet credere, quia est.* Atqui si hoc non esset verum saltem in iis, qui demonstrationem non capiunt, falsum esset omnino. Ergo.

Prob. II. In iis, qui demonstrationem non capiunt, nihil obstat, quominus existentia Dei sit objectum fidei; possunt enim illi habere hujus objecti certitudinem, & obscuritatem. Ergo.

Dices. Fides est eorum, quae revelavit Deus. Ergo ante fidem supponenda est notitia existentiae Dei, qui revelavit; ac proinde haec notitia ad fidem non pertinet.

R. Neg. conf. Sicut enim Sol est causa, cur videatur lu-

lumen, & alia corpora per lumen illustrata, ita fides est causa, cur cognoscatur Deus, & alia a Deo re-
velata.

PROPOSITIO II.

Si fides intelligatur prout duo simul complectitur, scilicet certitudinem, & obscuritatem; existentia Dei non est objectum fidei in iis, qui naturales tenent demonstrationes.

Prob. Non potest idem simul esse, & non esse: simul esse evidens, & non evidens. Atqui demonstratio naturalis efficit, ut existentia Dei sit evidens; ergo non potest illa per fidem esse obscura in homine, in quo per demonstrationem naturalem est evidens. Id tamen hoc sensu intelligimus, atque hoc sensu verum esse putamus quod docent vulgo Philosophi, scientiam, fidem, & opinionem non posse simul esse in eodem subjecto de eadem re: si scilicet scientia, et fides sumantur ambo quoad habitum, vel ambo quoad actum; nam nihil videtur ob stare, quominus in eodem subjecto de eadem re sit habitus scientiæ, & actus fidei, vel contra: ac proinde in eo, qui habitu novit demonstrationem existentia Dei, sit de eadem re actus fidei.

PROPOSITIO III.

Si fides intelligatur de sola objecti certitudine, innixa divinae revelationi; Dei existentia est objectum fidei omnibus hominibus; ac proinde absolute dici potest, existentiam Dei esse objectum fidei respectu omnium.

Prob. 1^a pars. I. Apostolus absolute loc. cit. de omnibus dicit: accedentem ad Deum oportet credere quia est. 2^o. Ecclesia ab omnibus Christianis, quantumvis doctis, & ingeniosis, ad Baptismum venientibus, exigit fidem de Dei existentia, eisque recitandum, discendum, & credendum proponit symbolum, in quo primus articulus est: Credo in Deum. Ergo.

Prob.

Prob. II. Si fides existentiae Dei exigeretur ab iis tantum, qui demonstrationem non capiunt, varia sequerentur absurda. Sequeretur enim 1^o. Philosophum, ad Christianam religionem accedentem, minori certitudine cognoscere Dei existentiam, quam fidelem indoctum, ille enim eam cognosceret ex ratione, hic ex fide, quæ est, certior ratione, quia innititur firmiori momento. 2^o. sequeretur, eum, qui existentiam Dei jam credidit ex fide antequam demonstrationem intelligeret, si postea intelligat etiam demonstrationem, amittere eam certitudinem, quam prius habebat, eamque cum minori certitudine commutare. Ergo.

Prob. III. Licet demonstratio existentiae Dei eam efficiat certam, & evidentem; constat tamen, eam certitudinem, & evidentiam posse adhuc augeri, quia non tanta est, quanta erit in patria per visionem. Sicut ergo per visionem augetur certitudo, & evidentia scientiae, non destructa ipsa scientia, ita per fidem augetur certitudo ipsius scientiae; licet non augeatur evidentia, nec per maiorem illam certitudinem evidentia scientiae destruitur.

Prob. 2^a pars. Obscuritas, quæ est in rebus fidei subjectis, non producit ab ipsa fide, sed ab imbecillitate, mentis humanæ, non valentis percipere rationes rei revelatæ; ac proinde considerari potest, ut *accidens* ipsius fidei, certitudo vero, ut *essentialis*. Cum ergo omnibus fidelibus insit certitudo fidei de Dei existentia; ex accidenti autem fiat, ut in quibusdam hæc certitudo conjuncta sit cum obscuritate, in aliis cum evidentia; absolute dici debet, existentiam Dei esse objectum fidei. De rebus enim loquimur secundum ea, quæ sunt ipsis *essentialia*, non secundum *accidentalibus*.

§. IV.

Unus tantum existit Deus.

Adv. Dei unitatem oppugnaverunt 1^o. Gentiles, ideo Polytheistæ appellati, qui *creature servientes potius, quam Creatori*, ut loquitur Apostolus Rom. I. 25. res innumeras, etiam brutas, & irracionales, imo ipsa ho-

minum vitia pro Diis habuerunt. 2^o. Simoniani, Marcionitæ, & Manichæi, duo rerum principia statuentes, bonum & malum. Quorum historiam hæreticorum erudite prosequitur *Joan. Christoborus Wolpius in libro De Manichæismo ante Manichæos*. 3^o. Trinitatæ VI. sæculo, qui, duce *Joanne Philopono*, tres SS. Trinitatis personas tres esse Deos asserabant, qua in re iis præverant aliquot obscuri nominis hæretici vetustioribus sæculis.

PROPOSITIO.

Unus tantum existit Deus. Est dogma fidei.

Prob. I. ex Scriptura. Deuteron. VI. 4. Audi Israël Dominus Deus noster, Dominus unus est. Et ibid. XXXII. 39. Videte, quod ego sim solus, & non sit alius Deus præter me. Psalm. XVII. Quis Deus præter Dominum, aut quis Deus præter Deum nostrum? Et Joan. XVII. 3. Hec est vita æterna, ut cognoscant te, solum verum Deum. Et Ephes. IV. 5. Unus Deus & pater omnium, qui est super omnes. Ergo &c.

Prob. II. ex PP. præsertim priorum sæculorum, qui scribentes contra Gentiles, potius politheismum, quam atheismum impugnarunt, ut Athenagoras, Justinus, Minucius Felix, Tertullianus, Cyprianus, Arnobius, Lactantius, Eusebius, Clemens Alex. Augustinus, & alii (a). Eorum loca vide apud Petavium Lib. I. cap. 3.

Prob. III. ratione 1^o. Si plures essent Dii, omnes deberent esse a seipso, ac proinde omnes deberent in hoc genere convenire, distingui vero a se invicem per differentias vel specificas, vel individuas. Atqui hoc posito, alter non haberet perfectiones alterius, ideoque non

(a) Athenagoras *Legat. pro Christ.* Justinus, vel quivis auctor *Cohors ad Græc. & Lib. de Monarchia*, Minucius in *Octavio*, Tertullianus in *Apolog.* & *Lib. de testim. anim.* Cyprian *Lib. de idolol. vanit.* Arnobius *Lib. II. cons. Gent.* Lactant. *Lib. I. Instit.* & *Lib. De ira Dei*, Clemens Alex. in *Protrept.* & *Lib. VII. Strom.* Euseb. *Lib. XIII. De Præp. Evang.* Augustinus *Lib. 6. De Civ. Cy- rillus Alex. Lib. I. con. Julian.* Athanasius *Lib. cons. Gent. &c.*

non esset ens perfectissimum, & summe bonum, ut patet. Ergo si pures fingerentur Dii, nullus esset Deus. Recte Tertullianus *Lib. I. cont. Marc. cap. 3.* Deus inquit, si non unus est, non est.

Idem probatur 2^o. ex consensu Gentilium Philosophorum, qui licet exterius falsam populi religionem sequerentur, et veritatem Dei in iniustitia detinebant *Rom. I. 18.* tamen unum esse Deum fatebantur. Eorum plura testimonia videre est apud Athenagoram, aliosque supra commemoratos (a), 3^o. ex ipso ordine, et structura universi, in quo ita omnia secum apta sunt, atque ad unum finem composita, ut nonnisi ab uno Deo condi, regique potuerint, ut evidenter ostendunt Minucius Felix in *Octavio*, et Athanasius *Lib. cont. Gentiles*; 4^o. ex ipso conscientie testimonio. Ipsi enim Gentiles in rebus adversis non falsa numina, sed unum Deum invocare consueverunt, o Deus, o bone Deus &c. quod Tertullianus appellat testimonium anime naturaliter Christiane *Apolog. cap. XVII. Vide S. Thomam. Lib. I. Cont. Gent. Q. P. I. Summe.*

Porro contra Manichæos speciarim evincitur, præter unum Deum summe bonum, non posse alium excogitari summe malum. Nam 1^o. malum est boni privatio, ac proinde summum malum est privatio cujuscumque boni, ideoque nihil est; si enim est, jam aliquid habet boni, ipsam nempe existentiam. 2^o. Si duos fingamus Deos, bonum, & malum; cum sint ambo infiniti, propter æqualem, & contrariam utriusque vim, vel neuter quidquam posset efficere, ideoque nec esset omnipotens, nec Deus; vel si alter, altero invito, potestatem suam in alterius opera exerceret, uterque imbecillus est, ideoque nec esset Deus. Ergo &c. Vide hæc fusius apud Nasaleam *Hist. Eccl. Sec. II. Dissert. XVI.*

Sola

(a) Vid. Huetium in *Alueranis Lib. II. Cap. 2.* & Pfannorum in *Syst. Theologia Gentil. Prioris Cap. 2. §. 9.*

Solvuntur objecta.

Obje. I. Psalm. LXXXI. Deus stetit in Synagoga Deorum. Et Apostolus I. Cor. VIII. 5. Siquidem . . . inquit, sunt Dii multi. & Domini multi. Ergo etc.

R. Neg. conf. In Psalmis enim, aliisque Scripturæ locis Dii appellantur homines, in quibus divina potestas elucet. Ego dixi Dii estis, & filii Excelsi omnes; vos autem sicut homines moriemini. Apostolus vero loquitur de falsa Gentilium opinione; ait enim: Sunt qui dicuntur Dii, sive in celo, sive in terra; siquidem sunt Dii multi, & Domini multi; nobis autem unus est Deus.

Infi. Scriptura Deos gentium agnoscit, ut veros dominos earum regionum, in quibus colebantur. Ait enim *Jephie* Ammonitis *Judic. XI. 24. Nonne ea, que possides Chamos Deus tuus, tibi jure debentur? Que autem Deus noster victor obtinuit, in nostram cedunt possessionem. Ergo etc.*

R. Neg. ant. Verba enim *Jephie* dicta sunt ad hominem contra Ammonitas, qui falsa Gentilium opinione putabant, unicuique genti peculiarem præstare Deum. Ex quo principio, licet falso, sed ab adversariis recepto, recte arguit *Jephie*: Sicut vos defenditis regiones vestras, quas dicitis a Chamos possideri, ita nos defendimus regiones, quas nobis Deus noster jure belli per admirabiles victorias concessit, quasque tot annorum possessione præscripsimus.

Obje. II. Negari non potest, multa esse in mundo mala. Ergo agnoscendum est primum aliquod mali principium; quod cum non possit esse Deus bonus, duo rerum principia ponenda sunt, bonum, & malum; id est duo Dii.

R. Diss. ant. Mala existunt improptie, tamquam aliquid negativum, sive tamquam privatio boni, quod supponunt ante se, *conc.* Existunt proprie, tamquam aliquid positivum, *neg.* Quare *neg. conf.* Cum enim malum nihil aliud sit, nisi boni privatio, vel negatio, ejus prima causa non est efficiens, sed deficiens. Ita voluntas creata, cum non sit summe perfecta, potest a

summo bono deficere, atque ita peccare. Dixi autem generatim, mala improprie existere, tamquam aliquid negativum, quod convenit malis moralibus, quæ proprie mala sunt; mala enim physica, quæ positive existunt, non sunt vere mala, sed bona quædam, quæ quia displicent iis, qui summum bonum non amant, a quo ista fiunt, dici solent mala; cum revera bona sint, quibus vivit Deus vel ad puniendos malos, vel ad servandum ordinem universi.

Inst. Si unus esset Deus, isque summe bonus, non permetteret mala moralia, seu non permetteret, creatas voluntates a summo bono deficere; quod unique facere posset, salva earum libertate per gratiam, quam Theologi appellant efficacem. Ergo.

R. Dist. ant. Non permetteret mala moralia, si non esset adeo sapiens, omnipotens, & bonus, ut sciret etiam, & posset bona facere de malis, *conc.* Secus, *neg.* Deus omnipotens, inquit Augustinus *Enchir. Cap. 11. nullo modo sineret mali aliquid esse in operibus suis, nisi usque adeo esset omnipotens, & bonus, ut bene faceret etiam de malis.* Bona autem, quæ Deus e malis eruit, quædam hic videntur a nobis, ut exaltatio Josephi ex invidia fratrum, constantia martyrum ex persecutione tyrannorum: quædam vero pertinent ad inscrutabilia judicia Dei, & videbuntur in patria, ubi clare intuebimur in Deo ipso rationes æternas, quibus ipse universum gubernat.

Objic. III. Tres sunt in Deo personæ. Ergo tres Dii.

R. Neg. conf. Ut enim essent tres Dii, tres etiam deberent esse naturæ divinæ. Et in rebus quidem creatis, quæ finitæ sunt, ubi plures sunt personæ, plures etiam naturæ sunt, quia una persona omnem exhaustit modum, quo natura una potest existere. Non ita autem se res habet in natura infinita, quæ licet una, tribus tamen modis subsistit. Sed de hoc plenius in *Lib. seq.* ubi dicemus de Trinitate.

C A P. II.

De natura, sive essentia Dei.

Adv. I. **E**Unomius, teste Theodoro, *Lib. IV. Heret. Fab. Cap. 3.* iactabat, se nosse Dei naturam, non secus ac eam novit ipse Deus.

II. Catholici omnes docent, Dei naturam, sive essentiam hic a nobis ignorari. Si enim rerum creaturarum naturæ, quæ finitæ sunt, mentis nostræ aciem fugiunt, multo magis natura Infiniti.

III. Nihilominus cum varias Dei proprietates, sive attributa per revelationem simul, & rationem noscamus, quæ quidem proprietates in Deo sunt unum simplicissimum ens, sed a nobis singillatim considerantur, quia non possumus eas omnes uno simul mentis intuitu complecti, ideo quærimus, quænam inter Dei proprietates sit prima, ex qua ceteræ, nostro intelligendi modo, tamquam ex radice manant, quamque Dei naturam, sive essentiam appellamus.

IV. *Scotiste* proprietatem illam, quam inquirimus, volunt esse *infinitatem radicalem*, ut ajunt: *Nominales infinitatem actualem*, seu cumulum omnium perfectionum; *Thomistæ intellectiōem actualem*: reliqui passim Theologi esse *ens a se*, quam sententiam illustrat, ac tuetur *Petavius*, quem sequuntur *Berti*, *Tournely*, *Boucat*, *Lodovicus Habert*, *Juenipus*, aliique Theologi. Nomine autem *Entis a se* non intelligunt ens aliquod limitatum, sed ipsum esse non limitatum, aut circumscriptum in aliquo peculiari genere, sed complexens quiddam *entis* nomine significari potest.

P R O P O S I T I O I.

Dei natura, sive essentia non potest hic a nobis naturaliter cognosci. Est dogma fidei.

Prob. I. ex Scriptura. Eccli XLIII. 35. Quis videt eum, & enarrabit? Et Isaia XLV. 15. Versu es Deus absconditus. 1. Tim. VI. 16. Lucem inhabitat inaccessibilem. Ergo.

Prob.

Prob. II. ex PP. Auctor Libri De Trinitate inter opera Tertulliani Cap. 7. Id quod est (Deus), inquit, secundum id quod est, nec humano sermone dici, nec humanis auribus percipi, nec humanis sensibus colligi potest. Vide etiam Patres, qui contra Eunomium scripserunt, præcipue Gregorium Naz. Orat. XXXIV. & Basilium Lib. II. cont. Eunom. Et genetatim doceant Patres, quid non sit Deus, posse intelligi, at quid sit, intelligi non posse. Unde Augustinus in Psalm. LXXXV. n. 12. Intendat charitas vestra: Deus ineffabilis est; facilius dicimus quid non sit, quam quid sit Queris quid sit? quod oculus non vidit, nec auris audivit, nec in cor hominis ascendit. Quod & agnoverunt gentiles Philosophi. Ammonius in Castig. Aristot. Cum Timæum interrogasset Socrates: quid est Deus? respondit ille: quid non sit scio, quid sit autem, nescio.

Prob. III. ratione. Natura Dei est simul simplicissima, & infinita; at quod est infinitum, non potest mens naturaliter uno, & simplici actu, ut est in se, cognoscere. Ergo.

Corollarium.

Hinc sequitur, Deum esse ineffabilem, hoc est, nullo nomine ejus essentiam, prout est in se, clare designari. Hinc Prov. XXX. 4. *Quod nomen est ejus, & quod nomen filii ejus, si nosti? Et Justinus in Cohortat. ad gent. Fieri non potest, ut proprium aliquod Deo nomen attribuat. Vide alia PP. & Philosophorum testimonia apud Thomassinum Lib. VI. Theol. dogm. cap. 5. Petavium Lib. VIII. cap. 6. & Huetium in Alnetanis. Habent quidem Hebræi decem Dei nomina, quorum præcipua sunt, 1º. יהוה *Jehova* nomen τετραπαραµυνοτον quod soli Deo tribuitur in Scripturis, ab eoque pronuntiando Hebræi abstinent, imo veram ejus pronuntiationem ignorant. Patres, et linguæ Hebræicæ periti varie pronuntiant; communiter tamen post *Petrum Galatinum* dicunt *Jehova*, *Qui est*. 2º. אדוני *Adonai* Dominus. 3º. אלוים *Eloim* Princeps, Judex. Sed hæc nomina, et alia apud varias nationes usurpata, ut*

Deos apud Græcos, apud Latinos *Deus*, essentiam Dei, non prout in se est, sed prout a nobis intelligitur, exprimunt. Vide de variis Dei nominibus Petavium *Lib. VIII. cap. 9.* Angelum Caninium *de Loc. Hebraic. cap. 2.* et alios.

PROPOSITIO II.

Infinitas sive radicalis, sive actualis non est primum attributum, quod in Deo mente concipimus, quodq; essentiam vocamus.

Prob. 10. Illud non est primum Dei attributum, quod ab alio fluere intelligimus; atqui infinitatem ab alio fluere intelligimus, nempe ab *existentia a se*. Ideo enim Deus est infinitus, quia a se existit, ideoque ens necessarium est, atque a nullo ejus essentia limitari, et circumscribi potest. Ergo.

2^o. *Infinitas* est modus existendi; atqui modus existendi non potest constituere rei essentiam, unde ait Titus Bostrensis *Lib. 1. cont. Manich. Esse prius quodammodo est cogitatione, quam talem esse*. Ergo.

PROPOSITIO III.

Intellectio non constituit Dei essentiam.

Prob. I. Intellectio vel pro facultate intelligendi ponitur, vel pro ipso actu intelligendi. Atqui neutro modo posita constituit Dei essentiam. Essentia enim debet esse prima in re, et radix omnium rei proprietatum. Atqui intellectio, utrovis modo accepta, non est prima, quæ mente concipitur, nec est radix omnium Dei attributorum. Non quidem est prima, quæ mente concipitur in Deo; nam prius est esse, quam facultatem habere intelligendi, aut actu intelligere, quippe facultas operandi, et ipsa operatio sequitur naturam, a qua promanat. Nec ab ipsa intellectione fluunt reliquæ Dei proprietates; nam non ideo Deus mente concipitur omnipotens, aut misericors, quia est intelligens. Ergo.

Prob. II. Idipsum insinuant Scriptura, et Patres.

A a

Scri.

Scriptura quidem; nam *Job. XII. 13.* dicitur: *Apud ipsum est sapientia, & fortitudo: ipse habes consilium, & intelligentiam*, ubi sapientia, et intelligentia, non secus ac omnipotentia describuntur tamquam proprietates, quarum subiectum est Deus, ac proinde adiciuntur, et afficiunt nostro intelligendi modo essentiam divinam. Ex Patribus vero satis est citare Chrysostomum *Orat. I. de Incomprehensib. Dei nat. Non a sapientia*, inquit, *substantia, sed a substantia sapientia est.*

Objectiones Scotistarum, et Thomistarum satis multas omittimus, ut in-gravioribus postea possimus esse copiosiores. Pauca ista, quæ diximus, sufficiunt, ut non omnino Scholarum morem contempsisse videamur.

PROPOSITIO IV.

Essentia Dei, seu primum, quod in Deo mente concipimus, attributum est esse a se.

Prob. I. ex Scriptura. Ipse Deus *Exod. III. 14.* a Moysæ interrogatus; quodnam esset nomen ejus, respondit: *Ego sum qui sum sic dices filii Israël: qui est misit me ad vos.* Et *Job. XXIII. 13.* de Deo ait: *Ipse solus est.* Sic et in *Apocalypsi* legitur *Cap. I. 4.* *Gratiæ vobis ab eo, qui est, & qui erat, & qui venturus est.* Quibus verbis existentia dicitur ira Dei propria, ut sola sit nomen ejus (quod utique ad designandam rei essentiam, quantum intelligi a nobis potest, imponitur) eumque a creaturis distinguat. Atqui existentia, quæ est Dei propria, est existentia a se, quia creaturis etiam convenit existentia, sed ab alio pendens. Ergo.

Prob. II. ex PP. Hilarius *Lib. I. de Trin. n. 5.* in ea verba exodi: *Ego sum, qui sum.* *Admiratus sum*, inquit, *tam absolutam significationem, quæ naturæ Divinæ incomprehensibilem cognitionem apertissimo ad intelligentiam humanam sermone loqueretur.* Non enim aliquid magis proprium Dei, quam esse intelligitur; quia idipsum, quod est, neque desinens est aliquando, neque cessans: scilicet verbum est significat esse necessarium, & æternum, sive quod a se existit; cum creaturæ, quæ existunt ab alio, dicantur non esse *Job. loc. cit.* In eandem sen-

tentiam loquuntur Justinus in *Exhort. ad Græcos*, Cle-
rens Alex. *Lib. 1. Pædagog. cap. 8.* Ambrosius in
Psal. XLIII. Epiphanius *Hæres. LXIX. n. 7.* alii-
que a).

Prob. III. ratione. *Esse a se* est primum, quod in
Deo mente concipimus, & ex quo tamquam ex radice cæ-
teræ proprietates prodire intelliguntur. Est quidem primum;
nam quodcumque de Deo cogites, superadditur *esse a se*;
prius est enim *esse a se* (nostro intelligendi modo)
quam *esse sapientem, potentem, justum, &c.* Est vero
veluti radix, a qua cæteræ proprietates prodire intelli-
guntur, quia ex eo quod Deus est ens a se, sequitur,
eum esse ens necessarium: & ex quo est ens necessarium,
sequitur, eum esse infinitum, cum nullum ens finitum
finji possit necessarium, denique ex quo est ens infinitum,
sequitur, eum omnes alias habere proprietates, quia
si vel una careret, jam non esset infinitus. Ergo.

2º. Illud est essentia Dei, quod Deum ab omnibus
aliis entibus distinguit; nam idem est *constitutum, &*
distinctivum, ut Scholæ loquuntur. Atqui *esse a se* di-
stinguit Deum 1º. ab omnibus creaturis, quarum essen-
tia est, ut sint ab alio, tamquam a causa, 2º. distin-
guit *virtualiter* essentiam divinam ab ipsis attributis
divinis, quæ sunt ab alio, scilicet ab essentia divina
tamquam ab radice. Ergo. Hinc Græci nonnulli Philo-
sophi Dei naturam in eo ponunt, ut sit. Ita Plato in
Timeo. Plutarchus *Libro De æ apud Delphos*, Ploti-
nus, Numenius, &c.

Diluuntur Objecta,

Obje. I. Si essentia divina constitueretur in eo, quod
est a se, Filius, & Spiritus Sanctus non essent Deus;

A 2 2

nam

(a) Hieronymus in *Cap. III. ad Ephes.* Augustin. *Tract.*
XXXVIII. in Joan. & al. Auctor *lib. de Cognitione vera vi-*
æ. Cap. 7. Tom. IX. Opp. August. Nazianzenus *Orat. XXXVI.*
Dionysius *Lib. de Div. nom. Cap. 5.* Bernardus *Lib. 1. de Con-*
sid. Cap. 6.

nam Filius, & Spiritus Sanctus sunt ab alio. Falsum consequens; ergo & antecedens.

R. *Neg. seq. maj. Ad confirm. Dist. ant.* Filius, & Spiritus Sanctus sunt ab alio tamquam a causa, *neg.* sunt ab alio tamquam a principio, *subdist.* ratione personæ, *conc.* ratione naturæ, *neg.* Cum igitur Pater generat Filium, ei communicat eandem numero naturam divinam, quæ nec gignit, nec gignitur, ideoque sicut natura Patris est a se, ita & natura Filii, quæ eadem numero est. *Persona* quidem Filii producitur, & est a Patre non tamquam a causa, a qua pendeat, sed tamquam a principio, cum quo ejusdem est naturæ. Idem dicas de processione Spiritus S. a Patre, & Filio. Quod autem persona Filii, & Spiritus S. est ab alio tamquam a principio, non destruit, sed magis confirmat sententiam nostram, quia ex hoc patet, esse a se, ita esse proprium essentiae divinæ, ut eam *virtute* distinguat ab ipsis *personalitatibus*, ut loquuntur Scholastici, quæ sunt ab alio tamquam a principio.

Obje. II. Essentia Dei constituenda est in aliquo Dei attributo perfectissimo. Atqui perfectius est esse intelligens, infinitum &c. quam simpliciter esse a se. Ergo.

R. *Dist. maj.* constituenda est in aliquo perfectissimo, quod sit primum, & radix ceterorum attributorum, *conc.* Secus, *neg.* *Nego etiam min.* Nam nomine entis a se intelligimus ipsum esse non limitatum in aliqua essentiae specie, sed omnes vel *formaliter*, vel *eminenter* continens. Hinc Damascenus *Lib. III. Cap. 12. Videtur*, inquit, *omnium, quæ de Deo dicuntur, nomen maxime proprium Ens, sicut Moyse respondens in monte dixit: Dic filiis Israel: Qui est misit me. Totum enim in seipso comprehendens, habet esse, velut quoddam essentiae telus infinitum, & interminatum.*

Insl. Ens est genus remotissimum, ac supremum, quod non naturales rei proprietates explicat. Atqui essentia rei cuiuslibet definiri debet per proximum genus, unde male homo definiretur *ens rationale*, recte vero *animal rationale*. Ergo Dei natura definiri non debet *ens a se*, sed *intelligens, ac vivens a se*.

R. *Dist. maj.* Si nomen entis adhibeatur ad significandum aliquid finitum, ac terminatum, *conc.* Si adhibea-

bea-

beatatur ad significandum *ipsum esse* infinitum, ac interminatum, complectens quidquid entis nomine significari potest, *neg.*

Scholion.

Quia nomen *entis* alio sensu Deo attribuitur, ac creaturis, ideo Patres sæpe docent, *essentie, substantie, uetus* nomina Deo non convenire, non quia non sit ens, ac substantia, sed quia non sit eo sensu, quo illa nomina passim usurpamus, sed *supra essentiam, & supra substantiam*, ut *Dionysius, Damascenus*, aliique docent. *Substantia in illo non est vere substantia, sed ultra substantiam*, inquit Boëtius *Lib. de Trin.*

Corollarium.

Quoniam igitur solus Deus est a se, ceterarum autem rerum natura est esse ab alio, hinc sequitur, creaturas omnes ita a Deo pendere, ut radios a sole, cujus influxus si vel uno momento cessaverit, evanescent. Quicquid igitur videmus, sentimus, aut etiam patimur, a Deo est, qui omnia per creaturas operatur, excepto peccato; ac proinde in omnibus semper Dei majestatem potentiam, sapientiam revereri debemus.

C A P. III.

De divinis attributis generationis.

Adv. 1. **A**tributa a Theologis dicuntur perfectiones, quæ essentiae jam constitutæ superaddi, ab eaque tamquam ab radice prodire intelliguntur: quæque Græci Patres, ut Gregorius Nyss. *Lib. II. cont. Eunom. ἀξιώματα, ἰδιότητες, vonηματα*: Latini, ut Tertullianus *Lib. I. cont. Marc.* proprietates appellant. Licet enim omnia in Deo sint unum, tamen mens nostra, non valens uno simul intuitu complecti omnia, quæ revelatione, vel ratione de Deo cognoscit, ea veluti per partes contemplatur, atque ideo quædam statuit tamquam constituentia ipsius essentiam, quædam vero ab

essentia ipsa prodeuntia: quod non est tantummodo Scholasticorum commentum, sed a Patribus etiam usurpatum. Ait enim Chrysostomus *Homil. LXXII. in ea verba Joan. XIV. 8. Domine ostende nobis Patrem: Videamus quid Philippus videre queras, num sapientiam Patris? num ejus bonitatem? minime, sed quid sit Deus, ipsam substantiam.*

II. Dei attributa alia *absoluta* sunt, alia *relativa*. Absoluta dicuntur, quæ ad ipsam pertinent Dei naturam, communiaque sunt tribus personis, nec significant relationem ad aliud, ut omnipotentia, sapientia &c. Ea rursus dividuntur in affirmantia, quæ aliquam perfectionem Deo tribuunt, ut justitia, sapientia; & negantia, quæ aliquam imperfectionem Deo negant, ut *infinitas, immensitas*. Hæc negantia attributa melius explicant quæ cogitamus de Deo, de quo facilius dicimus, quid non sit, quam quid sit, ut supra diximus. Vide etiam Dionysium *De Myst. Theol. cap. 2. & de Cælesti Hierarchy. cap. 2.* Relativa attributa sunt, quæ explicant relationem ad aliud. Eaque iterum dividuntur in relativa *ad intra*, et *ad extra*. Illa sunt, quibus tres divinæ personæ intra ipsam Dei essentiam ad se mutuo referuntur, ut Paternitas, Filiatio, Spiratio; ista vero, quibus designatur creaturarum ad Deum relatio, sive habitudo, ac subjectio, qua ab illo pendent, tamquam effectus a causa, ut esse creatorem, dominum, providorem.

III. De attributis ergo divinis quaeritur, quomodo inter se, et ab essentia divina distinguantur. Distinctio primum duplex est, alia *realis*, alia *rationis*. Realis est quæ, etiam nemine cogitante, intercedit inter res duas; eaque rursus triplex, *major*, *minor*, et *formalis*. Distinctio *realis major* est, quæ intercedit inter duas res vel separatas, ut Petrus, et Paulus, vel separabiles, ut anima, et corpus; vel per relationem oppositas, ut in divinis Pater, et Filius. *Realis minor*, quæ et *modalis* dicitur, intercedit inter rem, et modum ab ipsa re separabilem, ut inter hominem, et ejus sapientiam. *Formalis*, quæ et *Scotistica* dicitur, invecsta est a *Scoto* inter varia rei attributa, quæ etsi unam habeant existentiam, diversam tamen habent formam, seu naturam,

ac definitionem, ut iustitia, et misericordia. *Distinctio rationis* est, quæ non est in re, sed fit cogitatione mentis nostræ, eaque iterum duplex vulgo statuitur in Scholis: altera dicitur *rationis ratiocinantis*, alia *rationis ratiocinate*. Illa fit cogitatione sine fundamento in re, ut si quis cogitatione distingueret Simonem, Petrum, et Cephan; ista e contrario cum fundamento in re, cum scilicet res una multis æquivalet. Hæc distinctio, si in ipsa re consideratur, dicitur *distinctio virtualis*.

IV. His explicatis, *Aëtius*, et *Eunomius* Ariani nullam inter Dei attributa distinctionem ne *rationis* quidem esse docebant. Ex quo inferebant, Verbum non esse Deum, quia cum esse *ingenitum*, quod est Patris attributum, nulla ratione ab essentia divina distingui posset, cumq. Filius non sit *ingenitus*, concludebant, illum non esse Deum. Vide Basilium. *Lib. I. cont. Eunom. Gregorium Nyss. Lib. I. cont. eund. Epiphanium Hæreses LXXVI.* Ab hoc errore non multum recedere visi sunt *Nominales* Scholastici, qui duce *Guillelmo Okam* solam rationis ratiocinantis distinctionem in divinis agnoscunt, sive solam distinctionem nominum.

V. E contrario *Theodorus Mopsuestenus*, teste *Leontio Byzantino Lib. III. cont. Nestor.* divinam essentiam ab attributis reapse distingui opinatus est; quem errorem deinde secutus est *Gilbertus Porretanus* Pictaviensis Episcopus medio circiter XII. Sæculo, ac damnatum in Concilio Rhemensi ejuravit. Rem narrant *Bernardus*, acer ejus adversarius *Serm. LXXX. in Cant. Otho Frisingensis Lib. I. Hist.* In eundem scopulum impegit *Gregorius Palamas* Episcopus Thessalonicensis Sæc. XIV. novam distinctionem comminiscens inter essentiam Dei, ejusque increatam *εσπρας*, sive operationem, acriter consueatus a *Barlaamo* Episcopo Hieracensi, et *Gregorio Acyndino* (a). Nec multum a *Gilberti* sententia recessit *Scotus* cum sua formali distinctione.

A a 4

VI. Non

(a) Vide hæc apud Leonem Allatum *De Ecclesia Occid. atq. Oriens. perpetua consensus. Lib. II. cap. 7.* Multa etiam de his habet *Dupinus* in *Biblioth. Sac. XIV.*

VI. Non satis constat inter eruditos, utrum *Gilbertus* distinctionem realem agnoverit inter essentiam, et omnia Dei attributa, itemque inter ipsa invicem attributa; an vero solum inter essentiam, et attributa relativa, seu inter essentiam, et personas divinas. *Petavius Lib. I. de Deo Cap. 8.* aliique passim priorem sententiam sequuntur, et probant ex verbis *Bernardi Vossquez Disp. CXVI. in 1. p. cap. 2.* et *Frassen* posteriorem sententiam probant ex *Othone Frisingensi*, quem tamen constat, fuisse in *Gilbertum* paulo propensio- rem, et morti proximum, quæ pro *Gilberto* scripserat, Ecclesiæ judicio subjecisse, ut *Radevicus* ejus Continuator *Lib. II. Cap. II.* memoriæ prodidit.

PROPOSITIO I.

Nulla est agnoscenda in Deo realis distinctio, neque inter essentiam, & attributa, neque inter ipsa invicem attributa. Est fidei dogma.

Prob. I. Ex Scriptura. Ea, quæ de se invicem prædicantur, non sunt reapse distincta. Atqui in Scripturis essentia, et attributa divina de se invicem prædicantur. *Prov. VIII. 12.* Deus dicitur sapientia. *Ego sapientia habito in consilio.* Et *Joan. XIV. 6.* *Ego sum via, veritas, & vita.* Ergo etc.

Prob. II. ex Patribus. 1º. *Basilius Lib. I. cont. Eunom.* et *Gregorius Nyssen. Lib. XII. cont. eundem* docent, Dei attributa mente solum, sive *κατ'εννοιαν* distingui. 2º. *Augustinus Lib. V. de Trin. Cap. 10.* Deus, inquit, non ea magnitudine magnus est, quæ non est, quod est ipse, ut quasi particeps ejus sit Deus, cum magnus est; alioquin illa erit major magnitudo, quam Deus. Deo autem non est aliquid majus. Ea igitur magnitudine magnus est, quæ est ipse eadem magnitudo. Et ideo sicut non dicimus tres essentias, sic nec tres magnitudines. Hoc est enim Deo esse, quod magnum esse . . . quia ipse sua est magnitudo. Hoc & de bonitate, & de eternitate, & de omnipotentia Dei dictum sit, omnibusque omnino prædicamentis, quæ de eo possunt pronuntiari. 3º. Idem docent *Fulgentius Resp.*

Resp. ad Festand. Epist. XIV. Gregorius M. Lib. XVI. Moral. cap. 43. Isidorus Hispal. Lib. I. de summo bono Cap. I. Anselmus Monolog. Cap. XVII. et pręcipue Bernardus Lib. V. de Consid. Cap. 7. et Serm. LXXX. in Cantic.

Prob. III. ex Conciliis. Damnatus enim est hic error 1^o. in Concilio Rhemenſi coram ipſo *Eugenio III.* 2^o. in Concilio Lateranenſi IV. ſub *Innod. III.* in quo damnatus eſt error Abbatis Johachim, de quo ſuus erit in ſequenti Libro dicendi locus, atque expreſſe definitum, in Deo Trinitatem eſſe, non quaternitatem, quę quidem quaternitas ſine dubio ponitur, ſi eſſentia ab attributis relativis reſpſe diſtinguitur. 3^o. denique in Concilio Florentino, ubi inter omnes Gręcos, Latinoſque convenit, in Deo omnia eſſe unum, & idem, ubi non obviat relationis oppoſitio, qualis eſt ex. gr. inter Patrem, et Filium.

Prob. IV. ex Theologicis rationibus, quas proferit Bernardus loc. cit. contra Gilbertum. 1^o. Si divinitas ex. gr. non eſſet Deus, ſed a Deo diſtincta, vel eſſet major, vel minor, vel æqualis Deo. At non poteſt eſſe major, nihil enim Deo majus eſt; non minor, cum ipſa conſtituat Deum; non æqualis, quia nihil eſt a Deo diſtinctum, quod Deo poſſit æquari, alias eſſent duo ſumma bona, quod repugnāt. Idem dicas de bonitate, ſapientia, omnipotentia, cæteriſque attributis. Ergo.

2^o. Deo nihil melius, et perfectius excogitari poteſt. Poſſet autem aliquid excogitari perfectius, ſi ejus attributa diſtinguerentur ab eſſentia, aut a ſe invicem; nam poſſet excogitari ens ſimplicius, in quo nulla eſſet attributorum diſtinctio. Ergo.

Corollarium.

Ergo cum ſententia Gilberti rejicienda eſt etiam formalis diſtinctio Scoti. Quę enim formaliter diſtinguuntur, habent formas, ſeu naturas diſtinctas. Sed quę naturas habent diſtinctas, diſtinguuntur reiſpſa. Ergo ſi removenda eſt a divinis diſtinctio realis, etiam formalis removenda eſt.

Solvuntur objectiones.

Objic. I. Patres docent, distingui essentiam Dei ab attributis præsertim relativis. Ita Augustinus *Lib. VII. de Trin. Cap. 4.* Deo Patri, inquit, aliud est, quod Deus sit, aliud, quod Pater sit, quia Deus dicitur ad se, Pater ad alium. Et Nazianzenus *Orat. XXXI.* Quid? an etiam immortalitas, innocentia, & immutabilitas essentia Dei sunt? Ergo.

Rs. Dist. ant. Docent distingui virtute, et per mentem, five ratione ratiocinata, conc. Distingui reipsa, five realiter, neg. Idem enim Augustinus, alique Patres locis sup. cit. omnem realem distinctionem prorsus a Deo removere. Patet autem responsionis nostræ veritas ex eorundem Patrum scopo. Agebant enim contra Eunomianos, qui distinctionem rationis præfracte negabant. Unde inquit Basilus *Lib. I. cont. Eunom.* Cum Deus unum sit secundum subjectum, sique una substantia simplex, & non composita; alias aliter seipsa nominat, diversas appellationes inter se ratione dissidentes sibi ipse accommodans.

Inst. Chrysostomus *loc. sup. cit.* docet, Philippum non petisse a Christo, ut videret sapientiam, aut bonitatem Patris, sed ipsam substantiam. Ergo distinguit attributa ab essentia.

Rs. Dist. ant. Non potuit videre sapientiam, aut bonitatem, qualis imperfecte cognoscitur per creaturas, conc. Non petiit videre sapientiam, aut bonitatem Patris, ut in se est, neg. Si quis enim sapientiam, aut bonitatem Dei elare, ut in se est, intueretur, is ipsam videret Dei substantiam, a qua reipsa non distinguitur sapientia, sicut & cetera attributa. Sed quia mens nostra ex creaturis quædam Dei attributa imperfecte cognoscit, hoc est, non cognoscit ut sunt in se ipsi omnia unum infinitum, sed singulatim, & per partes, idcirco qui Dei attributa ex creaturis cognoscit, non idcirco Dei essentiam videt.

Objic. II. Una eademque simplicissima res non potest simul communicari, et non communicari hoc enim contradictionem involvit. Atqui essentia divina per genera-

nerationem a Patre communicatur Filio, non communicatur autem paternitas, ut in sequenti libro docebitur. Ergo essentia divina, & Paternitas reipsa distinguuntur.

R. Dist. maj. Non potest una, ac simplicissima res communicari, & non communicari eadem ratione, sive *sub eodem respectu*, *conc.* Id enim contradictionem implicat. *Sub diverso respectu*, *neg.* Cum igitur res una sub variis rationibus, ac respectibus considerari potest, ideoque rebus multis a se invicem distinctis æquivalet, non repugnat, communicari uno respectu, non autem alio. Ceterum cum paternitas ab essentia reipsa non distinguatur, paternitas ipsa in Filio est per *circuminfessionem*, de qua Libro sequenti dicemus.

Objic. III. Quæ non distinguuntur ab uno tertio, non distinguuntur inter se. Ergo si relationes divinæ non distinguerentur reipsa ab essentia divina, non distinguerentur inter se; quod tamen falsum est.

R. Dist. ant. Quæ non distinguuntur ab uno tertio, non distinguuntur inter se; in eo, in quo a tertio non distinguuntur, *conc.* In aliis, *neg.* Porro relationes divinæ sunt eadem inter se in essentia divina, quæ tribus personis communis est, et a qua relationes reipsa non distinguuntur. Non sunt eadem inter se in *personalitate*, in qua sibi invicem opponuntur.

Objic. IV. cum Scoto. Quorum definitiones sunt diversæ, eorum forma diversa est, ac distincta. Atqui definitione justitiæ, & misericordiæ Dei diversæ sunt, imo & contrariæ. Ergo.

R. Dist. maj. Si definitiones explicant res, prout in se sunt, *conc.* Si eas explicant, prout imperfecte cognoscuntur a nobis, *neg.* Definitiones itaque justitiæ, misericordiæ, aliorumque Dei attributorum non explicant ea attributa, prout in Deo sunt. Nam in Deo justitia, & misericordia unum sunt, a nobis vero mente concipiuntur separatim, cum non possimus omnia simul Dei attributa cognoscere.

PROPOSITIO II.

*Agnosenda est in Deo virtualis distinctio inter
essentiam, & attributa, & inter ipsa
indicem attributa.*

Prob. I. Scriptura sæpe varia Dei attributa nobis exponit, cum scilicet Deum fortem, iustum, misericordem, sapientem vocat. Ergo est in Deo fundamentum ista omnia cogitatione distinguendi. Quamvis enim hæc attributa in Deo unum sint, tamen cum diversos producant effectus, qui a causis reapse distinctis produci solent, unde inquit Augustinus *Lib. XV. De Trin. Cap. 17.* *In Deo Unum aliquid est, quod omnia valet; sunt utique virtute multiplicia.*

Prob. II. Ex PP. Basilii *Lib. II. cont. Eunom. Quomodo*, inquit, *ridiculum non est, creandi facultatem substantiam esse dicere, aut etiam providentiam, aut similiter præsentiam rursus substantiam esse, & uno verbo omnem actionem substantiam putare?* Idem docet Gregorius Nyss. *Or. XII. cont. Eunom.* Et Augustinus *Lib. VII. De Trin. Cap. 4.* *Sunt quidem unum paternitas, & essentia; nefas tamen dictu est, Patrem paternitate esse Deum, paternitate sapientem.* Ergo &c.

Corollarium.

Ergo rejicienda est etiam sententia Nominalium. Si enim Dei attributa nomine tenus distinguerentur, omnia idem significarent; non ergo distinguerentur virtute; sicut non est virtualis distinctio inter Simonem, Cepham, & Petrum, quæ nomina eundem hominem significant. Appositè Basilii *loc. cit.* *Quod si omnia hæc (attributa) ad unum significatum tendunt, necesse omnino est, ut nomina idem inter se valeant, quemadmodum fit in iis, qui multis nominibus appellantur; sicut cum eundem dicimus Simonem, & Petrum, & Cepham.* Sed quoniam doctissimus P. Bersi hanc Nominalium sententiam ita emollire studuit, ut ad Thomista-

rum

rum doctrinam trahi facile possit, nos si de re inter nos convenit, de verbis nolumus esse contentiosi.

Solvuntur Objectiones.

Obje. I. In Concilio Rhemenfi sub Eugenio III. cautum est, ne ratio theologica inter Dei naturam, & personam distinguat. Ergo.

R. Dist. ant. Ne distinguat reali distinctione, ut faciebat Gilbertus, cujus error in eo Concilio proscriptus est, *conc.* Ne distinguat per mentem, *neg.* Veteres dicebant, distingui ratione sive *κατὰ πρῶτον* ea etiam, quæ reapse distincta sunt, sed ita secum conjuncta, ut separari non possint. Ita in divinis tres personas; in Christo naturam divinam, & humanam; in homine animam, et corpus ratione distingui passim docent. Ita Cyrillus Alex. Lib. I. in Joan. In hujusmodi, inquit, separari quodammodo *πρῶτον*, cogitatione videtur gignens ab eo, quod gignitur, & sine ulla divisione prodit: unum tamen est natura, & idem utrumque, nec ullo modo est alterum, sine altero. Idem alii affirmant, ut videre potes apud Petavium Lib. I. de Deo cap. 10.

Obje. II. Ens simplicissimum omnem excludit distinctionem. Atqui Deus est ens simplicissimum. Ergo.

R. Dist. maj. Omnem excludit distinctionem realem, *conc.* virtuales, et rationis, *neg.*

Inst. Distinctio rationis, quæ non est objecto consentanea, falsa est. Ergo.

R. Dist. ant. Falsa est, si fiat per affirmationem, aut negationem, *conc.* Si fiat per simplicem præcisionem, *neg.* Distinctio fit per affirmationem, quando asseritur, res extra mentem reapse distingui, quæ a mente distinctis ideis apprehenduntur. Atque hæc distinctio in Deo falsa est. Fit vero distinctio per simplicem præcisionem, quando mens objectum simplicissimum, sed infinitum, non valens uno intuitu contueri, contemplatur veluti per partes, mente concipiens seorsim misericordiam, justitiam etc. non tamen affirmans, ea esse inter se reapse distincta. Hæc autem distinctio falsa non est: quia licet Deus sit objectum simplicissimum, tamen cum sit infinitum, ideoque æquivalens multis reipsa distinctis ob-

jectis,

jectis, fundamentum menti præbet seorsum concipiendi distinctis ideis varias ejus proprietates.

PROPOSITIO III.

Inter attributa Dei relativa realis distinctio agnoscenda est. Est dogma fidei.

Prob. Quæ sunt invicem opposita, realiter distinguuntur. Atqui attributa relativa, ex. gr. paternitas, et filiatio invicem opponuntur, nec possunt eidem supposito eodem respectu convenire. Ergo etc. Hinc axioma: In Deo omnia sunt unum, ubi non obviat relationis oppositio.

Objectiones refutabimus Lib. seq. in Tractatu de Trinitate.

C A P. IV.

De attributis Divinis speciatim, & primo de ejus simplicitate.

Adv. I. Nunc de præcipuis Dei attributis singillatim differendum est. Et ut aliquis servetur ordo, primum de negantibus, seu negativis, deinde de affirmantibus, seu positivis agemus. Negantia autem attributa dicimus non solum ea, quæ nominibus negantibus exprimuntur, ut *infinitas*, verum etiam ea, quæ licet affirmanti nomine exprimantur, sensum tamen habent in mente nostra potius negantem, ut *æternitas*, quam non aliter concipimus nisi per negationem principii, & finis, & simplicitas, quæ concipitur per negationem compositionis.

II. Attributa negantia, de quibus hic agemus, septem sunt, *simplicitas infinitas, immutabilitas, æternitas, immensitas, invisibilitas, incomprehensibilitas*, nam de ineffabilitate supra diximus. Affirmantia vero sex, *perfectio, bonitas, veritas, omnipotentia, scientia, voluntas, & providentia*.

III. Simplicitas Dei est negatio cujuscunque compositionis. Compositio autem triplex est, *physica*, quæ exur-

exurgit ex partibus re ipsa distinctis, siue partes sint corporeæ, siue sint incorporeæ; *metaphysica*, quæ constat ex partibus cogitatione distinctis, ut ex *essentia*, et *existentia*, *natura*, & *supposito*; & *Logica*, quæ est ex *genere*, et *differentia*.

IV. *Physicam* in Deo compositionem commenti sunt
 1°. *Gentiles*, qui creaturas corporeas colebant ut Deos.
 2°. *Sadducei*, qui nullum agnoscebant Spiritum *Ast.* XXIII. 8.
 3°. *Antropomorphitæ* hæretici, qui corpus humano simile tribuebant Deo, quales fuerunt *Sæculo V.* quidam in *Egypto* *Monachi*, de quibus *Sozomenus Lib. VIII. Cap. 11.* in quem scopulum impegiſſe viſi sunt etiam *Tertullianus*, *Meliso Sardenſis*, & *Andrus*.
 4°. *Spinoſa*, qui post veteres quosdam Philosophos deliravit, Deum non aliud esse nisi hoc univertum: *Juniper est quodcumque vides, quæcumque moveris*. 5°. denique *Gilbertus Porretanus*. De *Spinoſa* dictum est in *Metaphysicis*; de *Gilberto* supra capite præcedenti. Reſtant ergo primum alij duo errores confutandi, nempe Deum esse corporeum, aut corpori conjunctum; deinde inſpiciendum, an compositio aliqua metaphysica, vel logica ei poſſit attribui.

PROPOSITIO.

Nulla in Deo compositio physica ponenda est, ideoque Deus nec corpus est, nec corpori ullo modo conjunctus. Dogma fidei est.

Prob. I. Ex Scriptura Joan. IV. 24. Spiritus est Deus, & eos, qui eum adorant, in Spiritu, & veritate oportet adorare. Ast. XVII. 29. Non debemus existimare sculpturæ artis, aut cogitationis hominis divinum esse simile. Ergo.

Prob. II. Ex PP. 1°. Origenes Lib. I. Peri Arch. Cap. 1. Non ergo, inquit, aut corpus aliquod, aut in corpore esse putandus est Deus, sed intellectualis natura, simplex, nihil omnino in se adjunctionis admittens ut sit ex omni parte monas, & ut ita dicam, totus mens. Idem docet Hom. I. & III. in Genes. et Lib. VII. cons. Cels. 2°. Gregorius Nanz. Orat. XXXIV. fuisse, et eleganter idem docet, et probat, An corpus, inquit,

quit, eum esse dices? Quomodo ergo immensus, infinitus, figura expertus, ac denique ejusmodi, ut nec tangi, nec oculis cerni queat? 30. Augustinus Lib. XII. de Trin. cap. 7. Turpiter vana cogitatio est, quæ opinatur, Deum membrorum corporalium lineamentis definiri, atque circumscribi. Reliquos prætermittimus in re manifesta. Vide Petavium Lib. II. Cap. 1. Accedit consensus tum saniorum Judæorum, ut videre est apud Philonem Lib. de somniis, tum clarissimorum inter Græcos Philosophorum, ut ex Platone, et Cicerone probat Augustinus Lib. VIII. de Civ. cap. 6. et Lib. XXII. cap. 20. (a).

Prob. III. ratione 1°. Deus est ens, quo nihil melius, aut perfectius excogitari potest, si autem esset corpus, aut corpori conjunctus, non esset ejusmodi; posset enim esse ens illo melius, nempe quod omni corporis commixtione careret. 2°. Omne corpus est iners, et in potentia, nec ducitur in actum, nisi ab alio: Deus autem est primum ens actu, a nullo alio ente pendens. 3°. Si Deus corpus esset, aut corpori unitus, esset utique divisibilis, penderet a partibus, nec esset ubique totus. 4°. esset corpus infinitum, ac proinde omne aliud corpus excluderet. Quæ quidem absurda sunt. Ergo etc.

Solvuntur Objectiones.

Obje. I. Scriptura Deo tribuit membra corporea, oculos, aures, os, brachia, pedes; præterea animam Heb. X. 38. Si subtraxeris se, non placebit anima mea; et animæ affectiones, iram, tristitiam etc. Ergo.

R. Dist. ans. Hæc omnia Scriptura tribuit Deo per metaphoram, conc. proprie, neg. Cum enim nos per sensus intelligamus rerum proprietates, et virtutes, Scriptura nostræ imbecillitati se accomodans, sub similitudine rerum corporalium spiritualia nobis tradit. Unde in-

(a). Adde Petavium loc. cit., & Huetium in Algetanis.

inquit Novatianus *de Trin. Capp. 5. ad calc. Opp. Ter-*
zull. Us hæc de Deo dicantur; non Deo, sed populo po-
rius imputerur. Itaque scientiam Dei, qua cuncta cognos-
 cit, et audit, explicat per oculos, et aures; om-
 nipotentiam per brachia; iustitiam, qua reos punit,
 per iram, tristitiam, poenitentiam etc. Quod autem hæc
 non proprie accipienda sint, patet ex aliis Scripturæ lo-
 cis, in quibus id aperte traditur, ut *Isaie XLVIII. 18.*
Cui similem fecistis Deum, aut quam imaginem ponetis
ei? Et Job. X. 4. Numquid oculi carni tibi sunt,
aut sicut videt homo, & tu videbis? Joan. IV. 24.
Spiritus est Deus etc.

Obje. II. Homo factus est ad imaginem, et simili-
 tudinem Dei, *Genes. I. 26.* Atqui homo constat animo,
 et corpore. Ergo et Deus.

ꝛ. Dist. maj. Factus est homo ad imaginem, et simi-
 litudinem Dei quoad animum, *conc.* quoad corpus, *sub-*
dist. Factus est ad imaginem Dei, corpore induti, vel
 induendi per incarnationem, *transfert*; Dei, qualis est
 in se, *neg.* Patres ergo, ut suo loco dicemus, imaginem
 Dei in animo hominis constituent, similitudinem in
 gratia sanctificante. *Ambrosius in Psalm. 118. Oñon.*
10. Quod enim, inquit, secundum imaginem est, non
est in materia, sed in anima rationali. Et *Augustinus*
Lib. XXIV, cont. Faust. Cap. 2. Eum ad imaginem
suam non fecit, nisi secundum quod interius est, non so-
lum incorporeum, verum etiam rationale, quod pecoribus
non inest. Quod quidem varie Patres explicant. Nonnul-
 li enim rationem imaginis statuunt in ipsa animæ natu-
 ra spiritali, per quam ad Deum, qui spiritus est, quodam-
 modo accedit, alii in tribus animæ facultatibus mente,
 memoria, et voluntate, quibus SS. Trinitatem videtur
 exprimere, alii in dominatu, quem habet in res ter-
 renas propter illud, quod dicitur: & *presit piscibus*
maris, et volatilibus celi, et bestiis, universeque ter-
re &c. Sed quia Tertullianus *Lib. de Resurrect. car-*
nis cap. 6. putavit, Deum in creatione hominis corpus
 quoddam assumisse secundum formam corporis, in quo
 Christus erat venturus, ad ejusque imaginem creatum
 esse hominem; quodcumque enim timus exprimebatur,

Christus cogitabatur homo futurus, quæ sententia nobis nihil incommodat; ideo dixi: transeat.

Obijc. III. Melito Sardenſis Episcopus, teste Origene apud Theodoretum Quest. XX. in Genes. & Gennadio De dogmatib. Ecclesiast. cap. 4. Deum corporeum posuit. Idem docet Tertullianus, teste Augustino Lib. X. de Genes. ad lit. cap. 24. & alib. S. Thoma Lib. 1. cont. Gent. Cap. 2. aliisque Patribus; imò clara sunt ejus verba Lib. cont. Praxeam Cap. 7. Quis negabit, Deum corpus esse, nisi Deus Spiritus est? Spiritus enim corpus est sui generis. Et Lib. de Carne Christi: Nihil est incorporale, nisi quod non est. Audini etiam, quem Epiphanius Heresi LXX. orthodoxæ doctrinæ fuisse docet, in eandem sententiam concessit, teste Theodoro Lib. IV. heretic. sub. cap. 10, Augustino heres. L. & aliis. Ergo.

*R. Transeat ant. Duorum enim, aut trium hominum error, præsertim Schismaticorum, qualis fuit Audius, aut hæreticorum, qualis fuit aliquando Tertullianus, doctrinam Scripturis, Traditione, et ratione firmatam, nequit evertere. Dixi transeat, quia Melitonem multi ab hoc errore vindicare conantur, tum quia Eusebius lib. IV. Hist. cap. 26. & Hieronymus de Script. Eccl. cap. 24. eum summis laudibus effervunt, tum quia veteres, qui de Anthropomorphitis scribere, non recensent inter eos Melitonem, quo illi auctore maxime gloriati essent. Origenes igitur, si vere id dixit, videtur, inquit, deceptus ex titulo libri, quem ille inscripsit *περί ενσώματου θεου de Deo corporeo*, ex quo putavit, Melitonem asserere Deum corporeum (a). Tertullianus, etsi a multis sæpe reprehenditur, ramen eum aliquando Augustinus excusat, et benigne explicat, eo quod*

(a) Hæc qualiscumque Melitonis excusatio frigida videtur Petavio Lib. 11. Cap. 1 Clerico Hist. Ecc. ad an. 149. Caveo, Thomassino, Berti, apud quos Origenis testimonium, auctoris utique cœvi, pleris est, quam quidquid recentiores pro Melitone causati sunt. Ceterum excusant eum Tournely, Nat. Alexander, Boucat, Sixtus Sgenſis.

quod corporis nomen latissima significatione usurpaverit ad significandum quod non est nihil, sed substantia: potuit propterea putari corpus Deum dicere, quia non est nihil; non est inanitas Lib. de heresi cap. 86. (a) Audius etiam excusari ab hoc errore potest; nam coævus scriptori Epiphanius *Heresi. LXX.* eum orthodoxæ doctrinæ fuisse docet; imo refellit *Audii* sententiam, quæ statuebat similitudinem hominis cum Deo in ipso corpore, eo quod inde sequeretur absurdum, (quod non concedebat *Audius*) scilicet, Deum esse corporeum (b). Ex male intellectis igitur *Audii* verbis *Antropomorphite Audiani* dicti sunt.

Obje. IV. Sunt in Deo tres personæ reipsa distinctæ: ex tribus ergo compositus est unus Deus.

R. Neg. conf. Non enim tres personæ partes sunt divinitatis, sed unaquæque est totus Deus, ita ut in natura divina tres simul unum sint simplicissimum, tribus modis subsistens. Vide hoc argumentum fuisse pertractatum, & ex Patrum testimoniis illustratum a Petavio Lib. II. Cap. 4.

B b 2

PRO.

(a) Habuit Tertullianus hac in parte patronos, atque adversarios nobilissimos. Eum enim defendunt *Nicetas Alex. Tournoley, L' Herminier, Hæret, Buche &c.* Accusant, præter *S. Thomam, Petavium, Annatum, Hussium, Pamelium, & Critici* fere omnes, ut inquit *Berti.*

(b) Ex quo patet, quam immerito *Theophilus Alexandrinus, & Joh. Hierosolymitanus* ipsum Epiphanium erroris *Antropomorphitarum* insinulaverint apud Socratem Lib. VI. Hist. cap. 10. A qua criminatione egregie se purgavit in Concione Hierosolymis habita, teste Hieronymo Lib. ad Pammach. De error. Joh. Hieros.

PROPOSITIO II.

In Deo non est admittenda compositio metaphysica ex essentia, & existentia. Sed si nomine compositionis metaphysicæ intelligatur illa, quæ mente concipitur in ente simplicissimo, in quo est virtualis distinctio inter essentiam, & attributa; potest hæc metaphysica compositio in Deo admitti.

Prob. 1^a pars. Essentia Dei ab ejus existentia nec per mentem distingui potest, cum ejus essentia sit existentia a se, ut supra dictum est. Atqui ubi nulla distinctio est, nec compositio fingi potest. Ergo.

Prob. 2^a pars. In Deo agnoscenda est distinctio virtualis, ut supra docuimus. Utrum autem hæc virtualis distinctio dici possit compositio Metaphysica, vel non, questio est tantum de nomine. Si ergo per metaphysicam compositionem intelligas etiam illam, quæ ex hac virtuali distinctione exurgere intelligitur; potest illa hoc sensu de Deo affirmari. Hinc *Basilius Lib. II. cont. Euzoam*, complexionem aliquam, quæ cogitatione concipitur, in Deo agnoscit: *Proprietates*, inquit, *id, quod commune est, distinguunt...* Ex utriusque autem complexu sum communis, tum proprii inquisitur nobis comprehensio veritatis.

PROPOSITIO III.

Non est in Deo compositio Logica ex genere, & differentia.

Prob. I. auctoritate Patrum. *Clemens Alex. Lib. 1^a. Strom.* Quomodo, inquit, ineffabilis non esset, qui non genus est, neque differentia, neque species, neque individuum, neque numerus, neque accidens ullum, neque id, cui accedat quidquam. Idem alii docent.

Prob. II. ratione. 1^o. quia quidquid est sub aliquo genere, mente concipitur tamquam ipso genere posterius, et refertur ad genus, tamquam *actus ad potentiam*. Atqui Deus nulla re posterior est, nec est in eo potentia, et
actus,

actus. Ergo &c. 2°. Si Deus esset sub genere aliquo, hoc genus esset *ens*. Atqui *ens* non potest esse alicujus rei genus; quia genus concipitur tamquam diversum a differentia, quæ illi advenit; nulla autem differentia potest enti superaddi, quæ non sit *ens* aliquod. Ergo &c. 3°. Si Deus esset sub aliquo genere, deberet in eo genere cum creaturis convenire; at falsum hoc esse constat, quia *ens*, et substantia alio sensu prædicantur de Deo, ac de creaturis: in Deo enim significant ipsum esse necessarium, interminatum etc. in creaturis limitatum, pendens ab alio, et contingens. Ergo.

Corollarium.

I. Cum nulla creatura talem simplicitatem habeat, quantam ipse Deus; in omnibus enim creaturis compositionem aliquam agnoscimus ex potentia, & actu; essentia, & existentia; natura, et supposito; genere, et differentia; substantia, et accidentibus; merito Patres solum Deum incorporeum dixerunt, hoc est omnino simplicem. Et hoc sensu *Hilarius* animam humanam, et cuncta præter Deum appellavit corpora.

II. Sequitur etiam hinc, nullam creaturam ad eam pertingere unitatem, qua Deus unus est, maxime omnium Unus, imo et *Unitas*, ut Patres loquuntur. Hinc per omnem Theologicam tractationem divinitatem illam omnium principem celebrari sic cernimus, tamquam *Monadem*, & *Unitatem* propter simplicitatem, ac singularitatem excellentis indivisibilitatis, inquit Auctor Lib. De div. nom. Cap. I.

C A P. V.

De Infinitate Dei.

Adv. **I**nfinitum triplex est. 1°. quoad quantitatem, 2°. quoad virtutem; 3°. quoad essentiam, continentem omne genus perfectionis in gradu infinito. Porro Deum non esse infinitum quoad quantitatem, ex iis, quæ superius diximus, patet, cum non sit extensus: de infinita ejus potentia dicemus infra, ubi de
 B b 3 omni.

omnipotentia: restat ergo videndum de infinita ejus essentia, quam negant Sociniani, et inter Calvinistas *Vorsius*, quibus etiam adhæsit *Thomas Hobbesius* (a).

PROPOSITIO.

Deus est secundum essentiam infinitus. Est dogma fidei.

Prob. I. Job. XI. 7. Forsitan vestigia Dei comprehendas, & usque ad perfectum omnipotentem reperies? Excelsior cælo est, & quid facies? profundior inferno, & unde cognoscas? Longior terra mensura ejus, & latior mari. Plalm. CXLIV. Magnus Dominus, & laudabilis nimis, & magnitudinis ejus non est finis. Baruch. III. 25. Magnus est, & non habet finem. Ergo &c.

Prob. II. Ex Ps. 104. Gregorius Nyss. Lib. XII. cont. Eunom. Neque major, inquit, neque minor sit vel accessione, vel decessione. Nam quod in majus sit incrementum, in infinito locum non habet. 2º. Augustinus in Plal. CXLIV. Ipse non finitur, illius magnitudo sine fine est. 3º. Damascenus Lib. I. de fide Cap. 9. Ex omnibus porro nominibus, que Deo tribuuntur, nullum eque proprium videretur, atque ó̃w (sive qui est). . . nam totum esse; velut immensum quoddam, ac nullis terminis definitum essentia pelagus, complexu suo ipse continet (b). Ergo &c.

Prob. III. ratione. 1º. est, quam hic insinuat Damascenus. Deus est ipsum esse. Atqui ipsum esse nullis limitibus circumscriptum intelligitur; quod enim circumscriptum est, non est ipsum esse, sed aliquod singulare ens. Ergo. 2º. Deus est ens simplicissimum, ut supra ostendit.

(a) *De Civ. Cap. 15. Levitar. P. 1.*

(b) Idem docent Hilarius in *Psalm. XLIV.* Dionysius *De div. nom. Cap. 8.* Maximus Mart. apud Euthymium *P. 1. tit. 2.* aliiq. Consentiant Græci Philosophi *Anaxagoras, Aristoteles, Zeno, Melissus* apud *Averium.*

ostendimus. Sed ens simplicissimum, ut observat Nyssenus *Lib. I. cont. Eunom.* infinitum est; si enim finitum foret, compositum esset ex subjecto, et finita illa qualitate, quam habet. Ergo &c. 3^o. Deus est actus perfectissimus, non solum nullius *potentialitatis*, ut Scholae ajunt, aut imperfectionis capax, sed quo nihil majus, aut perfectius excogitari potest. Atqui talis non esset, si non esset infinitus, ut patet. Ergo.

Dices I. Scriptura non semel appellat infinitum per hyperbolen quod revera finitum est, ut *Deuteron. XXVI. 5. Crevit in gentem magnam, & robustam, & infinitae multitudinis*. Ergo simili ratione intelligi potest de Deo.

R. Neg. conf. pro diversis enim subjectis rebus diversa est ejusdem vocabuli notio. Cum ergo creaturae, quantumcumque augeantur vel quantitate, vel numero, semper finitae sint, non potest eis infiniti nomen nisi improprie aptari; eo magis quod ipsa scriptura, quae aliquas earum vocat infinitas, ostendit simul, esse alias, atque alias, praeter ipsas, aequalis, vel majoris perfectionis. At cum Deus sit ipsum esse, nec ulibi Scriptura eum, nisi infinitum dicat, profecto in propria significatione intelligi debet infinitus.

Dices II. Si Deus esset infinitus, omne aliud ens excluderet, vel esset omne ens, alioquin Deus cum aliis entibus esset aliquid majus solo Deo, atque ideo Deus non esset infinitus. Ex quo sequeretur *Spinozae Pantheismus*: Atqui falsum consequens. Ergo et antecedens.

R. Neg. seq. maj. Imo esset imperfectus, si non haberet potestatem, ac vim producendi ex nihilo alia entia. Licet autem Deus cum creaturis efficiant aliquid majus quoad numerum, non tamen majus efficiunt quoad perfectionem, quia quidquid perfectionis in creaturis est, id *formaliter*, vel *eminenter* est in Deo, ut infra dicemus.

Corollarium.

Cum Deus ideo sit infinitus, quia est ipsum esse a se, omnis imperfectionis expers: nulla vero creatura fingi possit huiusmodi, ut supra ostendimus, sequitur, nullam posse fingi creaturam infinitam secundum essentiam; imo contradictionem involvere creaturam infinitam, quia esse ab alio, iam aliqua imperfectio est.

C A P. VI.

De immutabilitate Dei.

Adv. I. **E**X simplicitate, et infinitate Dei, immutabilitas sequitur: immutabile autem dicitur, quod nec perfectionem ullam amittere potest, nec novam acquirere.

II. *Sociniani* licet fateantur, Deum esse immutabilem quoad substantiam, eum tamen in decretis suis mutabilem esse docent. Hos secutus est *Worsius* Calvinista.

P R O P O S I T I O.

Deus omnino est immutabilis. Est fidei dogma.

Prob. I. Ex Script. Num. XXIII. 19. *Non est Deus quasi homo, ut mentiatur, nec ut filius hominis, ut mutetur. Dixit ergo, & non faciet? Locutus est, & non implebit?* Malach. III. 6. *Ego Dominus, & non mutator.* Jac. I. 17. *Apud quem non est transmutatio, nec vicissitudinis obumbratio.* Prov. XIX. 21. *Multae cogitationes in corde viri, voluntas autem Domini permanebit.* Psal. CI. *Tu autem idem ipse es.* Sap. VII. 27. *Cum sit una, omnia potest, & in se permanens, omnia innovat.* Ergo &c.

Prob. II. Ex definitione Concilii Nicæni apud Hilarium (in fragm. et.) & Ambrosium Lib. I. de fid. cap. 9. *Eos, qui dicunt . . . mutabilem, aut convertibilem Filium Dei, nos anathematizat Catholica, & Apostolica Ecclesia.*

Pa-

Patres proferre supervacaneum est (a), cum inter ipsos Gentiles philosophos multi id agnoverint. *Philonem* Pythagoricus (apud *Philonem de Mundi Opificio*) Est, inquit, auctor, & princeps rerum omnium Deus, semper existens, unus, stabilis, immobilis, ipse sui similis, aliorum dissimilis (b).

Prob. III. Quidquid mutatur, aut novam acquirit perfectionem, aut aliquam amittit; atqui neutrum potest in Deum cadere, cum semper sit ens perfectissimum. Ergo.

Solvuntur Obiecta.

Objic. Deus, qui non creavit mundum ab eterno, factus est in tempore creator. Ergo mutatus est.

R. Neg. conf. Creaturæ edim mutatae sunt, cum esse inciperent, quæ antea non erant. Deus vero ab eterno voluit, ut creaturæ in tempore existerent. Hoc igitur tempore non est mutata Dei voluntas, sed effectu implera. Ex hac autem mutatione creaturarum, nova extrinsecus denominatione dicitur Deus *Creator*, *Dominus*, quæ denominatio nullam in eo intrinsecus mutationem arguit: sicut si quis equum a dextera ad sinistram columnarum transferat, columna, sine sui mutatione, nunc sinistra, nunc dextera dicitur respectu equi. Unde *Augustinus Lib. XV. de Trin. cap. 16.* *Quamvis*, inquit, temporaliter incipiat de eo dici (creator) non tamen ipsi substantiæ accidit aliquid, sed illi creature, ad quam dicitur, & *Lib. XIII. De Civ. cap. 17.* Quia

nem-

(a) *Augustinus Lib. XI. De Civ. Cap. 10. & al. Cyrillus Lib. XIII. Thesaur. Fulgentius Lib. de fide ad Pet. Cap. 3. Lactantius Lib. II. Cap. 2. Prosper Epigr. 3. & Sen. 3. Methodius Lib. I. cons. Manich. Maximus Mart. ap. Euthym. Pars. 1. tit. 3. alique apud Petavium Lib. III. Cap. 1. & Thomassinum: Lib. V. cap. 8. 9. & 10.*

(b) Vide similia Philosopherum loca apud *Huetium in Alenensis Lib. II. cap. 2. & seqq.*

nem: ad opus novum, non novum, sed sempiternum
adhibet consilium:

Inst. 1^o. Quæ a statu non operantis transit ad statum operantis; is intrinsecus mutatur. Atqui Deus in tempore ex non creante factus est creator. Ergo.

R. Dist. ant. Si transit per novam operationem interiori, *con.* Si per operationem externam, quæ nihil est aliud, nisi effectus exterioris internæ, atque æternæ, & immutabilis voluntatis ejus, *neg.* Vide Augustinum *Lib. XIII. de Civ. Cap. 17.*

Inst. 2^o. Atqui transit aliquando Deus ad novam interiorem operationem. *Gen. VI. 6. Penituit Deum, quod hominem fecisset.* Odit hominem peccatorem, quem antea diligebat, cum esset justus. Denuntiavit Ninivitis excidium *Jon. III. 4.* & Ezech. *hiz. mortem Isai. XXXVIII. 11. & 5.* quod postea decretum mutavit. Ergo.

R. Neg. ant. Ad 1^{am}. penitere, aut mutare decretum dicitur Deus per metaphoram, quando exterius opera mutat, quæ ab æterno mutare decrevit, ac proinde tota mutatio in creaturis est: *neque enim homo est, ut agas penitentiam I. Reg. XV. 29.* *Ad 2^{am}.* mutatio non in Deo est, sed in homine. Deus enim perpetua, atque immutabili voluntate odit peccatum, & justitiam diligit; ipse ergo homo se immutat, cum a justitia ad iniquitatem declinans, fit objectus odio divino. *Quemadmodum, inquit Augustinus in Psalm. LXXII. sub oculos puros, sanctos, vegetos foris habenti tranquillius apparet; in oculos autem lippos quasi tela aspera jaculatur, incurrentem illum vegetat, hunc excruciat non mutatus, sed mutatum; sic cum cæperis esse perversus, & tibi Deus perversus videbitur: tu mutatus es, non ille, eris ergo tibi pœna, quod bonis gaudium.* *Ad 3^{am}.* prædictiones illæ erant conditionales, si scilicet Ninivæ penitentiam non egissent, aut Ezechias non orasset.

Alias objectiones a libertate Dei petitas dissolvemus inferius.

Corollarium.

Cum ergo Deum oramus, non id postulamus, ut volun-

luntas ejus mutetur; hoc enim repugnat; sed ut fiat voluntas ejus in nobis; nosque voluntatem nostram divinæ subjiciamus. *Non ores; ut fiant quæ fieri velis, sed potius ora; sicut orare didicisti; ut fiat voluntas Dei in te*, inquit S. Nilus *Lib. de Orat. cap. 29.*

C A P. VII.

De Dei æternitate.

Adv. I. Immutabilitatem sequitur æternitas, seu potius ipsa immutabilitas æternitas est; quod enim immutabile est, nec initium, nec finem, nec successionem habet.

II. Definitor æternitas a Boëtio *Lib. V. de consol. prof. 6. Interminabilis vite tota simul, & perfecta possessio.* Dicitur 1º. possessio ad explicandam ejus stabilitatem. Dicitur 2º. *vite* potius, quam *esse*; quia etsi æternitas non potest esse sine immutabilitate, quæ perfectiones omnes complectitur; possessio tamen non est nisi viventium rationalem vitam, per quam reliquæ omnes perfectiones non solum inesse, sed & possideri dicuntur. 3º. Dicitur *interminabilis*; hoc est nec initio, nec fine terminatæ. Dicitur 4º. *tota simul & perfecta*, ut arceantur imperfectiones temporis, scilicet divisio, & successio. Augustinus in *Psal. CI. In æternitate*, inquit, *nec præteritum quidquam est, quasi esse desierit, nec futurum, quasi nondum sit, sed non est, nisi EST.* Quapropter tres sunt æternitatis proprietates, nempe ut careat initio, careat fine, careat successionem. Sociniani aliquam in æternitate successionem fingunt, ut videre est apud Clericum in *Ontolog. Cap. 5. §. 4.* Eos sequuntur Arminiani plerique: Limborchius tamen inter eos celebris rem in ambiguo putat relinquendam. *Theolog. Christi. Lib. II. Cap. 5. §. 3.*

PROPOSITIO I.

Deus est aternus. Est dogma fidei.

Prob. I. Deuteron. XXXII. 40. Vivo ego in aeternum. Psalm. LXXXIX. Priusquam pronset fierent, aut formaretur terra, & orbis; a saculo, & usque in saculum tu es Deus. Psalm. GI. Tu autem idem ipse es, & annis tui non deficiens. Innumera alia sunt in Scripturis huiusmodi.

Prob. II. Patres omnes idem asserunt. Sufficiant pauci. 1º. Tertullianus Lib. cont. Hermog. Cap. 4. Quis enim, inquit, alius Dei census, quam aeternitas? 2º. Nyssenus Lib. I. cont. Eunom. At vero nullius egens illa, & aeterna, & omnia quae sunt, complexa natura, neque in loco est, neque in tempore. 3º. Prosper (in sententiis ex Augustino n. 184.) Vera aeternitas, inquit, Dei est, qui solus habet immortalitatem, quoniam ex nulla specie, motuque mutatur, nec temporalis est voluntatis. Non enim immortalis est voluntas, quae alia, & alia est (a).

Prob. III. ratione. 1º. Deus est ens a se, ac proinde necessarium. Ergo aeternus est. 2º. Est immutabilis: atqui quod est immutabile, nec initium, nec finem, nec successionem habere potest. Summum bonum, inquit Augustinus (Lib. de natura boni), quo superius non est, Deus est, ac per hoc incommutabile bonum est, & ideo vere aeternum, & vere immortale. Quod & agnoverunt gentiles philosophi. Plutarchus (Lib. de a apud Delphos) Est Deus in nullo tempore, sed in aeternitate,

cu-

(a) Addi possunt Tertullianus Lib. cont. Marcion. Cap. 3. Nazianzenus Oras. XXXVIII. Dionysius de divin. nom. Cap. 5. Gregorius M. Lib. IX. Moral. Cap. 26. & alibi Isidorus Lib. 2. Sentent. Cap. 8 &c. Vide Petavium Lib. III. Cap. 3. & 4. ubi etiam Thalesis, Platonis, Procli, Plotini loca recitat.

cujus nihil est prius, nihil posterius, neque futurum, neque præteritum, at solum est per se verum ens, quod neque fuit, neque futurum est. Unde Boëtius Lib. V. De consol. Prof. 6. Deum, inquit, æternum esse, omnium ratione æternitatis commune judicium est. Ergo &c. 3^o. Tempus non est, nisi in mente nostra, quæ rerum mutabilium, vel sonarum cogitationum successione notat, unde inquit Boëta: Tempus item per se non est, sed rebus ab ipsis consequitur sensus transactum quid sit in ævo, tum quæ res instet &c. Ergo in Deo, in quo nulla est mobilitas, nulla successio cogitationum, non est tempus, sed æternitas.

Objectiones.

Obje. I. In Deo sunt differentia temporis. *Job. I. 1. In principio erat Verbum. Apoc. I. 4. Qui est, & qui erat, & qui venturus est. Ergo.*

R. Dist. ant. Sunt differentia temporis formaliter, neg. Eminentier, conc. quatenus scilicet æternitate sua omnia tempora complectitur, & ipse immobilis cunctarum rerum mobilitatem sub se intuetur, et regit. Unde Augustinus Tract. XCIX. in Joan. Quamvis, inquit, natura illa ineffabilis non recipiat fuit, & erit, sed tantum est, ipsa enim veraciter est, quia mutari non potest; tamen propter mutabilitatem temporum, in quibus versatur nostra mortalitas, & nostra mobilitas, non mendaciter dicemus fuit, erit, & est . . . fuit, quia numquam defuit, erit, quia numquam deerit, est, quia semper est.

Inst. 1^o. Cum dicitur erat Verbum significatur, generationem Verbi jam factam, non fieri hodie, alioquin Verbum non esset ab æterno. Ergo differentia temporis sunt in Deo formaliter.

R. Dist. ant. Significatur, generationem Verbi non fieri hodie, si illud hodie usurpetur ad excludenda præcedentia tempora, conc. Si ad significandam rei perpetuam durationem, & præsentiam, quæ est hodie, sicut ab æterno fuit, nego. Manet enim, & in æternum manebit actus Hic, quo Pater ab æterno generat Verbum, unde etiam dicitur *Psal. II. Ego hodie genui te, quem*

quem in locum apposite Petrus Damiani *Epist. IV. Cap. 8.* Omnia, inquit, quæ apud nos elabendo discurrunt, apud illud hodie fiunt, & immobiliter perseverant. In illo hodie dies adhuc immobilis est, in quo mundus iste sumis exordium: in illo jam & illo nobis lominus est, in quo judicandus est per æterni iudicis æquitatem. Utitur autem Scriptura verbo præteriti temporis, ut significet, generationem esse ab æterno perfectam, et ut Scholæ loquuntur, semper in facto esse, numquam in fieri.

Inst. 2. Generatio Verbi, ipseque Deus hodie plus duravit, quam ante mille annos. Ergo ejus duratio sui seipis magis, & minus, quæ sunt differentie temporis.

R. Dist. ant. Plus duravit per novam relationem ad creaturas, quæ mutantur, *conc.* per novam accessionem sibi intrinsecus factam, *neg.* Quemadmodum enim columna, in littore fluminis erecta, nihil novi acquirit ex eo, quod novæ in dies aquæ prope eam labuntur, sed tota mutatio in aquis est, quæ semper novam ad ipsam columnam adquirunt relationem; ita Deus.

PROPOSITIO II.

Æternitas, modo superius explicata, ita est Dei propria, ut creaturis non possit convenire. Est dogma fidei.

Prob. Æternitas est tota simul, & perfecta possessio vite interminabilis; ac proinde perfectam complectitur immutabilitatem, ut supra diximus. Atqui hæc perfecta immutabilitas nulli creaturæ convenire potest: Omnis enim creatura transivit a non-esse ad esse; transire potest ab esse ad non esse, & mutari potest momentis singulis vel proprio corporum motu, vel motu suarum cogitationum, si sit creatura spiritalis, cujus durationem Theologi ævum appellant. Ergo &c. Hinc Patres 1.^o contra Arianos concludunt, Verbum esse Deum, ex eo quod est æternum, 2.^o solum Deum vere esse immortalem, ut inquit Apostolus *I. Tim. VI. 16.* non modo quia solus id habet a seipso, verum etiam, quia omnis creaturarum mutatio quedam mortis imitatio est, ut inquit Bernardus *Serm. LXXXI. in Cant.*, & ipsa mutabilitas

mors quædam est, ut ait Gregorius Lib. XII. Moral. Cap. 17. In omni enim mutabili natura nonnulla mors est ipsa mutatio, quia facit aliquid in ea non esse, quod erat, ut observat Augustinus Lib. III. cont. Maximin. Cap. 12.

Corollarium.

Quoniam nihil creatum æternum est, profecto si mentis nostræ oculis assidue obversaretur æternitas, nihil esset in mundo; quod nos aut frangeret, aut attolleret, aut alliceret. Unde Gregorius M. Lib. XVIII. Mor. Quisquis, inquit, in solo æternitatis desiderio figitur, nec prosperitate attollitur, nec adversitate quasiatur, dum nihil habet in mundo, quod appetat. Quis enim appetat ea, quæ velut umbra evanescunt, et licet diu ardenier expetita ante absint, tene, quam veniant. & cum venerint stare non possunt? ut loquitur Augustinus in Psal. XXXVIII.

Scholion.

Disputant Scholastici, utrum Mundus a Deo condi potuerit ab æterno. Verisimilior quidem est eorum sententia, qui negant. Creatura enim est ab alio, est ex nihilo, ac proinde semper mente concipi debet instans, sive momentum, quando non erat. Ergo repugnat esse ab æterno. Athanasius Lib. II. Cont. Arianos: Tamen si, inquit, Deus possit semper facere, et res creatas æternas esse facere non potest; quippe ex non extantibus sunt, & non erant, antequam fierent. Quæ autem non sunt, antequam fiant, quoniam poterant cum Deo, qui semper est, existere? Sed etsi demus, id fieri potuisse, quod suo loco expendemus, non sequeretur, mundum esse æternum, (ut falso asseruit Aristoteles, & quidam Platonici) propter rationes superius explicatas. Esset igitur ab æterno, sed in tempore, quia mutabilis.

II. Quærunt etiam anxie Scholastici, utrum æternitas possit dici duratio, & mensura esse divini. Nos, si ab hisce vocabulis retroveantur defectus, quos includit durationis nomen in rebus mobilibus, quæ successionis capaces sunt

sunt, & notio mensuræ in rebus finitis, quæ mensura terminantur, non abnuimus, posse æternitatem dici & durationem Eternæ imputabilis, & mensuram infinitam Eternitatis infiniti. Vide, si libet, *Coniectum Tom. I. Diss. IV. art. 7.*

C A P. • VIII.

De immensitate Dei,

Adv. I. **I**mmensitas est virtus existendi in infinitis locis. Potest autem res triplici modo alicubi esse, 1^o. per substantiam, ut sol in cælo, 2^o. per potentiam, ut idem sol in visceribus terræ, in quibus calore suo operatur, 3^o. per præsentiam, cum scilicet videt quæ in loco sunt.

II. Rursum res potest alicubi esse per substantiam triplici ratione. 1^o. *Circumscripte*, sive *Circumscriptivè*, ut ajunt, quando scilicet ita extenditur cum spacio, ut singulæ ejus partes singulis spatii partibus respondeant, quod proprie est corporum; 2^o. *Definitivè*, cum tota est in toto, & tota in qualibet totius parte, nec tamen est alibi, ut anima rationalis in corpore; 3^o. *Repletivè*, quando scilicet non uno loco definitur, sed omnia loca replet, et continet; quod proprie Dei est.

III. Dei substantiam esse ubique, inficiati sunt 1^o. non solum Gentiles, qui creatorem colebant ut Deum, verum etiam Judæi nonnulli crassiores, qui, teste Hieronymo in *Cap. LXVI. Isaie*, incomprehensibilem Deum templo Hierosolymitano includi arbitrabantur; 2^o. *Stenuchus Eugubinus in Psalm. CXXXVIII.*, qui Deum per substantiam tantum in Cælo esse putat, in reliquis autem locis per præsentiam, et potentiam; quem errorem secutus est *Vorstius Calvinista*. Sociniani in *Apologia Confessionis editæ anno 1650. Crollius Lib. de Deo. cap. 27. Episcopius Lib. IV. Instit. Sect. 2. de Deo cap. 8.* id saltem dubium esse putant. *Erasmus* quoque, teste eodem *Vorstio*, dubitabat, an Deus in locis immundis esset per substantiam. Sed non videtur ille in hac dubitatione versatus.

IV. Disputant Scholastici, per quid Deus formaliter sit

sit in loco. Thomistæ docent, Deum esse formaliter ubique per operationem ad extra; aliis placet, Deum esse in loco per sui indistantiam (ut ajunt), a rebus creatis.

PROPOSITIO I.

De fide est, Deum esse ubique non solum per præsentiam, & potentiam, verum etiam per substantiam.

Prob. I. ex Scriptura. Deuteron. IV. 49. Scito ergo hodie, & cogitato in corde tuo, quod Dominus ipse sit Deus in celo sursum, & in terra deorsum. Job. XI. 7. Excelsior celo, profundior inferno, longior terra, latior mari. Psalm. CXXXVIII. Quo ibo a Spiritu tuo, & quo a facie tua fugiam? si ascendero in cælum, tu illic es, si descendero in infernum, ades. Jerem. XXIII. 24. Numquid non cælum, & terram ego impleo, dicit Dominus? Act. XVII. 27. Non longe est ab unoquoque nostrum, in ipso enim vivimus, & movemur, & sumus. Ergo.

Prob. II. ex traditione. Longum esset loca Patrum proferre. 1º. Augustinus Lib. VIII. de Gen. ad lit. cap. 26. Deus est, inquit, extra omnia non exclusus, intra omnia non inclusus, supra omnia non etatus, subter omnia non depressus, interior omni rei, quia in ipso sunt omnia, exterior omni rei, quia ipse est super omnia. 2º. Origenes Hom. XII. in Genes. Nonne ubique est Deus? nonne ipse dixit: cælum, & terram repleo, dicit Dominus? 3º. Chrysostomus in Psalm CXII. in ea verba: quis sicut Dominus Deus noster, qui in altis habitat &c. Non enim, inquit, tamquam celo inclusus respicit eminus quæ sunt in terra, sed ubique præsens, & omnibus assistens. Superfluum est citare reliquos, qui omnes idem docent, cum hanc veritatem cognoverint quidam ex ipsis Ethnicis philosophis. Seneca Lib. de beneficiis cap. 8. Quocumque, inquit, te flexeris, ibi illum videbis occurrentem tibi. Nihil ab illo vacat, opus suum ipse implet (a).

Tom. I.

C. c

Prob.

(a) V. alia Zenonis, Procli, Empedoclis loca apud Iulium in Alsteranis Lib. II. Cap. 7. Grotium in Cap. XVII. Act.

Prob. III. ratione. Deus ubique agit, et operatur. Quidquid enim est, ab illo est, et conservatur. At Dei operatio ab ejus essentia, et substantia distincta non est, ut supra probavimus. Ergo ubique per substantiam præsens est. Adde, quod Deus est, quo nihil majus cogitari potest. Non esset autem hujusmodi, si non ubique per substantiam præsens esset, ut patet. Ergo.

Solvuntur Objecta.

Obje. I. Scriptura Deum in cælo esse docet, *Psal. CXIII. Deus autem noster in cælo Cælum cæli Domino, terram autem dedit filiis hominum: et Psalm. X. Dominus in templo sancto suo, Dominus in cælo sedes ejus;* quæ verba videntur innuere, Deum esse in cælo, non in terra, quam filiis hominum reliquit. Ergo.

R. Dist. ant. Scriptura docet, Deum esse in cælo peculiari quadam ratione, quod ibi potentiam, bonitatem, et majestatem suam plenius ostendat, *conc.* Quod alibi non sit, *neg.* Ita Bernardus *Serm. I. in Psalm. Qui habitat: Luce,* inquit, *Deum ubique esse non dubitem; sic tamen in cælo est, ut ad ejus comparisonem nec esse videatur in terris. Propter quod orantes dicimus: Pater noster, qui es in cælis. Sicut enim anima, cum in toto quoque sit corpore, excellentius tamen, & singularius est in capite, in quo sunt omnes sensus, ita &c.* Similia docent Damascenus *Lib. I. Cap. 13.* alique PP.

Obje. II. Deus inhabitat in justis, et absurdum est dicere, eum habitare in dæmonibus, aut in locis obsecenis, et immundis. Ergo.

R. Dist. ant. Habitat in justis, et non in dæmonibus per inhabitantem Spiritum Sanctum, et gratiam, *conc.* Per substantiam tantum, per quam est ubique, *neg.* Augustinus *Epist. CLXXXVII. al. LVII. Fatendum est, inquit, ubique esse Deum per divinitatis præsentiam, & non ubique per inhabitantis gratiam.* In locis autem obsecenis, et immundis longe minus maculatur Deus, quam radii solis, qui eadem loca pervadunt.

Obje. III. Si Deus esset ubique, extensus esset. At-

qui

qui non est extensus. Ergo. Hinc Patres nonnulli docent, Deum nullibi esse, hoc est non esse in loco, ut Chrysostomus Homil. V. in Epist. ad Coloss. alii docent, eum non esse ubique diffusum, ut Clemens Alex. Lib. V. Strom. et Lactantius Lib. VII. Instit. Et Lib. de Opificio Dei cap. 16.

R. Dist. ant. Esset extensus, si esset ubique more corporum, et eo sensu docent Patres, eum non esse in loco, non esse ubique diffusum, hoc est non esse in loco *circumscriptivè*, aut *definitivè*, conc. Si esset ubique more spirituum, sicut anima rationalis, extensionis expertus, in toto corpore est, quod regit, et movet, neg. Hinc Augustinus Epist. CLXXXVII. al. LVII. In eo, inquit, quod dicitur Deus per cuncta diffusus, carnali resistendum est cogitationi, ne quasi sic spatiosa magnitudine cogitemus Deum per cuncta diffundi: sed sic est per cuncta diffusus, ut non sit qualitas mundi, sed substantia creatrix mundi, sine labore regens, & sine onere continens mundum. De Lactantio, non defunt qui eum in errore versatum esse fatentur, quod nobis non incommodat. Sed potest defendi distinctione supra posita. Ait enim ipse in Lib. de Opificio Dei Cap. 16. unde obiectio sumpta est: Divina mens Dei per universas mundi partes intenta, omnia regit, ubique præsens, ubique diffusa.

Scholion.

Cogitatio immensitatis Dei, ubique præsens, magnum est virtutis incitamentum, frænumque vitiorum. Hac enim ratione fit, ut quis numquam labatur, si Deum sibi semper adesse recogitet, inquit Clemens Alex. Lib. III. Pæd. Cap. 5.

PROPOSITIO II.

Verosimilius est, Deum esse ubique præsentem per operationem ad extra.

Prob. I. Scriptura exprimit præsentiam Dei in rebus per ejus operationem. Act. XVII. 27. Non longe est

ab unoquoque nostrum; in ipso enim vivimus, & move-
mur, & sumus. II. Idem docent PP. Tertullianus *Liq.
cont. Prax. cap. 23.* Ceterum, inquit, scimus, Deum
etiam intra abyssos esse, & ubique consistere, sed vi,
& potestate. III. Ideo Deus rebus omnibus præsens
adest, quia eas creavit, & servat; si enim ab hac op-
eratione cessaret, nec res existerent; ac proinde, nec in
ipsis esset Deus. Ergo.

PROPOSITIO III.

*Deus non est in spatiis imaginariis, quæ a nobis mente
conciipiuntur extra universum.*

Prob. Ibi Deus non est, ubi non operatur; si-
ve enim formaliter sit alicubi per operationem, quod verifi-
cilius esse supra diximus; sive operatio sequatur ejus
præsentiam in loco; certum est apud omnes, Deum non
esse ubi non operatur. Atqui in spatiis imaginariis non
operatur. Spatia enim hæc non existunt, sed sunt fa-
ctantis ingenii figmenta, ut loquitur *Augustinus Lib. XI.
de Civ. cap. 5.* Ergo.

Dices. Si Deus in spatiis illis non esset, plura seque-
rentur absurda. 1º. Deus esset in hoc mundo tantum,
& non alibi, ac proinde non esset immensus. 2º. Si
Deus aliud crearet extra mundum, tunc ibi inciperet exi-
stere, ubi ante non erat, ac proinde mutabilis esset. 3º.
Si duo corpora a se invicem distantia crearet in spatiis
illis, in ambobus existeret, nec tamen esset in interje-
cto spatio, ideoque esset dividiuus. Ergo.

R. Neg. seq. ant. Nullum scilicet ex absurdis illis
sequitur. Deus enim, ut sit immensus, non indiget, ut
actu repleat infinita loca, alioquin locus esset ens neces-
sarium; sed satis est, ut existat in seipso, habens pote-
statem infinita loca creandi, conservandi, & replendi.
Sicut ergo antequam mundum conderet, immensus erat,
et si solus Deus erat ipse sibi, & mundus, & locus, &
omnia, ut ait Tertullianus (*contra Prax. cap. 5.*) ita
post mundum conditum, non includitur mundo, sed
excelsior caelo est *Job. XXII. 12.*, & extra mundum in
seipso est, Nec contingetur Deus loco, sed potius con-

tinet locum. Et sicut, cum mundum creavit, non est ipse mutatus, incipiens esse ubi non erat, sed creatura mutata est, incipiens esse, quæ non erat, ita si alium crearet mundum, etiam si ponatur ab hoc mundo distans, tota mutatio, & divisio non in Deo esset, sed in effectu, nempe in creatura.

Scholion.

Si qui sunt, qui spatium non solum in mente nostra, sed revera extra mundum extare putant, quod philosophis examinandum relinquimus, il merito Deum revera in illis spatiis esse docent.

C A P. IX.

De invisibilitate, & incomprehensibilitate Dei.

Adv. I. CUM Apostolus I. Tim. I. 17. dicat, Deum esse invisibilem: *Regi seculorum immortalis & invisibilis*: & Christus in Evangelio Matth. V. 8. mundis corde visionem Dei promittat: *Beati mundo corde; quoniam ipsi Deum videbunt*; hinc qua ratione Deus invisibilis, qua ratione visibilis dicatur, explicandum est.

II. Quoniam autem videre dicimur non solum ea, quæ corporeis oculis contuemur, sed etiam quæ intellectu cognoscimus, unde ait Cicero Lib. VI. Epist. 13. *Idem exitus, quem ego tam video animo, quam quæ oculis cernimus*; hinc quaeritur, utrum Deus visibilis, an invisibilis sit utroque modo.

III. Rursus visio hæc intellectus, duplex in Scholis distinguitur, altera imperfectior, & veluti obliqua, quam barbare *abstractivam* vocant, nos naturalem possumus dicere, altera clarior, & directa, quam dicunt *intuitivam*, quamque visionem claram, aut beatam appellabimus. Prior est, qua res non videtur ipsa per se, sed cognoscitur per effectum, sicut videmus præsentem hominis animam per motus corporis, solem per lucem, seu calorem, & *invisibilia Dei per ea, quæ facta sunt*.

Altera vero, seu clara & intuitiva est, qua res videtur in seipsa, sicut cum ipsam solem directe aspicimus.

IV. Verum hæc posterior visio iterum duplex est: altera, quæ simpliciter intuitiva dicitur, qua scilicet res tota videtur, sed non omni ea perspicuitate, qua a Deo cognoscitur; altera exquisitissima, quam Græci κατὰληψις, περιληψις, περιγραφήν, Latini comprehensionem, Scholastici visionem comprehensivam vocant, qua scilicet res ex toto ita clare, & distincte percipitur, ut cognitio totam ejus magnitudinem exæquet, & exhauriat, ac circumscribat. Præclare Augustinus *Epist. XCII.* Aliud est, inquit, videre, aliud totum videndo comprehendere. Quandoquidem id videtur, quod præsens utrumque sentitur: totum autem comprehenditur videndo, quod ita videtur, ut nihil ejus latent videntem, aut cujus fines circumscripi possunt; addunt recentiores Theologi, ut tantum res videatur, quantum in se visibilis, & cognoscibilis est.

V. Varii autem hæc in re, & oppositi fuerunt errores. Nonnulli enim, de quibus Augustinus *Ep. XCII. al. VI. & CXLVIII. al. CXI.* asserabant, Deum a beatis oculo corporis aliquando videndum; nec defuerunt Theologi, ut *Greg. Valentia*, qui id, saltem ex Dei absoluta potestate, possibile statuunt. At alii e contrario Deum, ut in se est, ne mente quidem, seu intellectu divina ope roborato, clare cognosci posse affirmarunt, ut quidam obscuri nominis apud Gregorium *M. Lib. XVIII. Moral. cap. 54.* Armeni apud Archanum *Lib. XIV. de Questionib. Armen. Cap. 1. & Palamita*; seu Gregorii Palamæ discipuli apud Petavium *Lib. VII. Cap. 7.* Anomei vero *Sæc. IV. & Beguardi Sæc. XIV.* asserabant, Deum etiam per vires naturæ clare cognosci posse, imo & perfecte comprehendere juxta Anomæos (Beguardi enim non videntur comprehensionem agnovisse). Nonnulli visionem illam claram aliquibus sanctis, etiam in hac vita, concessam esse putarunt ex gr. Moyse, Paulo. Ita censet cum aliis S. Thomas *I. P. Q. XII. art. 1. et ad 3.*, at alii, ne quidem in altera vita, sanctis concessam esse ajunt, sed differri ad extremum judicii diem. Ita sensit IV. Sæc. *Vigilantius*, teste

Hitt-

Hieronymo, & Sæc. XVI. Lutherus Præf. in Gen. Calvinus Lib. IV. Instit. cap. 25. §. 6. Sociniani in Vinacii Christianæ Confes. cap. 25. In eundem errorem inclinavit, vel lapsus est Joan. XXII.

VI. Celebris etiam est hac in re error *Millenariorum*, qui sic dicti sunt, quod crederent, post resurrectionem Sanctos regnäturos cum Christo in terra mille annis: qui quidem divisi sunt in partes duas. Primi post infamem *Cerinthum* putarunt, hos mille annos traducendos inter epulas, & libidines, tumque restituendum Templum, & Mosaicos ritus, ut testatur Eusebius *Lib. III. Hist. Cap. 28.* alii vero post *Papiam* Hierapolitanum, qui cum Joannis auditor fuerit, multos in suam sententiam traxit, innoxias tantum, sanctasque delicias in hoc millenario regno fore affirmabant, easque nonnulli putabant futuras tantummodo spirituales, alii corporeas etiam, modo tamen essent licitæ, non respuebant; nec censendi sunt hæretici, quia versabantur in errore nondum ab Ecclesia damnato. *Tertullianus*, (qui etiam in hoc erravit) a communi lege excipiebat martyres, quos statim a morte cum Christo gaudere, et regnare docuit.

VII. Nos octo articulis rem totam breviter tractabimus. 1º. Utrum Deus clare, seu *intuitive* videri possit oculo corporis, 2º. utrum intellectu, 3º. utrum aliqui in hac vita Deum clare viderint, 4º. utrum sancti, plene purgati, jam nunc clare Deum videant, 5º. an admittendum sit regnum millenarium, 6º. Quomodo beati Deum clare videant, 7º. quid videant, 8º. utrum æqualiter omnes videant.

§. I.

Utrum Deus oculo corporis videri possit.

P R O P O S I T I O

Deus non potest oculis corporeis ne supernaturaliter quidem videri.

Prob. I. ex Scrip. I. Tim. VI. 16. Quem nullus hominum vidit, sed nec videre potest: quæ verba de oculis corporis præcipue intelligenda sunt, non solum propter obvium sensum, sed etiam propter communem PP. interpretationem, Origenis, Hieronymi, Athanasii. apud Augustinum Epist. CXLVIII. et CXI.

Prob. II. ex PP. 10. Cyrillus Hieros. Cathec. IX. Carnis quidem oculis, inquit, cernere Deum impossibile est; quod enim incorporeum est, sub carnis oculos cadere non potest. 2. Fulgentius Epist. XIV. ad Ferrandum. Hoc quippe habent oculi corporis, ut non solum corpora non videant, sed nec videre possint, si non inter ipsos, & ea, quæ vident, spatii cujusquam media intervalla fuerint..... Quisquis ergo putat, Deum posse oculis corporalibus cerni, prius est, ut ipsum dicat ab ipsis oculis corporali spatio separari. 3. Augustinus Epist. XCII. et VI. idem probat ex eo quod alioqui Deus sicut oculis, ita aliis etiam sensibus percipi posset, quod est absurdum. Sonus ergo erit Deus, ut possit etiam auribus percipi? & halitus erit, ut sentiri possit olfactu? & liquor aliquis erit, ut possit & bibi? & moles erit, ut possit & tangi? Non, inquiunt. Quid ergo? an illud potest Deus, & hoc non potest? cur solis oculis favent, invident autem ceteris sensibus? an quisque volunt desipiunt? Quibus verbis laudati PP. rationes etiam indicant, cur Deus oculis corporeis videri non possit.

Obijcies. Job. XIX. 26.: In carne, inquit, mea videbo Deum meum, quem visurus sum ego ipse, & oculi mei conspecturi sunt. Ergo.

R.

R. Dist. ant. Deum Redemptorem incarnatum, *conc.* Deum in propria divinitatis substantia, *neg.* Ita Augustinus *Lib. XXII. De Civ. Cap. 49.* qui & aliam ibidem huius loci explanationem tradit: *Et in carne*, inquit, *mea videbo Deum*, resurrectionem quidem carnis sine dubio prophetavit; non tamen dixit: *per carnem meam*. Aliud quippe est videre in carne, aliud videre per carnem.

Inst. Idem Augustinus *Epist. CXLVIII.*, & alibi, videtur dubius utrum oculi corporis in resurrectione eleventur ad videndum Deum. Ergo.

R. Dist. ant. Videtur dubius utrum oculi corporis ad hoc eleventur, mutata aliquatenus eorum natura, *conc.* Ea retenta, *neg.* Constanter enim asseruit, oculos corporis, ut nunc sunt, videre Deum non posse. Sed quia vidit Episcopum quemdam contraria sentientem, aliquatenus offensum; mirando charitatis; & pacis exemplo ita temporavit sententiam, ut in dubio relinqueret, utrum oculi corporis in resurrectione ita spirituales efficiantur (juxta illud Apostoli *surgens corpus spirituale*) ut Deum videre possint. Sed in hac ipsa dubitatione in partem negantem propendit tum in laudata Epistola, tum in *Lib. XXII. de Civ.* ubi uberius rem tractat. Illud certum est, longe clarius tunc videri per corpora Deum, quam nunc invisibilia ejus conspiciuntur per ea, quæ facta sunt, ut S. Thomas observat *P. I. Q. XII. art. 3.* Ait enim Augustinus: *Quamobrem fieri potest, valdeque credibile est, sit nos visuros mundana tunc corpora cæli novi, & terræ novæ, ut Deum ubique presentem, & universa etiam corporalia gubernantem, per corpora quæ gestabimus, & quæ conspiciemus quaquaversum oculos duxerimus, clarissima perspicuitate videamus, sicut videmus presentem hominis animam per corporis motus.*

Scholion.

Cum non possit Deus naturaliter videri, ut in se est, sit hinc, neque per fidem id fieri posse, primo quidem quia tepugnat per fidem videri Deum ut in se est, cum fides sit non apparentium *Heb. XI. 1.* imo & per visionem fides ipsa evanescat ex Apostolo: deinde ve-

ro, quia licet assensus fidei supernaturalis sit, ipsa tamen perceptio eorum, quæ fide credenda proponuntur, naturalis esse potest, atque ideo si naturaliter non possumus ut in se est videre Deum, nec per fidem possumus. Et certe *Anomæi*, ut ostendit *Petavius*, cum asserbant, posse a nobis clare Deum videri, aiebant id fieri, posita fide.

§. II.

*Utrum Deus ab intellectu creato clare videri possit,
& comprehendi.*

Adv. Quod supra *Cap. II.* demonstravimus, Dei essentiam hic a nobis naturaliter cognosci non posse, id nunc plenius pertractandum est, et ad omnem creatum spiritum, & intellectum est extendendum. Deinde inspiciendum, utrum id fieri possit supernaturali auxilio. Qua in re jam diximus, duos fuisse contrarios hæreticorum errores, 1^o. *Eunomianorum*, qui jactabant, se naturæ viribus claram Dei habere notitiam, imo, & comprehensionem, quam scilicet Deus de seipso habet; quam stultitiam commemorant *Epiphanius Hæres. LXXVI.* *Basilius Lib. I. cont. Eunom.* quibus hæreticis ex parte adhererunt *Sæc. XIV.* *Beguardi* in Concilio Viennensi damnati, teste *Clemente V. Clementin. Ad nostrum Lib. V. tit. 3. 20.* *Armenorum*, *Palaritarum*, & aliorum, qui ne per gratiam quidem fieri posse claram Dei visionem, affirmabant.

PROPOSITIO. I.

Visio Dei clara, sive intuitiva non est intellectui creato naturaliter possibilis. Dogma fidei est.

Prob. I. ex Script. quæ visionem Dei auxilio supernaturali attribuit. *Joan. XIV. 21. Qui diligit me . . . manifestabo ei meipsum. Rom. VI. 2. Gratia Dei vita æterna*, quæ vita utique in clara Dei cognitione sita est, juxta illud *Joan. XVII. 3. Hæc est autem vita æterna, ut cognoscant te solum verum Deum, & quem misi-*

misisti Jesum Christum. 1. Tim. VI. 16. Lucem inhabitat inaccessibilem, quem nullus hominum vidit, sed nec videre potest. Quæ verba generationem dicta, non solum de visione oculorum, ut obvius habet sentus, sed de quacunque visione intelligenda esse, Patres docent, illa tantummodo excepta, quam ipsæ Scripturæ per supernaturale auxilium pollicentur electis. Ergo &c.

Prob. II. ex PP. qui ante Eunomium scripserunt, nam eos, qui data opera Eunomium confutarunt, certum est, hunc errorem damnassee, ut Basilium, Gregorium Nazianzenum, & Nyssenum, Chrysostomum, aliosq. 1º. Iræneus Lib. IV. cap. 34. Videbitur, inquit, Deus in regno celorum, spiritu preparante hominem in filium Dei. 2º. Origenes Lib. I. Peri Arch. cap. 1. Mens nostra ipsum per se Deum, sicut est, non potest intueri. 3º. Tertullianus Apolog. cap. 17. Quod immensum est, soli sibi notum est. Ergo &c.

Prob. III. ratione duplici, prima quidem S. Thomæ I. P. Q. XII. art. 4. Omnis cognitio naturalis in cognoscente est, non secundum objecti naturam; sed secundum naturæ cognoscentis modum, quia operatio sequitur naturam operantis. Ideoque nec Angeli substantiam videre possumus, etsi Angelis non multum minores finis, ut advertit Chrysostomus Orat. V. cont. Anom. Cum ergo Dei natura cujuscunque intellectus naturam infinite excedat quia Deus est suum esse subsistens; nulla autem creatura talis est; consequens est, ut videre Dei naturam, ut in se est, non possit esse, nisi soli intellectui Divino naturale. Altera vero ratio est, quod nihil intellectus videre possit, nisi objectum non modo sit præsens, verum etiam aliquo modo illum ad sui perceptionem excitet. Hæc autem excitatio actio Dei est, et quidem libera; nulla vero creatura naturaliter efficere potest, ut Deus ubique præsens illam ad sui perceptionem moveat, et excitet. Ergo.

Obje. Intellectus creatus naturaliter desiderat videre Deum, ut in se est, eaque visio est naturalis ejus finis. Ergo Deum naturaliter videre potest; Deus enim unicuique creaturæ dedit instrumenta naturalia, quibus finem suum naturalem attingere posset.

R. Transfert ant. neg. conf. Licet enim ponamus,

cla.

claram visionem Dei esse finem hominis naturalem; quæ in re variz sunt Theologorum sententiæ, ut alibi dicemus, non sequitur, ad hanc visionem pares esse naturales vires; sed hoc ad dignitatem intelligentis naturæ pertinet; ut ad imaginem Dei effectus, ad eum finem sit naturaliter ordinata, ad quem non possit, nisi supernaturali auxilio pervenire. Nec Deus deficit in necessariis, quia supernaturale hoc auxilium a principio homini dedit; & licet homo ipse per peccatum eo se reddiderit indignum, Deus tamen per merita Salvatoris adhuc paratus est dare.

Inst. Deus est objectum maxime intelligibile. Potest igitur intellectus naturali virtute illud attingere.

R. Dist. ant. Est objectum maxime intelligibile, sed infinitum, & libere movens intellectum ad sui perceptionem, *conc.* Secus, *neg.* Responsio patet ex iis, quæ supra dicta sunt.

Scholion.

Solent hic Scholastici movere questionem, utrum possit Deus creaturam spiritalem efficere, quæ naturali virtute eum clare videat, quæ in questione in contrariis Rudia scinduntur. *Durandus*, alique affirmant; *Thomistæ* passim negant; & quidem, ut videtur, verissimilius; rationes enim supra positz ostendunt, repugnare naturæ creatæ naturalem Dei visionem. Ceterum semper periculose definimus heberi ingenio nostro quid omnipotentia sua efficere possit, quid non possit Deus, nisi eum manifesta rerum repugnantia cernitur. V. *Gonet. Tract. II. De Deo uno Disp. art. 1. §. 3.*

PROPOSITIO II.

Dogma fidei est, beatos clare, seu intuitive Deum videre, atque ideo visionem hanc esse supernaturaliter intellectui creato possibilem.

Prob. I. Matth. V. 8. Ait Christus: Beati mundo corde, quoniam ipsi Deum videbunt: & Matth. XVIII. 10. Angeli eorum semper vident faciem Patris mei, qui

in oculis est: quod erit commune etiam hominibus, de quibus ait Christus *Matth. XXII. 30. erunt sicut Angeli Dei.* Et Apostolus *I. Cor. XIII. 12. Videmus nunc per speculum, in enigmate, tunc autem facie ad faciem. c. nunc cognosco ex parte, tunc autem cognoscam, sicut & cognitus sum.* Et *I. Ioan. III. 3. Charissimi, nunc filii Dei sumus, & nondum apparuit, quid erimus. Scimus, quoniam cum apparuerit, similes ei erimus, quoniam videbimus eum sicuti est.* Ergo &c.

Prob. II. ex unanimi PP. consensu. 1º. Irenæus Lib. IV. cap. 20. Homines, inquit, videbunt Deum, & vivent per visionem, immortales facti, & pertingentes usque in Deum, 2º. Augustinus Epist. CXLVII. al. CXII. in ea verba Apostoli: Regi seculorum immortalis, & invisibili: Invisibili, inquit, non in secula seculorum, sed tantum in hoc seculo. 3º. Qui seriem traditionis concludit Bernartus Serm. IV. in festo omn. Sanct. Tripliciter in aeterna illa, & perfecta, beatitudine fruemur Deo, videntes eum in omnibus creaturis (scilicet longe perfectius, quam nunc eum videamus, ut supra notavimus ex Augustino Lib. XXII. de Civ. cap. 29) habentes eum in nobis ipsis, & quod longe iucundius sit, atque beatius, ipsam quoque cognoscentes in semetipsa Trinitatem, & gloriam illam sine enigmate mundo cordis oculo contemplantes (a).

Prob. III. Ex definitione Concilii Florentini Sess. XXVI. in Decreto unionis, in quo, post Benedictum XII, in Extravag. Benedictus Deus, declaratum est, animas piorum insperari clare ipsum Deum trinum, & unum, sicut est.

Prob. IV. ratione; tum quia desiderium videndi Deum, sive illud ab ipsa natura sit inditum, sive ita a natu-

(a) Add. Clemens Alex. Lib. V. Serm. Nazianzenus Orat. XXXIV. Auctor Lib. de Trinit. inter Opp. Tertul. cap. 26. Ambrosius Commens. in Luc. Lib. III. Augustinus Ep. CXI. & CXII. & al. Hieronymus ap. August. loc. cit. Gregorius M. Lib. XVIII. Moral. cap. 28. Prosper, sive Auctor Lib. De Vita contempl. Lib. 2. Cap. 4.

natura comparati simus, ut eo omnes flagitemus, simul ac Deum esse novimus, non potest omnino esse frustraneum, quo argumento utitur Augustinus *Epist. CXII.* tum quia intellectus, saltem per Dei auxilium, potest cognoscere objectum, quod est per se intelligibile; Deus autem maxime intelligibile objectum est. Ergo.

Solvuntur Objectiones.

Obje. I. Scriptura absolute pronunciat, Deum esse invisibilem. *1. Tim. V. 17. Regi seculorum immortalis, & invisibili.* Ergo.

R. Dist. ant. Est invisibilis oculo corporis, ex *Ori-gene*, vel intellectui naturę viribus, ex *Naz. anzeno*, & *Nysse*, vel etiam ex gratia est invisibilis visione exquisita, sive comprehensione, ex *Ambrosio*, & *Augu-stino*, *conc.* Est invisibilis visionē clara, seu *intuitiva* per gratiam, *neg.* Etsi enim Apostoli verba absoluta sint; tamen cum ipsa Scriptura, imo ipse Apostolus polliceatur electis visionem Dei *facie ad faciem, sicuti est*, &c. eo sensu intelligendum est, Deum esse invisibilem, qui huic promissę visioni non sit contrarius.

Inst. Joan. 1. 18. Deum nemo vidit umquam: Unigeni-tus, qui est in sinu Patris, ipse enarravit: & Joan. VI. 46. Non quia Patrem vidit quisquam, nisi is, qui est a Deo.

R. Dist. ant. Nemo hominum, *conc.* tunc enim nul-li hominum adhuc janua regni celorum patnerat. Ne-mo Angelorum, *subdist.* visione perfectissima, sive com-prehensione, qualis est visio, quam habet Unigenitus, qui est in sinu Patris, *conc.* Visione *intuitiva*, *neg.* Ita Chrysostomus *Hom. XIV. in Joan.* Multo amplius, inquit, quam videre, est esse in sinu Patris. Nam qui solum videt, non accuratam omnino rei vise cognitio-nem habet.

Inst. Ipsi Angeli desiderant videre Deum: *in quem de-siderant Angeli prospicere. 1. Pet. I. 12.* Ergo non vident.

R. Etiam posita hac lectione (exemplaria enim Grę-ca, complura Latina, & versio Syriaca, Ambrosius, & Isidorus Pelusiota habent non *in quem*, sed *in qua*, h. e. in

e. in mysteria redemptionis Christi, quæ per Ecclesiam Angelis innotuerunt, & quotidie innotescunt). *Dist. ant.* Desiderant prospicere desiderio, excludente fastidium, *conc.* Excludente præsentiam, *neg.* Desiderant sine labore, quia desiderium satietas comitatur. Et satiantur sine fastidio, quia ipsa satietas ex desiderio accenditur, inquit Gregorius M. Lib. XVIII. Moral. cap. 54.

Objic. II. Multi PP. præsertim Græci, & præcipue Chrysostomus, & Theodoretus negant, divinam naturam esse visibilem & hominibus, & Angelis. Chrysostomus Hom. XIV. in Joan. Id quod est Deus, non modo Prophetæ non viderunt, sed neque Angeli, neque Archangeli. Idem sæpe repetit Homil. II. III. IV. de incomprehensibili Dei natura. Unde Vasquez. in 1. P. Disp. XXXVII. non dubitavit Chrysostomum accensere iis, qui negarunt claram Dei visionem. Theodoretus vero in Cap. XIV. I. Cor. in ea verba: tunc autem facio ad faciem, ait: videbimus ejus, non quæ sub aspectum non cadit, naturam; sed eam, quæ de nobis sumpta est. Et Dial. I. cum Eutychianis: Si ergo nec hominibus (dico ego nec Angelis) videri potest divina natura, dic quomodo in terra visus est qui cerni, & conspici non potest? Et cum concederet Eranistes, etiam S. Patriarchis visum esse Deum per quandam *συνκαταβασην*, accommodationem, sive condescensum, ut S. scholæ loquuntur, hoc est per quasdam revelationes, captui eorum accommodatas; inde infert Orthodoxus: Sic ergo de Angelis intelligamus, audientes, quod semper vident faciem Patris vestri. Non enim vident divinam substantiam, quæ nec comprehendi, nec circumscribi, nec mente percipi potest, & quæ universa comprehendit; sed per speciem quamdam ipsorum natura accommodatam. . . . Post incarnationem vero visus est etiam Angelis. . . . non in similitudine gloriæ, sed vero, ac vivo utens, quasi velamine, carnis integumento. Ex quo vides, Theodoretum non aliam visionem attribuisse Angelis ante Incarnationem, quam illam, quæ etiam Patriarchis per quamdam revelationem data est. Similia docent Auctor Quæstionum ad Antiochum inter Op. Athanas. cap. 20. Basilii Lib. I. cont. Eunom. Gregorius uterque, Nazianzenus Orat. XXXIV. & Nyssen. Orat. XII. cont.

Ennom. Ambrosius (in *Luc. initio*) Hieronymus *Epist. CXLVIII. ap. August.* Cyrillus uterque, Hierosolymitanus *Cathec. VI.* & Alexandrinus *Lib. XXXII. Theauri* & alii bene multi, quorum loca vide apud *Wassium*. Ergo.

R. Dist. ant. Negarunt, divinam naturam esse visibilem visione exquisita, ac perfecta, quæ *comprehensio* dicitur (de qua inferius) *conc.* Visione *intuitiva*, *neg.* Scribebant enim præcipue contra Anomæos, qui naturam divinam se comprehendere affirmabant, & *ipsæ* non minus, quam *impie* jactitabant, se ita Deum nosse, ac Deus ipse novit, ut inquit ipse Chrysostomus *Hom. 11. De incomprehens.* Unde visi sunt adversarii, quasi in oppositum errorem declinasse, sicut & Cyrillus contra Nestorium scribens, visus est Eutychianis negare duas in Christo naturas: & Augustinus peccatum originale adstruens, visus est Pelagianis ad Manichæos declinare: sed quamvis aliquando loqui videantur paulo durius, benigne interpretandi sunt. Cum enim nemo de hac re dubitaret, ita intelligi se putaverunt, quomodo in catholica Ecclesia credebatur.

Quod ad Chrysostomum adinet, mita est injuria Vasquez, qui erroris accusat tantum doctorem, excusat vero Anomæos, cum ipse titulus Homiliarum de incomprehensibili Dei natura demonstret, intelligendas esse de visione perfectissima, sive comprehensione: Imo ipse Chrysostomus se explicat, cum ait *cit. Hom. XIV. in Joan. Substantiam ejus nemo novit, nisi is, qui ex ipso natus est. Cognitionem enim hic dicit certam visionem, & comprehensionem, qualem Pater de Filio habet*, quibus verbis cum clare statum quæstionis aperiat, nullum relinquit dubitandi locum, nisi iis, qui sunt plus æquo litigiosi. Quis autem fuerit ejus mens de clara Dei visione, ex aliis ejus scriptis manifestum est. Sic in *Parentesi I. ad Theodor.* in ea verba Petri *Matth. XVII.* Bonum est, nos hic esse: Quid, inquit, dicitur, quando ipsa veritas aderit? Quando apertis Regiis adibus, ipsum Regem conspiciere licebit, non ultra in enigmate, neque per speculum, sed facie ad faciem? non ultra per fidem, sed per speciem? Vide Natalem Alexand. *Ser. IV. cap.*

S. art.

5. art. 30. Petavium *Lib. VII, cap. 5. & 6. Dupinum in Biblioth.*

Idem de *Theodoro* dicas. Disputabat contra Eutychianos, qui naturam humanam in Christo absorptam a divinitate asseriebant. Probat ergo, absorptam non esse, quia aliter Christus fuisset adhuc invisibilis, sive *incomprehensibilis*, cum contra Apostolus dicat, eum fuisse visum ab hominibus, & Angelis, quod non potest intelligi de natura divina, quæ *nec comprehendi, nec circumscribi, nec mente percipi potest*. Ergo de humana. Quibus verbis satis ostendit, intelligenda esse ejus verba de visione exquisita, atque perfecta, qua humana tantum, non vero divina natura comprehendi potest (a). Neque vero te moveat, quod Patres dicunt, videri Deum ab Angelis per quamdam *συγκαταβασις*, sive accommodacionem, sicut a Patriarchis; hæc enim per *analogiam*, sive proportionem intelligenda sunt, ita ut pro diverso statu, & gratia inuentium, varia sit hujus accommodacionis ratio, sicut Magister captui auditorum se semper accommodat, sed varie pro varietate ingeniorum.

Obje. III. Aliqua debet esse proportio inter facultatem, & *objectum*. Atqui nulla est inter intellectum creatum, & Deum clare conspiciendum. Ergo.

R. Dist. maj. Proportio habitudinis, *conc.* naturæ, sive *entitatis*, *neg.* *Dist.* etiam *min.* inter intellectum creatum, & Deum nulla est proportio naturæ, sive *entitatis*, *conc.* Habitudinis, *subdist.* Nulla est proportio naturalis, *conc.* Supernaturalis, si lumine gloriæ illu- stretur, *neg.*

Tom. I.

D d

PRO.

(a) Vide Garnerium in *Austario Operum Theodori Dist. tert. III.*

PROPOSITIO III.

Natura divina nec naturaliter, nec supernaturaliter ab intellectu creato comprehendi potest. Est dogma fidei quoad primam partem.

Prob. I. Job. IX. 10. Qui magna facit, & incomprehensibilia, & Cap. XI. 7. Forsitan vestigia Dei comprehendes, & usque ad perfectum Omnipotentem reperies? Jerem. XXX. 19. Magnus consilio, & incomprehensibilis cogitatio. Rom. XI. 33. Incomprehensibilia sunt iudicia ejus, & investigabiles viæ ejus. Ergo &c.

Prob. II. ex PP. 1º. Augustinus Serm. CXVII. at. XXXVIII. de verb. Dom. Quid mirum, inquit, si non comprehendis? Si enim comprehendis, non est Deus . . . attingere aliquantum mente Deum, magna beatitudo est, comprehendere autem, omnino impossibile. 2º. Epiphanius Hæres. LXX. docens, Deum a beatis videri quidem, sed non comprehendì, illud affert exemplum: veluti si quis per angustum foramen cælum adspiciat, & dicat, video cælum, non utique mentietur; videt enim revetæ cælum: quod si quis acute ei dicat, non vidisti cælum, neque iste mentietur . . . Quippe non vidit illius exprorectionem, neque altitudinem (a). Addi possunt Patres, qui contra Anomæos scripserunt. Hinc Concilium Lateranense IV. C. Firmiter, De summa Trin. Credimus, quod sit Deus incomprehensibilis.

Prob. III. ratione. Nulla creatura capax est actus infiniti. Atqui comprehensio Dei, qui infinitus est, & infinitorum possibilitium causa, actus est infinitus, ac proinde solius Dei proprius, qui seipsum, quantum est vi-
sibi.

(a) Add. Irenæus Lib. IV. Cap. 36. Clemens Alex. Lib. V. Strom. Nazianzenus Orat. XXXIV. Chrysostomus Hom. IV. cont. Anom. Cyrillus Alex. Lib. XXX. Thesauri. Marius Vict. Lib. I. cont. Arium. S. Thomas Lib. III. cont. Gent. Cap. 34. Gregorius M. Lib. XVIII. Moral. Cap. 28. &c.

libilis, videt, & comprehendit. Ergo &c. (a).

Objectiones.

Objic. I. Apostolus I. Cor. IX. 24. ait: *Sic currite, ut comprehendatis*, & Philip. III. 12. *Sequor autem, si quo modo comprehendam*. Ergo.

R. Neg. Conf. Comprehendere enim ibi nihil aliud est, nisi apprehendere primum, ad quod curritur.

Objic. II. Idem Apostolus I. Cor. XIII. 12. *Tunc autem*, inquit, *cognoscam, sicut & cognitus sum*; Atqui cognitus erat a Deo cognitione exquisita, ac perfectissima, sive comprehensione. Ergo.

R. Dist. maj. Et adverbium *sicut* significat naturam cognitionis, *conc.* Significat quantitatem, & modum cognitionis, *neg.* Ait ergo Apostolus, sicut cognoscor, sic cognoscam, h. e. sicut cognoscor clare, sic clare cognoscam: sed non ait; quantum cognoscor, tantum cognoscam.

Objic. III. Deus est ens simplicissimum. Ergo aut comprehenditur, aut omnino non videtur.

R. Neg. conf. Ex eo enim quod Deus ens est simplicissimum, illud tantum consequitur, Deum non posse videri, nisi totum; sed non sequitur, eum videri omnia ea claritate, qua visibilis est; & cognosci etiam omnia possibilia, ad quæ ejus omnipotentia se extendit. Utrumque autem ad comprehensionem pertinet. Causa enim universe cognosci non potest, nisi omnia ejus effecta noscantur.

Objic. IV. Anima Christi Deum non solum videt, verum etiam comprehendit. Ait enim Isidorus Cap. 2. in Exod. *Sola sibi integre nota est Trinitas, & humanitati susceptæ*. Idem etiam variis in locis videtur sensisse *Fulgentius*. Ergo &c.

R. Neg. ant. Damnata enim est hæc propositio inter
D d 2 the-

(a) Vid. S. Thom. in III. Dist. XIV. Q. 1. art. 2. & ad Annibald. Dist. XLIX. art. 1.

theses Augustini Romani a Concilio Basileensi Sess. XXII. ut dicamus *Lib. VI* Patres ergo, si qui sunt, qui quandam comprehensionem animæ Christi tribuere videantur, intelligendi commode sunt de visione excellentissima, & maxima, quam ulli creaturæ concedere ordinarie possit Deus.

Scholion.

Deum naturaliter nec videri, nec comprehendere posse, fidei dogma est. Item dogma est fidei, beatos Deum non comprehendere actu; sed utrum ex potestate Dei absoluta, & extraordinaria possit Deus creaturam suam ita roborare, ut Deum comprehendat, salva fide, inter Catholicos disputatur, & quidem Vasquez in *I. B. Disp. LII.* affirmantem sententiam defendit. Sed rationes superius explicatæ contrarium evincunt.

§. III.

Utrum aliqui in hac vita Deum clare viderint.

Adv. Quod Deus id concedere potuerit, & revera Christo concesserit, non est dubium. Disputatur ergo, utrum aliquis, præter Christum, homo visione Dei aliquando sit donatus, præsertim Moyses & Paulus. S. Thomas I. P. Q. XII. art. 11. ad 2. & 2^a. 2^a. Q. CLXXV. art. 3. id affirmat, eumque multi Theologi sequuntur. Sed communior Patrum, & Theologorum sententia negat.

PROPOSITIO.

Verisimilius est, nemini in hac vita claram Dei visionem esse concessam.

Prob. I. ex Scriptura, quæ absolute pronunciat, neminem umquam vidisse Deum. *Deum nemo vidit umquam Joan. I. 18. Quem nullus hominum vidit I. Tim. VI. 16.* Joannis autem Evangelium, & Epistola ad Timotheum scriptæ sunt post Epistolam ad Corinthios, in qua

qua Paulus dixerat, se raptum esse in Paradisum. Exod. XXXIII. 20. *Non videbit me homo, & vivet.*

Prob. II. ex PP. quorum plurima testimonia profert Carolus Witasse *Tract. de Deo Quæst. XI. art. 2. Sect. 9.* Nos paucis erimus contenti. 1º. Irenæus *Lib. IV. cont. heres. Cap. 20.* Neque Moyses vidit Deum, neque Elias, neque Ezechiel, qui multa de cælestibus viderunt: quæ autem ab iis videbantur, erant similitudines claritatis Domini, quod multis probat argumentis. 2º. Otiogenes in *Cap. I. Isaie*: Dei faciem non vidit Isaïas, nec Moyses: posteriora viderunt, ut scriptum est. 3º. Augustinus *Quæst. CXLIV. in Exod.* explicans illa verba *non videbit homo faciem meam, & vivet*, inquit, ostendens, huic vite, quæ agitur in sensibus mortalibus corruptibilis carnis, Deum, sicuti est, apparere non posse. Et *Tract. III. in Joan. n. 17.* in illud: *Deum nemo vidit unquam*, ait: Quid vidit Moyses? vidit nubem, vidit Angelum, vidit ignem. Omnis illa creatura erat, typum Domini sui gerebat, non ipse Domini præsentiam exhibebat. Idem alibi repetit (a). Similia docent Tertullianus *Lib. cont. Præc. cap. 14.* Clemens Alex. *Lib. V. Strom.* Cyrillus Hierosolymitanus *Cutach. IX.* Et alii (b).

Objectiones diluuntur.

Obje. I. Scriptura *Exod. XXXIII. 11. & Num. XII. 6.* & seq. ostendit, Moysen vidisse Deum facie ad faciem, palam, & non per ænigmata, & figuras; ore ad os locutum esse cum Deo, sicut solet loqui homo ad amicum suum. Num. XII. 6. *Si quis fuerit inter vos propheta Domini, in visione apparebo ei, &*
D d 3 per

(a) *Lib. II. De Trin. Cap. 16. Lib. VII. cont. Maximin. Cap. 12. Lib. IV. De Symb. Cap. 3.*

(b) Athanasius, Nazianzenus, Nyssenus, Basilus, Epiphanius, Chrysostomus, Theodoretus, Ambrosius, Gregorius M., Bernardus &c. apud Sylviu: I. P. Q. XII. ars. II. Petaviu: *Lib. VII. Cap. 12.* Et Witassiu: *loc. cit.*

per seminium loquar ad illum. At non talis servus meus Moyses . . . ore enim ad os loquor ad eum, & palam, & non per anigmata; aut per figuras Dominum videt. Exod. XXXIII. 11: Loquebatur autem Dominus ad Moysen facie ad faciem, & v. 18. Ostendo mihi, inquit Moyses, faciem tuam. Cui respondit Deus: Ego ostendam omne bonum tibi. Atqui non aliis vocabulis utantur sacre litteræ, cum asserunt Sanctis claram Dei visionem, sicut ait Apostolus I. Cor. XIII. 12. Videmus nunc per speculum in anigmate, tunc autem facie ad faciem. Ergo aut neganda est sanctis visio beata, aut asserenda est Moysi, ac proinde merito S. Thomas; a cujus doctrinâ recedere non est tutum, docet, Moysen visione Dei clara per ælum transeuntem esse donatum; neque ab hac sententia abhorret, ipse Augustinus Lib. XII. de Genes ad lit. cap. 27. Hilarius Lib. I. de Trin. cap. 3. Basilius, Hom. 1. in Hexam. Rupertus De Victor. verb. Dei Lib. III. cap. 28.

R. Dist. maj. Et tamen eadem Scriptura insinuat alibi, nec ipsum Moysen clare vidisse Deum, quia Deum nemo vidit umquam; & quia Moyses non cum Deo, sed cum Angelo, Dei vicem gerente, loquebatur Act. VII. 30. Et Galat. III. 19. conc. Secus, nego. Imo ex ipsis locis, quæ obijciuntur, concludi potest, Moysen non clare vidisse Deum, sed tantum clarius ceteris Prophetis, alioquin cur Deum postulasset: Ostende mihi faciem tuam? Cui quidem desiderio non anhuic Deus, sed respondit: Non poteris videre faciem meam; non enim videbis me homo, & vivet. . . Videbis posteriora mea: faciem autem meam videre non poteris. Quapropter omne bonum ostendit Dominus Moysi, quantum capax erat mortalis natura. Quod attinet ad S. Thomam, non negamus, contrariam sententiam esse verisimilem, præsertim propter auctoritatem tanti doctoris, & aliorum quorundam veterum, sed nostram, ut verisimiliorem, & inter Patres communius receptam defendimus. Augustinus loc. cit. disputando, & inquirendo potius, quam affirmando, loquitur, ut fateatur Lib. II. Retract. cap. 24. In quo opere plura sunt quesita, quam inventa, & eorum, quæ inventa sunt, pauciora firmata. Quæ-

Quænam vero ejus sententia fuerit, cum ex propria sententia definite locutus est. supra vidimus.

Objic. II. Paulus raptus est in Paradisum II. Cor. XII. 4.4 atque hæc verba significant, eum clare Deum vidisse, sicut cum ait Christus Latroni *hodie mecum eris in Paradiso Luc. XXIII. 43.* Præterea idem privilegium B. Virgini, & S. Benedicto graves Theologi concessum esse affirmant. Ergo &c.

R. Neg. min. Paradisi enim nomen varie in Scripturis intelligitur, sicut cum dicitur, Adam positus in Paradiso, Enoch translatus in Paradisum, & Sodoma & Gomorra hæc fuisse olim, sicut *Paradisus Domini*. Nec valet comparatio Latronis; nam illi promissio facta est, post mortem implenda; Paulus adhuc in corpore mortali erat. Deus autem in Scripturis absolute pronuntiat: *Non videbit me homo, & vivet*. De auctoritate vero Theologorum, jam diximus, rem esse in controversia positam.

§. IV.

Utrum Sancti plene purgati, seu quibus nihil expiandum superest, statim clara Dei visione fruantur, an vero judicii diem expectent.

PROPOSITIO

Dogma fidei est; Sanctos plene purgatos statim clara Dei visione frui.

Prob. I. ex Scriptura, Apostolus II. Cor. V. 1. & seq. Scimus, inquit, quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, æternam in cælis ... Audentes igitur semper, scientes quoniam dum sumus in corpore, peregrinamur a Domino (per fidem enim ambulamus, & non per speciem), audemus autem, & bonam voluntatem habemus magis peregrinari a corpore, & presentes esse ad Dominum. Nihil hoc loco clarius esse potest. Hortatur enim Apostolus fideles, ne morte

terreantur, imo eam libenter opperant; quoniam dum in corpore sumus, ambulamus per fidem, at soluti corpore, Deo stantes eimus, & ambulabimus per speciem. Sed hoc falsum esset, si visio Dei, quæ fidem evacuat, ad resurrectionem corporum differretur. Ergo, &c.

Sed & idem Apostolus *Philip. I. 21.* *Mibi, inquit, vivere Christus est, & mori lucrum. Quod si viverem in carne, hic mihi fructus est, & quid eligam ignoro. Coartor autem a duobus: desiderium habens dissolvi, & esse cum Christo, multo magis melius, permanere autem in carne necessarium propter vos: Si autem ad resurrectionem usque differretur visio Dei, non fuisset mori lucrum, nec dissolutio corporis consociasset Christo, &c. Ergo.*

Prob. II. ex longa Patrum serie, quam texere possemus, excurrendo per omnia Ecclesie sæcula, nisi obstitet insituti brevitatis: Primo sæculo Ignatius M. *Epist. ad Rom. Sinite, inquit, me ferarum escam fieri, per quas liceat Deum adipisci: sinite purum lumen haurire. Meus amor crucifixus est, & non est ignis amantullam aquam, sed vivens, & loquens in me: Veni ad Patrem. Quod non diceret, nisi statim post mortem beatam vitam speraret: Idem docent Clemens Romanus *Epist. I. ad Corint. Hermas Lib. III. Pastoris Similit. 8.* nec ullus eo sæculo contrarium docuit.*

Sæculo II. Athenagoras *Apolog. Persuasi sumus, nos hac mortali defunctos vita, alteram hac terrestri longe meliorem, nempe caelestem esse victuros, ut apud Deum, & cum ipso simus. Idem docent Polycarpus ap. Euseb. Lib. III. Hist. cap. 36. Auctor Actorum S. Sympharose Apud Ruinartum in Actis sinceris p. 20. &c. Ecclesia Smyrnenfis ap. Euseb. Lib. IV. Hist. Cap. 15.*

Sæculo III. Cyprianus *Exhortat. ad martyrium. Quanta dignitas, & quanta securitas exire hinc laetum, & exire inter pressuras, & angustias gloriosum: claudere in momento oculos, quibus homines videbantur, & mundus, & aperire eosdem statim, ut Deus videatur, & Christus? Tam feliciter migrandi quanta velocitas! Terris repente subtaberis, ut in regnis caelestibus repornaris. Idem docent Clemens Alex. Lib. V. Strom. O-*

igenes Lib. II. Peri arch. Cap. 12. & Hom. V. De divinis. Dionysius Alex. apud Eusebium Lib. III. Hist. cap. 28. Methodius Martyr apud Phosiam.

Sæculo IV. & seqq. tot sunt traditionis testes, ut etiam nomina, & loca citare longum esset. Sufficiat eorum recte testimonio, de quibus aliqua exiit suspitio. 1º. Ambrosius Lib. De bono mortis cap. 11. an, animas, corporibus solutas, æternam possidere hæreditatem. Hinc remunerationem habent, ut videant faciem Dei, & lumen, quod illuminat omnem hominem ... Tunc revelata facie gloriam Dei speculari licebit. 2º. Augustinus, licet anxia de hoc dubitaverit, tamen Lib. XII. De Genesi ad lit. cap. 34. ait, animam secretam, & remotam, atque omnino abreptam a sensibus carnis, atque mundatam, ea, quæ in illo cælo sunt, & ipsam Dei substantiam, Verbum Deum & per quod facta sunt omnia, videre & audire. 3º. Bernardus Serm. II. in S. Victorem. Jam cælos, inquit, ingressus, verè nunc revelata facie speculatur gloriam Dei... beata visio, quæ in eandem imaginem transformatur. Idem docent Athanasius, Basilus, Gregorius uterque, Nazianzenus, & Nyssenus, Hilarius, Epiphanius, Chrysostomus, Hieronymus &c. (a), ita ut mira sit impudentiæ Daliei, & aliorum, qui ut argumenta, e traditione deducta, enervent, falso asserunt, prioribus sæculis traditionem pro millenariis stetit.

Prob. III. ex communi, & perpetuo sensu Ecclesiæ, quæ pro certo semper habuit, sanctos in cælis jam nunc regnare, eorumque suffragia postulavit, ut suo loco demonstrabimus Lib. VI. Legem autem credendi statuit lex supplicandi, ut inquit Cælestinus I. Epist. II. ad Episc. Gall.

Prob.

(a) Athanasius in vita Antonii. Basilus Orat. de Gord. Marc. & Orat. in XL. Marc. & de S. Juliano. Nazianzenus Orat. X. XI., & XX. Nyssenus Orat. funeb. Pulcherie, & Orat. II. in XL. Marc. Hilarius in Psalm. I. Ambrosius Epist. ad Thessalonicos, de Asbolio. Epiphanius Hæres. LXXXIII. Chrysostomus Hom. VIII. in 2. ad Cor. Hieronymus libro contra Vigilant. & Epist. ad Marcelliam. Leo M. Gregorius M. &c.

Prob. IV. ex Sum. Pontificum decretis, ut Innocentii III. Cap. *Apostolicam*; De *Presbyt.* non baptiz. Benedicti XII. in Extravag. *Benedictus Deus*, & aliorum.

Prob. V. ex Conciliis. Definita enim est hæc controversia in duobus Conciliis Oecumenicis, Lugdunensi (in formula fidei), & Florentino *Sess. XXV.* Imo hoc dogma, ut iam definitum habuit Conc. Trid. *Sess. XXV.* agens de invocatione Sanctorum, cum Christo regnantium.

Prob. VI. ex ratione Theologica. Deus ad miserendum prior est, quam ad uiscendum. Atqui impij statim post mortem addicuntur pœnis; ut constat ex historia divitis *Luc. XVI. 22.* mortuus est enim dives, & sepultus est in inferno. Elevans autem oculos suos, cum esset in tormentis &c. Ergo & pii plene purgati statim post mortem potiuntur præmio; unde dicitur *Ecl. XI. 28.* Facile est Deo in die obitus retribuere unicuique secundum vias suas.

Solvuntur Objectiones ex Scripturis.

Objic. I. Scriptura ubique spem piorum usque ad corporum resurrectionem producit, ac suspendit. Sic *Luc. XXI. 28.* describens Christus signa futuri iudicii, ait: *His autem fieri incipientibus respicite, & levate capita vestra, quoniam appropinquat redemptio vestra.* Similia habentur *Rom. VIII. 23.* *Matth. XXV. 34.* *II. Tim. IV. 8.* & alibi sæpe. Ergo &c. Ita Calvinus *Lib. III. Inst. cap. 25. n. 6.*

Res. Dist. ans. Suspendit spem, & beatitudinem completam, & generalem, cœcæ non completam, & singularem, *neg.* Itaque beatitudo non completa solius animæ separatæ, & singularis uniuscuiusque animæ est, cum ab omni peccati labe expiata, ad beatam visionem admittitur. At beatitudo completa tum animæ, tum corporis, & generalis omnium iustorum in resurrectione erit. Scriptura vero præmium iustorum describens, præcipue diem resurrectionis respicit, & commemorat, tum quia tunc erit gloria integra, & generalis totius corporis Christi, quod est Ecclesia, tum quia fideles cor-

po.

porè cruciati, et afflicti, in spem erigendi erant, propo-
sita etiam corporis gloria.

Inst. Apostolus *I. Cor. XV. 32.* docet, frustraneam esse spem fidelium, si mortui non resurgant. Si ad bestias pugnavi *Ephesi*, quid mihi prodest, si mortui non resurgunt? Quod etiam innuit auctor: *Lib. II. Machab. Cap. XIII. v. 44.* Nisi enim eos, qui ceciderant, resurrecturos speraret, superfluum videretur, & vanum orare pro mortuis: Ergo nullum primum ante resurrectionem.

R. Neg. conf. Scriptura enim ostendit, inanem esse spem fidelium, si mortui non resurgant, non quia ante resurrectionem beati non habent incompletam beatitudinem, sed duabus de causis; 1^o. quia si mortui non resurgent, religio Christiana, quæ hoc dogma tenet, ut a Deo revelatum, falsa est; ac proinde falsa sunt præmia iustorum; 2^o. quia in Scripturis resurrectio mortuorum ponitur ut necessario connexa cum immortalitate animarum; ita ut si negetur resurrectio mortuorum, animarum etiam immortalitas, ac proinde omnis spes futuræ gloriæ negetur, oporteat. Hinc Christus *Matth. XXII. 21.* probat contra Sadducæos resurrectionem mortuorum ex immortalitate animæ.

Objic. II. Apostolus *Heb. XI. 13.* de Patriarchis, et Prophetis ait: *Et hi omnes testimonio fidei præbati, non acceperunt repromissionem, Deo pro nobis melius aliquid providente, ut non sine nobis consummarentur.* Ergo omnibus simul fidelibus servatur corona gloriæ in resurrectione.

R. Dist. conf. Gloria completa animæ simul, et corporis; *conc.* gloria non completa solius animæ, *subdist.* Et hæc gloria dicitur ab Apostolo nondum data Patriarchis, quatenus eam non acceperunt ante Christi adventum, *conc.* Secus, *neg.* Docet igitur Apostolus, triplici ratione Patriarchas non accepisse repromissionem, primo quidem quia terram Chanaan ipsis promissam, non ipsi, sed eorum nepotes ingressi possederunt: deinde quia beata visio patri non fuit ante Christi adventum: tertio quia completam gloriam non nisi in extremo cum omnibus electis accepturi sunt. Vide *Estium Comment. in b. l.*

Objic.

Objic. III. Apoc. VI. 9. hæc habentur: Vidi subrot altare animas interfectorum propter verbum Dei, & propter testimonium, quod habebant; & clamabant voce magna, dicentes: usquequo Domine non iudicas, & non vindicas sanguinem nostrum de iis, qui habitant in terra? Et datæ sunt illis singule stolæ albae: & dictum est illis, ut requiescerent adhuc tempus modicum, donec compleantur conservi eorum, & fratres eorum, qui interficiendi sunt, sicut & illi. Ergo sancti, antequam compleatur numerus omnium electorum, patienter expectare debent promissum præmium, quod ardentè desiderant.

R. Dist. conf. Expectare debent præmium completum, scilicet animæ, et corporis, *conc.* incompletum solius animæ, *neg.* Animæ enim illæ apparuerunt subrot altare, super quod erat agnus, altare autem illud, quo humana Christi natura significatur, in cælo erat, et datæ sunt illis singulæ stolæ albæ, quod demonstrat, animas illas jam esse in cælo, et gaudere incompleta beatitudine (a).

Objic. IV. Matth. XX. 8. Denarius operariis non solvitur; nisi ad vesperam. Atqui per denarium significatur vita æterna, per vesperam autem mundi finis. Ergo.

R. Dist. min. Per denarium significatur vita æterna, et per vesperam mundi finis, si sermo est de beatitudine completa, *conc.* si sermo est de beatitudine non completa solius animæ, *neg.* Igitur si de beatitudine completa loquimur, vespera significat finem mundi, et ita hunc locum multi Patres sunt interpretari (b). Si vero de beatitudine incompleta solius animæ, per vesperam intelligitur finis vitæ uniuscujusque hominis, vel postrema mundi ætas, quæ ab adventu Christi usque ad mundi

(a) Vide Dupinum *Analyse de l'Apocalypse Dissert. IX. & X.*

(b) Irenæus *Lib. IV. Cap. 70.* Origenes *Tract. X in Matth.* Hilarius *in Cap. XX Matth.* Optatus Milev *Lib. I. cont. Parmen.* Gregorius M. *Hom. XIX. in Evang.* Beda &c.

di finem exeurrit, juxta illud *1. Joan. II. 18. Filioli novissima hora est.* Et ita alii Patres citatum *Matthæi* locum intellexerunt (a).

Solvuntur Objectiones ex Patribus.

Objic. I. Papias Hierapolitanus Episcopus, Joannis Apostoli discipulus, contrariam sententiam docuit, scilicet piorum gaudium differendum esse usque ad corporum resurrectionem, et tunc eos regnatos cum Christo mille annis, teste Eusebio Lib. III. Hist. cap. 39. Ergo &c.

R. Neg. conf. 1º. quia non constat, utrum *Papias* auditor fuerit *Joannis* Apostoli, an alterius *Joannis*. Ait enim ipse *ap. Euseb. loc. cit.* se curiose interrogasse eos, qui Apostolos audiverant, et ab iis sciscitarum, quid *Andreas*, quid *Petrus*, quid *Joannes*, quid *Matthæus* dicere soliti erant. Non ergo ipse audiverat *Joannem*, aut alios Apostolos, 2º. quia, teste *Eusebio*, vir fuit mediocri admodum ingenio, qui male intellexit Apostolorum narrationes, 3º. quia *Papias* secundi sæculi auctor est; inter Patres autem primi sæculi nemo, ut vidimus, eam sententiam tenuit; ac proinde nostrum dogma est prius traditum, *Papæ* vero posterius immisum; ideoque falsum, juxta illud *Tertulliani*: *verum, quod prius traditum, falsum, quod posterius immisum*, 4º. quia, quæ *Papæ* docuit, non traditione nituntur, sed verbis *Apocalypsis*, quam ipse suo mediocri ingenio interpretari conatus est.

Objic. II. Justinus, Irenæus, Tertullianus, Lactantius, Victorinus Petabionensis, Sulpicius Severus *Papæ* sententiam amplexi sunt. Ergo.

R. Dist. ant. Eam sententiam amplexi sunt, ut probabilem, conc. ut dogma fidei, transeat. Quare *neg. conf.* Dixi *transeat*, quia licet pauci isti Scriptores, *Papæ* auctoritate decepti, putassent, suam sententiam ad fidem

(a) Hieronymus, Chrysostomus, alijq.

fidem pertinere ex Apostolica traditione, non possent tamen contra universæ Ecclesiæ sententiam prævalere. Sed ipsi suam sententiam proponebant, ut probabilem, quia fatebantur, alios catholicos contraria sentire. Sic Justinus *Dial. cum Tryph. Confessus sum*, inquit, *ripi, & ante me quidem & alios eadem mecum sententes, arbitrari id futurum* (nempe millenarium regnum post resurrectionem), multosque etiam, qui pure, pieque Christianorum sunt sententia, hoc non agnoscere. Similia docet Irenæus *Lib. V. cap. 35*. Tertullianus a communi lege excipiebat martyres. Lactantius, eloquentia quidem fuit celebris, at non rerum Theologicarum admodum peritus. Victorinus eruditionis expertus, ex Hieronymo *Epist. ad Magnum*. Severus Sulpicius non sibi constat; de S. Martino enim scribit: *Martinus hic pauper, & modicus cælum dives ingreditur* (a).

Objic. III. Hilarius, cujus opera inoffenso pede decurri posse, docet Hieronymus *Epist. ad Laetam: in Psalm. CXXXV. ad ea verba: si descendero in infernum ades*, ait: *Humane lex necessitatis est, ut conspulsis corporibus, ad inferos animæ descendant, quam descensionem Dominus ad consummationem veri hominis non recusavit. Ergo.*

R. Dist. ant. Lex est, ut animæ descendant ad inferos, mox evasuræ, *conc.* In inferis mansuræ usque ad diem judicii, *neg.* Putavit enim Hilarius post Tertullianum *Lib. de anima cap. 55.* quod sicut Christus non recusavit ad inferos descendere, ita omnium Christianorum animæ eodem descendere debeant, brevi tamen tempore ibidem mansuræ, quæ tamen singularis est sententia, nec alios Patres suffragatores habet; quia tamen ab Ecclesia damnata non erat, inoffenso pede decurri Hilarii opera, merito affirmavit Hieronymus.

Inst. Hilarius in *Psalm. CXX.* docet, animas in sinu *Abrabæ* interim collocari . . . quousque introeundi rursus

in

(a) Vide Nicolaum le Nourry in *Apparatu ad Biblioth. Patr. Dissert. I.*

in regnum cœlorum sit possessas. & Lib. XI. de Trin. n. 39. de die iudicii loquens, et respiciens ad verba Apostoli I. Cor. XV. 24. Deinde finis, cum tradideris regnum Deo, & Patri, ait: Tradet autem Christus Deo Patri regnum, & tunc quos regnum Deo tradiderit, Deum videbunt. Ergo antea in regnum Dei non introierant, nec Deum viderant.

R. Neg. conf. Distinguit enim Hilarius regnum Christi, quod usque ad resurrectionem duraturum est, a regno Dei, et Patris, quod in æternum durabit, non quod ante resurrectionem Deus, et Pater non regnaverit, aut post resurrectionem Christus regnare desinat, cuius regni non erit finis; sed quia in extremo iudicio Christus publicè agnosceretur ab omnibus filius Dei, a quo omnis potestas, et imperium, et ipse filius procedit. Sed non excludit a regno Christi ante resurrectionem visionem Dei. Ait enim in Psalm. I. n. 9. omnes iustos cum pio latrone in paradiso esse, hoc est, ut ipse explicat, in possessione regni Dei: & in Psalm. LIII. habeat innocens religio fiduciam, . . . excedentem habitaculo corporis animam, sciat, in Dei susceptione requiescere.

Objic. IV. Augustinus Serm. CCLIX. docet, animas piorum post resurrectionem Sabbatismum in terra cum Christo acturas, antequam in cœlum admittantur. Ergo.

R. Dist. ant. Id docuit Augustinus initio sacerdotii, quando errabat cum Millenariis, ut ipse fatetur Lib. XX. de Civ. cap. 7. conc. Semper, neg. Millies enim contrarium docuit, Sic Lib. XX. de Civ. cap. 9. ait: animæ iustorum postquam mortalia membra posuerunt, cum Christo utique regnaverunt, & regnant. Idem docet Lib. IX. Confess. cap. 7. Lib. V. de Bapt. cap. 18. Tract. CXXIV. in Joan. Lib. IV. cont. Julian. cap. 8. & alibi.

Infr. Augustinus Cap. 109. Enchirid. ait: Tempus, quod inter hominis mortem, & ultimam resurrectionem interpositum est, animas abditis receptaculis continet. Idem ante Augustinum scripserat Ambrosius Lib. De bono mortis cap. 10. In his receptaculis utrum beatitudinem possideant cum Sanctis Angelis, aliquando dabi-

tal,

eat: ut *Lib. I. Retract. cap. 24. Angeli quidem sancti, quod ibi sint, nulla questio est: Sed de sanctis hominibus jam defunctis, utrum ipsi saltem in illa possessione consistant, merito quaeritur.* Aliquando vero absolute pronuntiat, sanctos nondum in possessione beatitudinis consistere, ut *Enarrat. in Psalm. XLIII. Illa visio facie ad faciem liberatis in resurrectionis servatur: Ergo.*

R. Dist. ant. In locis citatis Augustinus dubitat de loco, ubi sunt illa receptacula, *conc. de beatitudine Sanctorum, subdist. De beatitudine completa, & perfecta, quam vocat visionem facie ad faciem, possessio- nem beatitudinis, conc. De beatitudine non completa, et imperfecta, neg.* Dubitavit itaque Augustinus de loco, ubi sunt interim animæ sanctorum; licet de earum felicitate certus esset, quam felicitatem putavit in resurrectione fore perfectam.

Et de loco quidem Augustinus definit, illum non esse in inferis *Lib. XX. de Civ. cap. 15. Profecto, inquit, deinceps boni fideles, effuso illo (sanguinis Christi) pretio, jam redeunt prorsus inferos nesciunt.* Vocat autem sæpe sinum Abrahæ, quem sinum aliquando distinguit a regno cælorum, ut in *Psal. XXXVI. Serm. 1. Post vitam, inquit, istam parvam nondum eris, ubi erunt sancti, quibus dicetur: venite benedicti patris mei, nondum ibi eris; quis nescit? Sed jam poteris ibi esse, ubi illum quondam ulcerosum pauperem dives ille superbus in tormentis vidit, a longe requiescentem.* Aliquando vero sinum Abrahæ cum regno cælorum confundit, ut *Lib. II. Quest. Evangelic. Quest. 28. n. 1. Sinus Abrahæ requies est beatorum pauperum, quorum est regnum cælorum, in quo post hanc vitam recipiuntur, et n. 5. Sinus Abrahæ intelligitur secretum Patris, quo post passionem resurgens Dominus assumtus est.* Aliquando rem dubiam relinquit, ut *Lib. IX. Confess. cap. 3. quidquid illud est, quod illo significatur sinus; & Lib. XII. de Gen. ad lit. cap. 32. postquam de sinu Abrahæ, de paradiso, & de tertio cælo fule dissolvit, subjungit; si tamen non aliquid est diversis nominibus appellatum unum, ubi sunt anime beatorum.*

Quod aurem pertinet ad felicitatem iustorum, putavit Augustinus cum pluribus veteribus, eam in resurrectio-

ne fore perfectam, quia ante resurrectionem animæ iustorum propter inclinationem, qua propendunt ad resumenda corpora (quæ tamen propensio eas non angit, nec miserâ reddit, propter voluntatem Dei, cui perfectissime obsequuntur), non toto impetu in Deum ferri possunt, unde simplicem Dei visionem a possessione beatitudinis distinguebat. Ita semetipsum explicat S. Doctor Lib. XII. de Genes. ad lit. cap. 35. , ubi querens quid opus sit spiritibus defunctorum corpora sua in resurrectione recipere, si potest & sine corporibus summa illa beatitudo præberi? respondet: Minime dubitandum est, & raptam hominis a carnis sensibus mentem, & post mortem ipsam, carne deposita . . . non sic videre posse incommutabilem substantiam, ut Sancti Angeli vident, siue alia latentiore causa, siue ideo quia inest ei naturalis quidam appetitus corporis administrandi, quo appetitu retardatur quodammodo, ne tota intentione pergat in illud summum cælum, quandiu non subest corpus, cujus administratione appetitus ille conquiescat. S. Thomas quidem Augustinum intelligit eo sensu, quod beatitudo in resurrectione erit major quoad extensionem, quatenus scilicet gaudium animi refundatur etiam in corpus, sed fortasse laudatus Augustini locus hunc sensum pati non potest.

Objic. V. Bernardus Serm. II. in Festo omnium Sanctorum hæc habet: Consummato militia tempore, gaudium habent Sancti etiam in spiritu suo, donec adveniat dies illa, qua introire mereantur in gaudium Domini sui, gaudium habituri & in ipso corpore suo. Adhuc ergo signatum est super eos lumen vultus dominici, & licet non plenam, habent tamen lætitiâ multam in corde suo, donec veniat dies illa, qua implebit eos lætitia cum vultu suo. Et rursus Serm. IV. in Dedicatione tres distinguit animarum mansiones, in tabernaculis, siue in hac vita, in atriis, siue post mortem ante resurrectionem, in domo Domini post resurrectionem; & ait: In tabernaculis est gemitus penitentis, in atriis est gustus lætitiæ, in te (h. e. in domo Domini) satisfactio gloriæ. Ergo censuit Bernardus, differri visionem Dei ad resurrectionem.

R. Diss. conf. Differri quoad ultimum perfectionis gradum,
Tom. I. E e dum,

dum, conc. quoad substantiam, neg. Censuit enim, ut Augustinus, post resurrectionem maius fore gaudium beatorum, sive extensive, ut omnes fatentur, sive intensive. Ait enim Serm. III. de Omn. SS. Adeo viges in eis desiderium hoc naturale, (resurrectionis) ut necdum tota eorum affectio libere pergat in Deum. Et Serm. LXXXVII. de Diversis: In hoc statu positi Sancti, bibere quidem possunt, sed inebriari non possunt, quoniam a perfectissima contemplatione divinitatis quodammodo retardantur, dum adhuc sui corporis resurrectionem in fine seculi praestolantur. Agnoscit ergo visionem Dei, sed non perfectissimam, nisi in resurrectione; quod etiam ex aliis locis clarioribus constat, ex quibus explicari debent, si quæ obscurius alibi dixit. Ait enim loco supra laudato Serm. II. in S. Victorem: Jam celos ingressus, vero nunc revelata suae speculatur gloriam Dei . . . beata visio, qua in eandem imaginem transformatur. Et Serm. XIX. de divers. Hauriunt (Sancti) aquas in gaudio de fontibus Salvatoris, & nudis, ut ita dicam, oculis divinitatis intuentur essentiam. Idem alibi docet (a), ita ut male nonnulli, inter quos Durandus, & Petavius, S. Doctorem contratio erroris patrocinatorum esse putent.

Obiit. VI. Joannes XXII. teste Okamo (in Compensatio errorum Pape Joannis), libellis, & constitutionibus definivit, animas piorum non videre Deum ante resurrectionem. Testatur etiam post eundem Okamum Hadrianus VI. in IV. Sentent. Tract. de Confirm. eundem Pontificem statuisse, ne quis in Academia Parisiensi Magistri gradum adipisceretur, nisi prius jurasset, se eam sententiam defensorum. Ergo.

R. Neg. ant. Licet enim Joan. XXII. ut doctor privatus disputando in contrarium errorem inclinaverit, nunquam eum ex cathedra definivit, & docuit, ut constat

(a) Lib. De diligendo Deo Cap. 10. In Vita S. Malachie Cap. ult. Serm. P. De Dedicat. Serm. VI. in Cant. Epist. CCLXVI. &c.

stat ex variis testimoniis apud Raynaldum ad ann. MCCCXXXIII. imo ex publica protestatione ejusdem Pontificis, facta anno MCCCXXXIV. die 3. Januarii apud eundem Rayn. & ex duabus Bullis Benedicti XII. ejus successoris, quarum una incipit *Sicut habet*, apud Raynaldum an. MCCCXXXIV. altera incipit *Benedictus Deus*, ap. Bzovium ad an. MCCCXXXVI. Imo & morti proximus, ea ipsa, quæ non definiendo, sed disputando dixerat, retractavit his verbis, quæ recitat Raynaldus ad ann. MCCCXXXIV. *Fatemur, & credimus, quod anima purgata, separata a corporibus, sunt in celo celorum regno, ac paradiso, & cum Christo in consortio Angelorum congregata, & vident Deum, ac divinam essentiam facie ad faciem clare. Non ergo habenda fides est Okamo, insensissimo Joannis hosti, quippe qui adhæsit Ludovico Bavaro Imperatori, & Antipapæ Petro de Corbario, quos nemo nescit, fuisse acerbissimos ejus Pontificis inimicos. Imo ipse Okamus, a quo postea Hadrianus VI. ducentis post annis scribens, deceptus est, testatur, se ex aliorum rumoribus rem tulisse (a).*

Objic. VII. In veteribus Liturgiis tum Græcis, tum Latinis pro omnibus animabus defunctis sine ulla exceptione orat Ecclesia; imo quædam Liturgiæ habent orationes pro animabus Sanctorum. Sic antiqua Missalia Romana, teste Innocentio III. Cap. Cum Marthe, De Celebr. Miss. in festo S. Leonis habebant: *Annue quesumus, Domine, ut anima B. Leonis. hæc profit oblatio.* In Liturgia Gregorii Naz. & Cyrilli orat Sacerdos pro animabus Patriarcharum, Apostolorum, martyrum, Confessorum, & ipsius B. Virginis, Ignatii, Julli, Athanasii, ut anime eorum requiescant in Paradiso. Similia habentur in Liturgia Mosarabica, Syriaca, Æthio-

E c 2

phio-

(a) Longiori Dissertatione opus esset pro Joan. XXII. Sed satis est, ipsum Natalem Alexandrum Dissert. XII. in Hist. Sec. XIV. art. 2. patrocinium illius suscepisse copiose, & erudite. Vide etiam P. Berti Lib. III. Cap. 11.

thiopica, quas vide apud *Renaudotium Collect. Liturg. Tomi II. Ergo &c.*

R. Diss. ant. Orat pro omnibus animabus, quæ nondum æternam beatitudinem adeptæ sunt, *conc.* Pro omnibus omnino, *subdist.* diverso sensu *conc.* eodem sensu, *neg.* Quippe SS. Patres, qui illis utebantur liturgiis docent, animas sanctorum in paradiso esse: & injuriam irrogare Sancto, qui pro eo orat, ut requiescat. Sic Augustinus *Serm. CLIX. Injuria est*, inquit, *pro martyre orare*, *cujus nos debemus orationibus commendari*: itaque orabat, & orat Ecclesia pro omnibus defunctis diverso sensu, ita scilicet, ut qui nondum in beata vita sunt, ad requiem perveniant; qui vero jam ibi sunt, habeant non solum gloriam corporis, & cum ea beatitudinem perfectam, sed etiam gloriam *accidentalem* apud homines, quæ gloria in majorem Dei gloriam, & hominum utilitatem redundat.

Objic. VIII. Christus non ascendit in cælum ante resurrectionem. Ergo nec justî, qui sunt ejus membra, quæ capiti assimilari debent.

R. Neg. conf. 10. Quia Christus etiam ante resurrectionem visione Dei fruebatur; ideoque ubicumque esset beatus erat, 2^a. quia licet justî Christo capiti assimilari debeant quoad tolerantiam passionis in terra, & gloriam in cælo; tamen non in omnibus assimilari debent, quæ Christo capiti peculiaribus ex causis conveniebant.

Objic. IX. Anima simul cum corpore meretur, non enim meretur anima seorsim, sed totus homo. Ergo totus homo præmium referre debet, ideoque nonnisi post resurrectionem.

R. Transfert ant. Meritum enim propriè est in animo, qui movet corpus, multisque etiam interioribus actibus sine corpore meretur. *Neg. conf.* Cum enim anima corpore utatur, ut instrumento bonorum operum; ideoque primas in merendo partes habeat, & aliunde capax sit beatæ visionis, etiam a corpore sejuncta, non est absurdum, eam fieri beatam ante resurrectionem, cum impiorum animæ etiam ante resurrectionem pœna afficiantur, licet animæ simul cum corpore peccaverint.

§. V.

*Utrum admittendum sit regnum Christi millenarium
post resurrectionem.*

PROPOSITIO

*Dogma fidei est, non esse agnoscendum regnum Christi
millenarium nec in sensu Cerinthi, nec in sensu
Papæ, & aliorum.*

Prob. 1^o. Hæc propositio ex illis, quæ superius demon-
strata sunt in §. IV., manifeste consequitur. Si enim Sancti
plene purgati, jam ante resurrectionem cum Christo re-
gnant, & post resurrectionem, resumtis corporibus, gau-
dium habebunt perfectum in visione Dei, & gloria
corporis, fictitium est hoc aliud mille annorum regnum.
2^o. Regnum Christi non est terrenum *Joan. XVIII. 36.*
Regnum meum non est de hoc mundo; nec habet finem:
Regni ejus non erit finis Luc. 1. 33. quæ verba Sym-
bolo inserta sunt a Concilio Constantinopolitano contra
Apollinaristas, qui, præter alia absurda, etiam mil-
lenariorum dogma sunt amplexi. Ergo &c.

Superfluum autem videtur confutare *Cerinthi* dogma
puridum, & obscænum, qui hoc millenarium regnum
in voluptatibus carnis transigendum putavit. *Non est*
regnum Dei esca, & potus Rom. XIV. 17. In resur-
rectione neque nubent, neque nubentur, sed erunt sicut
Angeli Dei in cælo Matth. XXII. 30.

Objectiones.

Obje. Apocalypsis Cap. XX. 4. Vidi, inquit Joannes,
animas decollatorum propter testimonium Jesu,
& regnaverunt cum Christo mille annis. Ceteri mor-
tuorum non vixerunt, donec consumantur mille anni.
Hæc est resurrectio prima. Beatus, & sanctus, qui ha-
bet partem in resurrectione prima, in his secunda mors
non habet potestatem, sed erunt Sacerdotes Dei, &
Christi, & regnabunt cum illo mille annis. Et

cum consummati fuerint mille anni, solvetur satanas &c. Et vidi mortuos, stantes in conspectu throni, & libri aperti sunt &c. Ergo docet Joannes, duas fore resurrectiones, unam sanctorum, quæ est resurrectio prima, post quam iusti regnabunt cum Christo mille annis, quibus expletis, solvetur satanas, veniet *Antichristus*, resurgent impii, judicabuntur, & morte æterna plebentur, quæ est *mors secunda*. Hic erat millenariorum *Achilles*.

R. *Neg. conf.* Scriptura enim ubique pronuntiat, unam fore simul corporum resurrectionem tum piorum, tum impiorum; in momento, in istu oculi, in novissima tuba; cætes enim tubæ, & mortui resurgent. I. Cor. XV. 52. Idque ex eo manifestum est, quod si primo resurgerent omnes iusti, & regnarent per mille annos, quibus expletis veniret *Antichristus*, & resurgerent impii, sequeretur, per eos mille annos nullum fore in terra hominem iustum, qui mortalem adhuc vitam ducat, ideoque perituram Ecclesiam militantem ante finem mundi, *Antichristum* non persecuturum Sanctos, qui nulli erunt, quæ omnia absurda sunt, & Scripturis contraria. Millenarii ergo fictitium illud regnum statuere debebant post generalem omnium resurrectionem, ac proinde post adventum Antichristi. At Joannes docet, regnum illud mille annorum præcedere adventum Antichristi. Non ergo favet millenariis; sed sensus est, homines pios resurgere a peccato ad vitam spiritalem, & post mortem, si perseverant, regnare cum Christo mille annis, hoc est per longum temporis intervallum, quod fuit ab eorum morte usque ad resurrectionem. Justificatio enim dicitur in Scripturis resurrectio, juxta illud Apostoli: si *conresurrexistis cum Christo Colos. III. 1.* & longum temporis spatium per numerum mille exprimi solet, juxta illud *Psal. CIV. verbi, quod mandavit in mille generationes*. Unde *Augustinus Lib. XX. de Civ. cap. 7. mille annos pro annis omnibus hujus sæculi posuit*.

Loca autem Scripturæ, quibus promittitur iustis manducare, bibere, ac saturari in Regno Dei, prætermittimus. Cum enim non sit *Regnum Dei esca, & potus*, loca illa per metaphoram intelligenda esse, perspicuum est.

§. VI.

§. VI.

Quonam modo Beati clare Deum videant.

Adv. Cum mens naturaliter Deum clare videre nequeat, ut supra §. II. h. c. contra Eunomianos, & Beguardos probavimus, certum est, requiri ad videndum Deum supernaturale auxilium, quod *lumen gloriæ* dicitur; *lumen* quidem, quia Deum menti manifestat, *omne autem quod manifestatur, lumen est*, ut ait Apostolus *Ephes. V. 23.* *gloriæ* vero, quia in illa visione, & lumine, est gaudium, & gloria beatorum. Unde in *Psal. XXXV.* dicitur: *Inebriabuntur ab ubertate domus tuæ, & torrente voluptatis tuæ potabis eos; quoniam apud te est fons vitæ, & in lumine tuo videbimus lumen.* Sed quid sit lumen gloriæ, & utrum præter illud requiratur ad videndum Deum (species aliqua *impressa*, vel *expressa*, magnas agitant Scholastici controversias, quas leviter attingemus, cum non possint ex Scriptura, aut traditione ad liquidam veritatem pervenire.

Querunt itaque 1^o. utrum lumen gloriæ *habitua*le sit, an *actu*ale. Et verisimilius est, esse *habitua*le, quia in æternum in beatis durabit; posset ramen Deus illud per *actu*ale, & transiens auxilium supplere.

Querunt 2^o. an lumen gloriæ sit habitus a charitate distinctus. *Scotus in III. dist. 3.* censet, nullum alium habitum esse necessarium ad videndum Deum, præter charitatem, quæ tunc augetur, & concursus Dei extraordinarium, & *actu*ale. Reliqui verisimilius docent, lumen gloriæ esse habitum a charitate distinctum, quo intellectus elevetur ad videndum Deum, quem naturali facultate videre non poterat; charitas enim est in voluntate, visio in intellectu. Sed ii rursus in duas partes dividuntur; *Petavius* enim, & *Thomas* docent, lumen gloriæ esse ipsum Deum animæ beatorum perpetuo assistentem, quia, inquiunt, Scripturæ, & Patres docent, Deum esse lumen beatorum. Alii vero probabilius putant, esse qualitatem quandam a Deo in anima creatam, neque alia de causa Deum dici lumen beatorum, nisi quia luminis illius causa est effectrix, quæ

metonymia est in Scripturis frequentissima . Hanc vero qualitatem Thomistæ volunt esse *realiter* ab anima distinctam, alii vero modificationem, sive dispositionem ipsius animæ, supernaturaliter a Deo inditam, quod verisimilius est .

Quærent 3^o. Utrum sicut in aliorum *objectorum* cognitione est quædam objecti *species*, sive similitudo menti *impressa*, quæcumque tandem illa sit, qua movetur ad cognoscendum objectum, & quædam *species*, sive verbum, sive *idea* ab ipsa mente *expressa*, & efformata, per quam objectum sibi repræsentat, ita etiam in clara Dei cognitione *species impressa*, & *expressa* sit . Et impressam quidem speciem communiter rejiciunt, ut inutilem; Deus enim menti beatorum præsentissimus non indiget vicaria sui specie, ut mentem moveat ad sui cognitionem . Sed de expressa specie non convenit inter Theologos . Nonnulli eam propugnant propter illud Augustini *Lib. IX. de Trin. cap. 11. Quæmadmodum cum per sensus corporis videmus corpora, fit eorum aliqua similitudo in animo nostro . . . ita cum Deum novimus, fit aliqua Dei similitudo illa cognitio* . Sed alii verba Augustini intelligentes de visione Dei naturali, melius docent, nullam expressam speciem in visione beata agnoscendam . Species enim illa expressa est aliquid finitum, & creatum; nulla autem finita res Deum, ut in se est, repræsentare potest . Unum enim est Verbum, quod vere, & ad vivum divinæ substantiæ est imago, quod est Verbum divinum, a Patre ab æterno productum, ut docent Patres (*) .

§. VII.

(*) Si quem delectant ejusmodi quæstiones, adeat *Generum*, aliosque Scholasticos .

§. VII.

Quid Beati in Deo videant.

PROPOSITIO I.

*Objectum primum beate visionis est essentia Dei,
 & ejusque attributa tum absoluta, tum
 relativa.*

Prob. 1^a. pars. Visio Dei beata tendit ad videndum Deum, sicut in se est. Atqui non potest eo modo videri, nisi videatur ipsa Dei essentia. Ergo.

Prob. 2^a. pars. Essentia Dei, ut in se est, non distinguitur re ipsa ab attributis tum absolutis, tum relativis. Ergo non potest videri, ut est in se, quin simul attributa omnia tum absoluta, tum relativa videantur.

Corollarium.

Ergo recte Thomistæ post ipsum S. Thomam 2^a. 2^a.
Q. II. art. 8. ad 3. docent contra Schotistas, ne ex potentia quidem Dei absoluta posse beatos videre divinam essentiam sine attributis, aut unum attributum sine alio, aut personam unam sine alia.

PROPOSITIO II.

Objectum secundarium beate visionis sunt etiam creature, quarum cognitio ad perfectionem, & beatitudinem sanctorum pertinet, non tamen omnes creature possibiles; imò non omnes existentes.

Prob. 1^a. pars. Beatitudo est status, omnium bonorum aggregatione perfectus. Sed talis non esset, si aliqua deesset notitia ad perfectionem, & beatitudinem, vel essentialem, vel accidentalem pertinens. Ergo. Hinc Ambrosius in *Orat. funeb. de Theodosio* ait, Theodosium in cælis filiorum ejus Arcadii, et Honorii tutelam suscepturum: Gregorius M. *Lib. XII. Moral. cap. 17.*
 do.

docet, Sanctos videre; et diligere fratres suos in terris periclitantes, et de eorum salute esse sollicitos: et S. Thomas P. III. Q. X. art. 2. Nulli, inquit, *intellectui beato deest, quin cognoscat in Verbo omnia, quæ ad ipsum spectant*. Ergo etc.

Quæ autem ad beatorum perfectionem, & beatitudinem spectant, sunt non solum rerum omnium existentium notitia quoad species, verum etiam multarum singularium rerum, in quibus Dei gloria elucet, & præcipue quæ ad ipsos pertinebant, dum in terris agerent, & preces, quæ ad eos diriguntur; *maxime enim decet eorum excellentiam, ut cognoscant petitiones ad eos factas vel voce, vel corde*, ut inquit S. Thomas 2^a. 2^a. Q. LXXXIII. art. 4. Præterea vident beati se se invicem, & suos in patria agnoscunt, sine qua cognitione nulla esset Sanctorum societas. Hinc Tertullianus Lib. de Monogam. cap. 10. *In meliorem statum, inquit, destinamur resurrecturi in spirituale consortium, agniture tam nosmetipsos, quam nostros*. Et Cyprianus Lib. de mortalitate: *Magnus illic nos chararum numerus expectat, parentum, fratrum, filiorum . . . ad horum conspectum, & complexum venire, quanta & illis, & nobis in commune latitia est?*

* Prob. 2^a. pars. Beati non comprehendunt omnipotentiam Dei, ut supra ostendimus Cap. IX. §. II. prop. 3. Atqui comprehenderent si omnia possibilia in Deo viderent. Ergo.

Prob. 3^a. pars. Licet beati videant creaturas omnes, prout eminenter sunt in Deo tamquam in causa, imo videant scientiam, & decreta Dei, prout sunt unum cum essentia Dei, non sequitur, eos videre creaturas omnes, prout in seipsis sunt. Sic Angeli ignorant iudicii diem Matth. XXIV. 36. & solus Agnus in cælo potuit solvere librum, in quo signata erant futurorum decreta Apoc. V. 3. Cujus rei ea ratio est, quia licet decreta, & scientia Dei sint unum cum Dei essentia; libere tamen a Deo diriguntur ad hos, vel illos effectus, quos Deus pro suo arbitrio beatis revelat, aut abscondit.

Scholion.

Thomistæ nonnulli putant, non esse impossibile, beatos videre omnia possibilia non quidem in Deo, tamquam in causa, hoc enim esset Deum comprehendere, sed in seipsis per Dei revelationem. Cum enim omnes creaturæ possibiles sint aliquid minus, quam Deus est, & in seipsis finitæ, qui illas hoc modo cognosceret, non simul ipsum Deum comprehenderet. Nos istæ de rebus possibilibus controversiæ non multum delectant.

PROPOSITIO III.

Beati vident creaturas in Verbo, & in seipsis.

Prob. auctoritate PP. Augustinus Lib. IV. de Genes. ad Lit. cap. 24. duplicem distinguit in beatis cognitionem, matutinam, & vespertinam; illam, qua creaturas clarius vident in Verbo, sive in ipsa Dei essentia: hanc vero, qua obscurius eas vident in seipsis. Quapropter, inquit, cum Sancti Angeli, quibus post resurrectionem eæquabimur, semper videant faciem Dei, Verbo ejus unigenito filio, sicuti Patri equalis est, perfruantur; procul dubio universam creaturam, in qua ipsi sunt principaliter conditi, in ipso Verbo Dei prius noverant, in quo sunt omnium, etiam qua temporaliter facta sunt, æterna rationes, tamquam in eo, per quod facta sunt omnia. . . . Ac deinde in ipsa creatura, quam sic noverant, tamquam infra despicientes, eamque referentes ad laudem illius, in ejus incomparabili veritate rationes, secundam quas facta est, principaliter vident. Idem docet Bernardus Lib. V. de Consider. Cap. 1.

Utrum autem beati uno actu, an vero successive videant omnia, quæ in verbo vident, questio est, de qua disputat Augustinus Lib. XV. de Trin. cap. 16. & Lib. XII. Confes. cap. 13. Certe quæ non viderunt ab initio, sed tractu temporis a Deo revelantur, non simul vident.

Scholion.

Licet Beati, præter Deum, alia etiam tunc in Deo; tunc in seipſis videant; in ſola tamen viſione Dei eorum eſſentialis beatitudo eſt, juxta illud Auguſtini *Lib. V. Confef. cap. 4.* *Beatus eſt qui te novit, eſſi alia neſciat: qui autem te, & alia novit, non eſt propter beatior, ſed propter te ſolum.* Aliarum vero rerum cognitio ad accidentalem beatitudinem pertinet.

§. VIII.

Utrum beata viſio ſit aqualis in omnibus.

Adv. Licet viſio beata ſit ejuſdem ſpeciei in Angelis, & beatis omnibus quia, idem eſt in omnibus principium, & objectum formale viſionis; quaeritur tamen, utrum ſit in omnibus æqualis. *Jovinianus Sac. IV.* aſſeruit, æqualia eſſe merita, et præmia Sanctorum, teſte *Hieronymo Lib. II. cont. Jovin.* Quem errorem *Sac. XVI.* reſponſerunt Proteſtantes.

PROPOSITIO I.

Dogma fidei eſt, inaequalem eſſe viſionem beatorum.

Prob. I. *Joan. XIV. 2.* *In domo Patris mei manſiones multe ſunt.* Et *I. Cor. XV. 41.* *Alia claritas ſolis, alia claritas lunæ, alia claritas ſtellarum. Stella enim differt a ſtella in claritate, ſic & reſurrectio mortuorum.* Et *II. Cor. IX. 6.* *Qui parce ſeminat, parce & metet.* Ergo &c.

Prob. II. ex Tradit. 1º. *Tertullianus in Scorpiac.* *Quomodo multe manſiones apud Patrem, ſi non pro varietate meritorum?* *2º.* *Auguſtinus Lib. de Sancta Virginitate,* in illud Apoſtoli: *ſtella differt a ſtella: Hæc ſunt,* inquit, *merita diverſa Sanctorum.* *3º.* *Irenæus Lib. I. cap. 72.* *Si plures dilexerimus, clariorem erimus apud Deum.* Et *Fulgentius Lib. de Trin. Tan-*

tum

tum amplius alius alio in illa vita Deum videbit, quantum amplius in hac vita eum dilexit.

Consonat ratio Theologica. Sicut enim pro varietate peccatorum varia sunt supplicia, juxta illud *Apoc. XVIII. 7. quantum glorificavit se, & in deliciis fuit, tantum dase illi tormentum, & luctum*; ita etiam pro varietate meritorum varia esse debent præmia.

Hinc verito Concilium Mediolanense, de quo meminit Ambrosius *Epist. XLII. contrarium Vigilantii errorem damnavit, & Conc. Trid. Sess. VI. can. 32. Si quis dixerit, hominis justificati bona opera non vere mereri augmentum gratiæ, vitam æternam, atque etiam gloriæ augmentum, anathema sit.*

Objic. Matth. XX. unus denarius datur omnibus, qui inæqualiter in vinea laboraverant. Ergo par omnibus tribuetur gloria.

R. Neg. conf. Unus quidem erit denarius, una merces omnibus, nempe idem Deus beata visione possidendus, sed inæqualiter pro inæqualitate meritorum. Una igitur erit merces *objective*, ut Scholæ ajunt, non *formaliter*, & in eodem gradu, sicut in eadem mensa idem omnibus apponitur ferculum quamvis inæqualiter, inde cibum capiant convivæ, ita ut omnes saturentur, nec qui minus sumit plus sumentibus invidet. *Id etiam, ait Augustinus Lib. XXII. de Civ. cap. 30. beata illa Civitas magnum in se videbit, quod nulli superiori ullus inferior invidet, sicut nunc non invident Archangelis Angeli ceteri, nollent enim esse unusquisque quod non accepit, sicut nec in corpore vult oculi esse qui est digitus.*

Ergo, inquires, parum refert, utrum quis majora, vel minora opera faciat; dummodo enim ad patriam illam perveniat, non minus erit sorte sua contentus, qui minimum laboravit, quam qui maxime.

R. Neg. sequel. Licet enim inferiores superioris gloriam non desiderent, quia alioquin non diligerent Dei justitiam, tamen admirantur sapientiam, & justitiam Dei in distributione præmiorum, & qui despiceret majorem gloriam, ad quam a Deo destinatus, ac vocatus est, non diligeret Deum,

PROPOSITIO II.

Causa moralis hujus inequalitatis est inequalitas meritorum, causa vero physica est inequalitas luminis gloria.

Prob. 1^a. pars. Causa moralis est, quæ causam efficientem movet ad operandum. Atqui inequalitas meritorum est ratio, cur Deus inæquale præmium beatis distribuat *ex Prop. 1.* Ergo.

Prob. 2^a. pars. Solum gloriæ lumen, non vero naturale acumen ingenii mentem elevat ad videndum Deum. Ergo sola inequalitas luminis gloriæ inæqualem visionem efficit. Merito igitur Academia Parisiensis anno MCCXL. hanc propositionem damnavit: *Cujus meliora fuerint naturalia, necessario major erit gratia, & gloria.* Quod & alterius probatur, quia alioquin qui inæquali ingenio sunt, æquali lumine gloriæ inæqualiter Deum viderent, & proinde gloria non pro ratione meritorum, sed ingenii daretur, quod absurdum est.

CAP. X.

De perfectione Dei.

Adv. I. **N**unc de attributis affirmantibus, sive positivis agendum est; & primo de perfectione Dei. Perfectio est qualitas (a) aliqua, vel proprietas entis: perfectum vero est, cui nihil deest. Perfectum autem aliquod dici potest vel absolute, quod scilicet in omni genere perfectum est, vel secundum quid, quod scilicet est in genere aliquo perfectum. Si ergo de perfectione secundum quid loquamur, constat omnia entia perfecta esse, quia unumquodque est in suo genere perfectum, h. e. nihil ei deest de perfectionibus ad ejus naturam necessariis. Si vero de

(a) Schol. entitas.

de perfectione absoluta, hæc solius Dei propria est.

11. Perfectiones in scholis dividuntur in classes duas. Aliæ enim dicuntur perfectiones *simpliciter simplices*, aliæ vero simplices, & *secundum quid*. Prioræ sunt, quæ nullam involvunt *imperfectiorem*, nec cum æquali, aut majori perfectione pugnant, ut sunt sapientia, bonitas, vita, ideoque dicuntur ab Anselmo in *Monolog. Cap. 14. meliores ipse, quam non ipse*. Posterioræ vero sunt, quæ æquali, vel majori perfectioni adversantur, ut sunt extensio, motus, ratiocinatio, & ceteræ creaturarum differentię *specificæ*, & individua, quæ omnes dicuntur *non meliores ipse, quam non ipse*. Sed hæc rursus in duo genera a nonnullis dividuntur; aliæ enim ita cum æquali perfectione pugnant, ut nihil imperfectum contineant, ut *paternitas, filio, spiratio*; aliæ vero ita cum æquali perfectione pugnant, ut aliquid admixtum habeant imperfecti. His positis queritur 1º. utrum Deus sit absolute perfectus; 2º. utrum omnes creaturarum perfectiones in se habeat; 3º. utrum Deus cum creaturis sit aliquid perfectius, quam solus Deus.

PROPOSITIO I.

Deus, & quidem solus, est absolute perfectus. Est dogma fidei.

*Prob. 1ª. pars. 1º. Deus est ipsum esse, ut supra ostendimus Cap. II. prop. 4., hoc est in eo est plenitudo totius esse. Ergo est absolute, seu in omni genere perfectus. 2º. Deus est infinitus, ut supra dictum est. Atqui non esset huiusmodi, si non esset absolute, seu in omni genere perfectus. Ergo. 3º. Deus est totus in actu, nullatenus vero in potentia ut supra docuimus. Ergo est in omni genere perfectus, alioquin esset in potentia quoad illud, quod ei deesset. Ergo &c. Hinc Augustinus Tract. XIV. in Joan. Deus, inquit, nec crescit, nec minuitur, si enim crescit, perfectus non est, si minuitur Deus non est. Et a Dionysio Lib. De divin. nom. Cap. 13. dicitur Deus *αυτοπαύς*, hoc est per se absolutus, ac perfectus, & *υπερταύς*, hoc est perfectionem omnem excedens.*

Prob.

Prob. 21. pars. Solus Deus est ipsum esse, est infinitus, et purus actus. Ergo etc. Vide S. Thomam. I. P. Q. IV. Art. I. & seq. et Lib. I. cont. Gent. Cap. 28. & 38.

PROPOSITIO II.

Omnes creaturarum perfectiones vel simpliciter simplices, vel simplices quidem, sed quæ nullam imperfectionis mixtionem habent, sunt in Deo formaliter, reliquæ in Deo sunt eminenter, vel virtualiter.

Prob. 1^a. pars. Esse aliquid in aliquo formaliter est esse in eo secundum propriam sui naturam, sicut ratio (a) formaliter est in homine. Atqui perfectiones simpliciter simplices, et quæ nihil imperfectum involvunt, ut sapientia, bonitas etc. sunt in Deo secundum propriam sui naturam, alioquin Deus non esset in omni genere perfectus, Ergo etc. Hinc Deus dicitur formaliter justus, sapiens, bonus etc. licet alio modo quam creaturæ, quia ab ipsa Dei essentia non distinguuntur perfectiones illæ.

Prob. 2^a. pars. Esse aliquid in aliquo eminenter, vel virtualiter est esse in eo non in propria sui natura, sed nobiliori modo, et tamquam effectus est in sua causa, sicut domus est in mente artificis modo spiritali, et intelligibili, fructus est in semine, vel in sole tamquam in causa. Atqui perfectiones secundum quid non sunt in Deo secundum propriam sui naturam, sed modo nobiliori, et tamquam effectus in causa. Non sunt quidem secundum propriam sui naturam, quia cum hujusmodi perfectiones imperfectionem aliquam naturaliter includant, vel cum majori perfectione pugnent; si essent in Deo secundum propriam naturam; ponendæ etiam essent in Deo imperfectiones illæ, vel majores perfectiones excludendæ. Sunt vero id Deo eminenter, vel virtualiter,

(a) Scholast. Rationalitas.

liter, quia illæ perfectiones habent aliquam rationem boni, licet imperfecti; ac proinde cum in Deo sit quiddam boni rationem habet, nihil vero imperfectum; sequitur, perfectiones illas esse in Deo secundum rationem boni, quam habent, et non secundum id, quod habent imperfecti. Ergo sunt in Deo nobiliori modo, sive eminenter. Sunt vero etiam in Deo virtualiter, quia Deus est prima causa, ex qua perfectiones omnes ortum habent. Hinc Augustinus in *Psal. XLIX.* Quid enim, inquit, cum illo non est? Cum illo ager, cum illo species terra, cum illo species celi, cum illo omnia volatilia, quia ipse omnia. Ergo &c.

PROPOSITIO III.

Deus simul cum creaturis non est neque secundum intensiorem, neque secundum extensionem, sive neque intensive, neque extensive perfectior, quam si seorsim consideretur.

Prob. 1.^a pars. 1.^o Si Deus cum creaturis esset intensive perfectior, non esset ipse ens perfectissimus, quippe aliquid ei deesset; quo perfectior fieri posset. 2.^o Nulla est in creaturis perfectio, quæ non sit in Deo vel formaliter, vel eminenter, hoc est nobiliori modo; quam sit in creaturis ut ostendimus in *prop. 1.* Ergo.

Prob. 2.^a pars contra Durandum. 1.^o Augustinus *Tract. XI. in Joan.* Si fueris, inquit, sine Deo, minor eris. Si fueris cum Deo, major Deus non erit. Non ex te ille major, sed tu sine illo minor. 2.^o Finitum additum infinito, in quo eminenter, vel virtualiter continentur, majorem extensionem non facit, sicut tempus additum æternitati, alioquin illud non fuisset vere infinitum. At perfectiones creaturarum finitæ sunt; Dei vero perfectiones sunt infinitæ, & illæ in istis eminenter, vel virtualiter continentur. Ergo.

Diets. Perfectiones creaturarum reipsa distinguuntur a perfectionibus Divinis. Atqui quæ reipsa distinguuntur, si simul addantur, majorem numerum, et extensionem efficiunt. Ergo perfectiones creaturarum, additæ perfectionibus divinis, majorem numerum, atque exten-

tionem efficiunt, ac proinde Deus cum creaturis est extensive perfectior. Ergo.

R. Conc. min. quoad numerum, quoad extensionem vero, *Dist. min.* Quæ reapse distinguuntur, si simul addantur, maiorem extensionem efficiunt, si unum in altero non contineatur, *conc.* Secus, *neg.* Porro perfectiones creaturarum continentur in divinis, tamquam finis in infinito, a quo productæ sunt.

Corollarium.

Ergo solus Deus est propter se diligendus, reliqua in ipso, & propter ipsum, utpote quæ sint emanationes, & participationes infinitæ illius perfectionis. Næc qui Deum cum creaturis possidet, beatior est, quam si solum Deum possideat, in quo, quidquid in creaturis est amabile, nobiliori modo existit. Qui ergo minus se felicem putat, quod creata bona, quibus frui concupiscit, non possidet, contra ordinem charitatis peccat.

C A P. XI.

De bonitate & sanctitate Dei.

Adv. **B**onum triplex est *absolutum*, *relativum*, & *morale*. Absolutum idem est, ac perfectum, seu id, cui nihil deest, sive ex principiis *essentialibus*, sive ex principiis *accidentalibus*. Relativum est, quod est alteri conveniens, seu rem alteram perficiens, sicut sapientia bona est homini. Morale est firma adhæssio voluntatis summo bono, a quo qui voluntarius recedit, in malum morale incidit. Bonitas autem moralis sanctitas etiam dicitur.

PROPOSITIO.

Deus est summe bonus bonitate absoluta, relativa, & morali. Est dogma fidei.

Prob. 1^a pars. Bonum absolutum idem est, ac esse perfectum. Atqui Deus est summum esse, & summe perfectus.

fectus ex dictis. Ergo summe bonus est. Hinc Boëtius Lib. III. de Consol. Prof. 10. Deum, inquit, rerum omnium principem, bonum esse, communis humanorum conceptio probat animorum, etiam Gentilium, ut supervacaneum sit, Scripturas, & Patres in re tam aperta recitare.

Prob. 2^a. pars. Bonum relatiuum est, quod rem alteram perficit. Atqui quidquid bonitatis, & perfectionis est in creaturis, a Deo est. Ergo.

Prob. 3^a. pars. Deus firmissime adhæret, hoc est infinite diligit summum bonum, idest semetipsum, nec quidquam operatur, nisi bonum, & propter summum bonum, hoc est propter semetipsum. Prov. XVI. 4. *Universa propter semetipsum operatus est Dominus.* Hinc in Scripturis dicitur *magnificus in sanctitate.* Et I. Reg. II. 2. *Non est sanctus, ut est Dominus:* quia creaturæ, utcumque sanctæ, non habent, nisi particulam sanctitatis, a Deo derivatam; Deus vero sanctitatem habet essentialem. Et Isai. VI. 3. Angeli assidue clamant *Sanctus, Sanctus, Sanctus*, quia per hoc attributum sanctitatis accessum habent ad Deum, cui creaturæ, nisi sanctæ, placere non possunt.

Obiic. Si Deus esset summe bonus in omni genere, non permetteret malum morale; atqui &c. Ergo &c.

R. *Dist. maj.* Si non esset adeo omnipotens, & sapiens, & bonus, ut sciret, & posset de malis bona facere, *conc. secus, neg.* Cum ergo creatura sit natura sua mutabilis, Deus vero provisor universalis, qui aliquando potest ad majus bonum mala permittere subditorum, dedit quidem ipsis, vel præparavit auxilium, sine quo peccatum vitare non possent, sed melius judicavit de malis bona facere, quam mala nulla esse permittere, ut inquit *Augustinus.*

Inst. Cum Deus sit omnipotens, poterat majora bona, & meliora facere de bonis, quam de malis. Ergo.

R. *Dist. ant.* Alterius generis, *conc.* Ejusdem generis, *neg.* Quomodo enim fuisset ex. gr. patientia martyrum sine injusta persecutione tyrannorum? Hoc igitur Deus judicavit melius, quam meliora, & alierius generis bona facere sine permissione mali.

Queres. utrum solus Deus sit bonus per essentiam.

4^a. Si esse bonum per essentiam intelligatur eo sensu,

quod ipsi *essentiale* sit exillere, & infinitam habere bonitatem, solus Deus est *per essentiam* bonus, unde Christus *Luc. XVIII. 19.* Nemo, inquit, *bonus nisi solus Deus*. Si vero accipiat pro eo, cui nihil deest de proprietatibus essentialibus, quidquid est, bonum est *per essentiam*. Unde demonstrat *S. Thomas*, bonum, & ens idem esse. *I. P. Q. V. art. 1.* Ex quo rursus ostenditur, Deum esse summum bonum, quia est summum ens.

Porro quæ de perfectione, bonitate, & sanctitate Dei diximus, cum non possint a Dei existentia seungi, facilius anim invenientur, qui negaverint esse Deum, quam qui eum perfectum, bonum, sanctum negaverint; hinc eatenus pertinent ad fidem, quatenus ad fidem pertinere Dei existentiam, supra diximus,

C A P. XII.

De Omnipotentia Dei.

Adv. I. **O**mnipotentia est absoluta potestas faciendi quidquid placet.

II. Petrus Abaelardus, teste Bernardo *Epist. CXO.* docuit, Deum non posse facere meliora iis, quæ facit, imo non posse facere aliud, quam quod actu vult, & facit; quem errorem Estius *in I. Dist. 43.* Calvinæ etiam, & Bucero tribuit; licet illi hæretici non adeo perspicue id videantur asseruisse. Certe eam Abaelardi sententiam nonnulli recentiores philosophi secuti sunt, quorum systema *Optimismus* appellatur,

P R O P O S I T I O I.

Deus est omnipotens. Est dogma fidei.

Prob. I. Genes. XVII. 1. Dicit Dominus: *Ego Deus omnipotens*. *Exod. XV. 2* *Omnipotens nomen ejus*. *Eccl. I. 8.* *Unus est Altissimus Creator Omnipotens*. *Job. XLII. 2.* *Scio quia omnia potes*. *Matth. XIX. 26.* *Apud Deum omnia sunt possibilia*. *Luc. I. 37.* *Non erit impossibile apud Deum omne verbum*. Et alibi sæpe Scriptura omnipotentiam Dei commendat, quæ maxime ad nostram

fidem, & spem excitandam, et ad mundanum timorem expellendum valet. Idem docent uno ore Patres omnes, quos *Petavius* fusius laudat *Lib. V. Cap. 5.* imo & ipsi Gentiles Philosophi, quorum testimonia collegit *Huetius Lib. II. Quæst. Alnet.* Ita ut vere dixerit *Augustinus Serm. CXXXIX. De Temp. Non dico, da mihi Christianum, da mihi Judæum, sed da mihi Paganum, idolorum cultorem, demonum servum, qui non dicat, Deum esse omnipotentem. Negare Christum potest: negare Deum omnipotentem non potest.* Ergo &c.

Prob. II. Deus est ens summe perfectum, atqui omnipotentia est excellens perfectio. Ergo.

Objic. Deus non potest mentiri, non potest efficere, ut præterita facta non sint, & alia ejusmodi, quæ dicuntur absolute impossibilia. Ergo non potest facere quidquid vult.

Res. Nego. conf. Quæ enim impossibilia sunt, Deus velle non potest; quia illa dicuntur impossibilia, quæ contradictionem involvant, ex. gr. mons sine valle, circulus quadratus, quæ se mutuo destruunt, ac proinde non possunt esse objectum nec scientiæ, nec voluntariis Dei. Contradictionem autem implicat, Deum mentiri, mori &c. Quia Deus est ens perfectissimum, mentiri autem, & alia hujusmodi maximam imperfectionem significant. Hinc *Augustinus Serm. CIX. de tempore.* Multa, inquit, Deus non potest facere, & tamen omnipotens est, imo ideo omnipotens, quia ista non potest. non potest mori, non potest peccare, non potest falli, tantum non potest, quia si posset, non esset omnipotens.

Scholium.

Docent etiam Patres, et Theologi, non posse Deum ea efficere, quæ licet contradictionem non involvant, tamen Dei sapientiam, bonitatem, ac providentiam non decent. Quo sensu nos quoque *Lib. I. Cap. 6.* diximus, non posse Deum vim, et potestatem permittere demonibus miracula patranda: idque etiam in aliis passim libris usurpabimus. Quod quidem non Dei omnipotentiam coarctat, cum Deus ea facere absolute possit, sed sapientiam, ac bonitatem commendat.

PROPOSITIO II.

*Deus potest facere meliora iis, quæ facit. Est
dogma fidei.*

Prob. Præter ea, quæ Deus fecit, mente concipi, alia possunt meliora, & meliora in infinitum, quæ nullam involvunt contradictionem. Ergo si Deus ea facere non posset, non esset omnipotens. At Deum esse omnipotentem, supra est demonstratum Prop. I. Ergo. Hinc Apostolus *Ephef. III. 20. Potens est, inquit, Deus omnia facere superabundanter, quam petimus, & intelligimus.*

Solvuntur Objecta.

Obje. I. Deus est optimus; ergo efficere debet optima; ac proinde non potest facere meliora. Hinc Damascenus *Lib. II. de Fid. Ordo. cap. 19. Necessæ est, inquit, omnia, quæ Dei providentia fiunt, secundum eandem rationem, & optima, & Deo decentissima fieri, ita ut nequeant meliora fieri.*

R. *Dist. ant.* Debet facere optima quoad modum, sive ad finem ipsi propositum, ideoque in omnibus, quæ efficit; propter efficiendi modum elucet ejus sapientia, et potentia infinita, *pon.* Optima absolute, *neg.* Non aliud sibi vult Damascenus. Deus ita est artifex magnus, in magnis, ut minor non sit in parvis: quæ parva non sua granditate, nam nulla est, sed artificis sapientia metienda sunt, inquit Augustinus *Lib. II. de Civ. Cap. 22.*

Obje. II. Augustinus *Lib. LXXIII. Questionum, Quest. I. probat, Filium Dei esse Patris æqualem, quia, inquit, alioquin Pater fuisset invidus; si quem poterat æqualem gignere, nolisset. Deus, quem genuit, quoniam meliorem se gignere non potuit. (nihil enim Deo melius), generare debuit æqualem. Si enim voluit, & non potuit, infirmus est: si potuit, & non voluit, invidus est. Ergo a pari si Deus posuisset facere meliora, et non fecisset, esset invidus.*

R. *Neg. sens.* & *paris.* Dispar, enim ratio in eo est,

est, quod Filio debetur æqualitas cum Patre, quam si Pater dare nolisset, fuisset invidus. At creaturis non debentur optima, aliequin creaturæ deberent esse infinite bonæ (quod repugnat), quia, posito quocumque bono finito, aliud melius cogitari posset.

PROPOSITIO III.

Deus potest facere alia ab iis, quæ actu vult, & facit. Dogma fidei est.

Prob. I. ex Scriptura. Dan. III. 17. Deus noster potest nos eripere de camino ignis, & de manibus iustis liberare; quod si nolueris etc. H. Machab. VIII. 18. Deus potest uno nutu universum mundum delere. Matth. XXVI. 53. An putas, quia non possum rogare Patrem meum. & exhibebit mihi modo plusquam duodecim legiones Angelorum? Et Matth. III. 9. Potens est Deus de lapidibus istis suscitare filios Abraham. Potest igitur Deus alia facere, quæ non facit. Unde Athanasius Lib. III. cont. Ariam. Poterat, inquit, etsi nunquam advenisset Christus, solummodo loqui, Deus, & maledictionem solvere. Idem alii constanter affirmant.

Prob. II. Deus a nulla creatura pender. Sic ergo circa eam operatur, ut possit non operari. Adde, quod non esset omnipotens, si non posset alia facere, quam quæ facit.

Objec. Deus est immutabilis, ac proinde non potest nunc nolle quod ab æterno voluit, nec velle quod ab æterno noluit. Ergo non potest alia facere, quam quæ actu ab æterno vult. Hinc in Scripturis dicitur Deus non posse, quæ noluit. Non potero facere quidquam, donec ingrediaris illuc, ait Dominus ad Lóth. Gen. XIX. 22. et Christus Matth. XXVI. 39. Patrem orans, ait: si possibile est, transcat a me calix iste. h. e. si vñ.

R. Dist. conf. Non potest in sensu composito, conc. in sensu diviso, neg. Hoc est, posito hoc, quod aliquid ab æterno voluerit, non potest nunc velle contrarium, ac proinde nec facere. Cum enim immutabilis sit, ideoque idem nunc velit, quod ab æterno voluit, si posset nunc velle, & facere contrarium, posset idem simul

velle, & nolle; facere, et non facere: quod contradictionem implicat. Sed potuit ab æterno nolle quod voluit, aut velle quod noluit, si agitur de creaturis, cum nullum bonum finitum necessario movere eius voluntatem potuerit. Vide Estium in I. Dist. XLIII. Sylvium Q. XXV. art. V. Thomam Valdensen Tom. I. Lib. I. art. I. Petavium, etc.

C A P. XIII.

De Scientia Dei.

DE scientia Dei quatuor hic querenda sunt, 1^o. de ejus existentia, & proprietatibus, 2^o. de ejus objecto, 3^o. de medio, 4^o. de varia ejus divisione.

§. I.

De existentia, & proprietatibus scientia Dei.

Adv. Cum scientia ab Aristotele deficiatur cognitio certa, et evidens, acquisita per demonstrationem, in ex-
duo sunt distinguenda; ipsa nimirum certa, et evidens cognitio, et demonstratio, per quam acquiritur.

PROPOSITIO I.

*Est in Deo agnoscenda intelligentia, & scientia, sed sine
ratiocinatione. Est dogma fidei.*

Prob. 1^a. pars I. Reg. II. 3. Deus scientiarum Dominus est. Job. XII. 13. Apud ipsum est sapientia, & fortitudo, ipse habet consilium, & intelligentiam. Prov. III. 19. Dominus sapientia fundavit terram, stabilivit celos prudentia. Esther. XIV. 14. Qui habes omnium scientiam. Rom. XI. 33. O altitudo divitiarum sapientie, & scientia Dei (a). Id etiam evidenti ratione mon-

(a) Adde Job. XXXVIII. 12. Ps. CXXXVIII. Sap. VII. 15. Eccli. XLII. 19. Coloss. II. 3.

Aratur. Deus enim est id, quo melius cogitati non potest. At ejusmodi non esset, si ipsi deesset scientia, ut cuique manifestum est. Hinc ipsi Ethnici Philosophi Dei scientiam prædicarunt. Sic Menander ap. Clement. Alex. Lib. V. Strom. Deum appellat *oculum omnia cernentem*.

Secunda pars patet; cum enim ratiocinatio sit a re nota ad rem ignotam progressus, imperfectionem arguit, quæ a Deo ableganda est. Videt ergo Deus conclusiones in principiis, sed non eruit ex principiis conclusiones.

Dices. Ea est essentia, et natura scientiæ, ut adquiratur per ratiocinationem. Ergo aut in Deo non est proprie dicta scientia, aut est ratiocinatio.

1^a. Neg. ant. Scientiæ enim natura id tantum requirit, ut cognoscantur evidenter effectus in causis, constet in principiis: quod autem mens nostra per gradus quosdam cognoscat ex causis effectus, et ex principiis conclusiones, id ex ejus infirmitate est.

PROPOSITIO II.

Scientia Dei est actus simplicissimus, immutabilis, & infinitus, & causa omnium rerum. Tres prædictæ partes ad fidem pertinent.

Prob. 1^a. pars. Sap. VII. 22. dicitur de Sapientia Dei: Est in illa Spiritus intelligentiæ Sanctus, unicus, & multiplex, h. e. qui unico obtutu multiplicia objecta pervadit.

Prob. 2^a. pars. Ipse Deus immutabilis est, ut supra docuimus Cap. VI, et perfectissimus. Ergo mutari non potest ejus scientia, quæ est idem reapse cum ejus essentia; alioquin vel novam scientiam perfectionem adquireret, vel amitteret quam habebat, quod utrumque imperfectum est, ac Deo repugnat. Hinc Augustinus Lib. XIII. Confes. cap. 16. Sicut, inquit, omnino tu es, tu scis solus, qui es incommutabiliter, & scis incommutabiliter, & vis incommutabiliter.

Prob. 3^a. pars. Psal. CXLV. Sapientia ejus non est finis, non est numerus. Infinita ergo est non solum ex-

sensive, ut aiunt, propter infinita objecta, quæ cognoscir, verum etiam *intensive*, quia certissima, et evidentiissima est, et objecta omnia intus pervadit, et comprehendit. Unde ait Augustinus *Lib. XII. De Civ. cap. 20. In una Dei sapientia esse immensos quosdam, atque infinitos thesauros rerum intelligibilium, in quibus sunt omnes invisibiles, atque incommutabiles rationes rerum etiam visibilium & mutabilium*. Tres autem illæ priores propositionis partes ad fidem pertinent.

Prob. 1. pars. I. ex Scriptura. Prov. VIII. 30. Sapientia de seipsa loquens ait: cum eo eram cunctis componens. Et Joan. I. 3. Omnia per ipsum facta sunt, namque per Verbum, quod est sapientia Patris.

Prob. II. ex PP. Gregorius M. Lib. XX. Moral. cap. 22. Quæ sunt, inquit, non ab æternitate ejus ideo videntur, quia sunt, sed ideo sunt, quia videntur. Quod et docuit Augustinus Lib. XV. de Trin. cap. 13. Dionysius Lib. De Div. Nominib. cap. 7. alique (a).

Prob. III. ratione D. Thomæ. Se habet scientia divina ad res omnes, sicut ars in artifice ad res effectas. Unde dicitur Sap. VII. 21. Omnisque artifex est Sapientia. Atque scientia artificis est causa operis simul cum voluntate, et potentia artificis. Ergo et scientia Dei simul cum ejus voluntate, et omnipotentia est causa rerum. Preterea si scientia Dei non esset rerum causa, res ipsæ causa essent scientiæ Dei. Repugnat autem, res creatas esse causas scientiæ divini. Ergo.

Corollaria

Cum ergo Deus per suam voluntatem, et omnipotentiam non solum res omnes creaverit, verum etiam ad omnes creaturarum actiones concurrat, hinc scientia etiam Dei causa est non modo rerum omnium, sed et

(a) Ambrogius *Lib. 1. Hexam. Cap. 2. Maximus Mart. in Schol. ad Cap. 5.*

omnium motum cuiuscunque creature, saltem per
concursum.

II. Cum in peccato (quod est etiam quidam creaturæ moras) duo sint, actio scilicet *physica*, ac *materialis*, et ipse defectus, qui est *formale peccati*, patet, scientiam Dei non esse causam peccati, quoad ejus formalem rationem, quia in ea ratione non est aliquid *positivum*, sed *negativum*, quod non oritur a causa efficiente, sed deficiente, ut suo loco dicemus.

Objecta diluuntur.

Objic. In *cont. q^m parvum*. Patres multi videntur asserere, ideo res a Deo præsciri, quia futuræ sunt, non ita futuræ esse, quia præsciuntur. Sic Origenes in *Cap. VIII. Ep. ad Rom.* *Quia futurum est, inquit, aliquid, ideo scitur a Deo antequam fiat.* Et Iustinus, seu quis auctor *Lib. Quest. ad Orthod. Quest. LVIII.* *Non iste prænotio causa ejus, quod futurum est, sed quod futurum erat, causa est prænotionis.* Hieronymus *Dial. III. cont. Pelagium.* *Non ideo peccavit Adam, quia Deus hoc futurum noverat, sed præscivit Deus quod ille erat propria voluntate facturum.* Similia docent Cyrillus Alex. Damascenus, Chrysostomus, et alii, quos congerit Sueret. Ergo.

Ans. Neg. conf. Laudati enim Patres vel loquuntur de peccatis, quorum scientia Dei causa non est, vel si de omnibus actionibus loquuntur, intelligendi de scientia mere *speculatrice*, quæ non est conjuncta cum voluntate, et omnipotentia ad opus efficiendum. Sed opera jam effecta conuertitur, de qua scientia dicitur *Gen. I. 31.* *Vidit Deus cuncta, quæ fecerat, et erant valde bona.* Quæ quidem scientia mere *speculatrix*, licet in Deo reipsa non distinguatur a *præctica*, distinguitur tamen ratione.

Objic. II. Prius est rem esse, quam cognosci. Ergo. *Ans. Dist. ant.* prius est rem esse, quam cognosci scientia mere *speculatrice*, *cont.* scientia *præctica*, quæ est scientia artificis, *neg.*

PROPOSITIO. III.

*Præscientia Dei ita est causa rerum, ut causis
liberis necessitatem non imponat. Fidei
dogma est.*

Prob. prop. contra Joannem Hus in Concilio Constantiensi damnatum, et veteres Stoicos. Ille enim post Manichæos, et Priscillianistas, posita Dei præscientia, negavit hominum libertatem: isti e contrario, posita hominum libertate, Dei præscientiam negarunt, quam falso putabant, cum libertate hominis stare non posse. Stoicorum insanium secutus est Socinus. Ita etiam sensu Cicero Lib. II. De divin. Unde Augustinus Lib. V. De Civ. cap. 9. Tullius, inquit, crepta Deo præscientia, ne libertatis damnum homo sentiret, homines dum vult facere liberos, facit sacrilegos.

Prob. itaque prop. I. ex iis Scripturarum, et Patrum testimoniis, quibus suo loco adstuemus Angelorum, et hominum libertatem. Cum enim omnia a Deo præscita sint, et tamen creature illæ spirituales libere operentur, manifestum est, Dei præscientiam non imponere illis necessitatis jugum.

Prob. II. ratione. Cum præscientia Dei, et sapientia, quæ est omnium artifex, sit immutabilis, ut supra ostendimus, ac proinde falli nescia, necesse est, ut cuncta in tempore eveniant eo modo, quo Deus ab æterno præscivit, et ordinavit. Atqui præscivit, et ordinavit, quædam eventura necessario, quædam autem libere, ac proinde quibusdam effectibus aptavis causas necessarias, aliis vero liberas. Ergo tantum abest, ut præscientia Dei imponat causis liberis necessitatem, quin potius ab ipsa Dei præscientia oritur, et servatur earum libertas. Mover enim certissime Deus creaturam suam, secundum naturam, quam ipse creavit, et servat. Simili ratione utitur S. Thomas I. P. Q. XIX. art. 8. ut probet, voluntatem Dei, quæ semper cum præscientia juncta est, non imponere causis liberis necessitatem. Alias rationes vide apud Anselmum Lib. De Concordia præscientiæ Dei cum libertate, Augustinum Lib. III. de lib.

lib. arb. Cap. 3. 4. & Lib. V. De Civ. Cap. 19. Boetium De consolat. Lib. V. Prosa 4.

Solvuntur objectiones.

Objec. I. Quod Deus ab æterno præscivit, non potest non evenire, alioquin Dei præscientia falleretur. Ergo necessario evenit.

R. *Dist. ant.* Non potest non evenire eo modo, quo Deus præscivit, *conc.* Alio modo, *neg.* Cum Deus præsciverit ab æterno, quædam libere eventura, profecto si illa in tempore necessario evenirent, tunc Dei præscientia falleretur; non fallitur autem cum eveniunt libere.

Inst. 1^o. Contradictionem implicat dicere, aliquid non posse non evenire libere. Quod enim liberum est, potest non evenire; quod autem non potest non evenire, liberum non est. Ergo.

R. *Dist. ant.* Si loquamur *absolute*, *conc.* Si loquamur *hypothetice*, *neg.* Absurdum enim esset absolute dicere: Petrus non potest non currere libere. Sed facta hypothese, quod Petrus jam libere currit, recte dicere possumus: Petrus non potest non currere libere, quia non potest simul currere, & non currere. Cum ergo Deus ab æterno præsciverit, & ordinaverit, quædam certissime, sed libere eventura; posita hypothese illa, contradictionem non implicat, ea non posse non evenire libere. Est igitur hæc necessitas *hypothetica*, & *consequentia*.

Inst. 2^o. Si libere eveniant, fieri potest hypothesis, ut actu non eveniant; in hac autem hypothese Dei præscientia falleretur, quod est absurdum. Ergo.

R. *Nego seq. maj.* Hoc enim posito, quod Petrus libere currat, idque ab æterno præsciverit Deus, fieri nequit hypothesis, quod simul non currat.

Inst. 3^o. Possibili posito in actu, nihil sequitur absurdum, ut commune habet effectum. Ergo fieri potest hypothesis, ut quæ possunt non evenire, non eveniant.

R. *Dist. ant.* Eo modo, quo possibile est, *conc.* Alio modo, *neg.* Porro possibile non est, ut Petrus libere currat, et simul non currat. Potest quidem dum currit

non currere in sensu diviso, hoc est potentia sejuncta ab actu, sed non in sensu composito, hoc est potentia cum actu conjuncta.

Inst. 4°. Antequam Petrus currere inciperet, poterat actu non currere. Tunc ergo falsa fuisset Dei præscentia.

R. Neg. conf. Nam si Petrus actu non cucurisset, hoc ipsum præcisset Deus.

Objic. II. Præscentia Dei est necessaria, æterna, immutabilis; ergo quæ a Deo prævidentur, cuncta sunt necessaria.

R. Dist. ant. Est necessaria quod ad substantiam, *conc.* quia quidquid est in Deo, est ipse Deus, purus, simplex, et necessarius actus. Est necessaria quoad connotationem, ut ajunt, sive relationem ad objecta, *neg.* Unus enim, idemque actus Dei necessarius infinita respicit objecta, quorum alia sunt necessaria, alia libera, alia possibilia.

§. II.

De Objecto Scientiæ Divinæ.

PROPOSITIO

Objectum scientiæ Dei est primo Deus ipse, deinde cætera omnia præterita, præsentia, futura absoluta; & conditionata, possibilia, & ipsæ internæ cordium cogitationes.
Est dogma fidei.

Prob. 1°. Deus seipsum, et attributa omnia absoluta, et relativa cognoscit, et comprehendit. Cum enim scientia Dei perfectissima sit, habeat necesse est objectum perfectissimum, quod est ipse Deus. Hinc scientia ista in Scripturis tribus personis Divinis, tamquam ipsis propria tribuitur. *Luc. X. 22. Nemo scit quis sit Filius, nisi Pater, & quis sit Pater, nisi Filius. I. Cor. II. 11. Quæ Dei sunt nemo cognovit, nisi Spiritus Dei.*

2°. Cætera omnia, *Heb. IV. 13. Non est ulla creatura*

sura invisibilis in conspectu ejus, omnia autem nuda sunt, & aperta oculis ejus.

3^o. Præterita, præsentia, & futura absoluta. *Psal. CXXXVII. Tu cognovisti omnia novissima, & antiqua. Eccli. XXIII. 29. Deo. antequam crearentur omnia sunt agnita. Rom. IV. 17. Vocat ea, quæ non sunt, sæpius ea quæ sunt. Et Isaiz XLI. 22. præscientia futurorum contingentium, tamquam proprius divinitatis character ponitur. Annunciate quæ ventura sunt in futurum, & sciemus quia Dii estis vos. Unde Tertullianus Apologi. cap. 20. Idoneum testimonium divinitatis est veritas divinationis, & Lib. II. cont. Marc. cap. 5. Præscientia Dei tantas habet testes, quantos fecit Prophetas (a).*

4^o. Etiam futura conditionalia. *Matth. XI. 21. Vae tibi Corozain, vae tibi Betsaida, quia si in Tyro, & Sydone factæ fuissent virtutes, quæ factæ sunt in vobis, olim in cinere, & cilicio poenitentiam egissent. Et I. Reg. XXIII. interroganti Davidi, an cives Gethæ ipsum tradituri essent Sauli, si ibi David morari pergeret, respondit Dominus: Tradent.*

5^o. Possibilia. Si enim seipsum, suamque omnipotentiam comprehendit, utique omnia possibilia videt.

6^o. Denique internas cordium cogitationes. *Psal. CXXXVII. Intellexisti cogitationes meas de longe. I. Paralip. XXVIII. 9. Omnia corda scrutatur Dominus, & universas mentium cogitationes intelligit. Jerem. XVII. 10. Ego Dominus scrutans cor, & probans renes Eccli. XXIII. 28. Oculi Domini multo plus lucidiores suas super solem. . . . hominum corda insuentes in absconditas partes. Ergo &c. Mittimus alia innumera Scripturæ loca, & Patrum testimonia.*

Ob.

(a) Franciscus Junius contrarium Socini errorem fate confutat in *Refutat. Prelimin. Socini Tom. II. Prælect. Theolog.* Idem præstat Hornebekius in *Socinianismo Confutato.*

Objectiones solvuntur.

Obje. I. Deus aliquando de futuris dubitando loquitur, ut ex gr. *Jerem. XXVI. 3. Noli subtrahere verbum, si forte audiant, & convertantur. Ergo.*

R. Dist. ant. Id facit, ut explicet, tam esse apud homines liberam, dubiam, & difficilem, conc. apud Deum, neg. Hieronymus in *Cap. XXVI. Jerem. Verbum*, inquit, *ambiguum* forsitan *majestati divinae non potest convenire, sed nostro loquitur affectu, ut liberum homini servetur arbitrium.* Simili ratione rem explicat Augustinus in *Psal. II. & Tract. XXXVII. in Joan.*

Obje. II. Nonnulla prædixit Deus, quæ postea non evenerunt, ut *IV. Reg. XX. 1.* per *Isaiam* prædixit *Ezechia*: *Præcipe domui tuae; morieris enim tu, & non vives*, qui tamen ab infirmitate convaleuit: & *Jonas III. 4. Adhuc quadraginta dies, & Ninive subvertetur*; quæ tamen subversa non est. Ergo.

R. Dist. ant. Et ea Deus prædixit eventura, spectato causarum ordine, conc. Spectato decreto, & præscientia Dei, neg. *Ezechias* enim revera moriturus erat, spectata vi morbi, & *Ninive* subvertenda propter peccata; sed sciebat Deus, se daturum præter ordinem causarum secundarum *Ezechia* vitam propter orationem, & *Ninivitis* veniam propter poenitentiam. Itaque *S. Thomas 2^a. 2^a. Q. CLXXI. art. 6. ad 2.*

Obje. III. Deus in Scripturis dicitur peccata non videre: *Mundi sunt oculi tui, ne videant malum. Habacuc. I. 13.* Et merito; peccatum enim in sua formali ratione non est aliquod positivum, sed mera privatio boni; quid est aliud, quod malum dicimus, nisi mera privatio boni? inquit Augustinus, *Enchirid. cap. 21.* Atqui mera privatio videri non potest. Ergo.

R. ad 1^m. Dist. ant. Dicitur peccata non videre, quatenus ea non approbat, aut non cito in hac vita castigat, conc. quatenus ea non cognoscit, neg. Deus itaque in Scripturis sæpissime dicitur peccata omnia videre. *Videns Deus, quod multa malitia hominum esset in terra, Genes. VI. 5. Delicta mea a te non sunt abscondita, Psal. LXXVIII. &c.* sed tamen aliqua dicitur non

non cognoscere quæ non probat, ut *Matth. VII. 23.* Numquam novi vos, discedite a me qui operamini iniquitatem: et *Matth. XXV. 12.* Amen dico vobis, nescio vos. Vide *Augustinum Quest. CLII. in Exod. & in Psal. C.* sicut e contrario dicitur cognoscere quæ diligit, & probat, ut *Psal. I. Novit Dominus viam justorum.* & *Rom. XI. 2.* Non repulit Deus plebem suam, quam præscivit. Aliquando etiam dicitur non cognoscere quæ nondum castigat; ita enim se perit, quasi ea ignoraret. *Proiecisti*, inquit, *post tergum tuum omnia peccata mea. Is. XXXVIII. 17.* Omnium iniquitatum ejus non recordabor, *Ezech. XVIII. 22.*

Ad 2^m. dist. min. Mera privatio videri non potest per se ipsa, conc. per bonum sibi oppositum, neg. Per hoc ipsum, inquit *S. Thomas I. P. Q. XIV. art. 10.* quod Deus cognoscit bona, cognoscit etiam mala, sicut per lucem cognoscuntur tenebræ. Et revera cum Deus sit supremus iudex, qui reddet unicuique secundum opera ejus *Rom. II. 6.* absurdum est, eum ignorare mala, quæ pro merito punit. Imo e contrario ipse solus peccati malitiam comprehendit, quia ipse solus summum bonum comprehendit, cui peccatum adversatur.

Objic. IV. Genes. XXII. 12. ait Deus Abraham: Nunc cognovi, quod times Deum; ergo antea internam Abraham justitiam non plene cognoverat.

2^a. Neg. conf. Ea enim locutio metaphora est. Quia enim apud homines occulta cordium per opera externa noscuntur, ideo dicitur Deus cognoscere Abraham obedientiam, cum per externos actus se prodidit. Cognovi igitur idem est, ac feci manifestum, sicut dicitur etiam *Rom. VIII. 26.* Spiritus postulat pro nobis, hoc est postulare facit.

Solutio,

Etsi *Augustinus Lib. V. de Civ. cap. 9.* dicat: confiteri esse Deum, & negare præscium futurorum, apertissima insania est; tamen *Lib. II. ad Simplic. Quest. 2.* ostendit, præscientiam Dei longe esse ab humana dissimilem duabus rationibus, 1^o. enim quæ homines præsciunt, remota ab ipsis sunt; Deo autem omnia sunt

Tom. I.

G g

præ-

præsentissima, 2^o. cum res, quas prævidebamus, eveniunt, accedit aliquid perfectionis notitiæ nostræ; at contra nihil in tempore potest addi scientiæ Dei. Scit ergo Deus, inquit, & præscit Deus ineffabili modo.

§. III.

De mediæ scientiæ Dei.

Adv. I. Videndum modo est, quo in medio videat Deus ea, quæ superiore articulo scientiæ divinæ objecta esse diximus. Medium autem scientiæ Dei vocant Theologi id, in quo, tamquam in causa, Deus aliquid cognoscit. Et quidem in quo Deus videat seipsum, & omnia creata, imo & omnes actus creaturarum necesarios, facile erit edocere. At gravissima controversia est inter Theologos, quo in medio Deus actiones creaturarum liberas cognoscat. Quæ quidem questio cum pendeat ab alia, quænam scilicet sit causa, creaturas libere movens ad agendum, potius rejicienda esset, ad Tractatum de Gratia Dei. Sed quia Theologi omnes eam hic agitant, de illa nos etiam paucis hic agemus; uberio-rem enim ejus notitiâ, nisi pertractatis de Gratia questionibus, tirones accipere non possunt.

II. Cardinalis Cajetanus, cui accessit etiam Gonet, aliique putant, actiones creaturarum liberas prævideri a Deo in reali eorum coexistentia cum æternitate, non quod illæ extiterint ab æterno, sed quia ipsa æternitas non habet prius, & posterius, sed est interminabilis vitæ tota simul, & perfecta possessio, indivisibilis, omnia simul tempora comprehendens. Quæ quidem sententia manifeste aberrat a veritate. Futura enim non existunt ab æterno, ergo non coexistunt æternitati. Licet autem æternitas indivisibilis sit, tamen virtualia quædam puncta, seu instantia sunt, quæ præcedunt futurorum existentiâ. Sicut & humana Christi natura, ut suo dicendum est loco, licet conjuncta sit Verbo, quod est simplicissimum, & indivisibile; tamen non coexistit ubique, ubi Verbum existit. Ergo antequam res fierent, erant in Dei scientia, non erant in sua natura, inquit Augustinus Lib. V. de Gen. ad lit. cap. 18.

III. At Thomistæ fere omnes putant, actiones omnes creaturarum rationalium videri à Deo in decreto, quo statuit ab æterno illas *physice præmovere* ad agendum; docent enim ipsi, nullum fieri posse à creatura rationali actum sine physica Dei præmotione.

IV. Pugnant ex adverso *Ludovici Molinae* sectatores, qui nullam agnoscunt *præmotionem*, docentque, actus omnes creaturarum, sive sint naturales, sive supernaturales; sive in statu naturæ integræ, sive in statu naturæ lapsæ videri à Deo in seipsis; quatenus in essentia divina tamquam in speculo repræsentantur.

V. Theologi, quos *Augustinianos* vocant, media incedunt via. Distinguunt enim inter actus naturales, & supernaturales; item inter actus supernaturales naturæ integræ, & actus supernaturales naturæ lapsæ. Et quoad actus quidem naturales, & supernaturales naturæ integræ *Molinae* assentiuntur; Thomistis vero quoad actus supernaturales naturæ lapsæ.

PROPOSITIO I.

Deus in nullo medio essentiam suam, & attributa videt.

Prob. 1.ª pars. Medium divinx scientiæ illud est, in quo tamquam in causa videt Deus objectum. At nulum fingi potest medium, quod sit, etiam nostro intelligendi modo, prius essentia divina, aut illius causa, aut radix. Ergo.

Prob. 2.ª pars. Etsi attributa divina nostro intelligendi modo fluere concipiuntur ab essentia; non ita tamen ea videt Deus, sed ut sunt in seipsis, nempe reipsa idem cum essentia sua, unusque simplicissimus actus, ac proinde si essentiam in nullo medio videt, idem de attributis dicendum est, quidquid alii Theologi in contrarium afferant.

PROPOSITIO II.

Deus videt cetera omnia in seipso.

Prob. I. ex PP. 1º. Dionysius de divin. nominibus, cap. 7. Divina, inquit, Sapientia seipsam cognoscens, scit omnia. 2º. Ambrosius Tract. in Symbol. cap. 1. Nihil extra intelligere, sed singula intueri dicitur. 3º. S. Thomas I. P. Q. XIV. ar. 5. Deus seipsum videt in seipso, alia autem a se videt non in ipsis, sed in seipso (a).

Prob. II. ratione 1º. Operationes intellectus speciem, & perfectionem accipiunt ab objecto primario. Si ergo Deus non in seipso videret res alias, sed in se ipsis, essent illæ primarium objectum divinæ operationis, ac proinde hæc ab illis speciem, ac perfectionem acciperet. Hoc autem, inquit S. Thomas Lib. I. cont. Gent. cap. 4. est impossibile, cum ejus operatio sit ejus essentia, & hæc, quippe ens a se, nequeat ab alio distincto speciem accipere. Sic igitur impossibile est, quod intellectum a Deo primo, & per se sit aliud ab ipso.

2º. Res, quæ a Deo noscuntur, vel sunt possibilis, vel creaturæ, vel creaturarum actiones necessariæ, vel liberæ. Si sunt possibilis, vel creaturæ, vel earum actiones necessariæ, patet, Deum illas videre tum in sua ipsius scientia, tamquam in arte sua, tum in decreto, quo ab æterno statuit illas producere talibus instructas proprietatibus, ex quibus certæ actiones necessario prodeunt. Si vero sunt actus liberi; licet inter creaturarum naturam, illosque liberos actus non sit necessaria connectio, est tamen (positis circumstantiis) infallibilis nexus, quem nos non

(a) Add. Maximus M. in Scholiis ad Dionys. Augustinus Lib. 83. Quest. Q. XLVI., & Lib. XI. De Civ. Cap. 7. & alibi. Anselmus Monolog. Cap. 9. & 33. Continunt ipsi Philosophi. Plotinus Ennead. V. Lib. 9. Cap. 5. Alcinoüs Lib. de Dogm. Plat. Ammonius in Arist. Lib. Periermenias.

videmus, sed videt Deus, cui intime perspecta est natura rerum. Ergo etiam in systemate *Moliniano* verum est, Deum omnia videre in seipso; a fortiori igitur in systemate *Thomistarum*, & *Augustinianorum*.

Corollarium.

Habet ergo Deus in seipso omnium rerum tum existentium, tum possibilium *ideas*, hoc est similitudines intelligibiles, quibus tamquam in speculo res omnes representantur, quæ quidem *ideæ* non sunt ab ipsa Dei substantia distinctæ. Id aliquo pacto veteres Philosophi cognoverunt, in primis Plato, qui ex *Clemente Alex. Lib. V. Strom.* duplicem distinguebat mundum, intelligibilem in Deo, & materialem extra Deum, sicut in mente Architecti est exemplar spiritale operis, extra Architectum est opus ipsum materiale. In eo tamen ab *Aristotele* reprehenditur *Lib. I. Metaphys.* quod *ideas* illas posuerit a mente divina distinctas, licet *Platonem* nonnulli defendant, *Aristotelem* calumniæ possint (a), *Boetius Lib. III. de Consol. metr. 9.*

Tu cuncta superno
Ducis ab exemplo, pulchrum pulcherrimus ipse
Mundum mente gerens, similique ab imagine formans.

Damasceus Lib. I. de Fide cap. 3. Deus omnium auctor est; ergo omnium, quæ sunt, rationes in se, & causas, hoc est *ideas* jam ante in ipso præhabet. Mundum hunc intelligibilem *Philo Iudæus (de Mundi Opificio)* appellat ipsum Verbum Dei. Joannes in Evangelio *Cap. I. 4.* quod factum est in ipso (verbo) vita erat. Verbum enim Dei est ipsa substantialis, et subsistens Sapientia, et Intelligentia Patris, in qua sunt rerum omnium æternæ rationes, et *ideæ*. Cum autem Dei sapientia una

G g 3 sit,

(a) De ideis Platoni vide *Petavius Lib. IV. Cap. 9. Historiarum Hæres. Philos. Klotzium in Theolog. natur. Disp. XII.*

fit, hinc revera unica est in Deo rerum omnium idea, *virtualiter* multiplex, propter infinita *objecta*, quae repraesentat.

Dices. Si Deus omnia cognosceret in se ipso, ejus cognitio non esset *intuitiva*, sed indirecta, et ut ajunt, *abstractiva*, sicut cum videmus effectum non in ipso, sed in causa. Falsum consequens, quia visio *abstractiva* imperfecta est. Ergo.

R. Dist. ant. Si Deus res alias cognosceret in seipso secundum rationes generales, et non in propria ipsarum idea; *conc.* Si secundum rationes individuales, et in propria ipsarum idea, *neg.* Nos itaque oblique, et imperfecte videmus effectum in causa, *ex. gr.* in arbore brumali frigore veluti emortua futuros fructus, quia non videmus fructus ipsos, nisi secundum generales quasdam rationes; nec in propriis singulorum fructuum ideis. At Deus in seipso videt usque ad minutissimas rerum omnium atomos, et quidem in propriis, et perfectissimis earum ideis.

PROPOSITIO III.

Futura libera ordinis supernaturalis in statu naturae lapsae videt Deus in suo decreto efficaci; reliqua vero in essentia sua tamquam in idea, quae voluntatem creatam, omnesque ejus motus certissime repraesentat.

Prob. 1. pars. Deus ab aeterno decrevit, se facturum per gratiam efficacem, ut homines in statu naturae lapsae actus illos supernaturales exerceant. Ergo in eo decreto actus illos vidit. *Prob. ant.* Ezech. XXXVI. 26. *Auferam, inquit, cor lapideum de carne vestra, & dabo vobis cor carneum, & spiritum meum ponam in medio vestri, & faciam, ut in preceptis meis ambuletis.* Et Apostolus Ephes. I. 4. *Elegit nos in ipso ante mundi constitutionem, ut essemus sancti, & immaculati in conspectu ejus in charitate. Qui praedestinavit nos . . . secundum propositam voluntatis suae in laudem gloriae gratiae suae . . . in quo etiam & nos sorte vocati sumus, praedestinati secundum propositum*

factum ejus, qui operatur omnia secundum consilium voluntatis suae. Et Cap. II. 8. Gratia enim estis salvati per fidem, & hoc non ex vobis; Dei enim donum est: non ex operibus, ut ne quis gloriatur; ipsius enim sumus factura, creati in Christo Jesu in operibus bonis, quas preparavit Deus, ut in illis ambulemus. In quæ verba sole clariora scribit Augustinus Lib. de Prædestinatione. Sanct. cap. 17. Hæc est immobilis veritas prædestinationis, & gratiæ . . . ait Apostolus: Elegit nos in ipso ante mundi constitutionem, ut essemus sancti, quod profecto si propterea dictum est, quia præcivit Deus creditavos, non quia facturus fuerat ipse credentes, contra istam præscientiam loquitur Filius dicens: non vos me elegistis, sed ego elegi vos. Electi sunt itaque ea prædestinatione, qua Deus utique sua futura facta præcivit . . . elegit . . . non quia sancti, & immaculati futuri eramus, sed elegit, prædestinavitque, ut essemus. Sed de his fufius in Tract. de Gratia.

Prob. 2^a. pars. Reliquæ actiones creaturarum liberæ vel sunt supernaturales in statu naturæ innocentis, vel naturales in utroque statu. At neutras Deus efficaci motione operatur in tempore, ac proinde neutras decrevit, se operaturum ab æterno. Ergo non videt in suo decreto efficaci. Prob. min. de actibus supernaturalibus naturæ innocentis. S. Augustinus Lib. de Corrupt. & grat. cap. 10. 11. & 12. docet, Angelos, et homines in statu innocentis non fuisse a Deo motos auxilio quo certissime operarentur, sed auxilio verlatili sine quo non possent. Istam, inquit, gratiam non habuit homo primus, qua numquam vellet esse malus, sed sane habuit, in qua si permanere vellet, numquam malus esset, & sine qua etiam cum libero arbitrio bonus esse non posset . . . tale quippe erat adjutorium, quod desereret cum vellet, & in quo permaneret si vellet, non quo fieret ut vellet. Hæc est gratia, que data est primo Adam, sed hæc potentior est in secundo Adam. Prima est enim, qua fit, ut homo habeat justitiam, si velit; secunda ergo plus potest, qua etiam fit, ut velit . . . Fortissimo quippe permisit, atque dimisit facere, quod vellet: infirmis servavit, ut ipso donante, invictissime quod bonum est vellent, & hoc deservere invictissime nolent.

lent. Quod fufè protequitur loco citato; nosque uberiorius suo loco tractabimus. Si autem ad actus supernaturales naturæ innocentis decretum efficax non fuit neceffarium, a fortiori ad actus naturales. Ergo.

Prob. II. ead. 24. pars. Decretum divinum *physicè* promovendi voluntates creatas ad actus liberos naturales requirit *exigentiam*, ut ajunt, creatarum voluntatum, ne destruat liberum earum arbitrium. Ergo decretum illud non est fufficiens *medium*, quo Deus videat futuros creatæ voluntatis actus liberos, sed recurrit quæftio, in quonam medio Deus illam videat *exigentiam*.

Cum ergo Deus non videat eos actus in suo decreto efficaci, & aliunde eos videat in feipfo, ut fuprà est demonstratum, fequitur, Deum illos videre in fua effentia, in qua tamquam in arte fua, & univerfali omnium rerum idea, videt omnes creatas voluntates, earumque propenfiones, & motus, qui inde certiffime, licet libere eveniant.

Dices. Effectus, qui pendet a duplici cauffa, non potest in una earum certiffime videri; atqui actus fupernaturales, tum a Gratia Dei, tum a creatæ voluntate pendunt. Non ego autem, inquit Apoftolus I. Cor. XV. 10. fed gratia Dei mecum. Ergo.

R. Diff. maj. Si una cauffa alteram non determinet, *conc.* Secus, nego. Porro in ftatu naturæ lapfæ gratia certiffime voluntatem movet; in ftatu innocentia, ut fuo loco monftrabimus, fecus fe res habuit.

PROPOSITIO IV.

Futura conditionalis, quæ tamen non erunt, quia non ponitur conditio, videt Deus in fua effentia, tamquam in iaea, qua cuncta poffibilia cognofcit.

Prob. Futura illa, de quibus loquimur, effent quidem, fi conditio poneretur, fed quia fcit Deus, conditionem numquam extitutam, videt, ut meta poffibilia. Ergo.

§. IV.

De divisione scientiæ Dei.

Adv. I. Licet unica, et simplicissima sit scientia Dei, tamen, nostro intelligenti modulo, propter multiplicia objecta multiplex ejus divisio est.

I. Dividitur ergo 1^o in speculatricem, sive *speculativam*, et *practicam*. Prior respicit objecta non producenda a Deo, ut cognitio sui ipsius, et rerum possibilem; altera res a Deo producendas, ut cognitio hujus universi:

II. Dividitur 2^o in necessariam, et liberam. Prior est de objectis, quæ a libero Dei decreto non pendent, ut cognitio possibilem; altera est de objectis, quæ a decreto illo pendent, ut cognitio rerum existentium.

III. Dividitur 3^o in scientiam *simplicis intelligentiæ*, et scientiam *visionis*. Prior est de rebus mere possibilem, quæ nec fuerunt, nec futuræ sunt: altera vero de rebus existentibus in aliqua *differentia* temporis, h. e. sive præteritis, sive præsentibus, sive futuris.

IV. De hac postréma scientiæ Dei divisione gravis exitit Sæc. XVI. controversia inter Theologos. *Ludovicus* enim *Molina Libi. de Conc. Quest. XXIII. art. 4.* docet, *adequatam* non esse divisionem ejusmodi; sed inter scientiam simplicis intelligentiæ, & visionis *mediam* quamdam agnoscendam esse scientiam, qua prævidentur a Deo res, quæ non sunt mere possibilem, nec futuræ, sed futuræ essent sine efficaci Dei decreto, si aliqua conditio poneretur, ut *et. gr.* conversio Tyrionum, si apud ipsos Christus miracula patrasset. Hæc Molinæ doctrina arctissime conjuncta est cum ea, quam articulo superiore consutavimus, atque ideo sicut pro scientia media, tamquam pro aris, & focus Molinistæ certarunt, ita in eam ipsis viribus insurrexerunt Thomistæ simul, & Augustiniani; nisi quod posteriores illi concedunt, agnosci posse scientiam mediam de actibus naturalibus, imo & supernaturalibus Angelorum, & hominum in statu naturæ innocentis.

PRO-

PROPOSITIO.

Adequata est scientia Dei diviso in scientiam simplicis intelligentiæ, & visionis, ideoque tamquam communis rejicienda est scientia mediæ.

Prob. I. Quidquid ab æterno cognoscit Deus, vel erit, vel non: ipsa etiam conditio, sub qua nonnulla dicuntur futura, vel vera erit aliquando, vel non: nihil medium est. Atqui si res erit, pertinet ad scientiam visionis; si non erit, est utique mere possibilis, & ad scientiam simplicis intelligentiæ pertinet. Ergo nulla agnoscenda est mediæ scientia.

Prob. II. Speciatim de actibus supernaturalibus in statu naturæ corruptæ. Augustinus disputans contra Pelagianos, & Semipelagianos non solum rejicit; ac refellit abusum scientiæ mediæ, quo illi hæretici explicare nitebantur, cur e duobus parvulis morientibus unus baptizetur, alter sine baptismo pereat (quippe effusiebant illi, ideo hoc accidere, quia prævidebat Deus unius mala opera, alterius vero bona, si ad ætatem adultam uterque pervenisset); verum etiam ipsam scientiam mediæ. Ait enim, in hoc statu Deum nulla bona opera hominum supernaturalia præscire, nisi quæ ipse decrevit futura: prædestinatione quippe ex præscientiæ, quæ fuerit ipse facturus. *Lib. De prædest. Sane. Hor. cap. 20.* Addit etiam *Lib. de dono persever. cap. 19.* nomine præscientiæ in Scripturis, et PP. si agitur de vocatione electorum, intelligendam prædestinationem: *Quid prohibet quando apud aliquos verbi Dei tractatores occurrit præscientiæ nomen, & agitur de vocatione electorum, eandem prædestinationem intelligere?* Atqui hoc omnino destruit scientiam mediæ, quæ ponitur, Deum aliqua præscire sub conditione futura, sine ejus efficaci decreto. Ergo &c.

Solvuntur Objectiones.

Obje. I. Inter rem mere possibilem , & rem absolute futuram , aliquod est medium , nempe res non quidem absolute futura , nec mere possibilis , sed futura sub conditione . Sic ex. gr. interroganti Davidi , utrum *Ceilitæ* eum in manus Saul essent tradituri , non respondit Dominus *tradere poterunt* , id enim jam sciebat David , sed *tradent* : & Christus increpans Corozaitas , & Bersaitas , non ait , Tyrios , & Sydonios *potuisse* agere penitentiam , si sua miracula vidissent , sed *penitentiam egissent* , at contra neutrum erat absolute futurum , quia revera neutrum accidit . Ergo &c.

R. Neg. anz. Deus enim per scientiam simplicis intelligentiæ præditionem Davidis , & conversionem Tyrriorum ut mere possibilem videbat ; sed per scientiam visionis noscebat etiam pravam Ceilitarum mentem , & minus obduratum cor Tyrriorum , ex quo futurum certo fuisset , ut illi Davidem proderent , si apud ipsos morari pergeret , isti converterentur , si apud ipsos Christus miracula patrasset , cum quibus gratiam quoque efficacem conjunxisset , ut fusius dicemus in Tractatu de Gratia ubi alias etiam Molinistarum objectiones refutabimus :

Obje. II. Sunt nonnulli Augustiniani Theologi , qui docent , poni posse scientiam mediam de actibus humanis mere naturalibus , imo & de supernaturalibus in statu innocentie ; Ergo non videtur rejicienda omnino .

R. Neg. conf. Licet enim de naturalibus operibus , imo & de supernaturalibus in statu innocentie , quæ ab efficaci Dei decreto non pendebant , quæstio mere Philosophica sit , utrum agnoscenda sit scientia media , qua in quæstione licuit Theologis illis quod sibi verisimilius videbatur sentire ; tamen etiam de iis operibus verum est , quod diximus , aut conditionem aliquando exituram , aut non : si primum , rem videri a Deo per scientiam visionis ; sin alterum , per scientiam simplicis intelligentiæ ; atque idcirco universim rejiciendam esse scientiam mediam . Vide rem copiose tractatam apud Gonetum , *Tom. I. Disp. VI. & P. Berti Lib. IV. Cap. 10.*

CAP.

C A P. XIV.

De voluntate Dei.

Adv. I. **E**ffe in Deo voluntatem; tota Scriptura prædicat. *Omnis voluntas mea fiet. Is. XLVI. 10. Fiat voluntas tua Matth. VI. 10.* Dennitum etiam est in Conc. VI. generali contra Monothelitas, esse in Christo duplicem voluntatem, divinam, & humanam; idque etiam ratio demonstrat; cuilibet enim enti sua naturalis in finem inclinatio est, quæ in mente præditis voluntas appellatur. Quamvis autem voluntas Dei una sit, simplicissima, nec ab ejus essentia reapse distinguatur; tamen propter varia *objecta*, quæ respicit, varie a nobis dividitur, variasque nobis contemplandas exhibet proprietates. Igitur quaeremus 1°. quoddam sit divinæ voluntatis objectum, 2°. quæ divisio; 3°. quæ proprietates.

§. I.

De objecto divinæ voluntatis.

Adv. I. Objectum cujuscumque voluntatis duplex in Scholis distinguitur, *materiale*, & *formale*. Materiale est res ipsa, quam volumus; formale est ratio movens, seu *motivum*; sive id propter quod volumus; sicut medicina est materiale objectum voluntatis ægroti; sanitas vero est ejus objectum formale. Objectum autem voluntatis sive materiale, sive formale non potest esse, nisi bonum, ut in Metaphysicis ostenditur, sicut objectum intellectus non potest esse, nisi verum. Videamus ergo quoddam sit voluntatis divinæ objectum materiale, tum formale.

PROPOSITIO I.

Objectum materiale primarium divinae voluntatis est ipse Deus, secundarium vero sunt creaturae omnes siue praeerita, siue praesentes, siue futura.

Prob. 1^a. pars. Omnis voluntas primario suam appetit beatitudinem. At Dei beatitudo alia esse nequit, nisi ipse Deus summum bonum, alioquin esset aliud melius, quo Deus perficeretur, & beatus esset, quod est absurdum. Ergo.

Prob. 2^a. pars, quae ad fidem pertinet, 1^o. ex Scriptura. Sap. XI. 25. *Diligis omnia, quae sunt, & nihil odisti eorum, quae fecisti.* 2^o. ratione. Quidquid est extra Deum, nonnisi ex voluntate Dei est, alioquin vel esset a seipso, vel ab alio principio praeter Deum, quod est absurdum. Deinde quidquid est, quatenus est, bonum est, unde ens, & bonum idem sunt, ut supra docuimus Cap. XII. Atqui voluntas divina, cum sit infinita, omne bonum existens complectitur. Ergo.

Corollarium.

Hinc sequitur, creaturas mere possibiles non esse divinae voluntatis objectum.

PROPOSITIO II.

Objectum formale divinae voluntatis est ipsa Dei bonitas.

Prob. I. Proverb. XVI. 4. Universa propter semetipsum operatus est Dominus. Ergo &c.

Prob. II. Motivum voluntatis divinae non potest esse, nisi aliquod perfectissimum. Ergo nonnisi ipse Deus. Praeterea si *objectum formale* divinae voluntatis esset aliquid praeter Deum, sequeretur, voluntatem Dei moveri ab alio extra se, et ab illo speciem accipere: voluntas enim ab *objecto formali*, siue *motivo* speciem su-

sumit. Atqui utrumque absurdum est. Ergo. Apposite S. Thomas I. P. Q. XIX. art. 2. ad 2. In his, quae volumus, inquit, propter finem, tota ratio movendi est finis, & hoc est quod movet voluntatem, sicut qui vult sumere potionem amaram, nihil in se vult, nisi sanitatem. Unde cum Deus alia a se non velit, nisi propter finem, qui est sua bonitas, non sequitur, quod aliquid aliud moveat voluntatem eius, nisi bonitas sua. Et sic, sicut alia a se intelligit intelligendo essentiam suam, ita alia a se vult volendo bonitatem suam.

Solvuntur objectiones.

Obje. I. Si Deus omnia veller propter seipsum, non amaret creaturas rationales amore amicitiae, quæ tendit in amicum propter ipsum, sed amore concupiscentiae, qui alia appetit propter seipsum. Atqui saltum consequens; ait enim Christus Joann. XV. 15. Jam non dicam vos servos . . . vos autem dixi amicos: ut nos alibi fusius dicemus. Ergo &c.

R. Dist. ant. Si diligeret rationales creaturas propter suam ipsius utilitatem, et non esset in hoc posita creaturarum utilitas, ut diligerentur a Deo propter seipsum, *conc.* Si ideo diligeret propter seipsum, quia hoc in ipsarum creaturarum utilitatem redundat, *neg.* Sicut igitur amor noster perversus esset, si non diligeremus aut nos ipsos, aut amicum propter Deum; ita si Deus non diligeret amicos suos propter seipsum, esset amor ejus inordinatus, atque perversus. Et sicut nos tunc vere diligimus amicos, cum eos diligimus propter Deum, quia tunc verum bonum illis volumus, quando optamus, ut Dei gloria in illis manifestetur; sic Deus ideo vere diligit creaturas rationales, quia vult, ut in eis sua bonitas resuletur, in quo sita est ipsarum creaturarum utilitas. Quodnam enim est creaturarum bonum, nisi Deus? Amor autem concupiscentiae est alia appeteret propter utilitatem nostram; at Deo nihil utilitatis potest ex creaturis accedere; cum bonorum nostrorum non egeat. Pulchre Bernardus *Serm. III. Penit.* Omnia propter semetipsum fecit Deus, omnia propter suos; aliter tamen propter se, aliter propter suos.

Om.

Omnia fecit propter seipsum, gratuita scilicet bonitate, omnia propter electos, pro eorum scilicet utilitate.

Objic. II. Negari non potest, Deum aliquas creaturas fecisse propter alias; sicut dicit Apostolus II. Cor. IV. 15. *Omnia propter vos.* Ergo habet aliud objectum formale præter solam bonitatem suam.

R. Dist. ans. Propter alias, idest in commodam, & utilitatem aliarum, *conc.* Propter alias, tamquam finem, & motivum suæ voluntatis, *neg.* Quod breviter explicat S. Thomas I. P. Q. XIX. art. 5. *Vult ergo,* inquit, *Deus hoc esse propter hoc, sed non propter hoc vult hoc.* Sicut artifex vult primum scalæ gradum ducere ad alterum, sed non propter alterum gradum, tamquam propter finem, gradum primum efformat, quin etiam primum, & omnes reliquos scalæ gradus ad alium finem dirigit. Et sicut Deus intelligit conclusiones fluere ex principiis, & effectus ex causis creatis, sed principia, & causæ creatæ non sunt ei ratio intelligendi conclusiones, & effectus; ita vult unam creaturam alteri inservire, sed altera creatura non est ei ratio, cur velit primam.

Corollarium.

Ergo divina bonitas est prima rerum omnium causa, fons, & origo. Cujuscumque enim operis prima causa est finis, qui agentem movet; ac proinde cum sola bonitas Dei sit finis, & ratio suæ voluntatis; quia scilicet, cum nihil possit adquirere Deus, amat bonitatem suam effundere extra se, ut advertit S. Thomas cit. Q. XIX. art. 2. sequitur, ipsam esse rerum omnium causam, & originem. Hinc Augustinus Lib. I. De Doct. Christi. cap. 32. *Quia Deus, inquit, bonus est, sumus, & in quantum sumus boni sumus.* Ex quo ulterius consequitur, non posse Deum esse mali auctorem, cum enim omnium Divinorum operum prima causa sit ejus bonitas, magis repugnat, posse inde inanare malum, quam ex igne frigus, ex luce tenebras.

§. II.

De divisione divine voluntatis.

Adv. I. Voluntas Dei, quæ unus est, & simplex actus, nostro intelligendi modo dividitur 1^o. in voluntatem *signi*, & *beneplaciti*; 2^o. in voluntatem *antecedentem*, et *consequentem*; 3^o. a nonnullis Theologis in *absolutam*, et *conditionalem*.

II. Voluntas signi per metaphoram dicitur signum aliquod, per quod Deus exterius aliquod se velle significat, sicut cum Deus aliquid

Precipit, aut prohibet, permittit, consulit, implet (seu operatur), quinque enim hisce signis aliquid se velle ostendit; signa autem per metaphoram accipiunt nomen ipsarum rerum, quarum signa sunt. Voluntas vero beneplaciti est ipsum Dei decretum, seu ipsa in Deo *volitio*, qua aliquid ab æterno statuit. Licet vero voluntas signi semper cum aliqua voluntate beneplaciti conjuncta sit, alioquin signum esset mendax, ut advertit S. Thomas I. P. Q. X. art. 12. non semper tamen conjuncta est cum ea voluntate beneplaciti, quam nos putamus. Sic cum Deus præcepit Abraham, ut filium Isaac immolaret, putabat ille, Deum velle ejusmodi sacrificium; cum tamen vellent Deus, manifestam fieri Abrahami fidem, et obedientiam.

III. Voluntas antecedens est, qua Deus aliquid vult, quatenus in se; et sine singularibus ejus circumstantiis bonum est: sic Judex vult omnes cives vivere, et mercator omnes servare merces, quatenus utrumque in se, et sine peculiaribus circumstantiis, bonum est. Voluntas vero *consequens* est, qua Deus aliquid, inspectis omnibus singularibus circumstantiis, absolute decernit. Sic mercator tempestate deterritus, et periculo naufragii, voluntate consequenti merces in mare projicit, et judex civem homicidam morte damnat.

IV. Porro hæc divinæ voluntatis divisio in antecedentem, et consequentem apud omnes Theologos invaluit, imo nec Patribus fuit ignota. At enim Chrysostomus *Homil. I. in Epist. ad Ephes. Prima* (voluntas)

tas) est, ut non pereant, qui non peccarunt. Voluntas secunda est, ut qui facti sunt mali, pereant. Et clarius Damascenus Lib. II. de Fid. cap. 19. Prima quidem voluntate Deus vult omnes homines servari, & regni sui compotes fieri; neque enim supplicii, aut cruciatus causa, verum ad hoc, ut bonitatis ipsius participes simus, nos effinxit: ut iustus autem iis quoque, qui peccant, pœnam infert; Prima voluntas dicitur antecedens... secunda autem consequens.

V. Sed duplex agitur inter Theologos controversia. Prima, utrum voluntas Dei ideo dicatur antecedens, & consequens, quia vel antecedit, vel sequitur prævisum voluntatis humanæ consensum. Secunda, utrum voluntas antecedens sit voluntas beneplaciti, an signi.

VI. Et in priori quidem quæstione Ludovicus Molina, qui statuit contra veterum doctrinam, nullum esse decretum Dei efficax, et absolutum de actionibus creaturarum liberis, ut supra diximus, docet, ideo voluntatem Dei dici antecedentem, aut consequentem, quia nostro intelligendi modo vel antecedit, vel consequitur prævisum creaturæ voluntatis consensum. Quam doctrinam Thomistæ, et Augustiniani totis viribus oppugnant.

VII. In posteriori vero controversia Estius in I. Distr. XLVI. §. 3. Sylvius in I. Part. Q. XIX. art. 6. Bannez, alique Thomistæ putant, voluntatem antecedentem esse in Deo metaphoricam, seu signi. Alii omnes docent, eam esse proprie voluntatem beneplaciti.

PROPOSITIO I.

Voluntas Dei non eo sensu dicitur antecedens, aut consequens, quia antecedit, aut consequitur prævisum voluntatis humanæ consensum, sed ideo potius, quia nostro intelligendi modo antecedit, vel sequitur considerationem singularium circumstantiarum, in quibus versatur creatura rationalis.

Prob. 1^a pars. In statu enim naturæ lapsæ, ut supra docuimus Cap. XIII. §. 3. et uberius demonstrabimus in Tract. de Gratia, actus humani ad salutem æternam perti-

nentes non antecedunt, sed sequuntur voluntatem Dei, suntque ejus voluntatis effectus. Ergo voluntas consequens non est illa, quæ consequitur prævisum voluntatis humanæ consensum, cum ipse consensus voluntate Dei consequente sit posterior.

Prob. 2^a. pars. Ex S. Thoma I. P. Q. XIX. art. 6. ubi, posita divisione voluntatis antecedentis, et consequentis, hæc habet: *Ad cujus intellectum considerandum est, quod unumquodque secundum quod bonum est, sic est volitum a Deo: aliquid autem potest esse in prima sui consideratione, secundum quod absolute consideratur, bonum, vel malum, quod tamen, prout cum aliqua adjuncto consideratur, quæ est consequens consideratio ejus, e contrario se habet. Sicut hominem vivere, est bonum, & hominem occidi, est malum, secundum absolutam considerationem, sed si addatur circa aliquem hominem, quod sit homicida, vel vivens in periculum multitudinis; sic bonum est, eum occidi, & malum est, eum vivere, unde potest dici, quod iudex iustus antecederet vult hominem vivere, sed consequenter vult homicidam suspendi. Similiter Deus antecederet vult, omnem hominem salvari, sed consequenter vult, quosdam damnari secundum exigentiam sue iustitiæ.*

PROPOSITIO II.

Voluntas antecedens, ex. gr. salvas faciendi omnes rationales creaturas, est in Deo vera, sincera, & beneplaciti.

Prob. I. Cum voluntas Dei vera, et propria infinita sit complectitur quidquid est bonum, et optabile, ut supra diximus. Atqui omnes rationales creaturas, in finem supernaturalem a Deo ipso creatas, et ordipatas, salvas fieri bonum est, si creaturæ considerentur in se absque peculiari peccatorum circumstantiis; Ergo id Deus verè, et proprie vult.

Licet autem Deus non possit considerare objecta sine circumstantiis, quia capax non est huiusmodi præcisionum, et abstractionum, quæ fingit humana mens, non valens uno obrutu omnes simul objecti proprietates, et circumstantias intueri; tamen certum est, voluntatem di-

divinam veram, et propriam, quamvis simplicissimam, esse virtute multiplicem, pro varietate scilicet objectorum. Cum ergo in creatura rationali duo sint, et quod natura est a Deo condita ad finem supernaturalem, et quod peccatrix est, quidni voluntas Dei vera, et sincera erga creaturam hanc sit virtute multiplex, ita ut naturam velit salvam fieri, et naturam peccato infectam damnari, quorum primum est voluntas antecedens, posterius consequens?

Prob. II. auctoritate S. Thomæ L. II. in Cap. II. 4. I. ad Timoth. ubi antecedentem Dei voluntatem comparat cum voluntate mercatoris, qui omnes merces servare cupit voluntate antecedente, quis tamen consequente voluntate in mare projicit metu naufragii: constat autem, illam mercatoris voluntatem veram esse, atque sinceram. Et Quæst. XXIII. de Verit. art. 3. ait, voluntatem beneplaciti dividi per antecedentem, & consequentem. Et in IV. Sent. dist. 47. Possumus, inquit, loqui de voluntate beneplaciti vel signi, & de voluntate beneplaciti vel antecedente, vel consequente. Ergo voluntas antecedens beneplaciti est. Et S. Bonaventura in I. Dist. XLVI. quæst. 1. Deus voluntate beneplaciti vult omnes homines salvos fieri, voluntate antecedente vult omnium salutem. Idem docet Scotus in I. Dist. XLVI. q. unic. Et ante hos idipsum SS. PP. tradiderant. Prosper in Resp. ad 2^m. Obj. A. Vincent. Hieronymus in I. ad Tim. Chrysostomus Homil. in cap. 3. I. ad Tim. Augustinus Lib. de Sp. & lit. Cap. 33. & 34. Damascenus Lib. II. de Fid. Orth. cap. 29. Adde etiam, Patres ex hac voluntate Dei servandi omnes erigere fideles in spem, et fiduciam suæ salutis, quod nullius esset roboris, si voluntas illa Dei vera, et sincera non esset. Ergo etc.

Prob. III. Verba Apostoli I. Tim. cap. II. 4. Deus vult omnes homines salvos fieri: si ad litteram intelligantur, de vera, et sincera voluntate accipienda sunt, ut patet. Atqui verba Scripturæ revera ad litteram sunt accipienda, quando sic intellecta nihil continent absurdum, aut bonis moribus, aut aliis Scripturæ textibus contrarium ex generali regula Augustini Lib. III. de Doct. Christ. cap. 15., & 16. Ergo.

Objectiones Solvuntur.

Obbie. I. Augustinus sæpe docet, verba illa Apostoli quæ supra posita sunt: Deus vult omnes homines salvos fieri: intelligenda esse vel in sensu metapharico, quia scilicet facit nos id velle, sicut Rom. VIII. dicitur Spiritus Sanctus postulare pro nobis, quia postulare facit, Lib. de corr. & gr. cap. 15. vel per distributionem accommodatam, quia scilicet omnes, qui salvi fiunt, non nisi ejus voluntate salvi fiunt, sicut dicitur, Magistrum docere omnes pueros civitatis, quia nullus docetur nisi ab ipso: Enchirid. cap. 13. vel de generibus singulorum, non de singulis generum, sicut dicitur de Phariseis: decimatis omne olus; De corrept., & grat. cap. 14. Ergo ex Augustino voluntas Dei salvos faciendi omnes, et singulos homines, vera, ac propria non est: idein dicas de omni voluntate antecedente.

R. Dist. conf. quoad 1^m. partem. Si loquamur de voluntate absoluta, et consequente, de qua loquebatur Augustinus, contra Pelagianps, et Semipelagianos disputans, *conv.* si de voluntate antecedente, *neg.* ac proinde altera consequentiz pars, qui interebatur: *idem dicas de omni voluntate antecedente; absolute neganda est.* Illi ergo, contra quos disputabat S. Doctor, negabant gratuitam electorum prædestinationem, docentes, Deum æque omnes velle salvos, si ipsi per liberum arbitrium legem servant, aut saltem habeant fidei initium; ideoque laudatis Apostoli verbis abutebatur. Augustinus ergo, qui prædestinationem sanctorum ex aliis Scripturæ locis demonstraverat, respondebat, ex laudato Apostoli loco non etui contrarium, quia si de voluntate absoluta, et consequenti intelligatur, ut adversarii intelligebant, in sensu figurato intelligendus est, alioquin omnes revera salvi fierent. Ceterum quando Augustinus non responder objectionibus hæreticorum, sed sententiam proponit suam, non abnuit, verba Apostoli intelligi posse de voluntate Dei vera, et sincera salvos faciendi omnes. *Vult autem Deus, inquit Lib. de Sp. & lit. cap. 33. omnes homines salvos fieri, & in agnitionem veritatis venire, non sic tamen, ut eis adimat liberum*

arbitrium, quo vel bene, vel male utentes, iustissime judicentur. Quod cum sit, infideles quidem contra voluntatem Dei faciunt, cum Evangelio non credunt; nec itea tamen eam vincunt, verum seipsos fraudant magno, & summo bono, malisque pœnalibus implicant, experiri in suppliciis potestatem ejus, cujus in donis misericordiam contemserant.

Objic. II. S. Thomas in Summa retractavit quod junior scripserat de voluntate antecedenti. Ait enim I. P. Q. XIX. art. 6. ad 1. voluntatem antecedentem esse voluntatem secundum quid, esse meram velleitatem: magis, inquit, potest dici velleitatem, quam simplex voluntas. Ergo.

R. Neg. ant. Ad confirm. R. dist. ant. vocat voluntatem secundum quid, et velleitatem, si comparetur cum voluntate consequenti, quæ fertur in objectum cum omnibus suis circumstantiis, semperque est efficax, conc. si spectetur in seipsa, neg.

Objic. III. Voluntas, quæ fertur in objectum absque circumstantiis, otiosa, et imperfecta est. Ergo non est in Deo.

R. Dist. ant. Otiosa est in Deo, neg. In hominibus, Subdist. aliquando, conc. semper neg. Itaque in hominibus quidem hæc voluntas, aliquando otiosa est, ut in peccatore, qui salvus esse veller, nihil boni agendo: sed non semper, ut videtur est in mercatore, qui quantum potest conatur, ne merces in mare projiciat, semper tamen aliquid imperfectionis, involuntarii, & infirmitatis adjunctum habet, sicut ipse mercator. Invitus merces projicit, quia servare non potest. At in Deo voluntas antecedens otiosa non est, quia ex illa Deus vel præbet, vel saltem præparat hominibus etiam reprobis auxilia, quibus salvi esse possent, nec arguit aliquid involuntarii, aut imbecillitatis, quia ita vult, omnes salvos fieri, ut sciat etiam, & velit, & possit eos, qui misericordiam noluerunt, iustitia punire, ut observat Augustinus loc. cit. de Sp. S. tit.

PROPOSITIO III.

Si per voluntatem conditionalem intelligatur Dei decretum, absolutum quidem in ipso Deo, sed adjunctam habens conditionem, libere a creatura intolendam, quod Scholæ dicunt absolutam ex parte subj. Et, & conditionatam ex parte obj. Et, non est absurda divisio voluntatis divinæ in absolutam, & conditionalem.

Prob. I. contra Vasquesium, Annatum, alioque ex Scriptura, quæ sæpe commemorat hujusmodi conditionalia decreta. Ita Samuel Sauli inobedienti denuntiat: Si non fecisses, jam nunc preparasset regnum tuum super Israël in sempiternum; nunc autem nequam regnum tuum ultra conserpet. I. Reg. XIII. 13. Et Lib. IV. Reg. XIII. 19. Elieus sic alloquitur Joas Regem Israël, qui iussus a Propheta terram baculo percutere, ter percussit: si percussisset quinquies, aut sexies, aut septies, percussisset Syriam usque ad consumptionem. Et Jeremias Cap. XXXVIII. 17. Sedeciz Regi ait: Si profectus exieris ad principes regis Babylonis, vivet anima tua, & civitas hæc non succendetur igni. Quissimum autem est, quod repugnant adversarii, verba ista Samuelis, Elisei, & Jeremiz, non esse ipsis a Deo revelata, sed addita ab ipsis Prophetis ex humano more, & conjectura loquentibus. Ergo.

Prob. II. ex auctoritate S. Thomæ in I. Dist. XLVI. Q. 1. art. 1. ad 2. Voluntas antecedens potest dici conditionata, nec tamen est imperfectio ex parte voluntatis divinæ.

Prob. III. ratione. Decet supremum rerum Dominum creaturis suis imponere modum, & conditiones, quibus sua vult beneficia largiri. Ergo.

Objec. Voluntas conditionalis est voluntas ab eventu suspensa, & a conditione pendens. Atqui repugnat Deo hujusmodi voluntas. Ergo.

R. Dist. maj. Si sit voluntas conditionalis in subiecto, seu, ut aiunt, subjective, & conditio ab alio sit imposita, conc. Si sit tantum objective conditionalis, & conditio ab ipso volente sit imposita, neg. Fatemur si-

qui

qui

qui

quidem, voluntatem *subjective* conditionalem non esse voluntatem *actu*, sed *in potentia*, suspensam scilicet ab eventu, ut si quis dicat: nolo Romam proficisci, sed si me amicus itineris socium cupiet, ad proficiscendum me inducet. Item voluntas, quæ adjunctam habet conditionem ab alio impositam, ab ipsa conditione pendet. At Deus *actu* vult, Saulis Regnum esse in ipsa familia perpetuum, si non esset inobediens, quæ conditio ab ipso Deo, ut donorum suorum Supremo Domino *sub* appolita, ac proinde ejus voluntas fuit tantum *ob-*
jective conditionalis, nec ullo modo a conditione pendens.

Corollarium

Ergo voluntas Dei antecedens salvos faciendi omnes homines, si in bono perseverent, dici merito potest *conditionalis*. Et quamvis homines nequaquam in bono perseveraturi sint, nisi Deus ipse det illis speciale perseverantiae donum, ut suo loco dicemus, non sequitur tamen, negatoriam esse Dei voluntatem quoad reprobos, quasi velit eos salvos facere, posita conditione, quæ a solo Deo penderet, quamque Deus ipse ponere non vult. Deus enim non *denegat*, vel saltem præparat ipsis auxilia, quibus perseverare possunt, quæ auxilia si ipsi *actu* non accipiunt, ut parvuli in utero materno morientes, id oritur ex aliis causis, quas Deus ut generalis rerum moderator impedire non debet; si vero accipiunt, & non utuntur, eorum culpa est. Vide ista *fulius ap. Cohærent. Tom. I. Disp. V.*

§. III.

De voluntatis divine proprietatibus.

Adv. Cum multe sint voluntatis divine proprietates, nos hic de quatuor pertractabimus, 1.^o utram sit causa rerum omnium, 2.^o utram semper impleatur, 3.^o utram sit libera, 4.^o utram in ea locum habeant iustitia, misericordia, tristitia, amor, odium, ira.

PROPOSITIO I.

*Voluntas Dei est causa rerum omnium.**Est dogma fidei.*

Prob. Sap. XI. 26. Quomodo posset aliquid permanere, nisi tu voluisses? Psalm. CXXXIV. Omnia quaecumque voluit, fecit. Et Ephes. I. 11. Operatur omnia secundum consilium voluntatis suae. Etiam mala naturae, & peccata Dei voluntate proficiuntur. Amos III. 6. Si est malum in civitate, quod Dominus non fecerit? Isaia XLV. 7. Ego Dominus faciens pacem, & creans malum. Eccli. XI. 14. Bona, & mala, vita, & mors, paupertas, & huiusmodi a Deo fiunt. Hinc Augustinus Lib. XIII. de Trin. cap. 4. Omnes tum creaturas, tum creaturarum motus, & actiones a voluntate Dei, tamquam a prima causa pendere docet; excepto tamen formali peccato, quod nihil est, nisi privatio boni, ut supra docuimus Cap. XII. §. 1. prop. 2. corol.

PROPOSITIO II.

Voluntas Dei consequens semper impletur: non item voluntas antecedens, & voluntas signi. Est dogma fidei quoad primam partem.

Prob. 1^a pars. I. Isaia XLVI. 10. Consilium meum stabit, & omnis voluntas mea fiet. Dan. IX. 32. Iuxta voluntatem suam facit, tam in virtutibus caeli, quam in habitatoribus terra, & non est qui possit dicere ei: quare fecisti? Esther XIII. 9. Non est qui possit tuae resistere voluntati. Psalm. CXXXIV. Omnia quaecumque voluit fecit in caelo, & in terra. Ergo.

Prob. II. ex P. P. Augustinus Enchirid. Cap. 96. Neque veraciter, inquit, ab aliud vocatur omnipotens, nisi quia quicquid vult potest, nec voluntate eiusquam creaturae voluntatis omnipotentis impeditur effectus. Idem docent unanimes consensu Patres alii.

Prob. III. ratione. Si voluntas Dei consequens non impleteretur, id accideret, vel quia ipse Deus sententiam mu-

mutavit, vel quia non potuit exequi quod voluit, vel quia creaturæ ejus effectum impedierunt. Atqui omnia hæc absurda sunt, ut pater. Nam de ejus immutabilitate, & omnipotentia jam diximus supra Cap. VI. & XII. Creaturam vero impedire posse voluntatem omnipotentis, indignum dictum est. Quod est indignius, ideo non fecit, quoniam ne fieret quod volebat omnipotens, voluntas hominis impediret, inquit, Augustinus Enchir. Cap. 96.

Prob. 2^a pars. Matth. XXIII. 37. Quoties volui congregare filios tuos; quemadmodum gallina congregat pullos suos sub alas, & noluiti? I. Tim. II. 4. Deus vult omnes homines salvos fieri; & ad agnitionem veritatis venire; constat tamen non omnibus id contingere. Ergo.

PROPOSITIO III.

Voluntas Dei libera est, non quidem ad amandum ipsum Deum, sed ad creaturas. Est dogma fidei.

Prob. 1^a pars. Si voluntas Dei libera esset ad ipsum amandum, posset illum non amare. Hæc est deficere a summo bono, quod est absurdum. Ergo.

Prob. 2^a pars. I. ex Script. Ephes. I. 11. Operatur omnia secundum consilium voluntatis suæ, ac proinde non ex necessitate. I. Cor. XII. 11. Dividit singulis prout vult; quod explicans Ambrosius Lib. de Fide Cap. 3. ait: id est libero voluntatis arbitrio, non necessitatis obsequio.

Prob. II. ex unanimi Patrum consensu, qui omnes uno ore docent, Deum potuisse mundum non condere, quem condidit, & potuisse facere alia, quæ non fecit; item potuisse non incarnari &c. Nullam necessitatem patitur Deus, neque necessitate facit, quæ facit, sed summa, & ineffabili voluntate, ac potestate, inquit Auctor Libri de Fide contra Manichæos. Inter Opp. S. August. ad calc. Tom. VIII. (a).

Prob.

(a) Addi potest Basilii Hom. I. in Hexam. Ambrosius Lib.

I.

Prob. III. ratione. Finis, & ratio, sive motivum voluntatis Dei, ut supra ostendimus §. I. *prop. 2.* est ipsa bonitas sua, quam necessario amat, creaturæ vero non sunt, nisi instrumenta, sive *media ad hunc finem*. Atqui creaturæ non sunt ad finem instrumenta necessaria, & motivum divinæ voluntatis; alioquin Deus eas condidisset ab æterno, nec esset sine ipsis in seipso beatus. Ergo eas non vult necessario. Absurdum est enim amare necessario, quod cum fine non est necessario connexum; & e contrario eximia perfectio est; quæ Deo negari non potest, amare res pro earum merito, hoc est, non necessario, quæ cum fine non sunt necessario connexæ, & inter eas eligere. *Omnis enim natura, cui inest ratio, inest, etiam volendi, nolendique libertas*, inquit Honorius Augustodunensis *Lib. De Predest. & Lib. arb.*

Solvuntur Objectiones

Obje. I. cont. 1^a part. Augustinus sæpe docet; Deum non necessario, sed libere amare seipsum, suamque justitiam. Sic *Lib. 1. Op. Imperf. cont. Julian. dicent. Julianus*, & *Libertatem non est, nisi quod duo potest velle, bonum, & malum*, reponit Augustinus: *Liber ergo Deus non est, qui malum velle non potest, de quo etiam ipse dixisti: Deus nisi iustus esse non potest. Siccine Deum laudas, ut ei adimas libertatem?* Et Bernardus *Lib. de Grati. & Lib. arb. cap. 4.* Deus ipse permanet libere bonus, & propria videlicet voluntate, non aliqua extrinseca necessitate. Concinit S. Thomas *De potentia Q. X. art. 2. ad 5.* docens, Spiritum S. libere procedere; procedit autem Spiritus S. ex amore divinæ bonitatis. Ergo.

R. Dist. ap. Et Augustinus ibi necessitatis nomen adhibet pro coactione, & libertatem pro libertate nature, quo sensu etiam intelligendi sunt Bernardus, &

Tb.

I. Hexam. Cap. 5. Hieronymus in *Epist. ad Philem.* Augustinus *Lib. De fide cont. Manich. Cap. 5.* Damascenus *Lib. 11. De fide. Cap. 3.* Bernardus *Lib. de græ. & lib. arb.*

Thomas, conc. Adhibet necessitatis nomen pro intima, ac necessaria adhesionem voluntatis ad obiectum sine potentia eligendi contrarium; & libertatem pro libertate arbitrii; *neg.* Augustinus ergo, sicut & Bernardus necessitatis nomen aliquando usurpant latius pro coactione, quæ ab exteriori causa inferatur. Ita *Lib. de Nat. Gr. Grat. cap. 46. ait;* Deum non necessitare, sed voluntate amare iustitiam; ubi manifeste voluntatem coactioni opponit. Præterea libertas apud Augustinum, a quoque Patres duplex est, alia naturæ, alia arbitrii. Prior est facultas attingendi finem absque impedimento, sicut dicimus, equam libere fluere, cum nihil obstat, neque proclive feratur. Altera est facultas, quæ positis omnibus ad agendum requisitis, potest quis agere, vel non agere. *Obiic. II. conc. 2^m. part.* Actus divinæ voluntatis est necessarius; est idem cum Dei essentia. Ergo liber non est.

Res. Dist. ant. Est necessarius quoad entitatem, *conc.* quoad externam relationem ad creaturas; *neg.* Quomodo enim Deus actum hunc necessarium, qui est sua voluntas, & sua essentia, non retulit ad creaturas possibles, poterat non referre ad eas, quas creavit. *Infr. 10.* Non potest idem actus esse simul necessarius, ac liber. Atqui ex concessis actus divinæ voluntatis necessarius est. Ergo.

Res. Dist. maj. Sub eodem respectu, *conc.* Sub diverso; *neg.* Responsio patet, exemplo avari, qui beatitudinem suam in divitiis ponit. In eo enim unus, & idem actus, quo divitias amat, necessarius est, quatenus amat beatitudinem, liber est, quatenus in divitiis beatitudinem constituit.

Infr. 10. Ad rationem libertatis requiritur *indifferens*. Atqui actus divinæ voluntatis, cum sit ex concessis secundum *entitatem* necessarius, non est *indifferens*. Ergo &c.

Confirmatur. Qui jam aliquod obiectum elegerit, non est amplius erga illud indifferens. Deus autem ab æterno, quæ vult, voluit, nec ullum fuit momentum, quo ea, quæ vult, nondum voluerit. Hinc Damascenus *Lib. I. de Fid. Orth. cap. 22.* docet, in eo non esse electionem. Ergo.

Res. Lu.

tatis, et indifferentiæ, *neg.* Posse igitur mutare sententiam non perfectio, sed defectus libertatis est. Unde quanto mens perfectior est, tanto minus potest a proposito dimoveri. Quod quidem in hominibus plerumque in vitio est, oriturque ex superbia, qua se putant, omnia recte vidisse, ac perpendisse. Sed exinde nonnulli Theologi concludunt, Angelos in eo, quod semel elegerunt, immutabiles esse, quod nos suo loco expendemus. Ceterum mens divina, cum perfectissima sit, mutationis non est capax, nec id æstruit, sed perficit ejus libertatem, et indifferentiam, quia si liber, et indifferens fuit ab æterno, talis in æternum manet respectu creaturarum.

Ergo Dei libertas est modus, quo extrinsecus tendit in objectum; qui quidem modus est Deo intimus, licet ipsa relatio sit exterior. Hinc non sequitur ex nostra sententia, Deum esse liberum per *denominationem extrinsecam*, ut nonnullis Scholasticis visum est post *Augustinum*,

PROPOSITIO IV.

In Dei voluntate non est, stricte intellecta, justitia commutativa, sed tantum distributiva, & vindicativa, & vera, & propria misericordia.

Prob. 1^a pars. Justitia commutativa, stricte intellecta, in æqualitate dati, et accepti posita est, quæ quidem æqualitas postulat, ut quod datur sit ex propriis bonis, nec alio titulo debitis. Atqui nihil habent de suo creaturæ, quod aut priores Deo dent, aut post accepta beneficia ad æqualitatem rependant, quodque non sit ipse Dei donum, illique alio titulo debitum. Ait enim Apostolus *Rom. XI. 35. Quis prior dedit illi, & retribuetur ei?* et S. Thomas *I. P. Q. XXI. art. 1. Cum omnia nostra ex Deo sint, nec quisquam quidpiam dederit, pro quo sibi a Deo retribuat; jure ergo in ipso justitiæ commutativa non est.* Est tamen latiori sensu hæc justitia in Deo, quia tanta ejus est bonitas, ut voluerit esse merita nostra, quæ sunt dona sua, ut obsecrat Augustinus,

Quo-

Quoties ergo docuere Patres, aut etiam Scriptura, Deum ex iustitia aliquod facere de nisse, latiori sensu iustitiae nomen usurpant ad significandum, quod decet sapientiam, et bonitatem suam, et fidelitatem in promissis. Quo sensu *Heb. VI. 10.* dicitur; *non iniustus est Deus, ut obliuiscatur operis offerri boni.* Et *Augustinus Lib. II. cont. Iul. cap. 3.* Deus ipse, inquit, quod absit, erit iniustus; si ad ejus regnum verus non admittatur *justus.*

Prob. 2^a pars. Iustitia distributiva est constans voluntas retribuendi cuique pro merito. Atqui talis est Dei voluntas. Inquit enim Apostolus *II. Tim. IV. 7.* Bonum certamen certavi, cursum consummavi, fidem servavi, in reliquis repositus est mihi corona iustitiae, quam reddet mihi Dominus in illa die iustus iudex. Et *Rom. II. 6.* Reddet unicuique secundum opera ejus. Ergo etc.

Prob. 3^a pars. Iustitia vindicativa est constans supremi provisoris voluntas criminibus poenam infligendi. Atqui voluntas divina est huiusmodi. Quantum glorificavit se, & in deliciis fuit, tantum date illi tormentum *Apo. XVIII. 7.* Revelatur ira Dei de caelo super omnem impietatem *Rom. I. 18.* Mihi vindictam, & ego retribuam *Rom. XII. 19.* Ibunt in supplicium aeternum *Matth. XXV. 46.* Denique plenae sunt singulae Scripturarum paginae tum testimoniis, tum exemplis divinae iustitiae, vindicantis in impios; ut supervacaneum sit hic ulterius immorari.

Prob. 4^a pars. Misericordia est voluntas alienam miseriam sublevandi. Atqui in Deo est huiusmodi voluntas, imo Deus in Scripturis de hac voluntate, tamquam de praeclarissimo inter omnia attributa sua, millies gloriatur. Dominator Dominus Deus misericors, & clemens, pater, & multae miserationes . . . qui custodis Misericordiam in millia *Exod. XXXIV. 6.* Et *Psalm. CXLI.* Miserator, & misericors Dominus, longanimis, & multum misericors. Miserationes ejus super omnia opera ejus. *II. Cor. I. 3.* dicitur Pater miserationum. *Eph. II. 4.* dives in misericordia &c. Ergo. Non est tamen misericordia Dei conjuncta cum imperfectione,

ne, quæ in nobis est, nempe cum animi tristitia, quæ in Deum cadere non potest.

Dicet cont. 2^a. pars. Cujuscunque justitiæ ratio in eo sita est, ut reddatur debitum. Atqui in Deo nullum potest esse debitum. Ergo nec justitia distributiva.

Ad. Dist. min. Nullum potest esse debitum, ortum ex jure creaturæ, cui Deus obligetur, *cont.* Nullum potest esse debitum, ortum ex naturali reſtitutione, & lege æternæ sapientiæ (quæ est ipſe Deus), ex qua ſupremus Moderator debet præmia pro meritorum ratione tribuere, *neg.* Debitum eſt Deo, inquit, S. Thomas I. P. Q. XXI. art. 1. ad 3. ut impleatur in rebus id, quod ejus ſapientiæ, & voluntas habet, & quod ſuam bonitatem manifeſtet, & ſecundum hoc juſtitia Dei reſpicit decentiam ejus, ſecundum quam reddis ſibi, quod ſibi debetur.

Urgebis. Ergo juſtitia Dei eſt ad ſeipſum, non ad alterum; atque hoc deſtruit ſtriſtæ juſtitie rationem. Ergo.

Ad. Neg. ſeq. maj. Licet enim finis, & motivum juſtitie Dei ſit ipſa Dei bonitas, quæ eſt obſectum formale voluntatis ejus, revera tamen ad alterum diſſunditur, nempe ad creaturas.

PROPOSITIO V.

In Dei voluntate eſt vere, & proprie amor boni, & odium mali, ſive culpe; deſiderium vero, triſtitia, & ira nonniſi per metaphoram.

Prob. 1^a. pars. Eſſe in Deo amorem tum erga creaturas, tum erga ſeipſum, eſt ex Scripturis, & Patribus manifeſtum. Sap. XI. 25. Diligis omnia, quæ ſunt, & nihil odiſti eorum, quæ feciſti. Matih. III. 17. Hic eſt Filius meus dilectus. Hunc autem amorem eſſe verum, non metaphoricum, ſic probat S. Thomas I. P. Q. XX. art. 1. & I. cont. Genſ. cap. 91. Quicumque habet voluntatem, habet & amorem proprie dictum; amor enim eſt primus voluntatis motus, a quo ceteri omnes affectus oriuntur. Atqui in Deo eſt voluntas, ut ſupra oſtendimus. Ergo & amor. Præterea amare eſt

est bene alteri velle. Atqui Deus bene vult tum creaturis, quibus tribuit existentiam, & cetera bona, tum sibi ipsi. Ergo &c. Ex quo sequitur 1^o. amorem Dei esse efficientem, actuosum, & ut ajunt, *effectivum*, quia cum voluntas ejus consequens sit efficax, imo etiam antecedens, saltem quoad instrumenta, sive *media*, quæ præparat ad salutem; ii, quibus absolute bene vult, bene etiam facit. 2^o. creaturas possibiles non esse objectum divini amoris, quia illis existentiam non tribuit, nec habet erga illas, nisi (ex sententia nonnullorum) meram quandam complacentiam.

Prob. 2^a pars. Esse in Deo odium, Scriptura testatur. *Sap. XIV. 9. Odio sunt, Deo impius, & impietas ejus.* Esse autem hoc odium verum, probatur contra Thomistas. Odium est animi aversio a malo illo, quod bono vehementer amato adversatur. Atqui in Deo necessaria est hujusmodi aversio a malo culpæ, quod bono summe dilecto, nempe sibi ipsi opponitur. Ergo &c. Diximus a malo culpæ, quia non potest in Deum cadere odium inimicitiz erga res, vel personas a se creatas, quæ, quatenus sunt, bonæ sunt, ideoque a Deo diliguntur juxta illud *Sap. XI. 25. Diligis omnia, quæ sunt, & nihil odisti eorum, quæ fecisti*; nec ullo pacto possent existere, nisi eas Deus diligendo conservaret, etiam tum cum poena rebelles plectit, non odio personarum, sed amore justitiz.

Prob. 3^a pars. Desiderium etiam Deo tribuit Scriptura. *Osee X. 10. Juxta desiderium meum corripiam eos*; sed hoc per metaphoram accipiendum, evincitur contra nonnullos Theologos, ex eo quod desiderium est boni absentis. Atqui nullum bonum Deo abest, qui omnia in se habet vel *formaliter*, vel *eminenter*. Ergo.

Prob. 4^a pars. Tristitia est dolor animi ob bonum amissum, vel ob malum præsens. Atqui Deus dolere non potest, cum sit in seipso infinite beatus, nec ullum possit aut amittere bonum, aut subire malum. Ergo &c. Hinc per metaphoram dicitur contristari *Ephes. IV. 30. Nolite contristare Spiritum Sanctum*; & pœnitere *Genes. VI. 6. Pœnituit eum, quod hominem fecisset*.

Prob. 5^a pars. Ira est appetitus vindictæ propter tristitiam, ex injuria illata conceptam. Atqui in Deum

cadere non potest desiderium, nec tristitia, ut paulo ante ostendimus. Ergo nec ira. Quoties ergo in Scripturis dicitur Deus irasci, tristiari, desiderare, per metaphoram id est intelligendum, quia scilicet id exterius operatur, quod homines, qui desiderant, tristantur, irascuntur, facere consueverunt. Ita S. Thomas *Lib. I. contra Gent. cap. 89. & I. P. Q. XX. art. 1. ad 2.* Deus, inquit Chrysologus *Serm. XLV. nec subiacet passioni, nec ira accenditur, nec furore turbatur. sed ira Dei est delinquentium pena, furor Dei est supplicium peccatorum.*

Dices. Odium proprie dictum necessatio personam respicit, cui optatur malum *sub ratione mali*, quod enim personam non respicit, potius abominatio, quam odium dicitur. Atqui Deus nullum personae creatae potest velle malum sub ratione mali. Non quidem personae, quia persona, ut est res aliqua subsistens, bona est; non etiam potest ei velle malum sub ratione mali, quia unica ratio, & *motivum* divinae voluntatis est sua bonitas; ac proinde nihil cuiquam sub ratione mali velle potest. Ergo.

R. Nos de nomine non movere quaestionem, Si ergo odium definiatur esse id, quod respicit personam aliquam, cui malum sub ratione mali optetur, fatemur, illud in Deo non esse. Sed quia abominatio illa, quae quis averfatur id, quod bono amato opponitur, non immerito vocatur odium, ideo illud in Deo agnovimus.

C A P. XV.

De Providentia Dei.

Adv. I. PROVIDENTIA duplici ratione spectari potest, vel in mente Providentis, vel in exteriori gubernatione. Priori modo spectata definitur a Boëtio *Lib. IV. de Consol. Prosa 6. Aeterna ratio in summo Principe constituta, qua cuncta disponit*: posteriori modo est ipsum exterius Dei regimen, et ordo rerum in finem.

II. Et quia rerum omnium finis vel naturalis est, vel supernaturalis, duplex quoque distinguitur a Theologis

providentia: naturalis scilicet, quæ cuncta regit, & dirigit in finem naturalem; & supernaturalis, quæ creaturas rationales ad finem dirigit supernaturalem, nempe ad Deum clare videndum, ac possidendum in patria.

III. Rursus providentia supernaturalis species sub se habet duas *prædestinationem*, & *reprobationem*. Prædestinationis est efficax Dei decretum perducendi electos ad gloriam. Reprobatio vero est Dei decretum, quo statuit, impios non eligere ad gloriam, sed pœnis addicere sempiternis. Hinc Theologi passim hoc in loco de Prædestinatione, & Reprobatione disserunt. Nos, quia ea doctrina satis perspecta tironibus esse non potest, nisi pertractatis questionibus de Gratia, quæ cum prædestinatione intimo nexu juncta est, latius duximus uno, eodemque libro de gratia, et prædestinatione disputare. Quæ propter hic contenti erimus, ipsam generationem Dei providentiam asserere contra Epicureos, qui omnia fortuito acotrupum concursui tribuebant, Stoicos, qui farum ineluctabile adstruebant ex siderum motu, atque influxu, & recentiores quosdam Græculos, qui scelorum suorum vindicem Deum metuentes, quanta maxima vi potuerunt, ejus providentiam saltem ab acie mentis suæ removere conati sunt; vel saltem ei relinquunt generalem quandam superiorum causarum motionem, quæ infima non attingat.

PROPOSITIO.

Summa est in Deo providentia, eaq. ad minutissima quæque extenditur, nec umquam falli potest.

Est fidei dogma.

Prob. 1^a. pars I. ex Scriptura. Sap. XII. 13. Nō est alius Deus, quam tu, cui cura est de omnibus. Et cap. XIV. 3. Tu . . . Pater providentia ab initio cuncta gubernat. Psal. CXVIII. Ordinationes tuæ perseverat dies, quoniam omnia serviunt tibi. Hanc providentiam ad liberos etiam hominum motus extendi, Scriptura docet Prov. XVI. 9. Cor hominis disponit viam suam, sed Domini est dirigere gressus ejus. Et Cap. XX. 24. A Domino diriguntur gressus viri. Imo ad ipsa

ipsa peccata, quæ Deus non facit, sed vertit, atque ordinat in bonum: Exod. IX. 16. ait Dominus Pharaoni: *Posui te, ut ostendam in te fortitudinem meam, & nartetur nomen meum in gentibus, & Petrus de morte Christi, quæ omnium scelerum extitit maximum, ait Act. II. 23. Hanc, definito consilio, & præscientia Dei tradidit, per manus iniquorum affigentes, interemisit.* Denique ad illa ipsa, quæ nobis maxime fortuita videntur: Prov. XVI. 33. *Sortes mittuntur in sinum, sed a Domino temperantur.* Ergo &c.

Prob. II. ex PP. Quis operator, inquit Ambrosius, negligat operis sui curam? quis deserat, & desquas quod ipse condendum putavit? Si injuria est: (a) regere, nonne major injuria fecisse, & non curare? cum aliquid non fecisse, nulla iniustitia sit, non curare quod feceris, summa inclementia Lib. I. de Offic. cap. 13. Augustinus Lib. de utilit. credendi cap. 16. §. Dei providentia non præsidet rebus humanis, nihil est de Religione satagendum, Superfluum est proferre omnes. Lege præcipue aureum Salviani librum De providentia, & Theodoretum de eodem argumento (b).

Prob. III. ratione. Quicumque intellectu, & voluntate agit, utique agit propter finem, quem primo elegit, & ad quem omnia opera sua dirigit. A quo Deus intellectu, & voluntate cuncta creavit, & conservat. Ergo ea suum ad finem dirigit. Sed hæc directio providentia est. Ergo &c. Tam perspicua est hæc veritas, ut ipsis innoverit Gentilibus Philosophis, imo totius humani generis consensione firmata sit. Unde inquit Clementens

(a) Hoc est, & videtur Deo indecorum minima curare.

(b) Lectu digna est Editio Salviani, cum notis Baluzii, Paris: an. 1669 quæ recusa fuit Brema anno 1688. cum notis Rittershusii, Veitzi, Alami, & Add. Tertullianus Lib. II. cont. Marc. cap. 24. Origenes Lib. VI. contr. Cels. Nazianzenus Orat. I. 999. Jul. Nyssenius Orat. De iis qui rapiuntur immatura morte, & alii innumeri. Testimonia veterum Philosophorum vide apud Huetium in Alineasis, & Petavium Lib. VIII.

mens Alex. Lib. VI. Strom. Constat jam, supplicium magis, quam confutationem mereri illum omnem, qui providentiam esse non putat, & revera esse atheum.

Prob. 2^a. pars I. ex Scriptura Luc. XII. 6. Nonne quinque passeret veniunt dipondio, & unus ex illis non est in oblivione eorum Deo? Sed & capilli capitis vestri omnes numerati sunt: nolite timere &c. Et ibidem, verlatilia cœli, lilia, & scœnum agri divina providentia regi, dicitur. Vide etiam Matth. VI. & Psalm. CIII. ubi David Deum exhibet, ut Patrem familias, a quo vel minima animantia petunt, et expectant escam in tempore opportuno: Danta se illis, colligent, aperiente se manum tuam, omnia implebuntur bonitate &c.

Prob. II. ratione, quam paulo ante explicavimus. Si enim vel minutissimas qualque universi partes Deus creavit, et servat, utique certum ad finem dirigit, quæ directio providentia est.

Prob. 3^a. pars. Directio rerum in finem est ex voluntate Dei consequente; qui enim aliquid in finem dirigit, illud utique cum omnibus circumstantiis respicit. Sed voluntas Dei consequens semper impletur, ut supra ostendimus. Ergo et providentia. Hinc merito Ecclesia: Deus, inquit, cuius providentia in sui dispositione non fallitur. Ergo.

Solvuntur Objectiones (a).

Obje. I. Quidquid in natura videmus accidere, ortur utique ex certis, æternis, et immutabilibus naturæ legibus, ut Physici demonstrant. Vicissitudines anni tempestatum, dierum, et noctium inæqualitas, pluvie, venti, tonitrua, terræmotus, plantarum, asque animalium ortus, vita, & interitus, & cetera omnia naturæ miracula ex causis naturalibus tam necessaria eduntur, ut portentum esset si non evenirent. Hinc

Pa.

(a) Mira est P. Bælii stoliditas, qui in *Differt. Hist. Critic.* variis in locis asserit, argumenta Epicureorum contra Dei providentiam non posse solius rationis lumine dissolvi.

Patres docent; Deum administrare media per suprema, et infima per media. Ergo vel in Deo non est providentia, et cuncta naturæ legibus permittit, vel saltem est in eo generalis quædam providentia, quæ ad minima non extenditur.

R. Diss. ant. Fiant hæc ex naturæ legibus, Deo tamen cum causis secundis *quibus immediate* concurrente, et agente, *cont.* Secus, *neg.* Causæ enim naturales nihil agere possent, nisi conservante, et *concurrente*, seu cooperante Deo, qui earum vim aliquando impedit, imò contra earum virtutem miracula edit, sicut accidit cum sol, jubente Josue, stetit *Jos. X. 13.* et umbra ejus decem lineis regressa est in horologio Achaz *IV. Reg. XX. 11.* Mare rubrum, et Jordanis iter præbuit Filiis Israel, et cet. Hinc Deus in Scripturis sæpe filiis Israel denunciat, se pro eorum merito vel pluvias, & frugum abundantiam, vel siccitatem, et sterilitatem daturum *Levit. XXVI.* Plena est omnis Scriptura exemplorum, quibus constat, effectus etiam causarum naturalium à Deo regi, et certum ad finem ordinari, ita ut nulla cadat pluviz gutta, nisi certo Dei consilio; ideoque Christus ait *Joan. V. 17. Pater meus usque modo operatur*, hoc est licet die septimo requieverit ab omni opere creationis, non cessat tamen singulis momentis operari in creaturis, illas movendo ad effectus suos producendos juxta leges naturæ, aliquando etiam præter leges.

Inst. 1.º. Indecorum est, majestatem Dei ad minima, et abjectissima quæque deducere, sicut indecorum esset Regi, si vilissima officia per seipse, et non per ministros obire vellet. Unde Hieronymus *In Cap. I. Habacuc* Absurdum est, inquit, ad hoc Dei deducere majestatem, ut scias quos per singula momenta nascantur culices, quosque moriantur. Ergo.

R. Neg. ant. & parit. Ut enim supra arguebat Ambrosius, si non fuit divinæ majestati indecorum creare minima ista, et quæ nobis videntur abjectissima (talìa enim non sunt in conspectu Dei, sed mirifice conspiciunt ad complementum, & ornatum Universi); multo minus indecorum est regere: imò valde indecorum esset creasse, et non ea dirigere ad finem suum. Exemplum autem ex Rege deductum valde dispar est a pro-

posito, ut observat S. Thomas I. P. Q. XXII. art. 3. ad 3. homo enim cum non possit simul curare omnia, si velit minimis se immiscere, necesse est ut majora negligat, ex quorum neglectu omnia pessum ibunt. At non eadem est ratio de mente infinita. Qui enim omnia administrando implet, regit implendo, nec univ[er]sis deest, cum disponit unum, nec uni deest, cum disponit univ[er]sos, inquit Gregorius Lib. XXV. Moral. Cap. 13. Denique Hieronymus, cujus verba fatetur cum Petavio esse duriora, et melius ab eo concipi potuisse, benigno interpretandus est, ut velit, non eandem curam esse Deo hominum, et viliorum animalium: Non simus, inquit loc. cit. tam satui adulatorum Dei, ut dum potentiam ejus ad ima detrahimus, in nos ipsos injuriosi simus, eandem rationabilium, quam irrationabilium providentiam esse dicentes. Quod si verba ejus aliquanto duriora nimis urgere velis, erit non veritas, sed ipse Hieronymus ea, qua par est, reverentia deseretibus.

Insi. 1^o. Sunt nonnulla in universo superflua; quid enim deesset ex. gr. de ejus perfectione, si una minus nasceretur musca, aut vilius animalculum? sunt etiam multa noxia, et inordinata, quæ se se invicem destrunt, ac proinde inutilia, imo contraria fini, quem in eorum creatione spectare debuisset Deus. Ergo ad ea non pertingit Dei providentia.

R. Neg. ant. Ideo enim superflua quedam videntur imperitis, quia non comprehendunt totius universi structuram, & relationem, quam singulæ particulæ habent ad totum. Cum ista dicunt, inquit Augustinus Lib. I. de Geni. ad lit. cap. 16. non intelligunt quemadmodum omnia pulchra sunt conditori, & artificis suo, qui omnibus utitur ad gubernationem universitatis, cui summa lege dominatur. Quod si ingressi artificis cujusdam hominis officinam, non audemus judicare superflua multa instrumenta, quorum usum nescimus, quanto minus id. sudebimus in operibus supremi, & sapientissimi artificis, Dei? Certe si Physici vel unius animalculi corpusculum, aut folium arboris contemplantur, obstupescunt, & mirantur sapientiam conditoris, qui nihil in illis superfluum posuit, quanto minus erit aliquid inutile in toto universo, cum omnis artifex magis de

de toto, quam de partibus sit sollicitus? Ut tina minus nasceretur musca, aut planta, deberent e medio tolli leges naturæ, ex quibus tot, & non minus nasci debent: ablati autem naturæ legibus, totius universi machina conquassata rueret. Quod quædam se mutuo destituant, sapientissime factum est, ne nimis succrescendo toti Mundo crearent incommodum. Denique quod attinet ad noxia, iis iustissime, & sapientissime utitur Deus vel in pœnam, vel in remedium peccatorum.

Inst. 3^o. *I. Cor. IX. 9.* ait Apostolus: *Numquid de bobus cura Deo est?* Ergo.

R. *Dist. ant.* Non est cura præcipua, *conc.* Non est cura ullâ, *neg.* Vult ergo Apostolus, ea quæ iussit Deus *Deut. XXV. 4.* non alligabis os bovi trituranti? scripta esse præcipue ad instructionem nostram, ut sciamus eum, qui in vinea Domini laborat, debere ali de fructibus. *Providentiam ceteris creaturis non negamus, curam sponsa vindicat sibi,* inquit Bernardus *Serm. LXVIII. in Cant. n. 2.*

Inst. 4^o. Si iis, quæ sunt in mundo noxia, uteretur Deus in pœnam peccatorum, videremus hic impios obrui miseriis, bonis e contrario affluere iustos. Atqui contrarium sæpe videmus accidere. Ipse David suam hac de re admirationem non semel exponit in Psalmis. *Mei autem,* inquit *Psal. LXXII. Pene moti sunt pedes, pene effusi sunt gressus mei, quia zelavi super iniquos, pacem peccatorum videns &c. . . . ecce ipsi peccatores, & abundantes in seculo obtinuerunt divitias &c. Quare via impiorum prosperatur: bene est omnibus, qui prævaricantur, & inique agunt?* inquit Jeremias *Cap. XII. 2.* Ergo sequitur, Deum iis inferioribus non providere.

R. *Dist. maj. & min.* Aliquando, *conc.* Semper, *neg.* Etenim ne homines putarent, nullam esse Dei providentiam, æquum erat aliquando malis temporalibus hic opprimi scelestos; sed ne putarent homines, non esse alteram vitam, in qua Deus judicaret, & puniret impios, æquum etiam erat, ut eorum pœna aliquando ad aliam vitam differretur, præsertim si aut essent in eis aliqua bona opera naturalia, quæ Deus bonis temporalibus remunerari vellet, sicut ex *Augustino* remuneratus est. *Romanos,* & oblectrices *Ægyptias Exod. I. 21.* aut vel-

let Deus iusto iudicio eos maioribus abundare bonis, quibus culpa sua deteriores effecti, maiorem sibi poenam in altera vita accumularent, quasi pecora, quæ sinuntur errare per prata libere, ut pinguiora veniant ad lanium, ut idem Augustinus observat in *Psal. LXXV*. Idem de bonis temporalibus dicas quoad iustos. Etenim ne homines putarent, nullam esse providentiam, decebat, bonis temporalibus aliquando iustos abundare: sed ne putarent, hæc sola bona habere Deum, quæ redderet piis, ipsique iusti nimio affectu rerum terrenarum implicarentur, aut Deo propter ista servirent, decebat etiam, aliquando iis spoliari; præsertim si leviores haberent culpas, quas Deus tum egestate, tum aliis malis temporalibus vellet eluere, ipsosque ita reddere in caritate poriores: *quis enim filius, quem non corripit pater?* inquit Apostolus *Heb. XII. 7*. Et sicut pater aliquando per vilissimum famulum corripit filium, aut per virgam, quam mox in ignem projicit, sic Deus aliquando corripit iustum per hominem impium, tamquam per virgam, quam mox confringet, & in ignem conjiciet. Ideo nos non solum in poenam, sed in remedium etiam peccatorum diximus, Deum uti malis temporalibus. Hac igitur ratione aliquando impii bonis affluunt, iusti malis afficiuntur, aliquando vero contra accidit. Semper tamen verum est, impios inter ipsa temporalia bona esse miseros, & iustos inter ipsa mala felices; nihil enim infelicius est felicitate peccantium, quia pœnalis nutritur impunitas. & mala voluntas velut basis interior roboratur, inquit Augustinus *Epist. CXXXVIII. ad Marcellin.* At contra diligentes Deum omnia cooperantur in bonum, inquit Apostolus *Rom. VIII. 28*. Et *II. Cor. I. 5*. Sicut abundant passiones Christi in nobis; ita & per Christum abundat consolatio nostra. Verba autem illa Prophetarum dicta sunt ex persona hominum infirmorum, unde ipsi Prophetæ illis infirmorum objectionibus respondent, et patet ex contextu:

Infr. 5^a. Videmus nonnulla casu evenire, ut si ex gr. lapis e recto sponte excisus, transeuntem hominem opprimat. Ergo.

æ. Dist. ant. Casu accidunt quoad nos, *conc.* In conspectu Dei, qui omnia prævidit, et ordinavit, *neg.* Nihil

Nihil enim omnino accidit, quod non de aucta summi Imperatoris aut jubeatur, aut permittatur, inquit Augustinus *Serm. LVIII ap. Prosper.* Unde infert, fortunæ nomen a Christianis usurpari non debere.

Objic. II. Si Dei providentia ad omnia pertingeret, non permetteret peccatum, quod omnino adversatur bonitati divinæ. Atqui contrarium perpetua, & lustruosa probat experientia. Ergo.

R. Dist. maj. Sicut ad simile argumentum supra respondimus. Non permetteret peccatum, si non esset provisor generalis adeo sapiens, omnipotens, & bonus, ut sciret, et posset bona facere de ipsis malis, *conc.* Secus, *neg.* Vide quæ ibi diximus.

Objic. III. cont. 3^m. part. Deus omnes rationabiles creaturas ad æternam felicitatem ordinavit. Atqui non omnes eam assequuntur. Ergo providentia Dei aliquando in sui dispositione fallitur.

R. Dist. maj. Ordinavit ad felicitatem omnes rationabiles creaturas, ita tamen, ut non eis adiret librum arbitrium, quo vel bene, vel male utentes, iustissime judicentur, *conc.* Secus, *neg.* Deus ergo ordinavit quidem rationabiles creaturas ad gloriam, sed eodem decreto statuit, ut si quæ per liberum arbitrium eligeret contrarium, non gloria, sed supplicio afficiatur; atque ideo ejus providentia erga creaturas rationabiles semper finem suum assequitur, qui finis non alius utique est, nisi manifestatio suæ gloriæ vel per præmium iustorum, vel poenam impiorum. Tunc autem providentia falleretur, si impii, nolentes uti misericordia Dei, possent effugere judicium, quod fieri non potest. Si quis enim dicit: volo ut omnes servi mei laborent in vinea, & post laborem requiescentes epulentur, ita ut quisquis eorum hoc noluerit, in pistino semper molat; videtur quidem quicumque contemserit contra voluntatem domini sui facere, sed tunc eam vincet, si pistinum contemnens effugerit, quod nullo modo fieri potest sub Dei potestate. . . . voluntas Dei semper invicta est; verba sunt Augustini *Lib. de Spirit. & lit. c. 33.*

Corollaria.

I. Si nomen fati intelligatur in sensu Stoicorum pro ferrea quadam, et ineluctabili vi, orra ex siderum situ, atque influxu, pater, fatum nihil esse: *absit a fidelium cordibus; ut fatum esse aliquid dicant*, inquit Gregorius M. *Homil. X. in Evang.* Si vero usurpètur pro ipsa providentia, non falso diceretur, cuncta subiecta esse fato, sed abstinendum esse ab eo nomine, monet Augustinus *Lib. V. de Civ. cap. 10.* Quia *id homines quando audiunt, usitata loquendi consuetudine non intelligunt, nisi vim positionis siderum, qualis est quando quis nascitur, vel concipitur.*

II. Providentia necessitatem non imponit causis liberis, quia ita earum actus ordinavit, ut quidquid eligerent, providentia finem suum assequatur.

III. Quidquid in historia rerum humanarum narratur, dici quodammodo posset historia providentiae Dei, qui omnibus usus est, prout voluit, ad finem suum, cui illi nescientes serviebant; dum ambitioni, et superbiz suae servire arbitrabantur. Sic victoriz Assyriorum serviebant divinae providentiae ad puniendos Israelitas; et alios Palaestinae incolas, unde Deus ipse ait, *Nabuchodonosor sibi servisse in obsidione Tyrì, quamvis ille solam dominandi cupiditatem explere vellet.* Sic victoriis Romanorum usus est Deus, ut tot populos unius imperio subderet, ex quo facilior extitit per universum orbem dilatatio Christianae religionis.

IV. Quoniam Deus per sapientiam, ac scientiam suam, quae ut supra diximus, causa rerum est, cuncta creavit, & mirabili providentia administrat; profecto si res omnes non more pecudum inspiciamus, infinitam in ipsis reludentem Dei scientiam, & paternam providentiam mirabimur. Cui considerationi, atque contemplationi naturae, si adhaerere incipimus, occurrentem nobis ubique Deum videbimus; quocumque oculos conijciamus; ut dicere possimus *Audisti auris audivi te tunc autem oculus meus videt te. Job. XLII. 5.*

V. Quoniam Dei providentia ad omnia etiam minima extenditur, si quid nobis aliquando accidat adversi,

id

id nonnisi ex voluntate Dei, Patris nostri, accidisse scientes; agamus ei gratias; et humiliemur sub potenti manu ejus, sicut S. Job dixit, Dominum abstulisse quod latrones Chaldæi rapuerant, et nomini ipsius benedixit. Si quod vero impendens malum timeamus, non tam creaturas, quam ipsum timeamus Deum. Nolite timere eos, qui occidunt corpus Matth. X. 28. Et quis vobis noceat si boni amulatores fueritis? I. Per. III. 12. Fera sevit? Deum time, inquit Augustinus Enchir. III. in Psal. XXXII. serpens insidiatur? Deum time: homo te edis? Deum time: Diabolus te impugnat? Deum time: tota enim creatura sub illo est; quoniam jubetis timere. Atque hujus quidem corollarii doctrina, si penitus animo nobis insederit, erit hic totius hujusmodi Tractatus, imo et Theologiæ universæ fructus uberissimus.

Finis Libri III.

TYPOGRAPHUS LECTORI BENEVOLO.

Cum prior hic Institutionum Tomus, absente auctore, sit editus; ipsum vero ejus *αυτογραφόν* tum propter litterarum sæpe evanescentium obcuritatem, tum propter litūras; quibus passim aspersum erat, multis in locis vix posset intelligi; fieri non potuit, maxima etiam adhibita diligentia, ut non aliqua nobis invitis obreperent menda: Quorum præcipua, & graviora nunc ab auctore ipso castigata, ne qua fortasse inter legendum difficultas negotium facessat, tibi ante oculos ponenda existimaui. Reliqua vero levioris momenti, quæ vel ipsa per se statim adverbi, caverique possunt, vel potius ad quandam scripturæ nitorem, atque elegantiam pertinent, ut commatum sine sensus mutatione distinctio, litteræ vel majores, vel minores, item vel rotundæ, vel currentes non opportuno in locis alicubi positæ, & quæ sunt ejusdem generis, ea ut ipse pro tua humanitate vel corrigas, vel condones; etiam, atque etiam rogo.

ERRATA

CORRIGE

Pag. 5 *Sanctorum*
 pag. 7 Patrum
 pag. 11 *Crescenium*
 pag. 25 telabitur
 pag. 35 permisisset
 pag. 41 *Marcus Or.*
 pag. 44 Daguetum
 pag. 47 auro
 pag. 51 prospicient
 pag. 53 genus fere
 pag. 69 varia
 pag. 70 Senenses
 pag. 74 *Gunesi*
 ibid. in Nota *Guerenet*
 pag. 75 ad annum 786
 pag. 84 infidelium

Sanctorum
 Patrum
Cresconium
 telabitur
 vim, & potestatem per
 misisset
Mattheus, Marcus Or.
 Daguetum
 aureo
 perspicient
 fere genus
 varias
 Sinenses
Gueneti
Guenet
 ad annum 798
 infidelium

pag. 93. <i>in mysteria</i>	<i>in mysterio</i>
pag. 99 <i>Epist. XII. al. XIX.</i>	<i>Epist. LXXXII. al. XIX.</i>
pag. 102 <i>sæc. XIII.</i>	<i>sæc. XII.</i>
pag. 108 <i>verosimiliter</i>	<i>verisimilior</i>
pag. 122. <i>Neg. ant.</i>	<i>Neg. maj.</i>
pag. 137 & alibi, <i>Juniam</i>	<i>Juniam</i>
pag. 146 <i>Dist. ant.</i>	<i>Dist. maj.</i>
pag. 166 <i>celari</i>	<i>celari</i>
pag. 201 <i>ratione, Augustinus</i>	<i>ratione Augustini</i>
pag. 204 <i>perculsit</i>	<i>perculit</i>
pag. 221 <i>vide-re</i>	<i>videte</i>
pag. 245 <i>Bellarminus Lib.</i>	
<i>IV. de Rom. Pont. Cap. II.</i>	<i>Lib. IV. Cap. 11.</i>
p. 280 in <i>Nota Villalpandæ</i>	<i>Villalpandæ</i>
pag. 309 <i>Sebennensis</i>	<i>Gebennensis</i>
pag. 318 <i>Joanne XXII.</i>	<i>a Joanne XXIII.</i>
pag. 337 <i>Csulemaidenst</i>	<i>Ptolemaidenst</i>
pag. 420 <i>Quod Deus</i>	<i>Quin Deus</i>
pag. 464 <i>absordita</i>	<i>abscondita</i>

Præterea in pagina 49. pro *infandam Dei cadem*, in-
fandum Deicidium legitur. Item in pag. 14. nota-
 la (a) transferenda est superius post illa verba :
effectasse videamur : pag. 134. pro *falso deprava-*
re positum est *falsare*, & pag. 135. pro *congruem-*
tior legitur *conformior*. In pag. vero 368. in vo-
 ce Hebraica *Jehova* pro littera *vau* posita est *da-*
leth, & in voce *Adonai* pro *daleth* est *resc*. Sic & in
 pag. 163. verba illa : *cum Launoy lib. VIII. Epist.*
 13. redant, atque omnino rescanda sunt, ac re-
 jicienda in sequentem pag. 164. ad *Objic. II.* ubi sic
 legatur : *Objic. II. cum Launoy lib. VIII. Epist. 13.*
 Denique & in pag. 269. addenda est ratio, cur Con-
 cilia etiam particularia raro erraverint, magnæque
 sint auctoritatis, quia scilicet pollicitus est Christus
 Matth. XVIII. 20. *Ubi sunt duo, vel tres congre-*
gati in nomine meo, ibi sum in medio eorum. Quæ
 quamvis levioris momenti sint; & aliqua possint ra-
 tione excusari, volui tamen te de iis in tempore ad-
 monitum,

IN.

VAI 1530096

INDEX CAPITUM

<i>Dissertatio prodroma</i>	I
CAP. I. Theologie definitio, atque divisio	ibid.
§. I. Theologie definitio	ibid.
§. II. Theologie partitio	7
CAP. II. Ostenditur, Theologiam positivam non singulis fidelibus, sed Ecclesie necessariam esse, Scholasticam non necessariam, sed maxime utilem.	8
CAP. III. Partitio totius operis	14
LIBER. I. seu Tractatus de veritate religionis Christianae	16
CAP. I. Recensentur hujus religionis hostes	ibid.
CAP. II. Ostenditur, necessariam esse homini religionem, & cultum Dei tum internum, tum externum	17
CAP. III. Ostenditur, religionem naturalem humano generi non sufficere &c.	20
CAP. IV. Ostenditur, divinam bonitatem maxime decuisse, ut humano generi in iis ignorantia senectute, de quibus dictum est Capite superiori, succurreret, veramque religionem revelaret	26
CAP. V. Si Deus homini veram religionem revelare voluisset, demonstratur, eum, sicut mihi proponere poterat humane rationi contrarium, sic multa proponere potuisse dogmata, quae rationem humanam exsuperant	27
CAP. VI. Si Deus homini aliquid revelare voluisset, expenditur, quibus signis revelationem confirmare pro sua sapientia debuerit	31
CAP. VII. Demonstratur, religionem Christianam veris confirmatam esse prophetiis, & miraculis	36
§. I. PROP. Christiana religio veris confirmata est prophetiis	38
§. II. PROP. Certissimum est, Christum innumera patrasse miracula, & quod omnium est maximum, post mortem resurrexisse, & in caelos ascendisse	41
§. III.	


- §. III. PROP.** Discipuli Christi, qui post eum religionem Christianam praedicaverunt, & propagaverunt, innumera ediderunt miracula 49
- §. IV. PROP.** Post mortem discipulorum Christi usque ad nostram aetatem non desuerunt in Ecclesia Christi miracula, licet stabilita jam Ecclesia, non tam frequentia, quia non tam necessaria 50
- §. V. PROP.** Christianae religionis propagatio maximum miraculum est, praesertim si nullis miraculis facta est 51
- §. VI. PROP.** Ipsa Christianae Religionis diuturnitas, & stabilitas miraculum est 58
- §. VII.** Constantia martyrum evidenter demonstrat veritatem miraculorum Christianae religionis 60
- §. VIII. PROP.** Ipsa doctrinae Christianae puritas, sanctitas Auctoris, ejusque discipulorum humana virtutis opus non est 66
- CAP. VIII.** Consecratoria praecedentis Capitis, ac praesertim de veritate, ac divinitate librorum Sacrae Scripturae 68
- CAP. IX.** Sola Ecclesia Romano-catholica veram Christianam religionem profitetur 73
- CAP. X.** Indifferentismus in religionis negotio absurdissimus est 80
- LIBER II. De Joci Theologici** 86
- CAP. I.** Locorum Theologorum definitio & divisio. Errores in hoc libro refutandi 86
- CAP. II. De Traditione** 88
- §. I.** Traditionis definitio, atque divisio 88
- §. II.** Existit Traditio divina, eaque agnoscenda est ut locus Theologicus, seu regula fidei, & morum, continens etiam multa ad salutem necessaria, quae non habentur in Scripturis 89
- §. III.** Regula, quibus traditio divina ab Apostolica, Ecclesiastica, & humana discernitur 100
- CAP. III. De Sacra Scriptura** 106
- §. I.** Sacra Scriptura notio, & definitio 106
- §. II.** De Canone Scripturarum 113
- §. III.** De auctoribus Librorum veteris, novique Testamenti 119
- §. IV.**

S. IV. De Libris Scripturarum apocryphis	518
S. V. De idiomate textus originalis Sacrae Scripturae	130
S. VI. De sacra Scriptura versionibus	132
S. VII. De multiplici Scripturae sensu	135
S. VIII. Sensus Scripturae non est ubique clarus etiam in rebus ad salutem necessariis	147
S. IX. Privatus cuiusque spiritus non est legitimus & infallibilis interpret Scripturae, & Traditionis	149
CAP. IV. De Ecclesia	156
S. I. Ecclesiae notio, & definitio	162
S. II. De membris Ecclesiae. Et primo de hereticis, & apostatis	ibid.
S. III. De schismaticis	166
S. IV. De excommunicatis	173
S. V. De non baptizatis	174
S. VI. De praedestinatiis, & reprobis	177
S. VII. De iustis, & peccatoribus	179
CAP. V. De notis verae Ecclesiae	183
S. I. Veritas doctrinae, & legitima Sacramentorum administratio, & usus non sunt nota verae Ecclesiae	189
S. II. Nota Ecclesiae quatuor sunt simul sumta, nempe ut sit Una, Sancta, Catholica, & Apostolica	191
S. III. De unitate Ecclesiae	194
S. IV. De sanctitate Ecclesiae	197
S. V. De catholicitate Ecclesiae	207
S. VI. De Apostolicitate Ecclesiae	212
CAP. VI. De Ecclesiae proprietatibus	218
S. I. De Ecclesiae visibilitate	226
S. II. De Ecclesiae perpetuitate, seu indefectibilitate	ibid.
S. III. De Ecclesiae veritate, seu infallibilitate in rebus fidei, & morum	229
CAP. VII. De supremo interprete Scripturae, & Traditionis, & iudice controversiarum fidei, & morum	236
CAP. VIII. De regimine Ecclesiae	240
CAP. IX. De Conciliis	248
CAP. X. Utrum R. Pontifex ex cathedra definiens controversias fidei, & morum errare possit.	269
CAP. XI. De auctoritate Scholasticorum	281
CAP.	294

CAP. XII. De locis Theologiae externis	298
CAP. XIII. De Theologicis propositionum sensuris	298
APPENDIX AD LIB. II.	302
CAP. I. De Summis Pontificibus	ibid.
CAP. II. De Conciliis aemoneis	310
CAP. III. De Patribus, & aliisque Scriptoris Ec- clesiasticis	320
CAP. IV. De heresibus	335
LIBER III. De Deo uno	330
CAP. I. De existentia, & unitate Dei	ibid.
§. I. Utrum Dei existentia demonstrari possit	351
§. II. Utrum Dei existentia possit inuincibiliter i- gnorari	358
§. III. Utrum Dei existentia sit fidei obiectum	360
§. IV. Unus tantum existit Deus	362
CAP. II. De natura, sive essentia Dei	367
CAP. III. De divinis attributis generatim	373
CAP. IV. De attributis Divinis speciatim, & pri- mo de ejus simplicitate	382
CAP. V. De Infinitate Dei	389
CAP. VI. De Immutabilitate Dei	392
CAP. VII. De Dei aeternitate	395
CAP. VIII. De Immensitate Dei	400
CAP. IX. De Invisibilitate, & Incomprehensibili- tate Dei	405
§. I. Utrum Deus oculo corporis videri possit	408
§. II. Utrum Deus ab intellectu creato clare vide- ri possit, & comprehendi	410
§. III. Utrum aliqui in hac vita Deum clare vi- derint	420
§. IV. Utrum Sancti plene purgati, seu quibus ni- hil expiandum superest, statim clara Dei visione fruantur, an vero iudicii diem expectent	422
§. V. Utrum amittendum sit regnum Christi mil- lenarium post resurrectionem	437
§. VI. Quomodo beati clare Deum videant	439
§. VII. Quid beati in Deo videant	446
§. VIII. Utrum beata visio sit equalis in omnibus	444
CAP. X. De Perfectione Dei	446
CAP. XI. De Bonitate, & Sanctitate Dei	450

CAP. XII. De Omnipotentia Dei	515
CAP. XIII De Scientia Dei	452
§. I. De existentia, & proprietatibus scientiæ Dei	456
§. II. De objecto scientiæ divinæ	ibid.
§. III. De medio scientiæ Dei	462
§. IV. De divisione scientiæ Dei	466
CAP. XIV. De Voluntate Dei	472
§. I. De objecto divinæ voluntatis	476
§. II. De divisione divinæ voluntatis	ibid.
§. III. De voluntatis divinæ proprietatibus	480
CAP. XV. De Providentia Dei.	487
	497





20

16th M 19

~~16th~~
~~16th~~

1



